

Deuxu Rybe Tyyriti

(Iny Rybe)

**O Novo Testamento na língua
Karajá do Brasil**

Deuxu Rybe Tyyriti (Iny Rybe)

O Novo Testamento na língua Karajá do Brasil
[kpj]

Primeira Edição,
© 1983, Liga Bíblica Internacional

Segunda Edição,
© 2012, Liga Bíblica Internacional

Texto: © Wycliffe Bible Translators, Inc.
www.Wycliffe.org

Visite www.ScriptureEarth.org/kpj
para mais recursos das Escrituras em Karajá.



Creative Commons (by-nc-nd)

Atribuição - Uso Não-Comercial - Vedada a Criação de Obra Derivadas

<http://creativecommons.org/licenses/by-nc-nd/4.0>

Deuxu Tyyriti Òbitidỹña

Ka tyyriti heka Jesuisi Kristumy ijyydu rare. Tule timybo Deuxu inydee ixyby bede riwinyremy relyyre. Tai tyyriti heka bede ywidỹña tỹmyra inire. Timybo Deuxu bededỹñana wihikỹ ityhydỹđu mahādu-ò rare. Ijyy-tyhy sohojile aōkō heka rare. Iny ityhydỹđu heka irybemyna ire awimy rỹimyhỹre.

Tyyriti heka 27my ijyy sōwe, 12my tuu ijyydu. Juhuu heka katyyriti 50 beōramy bede riwyre ibutumy relekremy. Ibutu ijyy heka Deuxu inyluumy ratximyhỹremy relyyre. Jesuisi heka tuu iòbitidỹđure.

Inaubiōwa heka Jesuisimy ijyyna sōwe. Timybo ruaremy idi timybo bede riere, aōwiwihikỹ riwinymy, timybo rurure, iribi tahe timybo rexixaremy.

Ijō sohoji tahe timybo ierydỹña mahādu rotỹñnyremy, Jesuisi Kristu rurure sỹtybmy. Timybo Rybe Wihikỹ Tỹmyramy relyyrenyremy Jerusalē hāwā-ribi rikodelenyrenyre idi hāwā hāwāmy relyyrenyremy.

Ijō sōwe tahe Paulo tyyriti ryby rare. Ityhydỹđu mahādu-ò hāwā hāwāmy rỹire mahādu-ò tarybe riwahinyre ire Jesuisi Kristu rityhynyrenykremy.

Ijō tahe Juaō rityyritinyre timybo tamy Deuxu bede ritỹnynyremy. Ka heka ikonana rare. Tii butumy ijō ijyy ijyy-ribi iwitxi rare. Tii heka tule ierysy isirare. Ihāre tahe ijō ijyywesele rare. Kiemy dori timybo Jesuisi Kristu bede riwedudỹnykremy heka relyyre.

Ka tyyriti heka inyrybereny-ò nawiurònyde. Iny sōwemy tai raaōmysdỹđnyre tuu relekremy. Iwidỹđu mahādu-ò tuu rarybeke timykibo awityhykemy.

Inyrybe-ò rawiuròre heka aō rariōhykylere. Idi tahe timykibo iny rybe-wesetyhylekemy relere iōraru tyhy-wana wiweselekemy Jesuisi mahādu rybe wese wahe.

Versículo heka inumero dire. Idi tahe ibỹkỹ ibỹkỹ mahādu ijyy òraruna rare. Ijyy raerykemy heka numero bỹkỹ-ribi raòrarumyhỹre.

Inyryberawo-ki heka tori rybe rare. Idi tahe aōtxi tori rybe-ki taina riòre [*] roire, inyrybe-ki aōkō. Rybe taina riòre mahādu heka isirare-ki tyyriti konana-ki iòbitina rỹire, vocabulário-ki wahe. Tule tyyriti konana-ki heka iny-ki tori rybemy iny rarybemyhỹre roire.

Apresentação

O NOVO TESTAMENTO é o livro que fala a respeito de Jesus Cristo. O nome — Novo Testamento — quer dizer que foi escrito depois da vinda de Cristo, e que trata do novo acordo que Deus fez com seu povo. São as Boas-Notícias de Deus prometidas àqueles que crêem em Jesus Cristo como seu senhor e Salvador. Este livro não é para ser lido como se lê qualquer outro. Não dá apenas informações, mas produz modificações profundas naqueles que lêem estas Boas-Notícias e crêem nelas.

O Novo Testamento é formado por vinte e sete livros, escrito por doze autores, durante cinquenta anos, mais ou menos. Embora esses livros tenham sido escritos em épocas diferentes, e por diferentes autores, o assunto central é o amor de Deus pelos homens, revelado na pessoa de Jesus Cristo.

Este livro pode ser dividido assim:

(1) Os quatro Evangelhos. Contam a história da vida, dos milagres, dos ensinamentos, da morte e da ressurreição de Jesus.

(2) Os Atos dos Apóstolos. Este livro conta como o evangelho foi anunciado durante trinta anos, começando em Jerusalém e continuando até à capital do Império, a cidade de Roma.

(3) As cartas do apóstolo Paulo. Foram escritas para ajudar as igrejas e os cristãos, no começo do cristianismo. Em seguida vêm outras cartas, que foram escritas aos cristãos em geral, ou a certas igrejas ou pessoas, em particular.

(4) O Apocalipse é o último livro do Novo Testamento, e bem diferente dos outros. Ele ensina a respeito da vitória do Reino de Deus e da autoridade e poder de Jesus Cristo. O Apocalipse é difícil de entender, especialmente para os que estão começando a ler o Novo Testamento. Mas a sua mensagem principal, que é também a do Novo Testamento todo, está anunciada de maneira bem clara: “Agora o poder para governar o mundo pertence a nosso Senhor e ao seu Cristo, e ele reinará para sempre!” (Apocalipse 11.15).

Esta tradução foi preparada pela Sociedade Bíblica do Brasil, que tem como finalidade “DAR A BÍBLIA À PÁTRIA”. Aproveitando sugestões recebidas, os tradutores fizeram cuidadosa revisão da primeira edição. A comissão de tradutores continua a receber, com prazer, sugestões que contribuam para aperfeiçoar a tradução.

A linguagem é, tanto quanto possível, a que o povo fala. É a linguagem de hoje. A tradução procura ser fiel à língua do povo e, mais do que isso, ao sentido do texto grego original. Traduz fielmente o sentido, e não somente as palavras. É uma nova tradução que se esforça para comunicar a mensagem de Deus de tal maneira que todos os leitores entendam.

Esta tradução não pretende substituir as outras. Mas neste século de profundas e rápidas transformações, é necessário que a mais importante de todas as mensagens — A MENSAGEM DE SALVAÇÃO — seja apresentada na linguagem do povo.

O texto grego adotado nesta tradução foi o das Sociedades Bíblicas Unidas (The Greek New Testament, segunda edição, 1970). As variantes textuais incluídas nesta tradução seguem os princípios da ciência textual estabelecidos pela comissão de especialistas bíblicos que preparou o texto grego.

O asterisco (*) quer dizer que a palavra assim indicada vem explicada no Vocabulário, no fim do Novo Testamento.

Índice

<i>livro</i>	<i>título</i>	<i>abreviação</i>	<i>página</i>
Deuxu Rybe Wihikỹ Tỹmyra, Mateu Tyyritidỹỹdu	 Mateu	(Mt)	 1
Deuxu Rybe Wihikỹ Tỹmyra, Marku Tyyritidỹỹdu	 Marku	(Mr)	 49
Deuxu Rybe Wihikỹ Tỹmyra, Luka Tyyritidỹỹdu	 Luka	(Lk)	 74
Deuxu Rybe Wihikỹ Tỹmyra, Joaõ Tyyritidỹỹdu	 Joaõ	(Jo)	 118
Aõhebo Rotỹnyre Jesuisi Erydỹyna Mahãdu	 Aõhebo Rotỹnyre...	(Aõ)	 151
Paulo Ryberiti Roma mahãdu-ò	Roma-ò	(Ro)	 197
1 Oritxi Hãwã Dohodỹyna Mahãdu-ò	1 Oritxi-ò	(1 Or)	 217
2 Oritxi Hãwã Dohodỹyna Mahãdu-ò	2 Oritxi-ò	(2 Or)	 234
Paulo Tyyriti, Alatxia Mahãdu-ò	Alatxia-ò	(Al)	 247
Paulo Tyyriti, Efesu Hãwã-ò	Efesu-ò	(Ef)	 253
Paulo Tyyriti, Filiposi Hãwã-ò	Filipi-ò	(Fp)	 259
Paulo Tyyriti, Òlòsò Hãwã-ò	Òlòsò-ò	(Òl)	 264
Juhuu Tyyriti Tesalonia Dohodỹyna Mahãdu-ò ..	1 Tesalonia-ò	(1 Ts)	 268
2 Paulo Ryberiti Tesalonia Hãwã-ò	2 Tesalonia-ò	(2 Ts)	 272
Paulo Juhuu Tyyriti Tximòtxi-ò	1 Tximòtxi-ò	(1 Tm)	 275
Paulo Inatxina Tyyriti Tximòtxi-ò	2 Tximòtxi-ò	(2 Tm)	 280
Paulo Tyyriti Txitu-ò	Txitu-ò	(Tt)	 284
Paulo Tyyriti Filemo-ò	Filemo-ò	(Fm)	 287
Tyyriti judeu ityhydỹỹdu mahãdu-ò	Hebreu-ò	(He)	 289
Txiau Ryberiti	Txiau Ryberiti ..	(Tx)	 303
1 Pedro Tyyriti	1 Pedro	(1 Pe)	 308
2 Pedro Tyyriti	2 Pedro	(2 Pe)	 314
1 Joaõ Tyyriti	1 Joaõ	(1 Jo)	 317
2 Joaõ Ryberiti	2 Joaõ	(2 Jo)	 322
3 Joaõ Ryberiti	3 Joaõ	(3 Jo)	 323
Judas Tyyriti	Judasí	(Jd)	 324
Deuxu heka Joaõ-ò bedẽ ritỹnyre	Apocalipse	(Ap)	 326
Vocabulário			 346
Índice dos nomes			 352

Kaa ritidỹyna reritinyre Jesuisi
Kristumy rare. Deuxu deòdỹyna rare.
Kia bityhynybenykemy wahe, Deuxu
Riòre wahe tetyhynyteri-wana tahe
umytuedeõna bitakre, ini òraru-ki
wahe.

João 20.31

Mateu

Deuxu Rybe Wihikỹ Tỹmyra, Mateu Tyyritidỹydu

1 ¹Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

²Ibutumy ilabiebohonimy arelyykre. Juhuu tybynimy arelyykre idi iriòrenimy: Abraõ, Ijai, Ijað, ³Juda, Peresi, (Peresi seriòre tahe Zera inire. Isereny tahe Tamara inire.) Esraõ, ⁴Araõ, Aminadabe, Nasaõ, Salmaõ, ⁵Boasi, (Raabe, Boasise rare.) Obede, Rute, Ijese, Kie.

⁶Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriòre rare. Tii heka Roaboaõ tyby rare. ⁷Idi Abia reare. ⁸Idi Asa, Josafa, Joraõ, ⁹Uzia, Jòtaõ, Aka, Ezekia, ¹⁰Ezekia, Manase, Amo, ¹¹Josia, Jekonia, taseriòre-wana.

¹²Babilonia-ribi rohonyreu tahe tiiboho reare, Jekonia riòre wahe: Salatieli (Tii Babilonia-ki reare.) Zorobabe, ¹³Abiude, Eliaki, Azo, ¹⁴Sadòki, Aki, Eliude, ¹⁵Eliaza, Matỹ, Ijað, ¹⁶Ijað tahe Jyje tyby rare, Jyje tahe Marie hãbu. Jesuisi tahe Kristu Deuxu deòdỹyna rare.

¹⁷Kia labiehekỹ sòwe tahe 14my rare, Abraõ-ribi Davi-ò wahe. Tule labieboho 14my rasòwerenyre Davi-ribi Babilonia hãwã-ò ridyreny ixideewimy aòkò ròte-ò. Ixyby 14my rasòwerenyre. Iribi tahe Jesuisi reare.

¹⁸Kawese heka Jesuisi Kristu reare. Juhuu Marie Jyje-wana roikremy rare. Tii ijadòmaule tahe Deuxu Tyytybytyhy ribòtònyre. ¹⁹Jyje hãbu òbiti rare. Tai tahe riixãwididỹnykemy ròhòtynyre. Kia òmo-ò rarybeòlere tuu. ²⁰Kiau yju tamy rarybere tarasina-ki: —Jyje, Davi riòre riòre. Ahãwyy, Marie, biteònyòke. Tuu bexihãwyyntykre. Iriòre dori Deuxu Tyytybytyhy riòre rare. ²¹Jesuisimy raninykre. Kiani tahe irybereny rare: tarasadu. Ibutumy iny dori iòraruna-ribi ritakre.

²²Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

²³—Ijadòma rabòtònykre. Iriòreni heka Emanueli rarekre. Kiani tahe irybe-ki kia rare:

Deuxu iny-wana ratxireri.

²⁴Iribi tahe Jyje dexixade tarasina-ribi. Iwese Inynyryreny tuu tamy rarybere wesemy heka tii riwinyre. Tii-wana ratxiòre. Tii aòhe risỹnyòre. ²⁵Uladu reare xiery tii aòhe rira. Tamy niò riwahinyre, Jesuisi wahe.

2 ¹Belè hãwã-ki Jesuisi reare, Judeia bedeki wahe. Iòlò Herodi iòlòmy raremyhỹ. Iu reareu, Hãbu Erytyhy mahãdu taina tỹmyramy robirenyre. Tai

tahe iòlò mahāduō doidenyde biura-ribi Jerusalē hāwā-ò. ²Tiiboho rÿÿraxirenre: —Iule judeu mahādu iòlò aōbo kaki reare. Jiarÿboho itainamy rabirenre tahe nadoidenyde riwowydynrenkemy. Kaiboho teerytenyde aōbo titxibo ratxireri?

³Tahe inyō Herodiko relyyrenre. Herodi kia roholareu sōwemy riòtiinyre. Tule ibutumy Jerusalē hāwā mahādu riòtiinyrenre. ⁴Tahe Herodi ibutumy dinodu mahādu ributunre: Xiwena wahidÿÿdu dinodu, bede ywina tyyriti erydu mahādu tule. Tahe tamyreny rÿÿraxire: —Titxibo Kristu reakemy timybo tyyriti-ki ròritidÿÿmy roire? ⁵Tiiboho tamy rarybere: —Judeia bede-ki, Belē hāwā-ki wahe. Kia tahe ihetxiu rybedu riritinyre.

⁶—Kai Belē hāwā mahādu. Judeia bede hāwāō. Kai hāwā yja iny rōhōtinyre. Tahe inatyhy aōkō rare. Kai hāwā nihikÿre. Aribi dori dinoduō rōhōnykre. Wamahādu iòlōmy ronykre. Idinodumy rarekre, judeu mahādu dinodu wahe.

⁷Tahe Herodi heka biura mahādu ributunre ibutumy iny-ribi wasimy. Tamy rÿÿraxire: —Tiutxubo taina rōhōnyre? Tahe rirawyònyre. ⁸Tamyreny rarybere: —Kaiboho boibenye Belē hāwā-ò. Idi tahe uladu-ki mahabenykre. Iu wadee manarybebedenykre. Jiarÿ tule tamy arakre ariwowydynkemy. ⁹Biura Hābu Erytyhy mahādu roholarenre. Tahe roirenre. Ryki ixityre tainamy robirenre. Uladu tyrehekÿle ritoosōnyre. ¹⁰Iu tahe sōwemy reysarenre. ¹¹Heto-ò rehemyrenre. Tahe ralorenre. Uladu rare Marie-wana. Tahe tatiowotimy reserenre riwowydynkemy. Isauereny riraynyre tamy riwahinykemy: womati tÿrÿrÿhÿkÿ, hee aderōna, aderōnatyhy wana. ¹²Idi tahe Biura Hābu Erytyhy mahādu rarasinyre. Deuxu tamy rarybere: —Kaiboho Herodi-ò bōðsebenyōke. Tai tahe rywixira-di tasubedereny-ò ròðserenyre.

¹³Biura mahādu tahe ròirenre rahudi tahe Inynyrÿ ÿju nade Jyje-ò rybemy, irasina-ki tamy rarybere: —Ariòre, ise-wana bidyke Egito bede-ò. Herodi dori uladu rubudÿÿmy ratxireri. Adee tiu ararybekreule kaò bōðdòðseke. ¹⁴Tai Jyjeboho rummy rahenyrenre Egito bede-ò. ¹⁵Herodi rubusÿtybymy tahe dōðsedenyde. Tii riwinyre iwese ihetxiu tyyriti rarybere wese, Deuxu rybedu rybe wahe:

—Wariòre Egito bede-ribi nadidyde.

¹⁶Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunre Belē hāwā-ki, tule iÿō iòhò hāwā-ki. Ibutumy howÿtòdu rirubunre inataō beðra iÿōdikeki tahe rirubunyōre. Tai Jesuisi rirubunykemy risÿnyre, iwese tii rareu Biura Hābu Erytyhy mahādu tamy rarybere. ¹⁷Kiamy ta rÿire iwese Deuxu rybedu rarybere wese, Jeremia wahe:

¹⁸—Rama hāwā-ribi ibru-ò iny roholamyhÿre. Rakeli rare. Tii robumyhÿre. Ibutumy iriòre ituere. Tai robumyhÿre. Inyō riteysanyōtyhy iriòre rurureki.

¹⁹Herodi tahe rurureu, Inynyrÿ ÿju heka Jyje rasina-ki tamy nade. ²⁰Tamy rarybere: —Bōðsebenyke judeu bede-ò. Uladu ise-wana bidyke. Kia rirubunykemy risÿnymyhyré tahe, rurure.

²¹Tahe Jyjeboho ròirenre judeu bede-ò. ²²Akelau tahe Herodi riòre ronyre iòlōmy, tyby deròwymy. Tai kowa-ò Jyje ròirennyōre sÿmy. Rasina-ki rybeō rieriye Kalileia-ò ròirennykemy. Tai tahe ròirenre kowa-ò. ²³Nazare hāwā-ki rasÿnyrenre. Kia tahe riwinyre iwese Inynyrÿ rybedu ihetxiu rarybere wese: —Nazare ludu tii rarekre.

3 ¹Kiau Judeia bederahy-ki Joaō Sebedȳydu heka iny-ò rarybemyh̄yre: ²—Deuxu Iòlòna beded̄ȳnana iòhòmy ratxireri. Aòraruna-ribi biixāwi-benyke, bexirāh̄ike! ³Joaōmy heka Isaia ihetxiu riritinyre kawese:

Inyò bederahy-ki rryreri: —Inynyrȳ dee ryòbiti biwinyke. Biwinyke ryò tamy kanakemy. ⁴Joaō kamelo radetty ityy rare. Iròduty iwereysanare. Seihik̄yle bidi-wana ir̄ys̄na rare. ⁵Ibutumy iny tamy ròirenyre irybe-ò roholakemy iòhò hāwā-ribi, Jerusalē, Judeia, Jordaō bero-ribi wahe. ⁶Tamy òrarunamy relyyreny re rabadewomy tamy relyyreny. Tai tahe Joaō heka bero Jordaō-ki tii riratysebeny re. ⁷Fariseu mahādu, saduseu mahādu doide tamy riratysebeny kemy. Kiau Joaō tamyreny rarybere: —Hemylala mahādu! Deuxu aòhòk̄ymyd̄ȳnana-ribi mahenybenyòthy. Aòhe inatyhy? ⁸Juhuu aòwiwihik̄y wid̄ȳna biwinybeny. Tai tahe iny rierykre kaiboho aòraru-ribi inatyhymy texihuteny te. ⁹Fariseu mahādu, kaiboho tahòtintenyte: Abraō heka inylabiehek̄yreny rare. Rikirāh̄iòthy. Deuxu-ò kia aò aòk̄o rare. Tamy wikeki mana-ribi Deuxu heka Abraō riòkòreò riwinykre. ¹⁰Woma tahe òwòru-ribi iòhòmy r̄yira. Òwòru bederaty wiwihik̄y ihoòkeki, kedeseke. Rasòkre. Woma heka Deuxu aòhòk̄ymyd̄ȳnana wese rare. ¹¹Jiar̄y bedi araratisebed̄ȳnyra aòraruna-ribi texirāh̄iteki. Jesuisi tahe Deuxu Tyytybytyhy-di ròratisebed̄ȳkre heòty-wana riratysebenykre. Tii waratyre awityhymy ratxireri. Jiar̄y riwaix̄yunymy watxireri iwa ariwykeki. ¹²Tii maixòmo risykre. Maixòmo ributunyre tahyna-ò. Ir̄ynsi heòty-di riworonykre. Heòty itueòna heka rare.

¹³Idi tahe Kalileia bede-ribi Jesuisi nade bero Jordaō-ò. Tii Joaō-ò nade riratysebeny kemy. ¹⁴Joaō aòkòmy rarybere: —Jiar̄y tahe aò aòk̄o rare. Kai biwaratysebenyke. ¹⁵Jesuisi tahe tamy rarybere: —Deuxu deewina heka kia rare. Rikiwinykre. Tahe Joaō riratisebed̄ȳre. ¹⁶Ròratisebenymy rahudi tahe Jesuisi ròtuòra. Biuwetty rarayre Jesuisi tahe bòtòenimy robire, itxi dobehede, Deuxu Tyytybytyhy wahe. Rybeò biu-ribi narybede: ¹⁷—Kia heka Wariòre rare. Jiar̄y heka sòwemy tukure. Idi wadeysareri.

4 ¹Idi tahe Deuxu Tyytybytyhy heka Jesuisi ridyre bederahy-ò. Tai Sata-nasi riurihikemy tamy rehemynyre. ²Jesuisi heka 40 txumy, 40 rummy heka aò rir̄s̄yòhyhy bede idi r̄yire. Sòwemy heka rama risamy tai raremyh̄y. ³Taile Satanasi tamy nade. Tahe iurihiximy tamy rarybere:

—Kai inatyhy Deuxu Riòre ahāte wana heka mana-di orotxumy biwitxiranymy biwinyke ahinamy.

⁴Tahe Jesuisi dirawyònyde: Deuxu Ritid̄ȳna-ki kiamy roire: —Iny heka orotxudile aòk̄o irumy r̄yirakre. Ibutumy Deuxu rybedile iny irumy r̄yirakre. ⁵Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

⁶Tahe tamy rarybere:

—Kai inatyhy Deuxu Riòre ahāte wana heka katyre-ribi ixi-di behukre bede-ò. Buruòthy heka besekeki. Deuxu tāju kiditeònykre aramykemy. Bede-ò aòk̄o beseke.

Ijò tyyriti rarybere:

—Deuxu araywinykre tāju-di. Tii j̄ju kiditeònykre tebò-di ariijekemy. Awa ritòmonyòthy manatyre-ki.

⁷Jesuusi rirawyònyre: —Tyyriti tule rarybere:

—Deuxu uritere biurihiòke.

⁸Iribi Diabo heka Jesuusi ridyre hāwāldō-ò. Tamy ibutumy bede iòlòna riteò-sinyre. ⁹Tahe tamy Satanasi rarybere: —Beseke atiwotimy tahe biwawowy-dynkeki, adee kia ibutumy iòlòna wiwihikỹ ariwahinykre. ¹⁰—Make Sata-nasi, Jesuusi rarybere: —Tyyriti rarybere:

—Deuxu-ò sohojile deàlana, wowydyna biwahinyke. Tiile bityhinykre.

Deòdu tamy sohojile mabeke.

¹¹Satanasi tahe Jesuusi-ribi rexitare. Yju mahādu rehemynyre iyrubudỹmy.

¹²Joaō òludu heka ròtenawo-ki ritidira. Kia Jesuusi roholareu, Kalileia bede-ò ròsere. ¹³Nazare-ribi rare Kafanaō hāwā-ki rasỹnykremy rare. Tii aho-ki iòhòre, Kalileia aho wahe. Zebulō bede, Natali bede tahe inatxi hāwā ibiòwa rare. ¹⁴Kia tahe Isaia Tyyriti rarybere wese:

¹⁵—Zebulō bede, Natali bede, Jordaō bero kowawe-ribi ijā-ò.

Ahohokỹry-ki. Kai judeukōdu mahādu bede rare, Kalileia wahe.

¹⁶Iny kowasỹ mahādu bede lurus-ki rasỹnymyhỹre. Tahe tiiboho loosònahakỹmy robirenyre. Bede lurusỹ mahādu-ki tahe Deuxu loosòna ritoosònyre.

¹⁷Iribi tahe Jesuusi ritelenyre Deuxu rybe ritỹnynekemy. Tii rarybere: —Aòraruna-ribi bexirāhike. Deuxu Iòlòna bededỹynana dori iòhòmy ratxireri.

¹⁸Kalileia aho ijāti-ki Jesuusi rariamy ratximyhỹ. Tahe inatxi waxidu seriò-remy robire, Simaō Pedro, tule Andre ijøre. Rià-di utura rimymyhỹreny.

¹⁹Jesuusi tamyreny rarybere: —Bodoike wahemy. Iny wadee bimykre. Iwese araerynanykremy bimykre. ²⁰Aòwesele tahe tarià ririrenyre. Jesuusi-wana roirenyre. ²¹Roirenyre tahe inatxi ijō seriòre-ki Jesuusi robire. Txiau ijōni rare. Joaō ijøre. Tiiboho Zebedeu riòre roire. Tiiboho talawo-ki ronyrenyri rià riywinyrenymy. Jesuusi tamyreny rarybere: —Wahemy bòdòike. ²²Tai tahe tybyreny ririrenyre. Jesuusi hemy ròirenyre.

²³Ibutumy Kalileia bedey-ki Jesuusi rariamyhỹre. Tii judeu dohodỹyna heto-ki rarybemyhỹre. Deuxu Iòlònamy ritỹnynymyhỹre, Rybe Wihikỹ Tỹmyra wahe. Sòwemy webinadu mahādu riteytenyre. ²⁴Jesuusimy iny relyyre ibutumy hāwā hāwā-ki Siria bede ibutumy. Tai tahe sòwemy webinadu mahādu didy-denyde tamy, iny tyytybybina-di, iny iumy imyremyrehekỹ wahe. Jesuusi ibutumy iny riteytenyre. ²⁵Iny sòwehekỹ riheludunyre, Kalileia bede-ribi, Debòwiò hāwā-ribi, Jerusalē-ribi, Judeia bede-ribi, tule Jordaō bero kowa-ribi.

5 ¹⁻²Jesuusi inymy sòwemy robireu, raòwònyre hāwālò ratya-ò, lerydỹna mahādu tamy doidenyde. Taile rierynadỹnynyronymyhỹre. ³Deuxuko-ki iny ibinamy rỹimyhỹre. Kia iny tuu rexierymyhỹre, teysatylhy rare. Tii deysana sòwemy tai ratximyhỹre, Deuxu Iòlòna heka ihòròrenymy rarekre.

⁴Robumy rỹirakeki teysamy heka rỹirakre. Ibedewona wiòhedỹyna rybe-di heka tamy kanakre.

⁵Kia inytyhy-di wídee ratxireri, tii heka teysahyymy ratximyhỹre. Ibutumy heka iny ihòròlehekỹle rỹirakre. Bede bede heka ihòròmy rarekre teysamy rarekre.

⁶Inyò-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

⁷Inyō ruxetòena-di ratxireri. Deuxu heka tamy ruxetòena-di rarekre.

⁸Inyō irayky òbitimy ratxiukeki tii heka teysamy rarekre. Tii dori Deuxumy robikre.

⁹Inyō ywina-di wiwana r̄irake teysamy rarekre. Ywinaō-di rarekré, teysamy rarekre. Tii dori rarinikre: Deuxu riòremy.

¹⁰Inyō aōhōk̄my d̄ȳnana reuròkeki, tii dori òbitimy ruruukeki, tii tules̄y teysamy rarekre. Deuxu l̄òl̄na dori ih̄or̄omy rarekre. ¹¹⁻¹²Inyō umyreny relyyukeki uritere hek̄yle. Ruiybe-di umyreny relyyukeki, aōhōk̄myd̄ȳnana adee riwahinykre wana, tai tahe beysakre. Awimy moh̄otinykre. Kai dori biu-ò mahenykre. Tai tahe beysakre kai awimy noh̄otykre. Uritere noh̄oti rosarenyōmy. Kia wese tule Deuxu rybemy rybedu aōhōk̄my rot̄ȳnyre. ¹³Kaiboho heka saawesemy atximah̄atenyete, jyra wesemy wahe bede mah̄adu iny-ò, kai dori kiamy bede mah̄adu tewiòhenanyete. Auri tahe urihim̄yò biōnonykeki tahe aurihixina heka urihim̄yòlemy releke. Kaa jyra urile idi adehu r̄ikyre iny ityre rariakremy. Awih̄ed̄ȳna biōnonykeki tahe aōma aōk̄o beleke. ¹⁴⁻¹⁵Kai loos̄ona wesemy atximah̄ate kabede mah̄adu iny-ò. H̄aw̄w̄o h̄aw̄w̄l̄ò raty-ki roikeki, tiu heka rexiw̄òd̄tyhy it̄ȳnyhy roim̄y-h̄yke. Loos̄onaō iny ritoos̄onykeki, tule heka tiu heka h̄yna rawoō-ki roīotyhy roos̄omy. Aōma roos̄onanyh̄yre ibutu heto jurajuramy heka ibutu ritxuxanyh̄yre. Aōma tamana-ki r̄ym̄y-h̄yrek̄i wahe. ¹⁶Kaiboho tule amah̄adureny awiwh̄ik̄my robikeki tahe Deuxu-ò wowyd̄yna riwahinykre.

¹⁷Jiar̄y heka anaōde bede ywina tueded̄ȳmy. Anade aō Deuxu dee rybedu tueded̄ȳmy aōk̄o heka anade. Anade ibutumy aōmybo rarybere wid̄ȳmy. Timybo rarybere wese heka ibutumy tuu rot̄ȳnymy rarekre. ¹⁸Inat̄yhymy adeereny ararybekre bede ywina tyritiy-ribi tiu ij̄ò iōd̄tyhy ij̄ò sohoji ritiwedena yreō reseōhykre. Ibutumy roikre aōhebo rot̄ȳnymyhyreō bede konanako-txi. ¹⁹Inyō t̄oh̄oti urihim̄yò bede ywina rosakeki rexidelenym̄yhyre iny ribedeerynyōk̄emy iny ritohonyōmyh̄yk̄emy. H̄ābu tahe iyjamy Deuxuko-ò rarekre, Deuxuko-txi. Inyō rityhynym̄yhyre irybe iny rybedeerynym̄yhyre. Tii tahe Deuxu l̄òl̄na-ò nihik̄my rarekre. ²⁰Kaiboho aōma fariseu mah̄adu-ribi awityhymy ixi-di moh̄otinybenykeki. Tiu heka Deuxu l̄òl̄na-ò ar̄òterenyōmy. Kaiboho heka awi toite aōma fariseu mah̄adu judeu mah̄adu wedu ratyre heka awi boibeke. Kia aōk̄okeki tahe mal̄òbenyōtyhy.

²¹Ihetxiu bede ywina Tyriti kawesemy rare:

—Kai inyō birubunykeki heka iōwynamy iny akanarubunyke. Kia heka bede ywina heka rare.

²²Tahe warybe urihim̄yò iwitxira bede ywina-ribi. Kai inyō-ò maraykynykeki. Tai tahe brebunahak̄y-ki tate. Abiōwa-ò bininikeki itx̄ytemy. Tamy kai marybekeki: —Kai aōki awiōre. Tai tahe ak̄ynadykre heka aōma ywisid̄ȳduko-ò araōwynykre. Inyō-ò kai makyaranykeki kai brebuna-ki texi-l̄or̄omy tate. Kai inyō deramy mabekeki uriteremy nodu tamy marybekeki, tai brebuna-ki tate. Inyō òs̄ȳny aradykre wisid̄ȳdu mah̄adu-ò. Inydee ratyhymy mabeke wana aōk̄o raremy marybekeki, heōty kōnana bede-ò make lau brebuna-ki tate. Iōh̄arure kai heōty bede-ò makemy. ²³Kaki aōma nieru xiwena wahid̄ȳna-ò behemynykeki inyō-wana aōhe widee bot̄ȳnykeki òh̄oti rosaōlemy ah̄ate wana. ²⁴Deuxu heka axiwenā tewahinyōhyym̄yhyte aōma xiwena bire-ki heka birike. Tahe biijeke aseriōre juhuu. Aōma wana

biòbitinybenyke wídee marybebenyke. Iribi tahe tamy bedehemynyke xiwena wahidýyna-ò wahe tadevenymy atximahâte wana hâbuò-ò. ²⁵ Aôma tai tahe ìðraru-ki aòludumy relera wana. Tamy behemynyke aôma timybo tii-wana widi biywinykemy timybo adeve biòwynykemy tamy heka bitobiny òrale heka aôma rierýke urenana. Aradyhemy aôma ywisidýýna ube-ò, idi ywisidýýna mahâdu, idi soldado. Tai tahe bitobinyke bede rierýkemy. ²⁶ Inatyhy heka adee ararybekre ròtenawo-ki malòkeki. Tiu heka aòlòkòmy aôma iòwy mahumy adi ròhòtinkyre. Idi mohòtinkyke xiery heka bòhònyke.

²⁷ Juhuu ihetxiu heka kaweselemy Tyryiti-ki rarybere:

—Òtaômy!

(Bede ywina tyryiti-ki wahe.) Kawesemy heka jiarý rebedeerynywâhâre. ²⁸ Ôtamy ròhòtinkykeki hâwy-ò retehekeki ôtamy rexinohòtinkykeki. Tai heka tii òta òraru riwinymyhýre. Iwese iwítxira hâwy-wana roireri yrubule taheka òta òraru riwinymyhýre. ²⁹ Arueò òraru-txi araatykeki, bitake. Awityhymy biu-ki malòke kawesekile heka awire, Deuxusý-ò malòke wahe. Arue wiòmy tahe awiòmy biu-txi arue yremy heòty bede-ò make tahe ibi-natyhyre. ³⁰ Tule eraò bitake iurelemy era-di make biu-txi. Aumy ibutuhuký-lemý heòty bede-ò rakehârele tahe awiòre. ³¹ Bede ywina heka kawesemy ròhònyre iny-ò juhúu wahe:

—Inyò tahâwy ixi-ribi riteònykeki rixâwididýýnyra tamy tyryitiò riritinymyhýre. ³² Iwítxira rybe-di jiarý arukile tahe hâbu tahâwy riatyra. Inyò uritere òta òtana òraru-ki ixi-ribi tahâwy riteònymyhýre. Tai tahe hâwy roimyhýre hâbu wítxira hâbuò-wana. Tai tahe òta òtadumy kia hâwy rininire. Adýýwe òraru-ò riteònyre tahâwy riteònyre uritere òhyynaòle. Tai tahe tii adýýwe òraru-òle heka riteònyre. Taile heka hâwy hâbu wítxiramy heka roimyhýre ahâbuò tahâwy uritere hyynaòle riteònymyhýre mahâdu hâbu heka. Tii heka tule òtadumy relemyhýre hâwy òta òtaduò heka roireki wahe.

³³ Juhúu heka ihetxiu kia wesemy Deuxu tamýreny kia rarybere:

—Taholatenyte kiamy Deuxu heka uritere ruiòmy atximahâbenyke Deuxu-ò biwinybenykemy marybemy bimýkeki biwinybenyke.

³⁴ Tahe jiarý heka kiamy adeereny ararybekre. Aòwidýýmy ixi-di nohòtire-nyòmy ryberenyòmy iwíðýýmy. Ixinohòtidýýmy ryberenyòmy ariwinykre biwawiòhenanyke wana biu-ribi wawiòhenanykre wana. Uritere heka tuu ryberenyòmykre kia wesemy biubrò-ki aòkò biu dori Deuxu rynana rare. ³⁵ Kiamy uritere rybeòmy bedebrò-ki aòkò aò biwinykemy aómy mabekemy. Bede dori Deuxu idi ratximyhýre rare. Deuxu waa elehyna dori bede rare. Jerusalé hâwâbrò-ki tule aòkò, tii dori lòlòtyhy hâwâ rare. ³⁶ Tule arade-di widýýmy uritere dori rybeòmy kai dori awítxiranyòtyhy arade iura-ò ilyby-ò urile araykywydynakile tuu ratxike. ³⁷ Aôma araykywydynakile heka tuu riwítxiranykemy idi tahòtinymyhýte. Kiamy heka tarybemahâte iwíðýýnamy teuremy tarybemyhýte: —Kohe, kiale ariwinykremarybeke ada aòkòre, ariwinyòtyhymy aòbo. Kiamy marybekeki iratylemy kohe, aòkòre myý aòbo. Sòwemy marybekeki tahe aòbina binahakýle heka ròhònyke.

³⁸ Ihetxiu bede ywina ròhònyre.

Inyò wítxira rueò ribinadýýnykeki, iny wítxira tule iwesele riwinyke. Kia widýýdu rue heka ribinadýýnyke. Rue heka wilemy

raðwynyre rueðwilemy. Juhu tasý ýjuölemy raðwynyre. Jiarý tahe rebedeerynyre kawesemy.

³⁹Inyð aöbinamy adee riwinykeki, aö aökö tamy biwinyke. Inyð aösýny rihetenykeki, tule iwyð-di beake rehetenykemy. ⁴⁰Uritere aöludu-ð ixiðwy-dýýömy. Aöma ijö atyy ritakeki heka tule tamy arahana biwahinyke. Inyð sohoji urixinamy adee ixidinomy reake wana. Inatximy heka tii-wana beake. ⁴¹Inyð ixitöedýýmy aö aribi riwykeki tamy biwahinyke tule inyð aribi aö huðtemy riwyke wana. ⁴²Abròrò itue-di tamy ðkeseömyke iwöde-ki ihuðtemy biwahinyke.

⁴³Ihetxiu heka taholatenyte kawesemy:

—Kai heka aö hāwā ludu mahādu luomy heka madönymyhýre.

Aöludumy aki ratxike wana tukumy atxike teramy atximahāke. ⁴⁴⁻⁴⁶Tahe iwitxiramy ararybekre. Aöludu heka arabedeerynyke. Tukumy mabekemy inyð aöhökýmýdýýnana rotýýnyreri wana tamy rexitöenyke. Kia wese-ki heka inytyby riðremy mabeke, Deuxu riðremy wahe. Tii dori juu riðlödýýnymyhýre inybina tyre-ki wahe. Tule iny wiwihiký tule-ki aöma biu heka tule riteönymyhýre. Aöma iny öbitiködu mahādu tule-ð. Tule öbiti mahādu tule riteönymyhýre. Aöma tukumy ahāte sohoji ratximyhýre sohojile kai itukukeki. Kia heka awi aökö rare ibutumy öraru mahādu heka tule riwinyremyhýre kia wese. Aöma urile rybedýý azry mahādu, Aseriðre mahādu. ⁴⁷Tulesý kia aöma aökö rare aöma tule heka judeuködu mahādu dori tule riwinyke, tii Deuxu rieryköre. ⁴⁸Öbitityhmy kaiboho boibeke. Aöma jiarý heka arabedeerynyreri biu-ki inytybyreny ratximyhýre dori öbitityhy rare.

6 ¹Wahisidýýna wiwihiký kai hāburu-ki iwahisidýýömy iny-ð. Kai itxere-naönamy biwahinymyhý. Aökökeki tiu inytybyreny-ribi bitaötyhy aöwy awahisidýýna.

²⁻⁴Kai biwahinykeu iny adee aömybo rurumyhýreö. Uritere ibutumy iny itxerenamy iwahidýýömyhý. Inyð-ð öbiti mahādumy riwisýnymyhýre mahādu, kia wesemy heka tii riwinymyhýre heka. Dohodýýmy heto-ki tuu riwinymyhýre kia wesemy tule ibutumy hāwāhāký ruetyawetyamy tuu riwinyrerimy ihýre. Inatyhy dori adee rarybereri: —Aöma wahisidýýnatyhymy heka adee rarybereri: —Wahisidýýnaö ixidee ritamyhýre. Aöbo Deuxu wahisidýýnaö heka adee riwahinyötyhy. Tai heka Deuxu wahisidýýnatyhy riwahinyötyhy tamyreny. Iny-ð aö biwahinykeki, abiðatyhy-ð belyöke. Wasilemy tamyreny awiðhedýýna biwahinyke. Iny tybyreny dori ibutumy aöna aöna ròtena rieryre aöwahisidýýna adee kidiwahinykre.

⁵Iwese budu mahādu riwinymyhýre wese uritere iwidýýömyke. Kia wesemy aökö heka bexitöenyke. Ibuturu-ð rexitöenymyhýre dohodýýna hetowo-ki heka lamamy rexitöenymyhýre. Hāwāy-ki dori rexitöenymyhýre ibutu itxerenakemy. Inatyhymy heka adee rarybere: —Atarasana ibutumy ritare. ⁶Inatyhy dori ritare.

—Bexitöenykeu malöke aheto jurawo-ð. Ixi-di bijjötöbönyke.

Ierykönamy boo ratximyhýreö heka bexitöenymy myike. Ibutumy heka boo aöbo wasimy iny riwinyriwinymyhýremy robimyhýre.

Tai-ki tahe bede ywina wihiký heka adee kidiwahinykre.

⁷Tule rexitöenymyhýreu uritere irehemy idi lamaömy uritere ixityre ixitremy tamy ixitöedýýömy wiwesewesehyyle.

Judeukōdu mahādu dori kawesemy riwinymhÿre. Kiamy heka raraykywydynanymhÿre aōma rexitōdenyre ehehekÿkeki heka roholatyhykemy rōhōtinymhÿrenyre uritere widÿÿōmy iwese tii riwinymhÿre wesemy. ⁸Inytybyreny dori rierymhÿre aōmybo iny raraykynymhÿré. Inyboho heka rexitōdenymhÿreu rierymhÿre aōmybo inyboho rurumhÿrenyre. Iny sōwemy rarybemyhÿrele aōkō heka tii roholamhÿre. Aōmybo iny rurumhÿrenyre, heka bexitōdenybenyke. Kia wese:

⁹ Wahareny, biu-ki atximahāte. Anityhy iny ibutumy rityhynkemy idi rierykemy watxireri.

¹⁰ Aiōlōna heka wymy kanake. Iny adeewile riwinykemy iwese biu-ki relemhÿre wese.

¹¹ Wadeereny txuō txuō rÿsÿna bidiwahinyke.

¹² Waōrarunareny ōhōti-ribi bitosadÿÿnyke. Iwese jiarÿ inyō ōraruna wanohōti iribi aritosadÿÿnymhÿre wese.

¹³ Isiratyhy urihixina-ribi heka biwayrubunye, ōraruna-txi reseke lau. Aōna aōna bina-ō bidiwajebenyke. Iōlōna, ruru, loosōna heka ahōrōhy rare. Kie.

¹⁴⁻¹⁵ —Inyō ariixāwidinykeki iaōbina-ribi. Tule inytybyreny riwaiixāwididÿÿnyke. Deuxu iōraruna-ribi riixāwididÿÿnyke. Beinareheke wana.

¹⁶ Uritere aōsÿny bedētiidÿÿōmy iwese budu mahādu rÿira wesemy. Tai heka byreōmy iny-di txuu rÿimhÿremy widi retehemhÿre. Wiji ōhōtirenreake. Heka raōwynyra inarehena irareny. ¹⁷Tai narehereheu tainarehenyteu. Atarina-di ahātemy beake aōsÿny bisuhōke. ¹⁸Inywitzira heka anaeryōtyhy kai tenarehemy atxiteri. Inytybyreny sohojile heka rierymhÿre. Inyō tuu robiōtyhy. Tii tahe ibutumy aōna aōnamy robimy wasimy rÿiramy. Iribi tahe tii araōwynyrenyke.

¹⁹ Aōna aōna butudÿÿōmy tyy, nieru, aōna aōna wiwihikÿ butudÿÿōmy kabede-ki. Txudōera dori ibutumy kabede-ki tuu riroxike aōna aōnamy. Aōma rararÿÿnyke iaōmydÿÿna ibutumy rararÿÿnyke rahuke. Wasidu tamy ralōke. Iaōmydÿÿna-ō sōweō wyremy rasinyke iaōmydÿÿna-di. ²⁰Kaki ibutudÿÿlemy heka biu-ō bibutunye. Tai heka txudōera aō rirōōtyhy tule rararyōtyhy. Tule wasidu aōkō rare. ²¹Titxibo aōmydÿÿnana ratxireri iwesele taheka arayky ratximhÿre. Biu-ki aōbo ada bedē-ki aōbo. Aōma bedē-ki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aōmydÿÿna butuna raykywydyna ratximhÿre. ²²Arue heka loosōna wesemy rare. Aumy dee itÿnykeki heka aumy ibutumy loosōna-di tÿximy rarekre. ²³Aumy ibinakeki tahe bedē loro-ki matxike. Aumy bedē lorohokÿ-ki ratxikeki ibinatyhymy matxike aōma butunale-di iny rōhōtinnykeki heka tiu Deuxu iny riwiōhenyōtyhy. Deōdumy heka releōtyhy. ²⁴Inatxi wedu-ki dori inyō rityynyōtyhy. Tule heka tii roholamhÿre ijō-ribi tahe tōhōti rosamhÿre. Inyō Deuxu deōdumy releōtyhy tii aōna aōna butunadile rōhōtinymhÿreki. ²⁵Tai heka tuu rarybereri adeereny. Uritere nohōtiyreōmy arÿsÿnamy tule atyymy, idi matykynkemy. Aumy dori rÿsÿna ratyre aōnityhymy ratximhÿre. Tule aumy tyky ratyre aōnimy ratximhÿre. ²⁶Nawii-di inihe betehebēnyke. Tiiboho heka aōd-worumy aōkō rōbrōmymhÿrenyre. Aramyre heka aōma tarÿsÿna wydymy

bederahymy tarýsýna riyrubunyôhyymyhýre heto nihiký-ò. Deuxu biu-ki ratximyhýré heka nawii riyrubunymyhýre irýsýna tamy riwahinymyhýre. Kaiboho tahe iratyretyhy toite, Deuxu-ki wahe. ²⁷Sôwetyhymy marayky-wydynanykeki aôbohe, arumy aôbo arirarehemy mariake. Aôkôre. ²⁸Uritere nohôtiryreômyke atyymy. Betehemyhý inihe noijasa-di. Aôma tiiboho heka raaômysýdýôhykymyhýre. Tai tyky wihiký-di rexytyynyke. Tyy ixidee riwinyôtyhy. Ihâre tahe Deuxu rityynywihikýre heka tyy wihiký tamy riwahinyreri. ²⁹Salomaô heka itykynihikýra. Ihâre tahe ityky heka awityhy aôkô rare. Noijasa heka iratyre ityky wityhyre. ³⁰Deuxu heka noijasa ritykynymyhýre aôma noijasa heka wijilemy idi ihýre. Biurasômy tahe ixâwilemy reamyhýre, risôra. Tii heka tyky adee kidiwahinykre. Nohôtiryreômy tahe. Tii dori adee kidiwahinykre tykyô. Aityhyna dori ibutetyhyre heka. ³¹Tahe raykyômy nohôtîomy titxiribibo arýsýna bidiwykré, atyky amona. ³²Tyhydýýdukôdu mahâdu heka kiable heka ritôhôtidýýnymyhýre. Inytybyreny heka rierymyhýre aômybo tarumahâte. Ibutumy heka araerymyhýre aômybo taruterimahâte. ³³Tii Deuxu aôma dýýnana sohojidile. Manaykynykeki heka tii ibutumy adee riwahinykre. ³⁴Uritere nohôtiryreômy aôbo biurasô kia aômydýýnana-ò. Rýire dori sôwemy wiji biaômysýdýnanykremy biwinykré. Iwixiramy bidwinykre iwixira aômydýýnanaô.

7 ¹Iny witxira witxira-di ywisidýýôkeki. Aywisidýýna wesemy heka Deuxu ruxetôdena-di ywisidýýmy araywinykre. ²Iny teywinyamahâte wesemy heka Deuxu araywinykre. ³Kai heka ôwôru nihikýereô arue-ki ijôdikeki, aôherekibo bederarsi sômo-di inywitxira rue-ribi bitakemy atxiteri. ⁴Tai heka kai bobiôtyhy itarasa-ki wahe. Arue-ki dori ôwôruere ijôdireki heka bobiôtyhy. Ôwôru ere dori aôraruna sôwemy rýire wesemy heka atximahâte. ⁵Kai texibônyteri. Aôraruna-ribi juhuhu bexiôbitinykre. Idi tahe aserîôre ôraruna-ki biwiôhenanykre. Aôraruny-di rierymy idi ôbitimy betehekre iôraruna-ribi iixitarasadýýmy biwiôhenanykemy.

⁶Inyô heka utura rati mana wiwihiký-di rehuôtyhy aôma ixýni herina-txi. Ixýni dori ityre rariake tahe riônonyke adee heka kanakemy wahe. Iwese tule heka ijôrôsa-ò biwahinydýýomyke. Rybewiwihiký hâbu ôrarudutyhy-ò iwahisidýýomyke.

⁷⁻⁹Rexitôenykeki tahe bitake kia. Biekeki tahe tai mahake. Bihetenyekeki heka iny adee riraynyke ijôtôbôna. Inyô heka Tyby-ò rýsýnaômy rexitôenykeki, mana heka tyby tamy riwahinyôtyhy. ¹⁰Uturaômy rexitôenykeki tahe hemylala binahaký tamy tiu riwahinyôtyhy. ¹¹Kai aôna aôna wiwihiký biwahinyke heka teerymyhýte auladu-ò wahe, hâbu ôrarudu hârele wahe. Aôbo heka tule Deuxu inytybyreny inydeereny riwahinyke aôna aônaô wihikýô. Rexitôenykeki tahe tamy ariwahinyke. Inytybyreny heka tamy riwahinyke. Iwese iny witxira teyrubunymahâte wesele heka iny araywinymy xixi-di tahôtinymahâte wese. ¹²Tule kai aôwiwi inyô ixidee aôhebo rotýýnymyhýkemy taruterí, kiaweselemy tamy botýýnymahâke. Kia heka Moisesi bede ywina tyriti-ki roire. Kiale Deuxumy rybedu mahâdu ribedeerynyre.

¹³Biu bede wiwihiký kia ryýijôhýtýdile malokre. Heôty ijô bederyijô heka nihiký rare. Iny kia ryhyký irumy rakre heka isirare iny ibute kowa ralore. ¹⁴Irumy nonona ijô tahe ihýtýre. Ryy heka ihýtýre heka ibutere iny ryhýtý-di rôtedu timy bede erydýýkôdu-ò.

¹⁵ Bexiije benyke kia mahādu lau Deuxu rybe rybedu mahādu tyhymy aōkō lau wahe. Budoeni wese ratximyh̄re inytyhy wesemy. Tawo-ki tahe inatyhy rare ahola debore wesemy heka ratximyh̄re. ¹⁶ Teeryte wesemy ibederaty-ò betehekeki. Hede-ò heka uvamy figomy tule tiu iratyōna. Iaōmyd̄ȳna-ò bierybenyke tibo roiré. ¹⁷⁻¹⁸ Tii heka bierybenyke aōhebo rot̄ȳnyre wana teerytenyte. Tii heka riitxenanyōtyhy kia aōma matyty matynimy heka tiu biitxenanyōtyhy. Tule betehekeki, bierybenyke aōwesele heka òwòruò bierybenyke. Aōma bederatyō bir̄s̄ȳkeki tiu heka bederaty wihik̄yō ar̄s̄yōna òwòru ratyy-ò, bederatybinahak̄y tule rierykre. ¹⁹ Òwòruò bederaty wihi-k̄ȳmy raratynyōkeki heka hemy raòròròke rokoke. ²⁰⁻²¹ Kia weselemy heka iny teerytenyte. Aōhebo iny rot̄ȳnyke wahe. Tai tahe terytenyte heka, tete-hetenyerikile wahe. Òbiti mahādu wesemy rarybemyh̄re. Tahe òbitimy aōkōre ih̄re. Sōwemy heka iny tawedumy riwaninire. Ihārele tahe biu-ò ralòòtyhy. Deuxu tyhyd̄ȳdule tahe ralokre. Ywisid̄ȳnatxu heka kawesemy wadee rarybekre. ²² Sōwemy iny wahe: —Wanyr̄, Wanyr̄, jiar̄ hewa iny iwitxira sōwemy aijyy rarybemy rare wahe. Tule heka tyytybybina reteònymy rarewāhā. Tule deytana wiwihik̄y heka ani-di rewiny myh̄re. ²³ Tai tahe jiar̄ tamy ararybekre heka: —Kōrehe, kaiboho aō wamahādumy aōkō atximahāte. Umy reerykōre. Waribi bexitake. Aòraruna dori sōwere.

²⁴ Kawesemy heka iny bede eryna ratximyh̄re. Warybe-ò roholamyh̄re heka aōwesele riywinymy rityhynymyh̄re. Kia hābu hetowid̄ȳdu wesemy heka rare. Iheto heka manatyre-ki riwinyre. Tii heka ibedeery sōwemy ih̄re. ²⁵ Biu heka beòra heka rariamyh̄re. Iu tahe biu rejuxunymyh̄re, yhy rebonyre. Tahe tiu reseōtyhy manatyre-ki dori riwinyre. ²⁶ Warybe ijohonadu tahe iwitxiramy ih̄re. Hābu itx̄yte tahe warybe-ribi aōwesele tōhōtiren̄y rosamy ih̄re. Kaiboho aōbedeeryhyk̄y aōkōre roire. Tii heka iwese hābu ȳnarakile heto riwiny myh̄ wese rare. ²⁷ Biu risebenykeu, beòra rareareu, yhy rebonyreu tahe iheto reseke, ibutumy iōre, rahura.

²⁸⁻²⁹ Ibutumy heka Jesuisi rybe erysyd̄ȳna-ò bede riòtiinyre. Tii heka hābu erysyd̄ȳdu wesemy tii ribedeery myh̄re. Aō judeu wedu wesemy aōkō ribedeerynyre.

8 ¹ Tii hāwālò-ribi dobehedeu, sōwemy heka iny ihemy doidemyde webinadu, tybina heka tamy nade. ² Wowydyna rybe-di heka tamy rarybere: —Adee wikeki heka kai biwateytenyke. Jesuisi dirawyònyde: ³ —Wadee awire, arateytenykre. Tahe tamy tebò ritytere tamy reerimy. Ittybinana riteytenyre. ⁴ Tahe Jesuisi tamy rarybere: —Boholakre, iny-ò uritere rybeōmy.

Kai tahe makre xiwena wahid̄ȳdu-ò xiwenaō biwahinykre. Idi tahe Moisesi bede ywina raryberewesemy xiwenaō biwahinykre. Kai tahe iny rierykemy heka yteny ratximyh̄re.

⁵ Jesuisi Kafanaō hāwā-ò rehemynyreu heka hābu soldado weduō tamy rehemynyre. Tii tahe Jesuisi-ò rexitòenyre: ⁶ —Wadeòdu biteytenyke rate-renymy ratxireri waheto-ki. Sōwemy aōhōkōmy rot̄ȳnyrereri. Ibinatyhymy roireri rexisiranymy raratykōhykylemy. ⁷ Tai tahe Jesuisi tamy rarybere: —Rakakre, tai ariteytenykre. ⁸ Idi soldado wedu rariwyònyre: —Aōkōre, Kai hābu wiwihik̄y tate. Jiar̄ tahe hābu aō aōkōmy jiar̄ watxiwāhāre. Waheto-ò manalòōtyhy. Karibile marybekre tamy taile taile tahe wadeòdu reytekre. ⁹ Jiar̄ dori reyyre. Jiar̄ heka tule hābu weduōmy watxiwāhāre. Soldado

heka sōwemy riwatyhynymhÿre. Iny sohoji-ò aōma rakremy rarybemyhÿré heka, ramymhÿre. Tule ijō dee rarybemyhÿre: —Manake, tai tahe namy-hÿde. Ijō dee rarybemyhÿre wana: —Kai biwinyke, idi riwinyimhÿre. ¹⁰⁻¹¹ Tai tahe Jesuisi ribedeòtiidÿÿnyre irybe-ki wahe. Tahe rarybere erydÿÿna mahādu-ò: —Judeu mahādūy-ki tai rahaōre ijō-ki kahābu wesemy inaty-hynana sōwereki. Sōwemy heka judeukōdu mahādu ritynykyre kia weselemy. Ijō txu aō wiji aōkō heka riroxirenyke: Abraō, Ijai, Ijaō-wana biu-ki heka riroxirenyke bedede ludu iny mahādu-wana. ¹² Judeu mahāduō ròrenyōkre tamy. Tule kaibohoō tahe aōhetykrebo. Ijō mahādu dori bedede lorohokÿ-txi resekre. Taiki tahe irynamey rurykre aōkōmydÿÿnana-ò. ¹³ Taita Jesuisi soldado dinodu-ò rarybere: —Makre, timybo wiji tahōtinymy tetyhynyte wesemy heka rarekre. Iurele teōdu reyttere.

¹⁴ Iribi tahe Jesuisi Pedro heto-ò ralōre. Iriōre lahi heka aōma rubuna nihikÿ roimyhÿ. ¹⁵ Tahe Jesuisi rimyre tebō-di tamy rerire. Idi tahe irubuna iribi ròhōnyre. Tai tahe tii ronyre. Ronymy tahe rÿsÿna riwinyimhÿ tamyreny. ¹⁶ Txiorotyhymy inyō didyde aōma tyytybybina nihikÿ-di ratximyhÿō. Iu Jesuisi sohoji rybeōmy rarybereu tahe aōwesele iribi ròhōnyre. Kia webinadu didyde, tule reyttere. ¹⁷ Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanareny waribireny riwyre.

Inatyhyre.

¹⁸ Iny sōwemy ributunyre. Tai tahe taerydÿÿna mahādu-ò tii rarybere: —Rokoiirenyhe kanawe-ribi ijā-ò. ¹⁹ Tai judeu mahādu, bedede ywina bederydÿÿduō tamy rarybere: —Awana arakre titxibo makreu heka ahékile anakre. ²⁰ Tahe Jesuisi dirawyōnyde tamy heka rarybereri: —Ijōrō heka ihāloo dire, ibÿtÿ dire, nawii bÿtÿ isÿ dire. Tahe jiarÿ, Deuxu Riōre Hābutyhyhykÿ wahe, wahetoōre, waherinaōre. ²¹ Ka ijō iheludu mahāduō tamy rarybere: —Wanyrÿ, waha heka rurura. Tai heka juhūu arituunykre. ²² Tamy rarybere: —Manake, wijile biwaheludunyke. Rubuōmy rÿira, rubu mahādu heka rituunykemy idi ratxireri.

²³ Jesuisi hāworo-ki ronyre tahe reurore. Ieryredÿÿna mahādu riheludunyre nyre kia lawokile. ²⁴ Ahobetya-ki tahe yhy debore nihikÿ tamyreny rehemynyre. Tahe òbō nihikÿmy resemhÿre. Uritereribile yhyhykÿ beede riòbōnyra hāwō rilÿmynyke iòhōtyhyre. Jesuisi tahe rōrōmy roimyhÿ iu. ²⁵ Tai tahe ierydÿÿna mahādu heka riixixadÿÿnyre. Tamy raryberenyre: —Biwayrubunykre, Wanyrÿ. Aōkōeki, rukururenkyre. ²⁶ Jesuisi tamyreny rarybere: —Aōherekibo kaiboho taberutenyteri? Aityhyna sōwe aōkō atxitenyteri. Jesuisi tahe rÿimy reare. Yhy debure-ò, òbō-ò rarybere: —Biiryke, bedede binahakÿ. Tahe aōwesele ibutumy riyrira. ²⁷ Ierydÿÿna mahādu urile ribedeòtiinyre. Tiiboho raryberenyre: —Aōhābubo tii ihÿre. Òbō, tahe yhy-wana tamy roholare. Iwese tii rarybere wese rityhynyre. Irybemynale riwinyre.

²⁸ Kalileia aho ijō weribi ijana-ò ritehemynyre. Kowa bedede heka Kadara inire. Tule hābu inatxi heka tyytybybina-di tai rasÿnyrenyre wabedewo-ki. Kiary-ki tahe ibutumy iny ruberure. Iribi tahe ròhōnymy reare. ²⁹ Aōwesele heka ryrymy roirenre Jesuisi-ò rarybekremy: —Aōwe wadireny tate, Deuxu Riōre? Kai aōbina binahakÿmy wahōrōdÿÿōmykre. ³⁰ Tahe kowa-ki ixÿni juramy riroximy rÿimyhÿ. ³¹ Tyytybybina tahe Jesuisi-ò rexitōenyre:

—Biwatòenybenykeki, ix̃ni jurawomy aralorenkemy biwateònyke. ³² Tahe Jesuisi rarybere: —Bòibenyke hàbuwo-ribi. Tahe ròirenyre ix̃niwo-ò. Ix̃ni jura tahe ibutumy rejuxunyre ijòtira-ribi. Berawo-txi tahe rabòròròre. ³³ Ix̃ni-di itxeredu mahādu tahe hāwā-ò roirenyre ijyymy. ³⁴ Kia hāwā ludu mahādu tahe roirenyre Jesuisi-ò itxeremy. Tai tahe tamy rarybere ibede-ribi ròhònykemy.

9 ¹ Ribererenyre aōma hāwò nihik̃ỹro-ò reuròrenenykemy kanawe-ribi ijā-ò. Tai tahe Jesuisi tahāwā-ò rehemynyre. ² Tai tahe didydenyde weryrybòò byre-di idi betyky-di ramyremyrenymy roimyh̃yre. Tahe hàbu mahādu inatyhyna Jesuisi rieryreu heka hàbu dee rarybere: —Waexi, beysake, aòraruna dori reixāwidid̃ỹnyra. ³ Tai tahe ritid̃ỹna bederyd̃ỹdu mahādu retehereri. Ixideele heka rarybemahā: —Kia heka ibinamy Deuxumy rarybereri. ⁴ Iyky Jesuisi rieryre tahe tamyreny rarybere: —Kai aòbo ibinamy waki tahateri arayky-ki. ⁵ Timybo heka kaiboho tahòtinyteri. Aōma iòraruna ariixāwidinyke aòbo ada iumy ariteytenyke aòbo? Aòbohe isiratyhyre wadee tahòtinyte wahe. ⁶ Deuxu-ribi waruru dire. Kabede-ki heka òraruna ariixāwidid̃ỹnyke jiar̃y heka Deuxu Riòre Hàbu tyhyhyk̃y rareki wahe. Tamy rarybeker: —Myike, abyre bimyk̃re ta mariakre as̃y-ò. ⁷ Tai tahe hàbu aōwesele r̃yimy reare. Tahe taheto-ò rare. ⁸ Tahe bedede inysòwetyhy heka ribedeòtiid̃ỹnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiar̃y heka nieru butud̃ỹna heto-ki ranymahā. Jiar̃y rebutunymahā aōma inyòwyd̃ỹna heka rebutunymyh̃yre. Iu Jesuisi wadee rarybere: —Manake waeryd̃ỹnaōmy heka beleke. Tai tahe jiar̃y tii-wana heka rare aōwesele heka ihemy rare.

¹⁰ Tai jiar̃y retobinyre kanakemy waheto-ò. Waheto-ki riroxikemy tae-ryd̃ỹna mahādu-wana. Tai tahe sòwemy heka iny waery mahādu dòidenyde, òrarudu nihik̃y mahādu wahe. ¹¹ Tule heka fariseu mahāduò tai ratximyh̃y. Tahe Jesuisi eryd̃ỹna mahāduò kiaò-ò heka rarybere: —Aòherekibo Jesuisi òrarudu nihik̃y mahādu-wana riroxireri? ¹²⁻¹³ Tai Jesuisi roholarehe tamy rarybere: —Aōma òhotibedu heka, webinadu mahādulemy aònityhymy raru-mahāre. Òhotibedu-ò kanakemy. Binadu mahādu-ò tahe tiu ararariòwyòtyhy aōma òbiti wid̃ỹdu mahāduòle heka anade. Warurumy rurumyh̃yle mahādu ariwiòhenanykemy anade. Aō awihik̃ỹmy ixi-di ròhòtinyreriò aòkō wahe. Deuxu Ryberiti-ki tahe kaweselemy roire:

Ixiwe heka wadee awiòre aruxetòena wadee awire.

Kaiboho bierybenyke aòbo katyryiti rare.

¹⁴ Tahe Jesuisi-ò rarybere Joaò erna mahādu: —Aòherekibo Joaò Sebede-ŷ̃du kia eryd̃ỹna mahādu renarehemyh̃yre rexitòenykreu. Fariseu mahādu eryd̃ỹna heka tule heka renarehemyh̃yre. Ihārele taheka aòherekibo abe-deeryd̃ỹna mahādu heka tiu iwesemy riwinymyh̃yre. Aòherekibo ka. ¹⁵ Taita Jesuisi dirawyònyde: —Iu iny inyhāwyymy roimyh̃yre heka iny reysamyh̃yre. Aōma kia weryrybò hāwy kialiina heka teysamy ratxirerimy ih̃yre. Tiu rirubunyòhymyh̃yre teti-ò. Tahe aòutxumy tahe weryrybò hāwyymy heridu heka inyò ritakremy ratximyh̃yre. Iu tahe renarehekre heka. ¹⁶ Uritere inyò deratyby ritòbònyòtyhy tyyt̃myra-di. Inyò itòbòna t̃myra-di ritòbònykeki, raykake heka iura ranihik̃ỹke. Aōma iwesele rare aōma ṽi t̃myra

iròdutyy t̃myrahak̃yle ritidikreu. Aōma it̃myra-ò heka iròdutyy it̃myra-hak̃yle raykake. ¹⁷Aōhe tiu vīi t̃myra iròdutyy tyby-ò rihynyōtyhy. Inyō kia wesemy riwinykeki taheka raykake heka rejuxunykre irube. Ihyna heka rabinake. Vīi wihik̃y taheka aōma iròdutyy t̃myra hyynawo-ki ka awimy r̃yike.

¹⁸Iu dohod̃ỹydu hetoō bede eryd̃ỹyduō heka Jesuisi-ò nade tariōre ruru-reki wahe. Tai ta Jesuisimy reālāre tamy heka rarybere: —Aōma wariōre rarurura wahirari wahe. Kai waheto-ò manake wariōre ruru-ribi biixixanykremy. ¹⁹Tahe Jesuisi taeryd̃ỹyna mahādu-wana roirenyre tii wana wahe. ²⁰⁻²¹Tahe hāwyy rōhōtinyre heka: —Jikar̃y heka ityky reroti-kò karirikrekule karekytekre.

Tii dori ihālubu rihyōhy raremyh̃yre wað inatxi reurò beðramy. Iòhōmy iribi reare. Ireroti wereysanakile rimymy resere. ²²Taita Jesuisi rōðemy reare. Tuu robire tamy r̃yaxire: —Ler̃y, awi heka rare. Aityhyna heka arateyteny-nyre. Inatyhymy teyteta. Tai tahe hāwyy aōwesele reytemy reare. ²³Idi tahe aōwesele rehemynymy reare. Judeu wiuna bedeeryd̃ỹydu heto-ò rehemynyre. Tai heka hāwyy sōwemy robumy r̃yimyh̃y rubura-ki rawiunymy r̃yimyh̃y. ²⁴Tai tahe Jesuisi tamyreny rarybereri: —Bòibenye hewahe. Hirarihik̃y heka ruruōhyky roireri. Urile heka rōrōmy roireri. Tahe iny rutxueny. ²⁵Tai iny sōwemy rōhōnyre iribi. Tahe Jesuisi ralōre titxibo hirarihik̃y roirerið. Debð-ki rimyre tahe riteyteny. Rexixare ixby. ²⁶Ibutu bede bedemyhe inina-ò roholare. Kia deytēna riwinyrað.

²⁷Tahe hābu ruetā inatxi Jesuisi riheludunyre heka. Kia hetoy-ribi wahe. Tamy heka raryberenyre: —Kai heka iòlò Davi riokore tate. Tai tahe ruxetōena-di biwawotōdenyke. ²⁸Idi tahe Jesuisi taheto-ò ralore tai ras̃ynymy ratximyh̃yð. Iny mahādu ihewomy rare tahe ralōre. Tamy rarybere: —Inatyhymy aōbo tetyhynyteny, ixby arāitxered̃ỹnykeð. Tiiboho raryberenyre: —Kohe Wanyr̃y, retyhynyre. ²⁹Jesuisi rarybere: —Ainytyhynadireki arue tabita. Aōwesele robirenyre. ³⁰⁻³¹Jesuisi heka rarybere tarurumy tamyreny uritere ijyōmykremy. Tai tahe aōma ròirenyre ibutuko relyyreny.

³²Idita tako-ò rexidorunymy reareki tas̃y kia hābuð-txi reare tytybybina-di ratximyh̃yð. ³³Tahe Jesuisi-ò didydenyde hābu irybeōna kia tytybybina òraru-ki wahe. Jesuisi tuu òlòd̃ỹnyre iribi. Iule tahe hābu aōwesele heka rarybere iroo-ki. Kia iny ibutumy ribedeðtiid̃ỹnyre. Timy heka rarybeōhyre iko-ki juhuu raremyh̃y. Tuu rabiōhe iwesed̃ỹynadumy. ³⁴Idi tahe fariseu mahādu rarybere: —Tytybybina-di ratximyh̃yre. Tai heka tytybybi-nahak̃y reteònymyh̃yre iny-ribi. Ihārele heka Satanasi-di ih̃yre. Tytybybi-natyh wedu heka ratximyh̃yre.

³⁵⁻³⁶Idi tahe ibutumy hāwā hāwā-di Jesuisi rariamy rare ròbedeeryd̃ỹmy. Judeu mahādu dohod̃ỹyna heto-ki relymyh̃yre, Rybewihik̃ymy. Tai Iòlōna kia rit̃ynynymy tuu relymy. Ibutumy iny bina bina kia heka riteyteny. Iny nade ihewo-ribi. Sōwemy heka iny aōna aōna bina binahak̃y riwiny-myh̃yre idi r̃yimyh̃y. Titxibo rakre heka rieryōhykymyh̃yre ta aōna aōna òraru-ki idinoduōreki wahe. Tai tahe Jesuisi riwotōdenymyh̃yre ibutumy tiiboho dori budoeni wese ratximyh̃yre, itxeredu ihoōreki. ³⁷Tai tahe taeryd̃ỹynana mahādu-ò Jesuisi rarybereri: —Iny heka maixōmo sōwehek̃y r̃yira wese heka iny ratximyh̃yre. Aōma ibutelemy heka arixidu r̃yira. ³⁸Bexitōdenyke Deuxu-ò. Tii heka bederomy maixōmo r̃yira wedu rare. Bexitōdenyke tamy

aõbo maixõmo arixidu-ò kiditeònykemy. Irybe-di heka raaõmysýdýýkre ibedero-ki. Ibutu bedero-ki heka idi raaõmysýdýýkre.

10 ¹Ributunyre Jesuisi aõma tawa-ò inatxi reurò kia bede erydýýna mahãdu. Tamy heka ruru riwahinyre. Aõma tyytybybina riteònykemy. Tule tamy riwahinyre ibutu binana deytana heka riwahinyre tamy.

²Kia heka tadeòdýýmahãdurenynimy ararybekre. Juhuu heka Simaõ Pedro. Juhuu heka Simaõ inire, ihewomy tahe Pedromy naninide. Andre ijõ. Tii heka Pedro seriòre rare. Txiau, Joaõ-wana heka Zebedeu riòre rare: ³Filipi tasý ijõ rare. Idi tahe Bartolomeu ijõre. Tome ijõre. Mateu ijõre, jiarý wahe. Jiarý nieru tarasaduò rare, imposto tarasadu wahe. Ijõ Txiau tasý Afeu riòre rare. Tadeu ijõre. ⁴Simaõ ijõre. Tii Kana bede luduò rare. Judasi Isariò ijõre. Tii heka Jesuisi tyhedýýdu rare.

⁵Jesuisi taerydýýna mahãdu waòinatxi reruòmy riteònyre. Tamyreny rarybere: —Judeukõdu mahãdu-ò aõkõkre reteònyre. Aõma Samaria mahãdu hãwã heka ralòõhyymhýre. ⁶Kaiboho heka bòibenye judeu mahãdu-ò sohojile. Tiiboho Israeli riokore mahãduò ihýre. Aõma budoeni reòsamyhýre mahadu wesemy tiiboho ratximyhýrenyre. ⁷Aõma tamy marybebenye: —Deuxu Iòlòna biu-ki heka aõwesele kedeheinykemy ihýre. ⁸Webinadu mahãdu heka biteytenye. Aõma iny rubu-wana witxi beakeki, biixixadýýnyke rubu-ribi. Tykybina yjy yjyhyký-ribi iny biteytenye. Tyytybybina inywo-ribi biteònyke. Iwese aõ tetate wese iòwykõ heka ijõ-ò biwahinymahãke, iòwykõ wahe. ⁹Uritere nieru wydyòmy, womati týrýrýhýký nieru aõkõ, prata womati nieru aõkõ, cobre womati nieru aõkõ wahe. ¹⁰Aõma anieru hyna nihiký wydyòmy, awa ijõ wydyòmy, ijõ dera wydyòmy. Aõma òwòru airana wiðhedýýna wydyòmy. Aõmysýdýýdu taðwy riwykre. Kia òbitire. ¹¹Hetoò malòke. Kia heka arayrubunykre. Adee riwahinykre ibutumy aõmybo rarumyhýkre. Iu hãwã-ò malokreu, hãbu ityhydýýdu mahãduò biijekre. Taihy bonykrehy tahe iwitxira hãwã-ò iribihyymy makre. ¹²Iu hetoò-ò malòkeu Deuxu ywina tamy marybekre, Deuxu deysanamy wahe. ¹³Kai awimy ityhydýýdu hetomy rýike wana, biwahinyke aallàna tamyreny. Kai òbitimy aõkõ atxiteri wana tahe uritere tamy Deuxu deysanamy tamy wahi-dýýòmy. ¹⁴Aõma tii arybe-ò roholaòkeki, kai hãwã-ribi bexitake taheto-ribi wahe. Tahe iribi bòhònykeu tahe awabrybyxi biubýtýnymy bòhònyke. Tii tahe tamyreny rioimyhýre. Aõma tamyreny ibinatyhykre. ¹⁵Inatyhymy heka adee ararybekre. Sodoma hãwã mahãdu, Komora hãwã mahãdu inatyhymy heka ibinare tamyreny tahe isiraòkre aõhòkýmy dýýnana wahe. Aõma kia hãwã arybe-ò raholara heka kia ratyre heka tamy isiraòkre. Kia hãwã tahe aõnityhymy aõhòkýmy rotýýnykre. Ywisidýýna txu heka rýekreu wahe.

¹⁶Iwese budoeni ijòrò aholay-ki rýikre wese heka kaiboho boibekre. Hemy-lala erydýýna wesemy heka maraykynykre. Idi tahe sòwemy aõma ywina-di maraykynybenykre bòtòewesena-di. ¹⁷⁻¹⁸Uritere inatyhy heka aramykre araròtenykre dohodýýna hetowo-ò adi ralokre. Waòraru-ki heka bede dinodu mahãdu heka araywisidýýnynakre. Judeukõdu mahãduko Rybewihiký Týmyra rarybekre. Tiiboho arahàtenykre. ¹⁹Aõ heka belyyke ikoreny ibutumy roholakemy. Aramykeu heka uritere nohòtiòmyke aõmybo marybekremy ywisidýýna-ki wahe. Bede heka ariwahinykre rybe ibededýýnanau. Rybeòmyke, urile rybeòmyke. ²⁰Kai ixiwanale aõkõ marybeke. Aõma Deuxu

Tyytybytyhy arāwīðhenanymyhÿrenyre. ²¹ Inyō heka taseriðre rityhenykre. Tybyō tule tariðre rityhenykre. Aōma iriðre tasÿ tyby-ð iky reakre idi rirubunykre. ²² Ihyy ibyrymy heka aluu aōkōkre waðraru-ki. Ibutumy iny deramy rarehyke waðraru-ki: Inyō tule ðbitimy rarekreki, ikonanatxu-u, Deuxu Iðlōna-ð ralokre. ²³ Tahe anatakre. Aōma hāwāhākÿ-ki atxikeki mahenykre ijō hāwā-ð. Ihewoludu ikonana hāwā hāwāhākÿ-ribi behemynyke-ribi tahe addōsekre. Judeu hāwāhākÿ-ð behemynykrekoŭle tahe addōsekre, jiarÿ Hābutyhyhykÿ wahe.

²⁴⁻²⁵ Aōma bedeerydÿÿdu mahādu tahe aōma ierydÿÿna mahādu ratyre rare. Tule iwedu deōdu ratyre heka ihÿre. Iwesereny tahe boibebenykre. Tahe awedu tate. Inyō tahe riwarinimyhÿre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe. ²⁶⁻²⁸ Jiarÿ adee wiji rellyreri. Biurasōmy heka tuu bedellykre ibutu ijohonanamy adeereny rellyreri. Wasimy wjirumy adeereny rellyre. Biurasōmy tahe ibutu ijohonanamy tuu belybybenykre. Uritere ilau brebuōmy. Aōbo wasimy rÿire heka ibutumy ratÿnykre. Uritere ilau brebuōmyke. Adeelekre rirubunykre atyytyby ta rirubunyōtyhy. Iruruōre dori atyytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atyytyby bede luru heōty-txi heka adi rehuke. Bityhynyke idile maraykynyke. Hābu lau brebuōmy hābu aōbina bina riwinymyhÿre lau brebuōmy. ²⁹ Nawiiō iny riwymyhÿre womati nieru iyja-di, iðwy riðre iny heka riwymyhÿre. Ibutumy heka Deuxu nawii rieryre sohoji sohojimy. Tiu heka Deuxu rieryōhymyhÿre nawii sōmo rurumyhÿreu heka tiu rieryrykōmy idi reteheōtyhy. Kiawese aōbo tahōtinymahāte. Aōkōre, inatyhymy idi retehemyhÿre. Ijō rurumyhÿreu heka tuu robimyhÿre. Aōma Deuxu heka anaerymyhÿre nawii sōmo ratyre heka aumy rierymyhÿ. ³⁰ Ara erymy heka aōma arati-ki tiwesebo radeti rÿimyhÿre heka rierymyhÿre. ³¹ Breburenkōmykre, kaiboho dori nawii ratyre Deuxu-ð toite. ³²⁻³³ Kai marybeke: —Jiarÿ retyhynyre dori tahe umy arellyke. Jiarÿ heka umy ararybeke inynyrÿ dee biu-ki wahe. Iny sōwehekÿy-ki riwatxiōnykeki tule aratxiōnyke jiarÿ Wahako-ð. Jiarÿ heka suð anade.

³⁴ Aō ywina wydymy aōkōre heka anade. Jiarÿ heka ywina aōkōre diwyde. Bedejeideidÿÿmy anade iribi wadee wou rÿikremy. Hābu heka tybe ðludumy rarekre.

³⁵ Tule hāwyy tadi ðludumy arisynykre. Tule iriokorese tariðrelahi ðludumy arisynykre. Aōma inyō ðludu heka tasÿ mahādu ðludumy rarekre.

³⁶ Boлуу adireny borenny heka boibekre. Kia luumy heka boibekre. Tai tahe iratyremy boibekre aōkōkeki tahe waluuōkeki tahe wahōrō mahādumy aōkō boibeke.

³⁷⁻³⁹ Kaweselemy boibeōkeki. Tai tahe kai wahōrō mahādumy aōkōhe mabekre. Aōma biyrurubuntyhykeki tahe kai ihārele aōkre. Aōma kai waðraru-ki aōhōkÿmy botÿÿnykeki wadee waaōmysÿdÿÿ ðraru-ki inyō anarubuntyhykeki aōhe adee rutÿÿnykeki. Tai tahe aumy rōhōnykre inyō tasÿ-ð aradykeki iwese tii tasÿ-ð riwadyra wesele heka aradykre.

⁴⁰ Tii riwadyra wana Deuxu heka ridymyhÿre riwateōnyreki wahe. ⁴¹ Deuxu rybeduð bidybenykeki. Tii Deuxu-ð arāwahinykre. Deuxu adee uriioño kadiwahinykre. Adeereny kidiwahinykre. Wahisidÿÿna ritakre wese heka tule

kai bitakre. Adeereny ararybekre. Deuxu hörō mahādu heka bimymahā-benyke. Aheto-ò bidybenyke hābuwi ihýrenyre. Tiiboho dori wese uriõno ritarenkyre wesele kaiboho bitabenkyke. ⁴²Kai uladu-ò bemonao biwahiny-keki bedi imonamy. Tai tahe kanakre inatyhymy adee ao kidiwahinykre. Kai waòraru-ki ityhydýýdu-ò bee biwahinykeki, inatyhymy heka aowý adee kanakre.

11 ¹Jesuisi heka rexihure aõma taerydýýna mahādu waòinatxi bedee-rydýýna-ribi. Kia bede ywina tamyreny riwahinyre. Rexihureu tahe rare rõhõnyre iribi hāwā-di. Aõma rybe ritýnydýýmy rakremy hāwā hāwā-ò.

²Idi tahe rõtenywokile heka iu Joao roimyhý. Aõbo Jesuisi tahe iu aõna aõna wiwihiký ritxiennyhýreu heka Joao tamy roholare. Rõtenywo-ki roimyhý-ribi. Idi tahe Joao taerydýýna mahādu riteõnyre Jesuisi-ò dýýra-ximy: ³—Kohe, anaraõdenyde tate. Aõma Deuxu deòdýýna wahe kanakre aõbo ihewo-ribi. Ariraõrenykre aõbo urihimyò. ⁴Tai Jesuisi rirawõnyre: —Aõma bõðsebenyke ixbyle Joao-ò. Belyybenykre ikò aõna aõna wiwihiký rewinyre arureny-ki tule tabite wamyreny. ⁵Aõma iruetàhàký heka. Reruedýýnymy rare wahe. Itiere tasý retinywāhāre dinoduhuký ityy reytemyhýre. Aõma ijõ Rybewihiký Týmýra roholaõhyymyhýre tasý tule reijohonadýýnyre. Aõma rubu tule rubu-ribi reixixadýýnyre. Rybewihiký Týmýramy heka retýnydýýnyre ibutu iny-ò wahe, iny aõkõ mahādu-ò wahe. Tule Joao-ò marybebenyke kaweselemy wahe. ⁶Maratyhybenykeki, beysabenyke.

⁷Iribi rõhõnyreu tahe Jesuisi heka rarybere Joao bededýýnanamy. Aõmybo wahe Joao-di rõhõtynyrenyre aõmy tuu bedi nohõtynyrenyre tamy itxereny bederahy rõirenýreki wahe. Otxirade wese yhy-ki tahõtinyteri. ⁸⁻⁹Ada aõma hābu urimynodutyhymy aõbo idi rõhõtynyrenyre. Aõma butõre wesemy idi rõhõtynyrenyre. Ada iwitxiramy aõbo idi tahõtinytenyte hābu tyywihiký-diremy idi rahõtinytenyte. Iòlò taheto wihiký-ki ratximyhýre. Aõkõre, kia iny heka ao Deuxu rybeduõmybo tahõtinytenyte. Inatyhy tii kia rare. ¹⁰Iratyre heka tii rare. Aõma dori Tyyriti-ki rarybemyhýre:

—Tii heka wako-ki kadehemynkyremy ratximyhýre, wamy relyykemy, wary riywinymyhýre.

¹¹⁻¹⁴Inatyhy heka rare. Tii heka ibutu hābu ratyre ratximyhýre. Ihārele tahe heka Deuxu Iòlõna-ki heka ijõ iny iratyre ratximyhýre. Hābu binahaký heka Deuxu Iòlõna-ò raaõbinanymyhýre. Joao rexidelenyrybe itýnydýýmy rexi-delenyreuhýle heka ritelemy ralore. Tule wiji nalõmyhýde sówemy. Iu Joao rehemynkõle heka tuu rarybemyhýre ibutu Deuxu rybedu mahādu heka tuu rarybemy raremyhý. Tule Moisesi bede ywina kia rarybere. Tii Eliasi wesele ihýre. Tetyhynytenyte aõbo. Iwese Deuxu rarybereri wesemy heka tii nade. ¹⁵Inyõ ierysymy rurukeki, roholake wiji. Aõmybo ararybekre kainymy tiwesebo rýmýhýremy. ¹⁶Tiiboho heka iwese weryry uladu risinymyhýre wesemy ihýrenyre. Kiamy heka tiinamahādu-ò rarybemyhýre: ¹⁷—Jiarýboho heka aõma wiunawihiký-di rawinymyhýrenyre. Idi tahe teysatenyõhyymā-hātenyte. Tahe wiuna bederarysyna-di heka rawinymyhýrenyre. Ta bedewoõhyymahātenyteri. ¹⁸Joao Sebedýýdu heka riroxiõre. Vĩĩmy riõõre. Iny-wesereny tai tarybetenyte: —Tii raitxýtemy ihýre. Tyytybybina-di ihýre. ¹⁹—Jiarý Deuxu Riõre heka rehemynyre Hābutyhyhyký wahe. Jiarý rero-ximyhýre. Reõmyhýre tahe kiaboho heka waluu aõkõ heka toite. Urile heka

wamy tarybemyh̄tenynte wabyre nihik̄yremy wabemomoh̄k̄yremy. Aōma òrarudu kia liinatyhy heka jiar̄y rare. Aō ik̄ok̄olemy heka taraykynymy-h̄tenynte ih̄arele taheka òbitilemy ixi-di tanoh̄otimyh̄tenynte.

²⁰ Jesuisi heka sōwemy aōwiwihik̄ymy riwinymy raremy. Ih̄arele heka imah̄adu rityhynyōhyymyh̄re heka. Kia Jesuisi heka rarybere kia h̄awā mah̄adumy. ²¹⁻²² Orasi h̄awā aō heka adee binatyhymy kanakre amah̄adu-ò wahe. Besaida h̄awā mah̄adu, kaiboho aōna aōna wiwihik̄ymy tabitenynte ah̄awāreny-ki. Tiu heka ixi-txi òh̄otireny reaōhykymyh̄re. Jiar̄y aōma Tiro h̄awā-ki Sidō h̄awā-ki aōna aōna wiwihik̄y ariwinyre wana inihe heka ixi-txi tōh̄otireny reare iniheka saumy tyky rexityynyre tule brybysi ixityrereny heka rexihumy. Sidō h̄awā Tiro h̄awā heka urihimyō adeereny isirakre. ²³⁻²⁴ Kafanaō h̄awā mah̄adu! Kaiboho heka tule ixitxireny òh̄otireny reaōhykyre. Aōma kaiboho heka awireny ixidireny tahoōtinmah̄atenynte, awityhyremy. Kaiboho heka òh̄otenamy bekoabenkyre bedebina heōthykȳ-ò dori besebenkyre. Sōwemy dori aōwiwihik̄ymy kaiboho tabitenynte. Deysana wiwihik̄y-di wahe. Tiu heka ixi-txi òh̄otireny reaōhykymy aōrarurenny-txi. Aō wiwihik̄y Sodoma h̄awā-ki rewinyre wana wahe. Tiu heka rabinaōhyyre inihe heka wiji-ò. Aōk̄ bot̄ȳbenkyre aōma Sodoma h̄awā ratyre heka aōh̄ok̄ymy bot̄ȳnybenkyre, Deuxu ywisid̄ȳnatxu.

²⁵ Tahe Jesuisi rexitōneny Deuxu-ò: —Waha, biu bede-wana iwedu atximah̄ate. Kai uladu-ò aōna aōna tet̄ynnynte. Tewōmah̄ate heka kia ibedeeryhykȳ lau heka tewōmah̄ate. Kai ixi-di bedeeryhyk̄ymy rōh̄otinymyh̄re lau wahe. ²⁶ Tii heka adeewinare. ²⁷ Ibutumy heka Waha wadee riwahinyre tii heka riwaeryre. Jiar̄y tule tii reeryre. Aōma ixidee wikeki inydee ariteōsinyke. Timybo Waha rare. ²⁸ Elehyd̄ȳmy buruke aōbo? Manake wadee. Jiar̄y heka araelehinyke. ²⁹ Walōtityreherina ixidee bitidibenyke. Tai tahe wawana maaōmys̄d̄ȳbenkyre. Arabederynyke heka ywina-di. Aritidiōtyhy heka aō utxiehek̄y atyrereny. Elehyna adeereny ariwahinykre awo araykyreny-ò. ³⁰ Aaōmys̄d̄ȳna adeereny rewahinymyh̄re isiraōre heka. Iutxiemy aōk̄ rare.

12 ¹ Sabado txuu, judeu elehynatxu Jesuisi rariamy ròirenyre maixō-moni oworu-ki. Tahe rekoarennyre aōma maixōmoni oworuro-di heka irenyre. Kia heka tahe Jesuisi taeryd̄ȳna mah̄adu heka riarimyh̄re aōma riyrenykrema rama rahuraki. ² Iu-ki tahe fariseu mah̄aduò retehemy ratximyh̄re. Tiiboho tahe rarybere kia Jesuisi-ò rarybere: —Kia hewa brebuna rare aōma sabadotxu riwinymyh̄re: —Aōherekibo aeryd̄ȳna mah̄adu iu riwinyreri. ³ Tahe Jesuisi tamy r̄ȳraxire aōma iyyymy ikoreny rellyre iwese Davi riwinyre wesemy heka riwinyreri ramy rahureu. ⁴ Davi riki heka ralòre Deuxu dohod̄ȳna hetowo-ò heka ralore. Tai tahe rir̄ys̄myh̄ȳ kia aōma xiwena-ki heka riymy. Kia orotxu heka aōma xiwena-ò hid̄ȳna mah̄aduòle r̄ȳmy. Tahe ih̄arele heka riyrennyre heka. Taijoi mah̄adu-ò riwahinyre. ⁵ Kia wesemy aōma tariakōte bede ywina tyriti-ki wahe. Aōma xiwena wahid̄ȳdu heka rityynyōhyymyh̄re. Aōma sabadotxu kia wahisid̄ȳna. Xiwena bede ywina wahe. Iu dohod̄ȳna hetowo-ki ratximyh̄ȳ. Tii heka sabadotxu bede ywina rityhynyōhyymyh̄re. Tahe heka aōbina bina riwinynenyōhyymyh̄re. Kia tahe heka tule heka bede ywina tyriti heka ritid̄ȳna roire. Idi taria-tenyōte. ⁶ Inatyhymy heka adee ararybekre. Inyō kaki ratxirokei jiar̄y heka

kaki heka inyō ratximyh̄yre aōma dohodỹ̄nahakỹ heto-ki wahe. Dohodỹ̄du mahādu ratyre heka watximahāre jiarỹ wahe. ⁷Kiamy heka ritidỹ̄na rỹimy-h̄yre. Jiarỹ heka xiwena luure ihāre tahe sōwemy heka iratyre ruxetōena luure. Jiarỹ aōma xiwena luure ihāre tahe iratyre heka aōma ruxetōena luure s̄y. Kaiboho terytenyte wana. Aōma heka ibinamy tarybehynnyh̄yte inyō teōsamy ratxikeō. Aōma aō riwinyrenykhōhyre. Kiamy wahe. ⁸Jiarỹ dori Deuxu Riōre Hābu watximyh̄yre. Jiarỹ tule aōma sabadotxu wedu wāhāre.

⁹Tai tahe Jesuisi nade heka ixyby aōma tohodỹ̄nareny heto-ō. Ralōre heka sabadotxu. ¹⁰Hābuō ratximyh̄yre debō binare. Debō rayjayja ih̄my-h̄yre. Tahe fariseu mahādu heka Jesuisi-di mynamy ratximyh̄yre. Aō rybebinamy rarybeke ōraru-ki rimykemy. Tai tahe rỹ̄raxire Jesuisi-ō: —Timyrebohe rebuna aōbo sabadotxu deytedȳ ada aōkōre aōbo. ¹¹Tai ta Jesuisi rirariwōnyre: —Kaweselemy rōkōhōtinyrenyke. Kai heka aōmy abudoeni sohojilere. Sabadotxu heka reseke hālooro-txi aribi. Timybo mohōtinyke aōma bitake hālooro-ribi. Inatyhyre aōbo. Sabadotxu hārele bitake. Kohe, inatyhyra. ¹²Hābu heka budoeni ratyre heka iōwy rare. Aōma sabadotxu aōwaxinyre heka reyteke. ¹³Tai hābu-ō rarybere Jesuisi: —Ebō biditytyke. Debō ritytyra ta wiwesele debō relere awimy. ¹⁴Fariseu mahādu heka wii ributunyre, iribi rōhōrenyreu wahe. Widee raryberenyre: —Aōma timybo rikis̄nyrenykre rikimynenykre rikirubunyrenykre.

¹⁵Tahe Jesuisi rierymyh̄ kiamy rarybermyh̄reny heka roholamyh̄. Tahe Jesuisi rierymy heka. Iribi irehemy ratximyh̄reny hārele, rierymy heka. Iribi tahe rexitare heka hāwā-ribi wahe. Idi heka ihemy heka rare riheludunyre. Sōwemy heka webinadu ihemy rare. Ibutumy riteytenyre. ¹⁶Teyteydȳna mahādu-ō rarybere: —Uritere it̄nyndỹ̄ōmykremy tuu ijjyōmykremy inyo-ō. ¹⁷Ihexiu Isaia tyyr̄iti-ki heka kawesemy rỹimyh̄yre. Tii heka Deuxu rybeduō rare.

¹⁸ —Kaheka Wadeōdu rare. Tuure heka jiarỹ, tii heka retare. Rehixinyre.

Tii heka deysana wadee riwahinymyh̄yre Tatytybytyhy tamy ariwahinykre. Ywisidỹ̄na txuu heka ibutuko-ō relyykre.

¹⁹ Tii heka rryrōtyhy rebureōtyhy heka inyō-wana widee. Tiu heka inyō roholaōtyhy irybe dee. Ryki heka inyō irybe-ō roholaōtyhy.

²⁰ Aōma bōtōreō irybōhōmy roikeki. Tii raōrōōtyhy. Txuheōtyjurā loosōna urihimyoōkeki heka tiu ruriōtyhy eleti-di. Tii ritakre iaōbinana, inatyhynaō binana wahe.

²¹ Ibutumy heka irarōsōna iribi ritakre.

²² Hābu rybeō ruetaō heka iny didydenyde Jesuisi-ō wahe ralōmyh̄reki wahe. Tii tytybybina iwo-ō ralōmyh̄reki wahe. Jesuisi tytybybina riteōnyre. Tai irue heka awimy relere rarybere. ²³Ibutu iny sōwe heka heka ribedeōtiidỹ̄nyre. Widee tahe raryberenyre: —Ka heka Davi riore riōre ōsana rare, Deuxu deōdỹ̄na wahe. ²⁴Tahe fariseu mahādu-ō roholare. Tahe rarybere Jesuisimy: —Tii inatyhmy tytybybina riteōnymyh̄yre inywo-ribi. Aōma tytybybina wedu ruru-di heka riteōnymyh̄yre. Belisibu ruru-di wahe.

²⁵ Jesuisi heka rieryre iraykyreny. Tai tahe tamy rarybere: —Ijyymy heka tamy rarybere. Iōlōna mahādu wiribi ibutumy rexihixinykeki tahe rexihukre ibutumy wiribireny. Tahe hāwā mahādu taijoiy-ribi rexihixinykeki, awi aōkō rare tai wahe. ²⁶Wiribi rexihixinyke wana. Tule awi aōkō rare tai

wahe. Aōma Satanasi rexideōnykeki tahe tayreny-ribi rexitake. ²⁷Belisibu ruru-di tyytybybina ariteōnyke wana aōdibohe aheludu mahādu riteōnykemy ratximyh̄yre. Tiiboho heka aywisid̄ȳȳdurenymy ratximyh̄yre. ²⁸Jiar̄ȳ Tyytybytyhy ruru-di ariteōnykeki heka kaiboho arurunareny Deuxu-ribi nade. Iōlōna adeereny rehemynyeri. ²⁹Inyō heka hābu rurutere hetowo-txi ralōōtyhy wasimy wahe. Tai rawasinymy ratximyh̄ykeki tahe urile juhūu hābu ritaataake. Idi tahe iheto-ribi aōdibo rawasinyke. ³⁰Inyō wabiōwamy aōkō ih̄yre wana heka, waōludu rare. Inyō wawana ibutumy ratxiōmyh̄yre wana tahe raybātāmyh̄yre. ³¹Inatyhymy jiar̄ȳ adee anarybekre. Ibutu òraruna kanaixāwidid̄ȳȳke. Hābu aōtxile aōbina bina rarybemyh̄yre. Sohojile taruxāwid̄ȳȳōtyhy. Aōtxile inyō aōbina binamy Deuxu Tyytybytyhy rarybekeki. Tii aōraru rataōtyhy. Kia heka òraruna tiiehyymy rarekemy ih̄yre. ³²Hābutyhyhyk̄y heka Deuxu riōremy aōbina binamy iny rarybekeki, wamy wahe, tii tahe ixāwidina dire. Deuxu Tyytybytyhyhymy rarybekeki, tii tahe iixāwidinyōhyre. Tiehyy kia òraruna-di rareke. ³³Jesuisi rawesenanyre iny òwōru wese rare. Òwōru awimy r̄yike wana, tai heka iratywihik̄yō-ki iny rahake. Ruru rasunymyh̄yre raruburerimy ih̄yre. Kia tas̄ȳ iratywimy aōkō r̄yike ibinamy. Aōma òwōru iny rierymyh̄yre aōbo iribi iraty dejuxunymyh̄yre òraru-ki iny rierymyh̄yre, awire. ³⁴⁻³⁵Kaiboho heka hemylala mahādu wesemy atximyh̄ytenyte. Kaiboho heka abinatyhymy ahātenyte. Timybo heka kaiboho aōwiwihik̄ȳmy marybebenyke. Arayky aōbina bina hak̄ylemy tōhōtinyteri wana. Tai taheka ary tuu rōhōnyke ary tuu rarybeke. Aōma hābu wihik̄yō ratxiiremyh̄yre wana aōnana wiwihik̄yle tarayky-ki riyrubunymyh̄yre. Tii heka rarybemyh̄yre. Hābu bina tahe tarayky-ribi ibinalemy rarybemyh̄yre. ³⁶Ibutumy aōmybo iny rarybemyh̄yre heka ywisid̄ȳȳna txu tuu rarybemyh̄yre rierymy timykibo tuu rarybere wahe. ³⁷Òrarukibo rarybere: —Arybe òraru-ki heka ywisid̄ȳȳna-ki atxiteri. Bitakemy aōbo ada aōkōre aōbo.

³⁸Bedeeryd̄ȳȳdu mahādumy heka fariseu mahāduō tamy rarybereri: —Eryd̄ȳȳdu, wadeereny biteōsinyke awiwihik̄yō. ³⁹Jesuisi dirawyōnyde: —Iny kamahādu heka ibinatyhy rare aō awiwihik̄ȳ rexitōdenymyh̄yre. Abina binale wahe. Aō wihik̄yle bobiōtyhy. Tahe sohoji aōwiwihik̄yōmy heka mohōtinyke. Jonasi wid̄ȳȳna wahe. ⁴⁰Jonasi Deuxu rybeduō wid̄ȳȳna wahe. Tii inataō txu inataō rummy uturahak̄ȳ wona-ki ih̄ymyh̄wesemy. Iwese Deuxu Riōre Hābutyhyhyk̄ȳ bede-ki rarekremyh̄ȳ wesemy inataō txumy inataō rummy. ⁴¹Ninive hāwā mahādu heka roholarenxti tōhōtirenny reare. Iu Jonasi rybe rit̄nynd̄ȳȳre wahe. Tahe inyō kaiboho tamy taholatenyte. Sōwemy heka iny Jonasi ratyremy ih̄yre. Ih̄yrele kaiboho ixitireny òhōtirenny reaōre. Ninive tamahādu tahe ibinany adeereny rarybekre. Ywisid̄ȳȳnatxu wahe. ⁴²Iōlō Hāwyyō heka ibōō irehe-ribi nade. Aōma Salomaō bede eryd̄ȳȳna-ò roholakemy. Kaiboho heka inyō-ò taholatenyte. Salomaō ratyre heka sōwe inihik̄ȳ ih̄yre. Ih̄yrele ta ixitxi nohōtirenny reaōre. Ywisid̄ȳȳnatxu heka Iōlō hāwyy ibinanamy k̄ynarybekre umyrenny wahe. Ywisid̄ȳȳnatxu. ⁴³Aōma tyytybybina hābu-ribi rōhōnykreu tahe elehydȳȳna riijekre. Aōma bedebinana tōteehek̄ȳ tahe tuu reakre. Ih̄yre tahe tai rahaōhyykre elehyena-ki wahe. ⁴⁴Tai tahe ixidee rybekre: —Arōōsekre k̄yhe. Iribi ranyw̄ȳh̄yreò anakre. Tai tahe kia hābu-ki rahara. Tyyrahak̄ȳmy iwo-ki iruxeramy. ⁴⁵Tai tahe ijō-txi reare.

Debò inatxi reurò tyytybybina-txi iratyre tyhy wahe ibinare. Tai tahe ridyke tahābu-ki rasñnyrenykemy. Kia hābu heka iwese juhu raremyhñre ratyre ibinamy ratximyhñre. Kaiboho heka kia tyytybybina wese atximyhñtenyte.

⁴⁶Jesuisi tahe ijō-ò rarybere ijō ijoi-ò, tai tahe ise rehemynyre, iseriòre-boho-wana. Sōwemy iny mahādu-ò heka rarybere. ⁴⁷Inyō tamy rarybere: —Inyō heka arāijereri adi ahelñña. Kie heka rehemynyneri adee rarybekemy adi ratxireri. ⁴⁸Jesuisi dirawyònyde: —Mota heka nadireri, mota heka waseriòrereri? ⁴⁹Tai tahe tebðhe riteòsirateòsinyre taerydñña mahāduò-ò. Ka heka nadi rare. Ka heka waseriòrere. Ka ijō heka waseriòre. ⁵⁰Wahadeewi riwinymyhñreki tahe, tii heka nadi rare. Waseriòre rare. Waha dori biu-ki ratximyhñre.

13 ¹Itxu taheka Jesuisi rare heto-ribi Kalileia aho ijā-ò. Tahe tai ronyre. Tai rexiterenyre Jesuisi iny ribedeernymy. ²Tai ibututyhymy heka iny wirotyre. Tai tahe Jesuisi rexitareny urihimyò hāworo-ò ronmy rexitarynyre. Iny sōwehekñ mahādu tahe aho ijākile heka roholamy rñimyhñre. ³Tii heka relymyhñre aōma ijyyò relyre: —Aōna aōna wese ijyy rawesenanyre. Hābu alòbòròmý rara. Tii heka alòbòròna dehuu rare. ⁴Ijō heka idi rehumyhñy heka ijō ryro-txi resere. Nawii heka riròmñyhe riore heka. ⁵⁻⁶Ijō tahe rejuxunyre aōma manarutysu-txi. Tii tahe raumynyre aōwesele. Iraruxiòlemy heka rñimyhñy suu ibutureki. Idi bedetòtee rimoedññnyre. Idi tahe rurure. ⁷Òwòrudññ resere edey-txi. Idi ta ruhunyre edewanale. Idi tahe ede riðdesedññnymyhñre. Tai heka raratynyòlemyhñre. ⁸Ijō tahe resere suwitxi-rawihikñ-txi. Tai tahe sōwemy raratynyre. Sohoji òwòrutu-ribi tahe 30my raratynyre iraty wahe. Ijō 60my raratynyre iribi. Ijō ta 100my raratynyre. ⁹Tahe Jesuisi heka rarybere: —Kia bohولاتyhymy bonyke. Òhòtirenidykeki bohobanyke.

¹⁰Tai tahe ierydñña mahādu Jesuisi ritññraxinyre: —Aòherekibo kai ijyy-di biernanykemy atxiteri, rawesenanyneri wahe. ¹¹Tai tahe dirawyònyde: —Kaiboho aomybo Deuxu reernanyre kaiboho bierybenyke. Ijō mahādu tiu ijyy rieryòtyhy. Kaiboho dori Deuxu Òlona teerytenyte. ¹²Hābuò iaòdikeki ijō heka iratyre tamy ariwahinyke. Tai tahe sōwemy tamy rauhenyke. Tahe hābu ihoòkeki ibutelemy ijòdikeki heka kiale iribi ibutumy aritakre. ¹³Retehe my ihāre tahe robiòhyymyhñrenyre tahe ririòhyymyhñre. Tai heka ijyy-di reernany my watxireri. ¹⁴Iwese Isaia tyyriti-ki roire wese heka tiiboho ihñrenyre:

—Roholamyhñre, roholamyhñre ihāre tahe rieryòhyymyhñre.

Retehe my ihāre tahe tiu robiòhykymyhñre.

¹⁵—Irayky tererenykeki wahe rieryòre heka. Òhòtiren y heka ritòbònymyhñre ta ijohonana-ribi. Tarue ribrenymyhñre robike lau. Tahe wadee ròðseòtyhy. Aòkòre heka ariteytenykemy idi watximyhñre. Tibo heka teraren y aòkòre.

¹⁶Jesuisi ijō relymyhñre tamyreny: —Kaiboho heka eysamy atxitenyteri. Kaiboho heka bobibenyke tahe bierybenyke. Aomybo kaiboho tabitenyteri heka, taholatenyteri wahe. ¹⁷Ihetxiu mahādu, hñña mahādu wahe, tuu lobiximy riwisñnymyhñre. Aōma aōwobo kaiboho taholamyhñtenyteò heka roholakemy riwisñnymyhñre tahe roholaòhyymyhñre. ¹⁸Tahe bohohake heka adee aritñny nyke aōbo ijyy rare. ¹⁹Òwòrutu ryro-txi resemñyhe heka iny

ijoireny wesemy ihÿre. Ijohona tuuwesemy wahe. Tibo roholamyreny ihÿre tahe rieryöhyymyreny. Aõma Satanasi heka nade tai tahe warybe heka iribireny ritamyhÿre. ²⁰Ijõ manarutysu-txi resemihÿ mahädu tahe ijõ ijohonadu wesemy heka roire. Tiiboho heka deysana-di roholamyhÿreny. ²¹⁻²²Tai tahe urihimiyöle rityhynmyhÿrenyre aõhökÿmy dÿÿnana kanakeu tahe aõwesele riatyke ririmy reake. Kia edey-txi resera tasÿ aõma ijõ ijohonadu mahädu wesemy heka rare. Tiiboho heka aõma 1000 nierule aõnityhymy idi rõhöti-nymyhyrenyre nierudile. Tai tahe rexibedewonymyhyreny. Tiu heka Deuxu aõmydÿÿna riwinyöhyymyhyre, Deuxu Rybe riwiðhenanyreny. ²³Kia suwixira wihikÿ-txi resera wana tahe iwixira ijohonadu mahädu wesemy heka rare. Tiiboho heka roholamyhÿreny rityhynmyhyre sówemy Deuxu dee roholamyhyreny heka. Ijõ 100my wesemy ratatynyre. Ijõ 60my ratatynyre ijõ 30my ratatynyre. Iny sohoji sohojiõ heka Deuxu-ð aõ riwinyrerimy ihÿre.

²⁴Idi tahe iwixira ijyymy relyyre Jesuisi tamynyre: —Deuxu Iòlõna heka kia wesemy ihÿre. Oworudu heka aõma alòbòrõna wihikÿ ritòbrònymyhyre taoworuro-ð. ²⁵⁻²⁸Tahe iòluduò rummy heka tamy nade. Tahe iu ibutumy iny rõròmyhyreu, asibinaty-di tamy rehure. Tai tahe alòbòrõna asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysÿdÿÿdu mahädu. Tuu heka ijyy-di nade tuu ijyymy. Idinodu rarybere: —Aõma waòludu heka kia riwinyre wadee. Idi oworudu narybede: —Aõhebohe arotÿÿnyrenykre? Ta idile aõbohe arisiherenykre araxirenyre. Tai tahe rirawyònyre: ²⁹⁻³⁰—Aõkõre wahe, kia ibutumy alòbòrõna rirarutxinykre. Ixinamy heka ratybienykre tii-wana wiurilemy kia maixõmo arixina bededÿÿnamy bede relerekeu tahe iribi raarike. Ararybekre heka tamy kia aõma oworu-di raaõmysÿdÿÿkreò. Juhu delemy asi arisykre. Tahe ritoonykre. Idi tahe maixõmo heka riarikre kia maixõmo hetowo-ð riyrubunykre.

³¹Tahe Jesuisi ijõ ijyy wixiramy relyymyhyre: —Aõma Deuxu Iòlõna heka aõma alòbòrõna sõmo sõmo wesemy ratximyhyre. ³²Aõma raumynyreri heka aõma òwòru iyjatyhymy ibutumy òwòruty-ribi rariwesele relemyhyre.

Taiki tahe kia nawiile tuu rÿtÿnymyhyre kia òwòru-ð.

³³Uri paò uri ixiòlòdÿÿna heka Deuxu Iòlõna wesemy heka kia ihÿre. Hāwyy heka paò riwinymyhyreu, riurinymyhyreu tahe ibutumy raubÿtÿmyhÿre kia ibemy.

³⁴Tai tahe rexiòlònymyhyre Jesuisi heka sówemy tuu relyymy raremyhÿ. Iu iny ribedeernymy raremyhÿ. Tiiemy heka Jesuisi relyyhy raremyhÿ iu rõbederydÿÿmy raremyhÿ. ³⁵Deuxu rybedu dori ihetxiu rarybere:

—Jiarÿ ijyy-di rebedeernymyhyre. Aõma tuu relyymyhyre heka ierykõna rare. Tiuhe rieryöhyymyhyre. Iu bede rexideelenyrauhyyle.

³⁶Idi tahe Jesuisi rexitare iny sówey-ribi rexitare. Hetoð-ð heka ralore. Tai tahe aõmybohe wakoreny inihe bedelyke. Aòludu inybo arasÿnyremy. Kia ijyy heka aõma hābu ede-di rehure ioworu-ð, taòludu oworu-ð. Kia inihe wadee bitÿnynyke aõbo rare wahe. Kia ijyy telyyté. ³⁷Tai tahe Jesuisi tii dirawyònyde: —Kia hābu alòbòrõna wihikÿ ribòrõnyre heka Deuxu Riòre Hābutyhyhykÿ, rare wahe. ³⁸⁻³⁹Ioworu heka ibutu bede heka roimyhÿ wesemy roimyhÿ. Aõma alòbòrõna wihikÿre heka ityhydÿÿdu iwese rÿi-rawesemy rÿira. Asi tahe kia ityhydÿÿdukõdu mahädu wesemy heka ihÿre. Aõma kia iòludumy rarybereri tahe kia Satanasi heka ihÿre. Kia iyresynamy

rarybereri aõbo bedekonana heka tuu rininimy heka tuu rarybereri. Kia ýju heka iyresydumyhy tuu rarybereri. Kia rimykre ede riorokremy rarybereri heka aõma ityhydýýdukõdu mahãdu heka tuu rininimy rarybereri. ⁴⁰Ritakre heka rihitxinykre. Heòty bedehéký heka idi rehukre risòkre iu wahe. Iwesele taheka bedekonana heka rarakre. ⁴¹Deuxu Riðre, Hãbutyhyhyký heka aõma ýju riteònykre ibutu iny ributunykremy.

Ityhydýýdukõdu mahãdu ijõ iny ðraruna-txi rityhedýýdu mahãdu heka ibutumy ributunykre widee. Ibutumy aõbina bina widýýdu wahe.

⁴²Idi tii rihukre. Tai tahe ryrykre aòkýmy rotýýnykre tai. Robumyhyre taju.

⁴³Kiau aõma

Deuxu hõrõ mahãdu tahe Waha Iòlòmý ronumyhyre kie ronykre.

Tiiboho loosòny wesemy heka ritoosònanýkre txuu loosòna wesemy. Òhõtirenýdikei ibutumy heka bohlabenýke.

⁴⁴Deuxu Iòlõna tahe nieru wesemy ratximyhyre. Aõma nieru heka hynaõ-ki rahara nieru-di týximy aõma surawo-ki idi hãbu ixyby riwore. Tai tahe tii reysatyhymy ròðsere. Kia ibutumy taaòmydýýna-di heka rohonyre. Kia bedero riwykremy.

⁴⁵⁻⁴⁶Ijõ tahe tule Deuxu Iòlõna wesemy ka ratximyhyre. Iwese ixiura wydydu ihýre wesemy heka Deuxu Iòlõna ihýre. Iwydydu heka ijese ijesemy riwumyhyre. Aõwi riererimý riererimý heka tai rahamýhyre iruxera-ki tii tahe riwumyhyre. Kiau tahe tai rahare aõ òwyhykýõ-ki heka rahare. Tii idi tahe rohonyre ibutumy taaòmydýýna-di idi tahe kia iwydymy idi ratxirerìò riwyre.

⁴⁷Riàò wese heka tule Deuxu òlõna ihýre. Aõma rià-di iny rehumyhyre wana heka ibutumy utura rimymyhyre. ⁴⁸Kia aõma idi tahe idi raixýnymyhyre riarimýhyre iky-ribi. Aõma awi-di awihe riarirerimý iky-ribi. Ibinare rihitxinykri iribi. ⁴⁹Kia bedekonana tahe iweselemy heka rarekre. Kia aõma ýju heka riarikre awi heka ibinau-ribi riarikre. ⁵⁰Rehukre heòty bedebinaký-ò wahe. Tai ki tahe rirajuamýhykre ta aòhòkýmy rotýýnymyhykre. Txuu rikyinyumyhykre

⁵¹Tahe Jesuisi tamý rýýraxire: —Kiamy ibutumy teerymyhýtenyte? Tiiboho riraòwònyrenyre: —Kohe, reerymyhýrenyre. ⁵²Idi Jesuisi rarybere: —Inyò bede ywina bedeerydýýna heka rityhynyreu, waheludu rarekreu wahe. Tii tahe iwese hãbu butudýýdumy ratximyhyre wese heka ronumyhyre. Tii heka ibutudýýna heto-ribi ritamýhyre, tasý mahãdu-ò riwahinykemy. Aõ tyby aõ týmyra. Ibutumy heka ritamýhyre.

⁵³Tahe iribi Jesuisi rexitareu, ⁵⁴tahe tahãwã-ò ròðsere. Judeu dohodýýna heto-ki ribedeerynyre. Tahe ibutumy ribedeòtiidýýnyre. Tiribibo heka tii bedeeryna rierymyhyre: —Timyrekibohe aòwiwihiký rierymyhyre. Tii kýny heka aõma òwòru besedýýwidýýdu riðre heka rare. ⁵⁵Jyje riðre wahe. Marie heka tule rare ise wahe. Txiau, Simaõ, Jyje, Judasi-wana iseriðre ihýre tule wahe inatyhy? ⁵⁶—Iseriðre hãwyý heka tule kaki rasýnymyhyre inatyhy. Timyrakibohe aõna aõna ikòkò rierymyhyre. ⁵⁷Tahe rityhynyòhyumyhyre heka tai wahe. Jesuisi tamýreny rarybere: —Deuxu Riðre Hãbutyhyhyký heka tiu tauludu wijirana hãwã-ki inyò rityhynyòtyhy rybeduò ihetomy ijirana-ki. ⁵⁸Tai tahe aõna aõna wiwihiký heka tai riwinyòhyre, rityhynyòmyhýreki.

14 ¹Kia bedeu tahe Herodi, Kalileia iòlò, Jesusini-ò roholare. Aòikòkò heka riwinyumyhyre. ²My heka rarybere teòdu mahãdu-ò: —Kia Joaõ

Sebedÿÿdule aõbohe rubu-ribi riixixadÿÿnyre. Tai tahe tii aõikõkõ riwiny-myhÿre. ³Herodi tahe juhoo Joaõ røtenawo-ki riteònyre. Tii taseriøre hãwyy òraru-ki kia wesemy riwinyre, Herodia òraru-ki wahe. Herodia heka Filipi hãwyy rare. ⁴Juhoo Joaõ Herodi-ò rarybere: —Awi aõkõ rare. Kai dori ase-riøre hãwyy-wana atxiteri. Uritere heriõmyke. ⁵Tai tahe Herodi heka Joaõ rubudÿÿmy riwisÿnyre. Urile ruberumy judeu mahãdu lau. Tamyreny Deuxu rybeduõmy rÿiramy Joaõ Sebedÿÿdu rare. ⁶Herodi kai beòramy bede reareu tahe worana bedehesi ritxienyreny. Herodia riøre ijadõma heka iko-ò resemhÿre. lixe-ki tahe awimy Herodi rahare, Ijadõma luure wahe. ⁷Tii tahe tamy rarybere kanakemy. Aõmybo wadee bexitòdenykre. Inatyhymy adee ibutumy ariwahinykre. ⁸Tai ise ijadõma-ò rarybere: —Aõma bexitòdenykre: Sebedÿÿkÿdu ratilemy tamy bexitòdenykre. Tai tahe ijadõma tamy rexitòdenyre: —Wadeke bidiwyke Joaõ Sebedÿÿkÿdu rati, pratoro-ki. ⁹Tai tahe iòlòhe rabadewore. Ibutu ijohonaru-ò dori tuu rarybere ijadõma-ò. Tahe ibutumy riwinyke rÿire. ¹⁰Tahe ihãrele iòlò heka soldadoõ riteònyre røtenawo-ò kia Joaõ rati resymy. ¹¹Inyò diwyde pratoro-ki. Ijadõma-ò heka riwahinyre. Tahe tii tadi-ò idi rare. Riwahinyre. ¹²Idi tahe Joaõ erydÿÿna mahãdu dioryde iumy, riwykremy, rituunykremy. Iribi tahe roirenyre Jesusiiko relyyre.

¹³Kia roholareu tahe Jesusi røhònyre ixisohojilemy bederahu-txi. Hãwò-di rexitaranyre rare. Iny sòwemy bede-di ròirenyre ihemy titxibo iru-ki rakemy. ¹⁴Rehemynyreu tahe iny sòwehekÿmy Jesusi robire. Tai tahe Jesusi riwòtòdenyre. Ibutumy riteytenyrene webinadu mahãdu. ¹⁵Tahe ratxioronyre. Tahe ierydÿÿna mahãdu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteònykre hãwãò-ò tai rÿsÿna ixidee riwykemy. ¹⁶Tahe Jesusi rirawyònyre: —Aõkøre, ariteònyòtyhy jiarÿ. Kaibohole tahe aõ tamy bidiwahinybedenyke. ¹⁷Jiarÿboho kÿny diwatxiònyreri iruyre orotxu-di, utura inatxire. ¹⁸Tai tahe Jesusi narybede: —Bidiwahiny wadee. ¹⁹Jesuisi tahe ibutumy iny asityre-ki ronykemy risÿnyre. Orotxu inaubiòwa, utura inatxi rÿire, utura-wana rimyre tahe ritehere biu-txi àlàna Deuxu-ò riwahinyre. Idi tahe paò riyreyrenymhÿre teòdu mahãdu-ò riwahinyre. Idi rare iny sòwehekÿ-ò. ²⁰Ibutumy iny riroxirenyre ihãre rihydyre. Kia iuhe-di ierydÿÿna mahãdu 12 weriri ritÿxinyre. ²¹Hãbumy 5000 òsana rÿimyhÿre. Ihãre tahe uladu-di rariaòhyre hãwyyboho-di.

²²Tahe Jesusi taerydÿÿna mahãdu riteònyre aho kanawe-ribi ijà-ò reuròrenykemy hãwò-di. Jesusi tahe rarire iny sòwehekÿ mahãdu rirybedÿÿmy. ²³Jesuisi heka iny tahetoreny-ò riteònyremy rahudi tahe tii raòwònyre hãwãlò raty-ò ixitòedÿÿmy. Taihyyle idi bede roronyre ixi sohojihyyle. ²⁴Kiaule hãwò ahotya-ki rare. Òbò nihikÿy-txi ixinalemy ratximyhÿre. Tiò tiò òbò riwelòrò riwelòròmy idi rehumyhÿ. Yhy deade txura-ribi. ²⁵Rudile tahe Jesusi biura-di heka rare taerydÿÿna mahãdu-ò, beratyredile heka rare. ²⁶Iu Jesusile betyredile tamy rarau tahe, tiiboho heka ruberurennyre. Rirajua-rennyre: —Worÿsÿ òsana inydee rareri. ²⁷Tai tahe Jesusi rarybere: —Aworeny bitamadÿÿnybenyke. Jiarÿle watxireri. ²⁸Tahe Pedro rarybere: —Wanyrÿ, inatyhymy kai atxiteriwana heka wadee manyarybeke betyre-ki araria-kemy. ²⁹Tahe Jesusi tamy rarybere: —Manake wahe. Aõwesele tahe Pedro hãwò-ribi røhònymy reare, Jesusi-ò rakemy. Betyre-ki rariare. ³⁰Yhylemy tahe robure. Tii urile ruberure. Tai ijirahakÿlemy riwisÿnyra berahatxi-ò.

Tai tahe Pedro rarybere: —Biwatakewa Wanyrÿ. ³¹Tahe Jesuisi rimyre: —Ainatyhynakÿny ibutelemy atxiteri. Aõherekibo heka tiwatyhynyõteri. ³²Idi hãworo-ò wiwana rorukurenyre. Yhy ruhure. ³³Ierydÿÿna mahãdu Jesuisimy reallãre. Inatyhymy heka kai Deuxu Riðretyhy tate.

³⁴Tai tahe reurðrenyre Kenesare bede-ò. ³⁵Ibutumy iny kowa Jesuisi rieriynyre. Ti ibutumy webinadu mahãdu-ò relyrenyre Jesuisimy. Tahe hãwã ikõkõ-ribi ritelenymy didydenyde. ³⁶Tahe Jesuisi-ò rarybere. Ixinamy watyky-ò rerike, awimy relerenykemy. Ibutumy tamy rerire heka reytere.

15 ¹Jerusalẽ hãwã-ribi bede ywina bede erydÿÿna mahãduõ dehemy-nyde Jesuisi-wana rarybekemy. Tiiboho-wana tule fariseu mahãduõ dehemynde. Tiiboho heka Jesuisi-ò rÿÿraxirenyre: ²—Aõherekibo aerydÿÿna mahãdu tebðreny risuhòkõreru roxiko-ki. Inydeereny kia bede ywina rare. Aõherekibo rityhynyõteri ihetxiu lahi rybe. ³Jesuisi rirawyðnyre ÿÿraxina-di: —Aõherekibo kaiboho Deuxu rybe tetyhynyõteri kaiboho lahiry-bele tetyhynytenyte. ⁴Deuxu bede ywina kawesemy rarybere:

—Boo adi-wana ibutumy heka bityhynybenyke. Inyõ rybebina tadi-ð tyby-ò rarybekeki. Tii tahe ruruke, tuu bede ywina rybe wahe.

⁵Kaiboho tahe kawesemy tebedeerynytemy tewitxiranyte: Inyõ tadimy tybymy rarybekeki Wanieru Deuxu-ò wahisidÿÿnamy. ⁶Tai tahe inieru-ei tyby tadi-wana riwiðhenanyõre kia bede ywina witxira tewinymahãte. Deuxu bede ywina rityhynyõreki. ⁷Kaiboho itxerenadu mahãdu atxitenyteri. Isaia inatyhymy umy rarybereu:

⁸—Kia mahãdu wadee rybe-di riwadeallãnanyrenyre. Wowydyna wadee riwahinymyðrenyre. Inatyhymy aõkõ heka kai tarybemahãte.

Arayky dori Deuxu-ribi irehemy ratximyðre. Teertyhyõlemy heka atximahãte.

⁹Iwowydyna heka wadee aõ aõkõ rare. Wabede ywina ribedeerynyõtyhy. Texibedeerynymahãtenyte abede ywinarendile.

¹⁰Jesuisi rexidelenymy ribedeerynyre: —Boholabeny warybe-ò. ¹¹Brebuna roxina-di biroxibenykeki, aõ adeereny ibinaõtyhy aõ aryrenymy ralõmy-ðre aõkõ heka ibinare. Ryribi røhòmyðre heka ibinare, arybe wahe. ¹²Tai tahe Jesuisi erydÿÿna mahãdu Jesuisiko rarybere: —Fariseu mahãdu kÿny tamy awiõre kia wiji tuu tarybeta wahe. ¹³Tahe Jesuisi rarybere: —Aõhere aõkõ rare. Timyre aõkõ rare. Ixinamy tuu raryberenyre. Iorutere-di nohõtirenymy. Kia fariseu bedeyrna lòbòròna wese rare. Waha ribòrònyõre. Ibutumy waha ribòrònyõre suribi mahãdu ritakre. ¹⁴Inatxi hãbu ruetã widee ryð ritÿnynymyðre wese. Hãwãry-ribi wiwanale hãloo-txi resekre. Tiiboho ixinamy biribenyke. ¹⁵Tahe Pedro Jesuisi-ò rÿÿraxire: —Wakoreny inihe biditynnyke, roxina brebuna ijyy wahe. ¹⁶Kaiboho ibutu wese atxitenyteri. Teeryõtenyte. ¹⁷Ibutumy iny aõ rirÿsÿmyðre weryri-di ramyðre tahe røhònymyðre. ¹⁸Tahe inyõ rybebinamy rarybemyðre. Tii iwo ibinare, irayky ibutumy ibinare tai wahe. ¹⁹Raykywydyna binahakÿ-ribi heka òtaõtana, rubuna, wasina, ruina ujõmo inyry-ribi røhònymyðre. ²⁰Kia aõmydÿÿnana iny risurisumyðre, inydee ibinare. Tahe roxinako-ki iny tebð risuhòmyðre, kia tahe aõ aõkõ rare, ibina aõkõ rare.

²¹Iribi tahe kia-ribi røhònyreu tahe Jesuisi rare irehetytymy Tiro hãwã-ò Sidõ hãwã-ò. ²²Kana bede hãwyð tamy nade. Tahe tamy rexitðenyre:

—Wahī, Davi riòkòre, biwaruxetòenyke hewa. Waritxòre heka tykytyby bina-di iwoku-ki ratximyh̄yre. Anohòk̄my heka idi rot̄yk̄nymyh̄yre. ²³ Tahe Jesuisi aõmy rarybeòhyyre tamy. Taeryd̄ȳna mahādu tahe rarybere: — Biteònyke hewa. Inyboho dori riixiranyrenyteri. ²⁴ Jesuisi tahe rarybere: — Jiar̄y Deuxu riwateònyre judeu mahāduòle, tabudoeni mahādu iõre mahādu wese wahe. ²⁵ Hāwy ixitire nade. Tatiowotimy resere. TAhe ixitire tamy rarybere: — Biwawikòhenanyke hewa, Wahī. ²⁶ Jesuisi rirawyònyre: — Awìò-hed̄ȳna kia wese rare aõma hābuò tariòre-ribi r̄ys̄na riwya tahe idi rehura ijòròsaòle. Kiawese rarekre, jiar̄y arawìòhenanykeki. ²⁷ Hāwy rarybere: — Inatyhy rare. Kuladu-ribi ano r̄ys̄na resemyh̄yre bede-txi, tiki tahe itxòròsa ritxòre idi riwmy reakamy riròmyh̄yre. ²⁸ Inatyhmy Jesuisi rirawyònyre: — Kai ainatyhna sòwere. Adee ariwinykre aõmybo textitòenyteri. Iule iriòre reytemy rare.

²⁹ Tahe Jesuisi ròdsere ixitire Kalileia ahohok̄-ò. Raòwònymy rare hāwāld-ò. Iratytyre ronyre. ³⁰ Sòwemy heka iny webinadu didyde: itiere mahādu, iruetà mahādu, irybeò mahādu, aõ ikòkò heka bina bina witxira witxira idi rare. Jesuisiko-ò heka ritidirenyreki ibutumy riteytenyre. ³¹ Iny ruetà r̄yira mahādu itxeretyhmy riwinyre. Rarybekòmy r̄yira mahādu, rarybemy r̄ymyh̄ teysamy. Itiere r̄yira mahādu, rariamy r̄ymyh̄. Tai ibutumy iny ribedeòtiid̄ȳnyre heka tahe judeu mahādu Deuxu-ò wowydina riwahinyre.

³² Jesuisi rarybere taeryd̄ȳna mahādu-ò kanakemy. Tahe tamyreny rarybere: — Jiar̄y k̄ny rewotòenyteri kainy mahādu r̄yireridi. Inataò txumy bede riera waki. Aõ heka ihokòre rir̄ys̄renykemy. Iòwed̄ȳkòlemy ariteònykeki heka ijò reseke ryrowetyakile. Rama riatyke. ³³ Tai tahe ieryd̄ȳna mahādu rarybere: — Inyboho bederahy-ki, titxibo heka r̄ys̄na arimykre iny sòwehek̄y-ò ariwahinyrenykemy? ³⁴ Tahe Jesuisi tamyreny rit̄ȳraxyre: — Tiwe-sebo roxina-di atxitenyteri. Tahe rirawyònyre: — Debò inatxi reurò orotxu sòmo sòmomy idi watxireri utura deyre ijò rare. ³⁵ Jesuisi rarybere ibutumy iny ronykemy. ³⁶ Tahe tíi rexitòenyre Deuxumy reàlære. Orotxu, utura-wana riereerenyre tahe taeryd̄ȳna mahādu-ò riwahinyre idi rakremy. ³⁷ Ibutumy riroxire heka kia iny sòwehek̄y ta rihydyre. Tabyre rahudi tahe riarire ieryd̄ȳna mahādu. Tai tahe rahure t̄yxihik̄lemy. Debò inatxi reurò weririmy heka rit̄xinyrenyre. ³⁸ Tahe 4000 hābumy riòwenyre, kia txuu wahe. Uladu, hāwy-di rariaòhyyre. ³⁹ TAhe Jesuisi iny-ò rarybere tas̄y-ò ròdsekemy ixyby. Iribi tahe Jesuisi hāwò-di reuròm̄y rare Magadā hāwā-ò.

16 ¹ Fariseu mahādu saduseu mahādu nade Jesuisi-ò iurihixid̄ȳmy riitxenanyrenykemy: — Aòbedeeryd̄ȳnabo heka biu-ki iribi rexitòenyre. Biwateòsinyke heka aõwiwihik̄y-di biu-ò jiar̄yboho arieyrenykre, kai inatyhy tate wahe. ² Idi tahe Jesuisi rarybere: — Kaiboho heka awirenyre biuwetyky erysy-ki. Jesuisi rarybere: — Kia rybe tarybemahāte. Txiorotxumy heka biuwetyy isòhòk̄yira-ki, biurasòm̄y tahe awimy txu kedeakre. ³ Biurasou ibede lyby lybmy txu-di kedeakeki tahe biu ròahyyhy bede txu rariakre. Myhe tarybemahāte. Kaiboho heka iwitxira aõhebo rot̄ȳnykre heka teerytenykòlemahātenyte. ⁴ Iny kamahādu heka ibutumy ibina binare. Tiu heka rityhynyòhyymyh̄renyre. Rexitòenymyh̄renyre heka biu-ò rityhynykemy. Tahe riwahinyòtyhy heka aõma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuisi rexitamy rare iribireny.

⁵Idi tahe aho weribijà-ò reuròrenyreu tahe, tòhõtireny rosare tarýsýna-reny-ribi. ⁶Jesuisi tamy rarybere: —Fariseu mahādu, saduseu mahādu iurina-ò bexiebenyke. ⁷Ierydýýna mahādu tahe widee rarybere: —Tii kia rarybere iny orotxu diwyòdeki. ⁸Jesuisi roholare aómybo raryberenyre tahe tamyreny rarybere: —Aityhynareny urihimyðre. Aòherekibo orotxumy jiarý rarybererimy tahõtintenyte? ⁹Tiu kaiboho bierybenyòtyhy. Iruyre orotxumy remyre. Idi 5000 hābumy reòwenyre. Ihāre tahe weriri txýxi týxi-hikýlemy rýimyhýre rauhenyre. Itxi aóbo òhõtireny reakómyhýre. ¹⁰Ixityreu tasý 4000my reòwenyre, debò inatxi reurò orotxu-di. Ixiyrubule rauhenyre. ¹¹Jiarý orotxumy rarybeóre. Fariseu mahādu, saduseu mahādu urina-ribi bexiebenyke. ¹²Tai ierydýýna mahādu rieryrenyre aómybo rarybemyhýmy Jesuisi heka fariseu saduseu bedeerydýýnamy rarybereri.

¹³Idi tahe Sesaria Filipi hāwā iòhòmy rehemyntyre. Jesuisi rýýraxire taerydýýna mahādu-ò: —Iny wamy rarybereri. Mobo heka jiarý raremy heka wadi rýireri. Jiarý Hābutyhyhyký rare, Deuxu Riðre wahe. ¹⁴Ijò kýny rarybemy rýireri: —Kai riki heka Joaò Sebedýýdu atxiteri. Ijò riki Elia atxiterimy adi rýireri. Ijò tahe Jeremiamy adi rýireri. Ijò heka Deuxu rybeduò riki heka atxiterimy adi rýireri. ¹⁵Tai tahe Jesuisi rýýraxire taerydýýna mahādu-ò: —Mowexe watxirerimy wexe wadi tahõtintenyteri. ¹⁶Simaò Pedro heka rarybere: —Kai Kristu atxiteri Deuxu deòdýýna heka tate. Kai heka Deuxu Riðre tate. ¹⁷⁻¹⁸Tahe Jesuisi rirawyònyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhýrele kia adee riteòsinyre. Iny aókò kia adee riteòsinyre. Wadodhóýýna mahādu kia mana tyre-ò ariwinykre. Rubu dori heka tiu ituedeòna. ¹⁹Waiòlòna rayna heka adee ariwahinykre. Kabede-ki aówidýý adee binakeki tule biu-ki ariijònykre. Aótxiletxibo aówidýýmy burukre tasý biu-ki tule adee ariwinykre. ²⁰Jiarý inatyhymy Deuxu deòdýýna rare. Tuu ijyrenyòmyke.

²¹Iribi tahe Jesuisi itýny relymy taerydýýna mahādu-ò. Rurukremy heka relyyre: —Arakre heka Jerusalē-ò. Tai heka matuari mahādu, ònosóna bedeeryna mahādu, xiwena wahidýýdu mahādu-wana riwarubunykre. Inataò txu-di tahe ixbyby rubu-ribi adexixakre. ²²Idi tahe Pedro heka Jesuisi ridyre ijò erydýýna-ribi tahe tamy rarybere: —Aókòre, Wanyrý, tiu heka tiiboho ararubunyrenyòtyhy. ²³Tahe Jesuisi rarybere Pedro-ò: —Waribi bexihitxinyke. Kai heka Satanasi weselemy atximahāte. Iwese kai taraykynmahāte heka aó Deuxu deewinamy aókò tuu tahõtinyamahāte hābudeewile rare. ²⁴Idi tahe Jesuisi rarybere taerydýýna mahādu-ò: —Inyò wawananomy rurukeki, ixi-ribi heka tòhòti rosake. Nomy rurukeki heka taitxeò rimyke idi tahe wahemy kanake. ²⁵Inyò wahemy rariakemy ixi-di rōhõtinyhyke wana heka ıruıy inonana irehemy ixi-di ratxikeki heka tii ihārele ruruke. Inyò taumy riònonykeki waðraru-ki tai tahe tii ròtake. ²⁶Inyò heka ibutumy aóna aóna bede-ki ributunykeki. Tahe ihārele heka tii ruruke. Tule umytuedeòna riònonyre. Aó tarasana tamy aó aókò rare. Iny ıruına riòwynyòhyımyhýre, ixıbyby tamy kanake wahe. ²⁷Jiarý, Deuxu Riðre, Hābutyhyhyký dori kanakre wana aówesele. Tayju loosóna-ki tii kanake.

Iny ibutumy ariòwynykre bibutunmy aóbo iny riwinymyhýré heka aówiwihiký aóbina bina.

²⁸Iu jiarý, Deuxu Riðre, Hābutyhyhyký, kanakeu tahe inyò kaibohoò tuu robikre, Iòlòmy kanakreu.

17 ¹Reare heka debò sohoji reurò txumy. Tahe Jesuisi ridyre Pedro, Txiau, Joaō-wana. Joaō tahe Txiau seriðre rare. Tahe raðwònyre tiiboho-wana hāwālò ratððhòkỹ ratyy-ð. Inyò heka tii wana raðhyyre. ²Ikoreny-ki tahe Jesuisi rexiwixiranyre. Iòsana heka roosðre. Txuwese-hekỹle relere iòsana heka ratỹrỹrỹnyre. Ityky tasỹ rauranyhỹkỹre. Tahe roosòna itoosònadihikỹre. ³Iu tahe tuu robire Moisesi rubu, Elia rubu, Jesuisi-wana widee rarybemyhỹreny. ⁴Tahe Pedro tamy rarybere: —Awire, Wanyrỹ, kawese watxirenryeri kaki. Adee wikeki hetomy ariwinyrenykre ijò adeekre, ijò ta Moisesiðkre, ijò Eliaðkre. ⁵Iu Pedro rarybereriule tahe biuwetyky urahakỹ relere. Iyribile rybeð narybede: —Kia heka Wariðre waluu heka rare. Boholabeny irybe-ð. ⁶Idi tahe ierydỹña tamy roholareu, tahe ruberure. Tahe reserenyre iòsanarený bede-ð. ⁷Jesuisi tamyreny nade: —Breburenyòmyke hewa bodorukubedenyke heka. ⁸Reteherenyre tahe Jesuisi sohojile tai rỹire.

⁹Iribi tahe diberenydenyde hāwālò ratyy-ribi, Jesuisi narybede: —Uritere waijyyòmyke inyko wiji tuu tabitimy. Iu jiarỹ, Deuxu Riðre Hābutyhyhykỹ, rubu-ribi riixixanykreu tahe tuu belyykre. ¹⁰Tahe ierydỹña mahādu Jesuisi-ð rỹrỹraxire: —Aòherekibo tarybetenyteri —Elia juhuu kanakemy ako-ð juhuu kanakemy. ¹¹Jesuisi rirawyðnyre: —Inatyhy rare tii juhuu kanakre. Ibutumy heka bede riywinykre. ¹²Tule ararybekre kiamy: —Elia nade tahe ihārele heka iny rieryðhyyre. Aòhòkỹmy risỹnyre. Iwese Elia aòhòkỹmy risỹnyre wesele tahe Deuxu Riðre Hābu heka aòhòkỹmy risynykre, jiarỹ wahe. ¹³Tai tahe Jesuisi erydỹña mahādu rieryrenyre aomybo Eliamy tii raryberemy Joaō Sebedỹýðule tahe Jesuisi rarybere.

¹⁴Iribi tahe dððsedenyde iny sòwemy riraðmy rỹimyhỹre. Hābu-ð nade Jesuisiko-ð tatiowomy resere: ¹⁵—Wanyrỹ, ruxetðena wariðre-di biwahinyke. Irayky awimy aòkò ratximyhỹre. Bera-txi resemyhỹre. Heðtyru-txi resemyhỹre. Ibutumy aòna aòna riwinyrerimy ihỹre. ¹⁶Aerydỹña mahādu-ð heka adidyde tahe tiu riteytenyðtyhy. ¹⁷Jesuisi rirawyðnyre tamyreny: —Kaiboho isira mahādu atxitenyteri. Aò heka inatyhyna heka akireny ijòkòre. Tiwese bede dỹñnana bohe araðludunynykre. Bedese inihe bididy uladu wadee. ¹⁸Tahe Jesuisi rarybere kia uladuwo-ki ratximyhỹð: —Iribi wa bohonyke! Tahe uladu reytemy reare.

¹⁹Idi ierydỹña mahādu Jesuisiðle rarybere: —Aòherekibohe jiarỹboho tyytybybina iribi reteðnykòreri? ²⁰Aòmareki kiehe ainatyhyna ibutetyhyreki òwòruty sòmowesele ainatyhyna dikeki heka kai aòwiwihikỹ biwinyke. Kai hāwālò-ð marybeke: —Iribi bexitake! Tai tahe hāwālò rexitake iwixira suò. Aò aòkò adee isirake, ainatyhyna direki wahe. ²¹Kia tyytyby bina iwixira rare. Isiratyhyre heka. Kaiboho bexitðenybenykeki, binarehebenykeki, ixiery tyytybybina biteðnybenyke.

²²⁻²³Kalileia bede-ki Jesuisi taerydỹña mahādu-wana ributunyre. Tai Jesuisi rarybere tamy: —Jiarỹ, Deuxu Riðre Hābu, rare. Tai inyò riwahinykre hābubinað-ð warubudỹmy. Inatað txu-di tahe rubu-ribi adexixakre. Tai tahe ierydỹña mahādu rabadewo nihikỹre.

²⁴Iu tiiboho heka Kafanað hāwā-ð rithemynyre, inyò Pedro-ð nade. Tii dohodỹña òwy butudỹýdu rare. Tahe rarybere: —Awedu aòbohe tii rexiðwynykekò. ²⁵Pedro rirawyðnyre: —Tii riðwynymyhỹre. Tai tahe Pedro

rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iòlò rexitòdenymyhÿre òwydÿÿnamy. Mynydu mahâdu-ribi aòbo ada ta taijoiribile aòbohe rotamyhÿre. ²⁶Pedro tahe rirawÿònyre: —Mynydu mahâduòle rexitòdenymyhÿre. —Inatyhy rare, Jesuisi rarybere. Iijoi mahâdu òsana riòwynyòhykymyhÿre. Jesuisi rarybere: —Ihâre tahe ròkòòwydÿÿkre. ²⁷Òbitimy rakaòwònyrenykre. Kia Templo heto òwomy. Ibinamy kia iny-ò ariwinyòtyhy. Kai heka makre ahohokÿ-ò awaxi-di behukre. Juhu utura kanakrele heka bidimykre. Idi iry biraynykre. Tai nieruò-ki mahake. Iribi biditamy tahe makre iny òwydÿÿmy.

18 ¹Iule tahe Jesuisi erydÿÿna mahâdu tamy rehemynyre rÿÿraxire: —Mobohe Deuxu Iòlòna-ki nihikÿmy rarekre. ²Jesuisi heka ratximyhÿ uladuò ibire-ki. ³Idi tamy rarybere: —Kai uladu weseleòmy mabeòkeki, Deuxu Iòlòna-ò malòbenyòtyhy ⁴Uladu wese maraykynybenykeki heka, tii tahe Deuxu Iòlòna-ki inatyhymy rÿirakre. ⁵Kai waòraru-ki uladu kawesemy biwiòhenanykeki tiwawiòhenanymahâte ⁶Kai uladuò òraruna-txi resekeny risÿnykeki, kai abinatyhymy atximahâte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

⁷Sòwemy heka aòna aòna rÿira wary-ribi iny riatykemy. Tii adee ibinatyhÿre. Tiiemy heka tuhy rarekre. Inydee heka ibinakre heka. Wary-ribi riòlòdÿÿnymyhÿre heka tamy ibinakre. ⁸Ebò òraru-ki tahe wainatyhyry-ribi bexitakeki, ebò biòròmy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. ⁹Tule arue sohoji òraru-ki kia òranunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Bui bedewihikÿ-ò malòke tahe awire heka arueyremy. ¹⁰Iny nihikÿ ityhy iny yja mahâdu heka tuòre. Uritere heka iweserenyòmy atxibenyke kaiboho beiiijebenyke tamy. Iny aòkò mahâdu dori tii iÿju dire heka. Iÿjurenny heka Deuxuko tii ibutummy relyymyhÿre turenny. Idi òhòtirenny-ribi bosabenyòke. ¹¹Jiarÿ Hābutyhyhykÿ rare, Deuxu Riòre wahe. Ityhydÿÿdukòdu mahâdu ibutummy aritakemy anade. ¹²Rakawesenanykre heka kaijyy wesemy. Rakarybekre heka kahābu 100 budoeni ijòdire wesemy. Sohoji heka iòre iy-ribi. Kia hābu idi itxeredu tahe iy-ribi iòre rakre ijesemy. Iu tahe hāwālò-ki riroximy ririre. ¹³Tai rahakre wana heka teysamy ratxikre. Kia sohoji òrarukile reysakre. ¹⁴Iwesityhylemy taheka inyò iòòtyhy Waha-ribi. Tamy dori kia ibinare.

¹⁵Inyò adee rexiòrarunyekeki tahe tamy makre rybemy. Uritere inywitxi-rako-txi rybeòmy tuu. Tahe tamhyhylemy marybeke. Aityhydÿÿdu seriòre heka arybe-ò roholakeki, tahe ixi-txi tòhòti reake wana, ixi dee ibinamy ròhòtinyra wana, tai tahe kai ixyby tii-wana ityhydÿÿdu seriòre biòwamy beleke. ¹⁶Aòhe wana tahe arybe-ò roholaòhykyre, tahe ixityre make inyò wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekeny wahe. Iu dohodÿÿna-ki rarybekre, tai tasÿ tii rarybeke teòsamy aòkò ratximyhÿrelemy rarybeke. ¹⁷Tii irybereny-ò roholaòkeki, tai tahe dohodÿÿna mahâdu-ò belyke. Tii irybereny-ò roholaòkeki, tai tahe biteònyke. Tii iwese òrarudu mahâdu heka adee rarekre, bede dinodu-ò nieru wydydu wese wahe.

¹⁸Iwese kaiboho waityhydÿÿdu mahâdu kabede-ki ròhòtinyre wesele,

tule araykywesetyhyle Deuxu biu-ki röhötinykre. Aôbo adee kabede-ki aôwidÿy ibinare ada awire heka tule biu-ki ibinamy rarekre, awimy rarekre. Arybe riwitxiranyôtyhy kowa biu bede-ki. ¹⁹Iwitxiraômy adeereny ararybekre: —Ijô titxibo inatxi ada inataô ityhydÿÿdu seriôre wiweselemy raraykynykre. Waha-ô rexitôdenymyhÿreki iwese rexitôdenyre wesele heka tamy riwinykre biu-ki. ²⁰Titxibo waniôraru-ki inatxi, inataô wii ributunykre heka, jiarÿ taile watxireri.

²¹Tahe Pedro rÿÿraxire Jesuisi-ô: —Bede erydÿÿdu! Waityhydÿÿdu seriôre heka wadee rexiôrarunyekeki, tiwesebo sôwe ariixâwididÿÿnykre ixi-ribi debô inatxi reurô, my aôbo? ²²Jesuisi rirawyônyre: —Aôkôre, debôinatximy aôkôre, 490 wesemy wahe. Ixityre ixityre biixâwidÿÿnykre. ²³Deuxu îlôna kawesemy rare: —Îlôô heka teôdu mahâdu kia contamy robikemy idi ratxireri. Tiwesebo inieru-di rasiranyre wesemy wahe. ²⁴Sohoji teôdu juhûu dehemyndye. Sôwemy heka tevedÿÿna ratximyhÿre, 1000,000 womati tÿÿrÿÿhÿkÿ nieru wahe. ²⁵Inieruôre heka iôwydÿÿna wahe. Idi rohonykemy heka iwedû riteônyre deôdu mahâdu wesemy. Tariôre-wana tahâwyy-wana ibutumy deôdumy roirekemy. Aôbo tai rÿimyhÿ heka ibutumy idi rohonyre. ²⁶Tai kia deôdu heka tatiowotimy resere kia îlôko-txi: —Waiôlôreny, txioinihe biwaraôkre ariôwynykre ibutumy. ²⁷Tai tahe îlô riwotôdenyre aôma ixinahykylemy ritusanyre. ²⁸Tai tahe kia hâbu he rare kia urihimÿô tamy radevenymyhÿô heka rexinohôtidÿÿnyre. Tai tahe hâbu lôtikile rimyre. Rierenymy resere ribôtôrarityxnyre: —Bidiwaôwynykre kÿnyhe wijityhyle. ²⁹Tai tahe tatiowomy resere, rarybere: —Txioke inihe ariôwynykre ibutulemy. ³⁰Tai tahe rirutyre rôtenawo-ô idi riôtenyre. Riwotôdenyreôhyre. ³¹Itxeredu mahâdu heka rabadewore tai tahe ibutumy relyre îlôko. ³²Tai tahe ixityre tamy rarariôwyre tamy rarybere: —Aôherewe, deôdu binahakÿ, jiarÿ araixâwididÿÿnyre ibutumy inatyhy? Kai dori ixitôedÿÿna wadee tewinyta. ³³Aôherekibohe aleina kia adee nadevenymyhÿde kia teixâwidinyôta, iwese jiarÿ araixâwidinyre wese. ³⁴Tai tahe tii rimyre reburere itere îlô, tai imynymy riteônyre rotenawo-ô riôwynykre xiery riôlôdÿÿnykremy. Tai aôhökÿmy rotÿÿnymyhÿre. ³⁵Jesuisi rexihura narybede: —Kiawesele heka adeereny rarekre. Ityhydÿÿdu seriôre taseriôre riixâwidinyôkeki heka iwesele heka waha adi riwisÿnykre.

19 ¹Jesuisi ibedeerydÿÿna-ribi rexihureu, Kalileia bede-ribi röhònyre. Bero Jordaô weribijâ-ô reurore, Judeia hâwâ bede kanawe-ribi ijâ-ô rehemynyre. ²Tai tahe sôwemy iny webinadu mahâdu rÿire. Idi tahe ihemy rare. Ibutumy riteytenyre. ³Fariseu mahâdu imynymy idi riwisÿnymyhÿre aôbinamy rarybekeki rimykemy. Tai tahe tamy dÿÿraximy namyhÿde aôsirahakÿmybo: —Iny bede ywinareny tahâwyy riteônymyhÿre urirylelemy, wiribi resekemy. ⁴Jesuisi dirawyônyde: —Ritidÿÿnamy aôbo tariaômyhÿte idi?

—Deuxu ibutu widÿÿdu heka juhûu hâbu hâwyy-wana riwinyre.

⁵Idi tahe rarybere:

—Hâbu heka tybyboho-wana tadiboho-wana wiribi rexihitxinyimyhÿre tai tahe tahâwyywanale wii ributunymy rÿira.

⁶Inatxi heka sohoji weselemy rarekre, hâbu tahâwyy-wana. Deuxu heka hâbu tahâwyy-wana ributunyre, inyô heka tiu rihitxinyôtyhy. ⁷Tahe ijômy fariseu mahâdu ritÿÿraxinyre: —Aôherekibo Moisesi kawesemy juhûu rarybere:

—Hābu tahāwyy riteònykeki juhūu urile tyyriti tamy riwahinyke riteònykekoki.

⁸ Tahe Jesuisi kawesemy rarybere: —Kaiboho heka ieryna urihimydèlereki aō isirareki heka kia riwinyre. Juhūu tahe kawese aōkō r̄yire. ⁹ Aōmale tahe ixinamy riteònyke ixi-ribi òta òtadule heka aōwaxiny tuu riteònyre ixi-ribi.

¹⁰ Tai tahe ieryd̄ȳna mahādu rarybere Jesuisi-ò: —Tahe kiawesekeki heka uritere heriōmy hāwyyōmy, hābuōmy. ¹¹ Jesuisi tahe dirawyònyde: —Kaa bede eryna heka aō ibutuhuk̄y-ò aōkō tureri aōma Deuxu bede eryna tamy riwahiny myh̄yreòle heka tureri. ¹² Aōtxi-ki tahe tuu hābuō r̄yira hāwyy my heridumy aōkō r̄yira. Ijō hābuō tahe tiemy tunodumy r̄yirerimy ih̄yre. Iwi-txira hābu-ò rexiwahiny my r̄yireriki heka tuu r̄yirerimy ih̄yre. Ijō tahe tuu r̄yirerimy ih̄yre aōma Deuxu aōmys̄d̄ȳna òraru-ki wahe. Kaa rybe tahe inyò tahe rityhinykeki tii inatyhmy rityhinyke.

¹³ Inyò didyde uladuò Jesuisi-ò tamy rexitòenykemy tebò iraty tyre-ki roirerilemy. Ieryd̄ȳna mahādu tahe uritere iixirad̄ȳnyke. ¹⁴ Tahe Jesuisi rarybere: —Ixinamy kanamyh̄yke uladu wadee. Uritere itinys̄renyōmy. Uladu wesemy dori Deuxu Iòlòna ròtedu mahādu ratximy h̄yre. ¹⁵ Jesuisi tahe iraty tyre tebò ritidire tamy rexitòenyre. Idi tahe Jesuisi rare.

¹⁶ Aōu tahe hābuō Jesuisi-ò nade: —Eryd̄ȳdu, aōhebo arot̄ȳnykre. Aōma, timykibo umytuedeōna aritakemy wahe. Aōwid̄ȳ wiwihik̄ybo ariwinykemy. ¹⁷ Jesuisi rarybere: —Aōherekibo wadee aōwiwihik̄y my wid̄ȳ t̄ȳraxiteri? Iny sohojile awi rare, Deuxule wahe. Kai bede ywina ibutumy bityhinyke, umytuedeōna hak̄y-ò molokre. ¹⁸ Aōbedeywinabo arityhinykre? Tahe Jesuisi rirawyònyre:

—Rubud̄ȳōmy, Òta òta wid̄ȳōmy, wasiōmy, ruiōmy,

¹⁹ Adi boo-wana bityhinyke, iwese ixiluure wese heka abireludu mahādu luuke.

²⁰ Hābu rarybere: —Kia heka aōu aōu jiar̄y retyhinyre. Aōijōmybo arot̄ȳnykre? ²¹ Jesuisi rirawyònyre: —Kai òbitimy mabekekile aōmyd̄ȳna-di ibutumy. Kia idi bohonyke òwy tahe biwahinyke urimynodu mahādu-ò. Tai sōwemy aōna aōna biu-ki ahōrōmykre. Iribi tahe biwaheludunyke. ²² Iu hābu kia roholareu tahe rabadewonihik̄y re inieru sōwereki heka rabadewore.

²³ Tai tahe Jesuisi taeryd̄ȳna mahādu ribedeerynyre: —Isiratyhyre heka biu bede-ò ralòke aōma ityhy nihik̄ykeki. ²⁴ Isirare heka aōma kamelo tyy rurena òtummy ralòke heka isirare, inatyhy? Tai tahe aōma ityhy mahādu ralòke tarasanamy reake heka isirare. ²⁵ Jesuisi eryd̄ȳna mahādu ribedeòtiinyre kai-ò roholareu. Tai tahe rōhōtinyre: —Aōkōre isiratyhyre tuu ròte. Inyò tarasanamy reaōtyhy. ²⁶ Jesuisi tamyreny retehere tahe rarybere: —Inatyhy rare hābu-ò isirare. Deuxu dee tahe isiraòle rare. ²⁷ Tai tahe Pedro rarybere: —Jiar̄yboho ibutumy aōmyd̄ȳnareny adiridenyde. Araheludunymy watxiwāhāre. Aōma ritarenykre? ²⁸ Jesuisi tahe dirawyònyde: —Kiamy heka adee ararybekre. Jiar̄y Deuxu Riòre Hābu tyhyhyk̄y wahe. Kaiboho heka tule borukubenyke aiòlònaryna-ki iu ibutumy rat̄ymyrakreu. Kaiboho iny sohoji sohojimy judeu ijoio biywisid̄ȳnanybenykre, wajioi waòinatxi reurò mahāduò wahe. ²⁹ Inyò kia ibutumy aōbo waòraru-ki ririmy h̄yre iwese taheto ririmy h̄yre waòraru-ki, taseriòre, tadi, tyby, uladu, taoworu, ririmy h̄yre. Kia sohoji sohoji-ribi heka aō sohoji sohoji òwmy 100 ritakre. Tule

umytuedeona ijōmy ritakre. ³⁰Inyō nihikỹmy ityhymy ratxirerimy ihỹre, tii iyjalemy relekre, aōma aōkō tai relekre. Tule iyja nihikỹmy relekre. Sōwemy urimynodu kaki r̄irerimy ihỹre tahe biu-ki inihikỹmy rarekre.

20 ¹Jesuisi tasỹ riteōsinyreri ijyyō timyrebo Deuxu Iōlōna. Hābu aōmys̄d̄ȳdu heka oworu wid̄ȳmy heka riteranymy tamy rarybemyhỹre: ²—Aōmamy araōwynykre, sohoji prata womati nieru, iwese ibutumy araōwynymyhỹre wese, sohoji txuōwy wahe. Tai tahe tii raaōmys̄d̄ȳre uva oworu-di raaōmys̄d̄ȳmyhỹ. ³⁻⁴Idi tahe tii reare 9 horau tule, txutyau tule, titxibo iaōmys̄d̄ȳna r̄ireri titxibo hābu teaōmys̄d̄ȳmyhỹ. Tahe tuu robire urile ratximyhỹmyhe idi retehemyhỹ. Tai tahe tamy rarybere: —Maaōmys̄d̄ȳke hewa, waoworu-ki. Ikonana txu heka òbitihyke araōwynkemy adi watxireri. ⁵Tiiboho raaōmys̄d̄ȳre tule. Txutye tasỹ ixiyrubule ijō riteranymy aōma iwese kia juhuu ijō-ò rarybera wesele. ⁶Txuinyòbira-ò ijō rimyre, tule ijō txiorotxure. ⁷Iruyre hora-ò ijō tasỹ riteōnyre. ⁸Tahe txiorotxumy ròhònyra tahe kia iòwyd̄ȳdu tamy ryryre. ⁹Tahe 1 womati nieru tamy riwahinyre, sohoji hora raaōmys̄d̄ȳre mahādu wahe. ¹⁰Tahe txusohojimy raaōmys̄d̄ȳre tahe iratyre ròtakremy ixi-di ròhòtinyre. Tahe tule riòwynyra iwese ijō riòwynyra weselemy, 1 womati nieru, sohoji sohoji wahe. ¹¹Tai tahe rimyre nieru urile tamy rexibinanymy rarybere: ¹²—Kowa heka sohoji horale raaōmys̄d̄ȳhārele heka 1 teòwynyta. Jiarỹ boho tahe txuhyy raaōmys̄d̄ȳra, bede tòtee-ki wahe. ¹³Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora. ¹⁴Boibenykre heka ibutumy araōwynyreri. Wiwesetyhylemy heka araōwynyrenyreri, iwese rarybere wese. ¹⁵Hora sohojilemy raaōmys̄d̄ȳraò sohojimy wanieru ariòwynykre inatyhy. Tamy wanieru ariwahinykemy ixideewimy, aōhe inatyhy? Aòherekibo tebureteri? Jiarỹ urihimyo raaōmys̄d̄ȳraò wawiremy tarybetenyteri wahe. ¹⁶Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasỹ iko-ò resekre.

¹⁷Tai tahe Jesuisi ròwònyre Jerusalē hāwā-ò. Iny-ribi tawaò inatxi reurò mahādu rihitxinyre. Tamy relyyre timybo aòhebo rotỹnykremy Jerusalē hāwā-ki: ¹⁸—Jiarỹ, Hābutyhykỹ adee ararybekre: —Inyò riwawahinykre aōma-ò Xiwena wahid̄ȳdu wedu mahādu-ò. Tule diwatyhenykre judeu wedu mahādu-ò. Tahe riwarubunykemy heka tiiboho wamy rarybekre ijō iny-ò. ¹⁹Tii heka riwamykre tahe riwawahinykre Roma iòlò-ò, judeukòdu mahādu iòlò wahe. Ibinatyhymy aòhebo riwas̄ynymy riwahetenyre. Itxeò nihikỹ-ò riwatamad̄ȳnykre. Tahe txu inataò-di rubu-ribi areixixanykre.

²⁰Zebedeu riòrese Jesuisi-ò nade. Tatiowotimy resere tahe rexitòenyre aōmybo Jesuisi-ò tariòre-wana nade. ²¹Jesuisi tamy rarybere: —Aòbo rare hāwyy rarybere: —Waritxòre inatxi hābu rare. Tikiboho k̄nyhe, aikòlònykuna rynana-ki ronykre awana. Ijō aruruna-txi, ijō ahywe-txi wahe, kai aikòlòkuna-kò malokreku wahe. ²²Jesuisi heka iriòre-ò rarybere: —Kaiboho aōmybo texitòenyteri teerykòleteru. Kai Txiau, kai Joaò, teerytenyte aòbo aòhebo wadi rotỹnykre arurukre dori jiarỹ kaiboho tulekre? Tiiboho dirawònyde: —Tulekre. ²³Tahe Jesuisi rarybere: —Inatyhy rare kaiboho tule aòhòkỹmy botỹnybenykre. Tahe mobo warora-txi ada waruruna weribi rynana-txi ronykre. Jiarỹ reerykòre. Wahale heka rieriye. Tiile tamy

riywinyre. ²⁴Idi tahe debòwiò ierydýña mahādu kia rieryre aōmybo Txiaku Joaōboho rexitðenyrenyrá. Tai tahe tiiboho rakyarananyrenyre. ²⁵Tahe Jesuisi ibutumy taerydýña mahādu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahādu riteònymyhýre. Teòdu mahādu riteònymyhýre. ²⁶Tahe aō tuukre aōkō heka rare ayreny-ki. Inyò dinodumy ixidikre heka deòdumy rarekre. ²⁷Kia iny nihikýmy ixi-di rexinohtinyreri tasý aō aōkō tii rarekre. ²⁸Iwese jiarý riwinyre wesemy heka rarekre. Hābutyhyhyký aō dinodumy aōkō anade. Iwese deòdu rýira wesemy heka nade waumy riwahinykremy rubu-ò kabede-ki. Tai sōwemy iny ritakre.

²⁹Iu Ijeriò hāwā-ribi ròrenyre, tahe sōwemy iny riheludunyre. ³⁰Inatxi iruetāmy heka ronymyhý iu Jesuisi ibire-di rareu. Tiiboho roholarenyre kia Jesuisi raremy. Rexidelenyre rryre Jesuisi-ò: —Davi riokore, wadee hewa ruxetòena biwahinyke. ³¹Tai tahe iòhòmy iny iribi rýimyhý rarybere: —Txiokre inihe, biyryke! Ixityre rryre tarurutyhy: —Inynyrý Davi riokore, Biwawotðenyke hewa. ³²Jesuisi tamy rarybere: —Aōwexe adeereny ari-winykre. ³³—Wanyrý, Kai wa bidiwaruenykre warue biraynykremy. ³⁴Tahe Jesuisi riwotðenyre iruebymy reare tebò-di. Aōwesele tahe ruòmy reare. Tai tahe Jesuisihe riheludunyre.

21 ¹Jesusiboho tahe rehemynyrenyre Jerusalē hāwā iòhòmy. Betabaji hāwā-ò heka rehemynyre. Kia Oliveira hāwālò-ribi irehemy aōkō ihýre. Tahe Jesuisi inatxi iny riteònyre hāwā-ò, taerydýña mahādu wahe. Tamy rarybere: ²—Juhu hāwā dele-ò malokreule aōma bobikre, jumenta tariòre-wana. Tahe bitaanalawekre ta bididykre kaò. ³Inyò aratýýraxinykre wana, tai tahe kiamy bisýnykre aōma: —Wawedu hewa idi ratxikemy rōhò-tinyreri. Tai ki tahe ahemy kiditeònykre. ⁴Kia ihetxiu ritidýña tuheka relemy roimyhýre. Kamy rarybere: ⁵—Marybeke heka Jerusalē hāwā-ò:

—Deuxu iòlòna heka kanakre adeereny wahe. Tii inihiký wesemy aōkō kedehemynymy, jumenta tyre-ki heka kedehemynykre.

⁶Tahe ierydýña mahādu riwinyre iwese Jesuisi rarybere weselemy. ⁷Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare. ⁸Tahe inyò sōwemy-ribi tahetyreny-di rehumyhýre iryko-txi idi rariakemy ityre-di. Ijò tasý hereru-di iryko-txi rehure iryube hetymy ityre-di rariakemy. ⁹Sōwemy tai iny rirajuamy rýimyhý iko-ò, ihewo-ò:

—Iòlò Davi riokore heka sōwemy iny wowydyna tamy iny riwahinyreri.

Tii Deuxu Riòre Hābu rare. Deuxu deysana heka tamy biwahinyke!

¹⁰Jesuisi hāwā-ki rehemynyreu, ibutumy iny ribedeòtiidýnyre: —Mohā-buwe kia ralòreri Jerusalē hāwā-ki wahe? ¹¹Tai tahe iny mahādu rarybere: —Aōkōre, kia Deuxu rybeduò rare. Jesuisi inire Kalileia bede-ribi Nazare hāwā-ribi dehemynyde.

¹²Tahe ralore Deuxu dohodýña heto-ò. Tai kia aōna aōna-di rohonyreri heka riteònyre. Kia aōma nieru wiuròna iòwòruwebese tahe riatyre. Kia aōma bòtòe dohodýñdu ryna ibutumy ritxiwire riatyre. ¹³Tahe Jesuisi rarybere: —Deuxu Tyryiti rarybere:

—Dohodýña heto heka waha heto rare, ixitòedýña heto rare.

—Kaiboho heka inywasidu mahādu-di tetýxinytenyta. ¹⁴Sōwemy iny itiere, iruetà, nade Jesuisi-ò dohodýña heto-ò. Jesuisi taile riteytenyre. ¹⁵Tahe

xiwena wahidÿÿdu wedu tuu robire. Tule judeu bede ywina bede eryna mahädu robireu tahe, aöma uladu templo-ki ryrımı rÿımyhÿò aöma: —Davi riokore heka Deuxudeewina rare. Tai tahe kia rybe-ò reburerenyre. ¹⁶Tiiboho tahe raryberenyre Jesuisi-ò: —Kai aöbo taholate aöbo rarybereri. Jesuisi rirawònyre: —Kohe, raholare. Kaiboho teeryòtenyte:

—Uladu dori wowydyna tamy riwahinykre. Tiu aöbo tariatenyöhyimahäte kia Tyyrity-ki.

¹⁷Tahe Jesuisi iribi rõhònyre Betÿnia häwä-ò. Taile tahe ruu idi rÿire.

¹⁸Biurasò txumy tahe tii dòòsede Jerusalē-ò. Tahe rama risare iu.

¹⁹Òwòruò tai rÿire. Tai tahe diaride figoraty-ò. Tahe iratyöre, txirule rÿire. Tai Jesuisi rarybere òwòru-ò: —Tiu heka kai maratynyötyhy aöwelese tahe irade rairuxÿrure. ²⁰Tai tahe ierydÿÿna mahädu heka ribedeòtiidÿÿnyre: —Timykibo heka aöwelese rairumyromy reareri. ²¹Tahe Jesuisi tamy rarybere: —Kai ainatyhyna ijòdikeki heka iwelese biwinyke. Iratyre biwinyke. Kaiboho heka bitxiònyòkeki kaa häwä-ò dori marybekre kiamy: —Iribi bexitake tahe aho-ò boikre. Tai häwä-ò aöwelese heka ahoro-ò roikre. ²²Aòtxile kai bexitòenykre heka adee ijò rÿikre. Bityhynytyhykeki, tahe ibutumy bitake.

²³Tai Jesuisi dehemynyde Deuxu dohodÿÿna heto-ò. Tai tahe rõbedeery-dÿÿmy ratximyhÿ. Tahe xiwena wahidÿÿdu mahädu, tule judeu bede ywina erydÿÿna mahädu tule tamy dÿÿraximy nade. Tai tahe Jesuisi-ò rÿÿraxire: —Morurudibo heka kai aömydÿÿnana tewinymahäte? Mobo heka arateranyre kia biwinykemy. ²⁴Tai tahe Jesuisi tamy rarybere: —Kai aöbo myÿraxikeki wadee tai ako tuu arelyykre. Kai dÿÿraxinaömy bidiwatÿnynykeki tahe, adee tuu arelyykre. ²⁵—Joaò Sebedÿÿdu heka morurudibo nade morybekibo tuu tadiwinymahäte wesemy. Morybekibo Joaò iny risebenymyhÿre. Deuxu Rybe-ki aöbo ada iny rybe-ki aöbo. Tai tahe wídee rarybe raryberenyre: —Aöma Deuxu Rybe-ki tuu rõsebedÿÿmyhÿre. Mykeki rakarybenykre taheka: —Aòherekibo tetyhynytenyöte myle tii risÿnykre. ²⁶Aömamı rikisÿnyrenykeki: —Iny rybekile tii tahe nade. Myÿ rikisÿnyrenykeki tasÿ kia ijoi iny-deereny rakyarananyke. Joaò Sebedÿÿdu dori ibutumy iny rityhynyrenyre moma tii Deuxu deòduò ratximyhÿre heka. Rakarybenyòkre tahe. ²⁷Tai tahe Jesuisi-ò raryberenyre: —Aòkòre, reeryrenyöre heka irawyòdÿÿ titxi-ribibo iruru nade. Tahe Jesuisi rirawyònyre: —Tule jiarÿ ÿÿraxina adeereny aritÿnynyrenyötyhy. ²⁸Ijò Jesuisi relyyre: —Timybo maraykynybenykre ka ijyymy arelyykre. Häbuò heka inatximy iriòre raremyhÿ. Tariòre dela-ò rarybere: —Dàà, maaömysÿdÿÿkre waoworu-ki, wiji wahe. ²⁹Tahe tamy dirawyònyde: —Waha, araòkre hewa. Ihärele tahe tawo rirahòre rakremy. Tahe rare. ³⁰Idi tahe tyby rarybere helÿÿna-ò: —Kai tule makre waaömysÿdÿÿna biwinykemy: —Dei wahe, arakre araaömysÿdÿÿkre. Ihärele tahe tii raòhyyre. ³¹Adeereny inihe araÿraxikre. —Tibohe weryrybò aöma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bede rõtena-ò. Ihärele tahe kaiboho birònybenyötyhy. ³²Joaò Sebedÿÿdu dori adeereny rarybere. Ihärele tahe kaiboho ixtixireny aòrarurenı-txi òhòti-reny reakemy Deuxu bityhynykemy. Kaiboho heka teramy tekoamahäte tahe sòwemy òrarudu mahädu wydena mahädu rityhynyrenyre. Kaiboho tuu tabitenyte ihärele teerytenykoöte.

³³ Ijō ijyymy arelyykre:

—Hābuō heka uva oworuhukȳle ritòbrònyre. Tahe òtityna riwinyre. Tai tahe utà riwinyre yrubudȳȳdu mahādu itxerenamy.

Tai tahe rihuòtere oworu wahe hābu mahāduō-ò. Tii tahe rabetȳnymy rare taheto-ribi. ³⁴ Iu uva bederaty kia siredenamy bede reareu, riherehe txuramy ixidee ritxuakemy wahe. ³⁵ Tai tahe huòtedu mahādumy heka teòdu mahādu-lemy raòhòtere. Ijō tahe rirubunyre ijō manadile tamy rehunanymy rȳimyhȳ. ³⁶ Iribi tasȳ teòdu mahāduō didyde sòwetyhymy juhuna ludu ratyre. Tahe ixybyle tuu raòhòtere juhūu iwese tuu rotȳȳnyra wesele. ³⁷ Tahe iwedutyhy rōhòtynyre: —Aōma wariòrele kòri ariteònykre. Tai tahe wariòre rityhynykre heka. Tahe tariòre diteònyde. ³⁸ Tahe huòtedu mahādu weryrybòmȳ robireu, tahe wideereny rarybere: —Kaa heka iwedu riòrele rare. Aōma iwedu ruruk-reu iaōna aōna, ioworu heka ixideereny rikimynykre. ³⁹ Tahe rirubunyreny iumy-di rehurennyre oworuro-ribi. ⁴⁰ Tahe Jesuisi rarybere: —Adeereny araȳraxikre aōbo iwedu tamyreny riwinykre huòtedu mahādu-ò iu tii rehemynykreu wahe. Timybohe tii riwinykre? ⁴¹ Tiiboho dirawyònydenyde: —Kia rirubunykre ibutumy hābu bina. Inywitzira-ò huòtenamy ele elemy wijuramy riatykre-ò riwahinykre. ⁴² Tahe Jesuisi tamy rȳȳraxire: —Kaiboho aōbo Ryberiti-di tariaòletenyteri:

—Mana-di heka heto widȳȳdu rehumyhȳre kia manale heto hàtxi-ki ritidimy roimyhȳre. Jiarȳ kia mana wese rare. Inynyryȳ Deuxu kia riwahinyre. Tai awi heka rare. Ijō riwiòhenanyre, mana wahe.

⁴³ Tahe Jesuisi tamyreny rarybere: —Tule jiarȳ adeereny ararybekre: —Deuxu Iòlòna heka aribi ritakre. Tahe inywitzira-ò aribi riwahinykre. Inyò txura wylemy riwahinykre Deuxu-ò. ⁴⁴ Kia iny mana tyre resemyhȳkre heka tii heka wiòròmȳ ixòdumy rare. Mana inytyre resekeki tasȳ iny risurusurunyke. ⁴⁵ Inyò roholakeki kia aōbo aōma xiwena wahidȳȳdu mahādu roholamy rȳimyhȳ tule fariseu mahādu. Tule rexierymyhȳreny tiiiboho Jesuisi turenyle rarybereri heka rierymyhȳreny. ⁴⁶ Tai heka tii mahādu rimykemy idi riwisȳnymyhȳ tahe iny sòwehekȳ lau ruberumyhȳreny. Iny mahādu dori idi rōhòtyny tii Deuxu rybeduò ratximyhȳremy.

22 ¹ Jesuisi heka rexidelenyre ijyymy relyykre. ² —Timybo Deuxu Iòlòna rare ijyymy heka relyykre. —Iòlòò heka tariòre herinamy worana bedehesi riwinyre. ³ Iaòmydȳȳnana ròrarukòmȳ rȳidi tahe teòdu mahādu iòrysomy roire. Rexihumy rȳireriki iaòmydȳȳnana, kanakremy wahe. Tahe òrysna noderamȳ reare. ⁴ Ijō riteònyre teòduò iny ritobinykremy. Aòhere tahaka, wabroreni kȳnyhe rerubunyre heka. Ibutumy heka waaòmydȳȳna rehūmy rȳireri. Tahe kedeade heka kòdòidenyke heka. ⁵ Tahe timy heka irybe rityhynyrenyòhyre. Iny sohoji sohoji tatyyresi-di ijohona-ò, ijō taaòmysȳdȳȳna-ò rea reare, ijō taoworu-ò reare. ⁶ Ijō lobidȳȳna reburere teòdu mahādu dee. Tii teòdu dee heka rawobinare. Ijō aòbina bina heka ritxienyre ijō rirubunyre dori. ⁷ Tai tahe Iòlò reburere lobidȳȳna mahādumy bina bina raòhòtedȳȳnyre, rirubunyre. Ihāwā ritoonyre. ⁸ Tai Iòlò rarybere teòduboho-ò: —Waworana bedehesi rexihumy rȳireri ibutumy. Kia iny mahādu ijoi juhūu retobinyra heka aò ibina heka roire. Urile riòmysanymyhȳreny. ⁹ Tai tahe ibutumy boibenykre hāwā-ò ibutumy iny-txi bekoabenybekre heka bitobinybenybekre ibutumy waworana bedehesina-ò kedeade

kedeakremy. ¹⁰Tai tahe didyde iny wiwihikŷ, iny ityhy iny bina mahādu. Hetowo tahe ritŷxire tŷmyra mahādu-di. ¹¹Tahe iòlò ralore hetowo-ò kia iny mahādu dee rybemy. Tahe tii robire hābuōmy kia worana bedehesi kia tykyōmy ratxirerimy. ¹²Tai tahe tamy iòlò rarybere: —Waliiny, aōherekiwe worana bedehesi kia tyky-di aōkō atxiteri? Kia tahe hābu rybeōmy rijere. ¹³Tai tahe iòlò aōma rarybere teòdu mahādu-ò: —Bimybenyke kaa hābu. Waa bitaataabenyke imy behubenyke tahe idi diòlòdŷŷmy idi rehukre luru-hukŷ-ò. Tai Aōhōkŷmy dŷŷnana-ki tai txuraruti rikyikyiny. Tai rahinykre. ¹⁴Tai tahe Jesuisi rarybere: —Sōwemy iny heka kidirahukre tahe ibutemy kanaarikre.

¹⁵Tai tahe fariseu mahādu ròhònyre wii rotyre. Aōbinamy Jesuisi rarybe-keule heka rimykemy idi rŷimyhŷ. ¹⁶Kia aōma fariseu ijoìò heka riteònyre Jesuisi-ò. Tule Herodi ijoì mahādu riteònyre. Rŷŷraxire Jesuisi-ò: —Erydŷŷdu, kai heka hābuwi tate, hābu òbiti. Kai heka tòbedeerydŷŷma-hāte Deuxu deewinamy. Awire aōbo ariòwynyrenykre Roma hāwā mahādu dinodu-ò. ¹⁷Kai heka ixinamy aōma adee iny rarybererimy ihŷre. Timybo iny raraykynyreny ihŷre. Iny bede ywinareny aōbohe ixinamy nieru aōna aōna òwydŷŷnamy ròhònyke aōbohe awire? ¹⁸Tai Jesuisi heka rierymyhŷ aōma awimy aōkō tai rahareri heka rexierymyhŷre: —Kaiboho òbitimy aōkō toite. Aōherekibo heka kai biwaitxenanybenykemy wamynmy wadi atxitenyteri? ¹⁹Timybohe nieru-ki rakaharenkyre aōna aōna òwydŷŷnamy. Biditeòsinyke kia-ò arierykremy. Tai tahe tamy riteòsinyre womati nieruò. ²⁰Tahe Jesuisi ritŷŷraxinyre: —Motytybybo koa rŷire. Monibo ityre-ki koa roire? ²¹Tai tahe rirawyònyre: —Roma hāwā iòlòniile tai roire. Tai tahe Jesuisi rarybere: —Tibo Roma hāwā iòlò nierubo heka tamy biwahinykre. Tibo Deuxu nierule tasŷ tamy biwahinykre. ²²Tai tahe urile ribedeòtiidŷŷnyre. Tai ririrenyre ròirenyre.

²³Tahe kia txule saduseu mahāduò heka dòidenyde Jesuisi-ò. Rityhynyō-hyymyhŷre kia aōma rubu-bibi ixixana heka rityhynyōhyymyhŷre, saduseu mahādu wahe. ²⁴Tamy rarybere: —Erydŷŷdu, Moisesi tyriti heka kawesemy ribedeerynyre:

—Aōma hābumy hāwyy heridumy roikeki aōbohe timykibo hāwyy uladu-di ratxikeki. Hābuò iriòrekō-di rurukeki tai tahe iseriòre heka iriòrese tyby-wana roike. Tai heka kia hābu rubuweleu, kia deròwmy heka uladu ritybienyke.

²⁵Aōu heka debò inatxi seriòremy kaki rasŷnyny raremyhŷ. Telareny heka roire hāwyy my tahe iriòrekòlemy rurure. Tahe ihāwyytybyhe kia iseriòre-wanale roire. ²⁶Ihelŷŷna sŷ tule rurure. Kia heka ibutumy debò inatxi reurò tii-wana roihyre iriòrekòule. ²⁷Tahe hāwyy heka tule rurure. ²⁸Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehekŷlera. ²⁹Tai tahe Jesuisi rirawyònyre: —Kaiboho teerytenykolēma-hātenyte timybo Tyriti-ki roimyhŷre. Deuxu ruru tule teeryòte. ³⁰Tiu iny rubu-ribi rexixakreu iwitxiramy rexixakre. Ŷju wesemy ronykre. Timy heka hābumy hāwyy roioŷthy. ³¹Kaiboho heka tetyhynytenyōhyymahātenyte rubu-ribi ixixana. Idi heka tariatenyōhyymahātenyte timybo Deuxu rarybere? ³²Kiamy heka rarybere: —Jiarŷ heka Abraò Deuxu rare. Ijai Deuxu rare. Ijaò Deuxu jiarŷ rare. Tii heka iru mahādu Deuxu heka tii ihŷre rubu

mahādu Deuxu aōkō wahe. ³³Iu iny sōwe ribedeerynyreu, tahe urile iny ribedeōtiidỹnyre.

³⁴Fariseu mahādu doidenyde Jesuisi-ò wii rotyrenyre. Roholareki wahe aōma saduceu mahādu ribedeōtiidỹnyrenyreki. ³⁵Bede ywina erydỹña mahāduō rỹraxire heka aōmybo Jesuisi-ò. Tii rimykemy heka idi riwisỹnyny kia rybebinaōmy rirawyōnykeki rimykemy. ³⁶Tahe rỹraxire: —Erydỹñdu, tibohe aōbo bede ywina kia-ribi aōnityhymyhewe bedeōtiidỹnyamy ratximyhỹre. Wakoreny inihe tuu bedelyyke. Tibo kidiōtiidỹnyamy ihỹre. ³⁷Tahe Jesuisi dirawyōnyde: —Iny Deuxureny iny iòlòreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. ³⁸Tii heka inatyhy bedeōtiidỹña tyhymy ratximyhỹre ibutu bede ywina-ribi. ³⁹Ijō ihelỹña tahe iwesele heka rare: Iwese ixiluure wese heka ibutu luuke. ⁴⁰Ibutumy Moisesi bede ywina heka juhuu rare. Tule Deuxu rybedu mahādu erydỹña heka iribile rare. Kia bede ywina inatxi-ribi heka ibutumy iny bede eryna ròhònyre. Kia inatxi bityhynyny bohonykeki iuhe heka tetyhynmahāte.

⁴¹Iu fariseu mahādu iweroramy rỹimyhỹò tahe rỹraxire Jesuisi tamy: ⁴²—Mobo Deuxu deòdỹnyamy ihỹre, Kristu wahe? Moriòrebo tii ihỹre. Tai tahe tiiboho rirawyōnyrenyre: —Moma Davi riokore òsana. Tahe ijō Jesuisi rỹraxire: ⁴³—Tai tahe aòherekibo Davi heka Wanyrỹmy rininire Deuxu Tytytybytyhy irybe riwiòhenanyreu wahe. Davi dori kawesemy rarybere: ⁴⁴Deuxu wawedu-ò rarybere.

—Bodonyke warurunawe-ribi, jiarỹ heka aòludu mahādu-di arawo-txi.

⁴⁵Davi tawedumy Kristu rininirehāre, timykibo Kristu iriokore riokorekre.

⁴⁶Tahe inyò heka Jesuisi rirawyōnyōhyyre. Tai tahe ruberumyhỹre tamy rỹr-raxire lau.

23 ¹Jesuisi heka iny sōwe nihikỹ ribedeerynymyhỹ taerydỹña mahādu-wana. Tii rarybere: ²—Judeu bedeerydỹñdu mahādu heka Moisesi bede ywina bede erydỹña mahāduō rare. fariseu mahādu tule bede ywina riwinymyhỹrenyre. ³Iwese ribedeerynyre wese tahe bityhynykre. Uritere iwese tii riwinymyhỹre wese uritere iwidỹñōmy. Aōwidỹmy rarybemyhỹrenyrehehāre tahe aōwitxira heka riwinymyhỹrenyre. ⁴Tiiboho heka atyreneny riòdònynihikỹmyhỹre bede ywina. Ihāre tahe rityhynyrenyōhy-mahārenyre. ⁵Aōma òbitimy ratxike sỹny heka iny tamy roholamyhỹre ixi-di ratxirerimy ihỹre. Aōma walabu riòreò heka rỹimyhỹre axiò-ki bede ywina heka ritidimy roimyhỹre ityky ijeti retydyna bede ywina-txi tòhòti reakemy tuu riwinyrenyre. Sōwemy heka iretydyna riwinyrenyre. ⁶Ronymyhỹreu heka ikoòhòkỹle ronymyhỹre, worana bedehesina rỹi-wana wahe. Dohodỹña heto-ki heka tule ronymyhỹre, iko-ò tuu rexisỹnymyhỹ. ⁷Hāwāy-ki iny tamy ryrymyhỹre: —Waerydỹñdu, Habimy, kia tahe irybe-ki bede erydỹñdu rare. Tii tahe tamyreny awire. ⁸Tai tahe Jesuisi tamyreny rarybere: —Kaiboho heka uritere Habimy inyò adeereny irykōmy ihỹke. Deuxu sohojile bede erydỹñdu heka rare. Ibutumy kaiboho seriòre wesemy atximahātenyte. ⁹Kasu-ki taheka inyò heka tiu wahamy inyò widee rarybeōtyhy Deuxu biu-ki ratximyhỹrele tuu bininibenyke heka. ¹⁰Uritere Wawedu myỹ inyò kia nidỹñōmy. Deuxu deòdỹñnale heka awedu ratximyhỹre Mesia wahe. ¹¹Anihikỹmy ixi-di mohòtynykeki tahe, kia iny biwiòhenanyke. ¹²Kia ityhy rare ixi-di

rôhötiny myhÿre, tii heka ihewo-ribi rabadewokre. Ihewo-ribi tahe aôma aôkô relekre. Kia iaôkômy ixi-di rôhötinykre tahe nihikÿmy heka relekre. ¹³ Belàhàxe! Kaiboho itxenadÿÿluku. Ibina adeereny kanakre, kai bede erydÿÿna mahâdu, fariseu mahâdu. Kaiboho uritere iny rôtedÿÿrenyômy Deuxu Iôlôna-ô. Kaiboho birônybenyôtyhy tule iny rôtedÿÿ-ô biebenyke. Kaiboho bexisÿnybenyke ôbitinamy. ¹⁴ Aixitôedÿÿna rehereheki wahe hâwâ ube-ki. Kaiboho urile iny teitxenany mahâtenyete. Aôma wytese urimynodu heka iheto-ribi teteðnymahâtenyete kaiboho heka abinarenyre. Tai heka kaiboho yla aôkô aôhökÿmy botÿÿnybenykre. ¹⁵ Belàhàxe! Kaiboho ibutumy iny aratyhynyrenykeny ixi-di tahötiny mahâtenyete. Tai heka iny tesÿnymahâtenyete ôrarudutyhymy wahe ixiratyre heka teijiradÿÿnymahâtenyete. Aôraru-ki heka aôhökÿmy botÿÿnybenykre. Iny-di atxikemy heka tahötiny mahâte. ¹⁶ Kaiboho ruetâ mahâdu wesemy kai ahâte. Kaiboho heka kia wesemy tebedeerynytenyete. Inyô heka Deuxu bede eryna heto riwawiðhenanykeki heka aôna aôna ariwinykre. Myÿ marybebenykeki, heka aô aôkô heka rare. Deuxu dohodÿÿna heto womati tÿrÿrÿhÿkÿ-di marybekeki heka, tii heka rityhynyhy. Ibutumy heka kia bede ywina ôta ôta tewiny mahâtenyete. ¹⁷ Kaiboho heka bede erydÿÿdu bede erytyhykô mahâdu atxitenyeteri dohodÿÿna heto kia-ô ralôkeki. Aôbo bedeôtiidÿÿna tyhyre womati tÿrÿrÿhÿkÿ aôbo ada dohodÿÿna hetole aôbo teeryôte, Deuxu Dohodÿÿna heto wahe. ¹⁸ Kaiboho tule tebedeerynyete kawesemy. Inyô tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyôkeki, awira. Tahe tii xiwena wahidÿÿna tyre-ki rarybekeki tahe, tii ôbitimy heka rarybeke. ¹⁹ Kaiboho ruetâ mahâdu wese, kaiboho heka erydÿÿnakôdu mahâdumy toite. Aôbo awityhyre? Xiwena wahidÿÿna aôbo ada ityre-ki wahidÿÿna roimyhÿre aôbo? ²⁰ Wahisidÿÿna heka wiwesele rare. Aôma xiwena tyre-ki roire wana tule wiwesele rare. Aôma xiwena tyre-ki roiôre wana wahe heka aô aôkô rare. Xiwena utâle heka rierymyhÿre inatyhy rare. Myheka kai mararybekeki heka tai tahe kai heka xiwena utâlemy tarybeteri. Ibutumy iny ityre-ki rÿire bohomy tule heka tai tuu tarybeteri. ²¹ Deuxu dohodÿÿna heto ôraru-ki kai koityhyxemy marybekeki heka tai heka kai dohodÿÿna hetomy tarybeteri hâre tahe Deuxu iwo-ki ratxirerilemy tuu tarybeteri. ²² Biu ôraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyrerî. ²³ —Belàhàxe! fariseu mahâdu! Kaiboho heka itxenadÿÿdu mahâduô toite. Tule bede ywina bede erydÿÿdu mahâdu. Adeereny heka ibinamy ratxikre. Arÿsÿna uri juraô heka kai Deuxu-ô tewahinyte, hortelâ, erwa-doce, cominho wahe. Kaiboho heka aôninihikÿ tetyhynytenyôhyymahâtenyete. Iwese ôbitina, ruxetôena, inatyhyna kia-ribi heka ôhôte losamyhÿre ibutumy. Aômydÿÿna jura wahisidÿÿna heka awi rare. Tahe tule uritere ôhôte losaômyke aôwixira-ribi wahe. Aôbo bedeôtiidÿÿnare bede ywina-ki. Kaiboho heka bede erydÿÿdu toite hâre tahe teerytenyôte. ²⁴ Belàhàxe! Kai hâbuô wese rare. Tiiboho imona berareny-ribi ohoruxômo riarimahâre. Ihârele tahe tiiboho irôdu nihikÿ rirÿsÿmyhÿre. Iwesele kaiboho tule terÿsÿmyhÿtenyete. ²⁵ —Belàhàxe fariseu mahâdu, bede ywina bede erydÿÿna mahâdu. Amona deoreny tesuhômahâtenyete iwe. Iwo tahe ka isuhukÿlemy rÿimyhÿre. Itxenadÿÿna rÿire. Aôma aumy weselemy heka kia ratximyhÿre. Aôma aumy heka webô-rôsityy tyrare heka. Araykywo-ki tahe ibutu itxenadÿÿ heka tai rÿimyhÿre.

²⁶ Belàhàxe fariseu mahādu! Kaiboho taruetà mahādu. Kai mona hynawo bisuhòke heka biòtinyke. Aōma bisuhòke ihÿre tahe arayky bityranykre. Tahe ibutumy heka aumy ryranykre. ²⁷⁻²⁸ —Belàhàxe fariseu mahādu! Kaiboho heka koityhyxenyteri. Rubu heto wiwihikÿ ixideereny tewinymahātenyete. Kaiboho heka iwesetyhylemy toite. Aōma webòròsitylydu heka iruxeramy idi toite. Aōma aworeny-ki tahe aōma iny rubu idi ròhòkÿdileka atxitenyteri mahātenyete. Ibutumy aōbina bina awo-ki arayky-ki idi atxiteri mahātenyete. Aumyreny-ki heka tykywihikÿ textykyyny mahātenyete. Aōma hābu wihikÿwesemy. Hābu òbitimy matxibenyke myheka iny adi ròhòtirenkyemy heka tuu textykynymahātenyete. Araykywo-ki tahe arimyrenywo-ki tahe ibutu itxenadÿÿna-di heka toite, òrarudu mahādu toite. ²⁹ Belàhàxe! Tai heka kaiboho Deuxu rybedu mahāduò rirubunyre. Kaa nohòti ijaranamy tuu tewinymahātenyete. Awabederenywo-ki heka noijasa ruxerahakÿle tetidite. ³⁰ Kaiboho heka tarybemahātenyete. —Tiu wahareny riwinyre wese heka ariwinyrenyòtyhy. ³¹ Kiamy tarybetu heka hābu bina riòremy texininite. Bowesele toite. Iriòre toite. ³² Iwese juhū ibinamy riwinyre wese heka iwesetyhyle aōhebo tatÿÿnymahātenyete. ³³ Iwese hemylala deborehekÿ wesemy heka kaiboho atximahātenyete. Boreny tule iweselere. Timybo heka kaiboho heòty bede-ribi mahenybenyke? Kaiboho heòty bede-ò boibenyke. ³⁴ Adeereny ariteònykre aōma Deuxu rybeduò hābu erydu, tyriti erydu wahe. Kaiboho bidirubunybedenykre. Ohodÿÿna heto-ki ijò bidihetenybedenykre awaru hetenaò-di. Itxeòtyre-ki ijò bidirubunybedenykre. Ijò heka biheludumykre hāwā hāwā-ò tamy ibinamy riwinykre. Aōhòkÿmy dÿÿnana heka tamy biwahinybenykre ijò hāwā-ò rakreu. ³⁵⁻³⁶ Kia heka hābu ibutumy rurure tyby òraru-ki wahe. Dohodÿÿna hetowokile rirubunyrenyete. Kaiboho Abeli juhū terubunytenyete ikonana tahe Zacaria, Barakia riòre wahe. Òbitityhy juratya-ki heka tuu tewinytenyete. Wijnabòdu mahādu tai aōhòkÿmy rotÿÿnykre. Ibutumy ibinamy kai atyre-ò kedeseke. ³⁷ Jesuisi ikonana tahe rarybere: —Jerusalē hāwā mahādu, kaiboho heka terubunytenyete Deuxu rybemy rybedu mahādu. Jiarÿ heka aramykemy adi rewisÿnyreri wariòre wesemy tahe waderarenyete kaiboho. Iwese hānieò iriòre ridyre wese idewo-ki. ³⁸ Aheto heka ixisohojilemy rÿimyhÿre. ³⁹ Kaheka ararybekre adeereny: —Wamy heka bobiòtyhy ixityre. Kai heka Deuxu deòdÿÿna bidykreule wamy bobikre. Iu rarybereu, Deuxu deysanamy, wamy bobikre.

24 ¹ Iu Jesuisi ròhònyreu dohodÿÿna-ribi, ierydÿÿna mahādu tamy rarybere dohodÿÿna heto itxeremy ròikemy, eleri-ò wahe. Tai tahe Jesuisi dirawònyde: ² —Inatyhy rare, awi heka rare. Urile tahe kidixāwididÿÿnykre heka. Timy heka manaò wityre-ki roihyykre. Ibutumy bede-ò idi rehukre. ³ Iribi tahe Jesuisi rehemynyre Oliveira hāwālò-ò heka ronyre. Tai tahe erydÿÿna mahādu tii ritÿÿraxinyre iny sòwe-ribi: —Tiubohe ibutumy kedeixixāwididÿÿnykre. Tiuboho ibutumy bede konanadÿÿnamy reakre. Timybohe rikieryrenykre kai bedehemynyke aōma bede ibutumy rexihukre. ⁴ Tahe Jesuisi tamy rarybere: —Uritere inyò aitxenadÿÿòmykre. ⁵ Sòwemyhe iny itxenadÿÿnamy rÿirakre. Jiarÿ Kristu rare, Deuxu deòdÿÿna heka jiarÿ rare, myheka adee kanarybekre. ⁶ Kaiboho heka boholamy mabekre iny aōbina ròhònymyhÿkre: boholamahākre. Ihāre tahe iny rarybekre aōma: —Karibi heka aōbina urihimyò ròhònykre. Myhe rarybemahākre. Ihārele tahe

kòdòòseòkre aõma ikonana urihimyo. Ibutumy heka kia wesemy relekre. ⁷Aõma kia wesemy heka bede roimyhÿ rarekre aõbo iny witxira witxira heka ibutumy iòlòna heka riteranymhÿkre. Aõbinamy. Tai heka raaõbinanymy rÿirakre. Aõma rama ijara reakre. Bede ibutumy ramytatakre hãwãò-ki. ⁸Kia heka iwese hãwyy uladu dese wesemy robumyhÿre wese tukre. ⁹Adeereny heka aõhòkÿmydÿÿnana tiiboho riwahinykre aõma wani òraru-ki wahe. Ijò kaibohoò heka ararubunyrenykre. ¹⁰Sòwemy heka iny riatymhÿkre wary-ribi heka riatymy ririmyhÿkre. Wii rityhenymhÿkre. Widee rakyarananymhÿkre. ¹¹Rybebina rybeduò heka sòwemy kedehemynykre tahe kia heka sòwemy iny riitxenanyhÿkre. ¹²Iu heka òraru nihikÿ iu ròhònykremy roimyhÿre. Sòwemy heka luuna-di rÿiramyhÿ katahe wiji ixãwikre heka ihomy aòkò relekre. ¹³Kia idi hyy rÿirakre ikonana-ò. Tii mahãdu tahe tarasanamy reakremy rÿira. ¹⁴Ibutumyhe kia iny-ò rybe tÿnydÿÿnamy reakremy rÿira, Deuxu Rybewihikÿ Tÿmyra wahe. Ibutu iny witxira witxira heka roholakre rybe wihikÿ-ò. Kia rahudi hikÿle heka taheka kedehemynykre heka ikonana. ¹⁵Aõbinahakÿ tyhybohe ibinatyhy rÿikre. Tii heka rÿikre heka aõma Deuxu ubetyre-ki, Deuxu isÿ-ki, kiaweselemy heka rÿikre. Bieryke aõbo kia rare. Bieryke aõbo kia rare Danieli heka Deuxu rybeduò ihetxiu kiamy heka rarybere:

¹⁶—Judeia mahãdu bede-ribi tahe kia bihenybenyke. Ibutumy heka bòibenykre hãwãlò bede-ò biòturònykre.

¹⁷—Kia bededÿÿnanau heka tiu aõ bimyoÿthy ahetowo-ribi. Tiiemy heka ròhònyhykÿle rakre aõwesele wahe.

¹⁸Iu bedero raaòmysÿdÿÿkreu heka tiu kòdòòseòÿthy tatyky itxemy. ¹⁹Tule aõma hãwyy bòtòmy rÿira kia bedeu aõhòkÿmy rotÿÿnykremy rÿira. Kia tohouã-di ratxireri tahe tamy isirakre heka itybiedÿÿ idi rakeò heka isirakre. ²⁰Bedejutytykòkemy heka bexitòenyke ahena mahenykeu. Tule sabado txu aòkòkemy bexitòenyke. ²¹Tiu heka aõhòkÿmy dÿÿnanamy iny rotÿÿnyòhyymhÿre kaa aõhòkÿmy dÿÿnana nihikÿmy. Tule tiu tuu robiòhyymhÿre. ²²Kia Deuxu irokorehemynykre wana heka ibutumy iny ituekre. Kaa urihimyo-lekre wana tahe kai Deuxu hòrò mahãdule tuukre. ²³—Aõma Mesia heka kowa-ò rehemynyra, Deuxu deòdÿÿna wahe. Ihãre tahe kai heka inyò adee rarybekeki tahe tetyhynyòhyte heka. ²⁴Kia iu kedehemynykreu tahe aõ Kristu tyhy aòkò heka rarekre. Aõma rybedu itxenadÿÿdu heka tule aõna aõna wiwihikÿ riwinykre. Aõma ityhydÿÿdu dori riitxenanykemy idi riwi-sÿnykre: ²⁵Boholake, juhuu dori adee relyreri ibutumy aõhebo rotÿÿnykre. ²⁶—Aõma arateòwarinyre dori tuu. Kia Mesia, Deuxu Deòdÿÿna heka ròd-sereri. Beteheke bederahy-ki, tule hetowo-ki. Iu tahe timy heka tamy itxeremy raòÿthy inatyhy aòkòreki. ²⁷Iu jiarÿ Deuxu Riðre Hãbutyhyhykÿ arehemynykreu ibutumy heka rierykre loosòna delaana wesele heka wadehemynyna heka rarekre biu ibutumy ritÿxinykre. ²⁸Iwese aõ rubu roimyhÿre, rara heka tamy rabutumyhÿre. Kaiboho rierykre iu rehemynykreu. ²⁹Iu kia bede dÿÿnanamy reakre tahe txulyby heka kòdòhònykre. Ahãdu tule rybynykre. Taina tule ixewesehekÿle kanakre. Ibutumy ramytatakre biu-ki. ³⁰Iule tahe kia wadehemynynamy iny robikre. Sòwemy heka hinana ibrunana bede bedemy rÿirakre. Ibutumy heka iny robikre wadehemynynamy biuwetyky-ki, jiarÿ dori, Deuxu Riðre, Hãbutyhyhykÿ rare. Loosòna

ruruna sôwekreu, tahe arehemynykre. ³¹Tule wajurôna-di, yju aditeònykre iu, ajurôna wodýyhyký-di. Tahe ibutumy wahôrô mahâdu he ixidee aributunykre bede bede-ribi, ibutu rehetyhy-ribi wahe. ³²Jesuïsi tule relyyre: — Ijyyômy heka ako arelyykre. Kai heka ibede erynamy bimykre. Iu kia figueira ôwôru hâbu wiji tybieheký. Kia aôma iruru tÿmyra rurunymyhýré. Tule aôma txirubò tÿmyra rôhònykre. Tiu tahe bierykre. Kai iôhôra bohe wyra. Myhe tamy besekre. ³³Iwesetyhyle taheka kai heka bierykre. Aôma wadehemynyna rôhòny relekre wahe aòbitikre wadehemynyna iu, aôhòkÿmydýÿnana wahe. ³⁴Tiu kia bededýÿnanaule heka bedekònyna rexihukre. ³⁵Biu heka bede-wana ituekre warybe tahe aôu aôu heka rÿihyymy rarekre. ³⁶Inyô heka rieryôhyymyhýre. Tiubo txuu ruu kai konany rÿimyhýre wahe Yju dori tiu rieryôhyymyhýre. Aôma, jiarý Deuxu Riôre dori rieryôre. Aôma Waha Deuxule tahe rierymyhýre. ³⁷Noe bededýÿnana wesemy heka rÿimyhýkre iny risinykre kia bedeu. ³⁸Ibutumy heka worana bedehesi rÿikre kiau. Lisisò tahe rÿikre. Herina lisina aôma hâwyymy herina. ³⁹Tahe Noe bededýÿnana wesemy heka reakre. Iu heka beôra rariare. Tahe rityyhynyôhyyre tiiboho. Tahe heka raðwònyre rariare ibutumy ituere. Iwesele tii heka rarekre heka, wadehemynyna Deuxu Riôre Hâbutyhyhyký wahe. ⁴⁰Inatxi hâbu heka oworu-ki raaômýsýdýÿkre. Ijô heka rakre dynamy reakre. Ijô tahe rarikre. ⁴¹Tule inatxi hâwy heka raaômýsýdýÿkre heto-ki ratxikre mai risyrenykre. Ijô heka dynamy reakre ijô heka rarikre. ⁴²Tai heka iny rexíwiny my rÿimyhýkemy rybe roimyhýre awedureny kanakreki. Tiubo rehemynykre, teeryôte. ⁴³Aôma hâbuò kanakeki heka tiu aôma hâbuò itxeredumy ronykeki heka, tiu hâbuò iribi rawasinyòtyhy. ⁴⁴Bexíwiny my heka wadehemynyna bijemy bonyke, jiarý Deuxu Riôre Hâbutyhyhyký wahe. ⁴⁵Ijô Jesuïsi relyyre: — Inyô tadinodu deòdutyhy my ratxikeki, tii aômýsýdýÿna riwinyhy ronymyhýke tamy. Iheto riywinyhyke. Teòdu mahâdu txuò txuòlemy riwiny mahâke. ⁴⁶Kia riwinykeki, deysamy rarekre teòdu rehemynykreu. ⁴⁷Inatyhy my ararybekre: —Kia deòdu tadinodu aomydýÿnana ibutumy idi riwinykre, riyru-bunykre. Tii ibutu wedu rarekre. ⁴⁸⁻⁴⁹Ibinamy tahe tii rôhòtinykeki, kiewesemy riwinykre: Deòdumy raðhòtemyhý, lisilemy ronymyhý, riroximyhý momodu mahâdu-wana riòmyhý. Tii ixidee rarybekre: —Wawedu kedehemy nyòtyhy, aòtxile ariwinykre. ⁵⁰Iu rehemynyòkremy rôhòtinyreu, iwedu kiaule rehemynykre. ⁵¹Tai tahe raðhòtebinakre. Heòty bede-ò riteònykre, Iwese itxena mahâdu tii riteònykre wese. Kia-ò rahinykre, robukre, txuraruti rikykyiny my aôhòkÿmy dýÿnana ôraru-ki.

25 ¹Jesuïsi ijô relyyre: —Kia txu heka Deuxu Iòlòna ka ijyy wesemy rarekre. Debòwiò ijadòma heka hâbumy herina riraòmyhýrenyre. Iny sohoji sohoji heka toosòna riwyre iximynamyna. ²⁻⁴Iruyrelu tahe tòhòti reare aôma adýÿ-di ritýxinykemy. Ihony tahe tòhòti rosare iruyre wasý, ijô tule ihyna-ki riwykemy. ⁵Weryrybò rehemynyôre, tai tahe ijadòma mahâdu ele rihynmy rÿimyhý tehemyynyna riiraòmyhýrenyre. Iny sohoji sohoji heka toosòna riwyre iximynamyna. ⁶Tai tahe rarybera: —Tÿmyra mahâdu-ò wahe rehemynyreri. Birybenybenyke ruwetya. ⁷Tai tahe ijadòma mahâdu he riturany my rÿimyhýre. Toosò itÿnytyhy my rookemy. ⁸Kia ijô tahe tòhòti rosare mahâdu tahe uritere riijere. Itoodýÿmy idi riwisÿnymyhý. Aôma widee he rexitòenyre: —Urihimykò inihe wahôrò-kò biditxiwike karihukòtekre. ⁹Tai

tahe kialemy risÿnyre: —Anoköre wadehunale dokuri rÿire. Bikòryke tahe ijò itxe tahe. Maa. ¹⁰Idi tahe ròireny iòbradÿÿmy. Tai titxi tai rohonymy-hÿreò. Iòrysmy iòbradÿÿmy ròirenyra rookile tahe dehemynyde kia tÿmyra mahädu wahe. Tahe rironyreny ibutumy riroxikemy. Riratòbònyreny. ¹¹Tai tahe kia iruyre ijadòma iòbradÿÿmy rare tahe dehemynyde: —Wahì, itxòtòbòna wadeke bidirakynybedenyke! ¹²Tai tahe kialemy rirawyònyre: —Jiarÿ umyreny reeryöre. Kie riki ijyy. ¹³Tahe Jesuisi rarybere: —Tai kaiboho bexiwiny my ahäbenyke wadehemynyna biijebeny. Teertyenykòte dori tiubo addòsekre.

¹⁴Tii ijò rarybere: —Ijò ijyy my adeereny arabedeerynykre timybo Deuxu Iòlòna raremy. Inyò heka rakemy ratximyhÿre ijò bede-ò ratÿinykemy. Tii tahe taaòmÿsÿdÿÿnana ririre teòdu mahädu-ki. ¹⁵Tanieru tahe tamy riwahinyre timykibo isiraòmÿ nieru ritamyhÿre myheka tamy riwahinyre. Ijò-ò 5000 riwahinyre. Ijò-ò 2000 riwahinyre. Ijò-ò 1000 riwahinyre. Idi tahe tii rare tabede tÿinamy. ¹⁶Kia iruyre ritara heka aòna aòna riòbranymyhÿre. Diwymyhÿre tasÿ idi rohonyrerimiy ihÿre. Tai wylemy heka inieru rabuture. Ijò ixityre iruyremy ritxieny iratyretyhy. ¹⁷Kia ijò inatximy tamy riwahinyre tasÿ tulere aòwesele raaòmÿsÿdÿÿre ta ròtare tule ijò inatximy ixityre. ¹⁸Kia sohojimy tamy riwahinyre tahe urile riyrubuny inieru häloole riare tamy tahe riyrubunykemy heka riare. ¹⁹Sòwemy rabededÿÿnana-ribi tahe iwedureny dehemynyde. Tahe tamyreny rarariòwyre takòtareny riòbitinykemy. ²⁰Iruyri riwyre heka debòwiò diwyde: —Beteheiny wawedu ijò iruyre anieru tyre rebutunyre. ²¹Tahe tawedu sòwemy riwowidyntyre iaòmÿsÿdÿÿna wiwihikÿmy ròhònyraki wahe. Kiamy heka tamy rarybere: —Òbitimy idi taaòmÿsÿdÿÿteki heka. Sòwemy heka adee ariwahinykre riywinykemy. Aòwaxinyhe bitelenykre aòmÿsÿdÿÿna. Kai heka wawana beysanihikÿkre. ²²Idi tahe kia inatximy ròtaré sÿ dehemynyde: —Beteheke, inatxi tasÿ inaubiòwa ixityre adee rewinyra. ²³Tahe iwedu rarybere: —Awityhymyhe taaòmÿsÿdÿÿta! Kai heka deòdu wihikÿ tate. Kai ibutedile sòwemy tewinyte tahe sòwemy ixityre adee ariwahinykre riwahinykemy. Kai heka wawana beysanihikÿkre. ²⁴Kia sohojimy tamy riwahinyre tahe rarybemyhe retximyhÿ: —Kai heka häbu nieru tarasaery heka tate. Aò taaòmÿsÿdÿÿteri-ribi aòkò heka nieru tetamahäte. ²⁵Tai heka jiarÿ raberumahä alau watxireri. Tai heka rewore iny lau. Tahe tii sohojidile ratxireri. ²⁶Iwedu rarybere: —Kai heka eoruxerere, awi aòkò heka tate! Inyò tehuòtekòta heka idi urihimiyò ityre ròtakelemy wahe. Kai tiwaeryte wahe. ²⁷Aòherekibo banco-ki aòkò tetidite. Kia huòteòwy wanieru-ribi ritarerimiy ihÿre. ²⁸Bitabohe kia nieru-di atxitere, tahe kia debòwiò ritarad wahe biwahinykre. ²⁹Kia òbitimy raaòmÿsÿdÿÿra heka sòwetyhymy ròtakre. Kia òbitimy raaòmÿsÿdÿÿòmÿyhÿre kia heka rò-nodÿÿkre. ³⁰Kia deòdu bimbybenyke. Tii dorihe ibinatyhyre inihe bede luru-hukÿ-ò idi behubenykre. Tai heka tii aòhòkÿmy rotÿÿnykre rahinykre.

³¹Jesuisi tahe ikonana rarybere: —Iu jiarÿ, Deuxu Riòre Häbutyhyhykÿ, arehemynykreu heka Waiòlònary-ò aronykre. Arehemynykre waÿju mahädu-wana. ³²Ibutumy heka bede iny mahädu wako-ki ributunykre. Iwese budoeni itxeredu heka tabudoeni, buddòe-wana wiribi rihitxiny myhÿre wese heka bede iny mahädu wiribi arihitxinykre. ³³Wabudoeni heka waru-runawe-ribi arisÿnykre. Buddòe tahe wahywe-ribi arihitxinykre. ³⁴Idi tahe

waruruna ludu-ò ararybere: —Manake hewa, beysabenyke. Waha Iòlòna-ò rokonykre. Myheka tamy ararybekre. Juhuu bedeu ihetxiu heka ywimy adireny kia rjimyhÿre. ³⁵Rama tahe riwasanyreu rÿsÿna wadee tewahinytenynte. Iu bemy rarureu, wadee tewahinytenynte. Jiarÿ heka tori rare asÿ-ò tiwadytenynte. ³⁶Jiarÿ heka watykyhoho aòkôu, kaibohole wadee tewahinytenynte. Binamy rjimy rarewâhâ, waroramy tadòitenynte ròtenawo-ò. ³⁷Tai tahe òbiti mahâdu rarybekre: —Wanyrÿ, tiu taheka ramamy heka wadeereny teate —Adee rewahinyrenyre? Tiubo heka bemy tarumy tatemahâ adee rewahinyrenyre? ³⁸Tiubo heka kai torimy tatemahâ idi wahetoreny-ò aradyrenyre. Tiubo atykyômy tatemahâ-di, tyky adee rewahinyrenyre. ³⁹Tiubo ròtena-ki tÿimy tatemahâ-ò ada webinadumy tatemahâ-ò, aroramy ròirenyre. Wanohôti atxi reaôhyymhÿre. ⁴⁰Tai Jesuisi rarybere: —Jiarÿ, Iòlò, tamy ararybekre: —Iu kaiboho waityhydÿÿdu seriòre mahâdureny-ò waòraru-ki tewinymy toitemahâu, wadeele tuu tewinytenynte. ⁴¹Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarenyre heòty bede-ò ihyymy boibenykre ixi-di ariteònykre. Diabo tatyytybybinasÿ-ò idi boibenykre. Deuxu isÿ tamy riwinyre. ⁴²Tiu rama riwasareu rÿsÿna kaiboho wadee tewahinytenyôhyyta. Iu bemy rarureu heka ijò wadee tewahinytenyôhyyte. ⁴³Torimy rarewahâu, tiu tiwatobinytenyôhyyte. Tykyô wadee tewahinytenyôhyyte. Binamy râimy rarewâhâ ròtenawo-ki wororana webinadumy tahe tòihôhyyte. ⁴⁴Tai tahe kiamy rarybekre: —Wanyrÿ, tiubohe tuu rewinyrenykorè. Wanohôti heka reaôhyymhÿre aramamy rubuna-txi, abemy rubuna-txi, torimy tatemahâu, atyykômy tatemahâu, ròtenawo-ki webinadumy tatemahâu wahe. ⁴⁵Tahe jiarÿ Iòlò tamy ararybekre: —Kaiboho heka waityhydÿÿdu seriòreò tewiòhenanyômahâtenynte tai heka tiwawiòhenanytenyôte. ⁴⁶Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aòhòkÿmydÿÿnana-ò. Òbiti mahâdu heka umytuedeòna-ò rakre.

26 ¹Kia taijyy rahudi tahe Jesuisi taerymahâdu-ò rarybere: ²—Ixityre inatxi txu-di tasÿ aôma Pascoa worana bedehesimy rÿikre. Kaiboho tahe kia teertytenynte. Iu iny riwatyhenykre Deuxu Riòre Hâbu wahe. Irahu-di tahe itxeònihikÿ-ò riwatamadÿÿnykre. ³Tahe aówesele heka xiwena wahidÿÿdu wedu mahâdu ributunyre heka judeu wedu mahâdu-wana wahe. Kaifa heto wii rotyre. Xiwena wahidÿÿdu mahâdu wedu wahe. ⁴Wiwana heka raryberenyre: —Timybohe Jesuisi aòhebo rikisÿnyrenykre aôma teburemy ijiranakônahakÿle. Timybo rikisiraònyrenykre, rikimynyrenykre, rikirubunyrenykre. Urile iny tuu rierykòre. ⁵Pascoa worana bedehesi rÿireu tahe aòkòlemy idi rÿire. Kia worana bedehesiko-ki iny raaòbinanykeki dori ibutuhukÿlemy heka raaòbinanyke.

⁶Jesuisi heka rare Betÿnia hâwâ-ò hâbu tykybinaò-wana heka isÿ-ò rare, Simaò heto-ò wahe. ⁷Iu iheto-ki riroximhÿreu tahe hâwyyò tamy rare aderòna lÿnyrehekÿò-di manaurahyna-ki. Tai tahe Jesuisi tyre ritxiwire, iratityre. ⁸Ierydÿÿna mahâdu heka urihimyo heka rebure riòre iòraru-ki. ⁹Iòwy nihikÿtyhyre dorihe. Tai heka tanieru uriterehekÿle rahuraki heka tai rawobinamy. Idi rohonykewile heka rare aôma iòwy tahe iny aòkò mahâdu-ò riwahinykewihikÿle tii ròhòtinyre. ¹⁰Tahe Jesuisi rierytyhyymy aòmybo tuu raryberenyrerimy: —Aòherekibo kaiboho ibinamy tarybetenyeri hâwyy-ò.

Aōwidŷŷnana wihikŷ wadee riwinyreri. ¹¹ Aōma kaiboho heka urimynodu mahādu-wana ihymy boibekre. Ibutulemy awanareny jiarŷ watxiwāhāde. ¹² Tii heka wahāloodŷŷna riwaywinyra aderōna watyre ritxiwireu. Kia tahe wadee riwinyre. ¹³ Boholake, iny itxi tōhōti reahyy rŷirakre iōraru-ki. Rybe-wihikŷ Tŷmyramy ritŷnydŷŷmyhŷkre heka rierymhŷkre bede bedemy wahe.

¹⁴ Iribi tahe Judasi Isariō, tii waō inatxi reurōō rare, tii heka rōhōnyre ierydŷŷna mahādūy-ribi. Tahe rare xiwena wahidŷŷdu mahādu wedu-ō. Tahe tamy rarybere: ¹⁵ —Adeereny Jesuisi ariwahikre wana heka tiwesebo biwaō-wynybenykre? Kiamy tahe 30 prata womati nieru myhe tamy riwahinyre. ¹⁶ Judasi kia ribile rarunymy raremyhŷ dohodŷŷnaōmy Jesuisi tamy riwahinykremy. ¹⁷ Pascoa worana bedehesi rŷireule rexideleny, Paō iuridŷŷkō, kia txu rŷimyhŷ wahe. Jesuisi erydŷŷna mahādu tai ritŷŷraxinyre: —Titxi-wexe rikirŷŷkre Pascoa worana bedehesi jiarŷboho dori ariwinyreny-kemy? ¹⁸ Tahe Jesuisi rirawyōnyre: —Hābuō hāwāhākŷ-ki ratximyhŷre tii riwaeryre. Tahe tamy marybekre: —Wawedu kŷny rarybereri aōma aheto-ki heka Pascoa worana bedehesina rirŷŷkremy taerydŷŷna mahādu-wana. Ibededŷŷna dori iōhōre riki. ¹⁹ Tai tahe taerydŷŷna mahādu kia riwinyre idi kowa worana bedehesi rŷŷŷna riywinyre.

²⁰ Bedesōmy tahe tai riroximy rorukumyhŷreny, taerydŷŷna waō inatxi reurō mahādu-wana wahe. ²¹ Aōma inyō heka riwatyhenykre ratximyhŷre. Jesuisi heka tuu rarybere: ²² —Mowexe tii rarekre. Tiiboho rabadewomy roire, tai tahe widee rarybere: —Jiarŷ kōaōboka. ²³ Tahe Jesuisi rarybere: —Kia wawana pratoro tebō rearerile taheka tiikre. ²⁴ Iwese Deuxu Tyriti-ki Rybe roire wese heka arurukremy jiarŷ Deuxu Riōre Hābutyhyhykŷ watxiwāhāre. Kia hābu riwatyhenykre tahe tamy heka ibinatyhykre. Ratybiennykōre wana inihe awityhyre. ²⁵ Tai tahe Judasi ityhedŷŷdu rarybere: —Erydŷŷdu, jiarŷ aōbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiō rimyre ibutumy riroxireu, tahe riyreyrenymyhŷre tahe inysohoji sohoji-ō riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. ²⁷⁻²⁸ Idi vīī monahynaō rimymy rexitōenyre Deuxu-ō. Idi tahe tamy riwahinyre iribi sohoji sohoji riōrenykeny. —Biōrenyke kaa dori wahālubu wesemy ratxireri. Tai sōwemy iny biu-ō rahenykre Deuxu dee. Ibutumy òraruna ixāwididŷŷmy heka tuu rōhōnyra. Wahālubu heka Deuxu, iny-wana wii riwōāxinykre rare. ²⁹ Tahe bohōlake warybe-ō. Awanareny heka ixityre vīī monamy ariōōtyhy. Kia Waha Iōlōna-ō dehemyrynahykyle tahe awanareny ixby tuu ariōkre.

³⁰ Idi tahe wiuō rawiunyenryre idi tahe Oliveira hāwālō-ō rōrenyke.

³¹ Jesuisi tamyreny rarybere: —Wijiru heka ibutumy kaiboho biwari-benykre. Tyriti-ki heka roire kiawesemy:

Budoeni-di itxeredu rirubunykre. Ibutumy budoeni raubŷtŷkre bede bedemy.

³² —Waixixana kŷnyikre tahe Kalileia bede-ki awanareny aratxikre.

³³ Pedro tahe rarybere: —Ibutumy ararirenykre wana tahe jiarŷ aōkōre. Ararirenyōtyhy. ³⁴ Tai Jesuisi heka Pedro-ō rarybere: —Kai heka hānie dele robukōdile biwatxiō-ribi bexihukre, inataōmy wahe. Tuu wijiru rarekre. ³⁵ Pedro dirawyōnyde: —Aōkōre wa, arurukre heka tahe urile aratxiōnyōtyhy. Tule ibutumy ijō ierydŷŷna tule Pedro wesele rarybere.

³⁶ Tahe Jesuisi ridyrenyre bederaty oworuō-ò, aōma Kesemani ninadu-ò ridyre: —Kakile bonykre arakre dori ixitòedýýmy kowa-ò. ³⁷ Tahe Jesuisi heka Pedro ridyre ixi-wana. Tule Zebedeu riòre wiwana ridyrenyre. Tahe Jesuisi rabedeòtiidýýre aōhōkýmy rotýýnyre bededeòtiidýý òrarukile. ³⁸ Tii tahe tamy rarybere: —Kaki wawanale atxibekre. Watyytyby heka týxihiký-lemý bededeòtiidýý-di ratxireri. Waki bexiebekre. ³⁹ Urile tahe tako-ò rariareu tahe resere bede-ò. Jesuisi tahe tyby-ò rarybere: —Waha, rubu mona waribi bitake adeewikeki. Aōkōkeki tahe ariōkre, arurukre adeewilemy aōhebo arotýýnykre. ⁴⁰ Idi tahe dòðsede kia ierydýýna inataō tai rōrōmyhýò heka ixyby dòðsemy nade. Jesuisi rarybere: —Pedro! Kai heka timy sohoji horamy adi bede rýiōtyhy wawana. ⁴¹ Bexixaruhyy atxibeke bexitòenymy. Aōkōkeki tahe òraruna kanamykre. Kai heka òbitimy matxikemy tahòtinymahâte. Aumy tahe ibinare heka arurukōre wahe. ⁴² Ixityre rare rexitòenykemy. Tahe Jesuisi rarybere: —Waha, adeewinale ariwinykre. Aōhōkýmydýýnana monamy heka ariōkre. Kia mona waribi bitaōkeki ihārele heka arurukre. ⁴³ Tai dòðsede tai rōrōmyhýrenyòle heka nade. Tiiboho ixixamy rýiōhyyre. ⁴⁴ Tahe ròðsere ixybyle ikonanamy. Iweselemy rexitòenyre tyby-ò. ⁴⁵⁻⁴⁶ Idi tahe dòðsede tae-rydýýna mahādu-ò rarybere: —Bexielehynybeny. Watyhedýýdu naderi. Rexihumyhe rare. Hābubina mahādu rehemynyre. Jiarý Deuxu Riòre Hābutyhyhyký, wahe. Bexixabeny, rakakre watyhedýýdu dori rehemynyneri.

⁴⁷ Tahe Judasi dehemynyde waòinatxi reurðò wahe. Jesuisi rarybereu, tii nade sōwemy hābu-di mayrehe-di, òhòte-di tōnori-di widotyde. Judeu mahādu wedu tahe iteòdýýdure xiwena wahidýýdu wedu wana wahe. ⁴⁸ Juhuu Judasi tamyreny bede riywinyre. Kamy rexirybenymy: —Iòsýny-ò aruwokrele heka tiikre. Tiile bimýbenykre. ⁴⁹ Tahe Judasi rarybere: —Rareri, Wawedu. Iòsýny-ò ruwore. ⁵⁰ Tahe Jesuisi rarybere Judasi-ò: —Iò, aōwaxiny aōbo biwinykre iwidýýmy tateri. Tahe Jesuisi imahādu rimyre. Ritaataare. ⁵¹ Tahe Jesuisi mahāduò mayrehe-di rimymy resere. Tai hābuò-ò reare. Tai tahe tōhòtile rikòròmy idi reare, xiwena wahidýýdu wedu deòduò wahe. ⁵² Tahe Jesuisi tamy rarybere. Aōkōre amayrehe birutyke irasirahanawomy. Kia dori inyò maydese rimymy resekre heka tule rurukre maydeselemy. ⁵³ Karibi ixitarasamy arurukeki dori wahaòle ararybekre. Tai tahe waha sōwemy ýju kiditeònyke, 12 aòbinadu ijoj mahādu wahe. Kia teeryòtenyte. ⁵⁴ Ihārele tahe ibutumy tuu bededýýnana relekre iwese ritidýýna-ki roimyhýre wese. ⁵⁵ Tahe Jesuisi rýýraxire tamyreny: —Aōbo jiarý raremy wadi tahòtintytenyeri. Wasidu aōbo. Kai dori waòrysomy tehemynyte maydese-di, tōnori-di. Aōherekibo wahe. Jiarý heka arabedeerynyrenyre txuò txuòlemy wahe Deuxu dohodýýna heto-ki. Aōherekibo taile tiwamytenykòte kowa watxiwāhāure. ⁵⁶ Kia ibutumy Deuxu Ritidýýna-ki roimyhýre. Tai tahe tuu bededýýnana relekre iwese Deuxu rybedu mahādu rarybere. Ibutumy aōna aōnamy rotýýnymy raremyhý. Tai tahe taryberahu-di. Ibutumy iery mahādu iribi tahe robýtyre.

⁵⁷ Tiiboho heka Jesuisi ridyrenyre Kaifa heto-ò, xiwena wahidýýdu wedu wahe. Tai ibutumy judeu mahādu wedu ributunyre bede ywina erydu mahādu tule wahe. ⁵⁸ Pedro irehetyty-ribi riheludunyre. Iheto ube-ki tahe ronyre yrubu dýýdu-wana. Tahe rehere aōhebo rotýýnykremy. ⁵⁹ Xiwena dinodu mahādu tahe ributunyre Jesusimy raruikremy heka riijemy. Aōma

rirubunykre òbirele heka tuu rarybemyh̃. ⁶⁰Tahe inyò-ki heka rahaòhyyre turybedu wahe. Iny sòwemy tahe relyyre. Ihàrele rirubunyòhyyre. Iroona-ribi tahe inatxi hàbu dehemynyde. ⁶¹Tai tahe kiamyhe tuu relyyre: —Aòma Jesuisi rarybere: —Aòwesele heka Deuxu dohodỹña heto ariatymy idi areake. Inataò txudi tasỹ ixityre aditamadỹke, ibutumy adiwinnye. ⁶²Tai tahe xiwena dinodu heka Jesuisi-ò ryyraxire: —Aòbo marybekre kia umy ijyy rohonyreriki? ⁶³Jesuisi tahe rybeòlemy ronyre roholare. Ixityre tamy rỹraxire: —Kai heka inatyhy tyhymy Deuxu Riòremy kai atximahâte. Mesia aòbohe kai tate? Deuxu riwaeryre inatyhymy rarybereri. ⁶⁴Jesuisi dira-wyònyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenynkre

Deuxu Riòre Hābutyhyhykỹmy, jiarỹle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarỹle wahe tiire.

⁶⁵Tai tahe xiwena dinodu tatyky riykare. Reburere kie: —Aòhere tahaka. Deuxumy heka ibinatyhylemy tarybemahâte. Ijò iny-ò aroholaòkre, rexihura! ⁶⁶Ibutumy kaiboho irybe-ò taholatenyteri, inatyhy? Aòbo rikiwinynkre tii ibinatyhyre dori, rikirubunynrenkre tahe. ⁶⁷Tahe iòsỹny-ò rarybexinyre. Rihe-tenyre. ⁶⁸Tamy ihetedỹydu rarybere: —Marybeke Kristu, mobo arahetenyra inihe.

⁶⁹Pedro tahe ube-ki ronymh̃. Tahe ijadòma heka deòduò tamy rehemynyre: —Kai anòbo Jesuisi Kalileia ludu-wana atximahā. Kumymy rabire. ⁷⁰Iny ibutuko Pedro rarybere: —Aòkòre, aomybo arybe reeryòhykyreri. ⁷¹Tai tahe rare ijò-ò. Ijò ijadòma deòduò rarybere kamahāduko: —Inatyhymy heka tiki Jesuisi Nazareludu mahāduno tiki rare. ⁷²Ixityrele Pedro ritxiònyre: —Reerykòre wahe hàbu. Tiu heka rabiòwāhāre. Inatyhy rare. ⁷³Idi hàbuò heka narybede tamy: —Inatyhy rare. Kakỹny irybe weselemy tarybeteri, Kalileia rybe wahe. ⁷⁴Tahe Pedro rarybere: —Jiarỹ reerykòreri, tuu heka rabiòwāhāre. Deuxu riwaeryre inatyhymy rarybereri. Iule taheka hānie hàbu robumy reare. ⁷⁵Tahe Pedro tòhòti itxi reare. Jesuisi rarybere weselemy heka tii riwinyra. Ritxiònyre. Tai tahe Pedro ròhònymy reare heka rahinyhyyre.

27 ¹Ijò biurasò ruidile tahe rỹire. Xiwena wahidỹydu wedu ributunyre judeu mahādu wedu-wana. Timywexe aòhe rikisỹnyrenkre. Rikirubunynrenkemy heka idi watxiwāhāre. ²Roma dinodu-ò òsana rikidyrenkre. Tahe tiiboho Jesuisi ritaataare idi ridyrenyre tamy, Pilato-ò.

³Judasi heka reryre. Tai tahe tii rabadewonihikỹre rityhenyrekire wahe. Tai tahe raraykynyre tawo-ò raòhòrere. Tahe nieru òkesedỹymy idi ròhòtinyre. Tahe nieru diwyde, 30 prata womati nieru tahe riòkesedỹynkremy judeu wedu mahādu-ò, Xiwena wahidỹydu mahādu-ò. ⁴Tahe Judasi rarybere: —Ixāwirahe, jiarỹ raòrarunyra hàbu òbitityhymy ratximyhỹrele retyhenyre heka. Tahe judeu mahādu dinodu rarybere: —Jiarỹboho, kia aò aòkò rare. ⁵Tahe Judasi nieru-di bedetyrele rihure. Tahe ròhònyre iribi. Tahe rare. Rero-tihikỹ-di rexibòtòtaare. Rexirubunyre. ⁶Tai tahe xiwena wahidỹydu wedu riwyre nieru bede-ribi: —Aòwexe kanieru rikiwinynrenkre? Dohodỹña hetowo-ò rikirutyrennye heka aòkòre. Aòma dori rare rubuòwymy iwahidỹy heka rare. ⁷Utile suòle rikiwrenynkre idi. Tai tamy wabede rikiwinynrenkre. Aòma tori kaki rurukreu tahe rikitoonynrenkre tamyle wahe. Tai tahe tiiboho

riwyyrenyre aõma butxi widỹña subede heka riwinyrenyre. Kia heka inire suni wahe. ⁸Kia bedero tahe rininire aõma Hãlubu Bederomy heka rininire. Wiji tule ini rare. ⁹⁻¹⁰Iwese Jeremia tyryiti-ki roire wesele heka tii riwinyre:

 Tahe 30 —Womati nieruõ-di heka bedero riwyyre butxiwidỹñdu-ribi.

 Iwese kai riwateõnyre wese. Kia iõwy rare judeu mahãdu-ò tamy riwahinyre wahe. Txiõdỹña õwy wahe.

¹¹Jesuisi heka Pilato, bede dinodusỹ-ki ratximyhỹ. Pilato tahe tamy rỹřra-xire: —Kai aõbo judeu mahãdu iõlò atxiteri? Jesuisi dirawyõnyde: —Kai tuu tarybeta. ¹²Xiwenã wahidỹñdu wedu heka tamy rarybere: —Jesuisi rirawyõnyõhyyre. Judeu mahãdu wedu-ò tule rirawyõnyõre. ¹³Pilato tahe tamy rarybere: —Kai aõbohe rybe-ò taholate. ¹⁴Tule tamy Jesuisi dirawyõnyõhyyre. Byy! Urile Pilato ribedeõtiidỹñnyre. ¹⁵Pascoã worana bedehesi bededỹñnã tikiemy tuure. Rõtenawo-ribi heka sohoji beõra beõrahyyle ixinamy inyõ rexideõnymyhỹ, inysõwe rybe òraru-ki wahe. ¹⁶Kia beõra tahe hãbu ibinatyyre rõtenawo-ki rỹire. Barabã inire. Ibutumy iny tuu rieriye. ¹⁷Aõma Pascoã worana bedehesi rỹireu ibutumy iny ributumy. Tahe Pilato ritỹřraxinyre: —Tibohe ixinamy ariteõnykre Jesuisi Kristu aõbo ada Barabã aõbo? ¹⁸Tahe iny heka ibutumy urile Jesuisi Kristu luure heka. Tai tahe judeu dohodỹñdu wedu mahãdu tahe aõkõ tamy waritimy rityhenyrenyre. Pilato kia rieriye. ¹⁹Iu tabede ywina dohodỹña-ki Pilato rỹireu, ihãwyy tamy tyryiti riwahinyre. Kawese heka rarybere aõma: —Ixinamy Jesuisi bitekõnykre. Anobinatytymybo dokuri rarasino txu wadi reakareri. Jikarỹ anohõkỹmy dỹkỹnã sõwemy ratỹkỹnyre Jesuisi kòraru-ki wahe. ²⁰Iny sõwehekỹ-ò heka xiwenã wahidỹñdu mahãdu wedu rarybere: —Kaiboho mararybebenyke: —Barabã ixinamy bitekõnykre. Tiiboho dirawyõnyde: —Jesuisi birubunykre. ²¹Iribi Pilato rarybere: —Tiwexe ixinamy ariteõnykre? Tiiboho dirawyõnyde: —Barabã bitekõnykre. ²²Pilato tahe rỹřraxire: —Aõhebo tahe arotỹñnykre Jesuisi-di, Kristu-di? —Itxèd nihikỹ-ki bitamadỹñnykre. Birubunykre. ²³Pilato tamy rỹřraxire: —Aõbinahakỹ aõbo riwinyraki? Tai tahe ibutumy iny rirajuamy rỹimyhỹ: —Birubunykre kia bitamadỹñnykre. ²⁴Pilato iny sõwe-di aõ riwinyõhyyre aõbinatyhy õsana ròhõnykremy idi ròhõtinyre, tai tahe inyõ rarybere: —Bee kidiwykremy baciãro-ki. Tahe tebò risuhore iny sõwehekỹko-ki. Tamy rarybere: —Jiarỹ kỹny waðraru-ki aõkõ heka rurukre. Kaiboho heka irubudỹỹ erydumyhe boibekre. ²⁵Tahe ibutumy iny rarybere: —Awire, inyboho heka irubudỹñdu erydumy rokoirekre, tule wariðrereny òraru-ki wahe ihãlubu rejuxunykre. Soldado ridyre itxèd nihikỹ-ò ritamadỹñnykremy rirubunykremy. ²⁶Tai tahe Pilato heka Barabã riteõnyre ixinãlemy. Iribi tahe Jesuisimy raðhõtere.

²⁷Pilato soldado mahãdu urile idi juhu risinyre, soldado tyamy ritidire. Pilato heto-ò ridyre. ²⁸Ityky iribi ritare tahe aõma tykysò-di ritidire heka juhu rihetyntyre. ²⁹Iòdỹñmy tahe idi ede lõrilõrihikỹ irati-ò ridekremy. Õwòruò tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlõtỹhy. ³⁰Ityre rarybexinyre. Õwòru rimyre tahe iratimy tuu raðhõtere. ³¹Iribi ritarenyrenyre ihõrõ itykyle ixityre rirutyre ityre-ki. Idi tahe ryð ròrenyre.

³²Iu ròhõnyreu, hãbuõ Sireni bede luduõ-wana witxi reare. Tamyhe rarybere Jesuisi itxèd riwykemy.

³³Tahe Kòkòta hāwālò-ò rehemynyre. Aōma, rubu ratityby wesemy heka rare. Tai tahe Kòkòtamy heka rininimyhÿrenyre.

³⁴Tii vīi riurinyre bee ihyra-wana, idi tahe Jesuisi-ò kia riwahinyre. Iurihi-di teramy reare.

³⁵Tahe itxeò nihikÿ-ki ritamadÿÿnyre. Irahu-di tahe ityy heka ritxuatuarenyre wimy rarudeòsanyre tibo iwidydukemy.

³⁶Idi tahe retehemy rorukumyhÿrenyre. ³⁷Irati tyre-ki tahe ritidÿÿnaò roire: —Kia Heka Jesuisi Rare, judeu Iòlò Mahādu.

³⁸Tule wasidu brebunahakÿ tii-wana ritamadÿÿnyrenyre itxeò hòkÿ-ki, ijò iruru-ribi, ijò ihywe-ribi. ³⁹Iny ibire-di reamyhÿ idi risinimyhÿ kamy rexiry-benymy: ⁴⁰—Kai inihe bexitake, kai Deuxu Riòre tateki. Bodobeheke itxeò nihikÿ-ribi. ⁴¹Kai heka arurudiremy iximy tarybemahāte. Dohodÿÿna biaty-kemy heka iximy tarybete tahe inataòtxu-di heka biwinykemy tarybeta. Tule xiwena wahidÿÿdu wedu mahādu idi risinyre. Tii tahe rarybere: ⁴²—Tii heka iny iwitxira witxira aōbina bina-ribi ritamyhÿre ihāre tahe taaōbina bina-ribi rexitaōtyhy. Tii heka aō judeu mahādu iòlò aōkō rare. Myheka tuu rary-bemyhÿ. Kia itxeòhòkÿ-ribi kedexiberesedÿÿnykekile tahe rikityhynrenykre inatyhymy. ⁴³Tii heka iximy rarybemyhÿre Deuxu Riòre raremy, Deuxu rityhynimyhÿremy. Reketeherenykre inihe aōbo Deuxu riwiòhenanykremy wahe. ⁴⁴Wasidu mahādu kia itxeò nihikÿ rÿire iwesele heka tamy rarybere.

⁴⁵Txutyeyu tahe bede luruhukÿ bede reare, txioro tirehehekÿule bede kamy reare. ⁴⁶Kiaule tahe bede ratÿnyre Jesuisi iu rryyre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aōherekibo waribi òhōti rosare?

⁴⁷Tai tahe iny sōwe mahādu irybe-ò doholade. Ijò kiamy narybede: —Eliasi-ò hòwa rryreri. ⁴⁸Kia ele elemy riwinyre noseò. Idi tahe vīiò rirymy tamy idi riteònyre. Teòrehemy riwinyre bemy rimonykremy. ⁴⁹Ijòhe raryberenyre: —Txiokre inihe inatyhymy aōbo reketeherenykre inatyhymy aōbo Eliasi iwiò-henadÿÿmy kanakremy aōbo inihe. ⁵⁰Jesuisi ixityre rirajuare. Rurure. ⁵¹Kia dohodÿÿna heto-ki heka ixiwòtenaò rÿimyhÿre ierykōna. Tahe urile idi ixi-wanale ruamy reare iratyre-ribi bede-ò. Suuhe ramytatare. Mana rabòhò-bòhònyre. ⁵²Wabede hālooò heka riraynyre. Deuxu hōrò mahādu sōwemy rubu-ribi riixixanyre. ⁵³Wabede-ribi ròhònyrenyre. Iu Jesuisi rubu-ribi riixixareu tahe Jerusalē-ò ròrenyre. Tai tahe sōwemyhe iny tuu robire. ⁵⁴Tai heka soldado dinoduò ratximyhÿ idi retehemy. Tule soldado mahāduò tii-wana ratximyhÿre. Ibutumy tuu robirenyre. Tai tahe tabrebu-ribi nary-bedenyde: —Tii inatyhymy Deuxu Riòre heka rare. ⁵⁵Hāwyyò tule retehemy ratximyhÿre irehe-ribi idi. Aōma hāwyy Jesuisi riwiòhenanymy raremyhÿ heka idi retehemyhÿre. Tiiboho Kalileia bede-ribi doide. ⁵⁶Marie Madalena, Marie Txiause Jyrese, Zebedeu riòrese tule tai ratximyhÿ.

⁵⁷Bedesòmny Jyje rehemynyre. Tii ityhy heka rare Arimatea hāwā luduò ratximyhÿre. Tii Jesuisi tyhydÿÿduò ratximyhÿ. ⁵⁸Tai Jesuisi umy rexitònyre Pilato-ribi. Tai tahe Pilato rarybere: —Tamy biwahinykre. ⁵⁹⁻⁶⁰Tahe Jyje linho tyky rirahanany. Tai tahe aōma wabede tÿmyrahakÿ riamy roire-riò heka rituunykremy idi rara. Idi mana nihikÿ ritidire txiò. Idi ròrenyre.

⁶¹Marie Madalena ijò Marie-wana taile retehemy ronyre wabede-ki.

⁶²Ijõ txu tahe fariseu mahädu wedu tule xiwena wahidÿÿdu wedu heka Pilato-ò sexta feira rahudi tahe, judeu mahädu elehyna txu wahe ituerere. ⁶³— Jesuisi irumy raremyhÿu tii rarybere:

—Rubu-ribi heka ariixixanykre inataõ txu-di.

⁶⁴Ruimy rare tahe ihärele tahe biyrubunye iwabede. Aõkõkre-wana tahe ierydÿÿna mahädu heka iumy riwykre. Tai tahe rarybere: —Tii rexiixixanyre. Tai tahe ibutu rityhynkre iruina. Kia ibinatyhymy rarekre. ⁶⁵Tai tahe Pilato riteõnyre soldado mahäduõ txið-ki. Tamy rarybere: —Awimy biyrubunye! ⁶⁶Kia bedede ernaõ heka tamy ritidire. Txið-ribi resekreule heka rieryrenykre. Tahe soldado mahädu riyrubunymhÿre.

28 ¹Ijõ txu rudile tahe Marie Madalena, Marieõ-wana rare ihäloona-ò itxeremy, domingo, nobiutxu wahe. ²Aõwesele tahe iu suu ramytatare. Wanyrÿ ÿju heka dobehede biu-ribi iu. Tahe häloo ijõ-ribi mana ritamy ityre ronyre. ³Iõsÿny heka urile ritoosõnyhÿkÿre. Ityky tasÿ iurahakÿre. ⁴Idi itxeredu mahädu heka aõma ruberunihikÿrenyrene. Urile rõhõtiberemy reserenyrene. ⁵ÿju rarybere häwyy-ò: —Uritere berebuõmyrenyke. Kai aõbo Jesuisi teijeteri, inatyhy? Aõma itxeò ritamadÿÿnyrenyrene wahe. Reeryre kia. ⁶Aõkõre kaki aõkõ heka ratxireri. Tii dori rubu-ribi rexiixixanyre iwese tii iximy rarybere wese wahe. Beteheke inihe iherina tyby-ò tai juhu roimyhÿð. ⁷Make karibi ele elemy ierydÿÿnako belyykre tii rubu-ribi rexiixixanyraki. Tii heka rara Kalileia-ò tamy wirotyrerið. Matahe, relyyra dorihe adeereny. ⁸Tai tahe rakõrunyrenyrene, häwyyboho. Ruberumy rõirennyrene tasÿ reysamy rõirennyrene. Ierydÿÿna mahädu-ò heka riijemyhÿre aõma ÿju rybemy ikoreny relyykemy. ⁹Iu rakõrunyrenyraule tahe wii reõbynyra. Jesuisiwanale heka itxi rekoare. Idi tamy rehemyrenyrene iõhõmy. Iwa rimyrenyrene tahe riwowydnyrene. Jesuisi tamy rarybere: —Toiteri aõbo! ¹⁰Uritere reburennyõmyke. Boibeny tahe ijyymy waityhydÿÿdu mahädu seriõre-ò heka Kalileia-ò arõirennykemy. Tai tiiboho-wana wii areõbynyrennykemy.

¹¹Tai tahe tiiboho rõirennyrene. Kiaule tahe wabede soldado itxeredu rehemyrenyrene xiwena wahidÿÿdu wedu-ò wahe. Tahe ibutumy relyyre iko. ¹²Tai tahe nieruõ riwahinyrene ruiõmy relyykemy. ¹³Tamyrenny raryberenyyrene: —Ierydÿÿna mahädu heka ridyra watÿireny reõbylemy. ¹⁴Tai tahe bedede dinodu rierykreu heka aõ adee beleõtyhy aõbinahakÿõ. ¹⁵Tai tahe nieru sõwemy riwyrennyrene tahe tuu rõirennyrene ruimy. Wiji dori tuu ijyy rÿira. Ibutumy judeu mahädu kia rybe-ò rityhynymhÿre.

¹⁶Idi tahe ierydÿÿna mahädu rõirennyrene Kalileia-ò. Tiobo Jesuisi riteõnyrennyrene juhutyhy. ¹⁷Jesuisimyy robirennyrene tahe tiiboho bedede-ò reserennyrene tahe riwowydnyrennyrene. Ijõ mahäduõ riseõnyleny idi rõhõtinnymhÿre. ¹⁸Tai tahe Jesuisi iõhõtityhymy tamyrenny relere kiamy tamy rarybere: —Waruruna heka ibutu ratyrene ratximyhÿre kabede-ki tule, biu-ki tule. ¹⁹Tai kaiboho waha deõdumy boibenyke ibutumy iny bedede mahädu-ò, bedede bedede konanahanakÿ mahädu-ò ihyy behemynybenyke. Waityhydÿÿdumy heka bitxiennybenyke. Wahanimyy, tule Deuxu Riõrenimyy, tule Deuxu Tytybytyhynimyy, tahe bõratisebedÿÿnybenyke wadeõdurennyrene, Waha, Itytybytyhy, Iriõre kaboho derõwumy wahe. ²⁰Ibutumy aõbo wabede ywina adee rewahinyrenny bibedeerykre. Uritere nohõtini losarennyõmy awanarennyhy dori ararekre bededÿÿnanahyy rekehemynykre.

Marku

Deuxu Rybe Wihikỹ Tỹmyra, Marku Tyyritidỹydu

1 ¹Kaki heka Rybe Wihikỹ juhu kaki roire. Ka Rybe Wihikỹ Jesuisi Kris-tumy heka rarybereri. [Tii heka Deuxu Riðre rare.] ²Myheka Isaia tyyriti-ki kia rybe rỹire:

Deuxu rarybere: —Boholake, waõwàdàdu ariteònykre akomy. Tii ary riwinykre.

³Tii rryrmyhỹ bederahy-ki: —Kai biwinykre rywihikỹ Wanyrỹ dee. Òbiti tamy biwinyke.

⁴Joaõ Sebedỹydu bederahy-txi taile ihỹmyhỹ rybe tyyriti ritỹnynymyhỹ. Tii sebenaõmy riòbitinymyhỹ. Kia riwinykemy ixi-txi tòhòti reakemy taðraru-txi kia Deuxu ritakemy. ⁵Ibutumy Judeia bedede ludu mahàdu Jerusalē hāwā mahàdu-wana rare bederahy-ò. Taðrarumy relyymy rahudi tahe, Joaõ rise-benyre bero Jordaõ-ò. ⁶Joaõ rexityynre kamelo rade tyy-di, tule iròdutyty wereysana iwetya-ki roimyhỹre. Irỹsỹna raremyhỹ, seihikỹle bidi-wana. ⁷Joaõ rybe tyyriti ritỹnynydyỹmy rarybemyhỹ: —Jiarỹ aõ aõkõ rare, waruru-di aõkõ. Inyõ wahewomy kanakre tahe iruru waruru ratyredỹynadu rare. Waratyre awityhyke. Jiarỹ riwaixỹrunumy watxireri iwataana ese-ki.

⁸Jiarỹ bedi arāsebenyrene. Tii heka Deuxu Tyytybytyhy-di arāsebenykre.

⁹Kiatxu Jesuisi nade Nazare Kalileia bedede ludu-ribi. Joaõ tii risebenyrene Jordaõ bero-ò. ¹⁰Tii bera-ribi dotuodeu biuwetyky rarayre. Deuxu Tyytybytyhy heka bòtòde wese tamy dobehede. ¹¹Deuxu rybe-ò roholare biu-ribi: —Kai heka Wariðre waluu tate. Adi wadeysawihikỹreri.

¹²Aõwesele Deuxu Tyytybytyhy heka Jesuisi riteònyrene bederahy-ò.

¹³Tii bederahy-ki 40 txumy bedede idi rỹire. Satanasi aõhòkỹmy risỹnyny Jesuisi raremyhỹ. Iròdu deborehekỹ tai rỹiramyhỹ. Yjureny iyrubudyỹmy rehemynyrene.

¹⁴Joaõ rare ròtenawo-ò, idita Jesuisi Rybe Wihikỹ ritỹnynykremy dehemynyde Kalileia-ò. Jesuisi heka Rybe Wihikỹ ritỹnynydyỹre: —Deuxu Iòlòna bedede-ò wahe. ¹⁵Jesuisi rarybera: —Bedeỹynanahe bedede reara. Deuxu Iòlòna bedede iòhòra. Kaiboho ixi-txi òhòtirenyny reake aðrarurenyny-txi bityhynybenyke Deuxu Rybe Wihikỹ.

¹⁶Jesuisi aho ijàti-ki rariamy ihỹmyhỹ. Tii robira tuurenyny taseriðre-wana ihỹmyhỹ-ò, Simaõ Pedro, Andre-wana. Tiiboho rehumy ihỹmyhỹrenyny rià-di. Tiiboho heka waxidu roire. ¹⁷Jesuisi rarybera tamynyny: —Kaiboho

bodoibedenyke wahemy. Tai tahe araerynanyrenykre iny rimykemy utura temyta wese. ¹⁸Tahe aōwesele rià ririrenyre. Roire Jesuisi-wana. ¹⁹Iko roire Joaō, Txiau, taseriòre-wana. Tiiboho heka Zebedeu riòre roire. Tiiboho hāworo-ki ratximyh̄reny rià riywinymyh̄reny. ²⁰Jesuisi tamyreny rarybera: —Wahemy bòdòike. Tahe aōwesele tybyreny ririrenyre teòdu-wana. Tahe tiiboho roire Jesuisi-wana ieryd̄ȳnamy roirekemy.

²¹Tiiboho rirònyrenyre Kafanaō hāwā-ò. Judeu mahādu aōmys̄d̄ȳna txu aōkō. Jesuisi ralore judeu mahādu dohod̄ȳna heto-ò eryd̄ȳmy. ²²Kowa mahādu urile bede riòtiinyre irybe-ki. Tii heka irurutyhy-di rierynanyre, ieryd̄ȳdu mahādu wese aōkō rohod̄ȳnanymyh̄re. ²³Kia bedeu heka hābu tytybybina-di ratximyh̄re dohod̄ȳna heto-ki. Tytybybina hābuwo-ribi rarybere: ²⁴—Aōhebo wadi bot̄ȳnykre Jesuisi Nazare ludu. Biwahu-benykre aōbo? Jiar̄y araeryre mobo kai tatehe, kai heka hābuòtyhy inatyhy Deuxu-ribi kai tate. ²⁵Jesuisi tarurumy rarybere: —Kai rybeòmyke. Iribi bòhònyke tytybybina. ²⁶Tytybybina hābu riatyre riwor̄s̄ywor̄s̄ynylemy. Tytybybina ryryre rybe iteremy, idi ròhònyre. ²⁷Ibutumy iny ribedeòtiinyre. Rit̄ȳraxinyre ijō: —Aōwexe ratxireri, aōeryd̄ȳnat̄myrabo ratxireri. Tii riteònyre tytybybina. Tytybybina Jesuisi rityhynyre. ²⁸Ityhynina Kalileia bede bedemy reare.

²⁹Tahe dohod̄ȳna heto-ribi ròhònyrenyre. Jesuisi, Txiau, Joaō-wana roirenyre Simaō, Andreboho heto-ò. ³⁰Simaō riòre lahi roimyh̄ rubunamy. Tahe aōwesele tuu relyyre Jesusiko. ³¹Jesuisi rimyre tebò-ki, tahe, aōwesele irubuna ixāwira. Idi tahe hāwyy tamyreny bede redere.

³²Txu ralòmy rahudi, ibutumy tamy didydenyde inybina bina. Tule iny tytybybina tamy didydenyde. ³³Ibutumy iny hāwā ludu iheto ijò wirotyre. ³⁴Tii ibutumy binana òta òta riywinyre. Sōwemy tytybybina riòlòd̄ȳnyre. Tytybybina Jesuisi rierymyh̄re. Tai tahe Jesuisi rijònyre tytybybina rarybekeò.

³⁵Rudile Jesuisi rare bederahy-txi rexitòenykremy. ³⁶Simaō, ijō mahādu-wana Jesuisi ijesetyhymy roire. ³⁷Tiiboho Jesuisi raharennyre. Tamy rarybere: —Ibutumy iny arāijereri. ³⁸Jesuisi tamyreny rarybere: —Rokoikehe rekexinoranyrenyke hāwā witxira-ò. Jiar̄y tamyreny rybe tyryiti arit̄ynynykremy. Iurenana tahe jiar̄y anade. ³⁹Jesuisi rare ibutumy Kalileia bede-ò. Tytybybina iny-ribi riteònyre. Tule dohod̄ȳna heto-ki tii rybe tyryiti rit̄ynynyre.

⁴⁰Hābu tyybina mahāduō Jesuisi-ò nade. Tii tatiowotimy resere Jesuisiko-ò. Tahe Jesuisi-ò hābu rarybere: —Adee awikeki tahe, biwateytenyke. ⁴¹Jesuisi juhu urile riwotòenyre. Tii hābu ritorunnyre. Tahe rarybere: —Wadee awire, atyy awimy relekre. ⁴²Tahe aōwesele ittyybina reytera. ⁴³Jesuisi hābu riteònyre. Rarybere: —Kai tahe inyòdee rybeòmykre. ⁴⁴Kai bexiteòsinykre Deuxu aōmys̄d̄ȳdu-ò. Iwese Moisesi ròerynad̄ȳnyre wese, kai bexiteòsinykre. Kia heka inydee deòsinamy riteòsinyre. Kia iny rieryke timybo teytemy atximahātemy. ⁴⁵Tahe hābu rare ibutumy inko relyyra. Kia heka Jesuisi tahe uritere hāwāhāk̄yō-ò ralòòhyre. Tahe bederahykile rarire. Ibutumy iny tamy rare ibutumy bede bede-ribi.

2 ¹Tiutxuòmybo Jesuisi dòòsede Kafanaō-ò. Idi tahe rybe reare rehemynymy ratximyh̄ heto-ki. ²Tahe iny, aōriòre aōkō, tamy wirotyre heto

ijò-ò. Tahe Jesuisi relyymhỹ Deuxu rybemy. ³Hābu inaubiòwa heka hābu-bina-di tamy detyydenyde. Kia hābu rawòronyry taumy-ki. ⁴Jesuisi-ò rehemy-nyòhykylere iny sòwereki. Tahe raòwònyrenyry idi heto ratyityre-ò. Hetotyry riraynyrenyry tahe reru-di diberesedỹnydenyde byretyre-ki Jesuisiko-ò. ⁵Jesuisi rieryre hābu rityhynyrenyry, tai rarybere hābubina-ò: —Waexi aòraru-ribi araixitarasadỹnyry. ⁶Bede ywina erydỹ mahādu rorukurenryreri, ixideele rarybemy rỹimhỹre: ⁷—Aòherekibo hābu kiawese rarybereri. Tii iòwe òwelemy rarybereri. Deuxu dee aòbina binalemy rarybereri. Mobo tahe òraru-ribi iny ritake. Deuxule òraru-ribi iny ritake. ⁸Jesuisile roholaòlere ihārele rieryre aòmybo raryberenryre. Tai tahe Jesuisi tamyreny rarybere: —Aòherekibo kiawese tarybetenyteri. ⁹Tibohe isiraòtyhyre, tuu ararybeke: —Aòraru-ribi anaixitarasadỹnyry ada myike, abyre bimyeke, mariake. ¹⁰Kaiboho bierykemy Deuxu Riòre Hābutyhyhỹ irurudire iny òraru-ribi iny ritakemy. ¹¹Tahe hābubina-ò rarybere: —Boholake, myike, abyre bimyeke tahe makre aheto-ò. ¹²Tahe hābu rỹire, tabyre rimymy tahe rare ibutumy inyru-ò. Ibutumy bede riòtiinyre tahe reàlāre Deuxumy. Ibutumy rarybere: —Tiu heka aomy kawese rabiòhyymhỹre.

¹³Jesuisi rare ahohokỹ ijà-ò. Ibutumy tamy doide. Tii iny ribedeerynyry. ¹⁴Levi, Afeu riòre, ronymhỹ nierumynydu hetowo-ki. Jesuisi ibire-di rareò, tii robira. Jesuisi heka Levi-ò rarybere: —Waijoimy mynake. Tahe rỹimyreare Jesuisi ijoi-ò ralore.

¹⁵Jesuisi taerydỹna-wana rorukure Levi hetowo-ki. Tule nierumynydu mahāduò ronymhỹre òrarudu-wana. Ibutumy riroximhỹrenyry. Sòwemy heka kia iny mahādu Jesuisi riheludunynyry. ¹⁶Bede ywina erydỹ mahādu, lahi rybe-di erydỹna mahādu tuu robirenyra. Idi raryberenryre Jesuisi erydỹna mahādu-ò —Aòherekibo tii riroxireri òrarudu-wana, nierumynydu-wana. ¹⁷Jesuisi roholareu, tamyreny rarybere: —Iny ibinaòkeki tahe luahidu tamy kanaòtyhy. Tahe iny ibinakeki, tamy kanake bina-ò. Òbiti mahādu itxemy aòkò anade. Tahe òrarudu mahādu itxemy anade.

¹⁸Joaò erydỹna mahādu, lahi rybe-di erydỹdu mahādu-wana byreòhyky txuu tutyhyle rỹimhỹrenyry. Tahe roire Jesuisi dỹraxidỹmy. Inyò Jesuisi ritỹraxyryre: —Aòherekibo Joaò erydỹna mahādu byreòmy rỹiòmyhỹre. ¹⁹Jesuisi rirawyònyre: —Heriduò, itxeredu-wana ratxireriu, byreòmy rỹiòtyhy tutyhylemy. ²⁰Tiutxulemybo tahe heridu iribi kanatakre, tai tahe byreòmy kỹnyikre tutyhylemy. ²¹Moheka tytỹmyra dòbòna ritidikre tytytyby-ò. Idi inatyhmy dòbòna rayjakre tahe tytytyby sòwemy raykake. ²²Moheka òteti bederatyrybe tỹmyra rihynymhỹre iròdutyy walabuutybywo-ò. Idi tahe raberyrònymhỹreu, urile iròdutyy walabuu raykake tahe irube rejujuke. Tule iròdutyy walabuu ribinadỹnymhỹre. Irubetỹmyra awire heka iròdutyy walabuu tỹmyrarokile.

²³Judeu elehydỹnarenry txu Jesuisiboho ririranyimhỹrenyry maixòmo wesena oworomy, tai ierydỹna riòròmyhỹrenyry riroxirenykemy. ²⁴Tahe lahi rybe-di erydỹdu mahādu rarybere Jesuisi-ò: —Aòherekibo aerydỹna mahādu riwinyreri aòwidỹna aòkò karare sabado txu. ²⁵Tahe Jesuisi tamy rarybere: —Kaiboho aòbo teriranyòletenyta tyryiti-di. Iwese Daviboho-wana aòhebo rotỹnyreri aomy rekoarenymahāu, rama rahumhỹrenyu. ²⁶Tii ralore hetotyhy-ò. Tai tahe orotxu sira ybina riyre, tule tamahādu-ò

riwahinyre. Kia tahe Deuxu deòdule rirÿsÿmyhÿre. Kia Davi aòhebo rotÿÿnyre Abiata heka Deuxu deòdu wedurau. ²⁷Jesuisi tamýreny rarybere: — Sabado txu heka rawidÿÿre inydee, iny tahe rawidÿÿöre sabado txu dee. ²⁸Deuxu Riòre Hābutyhyhykÿ tahe sabado txu wedu rare.

3 ¹Ixityre Jesuisi ralore dohodÿÿna hetowo-ò. Hābu debò binahakÿō tai ratximyhy. ²Lahi rybe-di erydÿÿdu mahādu Jesuisi retehemyhÿreny. Jesuisi sabado txuule riteytenykeki, tiiboho rarybekemy aōbinabinakibo raharenkemy Jesuisi. ³Jesuisi heka hābubina-ò rarybere: —Manake. ⁴Tahe Jesuisi ijō mahādu-ò rarybere: —Aōwihikÿwidÿÿ awire ada aōbinalemy widÿÿ awire. Tibohe awire, itarasa-ki aōbo ada rubu-ki aōbo. Hābu mahādu urile riyryre. ⁵Jesuisi tamýreny retehere raōbinamy. Tii heka iaōna aōna riwotōenyrenymyhy. Jesuisi hābu debò bina-ò rarybera: —Ebò biterenyke. Tai tebò riterenyreu, aōwesele awimy relere. ⁶Lahi rybe-di erydÿÿdu mahādu rara Iòlò Herodi mahādu-ò. Tiiboho raryberenyre timybo tahe Jesuisi rirubunýrenyke. ⁷Jesuisi rexitare taerydÿÿna mahādu wana aho-ò. Tahe sōwemy iny Judeia mahādu, Kalileia mahādu riheludunyre. ⁸Ibutumy aōna aōna roholare Jesuisi riwinyreò. Tahe sōwemy tamy nade: Jerusalē hāwā mahādu, Idumeia hāwā mahādu. Iny Jordaō bero ijā-ribi tule nade. Tule iny Tiro hāwā, Sidō beā hāwā-ribi iòhòmy tamy nade. ⁹Tahe Jesuisi taery mahādu-ò rarybere: —Walawò bidiwykre. Iny sōwemy dori rehemynýreri. Kidiwawotōmonykre òsana. ¹⁰Ibutumy bina mahādu ibymy tebò reareri ixideytedÿÿmy. Urile iny sōwemy riywinyre dori. ¹¹Tytybybina Jesuisi reteherenyreu, urile iko-txi resere ryrýreri: —Kai Deuxu Riòre tate. ¹²Tai tahe Jesuisi rarybere tytybybina-ò, uritere iteòsidÿÿōmykemy.

¹³Tii raòwònyre bederatdòmy. Tahe taerydÿÿna-ò rryryre tibo tamy reòbykemy. Tahe tamy nade. ¹⁴Tahe ierydÿÿna waòinatxi reuròmy rarunyre tii-wana rarekemy, rybe ritÿnynydÿÿkemy. ¹⁵Tule iruru-di rarekemy inybina riteytenykeny. Tule irurudikemy tytybybina riteònykemy. ¹⁶Kie ierydÿÿnanirenyre: Simaō, (tii tahe Jesuisi ijōni riwahinyre, Pedromy) ¹⁷Txiau ijō, tii Zebedeu riòre rare. Kia seriòre Jesuisi rininirenyre, Boanejimy, inireny. Kia heka irybereny rare, Biumytxy riòrereny. ¹⁸Ijō heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijō Simaō iwitxira, (tii brebuòmy rybe-ki, tasubedeluudu wahe.) ¹⁹Judas Isariò ijöre, kia heka Jesuisi riwahinyre iòludu-ò.

²⁰Tahe Jesuisi nalode taheto-ò. Ixityre iny sōwemy tamy nade. Tai tahe Jesuisi taerydÿÿna-wana riroxiòhyre. ²¹Idi tahe Jesuisi leinarený itxÿtesana roholarenýreu, riòryreny. Tiiboho raryberenyre: —Jesuisi itxÿte iòhòlere. ²²Bede ywina erydÿÿ mahādu doide Jerusalē-ribi rarybemyhÿreny: —Belisibu idi ratximyhyre. Tytyby wedu ruru-di tytybybina iny-ribi riteònyreri. ²³Jesuisi inyko ijyymy relyyre: —Timy taheka Satanasi rexiteònykre Satanasi. ²⁴Iòlòna wiribi rexihitxinykeki tahe, rexihukre ibutumy wiludu. ²⁵Tahe sÿro luduò wiribi rahitxikeki, rÿiòtyhy. ²⁶Satanasi rÿikeki reburemy, tii ixìòbitile rexirubunyke. ²⁷Inyò heka hābu rurutere hetowo-txi ralòòtyhy. Tai rawasinykeki, urile iny ritaataake. Urile hābu rataataakeki, iròòbmy iny rawasinyke. ²⁸Inatyhy jiarÿ adee ararybereri, ibutumy òraru heka kanaixāwidinykre hābu dee aòtxile aōbina binamy rarybemyhÿre. ²⁹Kia inyò aòtxile aōbina binamy Deuxu Tytybytyhymy rarybekeki, tiu heka iòraru rataòtyhy.

Kia òraru riwinyre tiiehyymy rarekemy. ³⁰ Jesuisimy kiamy narybedenyde: —Tii heka tyytybybina dire.

³¹ Tadi tahelÿÿna-wana nade. Tahe ahanakile ritamanyre. Tamy riteònyrenyire iòrysomy. ³² Iny sòwemy iwerora-di ronyre. Tahe Jesuisise-ò rarybere: —Adi aseriòre-wana ahanakile nyide, araijereri. ³³ Jesuisi rarybere: —Mowe nadi rare, waseriòreboho rare. ³⁴ Juhu urile idi retehereri iwerora-ki. Tahe rarybere: —Betehekre, kaiboho ibutumy kaki nadiwesere, waseriòre wese toite. ³⁵ Inyò aóna aóna riwinymyhÿkeki, Deuxu dee awira. Kia heka nadi, waseriòre roire.

4 ¹ Jesuisi ròðsera ahobero ijà-ò iny dohodÿÿmy. Sòwemy iny wirotyre. Tai Jesuisi ronyre hāworo-ò tahe rexitaranyre ahoro-ò. Aho ijà-ò iny wirotyre ijohonamy. ² Tii aóna aóna sòwemy roerydÿÿnanyre iyytyhydile. Kaa ijyymy tii relyyre: ³ —Boholake, alòbòròna-di dehudu rara alòbòrònamy. ⁴ Alòbòròna-di rehumyÿu, ijò ryro-txi resere. Tahe nawiixòmo rirore. ⁵ Ijò rejujure manarutàs-txi. Tahe aòwesele raumynyre iraruxiòlemy su dori ibutere. ⁶ Irauxiòreki, bede tòtee alòbòròna rimoenyre idi rurura. ⁷ Ijò oworuty resere edehu-txi idi ruhunyre edewanale. Tai tahe ede-ò riòdesenyre tai ratatynyòlere. ⁸ Ijò resere su witxira wihikÿ-txi. Kia tahe raumynyre. Tahe sohoji oworutyò 30my iraty ratatynyre. Ijò oworuty 60my ratatynyre. Ijò tahe 100my ratatynyre. ⁹ Tii rarybera: —Kaiboho aòbo òhòtidirenyre, inatyhymy warybe-ò boholake. Ade awikeki, bierybenyke.

¹⁰ Iny robÿtÿreu, ijò rarilere ierydÿÿna mahādu-wana. Tiiboho rÿÿraxire Jesuisi-ò: —Aòhekemybo telyyta ijyymy. ¹¹ Jesuisi tamyreny rarybera: —Deuxu Iòlòna rybemy Deuxu araerynanykre. Kia heka tuu teeryòmahāte. Kowaboho-ò jiarÿ urile ijyymy relyyra. ¹² Tai tahe kia wesele relyyra.

Iny retehemyhÿkemy tahe robiòhyymyÿre. Roholamyhÿre
ta, rieryòhyymyÿre. Tai tahe ralòkemy aòkò, taòraru
riixāwididÿÿnakemy aòkò.

¹³ Tii tamy rarybere: —Kaiboho aòbo teeryòhyyletenyteri ijyy. Ihāre tahe timykibo bierybenyke ijyy ibutumy. ¹⁴ Aloborodu rehumyÿ alòbòròna-di. Kia oworuty heka rybe wese rare. ¹⁵ Oworuty ryjāti ludu heka iwese urijohonadu wese heka rare. Rybe-ò roholarenyre, Satanasi nade rybe iwo-ribi ritakremy. ¹⁶ Manarutàs ludu iwese iny reysamy roholarereri. ¹⁷ Iny urihimyòle rarorehenymyÿre iraruxi sòweòreki. Idihe rasirara irybe. Tule iny ralaha-txinamyreki, ihÿyle tahe riixāwidinyra. ¹⁸ Ede rawo ludu iwese iny witxira roholarereri. ¹⁹ Tiiboho taaòmydÿÿnadile ròhòtinymyÿre. Sòwemy nieru-di ratxikemy rexinoòhòtinymyÿre ta nieru riitxenanymyÿre. Ijò aóna aóna dile rexinoòhòtinymyÿre. Kia aóna aóna rybe rirarutxinymyÿre. Tai tahe rybe ratatynyòmyÿre. ²⁰ Suwihikÿ ludu iwese iny witxira roholarereri. Kia inatyhymy rÿireri heka ratatynyre alòbòròna ratatynyre wese. Ijò ratatynyre 30my, ijò tahe 60my ratatynyre. Ijò tahe 100my ratatynyre.

²¹ Tii rarybera tamyreny-ò: —Uritere loosòna ideòmyke butxi worawo-txi ada herina raworawoò-txi aòbo. Loosòna bidekre bedewiò-ò. ²² Inyò iwòteòmy aóna aóna tiiehyymy. Tiutxulemybo ratÿnykemy ihÿre. Iwòteòmy atximahābenyke aòu bodobikemy atximahātenyte. ²³ Kaiboho aòbo òhòtidirenyre, inatyhymy boholake. ²⁴ Tahe Jesuisi tamyreny rarybera: —Kaiboho inatyhymy boholabeny tamy taholamahātenyteò. Urihixina iwese teòteri

wesele, kai biwykre. Ihäre tahe biwykre ijō teōta-ribi ritamy. ²⁵ Hābuō ijōdi-keki tamyle rawahidỹyke, tahe hābuō ijōōkeki iribi ratatyhyke.

²⁶ Jesuisi relyyra kia ijyymy: —Deuxu lōlōna kia ijyy wese rare. Hābu rehumyhyre alōbōrōna-di suō. ²⁷ Hābu rummy rōrōmyhyre txulemy rexixamyhyre. Tii rieryōlemhyre timybo alōbōrōna ratybiennymhyre. ²⁸ Suu ixi dee sohojile raratymy. Juhuu iōle ramyhyre. Idi tahe raratynnymhyre, ihewonau, tahe, iraty rasōnymhyre. ²⁹ Bederaty rasōnymhyreu, iyresydu riteōnymhyre. Mayrabu-di riōrōkemy bederatysō butudỹyna dori rexihumyhyre.

³⁰ Tii rarybera, Deuxu lōlōna wexe aōwesere. Aō-ō wexe rikioirenykre. Tiwexe ijyy kawesere. ³¹ Kia heka mostardaty wesere. Tii heka iylatyhymy ratximyhyre kabede-ki. ³² Tahe tii raumynymhyre wana, ireitōbōrōdỹy ratyre rarururunymhyre. Tahe nawii tamyle rasỹnymhyre. Iubōrōrō rawolemy taheto riwinyre.

³³ Tahe Jesuisi Deuxu rybemy rierynanyymhyre. Kia ijyy wese sōwemy ijyy rierynanyymhyre. Kialemy iny-ō Jesuisi relyymhyr ibutumy tamy reny ritynnynymhyreki. ³⁴ Kia-ō riōbitinyōlere ijyyō. Tahe iny-ribi irehemy taerydỹyna-ō riōbitinyre.

³⁵ Iu txu txiorolemy Jesuisi rarybere taerydỹyna-ō: —Rikiōhōrerenyke kowa weribi ijā-ō. ³⁶ Sōwemy iny rarire aho ijā-ki. Tahe taerydỹyna tamy ralore. Roire hāwō-di. Tahe ijō hāwō idi ratximyhyre. ³⁷ Tahe bede binahakỹ rexideleny yhymy. Tahe òbō hāwō rihātenymhyr tai ritỹmynykemy riteleyenre. ³⁸ Tai tahe Jesuisi rōrōmy roimyhỹ tōro-ki irati tarahynatyre-ki. Tai tahe riixixanyre. Ijō rarybere: —Waerydỹydu, adeehe awimy aōbo iny itue-renykre. ³⁹ Rexixamy Jesuisi. Tii yhy riixāwididỹynyre. Tii ahohokỹ-ō rarybere: —Biyryke! Tai bede ruhuwihikỹre. ⁴⁰ Tamyreny rarybere: —Aōherekibo kaiboho taberutenyteri? Deuxu aōbo tetyhynyōmahātenyte? ⁴¹ Tai tahe tiiboho bede riōtiinyrenyra. Tahe widee raryberenyre: —Mowexe tuu yhy ahohokỹ-wana irybe riywinyke.

5 ¹ Ritehemynyrenyre ijō berohokỹ weribi ijāna-ō. Kowa heka ibutumy hāwāhākỹ Kadarena inirenyre. ² Jesuisi hāworo-ribi resereu, hābu tyytybybina-di robire rōhōnyreri wabede-ribi. ³ Kia heka tiemy rasỹnymy raremyhỹ wabede-ki. Katahe wiji moheka womati reroti-di rataataaōtyhy. ⁴ Aōdorihe òhōōre tebō iwa rataataare womati reroti-di. Tiiemy heka rimoenymhyr. Teōruty ludu tawararu ludu tule ritōtynnymhyre iyresymy. Moheka iruruōre iny erydỹymy. ⁵ Txuu ruu-wana heka tii rasỹnyre wabedewo-ki. Tii rariamyhyre bederatōōmy. Tule rirajuamy tai rexihātenyre mana-di. ⁶ Tai tahe Jesuisimy robireu, tii raijaranyre Jesuisi-ō. Resere tatiwotimy Jesuisiko-ō. ⁷⁻⁸ Jesuisi tyytybybina-ō rarybere: —Iribi bōhōnyke. Tahe tyytybybina rarybera: —Aōwe wadi tate. Kai, Jesuisi, ibutumy inyō dee inyratyre tate. Kai Deuxu Riōre tate. Lāhāmỹ lāhā, uritere aōbina binahakỹmy wahōrōdỹyōmykre. ⁹ Jesuisi ritỹyraxinyre: —Mobohe anire. Tyytybybina rirawyōnyre: —Wanireny sōwetyhyre wasōwerenyreki. ¹⁰ Urile karibi wateōdỹyrenyōmykre. ¹¹ Tahe kowa-ki ixỹni juramy riroximy rỹimyhỹ bederatōō-ki. ¹² Ibutumy tyytybybina rexitōdenyrenyre: —Biwateōnybenyke ixỹni jurawomy aralōrenykemy. ¹³ Tahe Jesuisi riteōnyre. Tyytybybina aōwesele rōhōnyre tahe ixỹniwomy ralore. Ixỹni jura tahe raōrunyre rejuxunyre ijōtira-ribi. Berawo-txi tahe rabōrōrōre ahohokỹ-ki. Inatxi mil ixỹni rabōrōrōre. ¹⁴ Ixỹni-di itxeredu reare

ijjy my ibutumy hāwā hāwāmy relyyrenyre. Tahe iny dirahude tamy itxeremy. ¹⁵Tiiboho Jesuisi-ò doideu, tuu robirenyra hābu tytybybina-di raremyh̄y. Tii rexitynymy ronymy h̄y. Tii heka òbitimy rōhōtinymy h̄y. Tai iny mahādu rabedeòtiid̄ȳnyre. ¹⁶Tiiboho tuu robirenyre, ijō-ò relyyrenyre ix̄ni ijy my, timybo aōhebo rot̄ȳnyre my hābu tytybybina-di ratximy h̄y. Tule relyyrenyre timybo rot̄ȳnyre ix̄ni jura. ¹⁷Iny rexitōenyre Jesuisi-ò rexitakremy isureny-ribi. ¹⁸Jesuisi hāworo-ò ralore. Tahe hābu tytybybina-di ratximy h̄y, rexitōenyre Jesuisi-wana rakemy. ¹⁹Tahe Jesuisi idy derare. Tamy rarybera: —Mahe as̄y-ò, aijoi-ò belyke aōna aōna Deuxu adee riwinyremy, iwese tii araruxetōenymy h̄y wese. ²⁰Tahe hābu rare Debōwiò hāwāreny-ò. Ibutumy Jesuisi aōna aōnamy ixidee riwinyremy relyy. Ibutumy iny ribedeòtiid̄ȳnymy h̄y.

²¹Ixitre Jesuisi rare ahohok̄y weribi ijā-ò. Ixidee iny sōwemy ributunyre. Tii heka ih̄myh̄y ahohok̄y ijā-ki. ²²Tahe dehemynyde tamy dohod̄ȳna heto weduò. Ijairu inire. Tii Jesuisi robireu, resere tatiowotimy iko-txi. ²³Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruòtyhy. ²⁴Tahe Jesuisi tii-wana rare. Iny sōwemy tule rare iòhòkile tamy r̄yre.

²⁵Kia heka hāwyyò binamy ramy h̄y. Ihālubu rejuxunymy raremy h̄y. Beòra waòinatxi reuròmy rejuxunymy h̄y, rihuòhy raremy h̄y. ²⁶Tii aōhōk̄my rot̄ȳnymy h̄y sōwemy òhotibedu mahādu-di. Tahe awimy rot̄ȳō-lemy h̄y. Urile taniery ibutumy rahure òhotibedu mahādu-ki. Awimy releō-lemy, ire bede-ò resere. ²⁷Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki. ²⁸Hāwyy ixidee rarybemy h̄y: —Kriile itykynora-ki karimyekeki, karekyteke. ²⁹Tahe aōwelese ihālubu ijera ixāwire. Ixidee awimy rōhōtinyre. ³⁰Jesuisi rierye iruru iribi rōhōnyremy, tai rarybere: —Mobo watyynora rimyra. ³¹Tahe ieryd̄ȳna raryberenyra aòherekibo tuu tarybeta ibutumy taheka iny abirelemy r̄yireri. ³²Jesuisi retehemy h̄y urile mobo rarekemy. ³³Hāwyy rierymy h̄y aōhebo rot̄ȳnyre. Tii ruberumy Jesuisiko-ò resere relyykemy iko. ³⁴Jesuisi rarybera: —Ler̄y, atyhyd̄ȳna k̄nyhe aratara. Mahe, kai dori texiywinyta.

³⁵Tii rarybemy h̄y, dohod̄ȳna wedu deòdu rehemynyrenyreri. Tiiboho rarybe renyra: —Wawedu, Ijairu, ariòre rurumy roireri. Aōmybo tahe Eryd̄ȳdu-di atxiteri. ³⁶Jesuisi kia-ò roholara tahe rarybera dohod̄ȳna wedu-ò: —Brebūōmy, urile bityhynykre. ³⁷Jesuisi-wana roire, Pedro, ijō Txiau, ijō Joaò. Joaò heka Txiau seriòre rare. Kaòle heka reòbyre tii-wana rakemy. ³⁸Dohod̄ȳna wedu heto-ò dehemynydeu, ixiyjad̄ȳ-ò roholara, robureriò, rirajuareriò. ³⁹Jesuisi ralore tahe rarybera: —Aòherekibo tabutenyteri. Hirarihik̄y rurumy aòkò roireri. Tii urile rōrōreri. ⁴⁰Juhu urile tai rutxuenyrenyra Jesuisi-ki. Tahe Jesuisi ibutumy iny riòlòd̄ȳnyra hetowo-ribi. Tahe ise, tybyle, ixidee rimyrenyra ratxirenykemy. Tahe tamy rirònyrenyre tai hirarihik̄y roimyh̄y. ⁴¹Jesuisi hirarihik̄y debò rimyre tahe rarybera: —Talita kumi. (Katahe iwitxira rybemy rarybera. Kiamyreri heka, mynyikemy.) ⁴²Aōwelese hirarihik̄y r̄ymy reara. Tahe rariara aōmyreki iwyrwa waòinatxi reuròmy iwyrumy. Tahe urile bede riòtiinyrenyre. ⁴³Jesuisi riteranyre moò rieryd̄ȳkemy aòkò. Jesuisi tule rarybere: —R̄ys̄na tamy biwahynykre.

6 ¹Jesuisi dexitade kowa bede-ribi. Tahe tauladu tybiena hāwā-ò dehemynyde. Taeryd̄ȳna mahādu riheludunyre. ²Sabado txumy riernanyre

dohodŷŷna heto-ki. Sŷwemy iny roholamy rŷimyhŷ bede riŷtiiny. Tahe rarybere: —Tiribibo kia hābu aōna aōna bede rierye. Aōbedeeryhykŷbo ratximyhŷre. Timyta heka bedeōby riwinyre. ³Kia aōbohe aōwidŷŷdule ratxireri, Marie riðrele. Tiiboho aōbohe Txiau, Jyje, Judasi, Simaō, seriðrebohole ratxirenyreri. Terŷboho aōbohe tule kakile ratxireri. Ibutumy iny heka Jesuisi derarenyre. Irybe rityhynyōre. ⁴Jesuisi rarybere tamyreny: —Deuxu rybedŷŷdu heka tyhydŷŷna ritaōlekre tahāwāreny-ribi, taijoi-ribi, tasŷ-ribi. ⁵Tahe Jesuisi kowa-ki bedeōby riwinyōlere. Urile tebð ritidire inybina bina tyre, taile riteytenyre. ⁶Jesuisi urile bede idireny riŷtiinyre rityhynyōlemyhŷrenyreki. Tahe Jesuisi reurore hāwā hāwā-di erydŷŷmy.

⁷Tii ixidee ributunyre tawaðinatxi erydŷŷna mahādu. Tii riteðnyre inatxi inatxi iubŷtŷnyre. Tamyreny taruru-ribi riwahinyre tytybybina deðdŷŷki. ⁸Jesuisi tuu rarybere: —Urile biwykre adebðna. Uritere orotxu aōkō, nieruhyna aōkō, nieru wereysanawo-ki aōkō, iwydysyrenyōmykre. ⁹Uritere waubehetyōmy noōmykre. Uritere inatximy wirawomy ty-di ixitydŷŷōmykre. ¹⁰Hāwā-txi malðkeki, tiemy taile bonykre tiubedemybo iribihyyle bðhònykre. ¹¹Titxi behemynybenykeki, uritere iny erarenymy reakeki, roholākeki, txiðrare, urileta awareny bitðtynykre bede erynamy. ¹²Tahe tiiboho roire. Rybe ritŷnydŷŷmyhŷre iny ixidee rexirahirenykemy. ¹³Tytybybina irehemy iny-ribi ririradŷŷnykemy. Sŷwemy inybina tyre òlŷre ritxiwire. Tai tahe riteytenyre.

¹⁴Kia heka iòlò Herodi roholara. Jesuisini dori erynatyhymy raremyhŷ. Tahe ijðboho rarybemyhŷreny: —Joaō Sebedŷŷdu rexixara rubu-ribi. Ijð rarybemyhŷreny: —Eliale ratxireri. ¹⁵Ijð rarybera: —Deuxu rybedŷŷdu ratxireri. Deuxu rybedŷŷdu wese heka ratxireri. ¹⁶Herodi roholareu aōbo Jesuisi riwinyre, rarybera: —Kia hābu Joaō ratxireri. Kia heka irati reorore heka rare. ¹⁷Kia heka iòlò Herodi riteðnyre imynamy. Idi tahe riti-sanyre ròtenawo-ð. Taseriðre hāwy òraru-ki kia riwinyre. Filipi iseriðreni rare. Iseriðre hāwyyni Herodia rare. Herodi, Herodia-wana roire iseriðre riðrese-wana. ¹⁸Juhuule Joaō rarybere Herodi-ð: —Kai aōkōre aseriðre hāwy-di mabeōtyhy. ¹⁹Herodia tamy iky reamyhŷ rirubunykeny ratximyhŷ tahe aōkōhylyre. ²⁰Herodi tahe Joaō rityhynyre. Tii rierymyhŷre Joaō hābu wihikŷō ratximyhŷ. Tai riyrubunyre ròtenawo-ki. Herodi Joaō roholareu, urile bede riŷtiinyre urile roholawihikŷre. ²¹Kia txuu ibeðra reare Herodi lisina berenamy riwinyre. Tahe ibutumy hāwā dinodu, soldado wedu mahādu, tule ibutumy hābu ninihikŷ Kalileia mahādu-ribi rihuðtere. ²²Ijadòma ralore resere, Herodia riðre. Herodi, iny huðtedu mahādu-wana tamyreny awire. Iòlò ijadòma-ð rarybera: —Aòtxile aōma wadee bexitðenykre, adee ariwahinykre. ²³Inatyhymy adee ararybekre. Waaōna aōna iweeremy bexitðenykeki, adee ariwahinykre. ²⁴Ijadòma tadi ritŷŷraxinyre aōmybo tahe tamy rexitðenykre. Ise rarybera: —Joaō Sebedŷŷdu rati kai bexitðenykre. ²⁵Tahe ijadòma ròðsere iòlò-ð. Tahe ijadòma rarybera: —Joaō Sebedŷŷdu rati kai biwahinykre hyna tyre-ki. ²⁶Iòlò sŷwemy rabadewore irybe-ki. Rexitxiōnyōlere iny dori sŷwemy ibire-ki. ²⁷Iòlò soldado rariare Joaō rati òrysmy. Tahe irati riorore ròtena-ki. ²⁸Tahe irati diwyde besetyre-ki. Ijadòma-ð riwahinyre, tahe ijadòma tadi-ð riwahinyre. ²⁹Joaō erydŷŷna rieryreu tahe, nade iumy òrysmy. Tahe iumy riwyre wabede-ð.

³⁰ Jesuisi erydÿÿna mahādu ròðserenyre Jesuisi-ò. Tahe relyyrenyra ibutumy aomydÿÿnana tule ibutumy riernanymhÿre. ³¹ Jesuisi tamy rarybere: —Inyboho sohojile rokoireny bederahy-txi ixielehydÿÿmy. Tii dori rarybera tamy heka byrena iòhòtyhòlere tamy roxina raðhòòlere. Iny sòwemy tamy wii reutydynyneri. ³² Tahe tiiboho sohojile hāwò-di roire bederahy-txi inyò-ò. ³³ Iny sòwemy tuu robira ròhònyrerimy. Tahe iny ibutumy hāwā hāwā ludu rajjaranyre tòròsòna-ò. Tiibohole juhu rehemynyre iko-ki. ³⁴ Jesuisi rororeu, tahe inmy sòwemy robire, riraðrerìò. Jesuisi tamy ratðenymhÿre. Tiiboho dori iwese budoeni idi itxereduòmÿ rÿireri wesemy. ³⁵ Txuu raloreu, ierydÿÿna mahādu Jesuisi-ò roire. Tiiboho rarybere: —Ka kÿnyhe bederahy roire txuuke rexihura. ³⁶ Kai tahe iny biteònykre hāwā hāwā mahādu-ò rÿsÿna ixideereny òbradÿÿmy. ³⁷ Jesuisi tamyreny rarybera: —Kaiboho tamy rÿsÿna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiòbranyrenykre. Timy wexe tamyreny rÿsÿna rikiwahinyrenykre. Jesuisi tamyreny rarybera: ³⁸ —Tiwese orotxu bohe rÿire. Maa tamy itxeremy. Idi tahe rieryrenyreu, rarybera: —orotxu iruyre, utura inatxi. ³⁹ Idi tahe Jesuisi iny rabòròhòkÿ asityre rorukukremy. ⁴⁰ Idi tahe iny rabòròhòkÿ wii rirareare, ijò siwètamy, ijò 100my. ⁴¹ Jesuisi orotxu utura-wana rimyre tahe retehere biu-ò Deuxu-ò rexitòenyre. Idi tahe orotxu reòròròre. Riwahinyre taerydÿÿna mahādu-ò riwykremy iny-ò. Tule utura inatxi wirarea riwahinyre iny mahādu dee. ⁴² Ibutumy iny riroxire. Rihydymy rÿimyhÿ. ⁴³ Idi tahe ritÿxinyre waðinatxi reurò weririmy orotxu yre yre utura-wana rauhenyredi. ⁴⁴ Kia heka rerÿsÿre 5000 inmy rÿsÿna-di.

⁴⁵ Juhu Jesuisi riteònyre taerydÿÿna mahādu ixiko-ò kanaijòwe-ribi ijà-ò, Besaida hāwā-ò. Tii tahe ririre iny riteònykre. ⁴⁶ Tahe riteònyre, tii rare ixitòedÿÿmy bede ratòðhòkÿ-ò. ⁴⁷ Txioro bedesou hāwò ahotya-ki ratximyhÿre. Jesuisi suki ratximyhÿre ixisohojile. ⁴⁸ Tahe yhy rebònymhÿ iutedereny-ribi. Hāwò rariaòlemyhÿ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyreny wese rariakre. ⁴⁹ Tahe tuu robireu, betyre-di rariarerìò, tiiboho unisÿna ròhòtinyreny, rirajuarenyre. ⁵⁰ Tahe ibutumy tuu robira ibutumy ruberurenyre. Jesuisi aòwesele rarybere: —Utile beysabeny, breburenÿmÿ. Jiarÿle watxireri. ⁵¹ Tii ralore tamyreny hāworo-ò. Yhy urile ixāwire. Ierydÿÿnaboho bede riòtiinyrenyre. ⁵² Tiiboho ruberurenyre, orotxu bedeòbyna dori rierykòrenyre.

⁵³ Tiiboho riòhòrenyre, ritehemynyre Kenesare-ò. Kia-ki hāwò ritisarenyra. ⁵⁴ Tahe hāworo-ribi ròtuòreriu, ibutumy iny Jesuisi rieryra. ⁵⁵ Juhu raðrunyrenyre bina bina mahādu òrysymy. Idi tahe didydenye roholarenyre titxibo tai Jesuisi ratximyhÿ. ⁵⁶ Tii raloreu iny hāwā-ò aòbo ada hāwāhākÿ-ò aòbo ada bedero-ò aòbo, tiie my iny bina bina mahādu iryko-txi ritidire. Tai tamy rexitòenihikÿre tamy debò reakemy ityynora-ò. Ibutumy tamy debò reareu, tahe riteytenyre.

7 ¹ Jesuisi-ò ributunyre fariseu mahādu lahi rybe-di erydÿÿdu mahādu wahe. Tule bede ywina erydÿÿ mahāduributunyre. Jerusalē-ribi ritehemynyneri. ²⁻⁵ Jesuisi erydÿÿna mahādu tebò risuhòòmÿ riroxireri. Fariseu mahādu, Bede ywina erydÿÿ mahādu-wana Jesuisi-ò ritÿÿraxinyrenyre: —Aòherekibo aerydÿÿna tebò risuhòòmÿ riroximyhÿrenyre. Aòherekibo ihetxiu bede ywidÿÿnana rityhynyòrerì. Lahi rybe-di erydÿÿdu mahādu judeu

mahādu-wana ihetxiu iwidŷŷnana riwinymhŷrenyre. Tii heka tebò tiu surò-duòmy riroxiòmyhŷre. Tiiboho aōna aōna wydyna heto-ribi dòðsemahādeu, tiu heka rōhōðdile riroxiòmyhŷre. Sōwemy iwidŷŷnarenen rityhynymhŷre. Bemonu butxi, womati bese-wana risuhòrenyre. ⁶ Jesuisi tamy dirawyònyde: —Isaia juhuule rarybere tiwesebo kaiboho toite. Kaiboho itxenadŷŷdu toite. Riritinymy rŷire:

—Kaiboho riwawowydynymhŷre tary-di. Tahe awo-ribi waluuòlemhŷre.

⁷ Kaiboho riwawowydynyre tahe watxi nohòti ijeraòlerenymy. Kai teernanyteri erydŷŷna-di iny nohòti-ribi namyhŷdeòle.

⁸ Kai Deuxu erydŷŷna tyhydŷŷòmy. Iny erydŷŷnale tetyhynnyte. ⁹ Tii tamyreny rarybera: —Kaiboho aōbo ijō bihòrònybenyleke, biaòmysŷnybenyke. Deuxu rybe bede wina kaiboho tetyhynnyòlemhŷnyte. Arybe bede winala tetyhynnyòlemhŷnyte. ¹⁰ Moisesi rarybera:

—Kaiboho biytyhynnybenyke adirybe-ò, tybyrybe-ò. Inyò tadimy tybymy iehehemy rarybekeki, aòtaxiny ruruke.

¹¹ Kaiboho teernanyteri hābuò-ò tadi tybywana-ò rarybekemy: —Wanieru waribi bitaòke. Ariwahiny dori Deuxu-ò. Wanieru heka korbŷ rare. (Korbŷ heka uri wahidŷŷna rare, iwitxira rybe wahe.) ¹² Jesuisi rarybehymy rare: —Kiawese riernanymy raremyhŷ, kaiboho uritere hābuò tadiboho-ò aomydŷŷòmy rarekemy. ¹³ Kawese ityhydŷŷrenyòmy Deuxu rybe, aerydŷŷna òraru-ki. Sōwemy aōna aōna kawese tatŷŷnyte. ¹⁴ Tahe Jesuisi ixityre rarybera inysòwe-ò: —Bodoholabenyke, ibutumy bierybenykeny. ¹⁵ Aōbo iny-ò ralòmyhŷre, kia tahe iny risunyòlemhŷre, inywo-ribi tahe namyhŷde kia tahe iny risunymhŷre. ¹⁶ Inyò bierybenykeki, boholaibenyke. ¹⁷ Tahe iny-ribi rōhònyreu, heto-ò raloreu, ierydŷŷna mahādu tahe tamy rŷŷraxire ijyymy. ¹⁸ Tii tamyreny rarybere: —Kaiboho tule aōbo teeryòmahāteny. Aōbo iny-ò ralòmyhŷre, kia iny risŷnyòlemhŷre. ¹⁹ Tawotyhy-ò dori ralòòlemhŷre. Urule weryri-ò ralòmyhŷre idi umy-ribi rōhònymhŷre. (Ibutumy rŷŷŷna tahe awire riki.) ²⁰ Tule rarybere: —Aōbo iny-ribi namyhŷde, kia risurisyunymhŷre. ²¹ Inywo-ribi tahe rōhònymhŷre ibutumy nohòtinana binahakŷ. Kia heka rare nohòtinana binahakŷ: òta òtalemy, wasilemy, rubudŷŷlemy, ijō hābu riðrese ridymy, ²² ibutumy aōna aōna wedu iny ratyrekemy, binamy rōhòtinymhŷre, ruilemy, aōbina binaòle, itxeredu, aōbina binalemy rybedu, tule itxŷtelemy. ²³ Kia heka ibutumy bina bina inywo-ribi namyhŷde. Kia heka iny rexisunymhŷre.

²⁴ Jesuisi rexitare. Tahe r re Tiro hāwāreny-ò, Sidō beà hāwā hāwā-ò. Tahe tii ralore hetowo-txi tahe moò rierykòdi ixidire hetowo-txi. Ralòrau tahe, rexiwòke aòkō. ²⁵ Jesuisi tyhynina-ò hāwyy roholare, tahe tamy nade, tatio-wotimy resere. Iriðre-riki tytybybina dire. ²⁶ Kia heka hāwyy Grego mahādu rare. Ilahinanire heka Siru Senisia. Tii Jesuisi-ò rŷŷraxire tytybybina iriðre-ribi deòdŷŷmy. ²⁷ Tahe Jesuisi tamy rarybere: —Txioiny, juhu inihe uladu mahādu riroxikre. Wadee awiðre uladu-ribi rŷŷŷna ritake ijòròsa-ò. ²⁸ Hāwyy rirawyònyra: —Inatyhy rare, Wāhī. Kurile rŷŷŷna kyre kyre rejuju-mahāre. Kòwòruku bese-ribi, kuladu-ribi. Kiamy heka itxoòròsa rirakuximyhŷre. ²⁹ Tahe Jesuisi tamy rarybera: —Kia rybe òraru-ki heka kaa tarybeta tytybybina ariðre-ribi rohonyra. Kia bòðsekre aheto-ò. ³⁰ Hāwyy taheto-ki

rehemynyreu, iriðre-ki rahara byretyre-ki roire. Hāwyy rieryre tytybybina iribi ròhònyre.

³¹Tai tahe Jesuisi ixityre rexitare Tiro hāwāreny-ribi, Sidō beà hāwā reny-ò rara Kalileia aho-ò. Tii raremyh̄y, Debòwiò hāwā hāwā reny ririre. ³²Tahe tamy didydenyde hābuò nohòtityò. Tii roholaòlemyh̄y. Tule awimy rarybeòhyylemyh̄y. Tahe rexitòdenyrenyra Jesuisi-ò, tebò ityre ritidikemy. ³³Jesuisi tii ritare insòwehek̄y-ribi tahe tebò ritidire tòhòti-ò. Tahe rarybexinyre tahe idi tòròtòbymy reare. ³⁴Tahe Jesuisi tarue ruwyre biu-txi, ele-di reare. Tahe rarybere: —Ebata. (Kia heka rybe riwiuròsòd̄ȳmy rare, —Biraynyke.) ³⁵Aòwesele tòhòti riraynyre. Tòròtò riykoykonyre. Tii aòwesele awimy rarybere. ³⁶Jesuisi rarybere: —Uritere iny-ò ijyòmykremy. Ihārele tahe ibutumy kiamy iny-ò relymyh̄y. ³⁷Idi bede riòtiinyreny. Tahe raryberenyre: —Ibutumy tii riteytenmyh̄y. Tii nohòtity aòwesele roholamyh̄y. Hābu rybeò aòwesele rirybed̄ȳnymyh̄y.

8 ¹Kia txuu ixityre iny sòwemy ributunyre. Kiau tule aòrys̄namy ijòòhyyle. Jesuisi taeryd̄ȳna mahādu ixidee ributunyre. Tahe tamyreny rarybere: ²—Jiar̄y insòwe rewotènyrer. Tiiboho txuu inataò waki r̄yireri byreòlemy. ³Jiar̄y byreòlemy ariteònyrenykeki, ryrowetyakile reserenykre iòderawyrinymy. Tule, iny sòwemy irehe-ribi nade. ⁴Ieryd̄ȳna tamy dirawònyde: —Tymyaka inyboho tamyreny orotxu rikiwahinyrenykre kabederahy-ki. ⁵Tii rit̄ȳraxinyre: —Tiwesebo orotxu kai ijòdire. Tiiboho rarybere: —Debò inatxi reuròm̄y. ⁶Jesuisi iny sòwemy ris̄d̄ȳnykremy sutyre-ò. Tii orotxu debòinatxi reuròm̄y rimyra. Tii rexitòdenyre tahe riorore. Tahe riwahinyre taeryd̄ȳna mahādu-ò riwykemy iny sòwe-ò. ⁷Tule utura ibutemy r̄yimyh̄y. Tahe rexitòdenymy rahudi tahe taeryd̄ȳna-ò rarybere: —Kaa tule biwybenyke iny sòwe-ò. ⁸Tiiboho riroxirenyremy tahe rihydymy ratximyh̄y. Iyre yre rauhenyre riwyrenyre weriri debò inatxi reuròm̄y riwyrenyre r̄ȳximy. ⁹Inaubiòwa mil iny iòhòm̄y r̄yimyh̄y. Tahe Jesuisi rexideòwarinyre iny sòwe-ò. ¹⁰Tii ralore hāworo-ò taeryd̄ȳna-wana. Tiiboho roire Damanuta hāwāreny-ò.

¹¹Lahi rybe-di eryd̄ȳdu mahādu nade fariseu mahādu wahe. Tiiboho tamy nade rybe òbitid̄ȳmy. Tiiboho r̄ȳraxirenyra bede eryd̄ȳnaò kiditeòsinykremy. Lahi rybe mahādu rierykemy tii inatyhy rare urenana. ¹²Tii raelewenenanyre tawo-ki rarybere: —Aòherekibo kaa iny mahādu r̄ȳraximyh̄y bede eryd̄ȳnamy. Inatyhymy jiar̄y ararybekre: —Bede eryd̄ȳna heka tamy rawahid̄ȳòtyhy. ¹³Tahe idi Jesuisi rexitare. Hāworo-ò ralore. Idi rohorere kanawe-ribi ijà-ò.

¹⁴Ieryd̄ȳnaboho tahe tòhòti rosare orotxu wydysy-ribi. Sohojityhyle heka orotxu roimyh̄y hāworo-ki. ¹⁵Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wir̄ys̄na uri-ribi. ¹⁶Jesuisi eryd̄ȳna mahādu ixideele rarybere: —Aòherekibo Jesuisi kia rarybereri. Inyboho iorotxurenyòreriki òsana. ¹⁷Jesuisi heka rieryra tahe rarybera: —Aòherekibo raryberemy orotxu ijòòremy. Kaiboho aòbo teerytenyòte. Kaiboho aòbo arawoxierynyrenyore.

¹⁸Kaiboho aòbo arueòrenyre. Tabiòletenyteri. Kaiboho aòbo itxi òhòtirenre reaòlereri.

¹⁹Jiar̄y 5000my iny-ò orotxu reareareu, tiwesebo weririmy orotxu yre yre-di rit̄ȳxinyre. Tahe tiiboho rirawònyre: —Waòinatxi reurò weririmy. ²⁰Tahe

debòinatxi reurò orotxumy reòròra 4000 inmy, tiwesebo weriri orotxu yre yre-di ritÿxinyre. Tiiboho rirawyònyre: —Debòinatxi reuròmý. ²¹ Tahe tamýreny rarybere: —Timýrekibo tahe teerytenyòte.

²² Dehemynýde Besaida hāwā-ò. Tahe hābu ruetà-di tamý didýdenyde. Rexitòenyrenyre tamý debò reakemy. ²³ Jesuisi tebòmý rimyre tahe ridyre hāwā-ribi bederahy-ò. Iruetyre rarybexinyre. Tebòmý tamý reare. Tahe ritÿÿ-raxinyre: —Aòmýbo aòbo tabiteri. ²⁴ Hābu tahe biu-txi tarue riukora, tahe rarybera: —Hābumy rabira, òwòru wese rÿireriò, rariareri. ²⁵ Ixityrele Jesuisi tebò reare irue-ò. Hābu heka irue reyteramy òbitilemy retehereri. Robire irehetyhy-ò itÿnyhÿkÿlemy. ²⁶ Tahe Jesuisi riteònyre isÿ-ò urile ihāwā-ribi ròðseòmýkre.

²⁷ Jesuisi taerydÿÿna mahādu-wana ròhònyrenyre Sesaria Filipi hāwāreny-ò. Ryki taerydÿÿnarený-ò ritÿÿraxinyre: —Mowe hābureny wamý raryberenyra jiarÿ raremy. ²⁸ Tiiboho rirawyònyra: —Joaò Sebedÿÿdu riki, ijò Eliasi riki, ijò riki Deuxu rybedÿÿduò. ²⁹ Tahe Jesuisi tamýreny ritÿÿraxinyra: —Kaiboho, mobo tarybetenyte jiarÿ raremy. Tahe Pedro rirawyònyre: —Kai Kristu atximahāte. ³⁰ Tii raraybinihikÿmy ixi-ki rarybera: —Inyko wamý ijyòmýkre.

³¹ Jesuisi rexiranyre erydÿÿmy: —Deuxu Riòre Hābutyhyhykÿ heka aóna aónamý aòhòkÿmy rotÿÿnynihikÿkre. Matuari mahādu heka ixideramý rýnakre. Tule Deuxu aòmýsÿdÿÿdu wedu, Bede ywina erydÿÿ mahādu ixideramý rýnanakre. Jesuisi kudurukre idi tahe txu inataò rÿidi kedexixakre rubu-ribi. ³² Idi tahe iòrurehekÿlemy tamý rarybere. Pedro iny-ribi Jesuisi ritare, tahe tamý rarybere: —Kawese rybeòmýreke. ³³ Jesuisi ròðsemy reare, retehemýhÿ taerydÿÿna-ò tahe Pedro-ò rarybere: —Bexitake wako-ribi Sata-nasi. Kai dori Deuxu ijoi aòkò atximahāte. Kai hābu ijoi tate. ³⁴ Jesuisi ributunyre iny sòwehekÿ, taerydÿÿna-wana tahe rarybere: —Inyò wahemy kana-keki, ixideele rexirahÿke, tahe taitxeò rimýke riwaheludunýkemy. ³⁵ Mobo taumý tarasamý rurukeki, riononykre. Tahe aòtxile iny waluukeki, Rybewihikÿ luukeki, taumý wadee riononykeki, kia heka taumý ritakre. ³⁶ Aòbo tahe awire, ibutumý aóna aóna bitake tai aumý biononyke. ³⁷ Aòbo tahe iny riwahinykre taumý wydýna òkesena aòbo. ³⁸ Kai wijinabòdu òrarudu mahādu rare, òta òtadu rare. Aòtxile iny walau warybe lau raixÿrukeki, tule Deuxu Riòre Hābutyhyhykÿ ilau kanaixÿrukre tii nadeu ÿjuwihikÿ-di boo wowydyna-ò.

9 ¹ Tii tamýreny rarybere: —Inatyhymý adeerený ararybekre. Ijòò kaki ratximýhÿre ruuòtyhy Deuxu Iòlònau taruru-di kedehemynýkreu.

² Tahe debò sohoji txuu rÿidi, Pedro, Txiau, Joaò-wana Jesuisi ridyre. Tiiboho sohojile bederatòð-ò roire. Jesuisi tamýreny rexiwtxiranyre. ³ Ity heka urile rabòðranyre. Iurahakÿmy relere suròna ratyre heka rauranymý ritoosònyre. ⁴ Tahe tamýreny dexitÿnynyde Eliasi, Moisesi-wana tahe rarybemyhÿre Jesuisi-wana. ⁵ Pedro rarybere Jesuisi-ò: —Wawedu, awityhymý inihe kaki ratxirenýreri tahe rikiwinyrenýkre inataò hetomy, ijò adee, ijò Moisesi-ò, ijò Eliasi-ò. ⁶ Pedro rieryòlemyhÿre aòmýbo rarybekemy ruberumýhÿremý. ⁷ Nonoe dobehede iubòròna bede ritòbònyre. Tahe rarybere reare rybeuni iy-ribi: —Kia heka wariòre waluu rare. Kaiboho tamý bohòlabenyke.

⁸ Tiiboho reteherenyre tahe inyò robiòlerenyre. Jesuisilemy robirenyre.

⁹Dobehedeu tahe inydee Jesuisi rarybere: —Uritere inyò-ò tuu ijyöomykre aömybo tobitemy. Uritere Deuxu Riòre Häbutyhyhykÿ rubu-ribi rexixareu, tai tahe tuu belyybenykre. ¹⁰Kia rybe wasimy riworenyre. Ixideerenyle wii ritÿÿraxinyrenyre: —Aömybo rarybereri, rubu-ribi rexixamy nade. ¹¹Tiiboho tamy rÿÿaxirenyre: —Aöherekibo bede ywina erydÿÿ mahädu rarybere Eliasi juhu kanakremy. ¹²Tii rirawyònyre: —Inatyhmy, Eliasi juhu nade. Ibutumy aöna aöna riywinykremy. Tewesebo raritinanymy rÿireri: —Deuxu Riòre Häbutyhyhykÿ aöna aönamy aöhökÿmy rotÿÿnynihikÿre. Tahe tii inydee awiöhykre. ¹³Adeereny ararybekre: —Eliasi nade. Tule iny ixideewilemy tamy riwinyrenyre. Kaheka iaömydÿÿnana riritinanymy rÿire.

¹⁴⁻¹⁵Jesuisi dehemynydeu taerydÿÿna mahädu-ò, tahe robire iny söwehekÿmy tahe bede ywina erydÿÿ mahädu taerydÿÿna-wana ritxiönymyhyre. Tahe Jesuisimy robireu, tahe tiiboho riumysaönyrenyre. Raörunyrenyre irybedÿÿmy. ¹⁶Tamy rÿÿraxire: —Aömybo tamyreny tatÿÿraxinyteri. ¹⁷Inyò rirawyònyre: —Erydÿÿdu, wariòre adee redyreri. Tii tyytybybina rybeöhökÿ-di ratxireri. ¹⁸Tyytybybina rimyreu tahe riatyre bede-ò. Idi tahe urile txuu riyiyinyre. Tahe tii rubureriwelese roire. Aerydÿÿna-ò jiarÿ rarybera tyytybybina riteranykremy, tahe tiiboho iruruöhyymyhy. ¹⁹Jesuisi tamyreny rarybere: —Tiwesebededÿÿnanabo wijinabòdu ityhyölemy rÿira. Tiwesebededÿÿnanabo awanareny ariijekemy. Wadee uladu bididyke. ²⁰Tahe didydenyde Jesuisi-ò. Jesuisimy robireu tahe tyytybybina urile raitxÿteitxÿteny resere. Idi tahe urile bede-ki rara òhöremy raratymyhy rybexi irywomy ròhònymyhy. ²¹Jesuisi rÿÿraxire uladutyby-ò tiubedemybo taheka kaa binana tamy dehemynyde. Tii rarybere: —Uladuylale idi ròrarunyre. ²²Tiwese wese aökò idi rehure bera-ò, heòty-ò rahukemy. Aö biwinykeki, jiarÿboho biwawidhenanyke wijile. Kai biwaruxetöenybenyke. ²³Jesuisi rarybere: —Kai bityhynykeki, ibutumy aöna aöna rÿimymyhyre. ²⁴Aöwesele uladutyby ryryre idi tahe rarybere: —Jiarÿ retyhynyre, biwidhenanykre aöbo rauhenyre. ²⁵Jesuisi iny söwemy robire wii rotyrerimy, tahe riteranyre tyytybybina-ò: —Kai tyytyby rybeö tule roholaö iribi bòhònykre, tiu ixityre malòötyhy. ²⁶Tyytybybina ryryre. Uladu ritxÿtenyre idi tahe ròhònyre. Uladu rubuwelese roire herimy. Tahe iny söwemy rarybere: —Tii rurura. ²⁷Jesuisi rimyre tebò ritamadÿÿnyremy tahe uladu rÿire lamamy. ²⁸Heto ralorenyre ierydÿÿna mahädu tamy rÿÿraxirenyre: —Aöherekibo jiarÿboho tyytybybina riteönyörenyra. ²⁹Tamyreny rarybere: —Kaiboho bexitöenybenykeki byreöna-di bonybenykeki, kiawesele heka ròhònyke.

³⁰Iribi ròhònyre, Kalileia lowysy-di roirenyre. Jesuisi heka inyerydÿÿderamyhy tai ratximyhyki. ³¹Taerydÿÿna mahädu Jesuisi riernananymyhyre. Jesuisi tamyreny rarybere: —Deuxu Riòre Häbutyhyhykÿ heka rawahidÿÿkre häburenyö-ò. Tii häbureny rirubunykre. Idi tahe txu inataö txuu rÿidi tahe kedexixakre rubu-ribi. ³²Tiiboho rierykölere tahe ruberurenyre tÿÿraxidÿÿki.

³³Idi tahe rehemynyre Kafanaö-ò. Ralore heto-ò. Jesuisi tamyreny rÿÿraxire: —Aömywe wídee tarybetenyteri ryro-ki. ³⁴Tiiboho urile roholarenyre rybeölemy. Ryro-ki dori rarybemyhy mowexe wiribi aönimy ròhònykre. ³⁵Tahe Jesuisi ronyrenyredi, Jesuisi taerydÿÿna mahädu ributunyre erydÿÿmy: —Inyò juhuludumy rarekemy ratxikeki, tai heka tii ihewoludukre. Tule tii reakre ibutumy deòdumy. ³⁶Tahe Jesuisi uladuò rimyre risÿnyre iubetya-txi tahe

taerydÿÿna-ò rarybere: ³⁷—Moò uladu kawese wadee riwiòhenanykeki, riwa-wiòhenanyre. Moò riwawìòhenanykeki, tule wateòdÿÿdule riwiòhenanyre.

³⁸João tamy rarybere: —Erydÿÿdu, jiarÿboho tuu rabirenrya inyò tyyty-bybina-di ani-ò rehureriò. Tahe iny mahādureny aōkō rare. Tahe jiarÿboho tamy reijōnyrenrye iny mahādureny dori aōkō rare. ³⁹Tahe Jesuisi rarybere: —Bijōnybenyōkre. Inyò wani-di bedeòby riwinykeki, wanimy heka ibinamy rarybeòtyhy. ⁴⁰Iny òluduòkeki, tii heka iny ijoi rare. ⁴¹Inyò beò adeereny waninamy riwahinykre-wana, kai waerydÿÿna dori tate, inatyhymy adee ararybekre. Tii tawahidÿÿna ritakre. ⁴²Inyò kaa uladu ityhydÿÿdu riatykre òraruna-txi, kia heka tamy awire tòti-ki myna ritaamy idi bera-txi rehure. ⁴³Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiòtyhykre heòtytòteehekÿ-ò ralòkeki debò inatxi-di. ⁴⁴[Tai mohò ruuòtyhy. Heòty ruuòtyhy.] ⁴⁵Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiòre heka heòtytòteehekÿ-ò ralokre awa inatxi-di. ⁴⁶[Tai mohò ruuòtyhy. Heòty ruuòtyhy.] ⁴⁷Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiòre heòtytòteehekÿ-ò ralokre arue inatxi-di. ⁴⁸Tai mohò ruuòtyhy. Heòty ruuòtyhy. ⁴⁹Ibutumy iny heka heòty-di rijyyranykre. ⁵⁰Jyyra heka awire, saa wahe. Urile taruru riononykeki, tiwesebo tarÿsÿna uri ixybyle tawo-ki bitidikre. Kaiboho ibutumy widee eysarenlyre.

10 ¹Jesuisi iribi rexitare. Tahe rare Judeia bede bede-ò, tule Jordaò kanawe-ribi ijà-ò. Iny sówemy tamy ributunyre, tahe tiiboho Jesuisi rierynanyre. Tii reòarimyy tuu ratximyhÿre.

²Tamy lahi rybe-di erydÿÿdu mahādu dehemyndenye irutaadÿÿrenymy. Tahe tamy rÿÿraxinyre: —Hābu aōbo tahāwyy ririleke, awire aōbo ibinare aōbo. ³Tahe Jesuisi tamyreny rirawyònyre: —Aōrybe bede ywina-di Moisesi rierynanyre. ⁴Tahe tiiboho Jesuisi-ò dirawyòndenye: —Tii rierynanyre iny tahāwyy ririkemy. Urile juhuu hāwyy bede erydÿÿna rybe tyyriti riwinykemy, idi tahe tahāwyy ririkemy. ⁵Jesuisi tamyreny rarybere: —Òhòtitxyre dori Moisesi kia rybe bede ywina adee riwahinyre. ⁶Juhu bedeu Deuxu riwinyre hābu, hāwyy-wana.

⁷Iurenana tahe hābu tadibohosÿ-ribi ròhònymyhÿre tai roimyhÿre hāwyy-wana.

⁸Hābu inatyhy hāwyy-wana roimyhÿreu, sohoji tyhylemy radenymyhÿre. Iny inatxi inymy aōkō rÿimyhÿre, sohoji tyhylemy rÿimyhÿre. ⁹Hābu hāwyy-wana Deuxu ributunyre, iny iwitxira wiribi ritòhòrarienyòtyhy. ¹⁰Hetowo-ki tahe ierydÿÿna ritÿÿraxinyre kia rybe-ki. ¹¹Jesuisi tamyreny rarybere: —Aòtxile hābuò tahāwyy ririkeki tahe ijò-wana roikeki, kia heka òtadu rare. ¹²Hāwyy tahābu ririkeki tahe ijò hābu-wana roikeki, kia heka wedena rare.

¹³Tiiboho tamy didydenye uladu tamy debò reakemy. Tahe ierydÿÿna riononymy rarybere tamy idyrenyòmykre. ¹⁴Jesuisi kiamy robireu, rikyaranyre rarybere: —Txiò, kididyke uladu wadee. Uladu wese dori Deuxu Iòlòna rare. ¹⁵Inatyhymy ararybekre: —Moò heka uladuwesemy Deuxu Iòlòna ralòòkeki, kia heka Deuxu Iòlòna-ò ralòòtyhy. ¹⁶Tahe Jesuisi rexiranyre uladu manamy taaxiò-ò rimyre. Tahe tebò iratytytyre ritidimyy tamyreny rarybewihikÿre.

¹⁷ Tahe Jesuisi rydi raloreu, hābuō tamy reare. Tahe hābu iko-txi resere tatiowotimy. Rarybere: —Erydŷŷdu wihikŷ, aōwexe ariwinykre biu-ò hena aritakremy tiiehyymy umywihikŷ-di ararekremy. ¹⁸ Jesuisi tamy rarybere: —Aōherekibo wihikŷmy wadee tarybeta. Hābu awiōre. Deuxu sohojile tahe awire. ¹⁹ Bede ywina kai teeryte: rubudŷŷōmykemy, tule òta òtaōmykemy, wasiōmykemy, tule ruiōmykemy, iny wii itxenadŷŷōmykemy, adi bityhynykemy, boo tule. ²⁰ Hābu tamy rarybere: —Erydŷŷdu, kia bede ywina rewinyhyllere, uladuule wiji-ò. ²¹ Jesuisi tamy retehere tuu reòarire tahe rarybere: —Kai sohoji aōmydŷŷnale aki nasiranyde. Kai makre, ibutumy aōna aōna-di bōhònykre, idi tahe idi biwahinykre iny aōkō mahādu-ò. Kia tahe aōmydŷŷnadikre biu-txi. Tahe manakre biwaheludunykre. ²² Kia rybe-ki heka hābu rabadewore. Rexitare ibedewomy urile iaōna aōna sōwetyhyreki.

²³ Jesuisi retehemy iwerura-di tahe rarybera taerydŷŷna-ò: —Kia iny iaōna aōna sōwemy rŷireri, tamy Deuxu Iòlòna-ò ralòke isirare. ²⁴ Ierydŷŷna mahādu bededeòtiinyrenyre irybe-ki. Jesuisi ixityre rarybere: —Wae-xiboho, isiratyhy rare Deuxu Iòlòna-ò ralòkemy. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaōna aōnadikeki ralòke Deuxu Iòlòna-ò. ²⁶ Tiiboho bededeòtiinyrenyre sōwemy. Widee rarybere: —Mobo tahe iòraru-ribi iny ritakre. ²⁷ Jesuisi iwerora-di retehere tahe rarybera: —Inatyhymy kōaōboka hābu-ò isiratyhyre. Deuxu-ò tahe ibutumy aōna aōna isiraōre. ²⁸ Pedro rexiranyre rarybere: —Boholake, jiarŷboho ibutumy reri-renyra araheludunykremy. ²⁹ Jesuisi rarybere tamy: —Inatyhymy adeereny ararybekre. Moō waluukeki, rybewihikŷ luukeki, kia heka ririkre: heto, tase-riòre, tyby tadi-wana, tariòre, tabede, ibutumy ririkre. ³⁰ Wijile itarasamy rarekre: 100 sŷmy, 100 seriòre, 100 tybyboho, 100 tadiboho, 100 tariòreboho, 100 tabede. Iny tamy rarybebinanykre tule. Ijō bedede kanakre tahe taumy tŷmyra-di tiemy rarekre. ³¹ Tahe sōwere juhu ludu ihewomy ròhònykre. Ihewo ludu ijō iko-ò ròhònykre.

³² Tiiboho rydi raòwònyrenyre Jerusalē hāwā-ò. Jesuisi heka rare iko-renymy. Ierydŷŷna mahādu bededeòtiinyrenyre. Tiiboho Jesuisi riheludunymy ihewo-ribi. Tahe Jesuisi reraōmyhŷ idi rare waòinatxi reurò taerydŷŷna mahādu-wana. Tii relyyre ixityre aōbo ixidee kŷnyikremy. ³³ Boholabenyke inyboho roirenyreri Jerusalē-ò. Kowa, jiarŷ Deuxu Riòre Hābutyhyhykŷ, inyō riwawahinykre Deuxu aōmysŷdŷŷdu mahādu wedu-ò, bedede ywina erydŷŷ mahādu-ò. Kia warubudŷŷmy riwawahinykre tori-ò. ³⁴ Tiiboho kidiwalahikre. Watyre kanarybexinykre. Òhòte-di kidiwahātenykre. Idi tahe kidiwarubunykre inataō txu-di. Tahe rubu-ribi adexiakre.

³⁵ Joaō, ijō Txiau, wii Zebedeu riòre, tamy nade. Tahe rarybere: —Erydŷŷdu, kai aōma aō wadeereny biwahinykre. ³⁶ Jesuisi rarybere: —Aōbohe jiarŷ adeereny ariwahinykre. ³⁷ Tahe tamy rarybere: —Kai, aiòlònasŷ-ò kedehemynykreu, aruruwe-ribi aronykre, waseriòre ahywewe-ribi ronykre. ³⁸ Tahe Jesuisi rarybere: —Kaiboho teeryòlemahāte aōmybo texti-tòenyteri. Kaiboho aōbohe wabemona-di biòbenyke idi Jerusalē-ò adiòkremy wahāredi. Kaiboho aōbohe wasebena-di mohòlebenyke idi jiarŷ anohòkremy wāhāredi. ³⁹ Tiiboho dirawyònyde: —Kohe tulekre. Jesuisi tamyreny rarybere: —Bemona-di ariòkre kaiboho tule idi biòbenykre. Sebena-di jiarŷ adohòkremy, kaiboho tule idi mohòbenykre. ⁴⁰ Tahe mobo wabire ronykre

ruruwe-ribi hywewe-ribi kia heka jiarÿle ariwahinyökre. Kia tahe iyru-budÿÿmy rÿireri Deuxule kidiwahinykremy. ⁴¹Tai deböwiö erydÿÿna mahädu heka Joaö-ò, Txiau-ò tamyreny iky reare. ⁴²Jesuisi tamyreny ryryre tamy kanakemy, tahe rarybere: —Kaiboho teerytenyte toriweðu irurusöwe dire. Iny nihikÿ heka inymy deödu luure. ⁴³Jesuisi kiamy rarybere: —Kia wese tahe aworeny-ki aökökre. Kaiboho aötxile mobo böithynyhyhykre, ijö iny deöðumy rarekre. ⁴⁴Mobo juhutyhy rarelekre, deöðumy rarekre. ⁴⁵Deuxu Riöre Häbutyhyhykÿ nade teödu söwekemy aökö tahe ixilemy reöðunykemy. Nade taumy wahidÿÿmy söwemy iny tarasamy.

⁴⁶Idi tahe roire Ijeriö häwä-ö. Jesuisi taerydÿÿna-wana iny söwehekÿ-wana rõhönyrenyry. Tahe rahare Bartimeu ruetähäkÿ-ki. Bartimeu tahe Timeu riöre rare. Tii ronyre rywe-ribi aöna aönamy rexitöenyryeri. ⁴⁷Tii roholare Jesuisi Nazare ludu kia rare tahe tamy ryryra: —Jesuisi, Davi riöre, wadee maruxetöekre. ⁴⁸Söwemy tamy rarybere: —Rybeömyke. Tahe aöhe-wana tii rarybemyhÿre: —Davi riöre wadi mawotöeke. ⁴⁹Jesuisi riyyryre tahe rarybere: —Tamy byryke wadee kodoikemy. ⁵⁰Tahe rexitareu rÿire, wylemy nade Jesuisi-ö. ⁵¹Jesuisi tamy rarybere: —Aömybo kai taruteri adee ariwahinykremy. Tahe häbu ruetähäkÿ tamy rarybere: —Wawedu, ixityre arobikremy. ⁵²Jesuisi tamy rarybere: —Makre, atyhydÿÿna kai arateytenyry. Kialehe rare. Aöwesele ixityre tii robire. Tahe Jesuisihemy rare, ryki.

11 ¹Jerusalë iöhömy ritehemynyrenyreu, tahe inatxi taerydÿÿna riteönyry häwä-ö. Inatxi häwä-ö iöhömy, Betabaji, Betÿnia-wana. Kia-ö Oliveira häwälö roire. ²Jesuisi rarybere: —Kaiboho boikre kowa häwä-ö. Kowa-ö birönykreu jumentinho mahabenykre. Moheka ityre rariaö-lemy ratximyhyre. Bieseke, wadee bididyke. ³Inyö adeereny rarybekeki: —Aöhekremybo idi atxitenyteri. Tahe tamy marybebenykre: —Wanyrÿ tuu rurureri. Ixityre kaö kidiökesedÿÿnykre. ⁴Tahe häbu roire. Jumentinho ryro hetoijö-ki ritisanymy rÿimyhÿ. Tai riesere. ⁵Kia häwä mahädu rarybere: —Aöherekibo jumentinho kaiboho tetatenyta. ⁶Tai tiiboho Jesuisi rybe tamy riwahinyry. Tai häwä mahädu jumentinho riwahinyre. ⁷Tahe ridyrenyry jumentinho Jesuisi-ö. Tiiboho tatyreny ritidirenyry jumentinho tyremy. Tiiboho risÿnyrenyry Jesuisi ityre-ö. ⁸Ijöboho tahe horerule ritidire ryromy, ijö tahe tauwöhi ryromy ritidire ityre rariakemy. ⁹⁻¹⁰Ihewo ludu, iko ludu rawyhyrarönyryeri, tule ryryreri: —Tii heka wowydyna rare. Tii heka Wanyrÿ niwesekemy naderi. Wowydyna rare iny labie Davi Iölöna. Kai Iölöna kanakre. Wyhyrarö biu-txi kodoholakre.

¹¹Kia wese Jesuisi ralore Jerusalë-ö. Dohodÿÿna heto-ö ralore, ibutumy retehere, idi tahe rõhönyre txiorotyhyreki. Tahe Betÿnia-ö roirenyre.

¹²Ijö txu biöwamy tahe Betÿnia-ribi rexitarenyreu tahe tii rama rahure. ¹³Öwöru figueira rademy robirenymy irehe-ribi. Tahe tamy ritehemynyreu iraty-ki raharenyölere, aömyreki figueira raty bededÿÿnanamy aökö bede rÿimyhÿre urenana. ¹⁴Öwöru figueira-ö Jesuisi rarybere: —Tiu heka moö araty ritöötyhy. Tahe ierydÿÿna roholare.

¹⁵Tahe ritehemynyrenyry Jerusalë häwä-ö. Tahe Jesuisi dohodÿÿna hetowo-ö ralore. Tahe kia-ribi aöna aöna-di rohonymyhÿre mahädu, öbradu mahädu diteönyde. Tahe nieru wibydÿÿdu mahädu, öwörubesedÿÿ-di Jesuisi rehure. Bötöe dinodu mahädu rynana-di Jesuisi rehure. ¹⁶Inyö heka

ritxyydyŷnyölere dohodŷŷna hetowo-ki. ¹⁷Rierynanymyhŷre tahe tamy rarybere: —Raritidyŷolemy aŷo rŷireri:

Waheto kŷaŷboka inatyhymy ibutumy iny witxira witxira dee
ixitŷedŷŷna hetomy rŷirakre. Waheto tewinytenyete wasidu
hetowesele.

¹⁸Bede ywina erydyŷ mahādu, Deuxu aŷmysŷdyŷdu wedu mahādu roholarenyre, rŷhŷtinyrenyre: —Tymybo inyboho Jesuisi rubudyŷmy rokiwiŷŷnykre. Tiiboho ruberumyhyrenyre iny sŷwemy dori bede riŷtiinymyhy ibedeerydyŷnarenyre-ki.

¹⁹Txioromy dehemynydeu, tiiboho rexitarenymyhyre hāwāhākŷ-ribi.

²⁰Txu rŷhŷny-di, rehemynyrenyre ŷwŷru figueira-ŷ. Tiiboho robirenyre rarubumy rŷireriŷ, taru-wana, tararoti-wana. ²¹Pedro ixi-txi tŷhŷti reare tahe rarybere: —Erydyŷdu, betehe inihe aŷma ŷwŷru figueira rarubumy rŷire arybebina-di tamy tarybetaki. ²²Jesuisi dirawyŷnyde: —Kaiboho Deuxu bityhynymyhybeny. ²³Inyŷ rarybekeki kaa bede ratŷdŷhŷkŷ-ki: —Kai myike, adi adehu rŷikre berohokŷ-ki. Tahe irybe heka kedelekre. Tai inyŷ rityhynkeki, tumy heka kedelekre. Tahe uritere iseŷdyŷŷomykre urile bityhynkre, irybe heka kedelekre. ²⁴Iurenana adee ararybekre: —Aŷtxile aŷ bexitŷenykre, kia heka bitakre. Bityhynkeki, inatyhymy bitake. ²⁵Kaiboho texitŷenytenyteri wana aŷo inydee aky reamyhyre kia biixāwididyŷnymyhyke ratximyhyre, Deuxu dori riixāwididyŷnyke aŷrarurenyre-ribi. ²⁶Kai iny witxira ŷraru biixāwididyŷnyŷkeki, boo biu-ki ratximyhyre aŷraru riixāwididyŷnyŷkre.

²⁷Tiiboho ixityre doide Jerusālē hāwā-ŷ. Ririranymyhyrenyre dohodŷŷna hetowo-ki, bede ywina erydyŷ mahādu, Deuxu aŷmysŷdyŷdu wedu mahādu, matuari mahādu tamy doide. ²⁸Tiiboho tamy ritŷŷraxirenyre: —Mowe ateŷdyŷdu kia aŷna aŷnamy tatŷŷnymyhyte. ²⁹Jesuisi dirawyŷnyde: —Adeerenyre tule araŷraxikre. Kaiboho bidiwawyŷnykeki, tahe jiarŷ akoreny ŷraxina arelyykre, aŷrudibo aŷna aŷna rewinymyhyre. ³⁰Tahe Jesuisi ritŷŷraxinyre: —Ratyysebedŷŷna, Joaŷ hŷrŷ, kia heka tiribibo nade, biu-ribi ada hābu mahādu-ribi. Kia manarybeke. ³¹Tiiboho widee rarybera: —Biu-ribi inyboho raryberenyekeki, tai tii rarybekre: —Aŷherekibo tahe tii tetyhynytenyŷte. ³²Hābu-ribi inyboho raryberenyekeki, iny aruberumyhyrenyre. Ibutumy iny rityhynyre Joaŷ heka Deuxu rybedu raremyhy. ³³Tai tahe tiiboho raryberenyre: —Inyboho reeryŷrenyre. Tai tahe Jesuisi rarybera: —Hebo, jiarŷ adee arelyyŷtyhy modeŷdyŷdubo jiarŷ watxireri.

12 ¹Iribi tahe Jesuisi tamynyre iŷy-di riernanymyhyre: —Hābu uva oworuŷ wese rŷbrŷre. Tahe riŷtinyre. Tahe hāloo riare oworuubetya-ki, ruŷdyŷnymy. Tahe utŷ riwinyre. Idi tahe rihuŷtere hābu mahādu-ŷ. Tahe rexitare taŷŷ-ribi iŷŷ bede-ŷ. ²Tahe bederatysiredemy bededyŷnana rehemynyreu, iwedu teŷdu riteŷnyre bederaty ritakemy. ³Huŷtedu mahādu teŷdu rimyrenyre, rihetenyre tahe riteŷnyre ixihyykemy. ⁴Ixityre oworuwedu teŷduŷ riteŷnyre. Kia heka irati rihetenyre ta tamy rawobinarybenyre. ⁵Iŷŷ riteŷnyre. Kia heka rirubunynyre. ⁶Tahe oworuwedu iriŷre sohojilere, tahe iluumy raremyhy ihewomy tii riteŷnyre. tahe wedu rarybere: —Wariŷrele heka tiiboho rityhynrenyre. ⁷Kia huŷtedu mahādu widee raryberenyre: —Kia heka wedu aŷna aŷna tarasadu rare. Rikirubunykre tahe iaŷna aŷna inydeerenyre. ⁸Tahe rimyrenyre idi rirubunyre tahe idi rehurenyre

oworu-ribi. ⁹ Jesuisi ritÿÿraxinyre: —Aôhebo tahe oworuwedu rotÿÿnykre. Tii kodoikre huòtedu mahâdu hudumy, tai tahe oworu riwahinykre inywi-txira-ò. ¹⁰⁻¹¹ Ritina-di aôbo tariaôletenyte kia ryberiti:

—Mana-di hetowidÿÿdu rehura. Kia mana heka hetohàtxi-ki ritidimy doide. Kia heka Wanyrÿ riwinyre kia iny ruereny dee aôna aôna nihikÿ rare.

¹² Tai ijohonadu mahâdu Jesuisi mynyny ratximyhÿ tii dori rieryre ixidee lau Jesuisi ijyymy relyymyhÿre. Tiiboho ruberurenre iny sôwehekÿ lau. Tahe rexitarenre, rexixâwidinyre.

¹³ Idi riteònyrenre Lahi rybe-di erydÿÿdu mahâdu, Herodi mahâdu-wana tamy imynamy irybe-ki. ¹⁴ Tiiboho rarybere Jesuisi-ò: —Erydÿÿdu, jiarÿ-boho araerymy adi watxiwâhârenre kai inatyhy hâbu tate. Iny ibutumy adee wiwese wiweselere. Inatyhymy iny-ò Deuxurymy teernanymahâte. Tahe tiiboho ritÿÿraxinyrenre: —Awire aôbo ada ibinare aôbo nieru rawahinyrehÿre bede dinodu-ò. ¹⁵ Timybo tahe, rikiòwyny aôbo ada aôkôre aôbo. Jesuisi rierymyhÿre tôhòtinanarenre, tahe ritÿÿraxinyra: —Aôhere-kibo kaiboho tiwaurihitenyteri. Wadee womati nieruò bidiwy waitxerenamy. ¹⁶ Tahe tamy diwydenyde. Tahe tii ixityre ritÿÿraxinyra: —Kawe moò tyttarasana rare, katahe moò tyritina rare. Tiiboho dirawyònyde: —Kiahe bede dinoduhôrò rare. ¹⁷ Jesuisi rarybere: —Hÿdebo, bede dinoduhôrò tahe tamy biwahinybeny tule tahe Deuxu aôna aônahôrò tamy biwahinybeny. Tiiboho bede riòtiinyrenre.

¹⁸ Saduseu mahâdu tamy nade. Kia heka iny rubu-ribi rexixamy aôkôre-riki riernanymyhÿre. Tiiboho ritÿÿraxinyre Jesuisi: ¹⁹ —Erydÿÿdu, Moisesi rari-tynra bede ywina-di: —Hâbuò rurukeki, tahâwy iriòre ijòdiòkeki, tahe kia hâwy tahâbu seriòre-wana roike. Iriòredikre taseriòre rubuòwymy roike. ²⁰ Seriòre debòinatxi reuròmymy raremyhÿ. Juhuu ijò roire hâwy-wana. Tahe tii rurure iriòreòlemy. ²¹ Tahe ihewo ludu iseriòre wytese-wana roire. Tii rurure iriòreòlemy. ²² Ihewoludutyhy tule ibutumy roire wytese-wana, tahe ituerenyre iriòreòlemy. Iròòbymy tahe hâwy tule rurure. ²³ Ixixanau tahe mohâbubo tuu rarekre. Ibutumy dori wytese-wana roire. ²⁴ Tai tahe Jesuisi tamyreny rarybere: —Kaki kaiboho teòsamy toite aôma ritina teeryòteny-tek. Tule Deuxururu teeryòteny. ²⁵ Ixixanau heka moò roiòtyhy. Ibutumy iny ÿju wese rarekre biu bede-txi. ²⁶ Kaiboho aôbo tatyritynytyòta iny rubu-ribi kedexixakremy. Kia heka raritinymy rÿire Moisesi tyriti-ki, òwò-rusòmo ijyy-ki rÿimyhÿ. Iwese Deuxu rarybere Moisesi-ò: —Jiarÿ heka Abraò Deuxu rare. Ijai Deuxu rare. Ijaò Deuxu jiarÿ rare. ²⁷ Jiarÿ heka rubu mahâdu Deuxu aôkô rare, tahe iru mahâdu Deuxu jiarÿ rare. Kaiboho teòsamy toite.

²⁸ Bede ywina erydÿÿ mahâduò nade ijohonamy. Tahe tiiboho wídee rarybereny roholareu, Jesuisi tamyreny rirawyònywihikÿreu, tahe tii Jesuisi-ò ritÿÿraxinyre: —Tibo rybe bede ywina juhuure. ²⁹ Jesuisi rirawyònyre: —Ka heka juhu ludu rare: —Boholake Israeli mahâdu, judeu ijoj mahâdu wahe. Wanyrÿ, iny Deuxu sohojile rare. ³⁰ Kia aDeuxu luuke ibutumy awo-ribi, aumytytyby-ribi, ibutumy aruru-ribi. ³¹ Ka heka ihewo ludu rare: —Kai abireluduluuke iwese ixiluuke wese. Ijò bede ywina heka ka ratyreòre. ³² Tahe Bede ywina erydÿÿ mahâduò rarybere: —Inatyhymy kai tarybeta. Deuxu heka sohojile ratximyhÿre. ³³ Ibutumy awo-ribi iluukemy. Ibutumy

aruru-wana iluukemy. Tule ibutumy aeryna-wana iluukemy. Iwese kai ixi-luure wese, abire ludu mahädu luukemy. Kia heka ibutumy iròduxiweloo ratyre rare. Ibutumy wahidÿÿnaloodÿÿna ratyre rare. ³⁴ Jesuisi rierye kia häbu rirawÿonywihikÿre tai tamy rarybere: —Kai heka Deuxu Iòlòna-ribi irehemy aökò. Tai tahe ibutumy ilau ruberure tÿÿraxidÿÿki.

³⁵ Jesuisi dohodÿÿna heto-ki riernanymyhyÿreu, rarybere: —Timybo Bede ywina erydÿÿ mahädu rarybemyhyÿre Kristu Davi riòre raremy. ³⁶ Davi rarybere aomybo Deuxu Tytybytyhy tamy narybedemy: —Wanyrÿ rarybere Wanyrÿ-ò: —Bodony warurunawe-ribi. Txiòhe rare, aòludu awarawo-txi aritidikre. ³⁷ Tahe Davile Wanyrÿ rininire. Timybo tahe Davi iriòremykre. Tahe iny sòwemy deysana-di roholarenye.

³⁸ Tii riernamymyhyÿreu, rarybera: —Bexiemymyhyÿbeny bede ywina erydÿÿ mahädu lau. Tiiboho heka tyyrehe-di riraluurenre. Tiiboho heka rybedÿÿ-luurenre häwähäkÿ riranaki. ³⁹ Dohodÿÿna heto-ki juhuryana luurenre. Tule ta anarÿÿ rÿiwana, juhu ryanadile tamynre awire. ⁴⁰ Tiiboho tule wytese urimynydu aòna aòna ritarenre. Ixitòedÿÿna rehehekÿ rexitòenymyhyÿrenre. Tiiboho heka aònihikÿmy aòhòkÿmy dÿÿnana riòwynrenre.

⁴¹ Jesuisi retehemy rÿimymy dohodÿÿna heto nieruhyna ratya-txi. Tii retehere timybo iny sòwemy tanieru-di tamy rehumyhy. Tahe ityhynihikÿ tamy sòwemy nieru-di rehure. ⁴² Tahe nade wytese iaökòdu mahäduò tii rare. Tii inatxi nieru sòmo-di rehure. Tanieru tahe nierukonana rare. ⁴³ Jesuisi ryryre taerydÿÿna-ò: —Inatyhymy adee araybekre. Kowa heka wytese nieru-di rehure ibutumy iny witxira ratyre. ⁴⁴ Kaa mahädu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13 ¹ Dohodÿÿna heto-ribi ròhònyreu, ierydÿÿna tamy rarybere: —Erydÿÿdu, beteheke inihe mana nihikÿ-ò, hetohokÿ-ò. ² Jesuisi rirawÿonyre rarybere: —Kaiboho betehebennykre heto nihikÿ-ò. Kia heka mana ijò wityre-ki rÿiòtyhy, ibutumy heka kedejuxunre.

³ Oliveira bederatòdhòkÿ-ki tii ronyreu dohodÿÿna hetoko-txi, tahe Pedro, Txiau, Joaò, ibutumy tamy doide rÿÿraximy iny-ribi irehemy. ⁴ Wakoreny bedelyke, tiubo kia kÿnyikre. Ibutumy aòna aòna kÿnyikre wana tibo iny bedeernyrenre. ⁵ Jesuisi rexiranyre tamynre rarybere: —Kaiboho anaitxenanydenyheny lau bexiebenyke. ⁶ Sòwemy dori roikre wanimy rarybemy rarekre: —Jiarÿ dori Kristu rare. Tahe iny sòwemy anaitxenanykre. ⁷ Kaiboho wounarybe-ò, aòbinarybe-ò, boholakreu, breburenyòmykre. Kia heka kanakremy ratximyhyÿre. Urile bededÿÿnana ikonamymy aökòhyylemyhyÿre. ⁸ Uritere inylahinarenre, ijòlahinarenre-wana wii kidiaòbinanykre. Tule iòlòna mahädu ijò iòlòna mahädu-wana wii kidiaòbinanykre. Bede bedesu ijò häwä-ki kanamytatakre. Tahe aökòre rama kedeakre. Kia heka juhu aòhòkÿmydÿÿnana rarekre.

⁹ Kai bexiekre anamydenyheny lau. Tiiboho anawahinydenykre aòludu wedu-ò, iòlò-ò. Tiiboho anahatenydenykre dohodÿÿna hetowo-ki. Kiabohoko-txi wadee kaiboho kedelykre inatyhymy aòna aòna rÿiremy. ¹⁰ Rybewihikÿ juhoo ibutumy bede häwä häwä-ò kidityndÿÿnykre. ¹¹ Tiubo aradyrenykeu, urile nohòtiòmy aòbo kaiboho marybebenykre. Kiautyhyle aomybo rarybekremy bierykre. Kia tahe marybekre. Kai dori aökò tarybemahäte,

Deuxu Tyytybytyhy tahe rarybemyhÿre. ¹²Seriøre seriørele wii kidirubunykre. Tyby heka tariøre kidirubunykre. Uladule tadi, tyby kidirubunykre. ¹³Ibutumy heka iny iy kedeakre wani òraru-ki. Kia heka ikonana-ò riijekreu, taumy tarasanakre.

¹⁴Aõna aõna binahakÿ kanakreu, ibutumy rahukemy. Tiiboho kanakeu itxi-nonana-txi aõkõ rarekemy, kaiboho mahenybenykre bederatòðhòkÿ-ò, Judeia hāwā hāwā-ki ratxikeki, mahenybenykre. ¹⁵Inyò hetotyre-ki ratxikeki, urile ròteõmy aõna aõna wydysymy. ¹⁶Inyò bedero-ki ratxirekeki, uritere òkeseõmy tyy òrysymy. ¹⁷Kobexe heny hāwyy bòtõmy rÿira, tule hāwyy tariøre ritònymy rÿira. ¹⁸Bexitðenykre kia kanaheny bededÿÿnana sirau. ¹⁹Aõhòkÿmydÿÿnana kanakre tiu heka tuuõre. Juhule Deuxu bede riwinyreule wiji tuu yrubule bede roimyhÿre. Tiu heka kiamy bede roiõtyhy aõhòkÿmydÿÿnanamy. ²⁰Deuxu bede iòhõmy rirawetyòðekeki, moheka ırumy ròhònyõtyhy. ²¹Inyò adee rary-bekeki: —Kaki heka Kristu ratxireri. Kowa-ki ratxireri. Uritere ityhydÿÿõmy. ²²Sõwemy Kristu kanakre, urile Kristu inatyhy aõkõ rarekre. Tule Deuxu rybedÿÿdu kanakre. Kia Deuxu rybedÿÿdu inatyhy aõkõ rarekre. Tiiboho heka bedeòby riwinykre tule bede erna. Deuxu hòrò riitxenanykemy inatyhymy kòaòboka. ²³Kaiboho warybe biyrubunykre. Adee ibutumy juhuule reòbitinyre.

²⁴Idi webòhòna rÿira txuu, aõhòkÿmydÿÿnana itue-di, txuu heka rurunykre. Ahādu tule rurunykre.

²⁵Taina heka kedejuxunykre biu-ribi. Biururu raðweòwenykre.

²⁶Iny retehekre Deuxu Riøre dehemynyna-di. Biurawetyky-ribi kodobehekre. Kia heka lobixina kanabòðranykre. ²⁷Tahe taÿju kiditeònykre tawedu įjoi-hòrò butudÿÿmy.

Kidibutunykre ibutu bede bede konana-ribi, tule ibutu biukonana-ribi.

²⁸Tahe figeıra òwòru-ribi erydÿÿna bierybenykre. Tahe ıruu raixinykreu tahe, txıru ròhònykreu, tai tahe bierybenykre wyra iòhòreri. ²⁹Tule kia aõna aõnamy bobibenykreu, tii iòhòlereri. Įjòkile wese nyide. ³⁰Inatyhymy adee ararybekre, kia wijinabòdu itueõtyhy aõna aõna rÿikre hārele. ³¹Biu, bede-wana ituekre, tahe warybe itueõtyhy. ³²Moò heka rieryõtyhy tiubededÿÿnanamybo tii kòðòðekre. Tule įju biutxile rieryøre. Tule ıriøre rieryøre. Tule tyby sohojile rieryre.

³³Kaiboho bexieke, beteheke. Kai dori teeryòtenyte tiubededÿÿnanamybo kòðòðekre. ³⁴Kedehemynykremy dori iwese hābu tÿımy rarewese tii rextareu, ririre tadeòdu. Tadeòdulemy tule ridyre itxeredu retehemyhÿkemy. ³⁵Tahe betehe inihe teeryòteri dori tiubo kanakre heto wedu, txioromy ada ruwetya aõbo, ada hāne hābu rry-di aõbo, ada txumy aõbo. ³⁶Betehe inihe iny araradòlemy tii rehemynyreri aki rahakre atÿi-ò. ³⁷Aõna aõnamy įiarÿ rarybemyhÿre, rarybera ibutu-ò: —Biijebeny.

14 ¹Kia-ribi inatxi txumy riuhenyumy ratxireri anarÿÿ kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia ròhònyre. Tule Deuxu aõmysÿdÿÿdu wedu mahādu tule bede erydÿÿdu mahādu Jesuisi rimykemy ratxireri idi rirubunykeny. ²Tiiboho rarybemyhÿrenyre: —Kiahe aõkòre anarÿÿ rÿireriu, iny sòwemy inydeereny kana aõbinanyheny.

³Jesuisi Betÿnia hāwā-ki ratximyhÿu, Simaò tyybina heto-ki ratximyhÿre. Jesuisi òwòru besedÿÿbire-ki roimyhÿ. Tahe hāwyy aderòna òwynihikÿ-di

lÿnyrena wihikÿ-di nade. Tai ihyna riwebòhònrya tahe Jesuisi ratityre-ò ritxi-wira. ⁴Inyòreny rexiykaranyke. Tahe widee rarybera: —Aòherekibo aderòna rahura. ⁵Inywitxira tahe iòwynykewi sòwemy nierumy kia-ò. Kia nieru-di tahe iny aòkòdu-ò rawahidÿÿnykre. Tahe tiiboho rexibynyneri hāwyy dee. ⁶Tahe Jesuisi rarybere: —Txìòhe rare, uritere ixibydÿÿòmkye. Tii heka aòwihikÿbo wadee riwinyra. ⁷Kiamy aòu aòu iny aòkòdu rÿikremy. Aòule heka tamy aòwihikÿ biwinybenyke. Jiarÿ tahe, aki aòu aòu aòkòlekke. ⁸Tii heka rexikonanany ròwidÿÿre. Aderòna-di watyre ritxiwire wabede-ò jiarÿ raòule. ⁹Inatyhymy adeereny ararybekke. Aòtxile Deuxu Rybewihikÿ iny relyyke. Kia-ò kahāwyy ijyymy relyyke, ibutumy iny idi ròhòtynykremy aòbo riwinyredi.

¹⁰Tahe Judasi Isariò Deuxu aòmÿsÿdÿÿdu-ò rara Jesuisi tamy rawahidÿÿkemy. ¹¹Tiiboho tamy roholarenyre, reysare. Tahe tamy nieru riwahinykemy riurenanyre. Tahe Judasi rijemyhÿre aòu aòu bedewihikÿ tamyreny riwahidÿÿnykemy.

¹²Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahādu tamy rarybere: —Titxibo anarÿÿ rÿsÿnamy biroxikemy atxiteri. Jiarÿboho kowa-ò aroikre. ¹³Tahe Jesuisi tamy rarybere: —Kaiboho boikre hāwāhākÿ-ò. Tahe hābu-wana wii biòbnykre butxi-di riwyreriò. Tahe tii biheludunybeny. ¹⁴Aòtxile hetoò-txi ralòke, kaiboho marybebenyke hetowedu-ò: —Waerydÿÿdu rarybera: —Titxiwexe anarÿÿ rÿsÿna arirÿsÿkre waerydÿÿna-wana. ¹⁵Tii heka adee kiditeòsinykre hetowowitxiraò biu-txi. Ibutumy rexihumy rÿire inydeereny. Kowa rÿsÿna inydeereny biwinykre. ¹⁶Tahe ierydÿÿna rexitare. Roire hāwāhākÿ-ò. Tahe ròhònrye iwese Jesuisi relyre wese. Tahe ibutumy rexihurenrye anarÿÿ-ò.

¹⁷Txiorou Jesuisi nade taerydÿÿna waðinatxi reurò-wana. ¹⁸Tiiboho òworubesedÿÿ riroximahāu, Jesuisi rarybere: —Kaiboho wawana teroxitenyteri sohojiò biwawahinykre. ¹⁹Tahe urihimyo rexiranyre rabadewomy. Tahe widee raryberenrye: —Jiarÿle heka ariwahinykre. ²⁰Tii rirawònyre: —Kaiboho, waðinatxi reurò mahādu sohojiò. Kia mahāduò orotxu-di wawana rebenymyhy besero-ki. ²¹Inatyhymy Deuxu Riòre Hābutyhyhykÿ rakre iwese iritina rÿirewesele. Kobexeheny kowa hābu heka kidiwahinykre. Tamy iny awire kedeaoñlede.

²²Tiiboho riroxireriu, Jesuisi orotxu rimyre, raorore, rexitòenyre, tahe tamyreny riwahinyre. Rarybere: —Āhāxe, kia heka waumy wese rare. ²³Tahe viĩhynamona rimyre, rexitòenyre, tahe tamyreny riwahinyre. Ibutumy ibute bute iribi tuu riòrenrye. ²⁴Tamyreny rarybere: —Kia wāhālubu wese rare. Kia hālubu heka rybe tÿmyra ywidÿÿna hālubu rare. Kia inyboho kidinohò-tijuadenykre. Wahālubu heka kedexunykre iny rabòrònihikÿ dee. ²⁵Inatyhymy ararybekke: —Ariòòtyhy heka òtetibederatyruke tÿmyra ihyy tahe tiutxumybo Deuxu Iòlòna-ki ariòkre.

²⁶Deuxuwimy rawinyrenyre, tahe rexitarenrye Oliveira bederatòòhòkÿ-ò.

²⁷Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rÿire.

Itxeredu tahe riròrenykeki, budoeni rahenykre.

²⁸Tahe rubu-ribi adexixakreu, arakre akomy Kalileia-ò. ²⁹Pedro rarybera Jesuisi-ò: —Ibutumy ararikeki, arariòtyhy. ³⁰Jesuisi tamy rarybera:

—Inatyhymy ararybekre. Wijirumy hāniehābu inatxi kydyrykreule, kai iny wixira-ò biwatxiōnykre inataō bedemy. ³¹Tahe Pedro rarybera tarurutyhymy: —Aōkōre, aratxiōnyōtyhy, ihārele tahe awanale arurukre. Ijō mahādu tule kia wese rarybera.

³²Tahe roire Kesemani hāwāmy ninadu-ò. Taerydỹyna-ò rarybera: —Biwaraōmy bonykre kakile. Kowa-ò arexitōenykre. ³³Tii ridyreny Pedro, Txiau, Joaō-wana. Jesuisi rexiranyre rabadewomy ihyy rexitōenyre. ³⁴Tahe tamy rarybera: —Watyytyby heka rabadewomy ratxireri rubuhyy-ò. Kaki bonykre bijemy. ³⁵Tahe iko-txi urihimyo rareu, resere. Rexitōenyre: —Waha, adee arexitōenykre. Adee awikeki, kia òraule tiu waròteōna. ³⁶Tii rarybere: —Waha, adee ibutumy isiraōre. Kia bemona inyhe waròbi bitake inihe. Tahe wadeewi wadeewi-ki aōkō watxireri, tahe adeewi-ki. ³⁷Tii rehemynyre tai rahare rōrōrenymy roireri. Rarybere Pedro-ò: —Simaō, Tarōteri aōbo. Biijeōtyhy sohoji òramy bededỹynana. ³⁸Bijebenykre, bexitōenykre, uritere rutaanamy ròteōmykre inatyhymy atyytyby irurudire tahe ade iruruōre. ³⁹Tahe Jesuisi ixityre rare rexitōenyre ixiwesele. ⁴⁰Ròdsereu, ijō-ki rahare rōrōmy ixiwesele, irurureny rautxienymyhỹ dori. Tiiboho rierykōre idi rira-wyōnyreny. ⁴¹Tahe ixybyle ròdsere tahe rarybere: —Morōbeny bexielehynybeny. Òra iòhòreri. Kia heka Deuxu Riōre Hābutyhyhykỹ kanawahidỹykre òrarudu mahādu-ò. ⁴²Bitỹmynybenyke, rokoireny, walòsedỹydu iòhòmy rareri.

⁴³Tii rarybereri, aōwesele Judasi nade. Kia heka waòinatxi reurò mahāduò rare. Tii-wana doide hābu mahādu mayrehe-di, òhòtemy debòna. Kia heka hābu mahādu doide matuari mahādu-ribi, Bede ywina erydỹ mahādu-ribi, Deuxu aōmysdỹydu wedu-ribi. ⁴⁴Lòsedu tamyreny juhuu bede eryna riwahinyre. Kawese heka rarybere: —Kowa heka inyò-ò aruwokre, tii heka hābu rare. Bimybenykre, birarenymybenywhikỹkre. ⁴⁵Judasi rehemynyrenyreu, tahe rarybere: —Wedu, wedu. Tahe tamy ruwore. ⁴⁶Juda ijoi Jesuisi rimyra. ⁴⁷Kia ijoiò mayrehe ritare tahe Deuxu aōmysdỹydu wedu deòdu nohòti riorore. ⁴⁸Tahe Jesuisi dirawyònyde: —Kaiboho mayrehe-di tiwaòrynyteri wasidu-wesemy aōmy, òhòte-di. ⁴⁹Jiarỹ tahe dohodỹyna heto-ki watximyhỹ txuò txuōlemy adeereny araerynanywāhādenyde. Kowa-ki heka tiwamyōlemyhỹteny. Tahe aōbo iritina-ki rỹreri, kia heka kỹnyikremy. ⁵⁰Ibutumy ierydỹyna mahādu ririrennyre, rihenyrennyre.

⁵¹Kia heka hābuò riheludunymyhỹ tyy tayredile rexitynymy tiiboho ridyrennyre. ⁵²Tii tahe tyy ririre tahe rahenyre tadelemy.

⁵³Deuxu aōmysdỹydu wedu-ò tiiboho Jesuisi ridyre. Bede ywina erydỹ mahādu, matuari mahādu-wana ributunnyre. ⁵⁴Pedro riheludunnyre irehetyhytyhymy. Rehemynyre Deuxu aōmysdỹydu wedu heto-ò. Tai tahe ixitōteenymy heòtywera-ò rorukumyhỹ heto itxeredu mahādu-wana. ⁵⁵Deuxu aōmysdỹydu mahādu wedu, tule dohodỹydu mahādu alobixidu riijemyhỹre aōlemy Jesuisi òludu relyymyhỹre, Kia òraru-ki rirubunynyrenkemy. Rahaōre. ⁵⁶Sōwemy iny ruimy relyymy rỹimyhỹ. Iruinarenymy wiribi hitxi hitxilera. ⁵⁷Ijō mahādu rỹimyhỹre relyyrehāre ruimy rarybere: ⁵⁸—Inyboho irybe-ò roholarenymy: Jiarỹ heka dohodỹyna heto ariixāwididỹnykre kia heka hābu iwidỹyna rare. Txu inataō-di ijō ariwinykre iwidỹynaweseōre. ⁵⁹Kia heka aōmybo tuu relyyrennyre irybe wiribi hitxi hitxire. ⁶⁰Deuxu aōmysdỹydu

mahādu rÿire inysōwetya-txi. Tii Jesuisi ritÿÿraxinyre: —Kai aōbo biwara-wyōnykre aōmybo relyyrenyneri adee òludumy. ⁶¹Tii rerawyōnyōlere ixyby tahe Deuxu aōmysÿdÿÿdu mahādu ritÿÿraxinyre: —Kai aōbo Kristu tate, Deuxu wityhy riðre. ⁶²Jesuisi rarybera: —Jiarÿ heka. Kaiboho betehebennykre

Deuxu Riðre Hābutyhyhykÿ Deuxu rurunaweribi-ò ronyneri. Kaiboho tii betehebennykre Deuxu Riðre Hābutyhyhykÿ biuwetyky-ribi naderi.

⁶³Deuxu aōmysÿdÿÿdu wedu ityy riykara idi rarybera: —Aōherekibo ijō alo-bixidumy iny rururenryneri. ⁶⁴Kaiboho taholatenyta aōbina binalemy raryber-riò aōmybohe kaiboho tahōtinymyhytenyte. Ibutumy heka tawo riraðhò-
rerenyra rubudukremy. ⁶⁵Tahe ijō ityre rybeximy rarutaara rexiruehetinyre tahe tule rihetenyre. Tahe rarybere: —Mota làhà arahātenyra. Idi tahe heto itxeredu tule rihetenyre.

⁶⁶Pedro heka ratximyhÿ bedeube-ki tahe ijadōma dehemynyde, Deuxu aōmysÿdÿÿdu deòdu. ⁶⁷Pedro rexitòteenymyhÿ heōtywera-ò tahe ijadōma tamy retehere. Tahe rarybera: —Kai tule Jesuisi Nazare ludu-wana atxima-hāte. ⁶⁸Tahe tii rexitxiōnyre: —Jiarÿ reeryōre aōmybo kai tarybeteri. Tahe Pedro hetowo-ribi ròhōnyre. ⁶⁹Ijadōma ixyby ixyby itxeremy rarybere kowa ijoi-ò: —Kowa heka tii mahāduò rare. ⁷⁰Tahe tii ixityre rexitxiōnyre. Ixybyle kowa ijoiò Pedro-ò rarybera: —Inatyhymy kai ijō mahāduòle tate. Kai dori Kalileia mahādu tate. ⁷¹Tii inatyhytyhyrybemy rarybera: —Jiarÿ reerykōre hābumy tarybetenyteri. ⁷²Tahe hānie hābu ryryra, inatxi hewoludumy. Ta Jesuisi rybe-txi Pedro tōhōti reare. Iwese Jesuisi rarybere: —Inatxi hānie ryrykredi, ihewoludukomy ryrykre, wadee bedexitxiōnykre inataōmy. Pedro tahe iribi rexitareu, rahinyre.

15 ¹Txuu reareu, Deuxu aōmysÿdÿÿdu wedu, matuari mahādu, Bede ywina erydÿÿ mahādu ibutumy ributumy. Tahe Jesuisi ritaataare tahe ridyrenyre Pilato-ò. ²Pilato Jesuisi-ò ritÿÿraxinyre: —Kai aōbo judeu iòlò tate. Tii rirawyōnyre: —Kai ka tuu tarybeta. ³Deuxu aōmysÿdÿÿdu mahādu wedu rarybere Jesuisi aōna aōna awimy aōkō riwinyre. Tahe Jesuisi riwawyōnyōhyllere. ⁴Pilato ixybyle rÿÿraxire: —Kai birawyōnyōtyhy aōbo. Kai aōbo taholaleteri aōmybo tiiboho autedé-ò raryberenyneri. ⁵Tahe Jesuisi rarybeōhyllere tahe Pilato urile bede riòtiinymyhÿre.

⁶Kia heka juhūu iny deðwarixina rare hābu ròteduò ritakemy anarÿÿ-txuu. Aōtxile iny tamy rexitòenyke. ⁷Ròtenawo-ki raremyhÿ inyō Barabamy ninadu-ki. Tii tahe inywitxira aōbinadu mahādu-wana ratximyhÿ. Kiamy inyidinodu òraru-ki aōbina rÿireki, tii iny rirubunyre. ⁸Iny sōwehekÿky-ki doire, tahe rexiranyre ixitòedÿÿmy: iny deðwarixina kòdòhōnykre. ⁹Pilato dirawyōnyde: —Adeereny ariòlòdÿÿnykekò aōbo ka judeu iòlò. ¹⁰Tii rieryre dori Deuxu aōmysÿdÿÿdu mahādu wedu tamy Jesuisi ridyrenyre iwobinana-reny lau. ¹¹Deuxu aōmysÿdÿÿdu wedu inysōwe riixitòedÿÿnyre Baraba riò-lòdÿÿnykemy. ¹²Pilato ritÿÿraxinyre ixybyle: —Aōhebo tahe idi arotÿÿnykre. Kaiboho tuu teninimyhÿtenyte judeu iòlòmy. ¹³Tiiboho rirajuarenyre: —Bitamadÿÿnyke itxèò nihikÿ-ò. ¹⁴Ta Pilato tamyreny ritÿÿraxinyre: —Aōbina taka riwinyre. Aōhe-wana ixityre rirajuamyhÿrenyre: —Bitamadÿÿnyke itxèònihikÿ-ò. ¹⁵Pilato inydee aō riwahinykemy ròhōtinyra, tai ta Baraba riòlòdÿÿnyre. Idi tahe Jesuisi riyhytanymy rahudi, riteònyre itxèònihikÿ-ò riukòrenykre.

¹⁶ Soldado ridyrenyre heto woube-ò. Tai tahe ibutumy soldado ributunyre. ¹⁷ Tahe tyysòborehekỹ-di rityynyrenyre. Tahe ede rataana ritidire ira-ò. ¹⁸ Tahe rirybenyrenyre: —Adee nihikỹre judeu iòlò. ¹⁹ Tahe rihetenyre bòtòre-di irati-ò, tahe ityre rarybexinyre tahe rỹire tatiowotimy rityhynkemy. ²⁰ Tahe tyysòbore iribi ritara, tahe ityyle tamy ritidira. Inatyhymy ridyrenyre itxeònihikỹ-ò riukòrenykremy.

²¹ Kowa-di rekoarenyre hābuō. Simaō Sireni inire. Kia heka Alexỹdre, Rufu-wana tyby rare. Tii nade bedero-ribi. Tiiboho tahe riitxydyỹnyre itxeò-di retyykemy.

²² Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare. ²³ Tiiboho vīi riurinyre òwòruburu-wana. Tahe tii tuu riòòlera. ²⁴ Itxeònihikỹ-ò raukòrenymy rahudi tahe ity wyarea riatyre, tahe ityy-di rarudeòsanyre tibo iny sohoji sohoji ity wyakremy. ²⁵ Biurasò txu Jesuisi itxeò-ki raukore. ²⁶ Iratya-ki tahe ritina rỹire: JUDEU IÒLÒ. Kia heka iny tuu rarybemyhỹrenyre. ²⁷ Tahe tii-wana inatxi wasidu itxeònihikỹ-ò riherinanyre, ijò ruruweribi-ò, ijò hyweweribi-ò. ²⁸ Tahe rotỹnyre aòbo Deuxu ritina-ki rỹire wese: Tii ratximyhỹ òrarudu mahādu-wana. ²⁹ Iny reareare tara riohowimy rarybere aòbina binamy: —Kobe, kai korihe dohodỹna heto biatykemy inatā txudile tahe ixityre bidiwinykre. ³⁰ Kaile inyhe bexitakre itxeò-ribi. ³¹ Iwesehyyle Deuxu aòm̃sydyỹdu wedu, bede ywina erydyỹ mahādu-wana widee raryberenyre. Jesuisinimy raujòm̃orenyreri: —Tii iny witxira ritare, tiile tahe rexitaōtyhy. ³² Kristu, judeu Iòlò, bodebeheke itxeò-ribi jiarỹboho arobirenykre, tai tahe aratyhynyrenykre. Tule wasidu tii-wana raukòrenyre itxeò-ki Jesuisimy raujòm̃orenyre.

³³ Txutyeyu ibutumy bede rurunyre. Tahe roire txu kaò resem̃y. ³⁴ Kiaule tahe Jesuisi rarybeterenyre: —Elòì, Elòì, lema sabatani. Kia heka iwitxira tybe rare. Kia rare: —WaDeuxu waDeuxu, aòherekibo kai tiwarite. ³⁵ Ijoiò heka tamy roholareu, rarybere: —Tii heka Eliasi-ò ryreri. ³⁶ Hābuō reare bexi ritỹxinyre vīi juberere-di idi tahe ritidire tabòtòrejura-ò. Riwahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aòbo inyhe itarasamy. ³⁷ Jesuisi rryre irariemy idi rurure. ³⁸ Dohodỹna hetowetty raykare inatxi weryna tyymy, biu-ribi, bede-ò. ³⁹ Soldado dinodu Jesuisiko-txi ratximyhỹre. Tahe rurureu, irubumy robire. Tahe rarybere: —Ka heka inatyhymy Deuxu riòre rare. ⁴⁰ Tule hāwyy mahāduò retehemy rỹimyhỹ irehe-ribi, tòwysyreny-ki, Marie Madalena, Marie (Txiause, Jyese tii rare. Txiau heka Jyje hewoludumy rare.) Salome tule ihỹre ijò-wana. ⁴¹ Kia heka Jesuisi Kalileia raremyhỹ, tiiboho tahe sòwemy iny-wana doide Jerusalē-ò.

⁴² Txioromye dehemynde. Wirareasanatxu rare. Kia heka sabadotxukokile rare. ⁴³ Jyje Arimatea hāwā ludu dohodỹdu nihikỹò rare. Tule heka tii riraòmy ratximyhỹ Deuxu Iòlòna. Tii ruberuòlemy rare Pilato-ò Jesuisiumymy ixitòedỹmy. ⁴⁴ Pilato rabedeòtiidỹnanyre Jesuisi rurumy roimyhỹdi tai rryre soldado dinodu-ò. Tai Pilato ritỹraxyre, Jesuisi rurumy roimyhỹdi. ⁴⁵ Soldado rarybereu Jesuisi rurumy roiremy tahe Pilato riteònyre Jesuisiumy Jyje-ò iwahidỹmy, ⁴⁶ Jyje ritare itxeònihikỹ-ribi tahe ritỹtenyre tyurahākỹ-di. Idi tahe ritidirenyre mana hāloo wabedewo-ò. Tahe mananikỹ-di riijòtòbònyra. ⁴⁷ Marie Madalena, ijò Marie Jyese reteherenyre titxibo tii ritidirenyreò.

16 ¹Tahe nobiutxu, Marie Madalena, ijò Marie-wana ihewoludu Marie, Txiause, Salomese-wana rare. Tiiboho lŷnyrena riòbranyrenyre. Tahe roire Jesuisibymy idi rekoakremy lŷnyrena-di. ²Juhutxu semana bededŷŷnau txuu deadeule roire wabede-ò. ³Wídee raryberenyre: —Mowexe mana ritakre ijò-ribi. ⁴Tahe tuu robirenyre. Mana nihikŷ ritamy rŷire. ⁵Wabede-ò rirònyrenyre, robirenyre weryrybòweselemy rononymhŷ rurueribi-ò. Ityy urahakŷmy rononymhŷ. Tahe tiiboho bede riòtiinyrenyre ruberurenymy. ⁶Tii tamyreny rarybera: —Uritere breburenyòmy. Kaiboho aòbo teòrytenyta Jesuisi Nazare ludu. Kia itxè-ki rurure. Tii aòkò kaki ratxireri. Rexixara rubu-ribi. Betehebeny inihe tai ritidiraò. ⁷Makre. Marybekre ierydŷŷna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy. ⁸Tahe tiiboho rihenyrenyre wylemy wabede-ribi ruberumy. Tiiboho moò heka rarybeòhylerenyre ruberumyhyrenyki.

⁹Juhutxu semana bededŷŷnau Jesuisi rubu-ribi rexixare. Idi tahe juhuu àsitereribile rexitŷnyrenyre Marie Madalena dee. Kia-ribi heka juhuule ritare debò inatxi reurò tyytybybinamy. ¹⁰Tii rare Jesuisi-wana raremyhŷ mahàdu-ò. Tiiboho rabadewomy ratximyhŷreny, rahinymyhŷreny. ¹¹Tamyreny relyyreu iwese Jesuisi tamy rexitŷnyrenyre wese Jesuisi irulemy ratximyhŷmy tuu robi-reke, rityhynyòlerenyre.

¹²Jesuisi rexixamy rahudi tahe, iwitxiramy rexisŷnyreny inatxi erydŷŷna-ò. Tiiboho heka roimyhŷrenyre bedero-ò. ¹³Tahe dòòsede relyyrenyre taijoi-ò, tahe tule rityhynyòlerenyre.

¹⁴Tahe waòsohoji reurò erydŷŷna-ò Jesuisi àsitereribile rexitŷnyrenyre. Tiiboho riroximyhŷrenyò rexitŷnyrenyre. Tahe Jesuisi tamyreny rarybera: —Aòherekibo kaiboho iny wamy robira mahàdu tetyhynyòteri. ¹⁵Kaiboho boibenyke ibutumy bede bede-ò Rybewihikŷ bitŷnynykremy. ¹⁶Inyò Rybewihikŷ rityhynykeki, idi kidisebenykeki, tii Deuxu ritake. Inyò rityhynyòkeki, Deuxu ixi-ribi riteònykre iòraru-ki. ¹⁷Kia bede eryna ityhydŷŷdu kidiheludunykre. Tiiboho tyytybybina kiditeònykre wani-ki. Tule heka tiiboho itŷmyra rybe kanarybedenykre. ¹⁸Hemylala rimyrenyreu, aòhe rotŷŷnyòlere tule rubuna monamy riòkeki, rotŷŷnyòlere. Tiiboho tebò ritidirenykre bina mahàdu-ò tahe riteytenykre.

¹⁹Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu rurueribi-ò. ²⁰Tahe tiiboho roire ibutumy bede bedemy tai bede ritŷnyrenyre. Wanyrŷ riwiòhenanyrenyre tahe bede eryna-di irybe ixídee rimyrenyre ihelududŷŷdu mahàdu-ò.

Luka

Deuxu Rybe Wihikỹ Tỹmyra, Luka Tyyritidỹđu

1 ¹⁻³Wyla, Teòfilo. Adee heka watyyriti ariwahinykre timybo Kristu rotỹỹnyre. Tuu lobixidu mahādu tuu relyymyhỹre-ribi, jiarỹ ire ariòbitinytyhykre. Kia heka jiarỹ adee reritinytyhykre, waiòlò, iwese ibutumy reeryrenyre juhu bededỹyna-ribi. Aōma inatyhymy kia rotỹỹnymy rare wahe. ⁴Kia wese wahe. Iwese iny adee relyyre wese, jiarỹ adee arelyyre inatyhymy aōbo rotỹỹnyre. ⁵Zacaria heka Deuxu xiwe wahidỹđu rare, Abia ijojio wahe. Iriòrese Isabeli tahe tule xiwe wahidỹđu riokore mahāduō rare. Kiau heka Herodi judeu bedesỹ iòlòmy raremyhỹ, Araō riokore mahāduō wahe. ⁶Wiwanale heka awirenyre Deuxuru-ò. Òbitihyy heka ratximyhỹrenyre ibutumy Deuxu bededỹñnanako-ò. ⁷Tiiboho iriòreōhyyre. Ihāwyy Isabeli heka rase-nadunyre, uladu herina dori awiøre. Ihābu tule ramatuarinyre.

⁸Aōutxumy tahe Zacaria raaōmysỹdỹñnymyhỹre aōma templo-ki. Kiatxu heka iròtenatxumy bede rỹimyhỹre templo-ò. Tahe iwo-ki ratximyhỹre. ⁹Hewydysi lỹnywi ritoonymyhỹ Deuxu kia deālānamy, iwese riwinymyhỹrewesehyyle. ¹⁰Iu ahana-ki tahe sōwemy iny rexitòdenymyhỹ. ¹¹Iu Zacaria xiwena ruruwe-ribi loosòna-ò rỹireu, hewydysi lỹnywi ritoonymyhỹre. Tahe aōwesele jỹjuò rexitỹnynyre Zacariako-ò. ¹²Tii tuu robireu heka rexiraōmy ruberumy reare. ¹³Jỹu rarybere: —Brebuōmykre, Zacaria. Deuxu roholare aixitòedỹyna-ò. Tai heka adee iyyymy rareri. Ahāwyy Isabeli rariòrenykre. Kai heka Joaōmy bininikre. ¹⁴Tai kaiboho heka iura heka beysabenykre sōwemy; ijō iny tule reysakre iòraru-ki. ¹⁵Tii heka hābutyhyhykỹmy rarekre Deuxu dee tiu heka vii riòòtyhy mona hārihikỹ riòòtyhy. Deuxu Tyytybytyhy. Juaòtykymy ralokre tii reareu. ¹⁶Sōwemy heka aōma Israeli mahādu Deuxu rityhynykre iòraru-ki wahe. ¹⁷Tii heka hābutyhyhykỹmy rarekre Deuxu rybedumy Elia wesemy. Tii heka aōma Deuxu deòdỹyna juhuu rehemynymy reakre ikòlemy iny ywisidỹñnakre rehemynykre juhuu, aōma Deuxu Tyytybytyhy dehemynyna rijjemy tuu rehemynymy rakre. Tii bede ywina riòbitinykre inyy-ki. Tyby tariòre-wana wii riwoxinykre. Tii heka iny ribedeenyrynykre aōma òbitimỹ rỹirakremy. Deuxu luumy rỹirakre aōma ilahireny rỹira wesemy juhuu.

¹⁸Zacaria rarybere jỹju-ò: —Jiarỹ ramatuarinyre timykre heka? Hāwyy tule rasenadunyre ihārele òsana tukre. ¹⁹Jỹu rarybere: —Jiarỹ Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. ²⁰Kai

tetyhynyōhytyeri tai kai marybeōkre uladu reakre xiery tahe marybekre. Kaa adee rarybereri dori ōbitimy rarybereri warybemynamy ibutumy rŷikre. ²¹Iny riraōmy rŷimyhŷ Zacaria òlōna, tahe raroorehenymyhŷ. Iroorehena rieryōhyymyhŷreny. Dòhōnydeu ta, rybe-ki rexisiranymy rarybeōhyyre. ²²Tii rehemyntyreu tamy rybeōhykyre rahōra. Idi tebò-di raramynyre urile rybe riwisŷnymy rarybeōhykymyhŷre aōma timybo aōhebo rotŷŷnyrá heka riò-bitinykemy heka rarybeōhyymyhe timyrabo. ²³Tahe taaōmysŷdŷŷna rihudi, taheto-ò ròdsere ixyby.

²⁴Idi tahe Isabeli rabòtōnyre iruwyre ahādumy bedede riiijere rexiwòmy.

²⁵Isabeli rarybere: —Deuxu awi heka rare, riwatare waixŷruna-ribi. Kuladu wadeke riwahinyreri.

²⁶Ijō ahādu tahe Deuxu Gabrieli riteōnyre Nazare hāwā-ò Kalileia bedede.

²⁷Ŷjuō heka rybe-di ijadōma-ò. Kia ijadōma heka wii ritobinymy rŷireri tyby-boho iseboho Jyje-wana roikremy. Jyje heka iòlò Davi kia mahāduō rare. Ijadōma tahe Marie inire. ²⁸Ŷju heka kiamy rarybere: —Beysakre Marie! Inynyryŷ heka awana ratxireri. Bedeōbyhykŷ adee kidiwahinykre. Tii arā-wowydynyre. ²⁹Kia rybe-di tahe Marie rexiraykynyre. Tii rieryōmy aōmybo rare. ³⁰Tahe ŷju tamy rarybere: —Marie, Brebuōmy! Deuxu teteysanyte. Kai awi heka rare. Tii aōwihikŷbo adee kidiwahinykre. ³¹Kai heka mariōekre, uladu heka Jesusimy raninikre. ³²Tii heka hābu nihikŷ rarekre. Tii Deuxu riòremy raninikre. Deuxu heka tii iòlōmy risŷnykre, iwese Davi alabiehekŷreny ronyre wese, tii ronykre. ³³Tii heka ibutu Ijaò mahādu iòlōmy rarekre. Iòlōna heka tiu itueōtyhy. ³⁴Tai tahe Marie ŷju-ò rarybere: —Jikarŷ heka ijadòkōmatyhy watxireri. Timykibohe krabòtōnykre. ³⁵Tahe ŷju rirawyōnyre: —Tytybytyhy adee kanalokre. Deuxu ruru heka adee kanakre. Tai heka kia uladu Deuxu ōbiti riòremy raninikre. ³⁶Nohōti lusaōmy anymy-ribi Isabeli riki bōtòkōmy rareke-ribi tahe bōtōmy ratxireri. Debò sohoji reurò ahādumy iahādu. ³⁷Deuxu dee heka tiu aō isiraōre. ³⁸Marie rarybera: —Jikarŷ Wahī dekòdu rare. Anomybo tarybeteri ka ibutumy rekyrubunyreri. Wadeke awire. Anowaxina tuukre irybemynamy karotŷkŷnykre. Idi ŷju rikōmy reare.

³⁹Idi ta tii heka Isabeli roramy rare. Zacaria ŷmy Judeia bedede hāwālò hāwā bedede-ki. ⁴⁰Iu Marie rehemyntyreu tahe wii rirybenyreny: ⁴¹Tiu kia aōbo uladu Isabeli kia-ki iule rexiwatxinyimyhŷ Marie-ò. Isabeli heka tŷxiykŷle Deuxu Tytybytyhy-di ratximyhŷ. ⁴²Riajuamy rare deysana-di sōwere: —Kai hāwyy ibutu-ribi deysana rarekre. Auladu tule deysana rarekre. ⁴³Anoherekibo Wahise waroramy naderi. Jikarŷ ano anokō rare. ⁴⁴Adeke rahokujareku, kuladu wawoku-ki rexilòrelōrenymyhŷ tabedesa-di. Tai tahe Isabeli rŷŷraximy ratximyhŷre Deuxu Tytybytyhy-di. ⁴⁵Kai bekysabenyke kia tetyhynyteki. Deuxu rybe dokuri adeke nade. Iwese tiki raryberewesele ibutumy rāikre. ⁴⁶Marie rarybere: —Jikarŷ wawoku-ribi Wahī rewokuwydyny. ⁴⁷Wawokuribityhy wadekysareri Wahī watarasadu dokuri rare. ⁴⁸Ihyky tahe tiki tekòdu-ribi walanokonakona-ribi tōhōti rosakre. Tahe iny ibutumy hāwyky dekyusanamy riwaninikre. ⁴⁹Deuxu dokuri anomydŷkŷnana wiwihikŷ wadeke riwahinyre. Tii tahe ityhy rare.

⁵⁰Tikiemy inydeke ruxetōena riwahinymyhŷre iny tamy wowydyndy riwahinyrekí.

⁵¹Ixityhy nohōtidu mahādu tiki rehure. ⁵²Bede ikòlò sōwemy tiki rehure. Tule iny ianokō mahādu Deuxu riwikòhenanymyhŷre.

⁵³ Rama risamahādu deke r̥s̥y̥na tiki riwahinyre.

⁵⁴ Irybe tahe tiki rityhynyre anobo tiki inytybyreny deke tiki raryberemy. Tikiboho tahe Deuxu riwikòhenanyre. ⁵⁵ Ruxetòena tahe Abraõ deke riwahinyre tule tikiemy iriokore deke riwahinymyh̃yre.

⁵⁶ Marie tahe inataõ ahādu Isabeli-wana riwyr̥a. Idi tahe tas̃y̥-ò ròðsera.

⁵⁷ Beded̃y̥nana Isabeli-ò rehemynyre. Iriòre reakremy ratxireriu, Iriòre reare. ⁵⁸ Is̃y̥ mahādu heka teysana-ò roholarenynyre, iery mahādu tule rabe-desarenynyre tamy Inynyrỹ raruxetòenyredi, Inynyrỹreny ruxetòena tamy riwahinyreki. ⁵⁹ Tahe debò inataõ txu-di, uladu notyky resynamy bede r̃y̥re. Zacaria raninykemyre. ⁶⁰ Tai tahe ise rarybere: —Anokòre, Joaõmy rarekre. ⁶¹ Is̃y̥ mahādu rarybere: —Joaõmy ninadu taheka ijòkòhykyre inys̃y̥reny-ki. Anoherekibo tuukre? tai tuu raninike wahe. ⁶² Tuu Zacaria-ò r̃y̥r̃axireny: —Momybo raninykre? ⁶³ Tahe Zacaria tababese riòr̃eò rimyre. Riritinyra kia: —Joaõ heka inikre. Tahe ijò mahādu ibutumy ribedeòtiid̃y̥nnyre. ⁶⁴ Iu tahe Zacaria rarybere Deuxu riwowydynyre. Tahe ibutumy is̃y̥ mahādu heka ruberure. ⁶⁵ Ibutumy heka tii relymy raremyh̃y Judeia mahādu hāwālò nihi-k̃y̥my. ⁶⁶ Ibutumy tamy roholaré heka raryberenyre: —Timybo uladu rarekre? Inynyrỹ idi tarukimy iweribikre.

⁶⁷ Tahe Deuxu Tytybytyhy heka Zacariatykymy ralore. Tahe Deuxu aõmyd̃y̥nanyre relyre timybo rabaded̃y̥nananykremy. Tii rarybere:

⁶⁸ —Judeu mahādu Deuxu awi rare. Tii dori taijoi roramy nade.

⁶⁹ Iwiòhed̃y̥my tulemy tarasadu tyhy Tii heka Iòlò Davi mahādumy rare.

⁷⁰ Deuxu Rybed̃y̥du mahādu kia wesemy tuu raryberenyre.

⁷¹ Inydireny òludu mahādureny-ribi riki iny ritarenynyre. Iny-di heka raruxetòerenyara.

⁷² Tahe iny-ribi tòhòtirenyny rosaõhykyra. Tahe rarybekre timybo raryberemy inytybyrenyny. ⁷³⁻⁷⁵ Tii heka iny ritarenyny inydireny ratxireri inyòludurenyny-ribi. Kia-ò heka rarybere inylabiereny Abraõ-ò. Tai heka rikiwiòhenanyrenyke brebuòemy. Òbitimy iko-ò rakatxirenyhykyre. ⁷⁶ Kai wariòre Deuxu rybedumy mabekre. Kai heka mabekre Deuxuhuk̃y rybemy rybedumy. Kai heka bòhònykre

Inynyrỹ-kò iry biywinykremy.

⁷⁷ As̃y̥ mahādu-ò marybekre biu-ò hena kanakremy ih̃y̥re. Deuxu heka tòhòti rosakre iòrarunarenyny-ribi. ⁷⁸ Iny Deuxureny dori inydeereny ruxetòedu rare. Tii heka biu-ò hena ibutu-ò kidiòkre, tarasana wahe.

⁷⁹ Kia bede lurumy r̃y̥ira mahādu biuloosònamy robikre.

Zacaria rybe tahe rikonananyre. Loosòna ywinary-ò tahe rit̃y̥nynykre.

⁸⁰ Ihewo-ribi tahe uladu ratybienyre taumy-di Deuxu tyhyd̃y̥na-ki tule. Tii heka bederahy-ki raremyh̃y. Tiutxumy rexit̃y̥nynykremy judeu mahādu-ò.

2 ¹ Kia mahādu Iòlò Augusto inire. Kia heka ibutumy bede-ki inyni rityyri-tinykemy bede riywinyre. ² Kurina heka Siria bede dinodu rare. ³⁻⁴ Jyje heka Nazare hāwā-ki ras̃y̥nymy raremyh̃y. Tai tahe Kalileia bede-ribi tiiboho roirenyny Judeia bede-ò. Iòlò Davi dori tai reare, Belē hāwā-ki. ⁵ Jyje tahe rare, tii dori Davi ijoimy rareki. Marie bòtòm̃y tii ridyre tai ihāwy. ⁶ Tahe Belē hāwā-ò rehemynyre. Tahe herina roxina heto ihoòre herina tamynyre. Taihe awaru roxina heto-ò roire. ⁷ Tai hāwy ratohouāsennyre. Idi rihetyynyre awaru roxina hynaro-ò ritidikemy.

⁸Iu tahe budoeni-di itxeredu mahādu bedero-ki ratximyh̄reny. ⁹Idi tahe ŷjuō tamy nade Deuxu-ribi. Deuxu loosōna tamy ritynyre. Ruberuren̄y. ¹⁰ŷju tamy rarybere: —Brebuōmyrenyke. Rybe wihik̄y-di adee rehemy-nyreri. Ibutumy iny reysakre ka rybe-di. ¹¹Atarasadu heka ratohouānyra Davi hāwā-ki, abiu-ò hedu wahe. Tii heka Kristu rare, Inynyr̄reny wahe. ¹²Kaiboho heka awaru roxinaō-ò inihe bōike itxeremy. Tai heka tohouā roireri tyy-di rarahanan̄my. ¹³Iule tahe sōwemy ŷju widotyde Deuxu dee rawiun̄ykremy, kiawese rawiun̄yrenyri riwowdyn̄yren̄my:

¹⁴—Biu-ki Deuxu loosōna ratxihiym̄yh̄re.

¹⁵Tahe ŷju ròðserenyre biu-ò. Budoeni-di itxeredu mahādu widee raryberenyre. Wylemy Belē-ò ròkòirenykre itxeremy kia aōmyd̄ŷŷnan̄my Deuxu in̄ydee riteòsinyreriò. ¹⁶Tahe roirenyre idi tahe Marie, Jyje-txi rekoaren̄y. Tuu robiren̄y. Tahe broreni dōròtòhōhyna-ki uladu roire. ¹⁷Tai tahe budoeni-di itxeredu mahādu timybo ŷju tamy raryberamy, rarybere. ¹⁸Tai tahe ibutumy kia tamy roholaré ribedeòtiin̄my r̄yire. ¹⁹Marie heka tōhōti itxi reare. Tahe sōwemy raraykywydyn̄an̄my ronyre. ²⁰Budoeni-di itxeredu mahādu ròðserenyre rawiun̄yren̄my Deuxu-ò Deuxumy reālāre ibutu òraru-ki. Iwese ŷju raryberewesetyhyle heka ibutumy r̄yire.

²¹Iribi tahe txu r̄yireu tahe rare Jesuisi notyky orokr̄. Debò inataō reurotxu r̄yireu Jesuisi notyky raorokremy raywire. Tahe rininirenyre Jesuisim̄y iwese ŷju rarybere myna.

²²Xiwenā r̄yikemy bede r̄yire Moisesi bede ywid̄ŷŷnam̄y. Aōutxumy tahe dehemyn̄yde Marie Jyje-wana kia idi riwinyren̄kemy. Tahe Jyje ridykemy Jerusalē-ò idi ratxireri. Tai uladu-di roirenyre Deuxu-ò riteòsinykemy.

²³Kiamy heka Inynyr̄ Ritid̄ŷŷna-ki roire.

Weryrykeki, Deuxu dee rawahid̄ŷŷkre. Tii uladudelaa weryrykreki.

²⁴Iwese tule bōtòe inatximy rawahid̄ŷŷkre ada bōtòderurà inatxi heka xiwenam̄y reakre Moisesi bede ywid̄ŷŷna myna.

²⁵Hābuō tai ratximyh̄re Simeaō inire. Jerusalē hāwādu wahe. Deuxu rityhyn̄myh̄re hābuwi rare. Tii Kristu riraòmyh̄re Deuxu deòd̄ŷŷna wahe. Ijoi aōbina bina-ribi tarasadumy Deuxu Tyytybytyhy heka tai ratximyh̄re.

²⁶Deuxu Tyytyby ihetxiu tamy rarybere: —Kai buruōtyhy Deuxu deòd̄ŷŷnamy bobiòdi. ²⁷Iu Jesuisise tyby-wana rehemyreux Deuxu Tyytybytyhy heka Simeaō riteònyre kowa-ò. ²⁸Simeaō uladu taāxiò-ki rimyreux. Tahe Deuxu riwowdyn̄yre:

²⁹⁻³¹—Kiamy heka Wanyr̄ Iòlò arybe retyhyn̄yri timybo tarybete wahe.

Ibutumy dorihe tewinyta. Tahe aōwaxinyhe arurukre. Abiuòhenam̄y heka rabira. Tii ibutu iny tarasadumy rarekre biu-ò hena wahid̄ŷŷdu wahe.

³²Kia heka ibutumy iny-ò loosōna tewahinyta judeukōdu mahādu-ò. Tai judeu mahādu tahe wowdyn̄am̄y tii rarekre.

³³Tai tahe Jyje Marie-wana bede riòtiin̄yri aōmybo rarybereki. ³⁴Simeaō tahe Deuxu deysanam̄y tam̄yreny rarybere: —Deuxu biu-ò henam̄y heka kia uladu rare. Sōwemy judeu mahādu tarasadumy rarekre, tule sōwemy tas̄y ituekre. Kia heka Deuxu deòsina rare. Sōwemy heka Jesuisim̄y rakyararyben̄nykre. ³⁵Ibutumy iny rayky-ribi heka ibutumy rit̄ŷŷn̄nykre. Bederyry sōwemy bieryke tai aōhōk̄m̄y bot̄ŷŷnykre. ³⁶Tule Deuxu rybe eryd̄ŷŷnaō

rehemynyre. Ana inire. Hāwyy rare. Tii heka Fanueli riòre rare. Asere mahā-dusyō rare. Tii heka rasenadunymy raremyh̄y. Ijadòmamy raremyh̄y heka roire hābu-wana. Debò inatxi reurò beðralemy heka tii-wana raremyh̄y tahe tii rawytesenyre. ³⁷Tii 84 beðramy heka bede idi r̄yire wytesemy. Tii Deuxu dohodỹña heto-ribi ròhònyōhyymyh̄y. Tii heka rexitòenymyh̄y rumy txumy tabyreō-di. ³⁸Tahe tii rehemynyre Deuxu dohodỹña heto-ò. Deuxumy reàlàre. Idi Jesuisimy imahādu-ò rarybere tii tarasadumy rarekremy.

³⁹Iu Marie, Jyje-wana ibutumy bede ywidỹñnamy ituereu, riòðserenyre tahāwā-ò Nazare-ò. ⁴⁰Jesuisi raumynymyh̄y beðra beðramy. Iruru, ibede eryna sōwemy ijōdire Deuxu dori idi tarukimyh̄y.

⁴¹Pascoa worana bedehesi riòlòdỹñnyre Jerusalē hāwā-ki. Jesuisi tyby heka iseboho roihyymyh̄renyre tamy. ⁴²Tule Jesuisi waðinatxi reurò beðra-di ridyrenyre tamy. ⁴³Worana bedehesi rexihureu kidiòkesedenykremy doide. Tahe Jesuisi naride Jerusalēkihiȳle. Tiiboho rieryrenyōhyyre naridemy. ⁴⁴⁻⁴⁶Taijoiirenywanale ratxirerilemy idi ròhòtynrenyra. Txusohojimy heka bede idi r̄yidi, rierenyre. Tai rahaōhyrenyra iijesemy diòkesedenyde Jerusalē-ò ixyby. Inataō txu-di tahe tai nahadenyde, Deuxu dohodỹña hetowo-ki wahe. Tii heka bede erydỹđu mahādu-wana ronyre. Roholamyh̄renyre irybe-ò ronymyh̄reny. Tule r̄ȳraximyh̄renyre. ⁴⁷Tii heka ibutumy rirawỹnymyh̄y. Tii dori bede ery nihik̄y rare. ⁴⁸Iseboho tahe bede riòtiinyrenyre tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadekereny tewinyteri aijesereny-di watxireri. ⁴⁹Tahe Jesuisi rirawỹnyre: —Waijeserenykōmyke. Waha heto-ki watxireri, Waha aōmysỹdỹñnamy reywinyhy watxireri. Kia aōbo teeryōhytyenye. ⁵⁰Tiiboho rieryrenyōhyyre aōmybo Jesuisi rarybereri. ⁵¹Idi tahe dòðsedenyde Nazare-ò. Tahe Jesuisi tyby rybe rityhynyhyymy raremyh̄y. Tahe Jesuisise kia ibutumy riyrubunhyymy raremyh̄y tarayky-ki.

⁵²Jesuisi tahe raumynyre. Bede erytyhymy relere. Ibutumy he iny iluure. Deuxu wowydyna-di ih̄yre.

3 ¹Tiberiò heka waiyre beðramy iòlòm̄y raremyh̄y. Poncio Pilato heka Judeia bede dinodu. Ijò heka Herodi inire. Inataō inymy heka bede dinodumy raremy. Herodi heka Kalileia bede dinodu. Iseriòre, Filipi tahe Itureia bede, Traconite bede-wana dinodu rare. Ijò iny tahe Liš̄ñnia inire. Tii Abileni bede dinodu rare. ²Anasi, Kaifa-wana heka inatxi hābu roire. Tiiboho wiwana xiwena wahidỹđu wedu raremyh̄y. Kia bedeu heka Joaō rehemynyre bedero-txi. Tii iny-ò Deuxu rybe t̄nydỹđu rare. Zacaria riòre rare. ³Tii kia bede ibutumy rybe rit̄ynnyre, Jordaō beroweramy ibutumy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru riixāwididỹñnykre. ⁴Iwese Isaia ròritidỹyre wesemy heka wiji r̄yire.

Inyò heka ryrymyh̄y bedero-ki.

Kia:

—Inynyr̄y bexiywinybenyke. Ryòbitihik̄y biwinybenyke. Hāloo bit̄xyinybenyke wimyny biijaranybenyke. Iry iòweðwena ramyh̄yre heka, biòbitinybenyke.

⁵Iratòratòkeki, wimyna biijaranybenyke. ⁶Ibutumy iny heka Deuxu biu-ò henamy robirenykre. ⁷Sōwemy iny nade riratisenbenykremy Joaō-ò. Tahe tii tamyneny rarybere:

—Kaiboho hemylalaweselemy toite. Deuxu ykarana-ribi bexitabenye, aōwiwihikŷ.

⁸ Uritere kawese ryberenyōmykre: —Abraō dori iny labiereny rare. Tai tahe ibutumy awityhy rare inydeereny.

Jiarŷ dori adeereny ararybekre: —Deuxudeewikeki, Tii kia manadile iny riwinyke. Abraō dee ijō riðreōmy kia manadile riwinyke. ⁹ Woma heka òwò-ruraruti riðròmyhŷre. Kia raratynyōkeki heka, raðròkre. Heðty-di wòmy riri-radŷŷnymyhŷke. ¹⁰ Tai tahe iny rŷŷraxire Joaō-ò: —Timybohe rakatxirenykre. ¹¹ Tai tahe rarybere: —Inyō tōre inatximy ijōdikeki, sohoji iny ijō-ò riwahinyke. Irŷŷnadikeki, tule ritxuatxuaque ijōkō mahādu-ò. ¹² Iny witxiraō Joaō-ò rehemynyre. Tiiboho nieru tarasadu mahādu rare bedē dinodu-ò. Tai rŷŷraxirenyre: —Timybo aōhebo rokotŷŷnyrenykre. ¹³ Joaō rirawyōnyre: —Uritere aōnihikŷmy itarasarenyōmykre. Bede ywidŷŷna tyriti myna ta tuukre. ¹⁴ Tai tahe soldado tamy rŷŷraxire: —Inyboho tahe aōhebo rokotŷŷnyrenykre. Joaō rirawyōnyre: —Inyō biteranyōtyhy adee nieru kanakemy. Inieru dori ahōrō aōkō rare. Beysake, adinodu-ribi tiwesebo nieru tetamahāte-di. ¹⁵ Tahe kia iny mahādu raraykynyre Joaō-di. Kowa aōbo hābu Kristu ihŷre. ¹⁶ Tai heka Joaō rarybere: —Jiarŷ heka bedi araratisebenyleri. Ijō wahewo-ribi kanakre tahe woratyre inihikŷ rarekre. Tii heka awityhy rare. Jiarŷ heka raixŷruwāhāre iwataana aritake lau. Tii heka akanaratisebenykre Deuxu Tytybytyhy-di. Heðty-di tule wahe. ¹⁷ Iti tebò-ki ratxireri. Maixōmo ruxity hitxina-di wahe. Tii heka ritakre. Maixōmo riyrubunykre ihyna-ò. Iruixity tahe ritoonykre. Kia heðty heka tiu ruriōtyhy. ¹⁸ Aō heka Joaō rarybere. Sōwemy aōna aōnamy iwesele rarekemy. Dohodŷŷna wihikŷ-di tamyreny rarybera. ¹⁹ Bede dinodu Herodi heka taseriøre riðrese-wana roire. Aōbina binahakŷle riwinyre kia. Tai tahe Joaō tamy rarybere: —Kia awi aōkō rare. Ibina heka rare. Sōwemy aōna aōna bina tule tii riwinyre. ²⁰ Tai Herodi heka Joaō mynymy riteranyre ròtenawo-ki roikemy. ²¹ Joaō ixiwesehyyle rexitŷmyranymy iny riratisenbenyre. Tahe tule iny witxirahe-ki Jesuisi riratisenbenyre, Jesuisi rexitōenyreu, biuwetyhy rarayre. ²² Biuwetyky-ribi tahe Deuxu Tytybytyhy dobehemy nade bòtòerurā wesemy. Biu-ribi rybeò-ò iny roholare: —Kai heka Wariøre tate. Aluure heka jiarŷ wadeysatyhyre. ²³ Jesuisi 30 beòramy raremy taaōmysŷdŷŷna tyhy ritelenyreu, iny heka Jyje riðrelemy rōhōtinyinmyhŷre. ²⁴ Jyje heka Eli riðre rare. Matate, Levi, Maki, Janai, Jyje, ibutumy labiehekŷ Jyje rare. ²⁵ Ijō tahe Matatias, Amos, Naum, Esli, Nagai, ²⁶ Maate, Matatias, Semei, Jyje, Joda, ²⁷ Joana, Resa, Zorobabe, Salatieli, Neri, ²⁸ Meki, Adi, Cosā, Elmadaō, Er, ²⁹ Josue, Eliézer, Jorim, Matate, Levi, ³⁰ Simeao, Juda, Jyje, Jona, Eliaki, ³¹ Melea, Mena, Matata, Natā, Davi, ³² Ijese, Obede, Boasi, Sala, Nasaō. ³³ Aminadabe, Adimim, Arini, Esraō, Peresi, Juda. ³⁴ Ijaō, Ijai, Abraō, Tera, Nakò, ³⁵ Serui, Raau, Faleki, Eber, Sala, ³⁶ Aina, Arfaxade, Sem, Noe, Lamei, ³⁷ Metusalē, Enoi, Jarete, Maleleel, Aina, ³⁸ Enosi, Sete, Adaō. Tii tahe Deuxu juhūu riwinyre iriøre wese.

4 ¹ Bero Jordaō-ribi Deuxu Tytybytyhy heka Jesuisi diòsēdŷŷnyde Tai heka tule bederò-ò rexiykynyra. ² Tahe Satanasi Jesuisi riurihire, 40 txu-di wahe. Aō heka rirŷŷōhyhyre Jesuisi kia itxumy txu rŷŷreu wahe. Idi tahe sōwemy rama risare. ³ Satanasi tamy rarybere: —Kai Deuxu Riðretyhy tate-wana heka, mana bitxienykre hinamy. ⁴ Tai Jesuisi dirawyōnyde: —Deuxu Rybe tule kiamy rarybere.

—Häbu hewa byre sohojiribile aökō irumy rïmyhÿre.

⁵Tai Satanasi heka Jesuisi ridyre heto ratyti tyre. Ibutumy häwähäkÿ riteð-sinyre bede bede rÿirá. ⁶Tahe Jesuisi-ð rarybere: —Kai biwalàhànananyeki, ibutumy aõna aõna adee ariwahinykre, ibutumy häwähäkÿ dinodumy tule wahe. ⁷Wahorõ heka rare. Inyõ-ð aõt xile ariwahinykre. ⁸Idi tahe Jesuisi dirawyõnyde: —Deuxu-ð sohojile walàhàna biwahinykre. Kiamy Deuxu Rybe rarybere. ⁹Idi Satanasi Jesuisi ridyre Jerusalē häwā-ð. Biu-txi tahe rÿire, Deuxu dohodÿÿna heto tyre-ki wahe. Tii narybede, kai Deuxu Riðre tyhy tate wana heka bexiwatxixinyke inihe karibi hetoratyti-ribi. ¹⁰ÿju riki arayrubunykre wa. Deuxu taÿjuõ bede riywinyre aramykemy. ¹¹Tule kia rarybemyhÿre Deuxu Rybe.

Awa riki manaõ riwotõmonyõtyhy.

¹²Tahe Jesuisi dirawyõnyde: —Tule Deuxu Rybe rarybere: —Inyõ heka Deuxu uri urihixiõtyhy. ¹³Rexihure tahe Jesuisi urihixina. Tahe Satanasi heka Jesuisi ririre. ¹⁴Idi tahe Jesuisi ròðsere Kalileia bede-ó. Deuxu Tytybytyhy ruu tahe tii-wana ratximyhÿre. Ibutumy heka kia häwā-ki ibededÿÿnana rierymy hÿreny. ¹⁵Jesuisi heka dohodÿÿna heto-ki ròbedeerydÿÿmyhÿre. Ibutumy tuu rarybere. Tuu reàlāmy rarybemy rïmyhÿ. ¹⁶Iribi tahe Jesuisi ròðsere tai raumynyrèð, Nazare häwā-ð. Sabado txuu tahe dohodÿÿna heto-ð reamy raremy iwesehyyle. Tii tahe lamamy rÿire tyriti-di rariakremy. ¹⁷Tahe tamy Isaia tyriti riwahinyreð. Tahe Jesuisi riijemyhÿre rybeõ idi rariakemy. Tai idi rariare:

¹⁸—Wanyrÿ Tytybytyhy waki ratxireri. Rybe Tÿmyra wihikÿ inyko arotohodÿÿkremy. Iny aökō mahādu-ð rybe wihikÿ ararybekemy riwatere. Tule iny ròtena-ki rÿira mahādu, jiarÿ ariòlòdÿÿnykemy. Kiamy heka tamyreny ararybekre. Tule ruetÿmyra ariwahinykre ruetā mahādu-ð. Iny idi rarÿÿnymyhÿre mahādu-ribi, aritakre idi risinymyhÿreki. (Aõna aõnamy risÿnyrenymyhÿreki wahe.)

¹⁹Tibedeubo Inynyrÿreny taijoi ritakremy ararybekre. ²⁰Idi tasÿ ixyby riwerasenyre. Tahe riwahinyre ixyby kia häbu riyrubunymyhÿreð. Tii ronyre. Ibutumy kia dohodÿÿna mahādu idi retehemy rïmyhÿre. ²¹Tahe Jesuisi rite-lenymy rarybera: —Wiji idi rariará heka aõbo tamy ibededÿÿnanamy roire. Kia aõbo ritidÿÿna-ki roireri ihetxiu. Kaimy tahe wiji rarybereri, jiarÿ heka tii rare. Tii adeereny tyriti rariará wahe. ²²Tai tahe bede riòtiinyreny. Kia tahe aõmybo raryberakí. Tahe widee raryberenyre. Kaa heka Jyje riðrele ratxireri. ²³Tahe Jesuisi ixityre tamyreny rarybere: —Aõu kaiboho wamy tarybetenyteri rybeõmy, myÿ manarybeke: Kai bexideytenyke, hàri, òhotibedu. Kiamy aõbohe wadee manarybebenykemy atxitenyteri:

Iwese Kafanaõ bede-ki tewinyte wese ariwinyrenykemy wadi atxitenyteri, ahāwā-ki.

²⁴Adeereny inihe tuu ararybekre. Rybe tÿnydÿÿdu heka õmo rityhynyõtyhy ihāwāreny-ki. ²⁵⁻²⁶Tahe iwitxiramy ararybekre. Ibedeu kia raremyhÿu, sōwemy heka rama reamy raremyhÿ judeu sÿ mahādu. Sōwemy wytese mahādu heka ramamy rurumyhÿre. Biu heka roaõhykyre tai inataõ beõra weeremyhÿ wahe Sareta häwā heka Sidõ bede-ki tii rasÿnymyhÿre. Tahe Deuxu bede riywinyre Eliasi rakemy iny sohoji wytese-ð, rÿsÿna riwahinykelemy wahe. ²⁷Eliseu bedeu heka sōwemy tybybinadu rïmyhÿ. Sohoji

inyle riteytenyre. Naamy heka inire. Tii heka Siria bede luduò rare. ²⁸Kia dohodÿÿna mahädu heka ibutumy iu tamy rakyarananyre. ²⁹Rimyre nyre heka Jesuisi. Idi retÿhirenyre häwäld ratya-ò ridyrenyre. Idi rehurenymy riwisÿnyrenyre. ³⁰Tahe Jesuisi inysöwehekÿy-txi ralore. Idi rahenyre. ³¹Iribi tahe Jesuisi rare Kafanaò-ò, Kalileia bede-ò. Sabado txuò txuölemy heka Jesuisi iny ribedeernymyhyre. ³²Söwemy heka iny ribedeernymyhyre mahädu tamy awimy rÿira, irybe dori awireki wahe. ³³Häbuò raremyhÿ dohodÿÿna hetowo-ki tyytybybinahakÿ-di tahe taumywo-ki ratximyhy. Tai tahe tii ryryre: ³⁴—Jesuisi, Nazareludu, aöhebohe ijoi bisÿnykremy atxiteri? Biwahubenykre aöbo? Jiarÿ heka araeryre mobo taté. Kai heka Deuxu deödu atxiteri. ³⁵Tai tahe Jesuisi tamy rarybere tyytybybina iumywo-ki riyrkemy. Iribi riòlòdÿÿnyre. Tahe idi rehure iutyde-ò idi iribi ròhònyre. Häbu aöhe risÿnyöhyre. ³⁶Ibutumy heka iny ribedeòtiidÿÿnyre. Iny sohoji sohoji widee rarybere: —Aörybemy aöwe tii rarybereri? Timybo iny-ribi tyytybybina riteònyke. ³⁷Ibutumy timybo Jesuisi riwinyre, ijyynamy reare. ³⁸Tahe Jesuisi ròhònyre Simaò heto-ò idi rare. Simaò riòrelahi webinadumy roire rubuna-di. Tai Jesuisi-ko tuu relyyrenyre. ³⁹Tai Jesuisi ibireweribi-ò rare. Tahe irubuna iribi riòlòdÿÿnyre. Tahe tii ritamadÿÿnyre. Rÿsÿnaò tamy riwahinyre. ⁴⁰Ibutumy iny tawebinadu mahädu didydenyde. Ibutumy Jesuisi riteytenyre tibò iratityre rilidimyhÿre. Söwemy iny tyytybybina-di rÿireri mahädu riòlòdÿÿnyre. ⁴¹Iu tahe ryrymy reamy rÿimyhÿ: —Kai Deuxu Riò-retyhy tate. Tii Jesuisi rierymyhÿ tii Deuxu deödu raremy, tyytybybina wahe. Tai Jesuisi tamy rarybere rybeökemy. ⁴²Txu ijiramy Jesuisi rare bedero-txi ixisohojile. Iny söwemy riijemyhÿ. Itxi rearenyreu, iatysy deramy rekoamyhÿre. ⁴³Tai Jesuisi rarybere tamyreny: —Jiarÿ heka Rybewihikÿ Tÿmyra arelyykre iwitxira häwä Deuxu Òlòna Tÿmyramy arelyykre. Tuu Deuxu diwateònyde. ⁴⁴Jesuisi ibutumy Judeia mahädu bede bedemy dohodÿÿna rÿiraki rotohodÿÿmyhÿre.

5 ¹Jesuisi tahe aho ijà-ki rÿire Kenesare aho ijà-ki. Iny heka söwemy Deuxu rybe-ò roholakemy iu rÿimyhÿ. ²Tii robire häwòò inatximy roinyimyhÿre. Waxidumy mahädu heka rirahure rià-di risuhòreri. ³Idi tahe rimyre häwòò. Simaò häwò heka rare. Tii tahe ixi-di ritaranyre beroro-ò. Tai tahe tii rexidelenymy relyyre. Kia iny rÿimyhÿ mahädu heka ribedeernymy relyymyhÿre. ⁴Rexihure rybe-ribi. Idi tahe Simaò-ò rarybere: —Make wa bera-txi. Rià bitidike. Bimykemy utura. ⁵Tahe Simaò rirawyònyre: —Wanyrÿ, ruu wa wadireny aököhykylemy bedewadireny rareri, uturamy ho aökò. Tarybete urenana anakre. Aritidikre heka rià. ⁶Tahe ritidireu tahe, rià utura söwemy rimyre, kia rautxienyre. Tule riykamyhÿ rià. ⁷Talawò biòwa mahädu-ò ryryre: —Bòdòibedenyke bidiwawiòhenanybenykemy. Inatxi häwò heka rÿxire. Ritÿxinyre utura-di. Ihyy berahatxi-ò ijiramy riwisÿnymyhÿ ilawòreny. ⁸Simaò tuu robire. Tii Jesuisi ratximyhÿre tahe tatiowomy resere Jesusiko-txi. Simaò Pedro rarybere: —Wanyrÿ, aribi kÿny iòhòmy arÿiòtyhy. Jiarÿ heka waòrarudimy rare. ⁹Simaòboho bede riòtiinymy rabadewore aöma utura söwemy tamyreny riwahinyraki wahe. Tii tuu iximy rarybere. ¹⁰Ibutumy tiiboho mahädu ribedeòtiidÿÿnyrenyre Zebedeu riòre kia Txiau, Joaò-wana. Jesuisi rarybere Simaò-ò: —Brebuömyke heka ikonana-ò heka utura bimyökre. Wadee dori maaömysÿdÿÿnykre häbu wadee bimykremy.

Tamyreny biwatŷnynykre. Iwese utura temymyhŷte wese, wadee hābu wiji bimykre waerydŷŷna mahādumy rarekremy. ¹¹ Tahe waxidumy mahādu ibutumy kaa tawaxi тариā iu ririra Jesuisi riheludunykremy.

¹² Ròirenrye rirònyrenrye ibutumy hāwā-ò. Idi tahe hābuò rare ityyjyhyh-kyle. Hābu Jesuisi robireu tahe resere iko-txi, rexitòenyre: —Wanyrŷ, adee-wikeki biwateytenykre. ¹³ Jesuisi tamy tebò ritetemy rarybere: —Kohe, arateytenykre. Tii reytemy reare. ¹⁴ Tai Jesuisi rarybere tamy: —Inyò-ò tahe ijyŷomykre. Xiwena wahidŷŷdu mahādu-ò make. Tai maxiwekre tuu Moisesi bede riywinyre myna. Xiwenaò heka biwinymy biwahinykre. Moisesi rarybere wese wahe. Iny mahādu-ò heka biteòsinykre. Kia riteòsinykre teytetamy. ¹⁵ Tahe ihārele Jesuisi ibutumy rieryre. Sòwemy iny heka wirotyre raholakremy. Ijò nade aōma iwebinaduna ibina-ribi riteyteuykemy. ¹⁶ Tahe Jesuisi iribireny aōma rexitòenykremy rexitare.

¹⁷ Ijò txuu ròbedeerydŷŷmyhŷu, fariseu mahādu, bede ywina rybe bede erydŷŷduò-wana ronymyhŷreny. Ibutu hāwā hāwā-ribi dotydenyde wese tahe sòwerenrye, Kalileia bede-ribi Judeia bede-ribi, Jerusalē hāwā-ribi. Deuxu deytēna Jesuisi-ki ratximyhŷ. Jesuisi hāwālò-ribi dobehede tii-wana, tae-rydŷŷna mahādu-wana wahe. Tahe sòwemy iny iube-ki ributunymy ronymyhŷre. ¹⁸ Iny mahāduò heka hābu iumymy manadu kididydenykemy ratxireri Jesuisiko-ò ritidirenykemy. Idi tahe hābu webinadu wahe Jesuisi-ò rakemy bede riywinyre. Inatyhyle riathyhnyre. ¹⁹ Inysòwereki tahe tamy rehemynyrenyòtyhy. Tai tahe hetoratyti-ò raòwònyre hābu webinadu-di. Iribi tahe diberesedŷŷnyde roroti-di. ²⁰ Jesuisi robire, rieryre aōma rityhynymy ratxirenryeri. Hābu-ò Jesuisi rarybere: —Wy, aòraru heka raixāwidŷŷnyra. ²¹ Tahe fariseu mahādu he wídee raryberenrye: —Mobo kia hābu ratxireri, timyhe tu kia irybeòna rybe-di. Deuxu-ò kia rybe ibinatyhy rare. Deuxu sohojile òraru-ribi iny riixāwididŷŷnymyhŷre. ²² Tahe Jesuisi rierymyhŷ timybo rexi-nohòtinymyhŷreny. Tai rarybere: —Aòherekibo kia wesemy texiraykynytenyteri. ²³ Tibohe irutaòre webinadu-ò rybe: —Aòraruna reixāwididŷŷnyra ada myimy mariake aōbo. ²⁴ Deuxu Rìòre Hābutyhyhykŷ jiarŷ rare. Tai waruruna wadee Deuxu Rìòre òraruna ixāwididŷŷnamy. Katahe bierybenykre inatyhymy aōbo rarybereri: —Myike, abyre biwymy asŷ-ò ta mahe. ²⁵ Hābu tabyre rimymy tahe aòwesele tasŷ-ò rare. Deuxu riwowydynymy rare. ²⁶ Sòwemy iny ribedeòtiidŷŷnyrenrye. Riwowydynymy rŷimyhŷ. Tiiboho raryberenrye: —Aòwitxiramy wiji inyboho robirenyra. Tiu juhuu tukòre-ribi wahe robirenyra.

²⁷ Iribi tahe nieru bede dinodu nieru mynydumy robire, Levi heka inire. Tii heka raaòmysŷdŷŷnymyhŷ titxibo nieru tarasana-ki. Jesuisi tamy rarybere: —Manakehe wawana. ²⁸ Tahe taaōna ibutumy ririre, idi ihemy rare.

²⁹ Levi tahe taheto-ki roxinaò riòlòdŷŷnyre Jesuisi dee. Tamy rehemynyre nieru arisidu mahādu, tule fariseu mahādu. Ibutumy iny iarixina mahādu. ³⁰ Kia fariseu mahādu kia bederydŷŷdumy mahādu tyyritirybedŷŷdu mahādu kie heka aōbina binahylemy rarybereri Jesuisimy. Jesuisi terydŷŷna mahādu-wana kiamy raryberenrye: —Aòherekibo kaiboho teroxitenyteri, nieru arixidu-wana, òrarudu sòwe mahādu-wana. ³¹ Jesuisi rirawyònyre: —Iny awimy ratxireri-wana, òhotibedumy reaòmyhŷre. Webinadu mahādule ta tuu reamyhŷre. ³² Òbiti mahādu-ò aòkò heka jiarŷ anade rybemy. Tiibohole heka ixi-txi tòhòti reakemy idi watxireri.

³³ Tahe tiiboho Jesuisi-ò rarybere: —Joaõ heludu mahädu roxiõmy txumy rÿire. Tule tiiboho rexitðenyrenyre. Sõwemy rexitðenymyhÿre fariseu mahädu erydÿÿna tule. Tahe aijoi tahe riroximyhÿrenyre riõmyhÿrenyre. ³⁴⁻³⁵ Tahe Jesuisi tamy rarybere: —Hāwyymy heridu tÿmyra ijoi ratxikeki heka tiu itobidÿÿnana mahädu wahe. Kia heka riroximyhÿke. Kia tahe tÿmyra iribireny ratakreu, iijoi mahädu renarehekre. ³⁶ Tyky tÿmyraõ tiu tykytyby dõbðnamy iny ritidiõtyhy. Timyki dori wii wiðbydÿÿõna. ³⁷ Vĩĩ tÿmyra heka tiu aõirõdu tyky watxiwe yla tyby-ò rarareõmyhÿre, tukeki ta kia raykakre idi vĩĩ urile rejujukre. ³⁸ Vĩĩ tÿmyra heka hyna tÿmyra-ò rararemyhÿke. ³⁹ Inyõ vĩĩ tybyhykÿ riõkeki, itÿmyra rexitðenyõtyhy. Kiamyki rybe. Vĩĩ tyby dori itÿmyra-ribi awi rare.

6 ¹ lerydÿÿna mahädu rimyra maixõmo, maixõmo, debð-di riroxitytxi-wimyhÿ riymy idi rare. ² Fariseu mahädu tuu robire. Tamy rÿÿraxire: —Aõhe-rekibo ka wese tewinyteri. Kiamy heka iwidÿÿõmyke bede ywina rybe rary-bemyhÿre judeu elehydÿÿnymyhÿrenytxumy. ³⁻⁴ Jesuisi tamyreny rarybere: —Ihetxiu Davi tamahädu-wany rama risareu, Deuxu dohodÿÿna hetowo-ò rirõnyre. Tai Davi xiwena rÿsÿnale tajoi-wana rirÿsÿre. Xiwena wahidÿÿdule heka irÿsÿdure, inywitxira ta aõkõ. ⁵ Jesuisi ritÿnynyre tamy: —Häbutyhyhykÿ jiarÿ rare, Deuxu Riðre wahe. Kiata sabado wedu jiarÿ rare, elehydÿÿnymyhÿrenytxu wedu wahe.

⁶ Ixityre ralore dohodÿÿna mahädu heto-ò ròbedeerydÿÿkemy. Häbuõ tai rare tebð rabinamy. ⁷ Tahe fariseu mahädu Jesuisi-ò retehere. Riteyteynykemy kia häbu webinadu judeu elehydÿÿnymyhÿrenytxu. Rexiwodohonanyre. Kiatxuu tii riwinyrekeki tahe ribinanyke judeu elehydÿÿnymyhÿrenytxu, riwinykeki wahe. ⁸ Jesuisi rierymyhÿre aõmybo tiiboho raraykynyrenyeri. Jesuisi tamy ryryre, —Aõma häbu debðbina-ð: —Mynyike ini, ityareny-txi. ⁹ Tahe fariseu mahädu-ò Jesuisi rarybere: —Arÿÿraxikre inihe adeereny, awire adee ka häbu debð ariteytenyke sabado txuu. Aõbo adeereny awire sabadotxu widÿÿ. Aõwihikÿwidÿÿmy aõbo ada aõbina widÿÿmy. Rubu-ò wahidÿÿ aõbo ada rubu-ribi itarasa aõbo. ¹⁰ Retehere! Ibutu-ò idi häbu-ò rarybere: —Ebð inihe biditedsinyke. Tiu häbu tebð riteðsinyreu tahe, reytere. ¹¹ Reburerenyre heka. Timybo Jesuisi risÿnyrenykeny rexinohõtinyrenyre.

¹² Idi tahe Jesuisi heka hāwālòratyy-ò rare ixitòedÿÿmy Deuxu-ð. Rure-herehemy heka tamy rexitðenymy bede idi rÿire. ¹³ Txuijaramy tahe ludu mahädu-ribi waõinatxi reurð tacheludutyhy mahädu ritare. Tarybemy rybedumy rininirenyre. ¹⁴ Sohoji ijõ heka, Simaõ inire, Pedromy idi ranire, ijõ tahe Andre rare, iseriðre. Idi Txiau, Joaõ, Filipi, Bartolomeu. ¹⁵ Mateu, Tome, Tadeu Txiau, (Kia Txiau heka Afeu riðre rare.) Ijõ Simaõ Kana bedeluduõ rare, tasu-bedeluudure. ¹⁶ Juda Txiau riðre, ijõ Juda Isarið tahe Jesuisi tyhedÿÿdu rare. ¹⁷⁻¹⁸ Jesuisi dobehede bedero-ò hāwālò-ribi. Tahe sõwemy iny iheludu mahädu tii-wana rÿimyhÿ. Judeia bede mahädu Jerusalē hāwā mahädu. Tule Kalileia bede, Tiro hāwā, Sidō hāwā mahädu. Tiiboho wii ributunymy hāwā mahädu Jesuisi-ò roholakemy idi reytekemy. Kia tai ròteytedÿÿmyhÿ. ¹⁹ Ibutumy Jesuisi tyky-ò tamy adereximy risÿnymyhÿre adeytena iribi ròhònymyhÿ.

²⁰ Tamyreny retehere tai ibutumy rierynanyrenyre: —Kaiboho aõkõ-renyre-ki, beysebenyke. Deuxu Òlõna dori ahõrõreny rare. ²¹ Rama

arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi. ²²⁻²³Beysamy butxuenyke, inyō umy radōnykeki tule. Kaiboho dori Deuxu Riðre tetyhynytenyete jiarý tiire, Hābutyhyhyký Riðre wahe. Kia mahādu eramy ijira Riðre rýikeki beysake. Beysa tyhyki tai. Biu-ki dori aōwiwihiký bitakre. Deuxu rybemy rybedu mahādu tule rotýñnyrenyere iðraru-ki. ²⁴Kobe lāhāxe kaiboho ityhy mahādu abedesanarený dorihe rexi-hura. ²⁵Kobe lāhāxe ahādyreny mahādu, aramasanarený dori rehemynyre. Kobe lāhāxe abedesarený, ahinanarený dori abrunarený rehemynyre. ²⁶Kobe lāhāxe atyhydýý sōwereny tule dori. Ilabierený rybemy rybedutyhy aōkō rityhynyrenyere.

²⁷Warybe-ð taholatenyteriki inihe ararybekre. Aðludu luummy atxibenyke amykyaradurený-di, awimy idi mabeke. ²⁸Ibinamy aōma umy rarybekeki aōbinahaký riwinykeki, tamý bexitðenykre Deuxu-ð. ²⁹Aðsýny-ribi anahatenykeki iyre-ribi iwyðdýýmy tamý bexirahðreke. Inyō atyky riwykeki tule tamý arahana biwahinyke. ³⁰Iwese aōtxiu aōna inyō adee rexitðenykeki, tamý biwahinyke ixyby iribi iwydykōkemy. ³¹Aōbina inyō adee riwinykōkemy atximahāte. Iwese tiu kia aōhōkýmy inyō isýdýýōmykre. ³²Kai aluu mahādu sohojile iluuōmyke; òrarudu mahādu dori tuu rýimyhýre. ³³Kai aery mahāduòle tawotðemahāte, timyki Deuxu-ribi aō atarasaōna. Iny itxýte iehehe mahādu dori widee rawotðemyhýre. ³⁴⁻³⁵Òrarudu mahādu heka widee rihuòtemyhýre. Iribi tahe iwesele ixiby kidiwykemy idi riwisýnymyhý. Kai ta buhuòtemyhýre idi tehuòtete ixyby iraròsòkōmyke. Tukōkeki ta Deuxu-ribi aō atarasaōna. Aðludu luummy atximahābenyke. Tai Deuxu-ribi aōwiwihiký bitakre. Tai Deuxu wihiký riðremy mabekre. Tii dori inywi-ð inybina-ð awire. ³⁶Awimy kaiboho boibeke, iwese borený awimy biu-ki ratximyhýre wese. ³⁷Inyðdee kyarakōmyke tai Deuxu adee rakyarananyhený. Inyō tað-raruna biixāwididýñnyðkeki, Deuxu tahe aðraruna riixāwididýñnyðkre. ³⁸Ainytyhyke inyðdee imyna Deuxu adee rainytyhynanyhyyykre. Deuxu ibutumy aōwi adee riwahinykre. Tiwesebo tōwahite wesemyna idi Deuxu adee rōwahikre.

³⁹Aōmybo ribedeerynyre ijyyōmy relyyre: —Inyō ruetà heka riwiðhena-nyōtyhy iwitxira iny ruetà. Tukeki heka hāloo-txi wiwana resekre. ⁴⁰Iery-sýdýý iðrysýdýýdu, kia ratyre aōkō ratximyhý. Kia uladu ratyryritinyre nihi-kýmy tahe erysydu tiu taerysydýýdu ratyre ratxiōmyhýre. ⁴¹⁻⁴²Òwòrukre nihiký aruety-ki roire. Aòherekibo aseriðre ruety-ribi òwòru rýnysiò tarasamy tewisýnyteri. Kia heka itxenadýýdu tate. Juhuu òwòrukre aruewo-ribi bitakre. Idi tahe betehemy iruewo-ribi aōsòmo bitakre. ⁴³⁻⁴⁴Òwòru wihiký tiu bederaty binaò riwahinyōhyymyhýre. Tule òwòru binahaký bederatywimy raratynyōmyhýre. Òwòru raerymyhýre iraty-ð itxere rýimyhýreu, beraty-ð retehemy awire ada ibinare aōbo beraty-ð retehemy awire ada ibinare aōbo. Figoraty uvaraty tiu iwitxira òwòru-ribi raheōmyhýre. ⁴⁵Hābuwi heka aōwimy rotýñnymyhýre iwo-ki tuu rýimyhýremyna. Tule hābu bina aōbinamy rotýñnymyhý iwomy tuu rýimyhýremyna aōbina bina. Inyō dori aōmy araykymyhýremyna rarybemyhýre.

⁴⁶Kai rarybere boholaðkeki aōbo biwinykeki. Uritere wanidýýōmy. Wanyrýmy tiwaninimyhýtenyete tahe warybemynamy atxōhyylemyhýtenyete. ⁴⁷Tiwese hābu warybe riywinyre wese adee ararybekre. Tiu heka

ariteòsinykre. ⁴⁸⁻⁴⁹Hābuōmy akoreny arelyykre. Tii warybe-ò roholare idi imynany rotỹnyre. Tii kiata taheto riwinyre manadelemy ria-di. Beòra iheto reseòhyre manatyre-ki relereki wahe. Ikōmyta warybe-ò roholakōre, kawese rotỹnyre. Taheto uritere sukile riwinyre. Beòrau ta, urile resere. Ikyhyna-kōreki wahe. Kiamyta rotỹnyre warybe tyhydỹdu-ò idi ityhydỹdukō-ò.

7 ¹Jesuisci tarybe rahu-di tahe Kafanaò hāwā-ò rare.

²Tai Roma soldado dinoduò tai ihỹmyhỹ. Teòduò tahe binamy irubu iòhòmy roimyhỹ. ³Soldado dinodu Jesuisini-ò roholareu tahe, iòrysmy rarybere. Taita judeu mahādu kia matuariò rexitòenyre aōma kididykremy riteytenykremy kia webinadumy roireri. ⁴Tahe Jesuisci nade juhu be kiamy Jesuisci rarybere: —Ka hābu heka awi biwiòhenanykre heka. ⁵Ka hābu heka waijoi luu nihikỹ rare ihyymy ta dohodỹyna hetoò riwinyre waijoi-ò. ⁶⁻⁷Tai tahe Jesuisci rare tiiboho-wana. Tehemyny sỹ iòhòmy rare. Idi tahe ryrowetyakile Jesuisci-wana wii riòbnyre. Aōma soldado dinodu kia biòwa-ò wahe. Rarybere he aōma soldado dinodu kiamy rarybereri: —Noōmy heka. Ihārele teka awimy rareòle heka bedehe mynyke. Awi tate timy heka anaixiranyòtyhy dori raixỹruwỹhyre alau adee ixitòedỹ-ò aōma dori adee rybe rỹikekile aōweseleke wadeòdu kia reytemy reake. ⁸Jiarỹ dori inydee radỹdu jiarỹ rare. Aōbo riwinykemy. Kia riwinyre warybemynale kia heka jiarỹ rare. Wadeòdu-ò rarybewāhāraki heka: —Kia biwinybenyke. Riwinymyhỹreny. Kai tule marybeke, beyteke. Tahe aōwese reytemy reake. Robedeòtiidỹnyre, kia tuu raryberekwahe. ⁹Jesuisci ròkesereri kia rarybemyhỹò wahe: —Jiarỹ ka tiu judeu mahādumy-ki. Hābuōmy rabiò watyhydỹnamy. Rabireri riwatyhynyreri rabireri. ¹⁰Soldado dinodu deòdu ròkesereri. Ixyby reytereri idi ronyre.

¹¹Jesuisci rare terydỹna mahādu-di ijò hāwā-ò. Naĩ hāwā-ò heka rare. Kiemy rahyymy heka rahyire. Sòwemy iny iheki rare. ¹²Hāwā ijò-ki rehemyre tahe kia ibutumyle rehemyre. Sòwemy iny rubudu rareò wabede-ò. Weryrybòò rurure. Ise, wytese, heka iriòre sohojihyylere. Iny sòwemy heka riheludumy tahi-di taibru-di. ¹³Tai Jesuisci tuu robireu, idi rexiwòtenymy kamy rarybere: —Ibrukōmyke! ¹⁴Jesuisci debò ritidire caixaò-ò. Iu idi itxyydu ruhurenre. Idi tahe rarybere: —Weryrybò, bexixake wahe. ¹⁵Weryrybò rexixamy reamy ronyre. Idi rarybere. Tai tahe Jesuisci ise-ò riwahinyre. ¹⁶Ibutumy tasỹ mahādu ribedeòtiidỹdumy. Tai tahe Deuxu riwowydymyhỹreny: —Ebe, aòherewe, Rybedu nihikỹ kỹnyhe witxijumy inydeereny rehemyre. ¹⁷Kia taheka bede bede hāwāmy Jesuisini reare.

¹⁸Joaò heludu mahādu ibutumy tuu relyyre iko. ¹⁹Inatxinareny Joaò riteònyre Jesuisci dỹraximy kamy wahe: —Kaiwe nodu aòbo tate, ada txiò aòbo ini nodutyhy ariraòrenykre? ²⁰Idi Jesuisci-ò ròreny tuu itỹyraxidỹmy; —Kai we nodutyhy tate? Ta txiò aòbo ini ijò ariraòrenykre? ²¹(Iu ta Jesuisci yla aòkò webinadu, binanamy binana mahādu riteytenyra, tyytybybinamy ykydu mahādu, iruetà mahādu sòwemy tule.) ²²Irahu-di ta Jesuisci rarybere Joaò ijoi-ò: —Bòòsebenyke. Ibutumy kamy tabitenyta taholatenyta Joaòko-ò tuu belyybenyke: —Iny ruetà bina mahādu retehererimy, Iny rutière mahādu rariarerimy, tyybinamy binana mahādu reytererimy, iny nohòtity mahādu roholarerimy. Iny rubu mahādu heka rubu-ribi rexixarerimy, urimynodu mahādu heka Rybewihikỹ Tỹmyra-ò roholarerimy. ²³Iny bedesa heka rare, warybe tyhydỹdu mahādu.

²⁴ Joaõ heludu mahädu iribi rõhõnyreu tahe Jesuisi rarybere Joaõ bededÿÿ-nanamy: —Aõmybo wahe Joaõ-di tõhõtintytenyete aõmy tubedi nohõtintyrenyre tamy itxerena bederahy tõitenyteki wahe. Otxirade wese yhy-ki idi tahõtintytenyete. ²⁵ Aõma häbu urimynodutyhy aõbo tahõtintytenyteri. Häbu tyywihikÿdiremy tahe tahõtintytenyete. Iwese iòlò taheto wihikÿ-ki ratximyhÿre wesemy aõbo tahõtintytenyteri. ²⁶ Wadee manarybeke aõbo betehékemy tahõtintytenyteri. Deuxu rybeduõmy aõbo tahõtintytenyete. Inatyhy tii rare. Kia ratyre heka tii rare. ²⁷ Aõma dori tyyriti-ki rarybemyhÿre:

—Tii heka wakoki kadehemynykemy ratximyhÿre, tamy relyykemy, ryõ riywinymyhÿre.

²⁸ Inatyhy kaa rare. Tie heka ibutu häbu ratyre ratximyhÿre. Ihärele tahe inyõ Deuxu Iòlõna-ki ratxiheki heka iratyre ratximyhÿre. ²⁹ Tahe nieru butudÿÿdu mahädu kia-ò roholare. Tule sõwemy iny kia-ò roholare. Tiiboho Deuxu bede ywina tyhydÿÿdu mahädu roire. Tule Joaõ Sebedÿÿna mahädu roire. ³⁰ Fariseu mahädu tahe, bede ywina erydÿÿdu mahädu tahe Deuxudeewina dera rare. Tai Joaõ-ò ratisebemy roiõtyhy. ³¹ —Mowesebo heka wiji-nabòdu mahädu wesemy ratxireri. ³² Uladu mahädu wesemy tiiboho ratxireri. Tiiboho ijõ uladu mahädu-ò ryrymyhÿre: —Inyboho rawiunyre, tahe kaiboho teseõtyhy. Wobina wiu rawiunyre tahe kaiboho tahinyõtyhy. ³³ Joaõ Sebedÿÿdu renareherenyõmy rÿire, vii riõõre. Ihäre tahe kaiboho tarybete: —Tii tyytybybina-di ihÿre. ³⁴ Häbutyhyhykÿ jiarÿ rare, Deuxu Riðre wahe. Jiarÿ reroximyhÿre tule reõmyhÿre. Tai tahe tarybemahäte jiarÿ wabyre nihikÿlemy wamomohõkÿremy. Jiarÿ riki òrarudu liinatyhy heka jiarÿ rare, nieru tarasadu liina wahe. ³⁵ Ihäre tahe aõikõkõlemy heka taraykynymyhÿtenyete ihäre taheka õbitilemy ixi-di tahõtintymahätenyete.

³⁶ Fariseu mahäduõ heka Jesuisi ritobinyre taheto-ò roximy. Jesuisi tahe rare idi ronyre roximy. ³⁷ Kia hāwā-ki tahe hāwyyõ rasÿnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna õwyhykÿ rimyre. Alabastro aderõnahynani rare. ³⁸ Hāwyy tahe Jesuisi hewomy ronyre, iõhõmy. Tahe aderõna ritxiwire iwatyre. Tule iwa-ki ruworuwõmy ratximyhÿrube-di iwa risuhõra idi irade-di rabunyre. ³⁹ Fariseu kiamy robireu, ixideele rarybera: —Kia häbu Deuxu rybeduõ aõkõ rare. Tuukeki tii hāwyy rieryke aõhāwyybo tii ratxireri. ⁴⁰ Jesuisi tahe fariseu-ò rarybere: —Simaõ, adee ararybekemy watxireri. Simaõ tahe rarybere: —Manarybeke Waerydÿÿdu! ⁴¹ Tahe Jesuisi rarybere: —Nieru huõteduõ heka inatxi häbu-ò nieru riwahinyre. Ijõ 500 rihuõtera, ijõ tahe 50my rihuõtera. ⁴² Idi tahe häbu inatxi nieruõhyymy rÿire õõsemy tanieru tamy. Tai tahe nieru huõtedu riwo-tõenyrenyre tahe ritusanyre, wiwana iõwy riixāwididÿÿnyre. Tibo huõtedu ilāhānadÿÿdu tyhyre. ⁴³ Simaõ dirawyõnyde: —Kia õsana 500my rihuõtere. Tahe Jesuisi rarybere: —Inatyhy rare. ⁴⁴ Jesuisi tahe hāwyy, riijemy, tahe Simaõ-ò rarybere: —Kahāwyy ini bidiijeke. Jiarÿ nadehemynydeu, tii tarube-di wawa risuhõra. Kai beeõ tadiwyõte. Tii tarube-di riwawasuhõra. Iu tarade-di riwawarabunya. ⁴⁵ Kai tiwawehityhynanyõte rehemynyrau, tii tahe riwaatyõhyymy ratxireri. ⁴⁶ Kai warade-ki õlÿre tetxiwiõta tii tahe aderõna wawatyre-ki ritxiwire. ⁴⁷ Tai tahe adee ararybekre. Tii inatyhymy waluure. Taðraruna ixāwidÿÿna-ki. Inyõ iðararuna ibutemy raixāwidÿÿnymyhÿreki, tii inatyhymy aõkõ taðraruna ixāwidÿÿdu luure. Ijõ tahe inatyhyhykÿlemy

taòraruna ixāwididỹdumy reamyhỹre. ⁴⁸Tai Jesuisi hāwyy-ò rarybere: —Aòraruna reixāwididỹnyre. ⁴⁹Tai roxidu mahādu wídee raryberenyre: —Mohābubo kia rare? Tii òraruna riixāwididỹnyrerimy. ⁵⁰Tahe Jesuisi hāwyy-ò rarybere: —Atyhydỹnyamy textitarasadỹnyte aòraruna sōwe-ribi biu-ò hena tetateri. Mata hỹny.

8 ¹Rexideleny raremyhỹ ralòralòmy hāwā hāwā ikòkòmy reamy rare kia aōma Deuxu Rybewihikỹ Tỹmyra relymy rare. Tai ierdỹyna mahādu waòinatxi reuròmy idi ròirenyre. ²Tule hāwyyò tiiboho wana ròirenyre Ijòta Marie Madalena heka rare. Juhuu tahe tyytybybinahakỹ-di raremyhỹ. Idi debò inatxi reuròmy tyytybybina iribi riòlòdỹnyre. ³Ijòta Joana Kusa hāwyy rare. Tii iòlò Herodi heka aòmysỹdỹdu heka rare. Tule ijò hāwyyò Susana inire. Idi tule ihona hona Jesuisi taijoi-wana ibutumy tanierureny-di riwiòhenyrenmyhỹre.

⁴Idi iny sòwemy titxiribibo dirahude kia-ò. Kia mahādu-ò heka Jesuisi ribedeerynyre ijyyòmy. ⁵Alòbòròna-di dehuu heka ròhònyre taoworu-ò. Alòbòròna-di imahādu ijò ryro-txi resere. Tai heka iny rariamyhỹre alòbòròna tyre-ki. Nawii tule tuu riroximyhỹ. ⁶Mana rotysu-txi ijò rejuxunyreri mana rotysu-txi suu dori ibututere tai tahe iraruxiòlemy raumynyre. ⁷Ijò tahe edey-txi resere. Raumynyreu tahe edemy riòhỹtỹnyre. ⁸Ijò resere suwi-txi. Tai ta raumynyre idi sohoji alòbòrònaty-ribi 100my raratynyre. Jesuisi tamy rarybere: —Kaiboho òhòtirenidyeki heka inatyhmy warybe-ò bohohabenyke.

⁹Tai tahe Jesuisi-ò rỹraxinyreny: —Aòwe kaa tekewesenanyteri? ¹⁰Jesuisi rirawònyre: —Kaiboho heka teertyentye aòbohe wasimy ijyy rare Deuxu dori adeereny ritỹnynynyre. Kia tahe rare, Deuxu Iòlòna aòmỹdỹnana wahe. Ijò iny-ò tahe rarybere ijyy-di relyre.

Tai robikre tahe, rieryòtyhyke. Roholarenkyre tahe rieryòtyhyke, timybo juhuu Deuxu rybemy rybedu mahādu rarybere wese.

¹¹Aòmybo kia aòijyybo kia rare wahe. Alòbòròna heka Deuxu Rybewihikỹ wese rare. ¹²Ryro-txi resere heka ijohonadu wesemy rare. Deuxu ijyy heka resera ede sòwey-ki. Tii heka Deuxu Rybe-ò roholamyhỹre mahādu wese rare. Idi tahe Satanasi heka ritamyhỹre iworeny-ribi. Tai rityhynyrenkyòmy idi biu-ò rahenyòkremy. ¹³Ijò tahe manasuò-txi resere heka, kia Deuxu Rybe-ò roholamyhỹre mahādu wese rare. Rybe-ò juhuu roholamyhỹre deysana-di rityhynymyhỹre. Kia manatyre resera heka irarutiòhykre. Iny mahādu wese heka rare. Idi ikyhynakòreki, iwodelòlòtòmoreki urile tatyhydỹyna riatymyhỹre. ¹⁴Ijò tahe edesuyky-txi resere heka, kia Deuxu rybe-ò roholamyhỹre, idi iworekena sòwemy, iaòdelòlòtòmomy, idi ityhyna wahe urile riòhòtỹnymyhỹre. Tai ròwiòhenadỹòhyymyhỹre Deuxu tyhydỹyna-ki. (Kia tahe alòbòrònaò ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aōma kia inityhyna ratxireri. Tiu heka ityhỹdỹyna riòlòdỹòtyhy. Kia alòbòròna tahe tai heka rokuòtyhy.) ¹⁵Kia ijò alòbòròna suu witxi-txi reserá tasỹ iwi-txira inywesemy rare. Kia ijohonadu aōma rierymyhỹre. Irayky-ò ralòmyhỹre. Kia iwotyhywo-ò òbitimy ratxirerí tahe, òbitilemy aō riwinymyhỹre. Iwese kia alòbòròna sòwemy raty rawahinyre wese tahe tii rare. ¹⁶Ijò ijyy tahe kiamy roire. Uritere inyò loosònaò rideòmykre butxi rawo-txi ada herina

rawoō-txi aōbo. Loosōna bidekre bedewiō-ò. Tai tahe ibutumy bede ritoosò-nanykre. ¹⁷ Aō heka tai wasimy ratxiōhyymyhyre. Aōutxumy dori ibutumy erynamy rarekre. ¹⁸ Tahe bexijebenykre ijohona-ò. Kia sōwemy idi r̄yirerimy ih̄yre heka sōwemy rimykre. Kia urihimyò iwo-ki r̄yireri heka iribi ritakre. Idi ibutumy r̄yireri heka iribi ritakre. Urihimyò iribi iny ritakre. Urihimyò iwo-ki r̄yireri heka hulemy iribi ratakre.

¹⁹ Jesuisise, tariòreboho tamy doide. Tii ròbedeeryd̄ȳmyh̄ȳki isirare tamy dehemys̄ȳ iny sōwe òraru-ki. ²⁰ Tai inyò Jesuisi-ò rarybere: —Adihe wa ase-riòre boho hewa ahanakile ratxireri umy robikemy ratxirenyreri. Adee rary-bekemy. ²¹ Tai Jesuisi rarybere: —Waseriòre wa kia Deuxu rybe eryd̄ȳnaò rare. Kia tamy roholamynyrele heka rityhynymyhyrele heka nadi wesele rare. Tii-wana iwese waseriòre wesele rare.

²² Iribi tahe hāworo norukurenyreu Jesuisi rarybere: —Ròkòireny kanawe-ribi jà-ò. Idi tahe roirenyre. ²³ Jesuisi rōrōmy tòru-ki. Idi tahe yhyni-hik̄y òbònihik̄y-wana tamyreny reare. Ruberurenyre tiiboho r̄myrenyke lau. ²⁴ Tai tahe wylemy riixixanyreny: —Eryd̄ȳdu, Eryd̄ȳdu rekekoa-renykre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhumy resere. Òbò tule ruhumy ibutumy riyryre, iny rurukre. ²⁵ —Kaiboho tiwexe ainatyhynareny? Tiiboho rabedeòtid̄ȳmy ruberumy widee raryberenyre: —Aōhābuwe kaa rare. Yhyhyk̄y dori òbò dori irybemy reòbyreri.

²⁶ Kanawe-ribi jà-ò rehemynyreny Kerase bede-ò kalileia aho weribi-ò. ²⁷ Hābuō heka tamyreny dobehede hāwāhāk̄y-ribi tamyreny dobehede. Tiiboho riòtyrōny hāwāro-ribi iu ta tyytybybina-di ratximyhyre hābu tiu rexitynyōhyymyhyre taty-di hyymyhyre. Kiamy wabedekihyyle ratximyhyre. ²⁸ Jesuisimy robireu tahe bedetxile resere tairy-di rryre: —Aōhebo biwas̄nykre Jesuisi. Kai Deuxutyhy Riòre atxiteri. Uritere aōhōk̄my was̄-d̄ȳōmykre. ²⁹ Tahe Jesuisi heka tyytybybina iribi riòlòd̄ȳnyre. Sōwemy dori riuwinyre hābu rimymyta. Riuwinyre idi rihure. Tai heka tii uritiere womati reroti-di ritaataamy rijemyhyre. Ihāre tahe ixi-ribi riòrōmyhyre. Tai bedero-txi reamyhyre tyytybybinamy rawonymy. ³⁰ Idi tahe Jesuisi r̄ȳra-xire tamy: —Mobo anire? —Sōwemy wanire. Tyytybybina sōwemy dori tuu rexiykynyreki. ³¹ Tiiboho raryberenyre: —Uritere bedebinahāk̄y-ò wateòd̄ȳrenyōmykre. Uritere s̄ȳu-ò noōma rarekremy hālootxi-ò. ³² Iu tahe ix̄ni juramy riroximyhy hāwālò-ki. Tai tyytybybina mahādu Jesuisi-ò rarybere: —Biwateònyōke. Kowa ix̄nijura-ò biwateònybenyke aralorenkremy. Tai Jesuisi riòtenyreny. ³³ Iu kia hābu-ribi tyytybybina ròhònyrenyreu tahe ix̄niwo-ò ralòreki wahe. Raòlònyra jò-di rejuxunyre taraò wahe. Ibutumy ahoro-txi rejuxunyre. Ibutumy rururenyre berahatximy. ³⁴ Ix̄ni-di itxeredu mahādu ibutumy rajiranyra hāwā-ò tule relyyrenyre tuu iny ras̄nymyhyre mahādu-ò. ³⁵ Tai iny dirahude tamy itxeremy. Idi tahe rare Jesuisi-ò. Hābu robimyh̄renyre tatyky-di ronymyhy ibutumy rexiywinymy Jesuisi-ribi iòhòmy ronyre. Kia iny mahādu heka sōwemy ruberure rabedeòtid̄ȳnymyhyre. ³⁶ Ibutumy relyyre. Kia tyytybybina timybo aōhebo rot̄ȳnyremy. ³⁷ Kia Kadara bede ludu kia mahādu tahe rexitòenyre Jesuisi-ò iribi ròhònykremy, ilau ruberurenyreki wahe. Idi tahe Jesuisi ròkòsere ix̄ybyle reare hāworo-ò. ³⁸ Hābu tahe rexitòenyre Jesuisi-wana rakremy, kia tyytybybina-di iwo-ki

ratximyh̃y wahe. Tamy rarybere: ³⁹—Aōkōre bōkese aheto-ò. Ibutumy belyyke aōbo adee Deuxu riwinyremy. Tai ta ibutumy hāwā hāwā-ò relyyre aōhebo Jesuisi risỹnyremy.

⁴⁰Kia iny sōwehekỹ mahādu heka teysa-di rimyre ridyremyh̃yre riraðhyummy ratximyh̃yreny. ⁴¹Kia hābu dohodỹydu hetowo erydỹydu tahe nade Jesuisi-ò. Tii heka dohodỹynana dinoduò rare. Ijairu inire Jesuisi-ò sutxi resere: —Mynake wasỹ Jesuisi ⁴²Jiarỹ wa wariðre sohojile rare waðinatxi reuròm̃y iwyra. Tii ka rurukremy roireri. Idi ta Jesuisi rare isỹ-ò. Sōwemy iny Jesuisi riheludunyre.

⁴³Hāwyyō raremyh̃y heka hāwyy webinadu rare iòhò Jesuisi rexisỹny waðinatxi beðramy heka idi ròhòñyre hykyky hālubu ratxireri. Tiu heka inyò reteytenyōhyummyh̃yre luahidỹydu, òhotibedu mahādu he risirañyre. ⁴⁴Tai tahe Jesuisi tykysi-ò reare. Tai ta aōwelese reytemy reare. ⁴⁵Jesuisi rarybere: —Mowe watxi reare? Ijō rarybereri: —Erydỹy mahādu aōkōre, jiarỹboho aōkōre. Pedro rarybere: —Aōheta sōwe iny kaki rỹireri. Timykibo tuu tỹy-rayiteri. ⁴⁶—Jiarỹ dori reeryre. Mobo watxi rearaule reytera. ⁴⁷Tiihe hāwyy ratxiremyh̃y ramytatamy. Tamy ramytatamy heka tamy rehemyñyre. Iòrað rexibedeñyre. Ibutumy iko tuu relyyre. Aōherekibo itxi reriramy. ⁴⁸Tai tahe Jesuisi tamy rarybere: —Lerỹ, atyhydỹyna myna teyteta. Ta bexiywinymy-tahỹny maa!

⁴⁹Kie raryberemyh̃ywanale tasỹ iny witxiraōle dehemyñyde. Kia aōma dohodỹyna wedu heto-ribi dehemyñyde. Ijairu-ò rarybere: —Ariðre wa rurura. Uritere ta òhotibedu-ò ijiraōma ixinamy tii rakre. ⁵⁰Jesuisi kia-ò roholareu tahe Ijairu-ò rarybere: —Utile bityhybenykre. Breburenyōma tii reytekre. ⁵¹Tii rehemyñyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaō wana kiale ralòre tamy tiiboho wana. ⁵²Ibutumy rasỹbinamyh̃y Jesuisi rarybere: —Ibryrenyōmyke hewa rurumy aōbo roire, urile ròròm̃y roireri. ⁵³Ibutumy rieryrenyreri tiiboho urile tai idi risinyreñyre rurumy roimyh̃yki. ⁵⁴Jesuisi ihāre ta hirari debò-ki rimyre. Tai tahe idi rarybere: —Hirari, bexixamy, bodonyke. ⁵⁵Ityytyby aōwelese ixityre tamy ralore. Dexixade, donyde. Rỹs̃yna hirari-ò riwahinykemy Jesuisi rarybere. ⁵⁶Tai tahe tybyboho sōwemy rabedeòtidỹreñyre rabedesareñyre. Jesuisi rarybereri: —Utile wamy ijyyrenykom̃yke. Aōbo adeereny rewinyramy.

9 ¹Jesuisi tahe tawaðinatxi reurò taerydỹyna mahādu ributuñyre. Taruru tamy riwahinyre tytybybina iny-ribi ritakremy. Tule iny webinadu mahādu riteytenykre. ²Tule rarybere tamyreny: —Kaiboho belybybenykre Deuxu kia Iòlōnamy tule webinadu biteytenybenykre. ³Aō awanareny wydyyrenyōmykre debòna aōkō, aōna hyna tule aōkōre. Tule rys̃ynake aōkō, nieruke aōkō. Ainatxityyke aōkōkre. ⁴Hāwā-ki heto-ò-txi malòkeki taile bonykre. Hāwāribihyyle bōhòñykreu, kia heto-ribi bexitakre. ⁵Ibinamy aramyrenykreki, urile bixitakre. Idi òlōna-ki, awa bitòtyñykre ibinamy tai tahatenyaki. ⁶Tiiboho ròireñyre hāwā sōmo sōmo-di Rybewihikỹ Tỹmyramy relyyrenykeny ròireñyre. Tule iny webinadu ibutumy iteytenyreñyre hāwā hāwā-di.

⁷Idi tahe iòlò Herodi ibutumy heka aōna aōna rierymy ratximyh̃y. Tai tii bede ryy rieryōhyummy ratximyh̃y aōbo riwinykre. Roholamyh̃yre heka iny rybe rybe-ò. Joaō heka rexixamy ratxireri. ⁸Ijō tahe kiamy rarybereri:

—Eliasile ratxireri. Ijō rarybere Deuxu rybemy rybeduō ratxireri. ⁹Tai tahe Herodi kiamy rarybereri: —Jiarỹ heka Joaōra resymy rewahinyre. Mobo ratxireri iwese Joaō raremy wese he ratxireri. Moobo ta kiamy raholamy watxireri. Tai Herodi tuu robikemy riwisỹnymyhyỹ.

¹⁰Jesuisci eryna iko relyymyhyỹreny ibutumy aōbo aōhebo rotỹỹnyrenyremy tabededỹỹnana. Jesuisci riōlōnyrenyre ijō hāwā witxira-ò, Besaida hāwā-ò wahe. ¹¹Tai iny sōwemy hekỹ rieryōlemy idi ta rieryreu tahe sōwemy ihemy rare roirehe. Jesuisci he ributumy ikole relyyre. Deuxu Iōlōmy relyymyhyỹre. Tai rōteytedỹỹmyhyỹ webinadu mahādu. ¹²Aōtxu tahe katxioromy Jesuisci eryna mahādu, waōinatxi reurō mahādu tamy raryberenyre: —Bede biy-winyke ibutumy iny rỹireri hāwā-ò tarỹsỹna ōbradỹỹmy. Inyboho dori bedero-ki ratxirenyreri. ¹³Tahe Jesuisci rarybere: —Kaibohole rỹsỹna biwahinybenyke. Rirasỹnyrenykemy ierydu mahādu diwyōnydenyde: —Aōhere-tahaka, iruyre orotxu idi inatxi uturale heka roireri. Aroikemy aōbo wadi-reny atxiteri rỹsỹna ōbradỹỹmy insōwe-ò. ¹⁴Txibo 5000 hābu sōwemy heka rỹimyhỹ. Jesuisci rarybere: —Bihitxinybenyke 50 iny heka iny bisỹnybisỹnybenyke. ¹⁵Tii myna ieryna mahādu rotỹtỹnyrenyre. ¹⁶Idi tahe Jesuisci utura inatxi, orotxu iruyre rimyre. Biu-txi reteheremy rexitōenyre. Deuxu reālāre tamy rexitōenymy riyreyrenymy riwahiny taerydỹỹna mahādu-ò. Riwyrenyre tahe riwahiriwahinyrenymy idi roire. ¹⁷Ibutumy riroxirennyre idi rihydyrennyre. Ihāre ta waōinatxi reurōmy hyna ixyby rỹximy rauhenyreny. Idi ierydỹỹna mahādu ixyby ributunyre.

¹⁸Jesuisci heka ixisohojile rare ixitōedỹỹmy. Ierydỹỹna mahādu heka irarō-ki rỹimyhỹ riijemy rỹimyhỹ. Idi tahe tamy nade tỹỹraximy: —Moboho jiarỹ raremy wamy raryberenyre? ¹⁹Tai narybedenyde: —Ijō Joaō Sebedỹỹnamy adireri. Ijō ta Eliasimy adireri. Ijō ta juhuu Deuxu rybedu mahāduōmy adireri. ²⁰Jesuisci tamy rarybere: —Adeereny tahe. Mobo jiarỹ watxireri. Idi Pedro rirawōnyre: —Kai Kristu tate, Deuxu deōdỹỹna wahe. ²¹Tahe Jesuisci tamy rarybereri: —Uritere tuu iny-ò ijyykōkremy. ²²Jiarỹ Hābutyhyhykỹ, Deuxu Riōremy, aōhōkỹmy arotỹỹnykre. Judeu wedu mahādu, xiwena wahidỹỹdu wedu mahādu, bede ywina erydỹỹdu mahādu waderamy reakre. Jiarỹ arurukre. Inataōna txu-di arexixakre. ²³Idi ibutu-ò rarybere: —Wahemy kanake mahādu urile ixi dee rexiiōnykre. Txuō txuōlemy taitxēō rimymy kidiwaheludunykre. ²⁴Waōrary-ki rubudu heka biu-ò hedukre. Tukōkeki urile ixinany inatyhymy rurukre. ²⁵Aōmydỹỹnanamy iny ritakeki, tahe taume riōnonykeki, kia heka aōmy aōkōkre. ²⁶Inyō raixỹrukeki warybe lau tule jiarỹ Hābutyhyhykỹ, Deuxu Riōre wahe, tai ilau araixỹruke. Deuxuko-ò jỹuko-ò iu adehemynysỹu Deuxu Iōlōna-ki wahe. ²⁷Inatyhymy heka adeereny ararybekre. Ijō kaki rare. Deuxu Iōlōnamy robikre tarubukōtyre

²⁸Tahe debō inataō txuu rỹidi, Pedro, Txiau, Joaō-wana Jesuisci ridyre. Tiiboho sohojile bederatōd-ò roire Deuxu-ò rexitōenykemy. ²⁹Jesuisci rexitōenyrieriu tii tamyreny rexiwitxiranyre iu rexitōenyreu ityy heka urile rabōtōranyre. Iurahakỹmy relere. ³⁰⁻³¹Tahe tamyreny dexitỹnynyde Eliasi, Moisesi-wana tahe rarybemyhyỹre Jesuisci-wana. Jesuisci rubunamy Jerusalē hāwā-ki widee rarybemyhyỹreny, kia Deuxu bedeywidỹỹnana myna. ³²Pedrobobo rōrōrennyreri. Idi tahe rexixarennyreu, tiiboho Jesuisci loosōnamy robirennyre. Eliasi, Moisesi-wana tiiboho tuu robirennyre. ³³Rōireriu, Pedro

rarybere Jesuisi-ò: —Wawedu, awityhymy inyhe inyboho kaki ratxirenryeri tahe rikiwinyrenykre inataò hetomy, ijò adee, ijò Moisesi-ò, ijò Eliasi-ò. Pedro rieryòlemhyhre aomybo rarybemyhỹ. ³⁴Tai rarybereu Nonoe dobehede iubò-ròna bede ritòbònyre. Pedro, Txiau, Joaò-wana ruberumyhyrenyremy. ³⁵Tahe ròhònymy reare rybeuni iuribi: —Kia heka Wariòre waluu rare. Kaiboho tamy boholabenyke. ³⁶Tiiboho reteherenyre tahe inyòmy robiòlerenyre Jesuisilemy ta robirenyre. Tahe rybeòmy rỹirenyre. Iu inyò-ò aomy raryberenyòre tuu.

³⁷Tai tahe ijò txu ratò-ribi dehemynydeu iny sòwehekỹmy Jesuisi-ò ròirenyre. ³⁸Inyò rarybere: —Erydỹydu, wariòre adee redyreri. Beteheke wariòre sohoji-ò. ³⁹Tyutybybina rimymhyhre tahe riatyre bede-ò. Idi tahe urile txuu riyiyidỹnymyhyhre. ⁴⁰Aerydỹyna-ò jiarỹ rarybera tyutybybina riteònykremy, tahe tiiboho riixawidỹnyòhyrenyre. ⁴¹Jesuisi tamyreny rarybere: —Tiwesebededỹynanabo wijinabòdu ityhyòlemy rỹira. Tiwesebededỹynanabo akyreny-ki ariijekemy. Wadee uladu bididyke. ⁴²Tahe didydenyde Jesuisi-ò. Tahe tyutybybina urile riitxỹteitxỹtenymy resere. Idi tahe urile bede-ki rexiraòhòhòremy sutxi resere. Idi rarybexinymy. Rybexi irywomy ròhònymhyhỹ. Jesuisi tahe tyutybybina iribi riòlòdỹnyre uladu riteyteyre. Idi uladu tyby-ò riwahinyre. ⁴³Ibutumy iny Deuxu aòwidỹyna-di bede riòtiinyre.

Jesuisi taerydỹ mahādu-ò rarybere:

⁴⁴—Boholatyhyki warybe-ò, Deuxu Riòre Hābutyhyhykỹ heka rawahidỹykre hābu mahādubina-ò. ⁴⁵Tiiboho rierykòlere. Kiamy dori ilaureny riwore. Tahe ruberurenryre tỹyraxidỹyki.

⁴⁶Ryro-ki ierydỹyna mahādu widee rarybemyhyhre: —Mowexe wiratyre ityhykremy. ⁴⁷Jesuisireny rexiraykynymhyhỹreny rieryre. Idi tahe uladuò rimymy rarybere. Jesuisi uladuò wana ronyrenyra. ⁴⁸Tahe taerydỹyna-ò rarybere: —Moò uladu ka wese wadee riwiòhenanykeki, riwawiòhenanyre. Moò riwawiòhenanykeki, tule waha riwiòhenanyre. Mobo deòdumy reakre, tii ibutu ratyrekre.

⁴⁹Joaò tamy rarybere: —Erydỹydu, jiarỹboho riòlòdỹnyrerimy tuu rabi-renyra inyò tyutybybina-di animy rehureriò. Tahe iny mahādureny aòkò rare. Tahe jiarỹboho tamy reijònyrenyreny iny inyjoirenyre aòkòki. ⁵⁰Tahe Jesuisi rarybere: —Bijònybenyòkre. Inyò inymyrenyòdukòkeki, inyweribireny-ki tii rare.

⁵¹Tahe Jesuisi bededỹynana iixihidu iòhòmy idi biu-ò rakreu, tii Jerusalē hāwā-ò rakremy rexiywinyra. ⁵²Tahe takomy inybuta bede riywinyre. Tai itỹhinamy rutòmy Samaria hāwā-ò. ⁵³Tai tahe Jesuisi deramy rekoarenryre Jerusalē-ò ramyhyreki. ⁵⁴Txiau Joaò-wana kia rierymy tahe narybedenyde: —Wanyrỹhỹkỹ, adee wikeki heòty biu-ribi ityreny kedesekemy aritxuhorenkykre risòrenkykremy. ⁵⁵Tahe Jesuisi irybereny-ki ibinamy rahare tahe reburemy taò riòsere iribireny. ⁵⁶Idi ta iwitxira hāwā-ò roire.

⁵⁷Tahe Jesuisi taerydỹyna mahādu-wana roirenyreu, hābuò tamy rarybere: —Ihyymy awana arakre titxibo makreu, ahekile arakre. ⁵⁸Tahe Jesuisi tamy rarybere: —Ijòrò heka ihāloo dire. Nawii tỹtỹ dire. Tahe jiarỹ, Deuxu Riòre wahetoòre, Hābutyhyhykỹ rare hārele. ⁵⁹Tahe ijò hābu-ò rarybere: —Biwaheludunyke. Tahe tii dirawyònyde: —Wanyrỹ, Waha heka rurura. Tai tahe juhūu arituunykre. ⁶⁰Jesuisi rarybere: —Txioinihe, rubu mahādu

wii rituunyke. Kai tahe makre Deuxu lòlònamy belyykre. ⁶¹Ijō rarybere: —Wanyrỹ, araheludunykre. Urile juhuu wasỹ mahādu araweihityhynanykre. ⁶²Tai Jesuisi dirawyònyde: —Inyō ritelenykeki, tahe ixbybỳ òòsemy rexinohò-tinykeki, tii waheludu mahāduòmy rareòtyhy.

10 ¹Jesuisi 72 hābu heka ritare inatxi inatximy tako-ò tihāwāhāwā-txibo rakreò bede riywinyre. Kiamy tamyreny rarybere: —Waijyymy rybemy boibenyke. ²Kiamy heka tamyreny rarybere: —Waaòmysỹdỹña heka inihikỹ-di isirare. Iwese maixòmo iny riòròmyhỹre wese heka waaòmysỹdỹña rare. Maixòmo oworu heka inihikỹre, idi aòmysỹdỹñdu heka ibutere. Tai oworuwedu-ò aòmysỹdỹñdumy bexitòdenybenyke, Deuxu-ò wahe. ³Kiaboho heka budoeni wesemy iyreny-ki boibeke. Kia-ribi nohòti losaòmykre. ⁴⁻⁵Tai heka bexiije benyke anierureny wydỹòmy. Aòna aòna renhyhnykeò aòkò awareny wydỹòmy iny-ò ryberenyòmy iny iny-ò ryberenyòmy, rywetyatyamy abededỹña nodỹỹmy. Inyheto-ò malokreu Deuxu deysanamy birybenybenyke. ⁶Tii adee awirenykre wana heka teysakre kahetoludu. Tai tahe ixibyle adee Deuxu deysana ròòsekre adee awiòhyykeki wahe. ⁷⁻⁹Aòma hāwāò-ò malò-wana uritere deuròsò deòròsòòmy matxi-mahāke. Tai tehemy nymy atxiterikile bexiijemahā tetxilemy. Uritere rỹsỹna òta òtaò aubeò ritidi wana uritere rybeòlòòmy. Birỹsỹmy rybeòlemy. Awiòhedỹỹmy ruruke wana bimymyhỹ aòbo adee riwahinymyhỹre. Iny raaòmysỹdỹỹmyhỹre heka ròtamyhỹre. Kia wese heka biwinymyhỹke. Birỹsỹmahāke aòbo adee riwahinymyhỹke. Binaò roiwana biteytenymahābenyke. Kia wesemy tamy marybeke: —Deuxu lòlòna heka iòhòmy ihỹre. ¹⁰⁻¹¹Hāwāò-ò birònykeki, inyò aradyrenyòkeki, boibenyke hāwākỹ-di. Myỹ marybebenyke tamyreny: —Aòbo wawa-ki hāwā-ki rỹreri. Wawa aritòtynykre bryby iribi ròhònykremy. Adeereny ariteòsinykre nohòti ijaranamy tamyreny. Nohòti losarenỹòmy Deuxu lòlòna adeereny iòhòmy dehemynyde. Tahe kaiboho teramy tekoatenyde. ¹²Aòma ywisidỹñnatxu heka tiiboho aòhòkỹmy rotỹỹnyrenykre. Jesuisi rarybere: —Tiro hāwā Sidò hāwā heka awimy aribireny ròhònykre. ¹³Kobe làhāxe kai Korasĩ hāwā, tule Besaida hāwā. Òhotibe ayreny-ki rỹire, kia heka Txiru hāwā, Sidò hāwā tule kire-wana taò òta òtareny-ribi rexiatyreny. Tiiboho tykysausuhukỹtyre rexisỹnyre bryby-di rexiereny. ¹⁴⁻¹⁵Òhotibetxumy heka Deuxu raruxetòdenykre Txiru hāwā mahādu, Sidò hāwā mahādu! Kaiboho tahe aòkore. Deuxu araruxetòdenyòkre. Kai Kafanaò hāwā yludu mahādu aòbo adeereny rotỹỹnykre. Biu-ò aòbo bòibenykre. Aòkò heka heòtybina bede-txi heka boibenyke. ¹⁶Tahe Jesuisi taerydỹña mahādu-ò ixbybỳ rarybere: —Inyò aradyrenykre wana tasỹ-ò. Iwese riwadymyhỹre wesele, aradyrenykre. Moo adeereny roholamyhỹre iyru bu wadee roholamyhỹre. Wana tahe waderalemy reamyhỹre. Waderamy reamyhỹre tahe tule Waha deramy reamyhỹre. Deuxu wateòdỹñdu wahe.

¹⁷Tanonanarenỹ-ribi iribi tahe kia erydỹña mahādu ibutumy dòòsedenyde. Tiiboho heka teysa nihikỹmy dòidenyde. Tybybinanahakỹ heka irybe-ki ròhònyhỹre irybereny-ki. Riòlòdỹñnymyhỹreny wana Jesuisini-di heka ròhònymyhỹre kiamy Jesuisiko-ò tuu relyyreny. ¹⁸Tii rarybere tamyreny: —Bexiije benyke jiarỹ dori Satanasimy biu-ribi rabire, biudelaa wesemy reseremy tuu rabire. ¹⁹Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyò ruuòtyhy itytibòrò nihikỹ

arawerenykeki, tiu buruōtyhy. Tule kai aōludu rururatyre arurureny-di boi-bekre. ²⁰ Ihārele tahe uritere deysarenkōmy atxibenyke ka ruru ōraru-ki tytybybina deōdōyāna, ruru wahe. Kaiboho dori anireny raritinymy roimy-hyre biu-ki kia ta ateysanarenkykre.

²¹ Iule tahe Jesuisi reysare heka Deuxu Tytybytyhy iwomy reareu. Kiamy rexitōenyre: —Waha, kai wa biuwedu tate ibutu bede wedu tate. Umy reālāmy watxireri tamy retōenyre. Wadeysamy watxireri ka aōma dōyānana bederaremy nihiky iribi tewōmy atxiteriki wahe. Tamy hete iwese iny uladu wesemy rityhynymyhyre heka. Tai tahe tamy ritynynymyhyre. Kia adeewimy tuu rare. ²² Jiarhy heka ibutumy Waha wadee riwahinyre. Inyō rieryōhyymyhyre Waha wahe. Waōrarukile tahe iny rierymyhyre. Mobo Waha rare wahe. Waōrarukile dori rierymyhyre. Ijō aritynynykemy watxireri. Tai tahe tiki tule riery iruru. Taile rierykre. ²³ Rexitōenymy rahudi tahe wasimy iwōtemy heka rarybere taerydōyāna mahādu-ō: —Kaiboho heka sōwemy aōwiwihikymy tabimyhētenyte. Tai kaiboho beysabenyke. ²⁴ Ihetxiu heka Deuxu rybedōyādu wana kia aōmysyānanamy iōlō mahādu wana. Kaireny aōmydōyānanamy robi-kemy risyānyre, tahe aōkōhyyre. Wijile heka tuu robireri aōrarureny-ki. Tule tabitenyteri kaiboho ratximyhhy inatyhymy aōbo ōbitimy Jesuisi ijy-ō roholarenkykre tahe aōkōhyyre.

²⁵ Moisesi bede ywina rybe-di rāire Jesuisi lōyaxidōyāmy. Iwese kai ixi-luure wese, iny witxira luuke! Tii tahe Jesuisi rihixidōyāmy rarybere: —Aōhebo arotōyānyke biu-ō arahenykemy. ²⁶ Jesuisi dirawyōnyde: —Timybo kōnyhe Moisesi bede ywina tyryiti-ki roimyhhyre? Timybo tuu manarybekre. ²⁷ Tii tahe diwyōnyde timybo tyryiti-ki roimyhhyre myna:

—Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahāke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ō.

²⁹ Kia hābu heka rexiōbitinykemy idi ratxireri. Taita rarybere Jesuisi-ō: —Mobota waeryre? ³⁰ Tahe Jesuisi ikō relyyre ijyymy. —Judeu mahādu hābu heka ratyānamyhhy Jerusalē hāwā-ribi, Ijeriō hāwā-ō. Iribi tahe kia wasidu mahādu rimyrenyre. Inieru ibutumy iribi ritarenyre. Ity hyre raōdhōtere irubudōyāle rasiranyre ririre. Tahe ruruōki rōimyhhy. ³¹ Aōma judeu xiwenawahidōyāduō heka idi rare. Tahe hābumy robire. Idi hābu-ribi irehemy rexiemy reare. Tahe tōtxi rerikōle rare raty resere. ³² Hābuō rehemynyre tiie-ki dohodōyāna wiōhedōyāduō rare, Levita wahe. Tule ratyresemy ririre. ³³ Tahe ijō nade Samaria bede hāwā luduō heka rare. Judeu mahādu heka Samaria mahādu luukōre. Idi tahe kia judeu mahādu roimyhhy. Tahe Samaria mahādu hābu sōwemy riruxetōenyre. ³⁴ Idi tahe tamy rexitōmynymy tahe iwotōmona rituahinyry ritaataamy iwotōmona. Idi tahe ka hābu relyymy idi rare. Aōma ijumenta tyre-ō ritidimy. Idi rare rirarehu tahe heto-ō riti-dikremy ririkremy ridymy heka idi rare. Rummy heka ritōenyre hykyky idi bede nade awimy risyānykemy. ³⁵⁻³⁷ Rudile heka heto ōwy-di iwedu-ō heka nieru riwahinyre riōwynyre inatxi womati nieru. Tamy rarybere: —Biwiō-henanyre idi mabekre adōōsekke rirōkre. Moma arōnaderenykre Arōnade-benykre heka adiōwynykre adōōsekreu wahe. Ka hābuhe rarybere: —Hābu

bireludu ratxireri. Kia taruxetöenyre tiösinyre waha tieka idi häbubireludu ratxireri. Wimyräöludumyhÿre härele taheka riwiöhenanyre. Jesuisi tamy rarybereri. —Iwesele biwinykre iweseka häbu riwinyra weselemy biwinykre. Kai aöhebo botÿÿtyhy mahake. Iwesele wahe. Jesuisi rÿÿraxire: —Mobo häbu aötxino biöwa rare? Mobo ibireludu wahe? Bede ywina erydu tai rirawönyre: —Iwiöhedÿÿdu wahe.

³⁸ Jesuisi, ijö mahädu-wana röirenyre. Häwä-ö rirönyrenyre. Häwyyö rare Marta inire. Tahe ridyre tasÿ-ö tai ratxirenykemy. ³⁹ Tahe Marta heka iseriöre dire. Marie inire. Marie urile ibire-txi ronyra aöbo tarybeke roholakelemy. ⁴⁰ Marta heka raelelemy ratxireri. Aöna aönale rotÿÿnymyhÿle riwinymy taile rare ratximyhÿ. Tai tahe nade Jesuisi-ö rarybere: —Jikarÿ sohojile wa watxireri waseritxöre riwawiköhenanyköhykryeri. Kai anobohe köbitimy tai tahateri. Tamy marybeke riwawiköhenykeny. ⁴¹ Tai tahe Jesuisi he tamy rarybereri: —Marta, Marta, aöherekibo kai taelelemy teamy atxiteri? ⁴² Sohoji aömydÿÿnale heka awire. Marie awityhy aömydÿÿnana ixidee rimyre. Kia moo iribi ritaötyhy. Riwinymyhÿ awityhyreki wahe. Tamy rarybeötyhyö wadee roholarereri iribi ariölödÿÿnyke wahe.

11 ¹ Tiutxubo Jesuisi rexitödenymyhÿre, iny rieryölemyhÿre. Jesuisi rexi-hudi, ijoi rarybera: —Biwaerynanybenykre iwese textödenyteri wese, Joaö tahe taijoi riernanyre. ² Tai riernanyre. Kai bexitödenykeki, kawese marybekre:

—Waha, ani ibutumy tamywimy. Wylemy mynake iny ölödÿÿmy.

³ Rÿsÿna txuö txuölemy biwahinybenykre.

⁴ Inyöraruna biixäwidinykre, iny iwitxira-dori taöraruna ariixäwidinykre. Waatysyrenyömy öraruna-txi.

⁵ Jesuisi heka taerydÿÿna mahädu riernanyre ijyy-di: —Kai arÿsÿnaömy bonykeki, abiöwa-ö make ruetya rexitöedÿÿmy rÿsÿnaö huötemy bidiwykemy: —Wy, ahina inataö wadee bidihuöteke. ⁶ Wabiöwa rehemynryeri bedetÿi-ribi. Aö heka wawahisidÿÿkönare. ⁷ Tii ösana myÿ adee rarybekre: —Wadee ixitöedÿÿömyke ruetyahakÿmy. Arÿiötyhy waherina-ribi rexiyrubunymy heka räireri. Ibutumy iny heka rörömy rÿireri. Uladu, tule iumy rörömy rÿireri. Wadee ixitöedÿÿömyke. ⁸ Rexitödenhyhyhÿ tai hyhyhÿ rÿikeki tai ihärele rÿike. Abiöwatödenamy aökö kÿnyhe rÿike. Textödenyterikile rÿike. ⁹ Tai heka adeereny rarybereri. Bexitödenykeki, biwyke. Bijjeke aöbo teijeteri, tai tahe mahake. Ijö-töböna bihetenyke tahe adee riraynymy tahe malöke. Tai tahe adeereny rarybera. Ibutumy rexitödenymahäke, tamy riwahinymahäke. Ibutumy iny riijemahäke, tai rahake. Iny rihetenymahäke riraynyke. ¹⁰ Tai adeereny rarybere: —Ixitöedÿÿki iny aö rimymyhÿre. Aöitxe-ki aötxi ijara rÿimyhÿ. Ijö-di rötemy ijara-ki iny ralömyhÿre. Ijö-di rötemy ijara-ki, iny ralömyhÿre. ¹¹ Uladuö tyby-ö uturamy rexitödenykeki aöbo, hemylalaö tyby tamy riwahinyke irÿsÿnamy? Timyki tuuköna! Kaiboho kiamy aöbo botÿÿnybenykre? Timyki tuuköna! ¹² Uladuö tyby-ö häniesimy rexitödenykeki aöbo, itytibörö tamy riökre. Timyki tuuköna! ¹³ Kaiboho aöbina binahakÿdile tahötinymahätenyté, aöwihikÿ aöbohe ariörereny-ö biwahinyke. Boreny aratyre heka bede rieryke, Deuxu wahe. Tamy bexitödenybenykeki, tii Deuxu Tytybytyhy adeereny riwahinyke.

¹⁴ Ixityre tasÿ häbuö raremyhÿ irybeömy. Jesuisi taile ratximyhÿ tahe tytybybina riölödÿÿnyre iribi. Iu tytybybina iribi rohonyreu tahe, häbu

rarybere kia rybeōmy ratximyhÿré wahe. Tahe iny sōwehekÿ mahādu sōwemy idi rabedeōtiimy rÿire. ¹⁵Inyō tahe, inysōwehekÿ yluđuō tahe kiamy rarybere: —Kia diabo ruru-di, Belisibu ruru-di heka iribi riòlòdyÿnyre. Tii tytybybina mahādu wedu rare. ¹⁶Ijō tamy rarybere: —Jesuisi, araeryrenykre inihe aō biditeōsinykre wadeereny. Inatyhy aruru biuludu ratximyhÿre. Widÿÿnaō inihe wadeereny bitÿnynyke kialemy heka rarybemyhÿre urile riurihimy tamy aō itxerenamy riwinykelemy. ¹⁷Jesuisi tahe rierymyhÿ aōmybo raraykynymyhÿreny. Tai heka tamy tuu rarybere: —Kia iny mahādu wiribi hitximy raraykywydynykeki, tii tahe rexihuke itueke, sÿ mahādu tule wahe. ¹⁸Timybo Satanasiboho bede widee ribinanymyhÿrenyreki, awityhymy roirekre. Jiarÿ araeryrenyleri timybo taraykynytenyteri. Aōma Satanasi ruru-di tytybybina ariòlòdÿÿnykemy tarybetenyteri heka reeryleri. ¹⁹Kia riki ariwinykeki, kaiboho tule wawesele tewinytenynte. Timybo? Mobo awiòhedÿÿdureny rare? Satanasia aōbo? Kaiboho boibenyeke ixitòdèdÿÿmy awiòhedÿÿdureny-ò. ²⁰Jiarÿ Deuxu ruru-di ariòlòdÿÿnykeki, kaiboho bexii-jebenyke, Deuxu Iòlòna tahe adeereny iòhòra. ²¹Hābu deburehekÿ tadebòna-di taheto riyrubunykeki, rexityhynymy ronyke. Iaōmydÿÿna ibutumy iyrubudÿÿnamy rÿike. ²²Tahe ijō kedehemynyke iratyre teburetyhy, tahe iaōmydÿÿna ibutumy iribi riwyke. ²³Iny wawana aōkō ratxirerimy ihÿre, tii heka waribi hitximy ratixmyhÿre. Iny wawana aōkō ratxireri, tii tahe aōtxile ramyhÿre ixideòna. ²⁴Jesuisi ijō ijy relyre: —Iny-ribi tytybybina ròhònymyhÿreu, tii heka rake ixitawo-di rake titxibo. Rubumy rarunymy rake. Bedeō-ki rahakeki tahe, ròhòtinyke. Aròòsekre, tikibo rarawāhāòle. ²⁵Ixyby kòdòòsekeu tahe, isÿ ibutumy, tytymy roike iruxeraō. ²⁶Idi ixityre ijō rimyke debò inatxi reurò tytybybinaō. Idi tahe tamy rasÿnyrenyke. Iratyre tyhy wahe ibina. Iu kia ixisohojimy tytybybina-di aōmysÿdÿÿmy raremyhÿu tahe, ihewo-ribi rimyra tahe iroona-ribi tahe aōnityhymy releke. Ibinatyhymy tamy rare.

²⁷Iribi tahe hāwyyō rryre ibutu ijohonamy: —Hāwyky heka aratxurananyre, aratibienyhe heka iny bedekòby rare. ²⁸Tahe Jesuisi rarybere: —Deuxu Rybe tyhydÿÿdumy iratyre wadee awire. Deuxu deysanamy tamy kanakemy idi watxireri.

²⁹Idi tahe inysōwetyhymy dehemynyde Jesuisi-ò. Jesuisi kiamy rarybere: —Iny heka kia mahādu ibinatyhymy rÿire aōwihikÿle heka riijemy rÿire. Itxerenaōmy robikre ratxireri tahe itxerena Jonasi-ribi nadelemy tahe robikre. ³⁰Jonasi heka Ninive hāwā mahādu-ò itxerenaō heka tii rare. Tule jiarÿ heka Deuxu Riòre Hābutyhyhÿkÿ rare wijinabòdu mahādu dee itxerenaō jiarÿ rare. ³¹Ibòò mahādu bede konana-ribi iòlò hāwyy Salomaō bede eryhÿkÿ-ò ijòhonamy irehe-ribi nade. Wijinabòdu mahādu taheka naòhyy-mahāde wadee ijohonamy. Salomaō ratyre heka jiarÿ watxireri. Ikonana txu tahe ibòò iòlòhāwyy rÿikre rarybekremy. Tii rarybekre: —Anoherekibo Jesuisi deramy teakamahātenynte wahe. Timykibohe irybe bedekeryna-kò ijohokuna rÿikòmyhÿreki wahe. ³²Ninive hāwā mahādu tule rÿikre rarybekremy iwesele. Jonasi rybe tÿnydÿÿna-ki rexirāhÿrenyre. Kaki heka Jonasi ratyre hābuō ratximyhÿre, jiarÿ wahe. Wadee ijohonadu aōkō heka toite.

³³Moheka loosònaō rideòhyymyhÿre herinarawo-txi toosò iwasihi-kÿmy roosòmyhÿkemy. Tiiemy heka biuòhy rademyhÿre ibutumy bede

ratŷnymyhŷkemy. ³⁴Arue umy dori itŷnyny roimyhŷre. Arue awikeki heka ibutumy aumy awikre. Arue ibinakeki tasŷ aumy heka bedelorokile rŷimy-hŷkre. ³⁵Awo toosomy ratximyhŷre wana, bexijemahāke. Aumy biemahāke bedeloro-ki rurunyenye. ³⁶Bedelrohokŷ aumy-ki rŷiōmyhŷre wana, tai tahe boosokre ibutumy titxibo bede-txi mamahākre wana.

³⁷Jesuisi kiamy rarybereu tahe, fariseu mahāduō tamy rarybere: —Manake wasŷ-ki rikiroxikremy. Tai tahe Jesuisi rare, ralore, ronyre roximy. ³⁸⁻³⁹Jesuisi ronyreu, tebō risuhōōre. Tai tahe idi bede riōtiinyre. Jesuisi rarybere: —Kaiboho fariseu mahādu, ibutumy heka tESISUHōSuhōmahā-tenyte. Ebō tesuhōmahāte, aumy ibutumy tesuhōmahātenyte. Webōrōsityy-ludu wahe. Kaiboho heka isuhukŷlemy toimyhŷte ibutu aōikōkō-di isumy roimyhŷre aworeny-ki. ⁴⁰Iu heka òbitimy taraykynytenyōhyymahātenyte. Deuxu heka iwebōr ludu riwinyre, inatyhy? Tule aworeny, araykyreny wana riwinyre. ⁴¹Iny aōkō mahādu-ō maruxetōemyhŷbenyke. Tai tahe byrany-benykre heka. Ibutumy awo-ki, ahana-ribi tule ryranykre.

⁴²Kobe lāhāxe kaiboho fariseu mahādu. Kaiboho Deuxu dee tewahiny-mahātenyke uriōno. Debōwiō aō tetatenywana heka, sohoji tewahiny-mahātenyte. Tule aōmydŷŷnareny aoworoludurenyō tewyteny wana, tule tewahiny-mahātenyte. Kia awire, biwahiny-mahābenyke. Urile tahe teeryte-nyōhyymahātenyte Deuxu luuna, Deuxu òbitina. Biwahiny-mahābenyke heka Deuxu dee aōmydŷŷnaō. Tii tahe awire. Tule nohōti losarenyōmyke, luuna, òbitina. ⁴³Kobe lāhāxe kaiboho fariseu mahādu. Dohodŷŷna heto luureny ikoōhōkŷle heka torokomahātenyte. Kaiboho arybedŷŷnareny-ki awimy tahamyhŷtenyte. ⁴⁴Kaiboho kobe lāhāxe. Wobrona wesemy toite. Iwese iny rubuhāloo tyremy iny rariamyhŷre wese ierykōnamy, kiawesele toite.

⁴⁵Bede ywina bede erydŷŷduō heka tai ratximyhŷ. Tii tahe Jesuisi-ō rary-bere: —Erydŷŷdu, kai heka aōbinahakŷlemy wamyreny tarybeteri, kia wese rybe-ki. ⁴⁶Inatyhy rare. My tahe Jesuisi risŷnyre: —Inatyhy dori tule birony-benyke aōhōkŷmydŷŷnana. Iny dori adeereny rarybemyhŷre iny rybe bity-hynymyhŷbenykemy tahe ihārele tetyhynyōhyymahātenyte. Bede ywina ritidŷŷna tewiny-mahātenyte, ihārele tahe tiu heka tetyhynyōhyymahātenyte. ⁴⁷Kobe lāhāxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. ⁴⁸Kaiboho rubudŷŷdumy toite. Òbitile tewiny-mahātenytelemy ixidee tahōtinymahātenyte. ⁴⁹Deuxu tahe rarybere umyrenymy wahe: —Tahe jiarŷ aditeōnykre heka Deuxu rybedŷŷduō tule Deuxu deōdŷŷnaō heka aditeōnykre. Imahāduō birubunyenbenyke ihona tahe biteōnybenykre. ⁵⁰Kaiboho heka bede òrarumy boibekre kia rubudŷŷ òraru erydumy wahe. ⁵¹Abeli hālubu txiwina tahe xiwena hure rubuna. Idi tule Zacaria hālubu txiwina wahidŷŷna bire-ki heka Deuxu hetobire-ki. Kohe, ihure rubureny òraru-ki aōhōkŷhŷkŷmy biōwynybenykre. ⁵²Kobe lāhāxe, kaiboho bede ywina erydŷŷdu mahādu, bedeeryna ijō rayna dinoduboho wahe. Kaiboho tahe terōnyōmy bede eryny heto-ō. Tule inywitxiraō tetōeny-tenyte irōte lau.

⁵³Jesuisi rōhōnyreu, teburemy tiiboho ritŷŷraxinymyhŷre aōna aōnamy.

⁵⁴Tuu rōtŷŷraxidŷŷmyhŷre timykibo rirutaōnyrenykemy.

12 ¹Sōwemy iny tahe ributunyre. Ube tahe rŷiximy ratxireri. Tahe juhuu Jesuisi taerydŷŷdu mahādu-ō rarybere: —Fariseu mahādu, saduceu

mahādu urina biebenyke. Tiiboho dori ruidu mahādu roire. ²Wasimy wiji adeereny relyyre. Tiu ta ibutumy ijyynamy rŷikre ³Aōbo wasimy wiji taholate heka ibutumy biurasōmy ratŷnykre. ⁴Uritere iny lau brebuōmyke. Aumyle tii rirubunykre. Ijō ibinamy adee aōkō tii rotŷŷnykre. ⁵Iny lau sohojile breburenŷomykre. Deuxu lau ta buberukre. Tii dori atytyby bede bina-ō rahuke ixideewikeki. ⁶Nawiiō kaiboho bidymhŷybenyke iōwy riōre iny heka riwymhŷyrekre. Ibutumy heka Deuxu nawii rieryre sohoji sohojimy. ⁷Deuxu ara erymy heka aōma arati-ki tiwesebo aradeti rŷimhŷyrie-rymyhŷy. Brebuōmyke, aōma Deuxu heka anaerymyhŷy nawii sōmo ratyre heka rierymyhŷy. ⁸Kai marybeke: —Jiarŷ Deuxu retyhynyre dori tahe umy arelyyke Deuxu ŷjukomy rarybeke biu-ki wahe, jiarŷ Deuxu Riōre Hābutyhyhykŷ wahe. ⁹Iny sōwehekŷy-ki riwatxiōnykeki tule aritxiōnykre jiarŷ Deuxu ŷjuko-ō. ¹⁰Inyō Deuxu Riōremy aōbina binamy rarybekeki, irybe-ribi nohōtilosa rŷikre. Deuxu Tytybytyhymy tahe inyō ibinabinamy rarybekreki tahe, aōhōkŷmy rotŷŷnykre irybe òraru-ki. ¹¹Aramykeu heka uritere nohōtiōmyke aōmobo marybekremy ywisidŷŷna-ki. Bede heka ariwahinykre rybedŷŷnau. Rybeōmyke ikotyre. ¹²Kai ixiwanale aōkōre marybeke. Deuxu Tytybytyhy arāwiōhenanymhŷyreny.

¹³Hābuō insōwey-ki tahe Jesuisi-ō rarybere: —Wanyrŷ, Waha rurura. Waseriōre tahe ibutumy waha aōna aōna riwya ixidee sohojile. Tamy marybeke wadee ritxuranykemy. ¹⁴Jesuisi tamy rarybere: —Hābu, kia waaōmydŷŷna aōkō rare. Timybo ayreny-ki araywisidŷŷnyke? ¹⁵Tahe Jesuisi ibutumy iny-ō rarybere: —Warybe-ō bodoholabedenyke. Ixityhyōmy! Arutyhy heka aaōna aōna-ki aōkō rare aōna aōna sōwerehāre. ¹⁶Tahe Jesuisi ijyymy rōkewesenadŷŷy: —Hābutyhy riki ioworu nihikŷy. Tahe sōwemy rŷŷna ributunyre. ¹⁷⁻¹⁸Itheto tahe iyjare ibutumy ributunykemy. Tahe ixidee rarybere: —Aōhebo arotŷŷnykre? Waaōnaheto butumy aritxiwikre. Ijō iribi inihikŷmy ariwinykre. Tai ibutumy waaōwiwi. tamy aridekre. ¹⁹Tai tahe ibutumy waōwiwi-di areysakre. Arexielehynykre, ariroxikre, ariōkre. Waruhyy areysakre. ²⁰Deuxu tahe kia hābu-ō rarybekre:

—Hābu itxŷtere. Kai wijirulemy burukre. Tai tahe mobo aōna rimykre.

²¹Jesuisi taijyy rihure rexirybenymy. Kia heka aōhebo rotŷŷnyre iny ityhy mahādu. Tiiboho dori Deuxuōle ityhymy aōkō ihŷyreny.

²²Kia heka Jesuisi taerydŷŷna mahādu-ō rarybereri. Uritere nohōtiōlemy arŷŷna tule atyymy, idi matykynykemy. ²³Aumy heka rŷŷna ratyre aōnityhy ratximhŷy. Aumy heka atyky ratyre aōnityhy ratximhŷy. ²⁴Nawii-di betehebennyke. Tiiboho heka ioworuōreny. Tarŷŷna riyrubunŷomyhŷyreny. Deuxu heka nawii riyrubunŷomyhŷy, irŷŷna tamy riwahinymhŷy. Kaiboho tahe nawii ratyretyhy toite Deuxu dee. ²⁵Sōwetyhymy maraykywydynanykeki aōbo arumy arirarehemy mariake? Aōkōre! ²⁶Kia aō iyjare tahe Deuxu-ō. Kia biwinybenyōkeki, aōherekibo ijō aōna aōna nihikŷ-di tahōtinymhŷy? ²⁷Betehemy inihe noijasa-di. Aōma tiiboho raaōmysŷdŷŷhymhŷyreny. Ihāre tahe iruxerareny ity wiwihikŷyreny wese. Tyy ixidee riwinyōtyhy Deuxu rityyny wihikŷ heka tyy wihikŷ tamy riwahinyreri. Salomaō heka ityynihikŷ rare. Ihāre tahe ity heka awityhymy aōkō noirōsō wese. ²⁸Deuxu heka noijasa rityynymhŷyre kia wijilemy idi ihŷy. Biurasōmy tahe ixāwimy reamhŷy. Tii heka tyy adee kidiwahinykre.

Tai tii atyyreny. Tai ta ixinohōtiyredȳyrenyōmy. Aōherekibo ainatyhyna ibutere? ²⁹Tahe raykyōmy nohōtiōmy titxiribibo arys̄yna adee kanakredi. ³⁰Tyhyd̄ȳdukōdu mahādu heka tuure. Inytybyreny heka rierymyh̄yre aōmybo tarumahāte. Ibutumy heka arerymyh̄yre aōmybo teamyh̄yte. ³¹Tii Deuxu aōmy d̄ȳnana sohojidile maraykynykeki heka tii ibutumy adee riwahinykre. ³²Brebuōmy ahābenyke wariōreboho. Deuxu lōlōna adee kanakemy, Deuxudeewina wahe. ³³Aaōna aōna-di bohonybenyke. Iōwy tahe iaōkōdu mahādu-ō biwahinyke. Anieruhyna wiwihik̄ȳdile boibeke. Kaki ibutud̄ȳ-lemy heka biu-ō bibutunyk. Tai heka judōera aō rirōōtyhy tule rararyōtyhy. Tule tai wasidu ralōōtyhy. ³⁴Tikibo aōwireny r̄yikeki, tai heka araykyreny ratximyh̄yre.

³⁵Ijō tahe Jesuisi rarybere: —Kaiboho bexiywinybenyke, ibutumy aōhebo rot̄ȳnykremy bexiywinyke. Awereysanareny-di atyky beximyk. Aloo-sōna bitoonyke. ³⁶Deōdu mahādu wesemy boibenyke. Bexiwinynybenyke awedu dehemynyna-ō, tii worana bedehesi-ribi rehemynyremy wahe. Iu rehemynyreu, teōdu mahādu heka ijō riraynyke. ³⁷Tiiboho riraōrenykeki, deysamy r̄yike. Iweddu dori reximyk ityky wereysana-di tahe r̄ys̄yna teōdu mahādu-ō riwahinykre. ³⁸Tii ruwetyakile rehemynykeki, deōdu mahādu reysakre. Tiiboho dori rexiraōmy r̄ymyh̄yreny. ³⁹Tai heka iny rexiwinymy r̄ymyh̄ykemy rybe roimyh̄yre awedureny kanakreki. Aōma hābuō kanakeki heka tiu aōma hābuō itxeredumy ronykeki heka, tiu hābuō iribi rawasi-nyōtyhy. ⁴⁰Kaiboho tule bexiwinynybenyke wadehemynyna txu heka biijemy bonymyh̄ybenyke.

⁴¹Tahe Pedro rarybere: —Wanyr̄y, kai wadeerenyle ijyymy telyyte ada ibutumy iny-ō aōbo telyyte? ⁴²⁻⁴⁴Tahe Jesuisi riwyōnyre: —Aōtxile inyōdee, tibo deōdu taaōmys̄ȳd̄ȳna riywinymyh̄yre, kia idinodu tai awimy rahamyh̄yre tii dori r̄ys̄yna ōbitimy riōriōmyh̄yre. Idi tamy aōwiwi riwahinykre taaōna aōna-di itxeredumy tule ris̄nykre. ⁴⁵Tii iwitxiramy rexiraykynykeki tahe, ijō teōdumy raōhōtemy urile idi risinymy kamy rexirybenymy: —Wawedu dori wiji aōkō rarerikre. ⁴⁶Tai ierykōna-di iwedu kedehemynyk. Tuu rierymy iaōmys̄ȳd̄ȳna-ribi ritamy aōhōk̄my ris̄nykre ityhyd̄ȳdukōdu mahādu wese. ⁴⁷Deōdu tawedudeewi rierymyh̄yre. Tai heka tuu rot̄ȳnyōkeki, tii tahe sōwemy aōhōk̄my rot̄ȳnykre, ōhōtemy wahe, tamy riywinyōreki. ⁴⁸Ijō deōdu tahe tii iwedudeewimy rieryōkeki, tii tahe aōbinamy riwinykeki, tamy tahe urihimyo ōhōte tai r̄yike. Inyō sōwemy ityhykeki, sōwemy ijō iny tamy rexitōenykre.

⁴⁹Jesuisi ijō rarybere: —Heōty-di bede ariworonykemy heka jiar̄y anade. Tii ōte raworonykemy idi watxireri. ⁵⁰Jiar̄y ratisebenaōwesemy aralokre. Arurukre dori. Ele elemy r̄yikemy ixi-di watxireri. ⁵¹Kaiboho tahōtinyte wadehemynyna-di. Ywina adiwydemy wadi tahōtinyte. Aōkōrehe, bede jei jeid̄ȳmy anade iribi widee rahitxihitximy r̄yikremy. ⁵²Iruyre inys̄ mahādu heka widee rahitxihitximy r̄yike. Inataō iny iuhe ōludumy r̄yike. ⁵³Hābu mahādu heka tyby ōludumy rarekre. Hāwyy tule tadi ōludumy rarekre. Iriokorese heka tariōrelahi ōludumy rarekre.

⁵⁴Ijōmy Jesuisi rarybere: —Iu biuwetyky biura-ribi rōhōnyreu, Kaiboho kia rybemy tarybemaḥāteny te biu kōdōakre. Inatyhymy biu rōamyh̄yre. ⁵⁵Tule tarybemaḥāte. Yhy ibōō-ribi rebonyreu, bede ratōteekre. Inatyhymy

tuu ratôteemyhÿre. ⁵⁶Itxenadÿÿdu mahädu! Kaiboho kia terymahätenyte bede, biu aömydÿÿna tule iwitxira aömydÿÿnana teerytenykölemahätenyte, bededÿÿnana konana eryna wahe. ⁵⁷Ijô Jesuisi rarybere: —Kaibohole teywi-nyömyhÿtenyte, aöðbitinamy wahe. ⁵⁸Aöðrarumy heka aöludu umy rarybe-keki, idi ywisidÿÿna ube-ð aradykemy ratxireri, tii-wana widee marybeke idi widi bede biðbitinykemy. Aökökeki, tii aradykre ywisidÿÿdu-ð idi ròtenawo-ð soldado mahädu araròtenykre. ⁵⁹Tiu heka aölökömy heka mabekre. Ibutumy iöwy biðwynyke xiery bòhònyke.

13 ¹Tahe inyô Jesuisi-ð relyyre: —Pilato rybemynamy Kalileia mahädu rururenyre Deuxu-ð raxiwerenyrerid. ²Kia ta Jesuisi narybede: —Kaiboho timybo irubureny-di texinohòtinytenyteri. Ijô wiratyre raðrarunanyrenyrek i aöbo? ³Ture aökô, kaiboho bexirähîöbenykeki tule burubenykre irubureny wese. ⁴Iasÿse ijô. Iu Silêe hâwâ mahädu tyre heka heto rarie resereu 18 iny söwe riurbunynyreny. Aräÿÿraxikre Jerusalê hâwâ mahädu ratyre raðrarunanyrenyrek i aöbo? Aöbo tahòtinytenyteri? ⁵Kaiboho bexirähîöbenykeki tule burubenykre irubureny wese.

⁶Tahe Jesuisi kaa ijyy-wana rikewesenanyre, Figoratyð wese heka. Tahe Jesuisi kaa ijyy my delyyde: —Häbu oworu-ki figoðð rÿimyhÿre. Tii iraty dila-wijunyde tiubo. Tahe iraty-txi reaköre. ⁷Tahe häbu taoworu-di itxeredu-ð narybede: —Inatað wyramy relawijunyre tahe aököhyra. Urile ta biòròkre. Iraty ihoðreki, awi aökô rare. ⁸Tahe oworu-di itxeredu dirawyðnyde: —Wawedu, txioini kawyramy idi warukikre, isu ariywinykre. ⁹Aököhykreki tahe urile raorokre ijô wyrau.

¹⁰Judeu mahädu elehyna txuu Jesuisi rotohodÿÿmyhÿ judeu mahädu dohodÿÿna heto-ki. ¹¹Tai ta hâwyyð ratximyhÿ. Tii 18 beðra webinadumy ratximyhÿ tyytybybina ðraru-ki. Tii iumy rarabunumy rariamyhÿre. Ixitaradÿÿ risiranymyhÿre. ¹²Jesuisi tuu robireu, tamy narybede: —Hâwyy, kai heka teytemy tate. ¹³Tahe Jesuisi tebömy rimyre iuleta reyttere. Tai tahe hâwyy heka Deuxu riwowydynyre. ¹⁴Dohodÿÿna heto wedu tahe ibinamy Jesuisi-ki rahare, judeu mahädu elehynatxureki wahe. Takamy inyreny-ð narybede: —Debð sohoji reurð txumy aömysÿdÿÿnamy rÿimyhÿre iu heka adeytemy ixi-di bòðdimyhÿke, judeu mahädu elehynatxu ta aököre. ¹⁵Tahe Jesuisi dirawyðnyde: —Kai, itxenadÿÿdu tate uriteremy iximy rybedu. Kaiboho judeu mahädu elehynatxu dori abroreni, aawaru heto-ð toimahäte tuu teesenyumahätenyte, tedymahätemy idi ibemomodÿÿmy bidybenykremy.

¹⁶Kaa heka Abrað riore riòreð heka Satanasi 18 beðramy rimyre. Aöhe-rekibo ta iribi retarak i sabadotxu ibinamy tahateri. ¹⁷Tahe Jesuisi ðludu mahädu raixÿrurennyre Jesuisi rybe ðraru-ki. Tahe ixÿ mahädu awityhymy tai rahamyhÿ iòraru-ki. Ibutumy reysarennyre.

¹⁸⁻¹⁹Tii rarybera: —Deuxu Iòlòna wexe aöwesere. Aö-ð wexe rikiwesenanyrenykre. Tiwexe ijyy kawesere? Deuxu Iòlòna heka alòbòròna sòmo sòmo wesemy ratximyhÿre. Raumynyreu heka òwòru rariwesele relemyhÿre. Nawiile tuu rÿÿtÿnymyhÿre kia òwòru-ð.

²⁰Ixityre tamy rarybere: —Aö ijyy wese heka Deuxu Iòlòna rare. Aöwexe rikiwesenanyrenykre. ²¹Pað ixiòlòdÿÿna wese rare, iuri rare. Hâwyy pað riwinymyhÿreu, inatað urihixina-ki iuribemy riurinyumyhÿre. Tai tahe raubÿtÿmyhÿre, rexiòlònymyhÿre.

²² Jesuisi tahe Jerusalē hāwā-ò rareu, hāwā hāwāmy rotohodýŷmy. ²³ Iu inyò ritýŷraxinyre: —Wanyrý, Hedu mahādu we sówekre aóbo? ²⁴ Jesuisi tamyreny narybede: —Bexityhynybenyke ijòyja-di birònybenykemy. Sówemy iny tahe ròtemy reakre tahe ralòòhykre. ²⁵ Hābuò kie taheto ijòtòbòna ritò-bònyre. Iu kaiboho uritere bydyrydenykre: —Wanyrý, aralòrenyke ini. Kiata tii anawyònydenykre: —Tiludubo toite, araeryrenyòre. ²⁶ Kamy ta bidiwyònydenykre: —Inybohole riroximy roiremyhý. Wahāwāreny-ki tòbedeerydýŷmyhý. ²⁷ Ixityre anawyònydenykre:

—Boibenyke aóbina bina widýŷdu.

Tiludubo toite dori reerykòre. ²⁸ Deuxu iòlò-ki Abraómy, Ijaimy, Ijaómy, tule ibutummy Deuxummy rybedu mahādumy bobibenykrey, kaiboho malòbenyòtyhy. Tai hii, ibru, jumytata rýikre. ²⁹ Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hāwāmy. ³⁰ Kiaremy ta, koludu mahādu heka ibutuhewomy kedeakre. Ikòmyta, hewoludu mahādu, kolumy kedeakre.

³¹ Iu ta fariseu mahādu Jesuisi-ò narybedenyde: —Mahenyke, Herodi dori arubudýŷmy araijereri. ³² Jesuisi dirawyònyde: —Bòðsebenyke kamy ijòrò-ò marybebenykre: —Jiarý tytybybina iny-ribi retareri, tule ròteytedýŷreri wiji biurasòmy. Ijò txummy ta waaòmýsýdýŷna arihukre. ³³ Kiaremy ta kia rewinyreri arihukre. Deuxummy rybedu dori Jerusalē hāwā-ki sohojile rurukre, iwitxira hāwā-ki ta aòkòre. ³⁴ Jerusalē, Jerusalē hāwā, amahādu heka rirubunyreny Deuxu rybedu mahādu wahe. Iwese hānie tariòre ributunymýhýre wese terawo-ò, kia wesele arayrubunykemy rexinohòtinyre tahe kaiboho terareny. ³⁵ Aheto-ribi heka Deuxu rexitakre. Kaheka ararybekre adeereny: —Wamy heka bobiòtyhy ixityre. Tiutxummy kamy bexirybenykre bede-ò, myŷ:

—Deuxunimy nodu awityhy heka rare. Kiaule wamy bobikre.

14 ¹ Sabadoóu Jesuisi heka fariseu mahādu wedu mahāduò heto-ò ralore roximy. Tahe iny idi retehemyhýreny. ² Iu inyò taruti, tadera-di tari-tari-di tamy dehemynyde. ³ Tahe Jesuisi narybede bede ywina erydýŷdu-ò, fariseu mahādu-ò: —Sabado txuu deytédýŷwe awire aóbo, aòkòre aóbo. ⁴ Tiiboho rirawyònyòhyre. Tahe Jesuisi hābu riteytenymy bede riywinyre iribi tahe riòlòdýŷnyre. ⁵ Ixyby narybede Jesuisi: —Txibo kaiboho ariòreò ada abroreniò hāloo-txi resekeki, bitabenyke Sabadotxu hārele. Aòhe inatyhy. ⁶ Tiiboho rirawyonyòhyre.

⁷ Tahe Jesuisi roxidu mahādu-di retehemyhýre. Tiiboho dori rynana wihiký-txi ronymýhýreny. Tai kamy tamyreny rarybere: ⁸ —Txibo inyò bedesanaò araarikeki. Uritere rynanawi-ò rýòmykre. Txibo dori inyò aratyre ityhy kanake lau. ⁹ Tukeki bedesa dinodu inyò aratyre-ò arynana-txi ronykemy adee kanarybekre. Tai tahe maixýrummy rynana bina-ò bonykre. ¹⁰ Kialemyta inyò araarikeki, rynana bina-txi bonykre. Tahe bedesa dinodu adee kanarybekre: —Wy, katxi bodonyke rynanawihiký-ò. Tai tahe kai mabedesakre ibutuko-ò. ¹¹ Tahe ixityhydýŷdu mahādu uritere reakre. Kòmyta uriixi dinodu mahādu rawowydykre.

¹² Tahe Jesuisi bedesa dinodu-ò rarybere: —Txibo roxina biwahinykeki, uritere asý mahādu, aery mahādu, ityhy mahādu aarixiòmykre. Urikò-ribi iwese teariteri wese araariheny. ¹³ Tukòmyta roxi biwahinykeki, uriteremy

rÿira mahādu, iny tiere mahādu, iny ruetā mahādu biarikre. ¹⁴Tai adey-satyhymy mabekre. Tiiboho dori tiu ixiwesemy araariōtyhy. Deuxu tahe aōwydÿÿdukre iu bede awikreu.

¹⁵Ijō roholare Jesuisi rybe tai tamy rarybere: —Deuxu Iòlōna-ki, òwòru-bese rÿdu mahādu reysamy rarekre. ¹⁶Tahe Jesuisi rarybere: —Inyō roxina nihikÿō riwinykemy ratxireri. Sōwemy iny ritobinyre. ¹⁷Rexihumy rÿireu, teòdu mahādu bede riywinyre iny kididykremy. ¹⁸Sohoji sohoji tahe tarybe tamy riwahinyre. Ijō taoworu tÿmyra-ò reteheke. Ijō kanaōtyhy heka. ¹⁹Ijō tahe broreni debòitue riòbranyre tai riurihikreki kanaōke. ²⁰Ijō tahe hāwyw herinamy rexihumy rÿire tai kanaōke. ²¹Teòdu tahe ròðsera tawedu-ò tamy relyyre. Tii reburere tahe rarybere: —Wylemy makre ibutury-di hāwā-ki. Ibutumy iny witxira witxira bididyke, iaōkō mahādu, itiere mahādu, ruetā mahādu wahe. ²²Iribi tahe teòdu ròðsera rarybere: —Ibutumy rewinyre wawedu, tahe heto rÿxiōmy rÿire. ²³Tahe iwedu ixybymy bede riywinyre hāwā-ribi ibryranyre-ò iny kididykemy: —Aruru-di bididyke, waheto dori rÿximy rÿirakremy idi watxireri. ²⁴Juhuu watobidÿÿna mahādu warÿsÿna riurihiōtyhy.

²⁵Iu sōwemy iny Jesuisi heludumy roire. Tai Jesuisi tamyreny rarybere: ²⁶—Kaiboho aōbo inatyhymy waluu mahādumy toite. Tuu tarybeta. Tahe boluu, adiluu, ahāwyyluu, ariðreluu, aseriðreluu, ixiluu ratyre waluuō-keki, wamahādumy aōkō boibeke. ²⁷Inyō riwaheludunykemy ratxireri, tii juhuu taitxeò riwykre. Kialemy tahe riwaheludunykemy inatyhymy. ²⁸Inyō heto rarie riwinykemy ratxikeki, juhuu iōwy-di rōhōtinykre. Inieru rimykeki tahe riwinyke, aōkōkeki tahe riwinyōtyhy. ²⁹Tii tuu rōhōtinyōkeki, tii ibute-lemy riwinykre tahe inieru ituereu, ibutumy iny idi risinykre: ³⁰—Tii taheto rarei ritelenyre tahe rexihuōtyhy. ³¹Iòlò wou riwinykeki, juhuu taaōbinadu mahādu-di rariamyhÿre. Idi rōhōtinyre. Ijō iòlò wawìd mil soldadomy ijō-dikeki, tahe tii debòwiòd mil ijōdikeki, tahe wou riwinyōtyhy. ³²Juhuu tahe teòdu riteònyre ijō iòlò-ò ireheribile tii-wana wou ixāwidÿÿmy rarybekemy. ³³Akireny tule iweselere. Ibutumy aaōna aōna biriōbenykeki, waheludu mahāduōmy boibeōtyhy.

³⁴Saa heka aōni awi rare. Tatxuberere rexihukeki tahe turibi ixāwike. ³⁵Tai tahe suurina-ki ahirana silÿna binakōki awiōhōtidirenykeki bohola-benyke warybe-ò. Suò awiōre, tule ahirana bitòbònykemy awiōre. Urile idi behuke. Kaiboho òhōtidirenykeki, bohola-benyke!

15 ¹Idi nieru tarasadu mahādu sōwemy tamy roholamy doide. Tule ijō iny òrarudu mahādu rehemynyre. ²Fariseu mahādu, tule bede ywina erydu mahādu kawesemy rarybere: —Kahābu ibinare. Tii òrarudu mahādu-wana riroximyhÿre, iny iehehe-wana.

³Idi Jesuisi riernanyre ijyy-di rawesenanyre. ⁴Kaibohoò òsana 100 budoeni ijōdire. Sohoji heka iy-ribi iōre. Kai aōbo makre ijesemy? Kohe, iuhe, 99, birike bedero-ki tahe biðryhyke. Aōhe inatyhy? ⁵Mahakre wana tahe eysamy atxikre. Tahe bidyke iuhe-ò. ⁶Taheto-ò rehemynyre, tasÿ mahādu-ò tahe ritobinyre: —Wawana ini kÿny bedeysabedenyke. Wabudoeni-ki rahara, iōreò wahe. ⁷Iwesetyhylemy taheka adee reerymahāre iny òrarudu mahādumy. Iu sohoji iny rexirahikeki, biu-ki deysana sōwemy rÿikre. Iny òbiti 99my tahe urihimyo biu-ki deysana rÿikre.

⁸Ijō Jesuisi relyyre: —Hāwyyō òsýny womati ura nieru debòwiò dire. Sohoji iõre-wana, tii riijeke inatyhy? Loosòna ritoonyre, iube riwysynyre, sòwemy riijeke ihyymy tahe tai rahara. ⁹Tii itxi reakreu, reysamy rýira. Iu tasý mahādu ritobinyre: —Wawana inihe bedesabedenykre. Wanieru-txi dokuri rahara. ¹⁰Jesuisi tahe ritýnynyre: —Iwesetyhyle biu-ki rare. Deuxu ýju mahādu reysamy roirenyre, sohoji òrarudu rexirahíreu.

¹¹Ixyby tahe Jesuisi narybede: —Hābuò iriòre inatxire. ¹²Tiutxumyta ihelýýna tyby-ò rarybere: —Waha, ibutumy aõna aõna burukreu wadee rawahikre, wijile bidiwahinykre. Tyby tahe iaõna aõna jura tamy riwahinyre. ¹³Iriòre helýýna tahe ibutumy taaõna aõna-di rare irehe-ò, iwitxira bedehāwā-ò. Tai aõbina binale riwinymhýre. Ibutumy tanieru tai rahure. ¹⁴Taaõwiwi rahu-di ta, tai rama ibede mahādu rahumhýre. Tii uritere reamhýwahe. ¹⁵Tahe aõmysýdýýnamy rarunyre. Hāwāduò tahe taixýniòwedýýdumy bede riywinyre taoworu-ò. ¹⁶Tai rama risamy ta ixýni rýsýna rýsýmy rexinohòtinyre. Tahe aõkõre. ¹⁷Kia tahe tóhòti deade. Kamy dixinohòtinyde: —Yla aõkõ waha aõmysýdýýdu mahādu irýsýnadireri iwana jiarý kaki rama warubudýýmyreri. ¹⁸Ixyby aròðekre. Kamy Waha-ò arexirybenymy: —Waha, Deuxuko-ò ako-ò rexiitxýtenyre jiarý raðrarunyre wahe. ¹⁹Ariòre wese aõkõmy wadi mabeke, waitxýte òraru-ki. Aaõmysýdýýdu mahādu wese ta ararekre myý tii ròhòtiny. ²⁰Tii tahe tyby heto-ò rare. Irehemy nadeò, tyby tuu dobide. Idi rexiwobrunymy tamy raijaranyre iwehityhydýýmy. ²¹Tahe tii narybede: —Waha, Deuxuko-ò, ako-ò rexiitxýtenyre jiarý, raðrarunyre wahe. Ariòre wese aõkõmy wadi mabeke, waitxýte òraru-ki. ²²Iule ta tyby teòdu mahādu-ò rarybere: —Wylemy tywihiký tmyra-di bityynybenyke. Debòò tebò-ò roikre. Waò-di rawanykre. ²³Tasýse broreni riòre dedi birubunyenye. Idi rikiroxirenykemy rekeysarenkyre dori. ²⁴Wariòre dori rubu-ribi wese rexixara. Ikõ-ribi itxi ijara rýira. Tahe rawobedesarenyre. ²⁵Iwana ta iumydelatahetoreny-ò dehemynymy nade taaõmysýdýýna-ribi. Tahe wobedesana-ò roholamy. ²⁶Tahe deòduò-ò narybede: —Aõhereriwe. ²⁷Dirawyònyde: —Ahelýýna kie ròðsereri aõhe rotýýnyòhyulemy. Tai boo broreni rirubunya. ²⁸Iumydelatai reburere ròte deramy reare. Idi tyby tamy nade riròtenykemy. ²⁹Tahe iriòre dirawyònyde: —Aõhe òhòkõ adee raaõmysýdýýnymhýre. Ibutumy arybe retyhynymy watximahāre. Ihāreta budoeni wadee tewahinyòhyumhýte, waijoi mahādu-wana idi arexideysanykemy. ³⁰Katahe ariòre urile aõnawiwi rahura wedena mahādu-wana. Ròðsemyta kai broreni riòrede tamy terubunya. ³¹Tai tyby dirawyònyde: —Wariòre iny ratximhýre kiaremyta ibutumy waaõwiwi heka ahòòle rare. ³²Iny bedesarenymy heka kawese rewinyre, wadee awireki. Ahelýýna dori ruruwese-ribi rexixara. Ikõ-ribi itxi ijara rýira. Tahe rawobedesarenyre.

16 ¹Jesuisi taerydýýna mahādu-ò relyyre ijyyò: —Hābuò inieru sòwere. Tamy deòduò ibutumy inieru-di raaõmysýdýýre ijò nieru ributunykemy. Ijòtxu tahe inyò rarybere: —Eòdu riki heka anieru-di òbitimy aõkõ raaõmysýdýýmyhýre. Anieru sòwemy rexihumhýre. ²Tahe didyde ixidee taonta retehekemy. Tamy rarybere: —Inatyhymy aõbo umy iny rarybemyhýre? Wanierumy tyriti aretehekemy watxireri. Òbitimy aõkòkeki, waribi arateònyke. Wanieru-di tiu maaõmysýdýýnyòkre. ³Tahe teòdu iximy rexi-raykynyre: —Wadinodu riwateònyke. Aõhebo arotýýnyke? Warurukõre dori

tahe aõmysÿdÿÿsira ariwinyõtthy. Tule ijõ iny-ribi iixitòedÿÿna riwaixÿ-rure. ⁴Reerye tahe, aõhebo arotÿÿnykremy. Aõwiihikÿ wabiòwa dee ariwinykre. Riwaterònykeki tahe wabiòwasÿ-ò arakre. ⁵Ibutumy nieru huòtedu mahädu-wana rarybere, tawedu-ribi huòtedu wahe. Tamyreny rarybere: —Tiwesebo tewyta wawedu-ribi? ⁶Tahe diwyònyde: —Adÿÿ rehuòtera, 100 hynamy wahe. Tai tahe rarybere ijõ: —Iwekre tahe wylemy biritinyke, 50 wahe. ⁷Ijõ-ò tahe rarybere: —Tiwesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke. ⁸Iribi tahe häbu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahädu heka aõmydÿÿnana erydutyhy rare, ityhydÿÿdu mahädu ratyre wahe. ⁹Tai tahe adee ararybekre. Kabede mahädu biòwamy boibeke, anieru-di. Tahe anieru ituekeki, Deuxu taheto wiwihikÿ-ò aradykre, biu-ò heto wiwihikÿ wahe. ¹⁰Aõmydÿÿnana aõ aõkõmy kai òbitimy masÿnykeki, tule aõ nihikÿmy kai iweselemy mabeke. Inyõ heka ibutemy wasikeki, tii tule aõ nihikÿmy rawasinykre. ¹¹Kaiboho heka kabede nieru-di òbitimy aõkõ atxibenykeki, tule biu-ki araròsòna bitaòtyhy, aõ wiwihikÿ inatyhy wahe. ¹²Iny witxira nieru-di heka òbitimy boibebenyòkeki, timybo anieru tyhy-di òbitimy boibeke. ¹³Inyõ iny inatxi deòdumy aõkõ rarekre. Inatxinaò dori iluukre, ijõ ta iluukòkre. Deuxu dee maaõmysÿdÿÿõtthy. Tiu nierurahi inatyhmy teamyhÿteki.

¹⁴Fariseu mahädu tamy roholareu, urile idi nierurahi risinyreny, tiiboho ire nieru ributunymyhÿreny bòdÿÿluureny. ¹⁵Tahe Jesuisi tamyreny rarybere: —Kaiboho heka òbitimy inyko-ò ixi-di atximahätenyte. Ihäre tahe Deuxu timybo toimahäte rierymyhÿre aõna aõnareny bina. Aõmy häbu rexihòtynymyhÿre, aõtxi-ki Deuxu-ò awiòhyre. ¹⁶Moisesi bede ywina rybe tahe tule Deuxu Rybedu mahädu awi rare, Joaò Sebedÿÿdu rehemynyreu tahe ixäwire. Iu tahe Deuxu Iòlòna Rybe wihikÿ tamyra ròhònyre. Kia tahe iny ritohodÿÿnyre. Ibutumy iny kia-ò ralokremy idi ratxireri. ¹⁷Biu, bede rexihuke tahe isiraòre. Deuxu rybe tahe rexihuòtyhy. Kia isiratyhy rare. Ityriti rybe wedenaò riònonyòtyhy. ¹⁸Häbuò tahäwy-ribi ixäwikeki, idi iwi-txira-wana roiikeki, tii òtadu rare. Häwy ixedu-wana tii roiikeki, òtadu rare.

¹⁹Ityhy mahäduò riki ty 0wyhykÿwiwi-di rexityynymyhÿre. Tii idi rexirabedesirananyhÿre. Awimyhÿre tuu ratximyhÿre. ²⁰Tahe urimynodu tyymy binadumy iijò-ki ixyby ixyby ratximyhÿre. Lazaru inire. ²¹Tii ityhy rÿsÿnauhe rirÿsÿkemy raòbirenymyhÿre. Ijòròsa dori itybinatòmý dirahumyhÿde. ²²Lazaru rurureu, ÿju mahädu ridyreny biu-ò ilabiereny rora-ò, Abraò wahe. Tule ityhy rurure idi rituunyenry. ²³Tahe rubu-ki rubu mahädu bedebina-ribi aõhòkÿmy dÿÿnana ityhy Abraòmý robire irehe-ò Lazaru tule irora-ki. ²⁴Tahe ityhy dyryde: —Abraò, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiarÿ dori raòhÿtÿhÿtÿreri kaheòtywo-ki. ²⁵Tukòleta, Abraò narybede: —Dàa aõwiihikÿ-di tatemyhÿ-di bexinohòtynke. Tukòlemyta Lazaru aòbina binahakÿle rimyre. Tahe kaki aõwimý Lazaru ratxireri. Tukòmyta kai ibymy atxiteri. ²⁶Ihäre ta häloohukÿ inyko-ki rÿire. Timyki kaludu kia-ò iòhòreseòna. Tule kia ludu kaò iòhòreseòna. ²⁷Hebose, Abraò walabie, kamy ityhy narybede, Urile Lazaru wasÿ-ò biteònykekò aõbo. Wasiòreboho deòwarisidÿÿmy. ²⁸Wasiòrereny dori iruyreny urikò-ribi kabedebina-ò

kòdòiheny. ²⁹ Tahe Abraõ diwyònyde: —Tiiboho dori Moisesi tyriti, Deuxu rybedu mahädu tyriti dire. Tii tahe tamy roholarenymy rityhynyrenyke. ³⁰ Ityhy narybede: —Aõkõre Abraõ walabie. Kia inyõ tarubu-ribi rexixamy ròdsekeki xiery ta, taðrarunaren-ribi rexirahĩrenyke. ³¹ Tahe Abraõ dirawyònyde ixby. —Moisesi tyriti rybe-ò, Deuxumy rybedu mahädu rybe-ò roholaõkeki, tii mobo rexixake tule ityhydỹyõna.

17 ¹ Tahe Jesuisi taerydỹyna mahädu-ò rarybere: —Kiemy inyõ wodohonadỹmy aradykre òraruna-ò besekey. Kobe làhàxe tii kiawesemy rotỹnykreki. ² Tii dori ibinatyhy rare. Wade heka kabera-txi mana-di rataataamy sỹy-ò reakenawi rare. Tukõmy uri-ribi watyhydỹydu tỹmyraõ riðrarudỹnyheny. ³ Bexiijebeny ta. Aityhydỹydu seriðre rexiðrarunanykeki, tamy marähĩke. Tii rexirähĩkeki, iaõna aõna bina-ribi bexinohõtilosanyke. ⁴ Txu sohojiõmy adee rexibinanykeki, kai tule ibinamy tai mahamy. Tii ixi-di rexiwotðenymy adee nakeki, tule idi bexiwobrunymy bexinohõtilosanyke iaõna aõna-di.

⁵ Jesuisi erydỹyna mahädu dexitðenydenyde: —Wanyrỹreny, wainatyhynareny ini bisõwedỹnyke. ⁶ Jesuisi dirawyònyde: —Ainatyhynareny heka sunysisõmo wesekeki, kamy bederarade-ò marybebentyke: —Bexitake inihe idi bera-txi myike. Tahe tii aratyhynykre. ⁷ Titxibo kaibohoõ eòdudirenykeki aoworu-di itxeredu ada budoeni-di itxeredu wahe. Tii taaõmysỹdỹyna-ribi kanalokreu, kawesemy aõbo tamy manarybekre? Wy, wylemy rikiroxikre dori. ⁸ Timyki kawese tamy arybeõna. Tukõmyta tamy marybeke: —Warỹsỹna biywinyke idi wadee, idi manakre. Ariroxikre dori. Wabyre arihu-di ta bexiðenykre. ⁹ Teòdu deòdumy rearahu-di aõbo, txiòtòetuukemy tamy rarybere aõbo. Timyki tukõna. Kiemy dori taaõmysỹdỹynale riwinyre. ¹⁰ Iu aõmysỹdỹynareny bihudi, iwese heka atximahābenyke kamy bexirybenymyhỹbenyke: Inyboho deòdule roire, aõtyhy aõkõ mynodu, iny aõmysỹdỹynarenyle heka inyboho riwinyrenyke.

¹¹ Jesuisi Jerusalē hāwā-ò ramyhỹreu, Samaria bedē, Kalileia bedē wotyā-di rare. ¹² Iu hāwā-ò-txi raloreu, debo ituemy sōwereny tyymy binamy mahädu iry-ò doide, tahe irehemy rexierenyke. ¹³ Iribi tamy drydenyde: —Jesuisi, Erydỹydu, wadireny ini bexiwobrunyke. ¹⁴ Turenny robireu, narybede Jesuisi-ò: —Xiwenā wahidỹyna mahädu-ò ixi-di itxerenamy bõike. Kia-ò rariamy roirenyreu, tahe reyterenye. ¹⁵⁻¹⁶ Ijõreny Samaria ludu mahäduõ reytemy iximy robireu, Deuxu riwowydỹynymy tamy dððsede, rawiunymy. Tatiowomy Jesuisiko-ò resere. Tahe rarybere: —Txiòtòetuuke. ¹⁷ Tahe Jesuisi ritỹraxyrenyke: —Debð itue wese, asõwerenyre? Titxibo ta debð inaubiõwaboho roire? ¹⁸ Aõherekiwe kaa iny witxira sohojile Deuxu wowydỹyõmy dððsede, Samaria luduõ wahe? ¹⁹ Tahe Jesuisi tamy rarybere: —Mynyke, idi makre. Atyhydỹyna òraru-ki dori teyteta. ²⁰ Idi fariseu mahädu Jesuisi-ò rỹraxyrenyke: —Tiubo Deuxu lòlõna kanakre? Tii diwyònyde: —Timyki Deuxu lòlõna dehemynysỹnamy inyõ robiõtyhy. ²¹ Tule inyõ kiau rarybeõtyhy: —Betehebenty inihe ka-ò: —Tukõmy aõbo: —Kowaki heka rare? Deuxu lòlõna dori aworeny-ki rare.

²² Tahe taerydỹyna mahädu-ò rarybere: —Tiutxumy heka Deuxu Riðre Hābutyhyhykỹ txumy bobibenykem y tahe bobibenyõtyhy. ²³ Tahe ijõ adeereny kanarybekre: —Bedetehebenty inihe kaò ada kowa-ò. Tahe iitxerenyõmykre.

²⁴Iwese tiribi tiò biu relaanyhỹre wese heka Deuxu Riòre Hābutyhyhykỹ txu kỹnyikre. ²⁵Delemy tahe tii aõhõkỹmy rotỹỹnykre. Wijinabòdu mahādu teramy reakre. ²⁶Noe bededỹỹnana wesemy heka rỹimyhỹkre. Iu beòra rariareu. Tahe Deuxu Riòre Hābutyhyhykỹ kedehemynykre iu. ²⁷Ibutumy heka worana bedehesi rỹire. Lisisò tahe rỹire. Hāwyy herina lisina rỹire iu. Iu tahe beòra rariare. Ibutumy ituere. ²⁸Lòò bededỹỹnana tule iwesere. Tiiboho worana bedehesidile rỹire. Tiiboho rityhynyòtyhy. Urile hetomy riwinymyhỹre, oworumy riwinymyhỹre, aõna-di rohonymyhỹre. ²⁹Iu tahe Lòò ihāwā-ribi ròhònyreu, Deuxu heòty ityre riteònyre. Biu-ribi heòty ityre resere enxofre-wana. ³⁰Iwesele txu tii heka rarekre heka, Wadehemynyna Deuxu Riòre Hābutyhyhykỹ wahe. ³¹Kiau tahe inyò ihetotyre heka rỹire. Malòkekò heka ahetowo-ò aõnamynamy. Inyò tule oworu-ki rỹire, taheto-ò aõkò ròðseke. ³²Lòò hāwyy-di mohòtinyke. ³³Inyò taumy riyrubunyekei, tii ruruke. Ijò tahe wadeewimy rurukei, tii taumy rayrubukre. ³⁴Adee rarybere: —Bede rurureu heka inatxi hābu ròròreri. Ijò heka rakre dynamy reakre. Ijò tahe rarikre. ³⁵Inatxi hāwyy heka rỹsỹna-di raaòmysỹdỹỹnyny heto-ki ratxikre. Ijò heka dynamy reakre, ijò heka rarikre. ³⁶Inatxi hābu heka oworu-ki raaòmysỹdỹỹkre. Ijò heka rakre dynamy reakre, Ijò tahe ririkre. ³⁷Ierydỹỹna mahādu rỹỹraxire. Titxibo rỹikre, Wanyrỹ? Tii rirawyònyre: —Titxibo iumy rubu roire-wana, rara tai wii ributunyre.

18 ¹Jesuisi heka ròkewesenanyre ribedeerynyreu. Kia wese heka tii ijyymy relyyre. Rexitòenyhykemy tii ribedeerynyre tule ixi-tòedỹỹ-ò ixirarenỹomy. ²Hāwāò-ki tahe hābu matuariò rare, tii tahe ibinare. Juizimy heka ratximyhỹre ywisidỹỹdu wahe. Tii iny rityhynyòtyhy, Deuxu lau ruberuòmyhỹre. ³Tule heka hāwyy wyteseò tai rasỹnymyhỹre. Kia tamy ramyhỹre sòwemy. Tamy rarybera: —Biwawikòhenakykre wahe. Wakòludu tahe riwahureri. Kywisidỹỹkỹdu kai atxiteri. Anoherekibo tiwawokutðenykòteri. ⁴⁻⁵Aòðhòkòmy hābu iaõna aõna òbitidỹỹ deramy reamyhỹre. Tahe Hābu ixidee rarybehyra. Inatyhymy jiarỹ inyò retyhynyòtyhy. Tahe hāwyy wytese sòwemy wadee rarybereki, jiarỹ ariòbitinykre iaõna aõna ibutumy iòludu-wana. Aõkòkeki tiemy kidiwarulòlðenyke. ⁶Tahe Jesuisi ritỹnynyre: —Juizi bina rybe-ò kaiboho bohòlabenyke. My wahe. ⁷Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitòenyre. Tii wymy riwiòhenanyke. ⁸Tii inatyhymy taijoi mahādu riwiòhenanykre. Jiarỹ, Deuxu Riòre Hābutyhyhykỹ wymy adehemynykreu, waty-hdỹỹdu-txi aõbo areakre.

⁹Tule Jesuisi kia ijyy relyyre, iny ixityhymy ixi-di ratxityhymy kia ijò inymy kiale radònymyhỹre. Kia tahe rikewesenanyre. ¹⁰—Iny inatxi hābumy heka templo-ò ròirenyre rexitòenykemy. Ijò fariseu rare, ijò tahe nieru arisidu rare. ¹¹Fariseu tahe rỹimy rexitòenykemy ixidee. My wahe: —Deuxu, jiarỹ aõhābubina aõkò rare. Tai tahe umy reàlāmy wahāre. Jiarỹ aõwasidu aõkò, aõðrarudu aõkò, aõòtadu aõkò. Iwese kowa nieru arisidu wese aõkò jiarỹ rare. Txiòtòetuuke tai. ¹²Semana sohoji heka wabyreò-di inatxitumy rewmyhỹre. Tule waaõna aõna ibutumy ijura adee rewahinyre. Debò-wiòna-ribi sohoji rewahinymyhỹre wahe. ¹³Nieru arisidu tahe irehemy rỹire. Biu-ò aõkò retehere, tahe rexihetenyre rexitòenyrerimy Deuxu-ò. My wahe: —Deuxu, biwawotðenyke. Jiarỹ òrarudu rare. ¹⁴Jesuisi ijyy ritỹnynyre:

—Adee ararybekre. Mobo teysamy taheto-ò nade? Ixityhydÿÿdu aõbo ada ijõ aõbo. Kohe ijõ tuure, ixityhydÿÿdukõ wahe.

¹⁵Tiiboho heka uladu tamy didydenyde. Iu Jesuisi tebò iratityre ritidimy ritxuhore awimy roirekemy. Tahe ierydÿÿna mahädu tamy idyrenyõkremy raryberenyre. ¹⁶Jesuisi rarybere: —Txidò, kididyke uladu wadee. Uladu wese dori Deuxu Iòlõna rare. ¹⁷Inatyhymy ararybekre: —Moõ heka uladu wesemy Deuxu Iòlõna rityhynyõkeki kia heka Deuxu Iòlõna-ò ralòõthyh.

¹⁸Idi tahe iweduõ rarybere: —Erydÿÿdu wihikÿ, aõwexe ariwinykre idi biu-ò arahenykemy. ¹⁹Jesuisi tamy rarybere: —Aõbo wa wihikÿmy wadee tarybeta. Hãbuõ tiu awiõre. Deuxu sohojile tahe awira. ²⁰Bede ywina tyryiti kai teeryte:

—Rubudÿÿõmykemy, tule òta òtaõmykemy, wasiõmykemy, tule

ruiõmykemy, iny wii itxenadÿÿõmykemy, adi biywinykemy, boo tule.

²¹Hãbu tamy rarybere. —Kia bede ywina rybe retyhynyhyllere, uladudihiyale wahe. ²²Jesuisi rarybere: —Kai sohoji aõmydÿÿnale aki nasiranyde. Kai makre, ibutumy aõna aõna-di bohonykre, idi tahe kia nieru biwahinykre iny aõkõdu mahädu-ò. Kia tahe aõmydÿÿnadikre biu-ki. Tahe manakre biwaheludunykre. ²³Kia rybe-ki heka hãbu rabadewore. Rexitare ibedewomy iaõna aõna sõwetyhyreki. ²⁴Jesuisi retehemy ibederyry-di tahe rarybera taerydÿÿna-ò: —Kia iny iaõna aõna sõwemy rÿireri, Deuxu Iòlõna-ò ralòke isirare. ²⁵Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlõna-ò. ²⁶Ijohonadu tahe widee rarybere: —Mobo tai biu-ò hedukre. ²⁷Jesuisi rarybera: —Inatyhymy kòaõboka hãbu-ò isiratyhyre. Deuxu-ò tahe ibutumy aõna aõna isiraõre. ²⁸Pedro rarybere: —Boholake, jiarÿboho ibutumy rerirenyra araheludunykre. ²⁹Jesuisi rarybere tamy: —Inatyhymy adeeremy ararybekre. Moõ walukeki, rybewihikÿ luukeki, kia heka ririkre: heto, taseriõre, tyby tadi-wana, tariõre, tabede, ibutumy waòraru-ki, Deuxu Iòlõna òraru-ki, ririkre. ³⁰Ka bedekile ritakre sõwetyhymy ibutumy aõna aõna. Ihãreta biu-ò rahenykre Deuxu-wana rasÿnykemy.

³¹Jesuisi taerydÿÿna mahädu ridyre inysõwe-ribi tamyreny rarybekemy: —Boholabenyke waijoi! Jerusalẽ-ò rokoirenykre. Tai iny riwarubunykre jiarÿ Hãbutyhy rarehãre, Deuxu Riõre rarehãre wahe. Iwese Deuxu Rybemy rybedu mahädu rarybere wese. ³²Tiiboho riwawahinykre judeukõdu mahädu-ò. Tiiboho riwabinabinadÿÿnykre, riwalahikre, watyre rarybexinykre. ³³Riwahetenykre òhòte-di, idi riwarubunykre. Ihãre tahe inataõ txu-di tahe adexixakre rubu-ribi. ³⁴Jesuisi erydÿÿna mahädu urile bederiõtiinyrenyre. Aõmybo tii rarybere rierythyõrenyre. Irybe tamyreny dori ierynatyhykõreri.

³⁵Iu Ijeriò hãwã-ribi iòhòmý roirenyreu, inatxi iny ruetàmý heka ronymyhÿ Jesuisi ibire-di rareu. Tiiboho nierumy rexitòenymyhÿrenyre. ³⁶Inysõwe-ò roholarenyre tahe, tii rÿÿraxirenyre: —Aõhereriwe. ³⁷Tahe tamy rarybere: —Jesuisi wa rareri Nazare hãwã ludu wahe. ³⁸Tahe ruetãò rryre: —Jesuisi, Davi riokore! Biwatòenyke hewa! Wadi làhà inihe bexiruxetòenyke. ³⁹Iny sõwemy tamy rarybere: —Iryõmyke! Ihãre ta tii rryrymyhÿre: —Davi riokore, wadi mawotòeke! ⁴⁰Jesuisi rryryre tahe rarybere: —Tamy byryke wadee kanakemy. ⁴¹Jesuisi tamy rarybere: —Aõmybo kai taruteri adee

arutÿÿnykremy. Tahe hābu ruetāhākÿ tamy rarybere: —Wawedu, ixityre arobikremy. ⁴² Jesuisi tahe tamy rarybere: —Makre, atyhydÿÿna kai aratey-tenyra. Kialehe rare. ⁴³ Aōwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowodynnyhÿ.

19 ¹ Ijeriō hāwā-ki Jesuisi rehemynyre. Idi rariareri. ² Tahe hābuō tahe Jesuisi riere. Zaqueu inire. Inieru sōwere. Tii nieru tarasadu weduō rare. Inieru sōwere. Tii heka iyjare tahe Jesuisimy robiōtyhy. Raōwōnyre tahe òwōru-txi. ³ Tii Jesuisimy robikemy risÿnymhÿ, tiu tuu robiōhyymy-hÿreki. Iyjare-ki tahe rexisiranyre. Kiemy dori iny rare rarie iko-ki rÿimhÿ. ⁴ Tahe ijoiko-ò rexiraōre tai òwōruō-ò raōwōnyre Jesuisimy robikemy iribi idi kanakreò. ⁵ Iu Jesuisi tamy rehemynyreu, biu-txi retehemy Zaqueu-ò. Narybede: —Wylemy bedeseke Zaqueu. Wiji dori aheto-ki bede wadi rÿike. ⁶ Tahe rabedesamy wymy resere. Awimy Jesuisi rybe-ki rahare. ⁷ Tahe inyō mahādu iōraru-ki kamy rexirbyenyreny: —Aōhewe Jesuisi iheto-ò rara? Tii iny òbikōmy nodu hārele wahe. ⁸ Zaqueu tahe Jesuisi rarybere: —Bodoholake ini, Wanyrÿ. Tahe waaōna aōna iwekre iaōkōdu mahādu-ò ariwahinymy ararekre. Tule txibo inyō-ribi rowasire inaubiōwa wawasi ratyre tamy ariwahinykre. ⁹ Tai Jesuisi narybede: —Wijityhyle kahābu sÿmahādu-ò henana rehemynyra. Kahābu tule Abraō riore riōrele rare. ¹⁰ Deuxu Riōre Hābutyhyhÿ dori iny òraranamy resere mahādu òrysmy itarasamy nade. Jiarÿ tiire.

¹¹ Jesuisi tamyreny rawesenanyre timybo Deuxu Iōlōna raremy. Jerusalē hāwā-ò iōhōmy ratximhÿre. Tai tahe Deuxu Iōlōna iōhōmy ratximhÿremy roholare. ¹² Tahe Jesuisi rarybere iny ityhyō heka: —Inyō nihikÿ heka rakemy ratximhÿre ijō bede-ò ratÿinykemy. Tai iōlōmy ronykremy rare. Iribi tahe rōdōre. ¹³ Tii tahe taaōmydÿÿnana ririre teōdu mahādu-ki. Teōdu mahādu debōwiomy heka womati tÿrÿrÿhÿkÿ nieruō sohoji sohoji tamyreny riwahinyre. Tamyreny rarybere: —Nieru bitakre, idi bibutunybenykremy adireny watxireri adooskreu. ¹⁴ Tahe kia bede ludu mahādu iōlō deramy ratximhÿre tai tahe tamy rybemy iny mahāduō riteōnyre: —Kahābu aōkō iny iōlōreny ronykre. ¹⁵ Ihāre tahe iōlōmy ronyre. Idi tahe tanieru wedu mahādu-ò rarariōwyre. Tiwesebo teōdu mahādu nieru ritare rierykemy. ¹⁶ Juhuludu tahe rehemynyre: —Wawedu, betehe inihe ijō debōwiō anieru ratyre rebutunyre. ¹⁷ Tahe iōlō sōwemy riwowodynnyre: —Awityhymyhe taaōmysÿdÿÿta. Kai heka deōdu wihikÿ tate. Kai ibutedile sōwemy tewinyte tahe debōwiō hāwā adee ariwahinykre. ¹⁸ Ijō tahe rehemynyre: —Wawedu, betehe iny iruyre anieru tyre rebutunyre. ¹⁹ Tahe iōlō tamy rarybere: —Kai sÿ iruyre hāwāmy dinodu mabekre. ²⁰ Ijō deōdu rehemynyre: —Wawedu, ahāxe anieru. Jiarÿ tyky-di reraserasenymy rerarennyre. ²¹ Jiarÿ alau raberure. Kai dori hābu nieru tarasaery heka tate. Aō taaōmysÿdÿÿteri-ribi aōkō heka nieru tetamahāte. ²² —Kai heka deōdu awi aōkō heka tate. Arybe xiery waribi arateōnykre. Kai tiwaeryte jiarÿ nieru tarasaery heka watxireri. Aō raaōmysÿdÿÿre-ribi aōkō nieru retamahāre. ²³ Aōherekibo. Kia nieru yrubuna heto-ki terikōte. Tai iximyna ratyre ini iribi ratare. ²⁴ Iōlō teōdu inatxi-ò rarybere: —Wanieru iribi bitabenkye. Ijō hābu sōwemy rōtareō rawahikre. ²⁵ Ijō raryberenyyre: —Tii heka debōwiō nieru ijōdire. ²⁶ Adeē ararybekre: —Inyō òbitimy raaōmysÿdÿÿkeki, tii sōwetyhymy ritakre. Tule inyō òbitimy raaōmysÿdÿÿōkeki, tii ibutumy rōōnodÿÿkre. ²⁷ Iwedu rarybekre: —Waōludu mahādu tahe wadee bididybedenyke. Wadera mahādu wahe. Wako-ki birubunyenkye.

²⁸ Tarybe rahudi tahe Jesuisi rare Jerusalē hāwā-ò.

²⁹ Jerusalē iòhòmy ritehemynyrenyreu, tahe inatxi taerydỹña bede riy-winyra hāwā-ò roikemy. Inatxi hāwā iòhòmy roire, Betabaji, Betỹnia-wana. Kia-ò Oliveira hāwālò roire. ³⁰ Jesuisi rarybere: —Kaiboho boikre kowa hāwā-ò. Kowa-ò birònykreu jumenta riòre mahabenykre. Moheka ityre rariaòlemy ratximyhỹre. Biesemy, wadee bididybedenyke. ³¹ Inyò adeereny rarybekeki: —Aòhekremybo idi atxitenyteri. Tahe tamy marybebenykre: —Wanyrỹ tuu rurureri. Ixityre kaò kidiòkesedỹnykre. ³² Tahe hābu roire. Iwese Jesuisi rarybere wese ibutumy rỹire. Jumenta riòre ryro hetoiyò-ki ritisanymy rỹimyhỹ. ³³ Tai riesereu, iwedu rarybere: —Aòherekibo teeseteri. ³⁴ Tai tiiboho Jesuisi rybe myna tamy raryberenyre: —Inynrỹ tuu rurureri. ³⁵ Tahe ridyrenyre jumenta riòre Jesuisi-ò. Tiiboho tatyreny ritidirenyre jumenta riòre tyremy. Tiiboho risỹnyrenyre Jesuisi ityre-ò. ³⁶ Jesuisi rehemynyreu, ijòboho tahe tauwòhi ryromy ritidire ityre rariakemy. ³⁷ Jerusalē iòhòmy rehemynyreu, Oliveira hāwālò-ribi, ierydỹña mahādu rawyhyra-rònyreri, tule ryreri.

³⁸ Tii heka wowodyna rare. Tii heka Wanyrỹ niwesekemy naderi.

Wowodyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

³⁹ Ijò fariseu mahādu rarybere Jesuisi-ò: —Marybeke aerydỹña mahādu-ò tiiboho riyrykemy. ⁴⁰ Jesuisi tamy rirawyònyre: —Tiiboho riyrykeki, manale wowodynamy rryryke.

⁴¹ Jesuisi Jerusalē hāwā-ò iòhòmy rehemynyreu, rahinyre. ⁴² Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre. ⁴³ Ijò txu kanakre. Ahāwā ibutumy rirurawonykre aòbina mahādu, aòludu. ⁴⁴ Ibutumy hāwā ituekre. Iny iwo-ki tule rurukre. Mana ibutumy kedeseke. Rierykòre dori tiubo jiarỹ ahedỹñrenymy nanade.

⁴⁵ Tahe Jesuisi dohodỹña hetowo-ò ralore. Tahe kia-ribi aòna aòna-di rohonymyhỹre mahādu, òbradu mahādu diteònyde. ⁴⁶ Rierynanymyhỹre tahe tamy rarybere:

—Raritidỹñòlemy aòbo rỹireri: —Waheto kōaòboka inatyhymy ixitòdỹña hetomy rỹirakre. Idi kaiboho tewinytenynte wasidu hetowesele.

⁴⁷ Txu ibutumy Jesuisi dohodỹña heto-ki ròbedeerydỹmyhỹ. Xiwe wedu mahādu, Deuxu aòmysỹdỹdu wedu mahādu roholarenyre, ròhòtinyrenyre: —Timybo inyboho Jesuisi rubudỹmy rikiwisỹnyrenykre. ⁴⁸ Tiiboho tahe aòkòhykre iny sòwemy dori bede riòtiinymyhỹ ibedeerynadỹna-ki.

20 ¹ Ijò txu tahe Jesuisi ròbedeerydỹmy, Ijyy Tarykya Wihikỹ wahe. Ririranymyhỹrenyre dohodỹña hetowo-ki, bede ywina erydỹña mahādu, Deuxu xiwena wahidỹdu mahādu wedu, tule matuari mahādu tamy doide. ² Tiiboho tamy rỹraxisrenyre: —Mowe atedỹdỹdure kia aòna aònamy tatỹnymyhỹtemy. ³ Jesuisi dirawyònyde: —Adeereny tule araỹraxikre. Kaiboho bidiwawyònykeki, tahe jiarỹ akoreny ýraxina ariwyòkre aòrudibò aòna aòna rewinyrahỹre. ⁴ Tahe Jesuisi ritỹraxisrenyre: —Mobo Joaò ratisebedỹmy riteranyre? Deuxu aòbo ada iny aòbo? ⁵ Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aòherekibo tahe tii tetyhynytenyòte. ⁶ Inyò riteranyremy rakaryberenykeki,

iny aruberuwÿhÿrenykre. Ibutumy iny dori Joaô rityhynyre tii Deuxu rybe-di rybedumy. Ijô ijoi mahâdu urile inyreny kidihetenykre. ⁷Tai tahe tiiboho raryberenyre: —Jiarÿboho reeryôrenyre. Tai tahe Jesuisi rarybere: ⁸—Hebo, jiarÿ adeereny iximy ararybeôtyhy modeôdÿÿnamy jiarÿ tuu watxirerimy.

⁹Iribi tahe Jesuisi tamyreny ijyy-di riernanymyhyre: —Hâbu uva oworuô wese rôbrôre. Tahe riôtitynyre. Tahe hâloo riare oworu ubetya-ki, ruÿdÿÿnyny. Tahe utô riwinyre. Idi tahe rityhere hâbu mahâdu-ò. Tahe rexitare tasÿ-ribi ijô bede-ò. ¹⁰Tahe bederaty siredemy bededÿÿnana rehemynyreu, iweddu teôdu riteônyre bederaty ritakemy. Tahe oworu-di itxeredu oworu wedu deôdu rimyrenyre, rihetenynyrenyre idi riteônyrenyre ixihyylemy. ¹¹Ixityre oworu wedu teôduô riteônyre. Kia heka irati rihetenyrene ta tamy rawobinarybenyrene. ¹²Ijô riteônyre. Kia heka rirubunynyrenyrene. ¹³Iweddu ixi dee rarybere: —Aôhebo arotÿÿnykre. Tahe oworu wedu iriôre sohojilere, wariôre kie kie sohojile ariteônykre. Tai tiiboho rityhynyrenyrene. ¹⁴Kia oworu-di itxeredu mahâdu widee raryberenyre: —Kia heka wedu aôna aôna tarasadu rare. Rurukre, idi tahe iaôna aôna inydeerenyrene. ¹⁵Tahe rimyrenyrene idi rirubunynyrenyrene tahe idi rehurenynyrene oworu-ribi. Jesuisi ritÿÿraxinyrene: —Aôhebo tahe oworu wedu rotÿÿnykre. Tai Jesuisi ixityre narybede: ¹⁶—Tii kanakre oworu-di itxeredu mahâdu hudumy, tai tahe oworu rityhekrene iny witxiraô-ò. Kia-ò tiiboho roholareu, tahe raryberenyrene. Timyki tukôna. ¹⁷Jesuisi idi reny retehemy tahe rarybere: —Ritina-di aôbo tariaôletenyte kia ryberiti:

—Mana-di hetowidÿÿdu rehura. Kia mana heka hetohâtxi-ki heridu rare.

¹⁸Inyô kia manatyrene resekeki, kia urile raoroorokrene. Mana tahe inytyrene resekeki, kia urile risyrisynykre.

¹⁹Bede ywina erydÿÿna mahâdu, tule xiwena wahidÿÿna mahâdu wedu rimykemy riwisÿnyrene kiaule. Brebumy ta turenkyôre. ²⁰Tiiboho hâbubinaô riôwynyrene tamy imynamy irybe-ki. Tai tahe Dinodu-ò riwahinykremy aôsirakômy timykibo irutaômy rirybewitxiranyrenyrenyrene. ²¹Tiiboho rarybere Jesuisi-ò: —Erydÿÿdu, jiarÿboho araerymy adi watximahârenyrene kai inatyhy hâbu tate. Iny ibutumy adee wiwese wiweselere. Inatyhymy iny-ò Deuxurymy teernanymahâte. Tahe tiiboho ritÿÿraxirenyrene: ²²—Awire aôbo ada ibinare aôbo nieru rawahinymyhyrene bede dinodu-ò. Timybo tahe, imposto raôwymy aôbo ada aôkôre aôbo. ²³Jesuisi riernymyhyrene tôhôtinanareny, tahe ritÿÿraxinyrene: —Aôherekibo kaiboho tiwaurihitenyteri. ²⁴Wadee womati nieruô bidiwy waitxerenamy. —Kawe moô tyttarasana rare, katahe moô tyritina rare. Tiiboho dirawyônyde: —Kiahe bede dinodu hôrô rare. ²⁵Jesuisi rarybere: —Hÿdebo, bede dinodu hôrô tahe tamy biwahinybeny, tule tahe Deuxu aôna aônahôrô Deuxu-ò biwahinybeny. ²⁶Tiiboho aôkôre. Irybe-ki rimynamy aôkô. Urile ribedeôtiinyrene.

²⁷Saduseu mahâdu tamy nade. Kia heka iny rubu-ribi rexixamy aôkôre-riki riernanymyhyrene. Tiiboho ritÿÿraxinyrene Jesuisi: ²⁸—Erydÿÿdu, Moisesi rariityrene bede ywina-ò, kaimy:

—Hâbuô rurukeki, tahâwyy iriôre ijôdiôkeki, tahe kia hâwyy tahâbu seriôre-wana roiike. Iriôredikrene taseriôre rubuôwymy roiike.

²⁹Seriôre debôinatxi reurômy raremyhÿ. Juhuu ijô roire hâwyy-wana. Tahe tii rurure iriôreôlemy. ³⁰Tahe ihewoludu iseriôre wytese-wana roire. Tii

rurure iriðreõlemy. ³¹Ihewoludutyhy tule ibutumy roire wytese-wana, tahe ituerenyre iriðreõlemy. ³²Iròðbymy tahe hāwyy tule rurure. ³³Ixixanau tahe mohābubo tii-wana rarekre. Ibutumy dori wytese-wana roire. ³⁴Jesuisi riraw-yònyre: —Kabede-ki hāwyy my iny roimyhÿre. ³⁵Ixixanabedeu heka moõ roiõtyhy, inyõ dori bede kia riðbynykreu. ³⁶Ibutumy iny ÿju wese rarekre biu bede-txi. ³⁷Moisesi tatyryiti itÿnyhÿkÿlemy rarybere: —Iny rubu-ribi kede-xixakremy. Tai ta heõty ðwòru sòmo riworonymhÿki ixbylesÿ rarybera:

—Deuxu heka Abraõ, Ijai, Ijað kia Deuxu rare.

³⁸Tai Deuxu inyru mahādu Deuxu dori rare. Iny rubu mahādu ta aõkõre.

³⁹Inyõ rarybere: —Arawyònakyhyna, Wanyrÿ Tate. Bede ywina tabohe teery-tyhyte! ⁴⁰Tai tahe ixby rÿÿraxiõhyenyre.

⁴¹Jesuisi rarybere: —Timybo bede ywina erydÿÿdu mahādu rarybemyhÿre Kristu Davi riðre raremy. ⁴²Davi rarybere aõmybo Deuxu Tytybytyhy tamy narybedemy iwiuna-ki:

—Wanyrÿ rarybere Wanyrÿ-ò:

—Bodony warurunawe-ribi.

⁴³Txiðhe inihe, aòludu awarawo-txi aritidikre.

⁴⁴Tahe Davile tanyrÿmy rininire. Timyki tahe Davi itybymykre.

⁴⁵Tii taerydÿÿna mahādu rierynamyhÿreu. ⁴⁶Tii rarybera: —Bexiemy-hÿbeny bede ywina erydÿÿdu mahādu lau. Tiiboho heka tyrehetyhywidi-hikÿle rexityynmyhÿreny. Tiiboho heka ixi rybedÿÿluurenyre hāwā riraki. Dohodÿÿna heto-ki ryanawi luurenyre. Tule ta anarÿÿ rÿi-wana, tyhytyre-kile rynana tamyreny awire. ⁴⁷Tiiboho tule wytese aõ aõkõ mahādu aõna aõna ritamyhÿreny. Ixitòedÿÿna rehehekÿ rexitòenymyhyreny. Tiiboho heka aõnihikÿmy aõhòkÿmy dÿÿnanamy rotÿÿnyrenykre.

21 ¹Jesuisi retehemy rÿimyhÿ dohodÿÿna heto nieruhyna-txi. Tii retehere tibo iny tanieru-di rehumyhÿdi. Tai inieru sòwe mahādu nieru sòwemy ritidimyhÿ. ²Tule tahe nade wytese aõ aõkõ mahāduõ. Tii inatxi nieru sòmo-di rehure. ³Tai Jesuisi rarybere: —Kowa heka wytese nieru-di rehure ibutumy iny witxira ratyre. ⁴Ijõ mahādu tanieru uhedile rehumyhÿ. Tahe wytese idi rehure ibutumy tanieru-di rexihumy taumy-ribi idi rehure. ⁵Dohodÿÿna hetomy ierydÿÿna tamy rarybere: —Erydÿÿdu, beteheke mana wihikÿ ruxera ruxera-di eryna heto riruxeranyreridi. ⁶Jesuisi riraw-yònyre: —Kaiboho betehebenykre hetonihikÿ-ò. Kia heka mana ijõ wityre-ki rÿiõtyhy, ibutumy heka kedejuxunykre. ⁷Tiiboho ritÿÿraxinyre. Tiubohe ibutumy kidii-xixāwididÿÿnykre. Tiiboho ibutumy bede konanadÿÿnamy reakre. Timybohe arieryrenykre, aõma bede ibutumy rexihukre. ⁸Jesuisi tamyreny rarybere: —Kaiboho anaitxenanydenyheny lau bexiebenyke. Sòwemy dori rÿike wanimy rarybemy rarekre: —Jiarÿ dori Kristu rare. Tahe iny sòwemy itxenadÿÿmy reakre. ⁹Kaiboho wounarybe-ò, aõbina rybe-ò, boholakreu, breburenyõmykre. Kia heka kanakremy ratximyhÿre. Urile bededÿÿnana ikonatanthy aõkõ rare.

¹⁰Tii tamyreny rarybere: —Uritere iny lahinareny, ijõ lahinareny widee kanaaõbinanykre. Tule iòlõna mahādu, ijõ iòlõna mahādu-wana widee kanaaõbinanykre. ¹¹Bede bedesu ijõ hāwā-ki kanamytatakre. Tahe aõkõre rama kedeakre. Kia heka juhu aõhòkÿmydÿÿnana rarekre. Aõbrebuna brebuna kÿnyikre. Idi biu-ki aõwitxira kÿnyikre. ¹²Tiiboho arawahinyrenykre aòludu

wedu-ò, iòlò-ò. Kaiboho heka aòhòkǎmy iu botǎyǎnybenykre, watyhydǎy òraru-ki. Tiiboho arahatenyrenykre dohodǎyǎna hetowo-ki. Kiabohoko-txi wadee kaiboho kedelyykre inatyhymy aóna aóna rǎyremy. ¹³Rybewihikǎmy ibutumy bede bede hǎwǎ hǎwǎ-ò belyybenykre. ¹⁴Tiubo aradyrenykeu, urile nohòtiomy aomybo kaiboho marybebenykre. ¹⁵Kiautyhyle aomybo marybebenykre bierykre. Kia tahe marybekre. Kai aòkò dori marybekre, Deuxu Tytybytyhy tahe rybedukre. ¹⁶Asǎreny dori ròtenawo-ò araròtenyrenykre. Seriore seriorele wii kidirubunykre. Tyby heka tariore kidirubunykre. Uladule tadi, tyby kidirubunykre. ¹⁷Ibutumy heka iny iy kedeakre wani òraru-ki adeereny. ¹⁸Ibedeu araderenytiò reseòtyhy. ¹⁹Bexityhymy ta tai ixiery dori biu-ò mahenybenykre. ²⁰Ijò tahe Jesuisi rarybere: —Woudu mahàdu Jerusalè riru-rawonykreu heka bierybenykre aòhuluhudunamy bede rǎyirerimy. ²¹Judeia hǎwǎ hǎwǎ-ki ratxikeki, mahenybenykre bederatòdhòkǎy-ò. Inyò Judeia hǎwǎ-kikeki, iribi òlò rǎykre. Idi inyò bederokeki ixyby Jerusalè-ò ròteomykre. ²²Kia txuu heka òwynatxumy rare. Ibutumy rybe tyryiti myna heka bede rǎykre. ²³Kobexe heny hǎwyy bòtòmy rǎyira, tule hǎwyy tariore ritònymy rǎyira. Aòhòkǎmydǎyǎnana kanakre tiu heka tuuòre. Debure nihikǎ heka kanake kia iny tyre-ki. Tiu heka kiamy bede roiòtyhy aòhòkǎmydǎyǎnanamy. ²⁴Sòwemy iny rurukre mayrehe-di. Iny sòwemy radykre ijò bede-ò aòhòkǎmy tai rotǎyǎnykre. Ityhydǎyǎdukòdu mahàdu rasǎnykre Jerusalè hǎwǎ-ki iu.

²⁵Ixityre tahe Jesuisi rarybere: —Idi webòhòna rǎyira txuu, aòhòkǎmydǎyǎnana itue-di, txuu heka rurunykre. Ahàdu tule rurunykre, tule taina. Beòbò lau iwodǎy lau ibutumy iny ruberukre inihikǎ òraru-ki. ²⁶Iu bede bede iny mahàdu aòhebo rotǎyǎnymy, tatòhòtibre-di tiiboho reserenyry sutyre-ki tai. ²⁷Iny retehekre

Deuxu Riòre, Hǎbutyhyhykǎ dehemynyna-di. Biurawetyky-ribi kodobehekre tatyhy-di.

²⁸Tahe kia aomydǎyǎnana rǎykreu, ywinamy bòibenykeu, iòhòlereri.

²⁹⁻³⁰Tai tahe Jesuisi figueiraò-wana tahe bede ròkewesenanyre: —Figueiraò-di ini bexinohòtinybenyke. Tii heka tairu-txi, tanoiròsò ritǎmyranymyhǎyreu, tai tahe bierybenykre wyra iòhòlereri. ³¹Tule kia aóna aónamy bobibenykreu, tii iòhòlereri. Ijò-ki iòhòwesele rǎyire. ³²Inatyhymy adee ararybekre, kia wijinabòdu itueòtyhy aóna aóna rǎykre hǎrele. ³³Biu, bede-wana ituekre, tahe warybe itueòtyhy.

³⁴Tahe Jesuisi tarybe rihumy rarybere: —Kaiboho bexiebenyke, betebebenykre ixinohòtidǎyǎrenytyhykòmy. Roxina worana bedehesi-di timybo kaiboho atximyhǎytenytedi. Mona juberere biòbenykemy mohòtinyòke. Kaiboho dori teeryòteny te tubedemybo addòsekre. ³⁵Kiatxu kanakre tahe iwese nawii mynyna wese aòwesele rimykre ibutumy bede iny mahàdu rimykre. ³⁶Biebenyke tahe, Deuxu-ò bexitòdenybenyke. Kia tahe aòhebo rotǎyǎnykre-ribi mahenyke. Bityhynyke Deuxu Riòre, Hǎbutyhyhykǎ, jiarǎy wahe.

³⁷Txuò txuòlemy tii Dohodǎyǎna heto-ki ribedeerynyre ihàre tahe rumy Oliveira hǎwǎlò-ò rara. ³⁸Rudile tahe sòwemy iny dohodǎyǎna heto-ò rehemy-nymyhǎyre Jesuisi rybe-ò ijohomy.

22 ¹Iòhòmy ratxireri Pascoa worana bedehesi kodohònykre. Kia anarǎy wehityhynamy heka iny ratya-di reare. Tule orotxu anarǎy

kia ròhònyre. ²Deuxu aòmýsýdýýdu wedu mahādu, tule bede erydýýdu mahādu Jesuisi rimykemy ratxireri idi rirubunykeny. ³Satanasi heka Judasi Isariòwo-ki ralore, tii Jesuisi erydýýnaò ihýre. ⁴Juda Isariò heka Deuxu aòmýsýdýýdu-ò rara Jesuisi riwahinykeny. ⁵Tiiboho tamy roholarenýreu, reysare. Tahe tamy nieru riwahinykeny riurenanyre. ⁶Tahe Juda rijjemýhýre aòu aòu bedewihiký tamyreny riwahinykeny. Wasimy riwahinykeny tii roholare.

⁷Juhu orotxu anarýýtýxure budoeni xiweloo rirubuny rahudi tahe Jesuisi erydýýna mahādu tamy rarybere: —Titxibo anarýý rýsýnamy biroxikemy atxiteri. ⁸Tahe Jesuisi heka Pedro, Joaò-wana riteònyre: —Kaiboho boike iny rýsýnareny ywidýýmy. ⁹Tiiboho rýýraxire. Titxibo ariwinyrenýkre? ¹⁰Jesuisi tamy rarybere: —Kaiboho boikre hāwāhāký-ò. Tahe hābu-wana wii biòbinykre butxi-di retyyteriò. Tahe tii biheludunybeny. Titxibo heto-txi ralokreò, kaiboho tule bironybeny bitýýraxinybenýkre heto wedu: ¹¹—Wawedureny rarybera: —Titxiwexe anarýý rýsýna arirýsýkre waerydýýna mahādu-wana. ¹²Tii heka adee kiditeòsinykre hetowoò-txi biu-ki. Ibutumy rexihumy rýire inydeereny. Tai rýsýna inydeereny biywinybenýkre. ¹³Tahe ierydýýna rexitare. Roire hāwāhāký-ò. Tahe rotýýnyrenýre Jesuisi rybe myna. Tahe ibutumy rexihurenýre anarýý-ò.

¹⁴Kia txu rimýreu tahe Jesuisi nade taerydýýna waòinatxi reurò-wana byremy ronyrenýkre. ¹⁵Tii tamyreny rarybere: —Jiarý awanareny ariroxikemy watxiwāhāre. Karibi dori warubuna-ò arakre. ¹⁶Inatyhymy ararybekre: —Jiarý konanamy ayreny-ki ariroxikre. Ixyby ta Deuxu Iòlònakile tahe riki-roxirenýkre. ¹⁷Tahe vīi mona hyna rimýre, rexitòenýre, tahe tamyreny riwahinyre. Ibutumy ibute bute iribi tuu riòrenýre. ¹⁸Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre. ¹⁹Tiiboho riroxireriu, Jesuisi orotxu rimýreu, raorore, rexitòenýre, tahe tamyreny riwahinyre. Rarybere: —Ahāxe, kia heka waumy wese rare. Iu biroxikeu, warubuna-di mohòtinybenýkeny. ²⁰Biòbenýke! Kaa dori wahālubu wesemy ratxireri. Tahe tamy riwahinyre riòrenýkeny. Tai sòwemy iny ròhònyke biu-ò hena-ò ibutumy òraruna ixāwididýýmy. Tuu ròhònyra. Kia heka wadeewimy iny Deuxu-wana ratxiinyhýre, wahālubu òraru-ki. ²¹Boholabeny inihe watyhedýýdu inkyrenýkile ronyre. ²²Iwese tyriti-ki roire wese heka arurukremy, Deuxu Riòre, Hābutyhyhyký, jiarý wahe. Kobe làhāxe watyhedýýdu. ²³Tiiboho tahe wídee rarybere: —Mobo tahe rare? Mobo Jesuisi riwahinykre.

²⁴Iribi tahe wídee raryberenýre, mobo wiratyreremy? ²⁵Tahe Jesuisi tamyreny rarybere: —Kabede iòlò mahāduy-ki iruru dire. Bede dinodu tahe iny rininire: Iny biòwa. ²⁶Tahe ayreny-ki kawese aòkò ihýre. Inihikýtyhy inyò ratxikeki, tii inyuhe deòdumy ratxikre. ²⁷Tibo inytyhy rare? Roxidu mahādu ada deòdu mahādu? Roxidu mahādu, aòhe inatyhy? Jiarý tahe ayreny-ki deòdu wesemy jiarý rare. ²⁸Kaiboho heka wawanahyy atxitenyte aòhòkýmy ratýýnymýhýreu. ²⁹Tai tahe adee ruruna ariwahinykre. Iwese Waha wadee riwahinyre wese, adee ariwahinykre. ³⁰Waiòlòna-ki kaiboho wawana biroxibenykre, biòbenýkre. Tule rynana wiwihiký tyre-ki rýdu mahādumy bonybenýke. Israeli iny mahādu heka kaiboho biòbitinybenýkre, ibutumy judeu mahādu wahe.

³¹Jesuisi ijò rarybere: —Simaò, Simaò, wadee bohولاتyhyke. Satanasi araurihirenýkeny wadee rexitòenýre. Tahe adeereny kanake araurihidýýmy.

³²Dori rexitòdenymyhÿre, Simaō, kai bityhynyhyykemy. Wadee bòdòdòsekeu, abiòwa mahādu biwiòhenanyke. ³³Tahe Pedro diwyònyde: —Awanahyy arakre, wanyrÿ, arurukre hāre, ròtenawo-ò arakre hāre. ³⁴Jesuisi tamy rarybere: —Pedro, kai biwatxiònyke, hānie hābu ryrykòule biwatxiònyke inataōmy.

³⁵Jesuisi tamyreny rÿÿraxire: —Juhu arateònyrenyreu anieruhynakōmy, asaurenkōmy, awarenyōmy, adeereny aōbo aō rasiranyre? Tiiboho dirawyòmy: —Aōkō, aō rasiranyōhyre. ³⁶Tahe Jesuisi rarybere: —Wiji tahe txibo inyō inieruhynadikeki, saudikeki, biwykre. Txibo inyō imayrehedikō-keki tayhyitxena-di rohonykre iòwy-di tahe tii riòbranykremy. ³⁷Kamy dori Deuxu rybe tyriti-ki roire:

—Òbitikōmy nodu mahādu-wana tii rÿire.

Ibutumy timybo tyriti wamy rarybere heka rÿikre. ³⁸Tamy ierydÿÿna mahādu rarybere: —Wanyrÿ, kaa inatxi mayrehe rÿire. Tahe Jesuisi rÿire rarybere: —Awire kia.

³⁹Tahe Oliveira hāwālò-ò roirenyre, taerydÿÿna mahādu-wana. ⁴⁰Tiiboho kowa-ò rehemynyreu, Jesuisi rarybere: Bexitònyke! Tai tahe òraruna-txi beseōke. ⁴¹Tahe iko-txi urihimyò rareu, taowotimy resemey. Rexitònyre: ⁴²—Waha, adee arexitònykre. Adee awikeki, aōhōkÿmy dÿÿnana waribi biixāwidÿÿnyke. Tahe adeewikomykre, wadeewi ta aōkōre. ⁴³ÿjuō tamy nade biu-ribi tamy ruru riwahinyre. ⁴⁴Sōwemy tahe rexitònyre, iòsana-ribi resere bee wahe. Hālubu wese heka ihÿre resereri bede-ò. ⁴⁵Tii rehemynyre tai rahare rōròrenymy roireriò. Tiiboho ele risarenre sōwemy rabadeworenreki. ⁴⁶Tamyreny rarybere: —Aōherekibo taròtenyteri? Biijebenykre, bexitònykre.

⁴⁷Tii rarybereri, aōwesele Judasi nade. Tii-wana doide hābu mahādu.

⁴⁸Jesuisi rarybere Judasi-ò: —Judasi, Deuxu Riòre bityhenykre aōbo, jiarÿ hābutyhyhykÿ wahe? Waòbuò-di aōbo biwatyhenykre? ⁴⁹Jesuisi erydÿÿna mahādu tuu robireu, tamy rarybere: —Iny mayrehe-di araaòbinanyrenykre, Wanyrÿ. ⁵⁰Kia ijoio mayrehe ritare tahe Deuxu aōmysÿdÿÿdu wedu deòdu nohōti riorore. ⁵¹Tahe Jesuisi rarybere: —Ixāwike. Tahe hābu nohōti riteyteny. ⁵²Tahe Jesuisi dirawyònyde tamyreny, Xiwe wahidÿÿdu mahādu-ò, dohodÿÿna heto itxedu wedu-ò, matuari mahādu-ò: —Kaiboho mayrehe-di, òhòte-di tiwadrytenyteri jiarÿ wasiduòrys wese. ⁵³Jiarÿ tahe dohodÿÿna heto-ki watximyhÿ txuō txuòlemy adeereny anaerynanymahādenyde. Kowa-ki heka tiwamyòlemyhÿteny. Kia heka bededÿÿnana rexihure. Bede luru ruru roirerimy. Tahe aōbo iritina-ki rÿireri, kia heka kÿnyikremy.

⁵⁴Xiwenā wahidÿÿdu mahādu dinodutyhy-ò wedu-ò tiiboho Jesuisi ridyreny. Pedro riheludunyre ireheriòremy. ⁵⁵Rehemynyreu tai Pedro ixi-tòteenymy heòtywera-ò ronyre heto itxeredu mahādu-wana. ⁵⁶Pedro ratximyhÿ-ò tahe deòduò rehemynyre, ijadòma wahe. Pedro-di ijadòma retehemy ta rarybere: —Tii tule Jesuisi Nazareludu-wana ratximyhÿre. ⁵⁷Tahe tii rexitxiònyre: —Jiarÿ reeryòre aōmyboho kai tarybeteri. ⁵⁸Ixybyle kowa ijoio Pedro-ò rarybera: —Inatyhymy kai ijo mahāduleō tate. Tii inatyhytyhyrybemy rarybera: —Jiarÿ reerykōre hābumy tarybetenyteri. ⁵⁹Ijo òrau tahe ijo rarybere: —Inatyhy rare kai Jesuisi-wana ahāte, Kalileia mahāduòreki. ⁶⁰Tahe Pedro rarybere: —Hābu, reeryòre aōmybo tarybeteri! Tahe hānie

hābu robura. ⁶¹ Jesuisi heka Pedro-ò retehere. Tahe Jesuisi rybe-txi Pedro tōhōti reare. Iwese Jesuisi rarybere: —Hānie inataōmy robukre myna, kai waheludumy bedexitxiōnykre. ⁶² Pedro tahe iribi rexitareu, ixidee iky reamy rahinyre.

⁶³ Tahe hābu mahādu Jesuisi rihetenymy, rilahirenymyh̄yre. ⁶⁴⁻⁶⁵ Tiiboho riruehetynymy rihetenymy idi rit̄ȳraxinymyh̄yre: —Mowe arahātenyra. Idi tahe sōwemy idi risinymyh̄yreny.

⁶⁶ Rudile tahe judeu wedu mahādu ributunyre xiwena wahid̄ȳna mahādu-wana. Jesuisi ridyrenykemy raryberenyre dohod̄ȳna mahādu-ò.

⁶⁷ Tamy rit̄ȳraxinyre: —Kai aōbo Kristu tate, Deuxu Riðretyhy. Jesuisi rarybera: —Jiar̄y heka kohemy ararybekeki, kaiboho biwatyhynyōtyhy. ⁶⁸ Adeereny ar̄ȳraxikeki, kaiboho biwawyōnybenyōtyhy. ⁶⁹ Kaiboho bierybenykre

Deuxu Riðre heka jiar̄y rare. Idi Waha rurunaweribi-ò aronykremy.

⁷⁰ Ibutumy tahe tamy rarybere: —Kai aōbo Deuxu Riðre tate? Tii rirawyōnyre: —Iwese kaiboho tarybetenyteri wese jiar̄y inatyhy rare. ⁷¹ Tahe tiiboho raryberenyre: —Inyō irybe-ò ijohoke heka aōkōre, inybohole dori tuu roholarenyre.

23 ¹ Kia iny ka ibutumy Jesuisi ridyrenyre Pilato-ò, bede dinodu-ò wahe. ² Idi tahe aōbina binahak̄ymy tuu raryberenyre: —Kahābu heka bede rijeijeinyreri iòlōmy ijoī radōnykemy. Iribi iòlò-ò òwyd̄ȳ r̄iōmyh̄ykemy rarybere. Ihāreta Deuxu Deòd̄ȳnamy raremy idi iòlōmy rexini-nimyh̄yre. ³ Tahe Pilato r̄ȳraxire Jesuisi-ò: —Inatyhywe kai Deuxu mahādu iòlòtyhy tate? Tai tahe Jesuisi riwyōnyre: —Kai tuu tarybeteri, Wanyr̄y. ⁴ Tai tahe Pilato rarybere xiwe wahid̄ȳdu mahādu dinodu-ò, tule inysōwe mahādu-ò: —Timyki kahābu aōhōk̄ymy was̄ȳd̄ȳōna, aōō bina dori riwinyōlere. ⁵ Tai ixyby idi ris̄nyrenyre: —Kahābu heka Kalileia bede-ribi bede rijeijeinymy rareri, idi Judeia bede-di tule katahe kakile tuu rot̄ȳnyre. ⁶ Taita Pilato r̄ȳraxire: —Tii aōbohe Kalileia mahāduō ratxireri? ⁷ —Tii Kalileia mahādu rare. Kia Pilato rieryeu, Herodi-ò riteōnykemy rexinohōtinyre. Tii kia dinodureki. Ihāreta Herodi Jerusalē hāwā-ki iu ratximyh̄y.

⁸ Herodi Jesuisi robireu heka reysare. Jesusim̄y robikemy riwis̄nynymyh̄yre sōwemy. Idi tahe tuu robireke, reòsare. Tai tahe reysare. Ini-ò roholahyymyh̄yre. Tule aōwihik̄y witxira riwinykemy idi riwis̄nynymyh̄yre. ⁹ Idi tahe Herodi sōwemy r̄ȳraximyh̄yre. Jesuisi tahe rirawyōnyōhyyre. ¹⁰ Aōbo xiwena wahid̄ȳdu mahādu wedu, tule bede ywina er̄ȳd̄ȳdu mahādu sōwemy aōna aōna binamy tuu raryberenyre. ¹¹ Herodi tasoldado-wana tuu raðhōtemy idi risinymyh̄yreny. Tyywihik̄y-di rirahananyrenyre. Iribi riòkesed̄ȳnyre Pilato-ò. ¹² Juhuu heka Herodi Pilato òludumy widi raremyh̄y. Kia txule tahe widee rowoixirenyre.

¹³ Idi tahe Pilato tahe ibutumy xiwena wahid̄ȳdu wedu, tule matuari mahādu tule ijō iny mahādu ributunyre. ¹⁴ Tamyreny rarybere: —Kaiboho heka wadee tedytenyteri bede jei jeiwid̄ȳdumy tuu tarybetenyte tebutenyteri heka. Jiar̄y akoreny-ò ret̄ȳraxinyre idi aōhe tai ibinamy rahaōhyyre. ¹⁵ Tule iòlò Herodi tai ibinamy rahaōhyyre. Tai diòkesed̄ȳnyde. Tai iurenana ta aōhereki timyki irubuōna. ¹⁶ Urile raðhōted̄ȳykemy bede reywinyre idi ta ixinamy rakre. ¹⁷ Kiemy dori worana bedehesiu, rōtena-ribi inyō heka rōhōnymyh̄yke. ¹⁸⁻¹⁹ Sōwemy iny heka rirajuare: —Aōkōre uritere

ta Baraba biteònyke. Kia hābu urile ruruke. (Baraba inyrubudỹȳdure. Bede jei jeidỹȳ-ki heka rōtena-ò ralore.) ²⁰Tai Pilato Jesuisi òlòdỹȳmy riwisȳ-nymhỹ tai ixyby rarybere: —Aòkōre Jesuisile ariteònyke. ²¹Sówemy iny ixyby ryryre: —Aòkōre, itxeò-ki bitamadỹȳnyke! ²²Tahe Pilato tainatāònamy narybede: —Aòherewe, aòwe tii ibinamy riwinyre. Aòheka tai ibinaòhyreri rubu-ò rawahikemy. Òhòteòle ta arawahinykre idi ariteònyke. ²³Ihāre ta iny sòwe mahādu ire rirajuamyhỹreny itxeò nihikỹ-ò rurukemy. Ixierya iryreny-ò roholare idi tukremy. ²⁴Iu Pilato heka Jesuisi riwahinyre rubu-ò tumyna rexitòdenymhỹreny. ²⁵Ijò hābuò ta rōtenawo-ribi riòlòdỹȳnyre, iixitòedỹȳreny myna wahe. Tii hābu aleerydu rare, tahe bede jei jeidỹȳdu tule. Iwana ta Jesuisi rawahire irybemynarenymy aòhebo rotỹȳnykre.

²⁶Tahe Jesuisi ridyreny. Ryki tahe hābuò iutedereny-ò nade, Simaò inire, Sireni hāwā ludu wahe. Nohòtiòlemy ta ityre itxeò nihikỹ ritidirenyre, ihereny idi kanakremy.

²⁷Sówemy ihemy nodu sòwe. Iy-ki hāwy mahādu Jesuisi-di robumy-hỹreny. ²⁸Tii tahe tamyreny rexiòkesemy narybede: —Jerusalē hāwā ludu hāwy mahādu! Ixirahi bobubenyke ariòre rahi tule warahi ta aòkōre. ²⁹Tiutxumybo bexirybenybenykre: —Hāwyky bedekòby heka raritxòrenykorē mahādu rare, tohokuā ritònykorē mahādu tiku kuladu-di tarukikōre mahādu.

³⁰Tiutxumybo

bexirybenybenykre hāwālò-ò: —Watyreny bedeseke

tule hāwālò riòre-ò bexirybenybenykre: —Biwawòbenykre.

³¹Wiji kawesemyhỹre hee itukure hāre. Timykrebo tahe hee irubukreu.

³²Ihāre tasỹse iny inatxi hābu òbitimy nodu aòkò ridyreny Jesuisi-wana rururenykre.

³³Tahe hāwālò riòre-ò ratitybimy ninadu-ò ritehemynyreny. Tahe tii-wana inatxi wasidu itxeò nihikỹ-ò rilamadỹȳnyreny. Ijò ruruweribi-ò ijò hyweweribi-ò. ³⁴—Waha, idireny bexiruxetònyke rieryòhyrenyri dori aòmybo rotodỹȳnyri.

Tai tahe ity wimy ritxuatuakremy dado-di rehumhỹreny tibo iwydydukremy.

³⁵Iny retehemy rỹimhỹ taile wahe. Judeu wedu mahādu tule Jesuisimy rarybere: —Tii iny sówemy rihedỹȳnyre, kia aòherekibo tii rexitaòreri rubu-ribi, tii Deuxu deòdỹȳna rarehāre. ³⁶Tule soldado mahādu rarybere aòbina binahakỹlemy. Diwyde tii aòna ta iny kremy rirahòreny tamy idi reare rijeny: ³⁷—Kai inatyhymy judeu mahādu iòlòmy atxiteri wana heka kaa bexitakre iribi. ³⁸Itxeò ratya-ki tahe aòma timy roire tyritidỹȳna.

—Kaa Heka judeu Mahādu Iòlò Rare.

³⁹Ijò heka rarybereri Jesuisibire-ki roireriòle tamy rarybereri: —Deuxu deòdỹȳna tateki, bexitake tule biwatabenyke. ⁴⁰—Wy, Deuxu lau taberuòle-mahāte aòbo tule dori iny aòhòkỹmy rokotỹȳnykrelemy iny roireri. ⁴¹Lòwudu tamy rarybereri: —Iny heka rurureri, aòbina binahakỹ iny riwinyre òraru-ki. Iny rurureri. Kaa hābu rỹire tiu aòbina riwinyòhykyre. ⁴²Jesuisi-ò rarybere: —Jesuisi, watxi òhòti beakre Iòlòmy bonykre. ⁴³Jesuisi tamy rarybere: —Wijile heka biu-ò heka rakakre.

⁴⁴⁻⁴⁵Txutyemy bede roronyre idi txioro txu rehehekỹ-ò bede tuu rỹire. Inataò òramy bede rybynyre, rỹire. Heto-ki rahanaheridu urile raykare

templowo-ki wahe. ⁴⁶ Tahe Jesuisi rirajuare: —Waha, watyytyby adee rawahinyreri. Iu irybe rexihureu rurure. ⁴⁷ Soldado mahādu wedu tuu robire kia aōhebo rotỹnara tuu rarybere: —Kia inatyhymy hābu òbitityhy rare. ⁴⁸ Ibutumy iny kia robire Jesuisi rubu-ò rahinymy ròdsere rexihetenynymy tabreti-ò. ⁴⁹ Ibutumy tii mahādumy ratximyhỹre iribi ireheriòremy rexijjemhỹ.

⁵⁰⁻⁵¹ Tii judeu bedede mahāduò rare. Jyjemy inire. Tahe Kristu rubuna-ki awimy rahaōhỹre tajoi mahādu-ribi. Tii dori Deuxu Iòlòna riraōmyhỹre. Ihāwā Arimatea inire. ⁵² Tai ta rare ixitòedỹmy Pilato-ò, Jesuisi umy kidiwahinykremy. ⁵³⁻⁵⁴ Tai tahe ritare itxeò-ribi tyy ura nihikỹ-di tyy-di ritỹtetỹtenyre. Manawabedewo-ò ritidire. Tai tiu iny rahāloonaōmyhỹre. Aōma judeu mahādu elehyna txu wahe ixiywidỹnatxumy txu rỹireu heka aōma worana bedehesi txu. ⁵⁵ Hāwyy mahādu Kalileia-ribi Jesuisi-wana. Tiiboho doide Jyje-wana Jesuisi hāloo-ò itxeremy. ⁵⁶ Tahe timybo roimyhỹ riòtudunynrenyre. Dòdsedenyde iribi aderòna lỹnyre ywidỹmy iumy tỹnyrenamy.

Kia rexielehynrenyre sabado txu bedede ywidỹna myna-di.

24 ¹ Juhu txu semana bededỹnanau txuu deadeu hāwyy roire wabede-ò. Tiiboho riwyye lỹnyrena. ²⁻³ Rehemynrenyre, mana nihikỹ tahe ijò-ribi ratamy rỹire. Tahe ralòrenyre, Jesuisumy ihoōhyre. ⁴ Wabede-ò rirònyrenyre, robirenyre inatxi hābu. Ityy urahakỹmy ronmyhỹre tai. ⁵ Tahe tiiboho bedede riòtiinyrenyre idi tabrebu-di suò reserenyre. Yjyò tamynreny rarybere: ⁶ —Iny irumy kaiboho teijeteri kaki wabede-ki aōbo? Tii kaki ratxireri. Tii rexixara rubu-ribi adeereny rarybere wese Kalileia bedeki: ⁷ —Inyò riwawahinykre inybina-ò Deuxu Riòre Hābutyhyhykỹ. Itxeòtyre-ki arỹikre tai arurukre. Inataò txu-di tahe rubu-ribi arexixakre. ⁸ Tahe hāwyy irybe-di rōhòtynrenyre. ⁹ Wabede-ribi rajaranyrenyre Jesuisi erydỹna mahādu-ò ijyymy. ¹⁰ Kia tiibohore: —Marie Madalena, Joana, Marie Txiause. Ijò hāwyy tule tii-wana roirenyre. ¹¹ Iu tamy relyyre, rityhynyòlenyre. ¹² Pedro tahe rỹimy reare idi rajaranyre wabede-ò. Urile tykylemy robire tahe dòdsede, rexiòtiinyre.

¹³ Itxuleu ta iny inatxi hābu Jesuisi tyhydỹdu mahādu tahe roirenyre Emau hāwā-ò. Jerusalē hāwā-ribi txibo 10 km wese irehere. ¹⁴ Ibutumy aōhebo rotỹnyramy wiko relymy ròimyhỹre. ¹⁵ Iuleta Jesuisi tamynreny dehemynde idi tiiboho-wana roire. ¹⁶ Tiiboho tuu robirehāre timykibo rierykōhykyrenyre. ¹⁷ Tahe Jesuisi ròtỹraxire: —Aōmywe widee tarybetenyteri. ¹⁸ Iijòreny Klopamy nidu narybede: —Kai sohojilewe Jerusalē-ki aōhebo bedede rỹira teerykòte. ¹⁹ Tii dotỹraxide: —Aòherabo ta. Tiiboho tuu relyyre: —Jesuisi Nazare ludu kie. Tii Deuxumy rybedu nihikỹ heka rare, Deuxu-ò dori ibutu iny-ò heka rybe-ki aōni heka aōmywidỹ-ki heka ihỹna rare. ²⁰ Waxiwenarenyn wahidỹdu wedu tahe wadinodurenyn itxeò nihikỹ-ò rurukremy riwahinyrenyre. ²¹ Tule judeu mahādu tarasadukresỹna raholarenyre. Ihāreta tukòlemyta inataò txumy rubu-ki bedede idi rỹira. ²² Bederarasò-di wajioireny hāwyyò ihāloo-ò roire. ²³ Tai itxi rekoaōhyre. Dòdsedenydeki tahe Yjummy riki robirenyremy delyydenyde. Tii Jesuisi rubu-ribi rexixamy tamynreny rarybere riki. ²⁴ Wajioirenyò tule ihāloo-ò roirenyre. Inatyhy rikihe rare. Urileta riki Jesuisimyn robiòrenyre. ²⁵ Tahe Jesuisi tyhy Klopaboho-ò narybede: —Aòherewexe Deuxu Rybedu mahādu rybe awo-ki teximynenyteri

tetyhynykōtenyteriki wahe. ²⁶Kialemy dori Kristu dori aōna aōnamy rotỹnykremy tai Deuxu riwowydynykremy. ²⁷Tahe Jesuisi rexidelenyre aōbo rybe ritina roiremy. Moisesi ryberiti juhuumy ritỹnynynyre. Timybo Deuxu rybe ritidỹ̄du raremy. Tiiemy heka iximyyhyyle rarybere. ²⁸Ibutumy tamy relyyhyyre ramyhỹrehyy tahe ritehemyny Emau hāwā-ò, tai inatxi hābu rarikreò wahe. Tahe Jesuisi rarybere: —Aōkō arexinoranykre. ²⁹Tai ta tamy ihārele rarybemyhỹre: —Txioinihe bodonyke kakile. Aōma bede ratxinyra ratxioronytyhyra. Taile tiiboho-wana rare ihetoreny-ò. ³⁰Rorukurenyre riroxirenkykremy. Tahe Jesuisi orotxu rimyre rexitōdenyre Deuxu-ò. Tahe orotxu riororiorore imynareny. ³¹Iu tahe aōwelese rierymy reare Jesuisi. Tai irue-reny raraymy rieryrenyre. Tahe aōwelese iōmy iribi reny reare. ³²Tai widee raryberenyre kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijō diwyōnyde: —Kohe jiarỹ tulere. ³³Iribi tahe ritamanyrenyre. Diòdsedenyde ixyby Jerusalē hāwā-ò. Tiu waòsohoji reurò erydỹ̄na itxi rekoarenyre. Tai tiiboho narybedenyde: ³⁴Inynyrỹrenyhe rexixara. Pedro heka tuu robira: ³⁵—Jiarỹboho tulerenyra wawanale ròirenrya rydi. Tule wadeereny orotxu riyreyreny. Taile reeryrenyre.

³⁶Iu kiamy relyymyhỹrele, Jesuisi dehemynymy deade ityareny-txi. Riryberenyre ibutumy: —Ywina heka akirenyke! ³⁷Ibutumy ruberurenyre ilau. Urile raresỹny tamy raholarenyre. ³⁸Jesuisi rarybere: —Aōhebo taberutenyteri. Breburenỹnyke hewa biwatyhynybenyke. ³⁹Jiarỹle ratxireri. Wadebò-di bedetehebedenyke, wawa-ò tule. Jiarỹ karare wadee inihe bideribedeny. Jiarỹ uni aōkō watxireri. Uni dori idedire aōkō wawese aōkōre bedetehebedeny inihe. ⁴⁰Tai tahe tebò wotō mona, tawa wotōmona, riteòsinyre tamyreny. ⁴¹Ihārele tahe rityhynyrenyōre, ibedesamy bede riòtiinymyhỹreny. Jesuisi tahe rexitōdenyre tamyreny aō rirỹsykemy. ⁴²Tamy riwahinyrenyre utura wòsi deyreò. ⁴³Rirasỹre ikorenyòle.

⁴⁴Idi tamyreny rarybere: —Aōma wawanale ratximahāre, òhōtirenny itxi reara. Aōma wawana atximahātenyete juhuu. Ibutumy heka adeereny retỹnynymy rarybere aōmybo wamy rybe roimyhỹremy. Ibutumy heka Moisesi rybedu ritidỹ̄naki iritina-ki roimyhỹre. Wiuna tule wamy riritinyre. ⁴⁵Tai tahe ritỹnynyre òbitimy irakyreny riraynyre. ⁴⁶Ihetxiu rybe wāhā aōma Deuxu Deòdỹ̄na rurukre heka aōhōkỹmy rotỹnykremy. Ruru-ribi inataò txu-di rexixakremy bede roire. ⁴⁷Kaa rybe wihikỹ ritidỹ̄na heka kaa Jerusalē bede-ki robỹtỹkre ihāreta ibutumy iny iny kōkōmy bede bedemy robỹtỹkre. Kiamy heka ibutumy inydee marybebenyke. Iny riwatyhynymy rỹirakre heka ibutumy iòraru-ribi ariixāwididỹ̄nyke. ⁴⁸Tule terytenyteri ibutumy aōhebo rotỹnykremy. ⁴⁹Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenkykre hāwā-ki. Tahe kanakre heka adee ruuò biu-ribi. Iribi tahe bòhònykre karibi.

⁵⁰Iribi tahe Jesuisi ridyrenyre Betỹniary-ò. Tai tahe rilāhānanyrenyre tuu tamy rexitōnyrenyre ibutumy tamyreny. Tamy rexitōdenyre heka ilāhānamy tamy rexitōdenyre biutxile ire rexidymy ramyhỹre rynanamy ramyhỹre. ⁵¹Iu rilāhānanyrehyreny, biu-ò rare. ⁵²Tamy rexitōdenyra aōma lāhānamy, wowodynamy rexitōdenymyhỹre Deuxu-ò. Tai riwowydynymyhỹreny. Teysa-di diòkesedenyde Jerusalē-ò ixyby. ⁵³Tai tahe Deuxu dohodỹ̄na heto-ki ixyby ixyby rowowydynanyrehyrenyre.

Joaõ

Deuxu Rybe Wihikỹ Tỹmyra, Joaõ Tyyritidỹỹdu

1 ¹⁻²Ibutu aõna aõnakõu, Jesuisi rarehyymy raremyhỹ. Tii rybehyy my raninira. Tii Deuxu-wana ihỹre. Ihãre tahe tii Deuxule rare. ³Tii ibutu-hukỹlemy riwinyre. Tiiõhyykeki tahe, aõ releõtyhy.

⁴Umytuedeõna wahidỹỹdu tii ihỹre kia-di iny mahãdu rayky ritoosõ-nymyhyre ritỹnynymyhyre wahe. Kia loosõna heka bedede luru ludu loosõna rare. ⁵Bede luru tỹnyna loosõna rare. Loosõna rõtamyhyre, bedede luru tahe rðanodỹmyhyre.

⁶Deuxu teðduõ diteõnyde, Joaõ inire. ⁷Tii loosõnamy rarybekremy nade. Kia rybe-di roholamyhỹreki, ibutumy iny rityhynyrenykremy. ⁸Joaõ loosõna aõkõ rare. Urile tuu rarybekemy nade.

⁹Jesuisile loosõnatyhy rare. Tii bedede-ð nadeu, ibutumy iny rayky ritoosõnyre. ¹⁰Tii bedede-ki raremyhỹ, bedede widỹỹdu rare, ihãre tahe iny rierỹõhyre mobo tii ihỹre. ¹¹Tasỹ mahãdu-ð dehemynyde, judeu mahãdu-ð wahe. Ihãre tahe ridyõhyre, rityhynyõhyre urile teramy reare. ¹²Iu inyõ Jesuisi rityhynymy ridyreu. Deuxu riðreõlemy risỹdỹỹnyre inimy rityhynyreki. Kia-ð tahe ruru tamy riwahinyre. ¹³Kia ityhydỹỹdu tahe Deuxudeewilemy tule iriðreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhyrenyre.

¹⁴Rybe tahe umyõ rimyre, demy rexiijenyre, inyyreny-ki rasỹnmyhyre. Tii tỹxihikỹlemy Deuxu loosõna-di ratximyhyre, ruxetðena-di inatyhyna-di nade. Inyboho tuu robirenyre. Deuxu Riðre delamy ratximyhyre, sohojihyire.

¹⁵Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhy waribi juhuutyhy wahe. ¹⁶Inyboho dori sówemy ruxetðena iribi ritarenyre. Luuna sówetyhymy tawo-ribi Jesuisi inydeereny diwahinyde. ¹⁷Deuxu bedede ywina tahe Moisesi òraru-ki nade inydeereny. Ruxetðenamy tahe inatyhyna Jesuisi Kristu òraru-ki nade. ¹⁸Inyõ heka tiu Deuxumy robiõtyhy. Deuxuriðre delale heka itỹnydỹỹdu rare. Tuunatyhy-di taãxiðti-ki rimyre. Tiile iny-ð Deuxu ditỹnynyde.

¹⁹Judeu mahãdu Jerusale-ribi xiwena wahidỹỹdu mahãduõ diteõnyde Joaõ dỹraxidỹỹmy. Levita mahãduõ tule diteõnyde. Tahe roirenyre ritỹraxinykemy mobo tii raremy. ²⁰Tahe Joaõ-ð rỹraxirenyre aõhereriwe mobo atxiteri. Joaõ dirawyõnyde inatyhymy rexitxiõnyrereri: —Jiary Kristu Deuxu

deòdŷŷna aōkō jiarŷ rare. ²¹Tai tahe ixityre tamy rarybere: —Mobo tahe atxiteri, Elia aōbo. Aōkōre, Joaō rarybere. Tahe Deuxu dee rybedu atxiteri inyboho riraðrenyleriō wahe? Joaō rarybere aōkōremy. ²²Tamy tahe ixityre raryberenyre: —Wakoreny bedelyyke mobo atxiterimy. Tai iny deòdŷŷdu mahādu-ò arelyyrenykre. Aōmybo iximy manarybeke? ²³Tahe Joaō rarybere: —Jiarŷ Isaia Deuxumy rybedu wesele adeereny ararybekre. Jiarŷ rybetere-naduō jiarŷ rare. Jiarŷ bederahy-ki iny-ò rarywāhā.

Inynyrŷ-ò ryō biðbitinyke.

²⁴Fariseu mahādu-ribi kia mahādu roirenyre. ²⁵Tai tamy rarybere: —Kai Kristu aōbo tate? —Aōkōre. Elia aōbo? —Aōkōre. Deuxu dee rybedu aōbo? —Aōkōre. —Aōhereki tahaka iny teratysebenyteri? ²⁶Joaō dirawyònyde: —Jiarŷ bedi iny reratysebenyteri. Inyō tahe ayrenykile ratxireri. Tii tahe teeryōmahātenyte. ²⁷Tii wahewo-ribi kanakre. Jiarŷ raixŷrumy watxireri iwataana ese-ki, tii waratyrereki. ²⁸Kia ibutumy aōhebo rotŷŷnyre Betŷnia hāwā bede-ki. Jordaō bero kowa weribi ijā-ki ihŷre. Tai iule Joaō iny riratysybenymhŷre.

²⁹Txubiðwau tahe Jesuisi Joaō-ò kedehemynykemy nade. Tahe rarybere: —Beteheke, kowa Deuxu budoeni naderi. Tii òraru-ribi iny ritakremynade. ³⁰Tuu jiarŷ rarybereu, inyō wahewomy kanakre. Tii waratyre awityhy rare. Tii dori wako-ki rarehyymhŷ waribi juhuure. Kia rarybereu tule jiarŷ tuu-rarybemahā. ³¹Reeryōre heka tii, ihāre tahe anade tii aritŷnykemy judeu mahādu-ò. Tai tahe anade iny bedi reratysebenymahāremy. ³²Tahe Joaō tamyreny relyyre: —Jiarŷ Deuxu Tytybytyhymy rabire tamy dobehede-ò. Bòtòe wesemy ityre-ò desede. ³³Deuxu riwateònyre bedi iny ariratysebenykemy. Tahe riwateònyreu tahe wadee rarybere: —Aōmy kai bobikre? Deuxu Tytybytyhy ronmy resekele inyòtyre-ò. Tii sohojile tahe Deuxu Tytybytyhy-di iny riratysebenykre. ³⁴Jiarŷ tuu rabire, tai tahe reeryre, tule taheka relywāhāre, tii inatyhymy Deuxu Riðre raremy.

³⁵Itxubiðwau tahe Joaō taerydŷŷna inatxið-wana raremyhŷ. ³⁶Tahe Jesuisi nadeò tuu robire. Tahe tamahādu-ò rarybere: —Kowa tahe Deuxu Budoeni naderi. ³⁷Kia rybe-ò tiiboho roholareu, tahe ròirenre Jesuisi riheludunynrenykemy. ³⁸Jesuisi tahe tuu robire ihemy roirerimy. Tahe tamyreny rarybere: —Aōbo teijetenyteri. Tahe dirawyònyde: —Rabi (kia rybe tahe iryberen-ki, erydŷŷdu rare), titxibo kai tasŷnymahāte. ³⁹Jesuisi rirawyònyre: —Bòðibedenyke betehebennykemy. Tahe tii-wana roirenyre, tamy reteherenyre. Tahe txioromy tii-wana ihŷmyhŷ. ⁴⁰Joaō rybe-ò ijohonaduō, Jesuisi helududŷŷduō, Andre rare. Tii Simaō Pedro seriðre rare. ⁴¹Andre tahe taseriðre Simaō aōwesele rioryre. Tahe tamy rarybere: —Mesia-ki inyboho rahamy ratximyhŷrenyre. (Ka rybe, Mesia, heka. Kristumy rare, Deuxu deòdŷŷna rare.) ⁴²Tahe Andre Jesuisi-ò Simaō didyde. Jesuisi Simaō-ò retehere urihimyò idi tamy rarybere: —Kai Simaō tate, Joaō riðrere. Iribi tahe ani Sefamy rarekre (Kani heka Pedro rare.)

⁴³Itxubiðwau Jesuisi Kalileia-ò rakremy ixi-di rōhòtinyre. Tahe Filipi rijjere. Tamy rarybere: —Wahemy manakekō aōbo. ⁴⁴(Filipi tahe Besaïda hāwā luduō rare Pedro, Andre-wana ihāwāluduōle rare.) ⁴⁵Filipi tahe Natanaeli witxi reare. Tamy rarybere: —Moisesi bede ywina tyryiti-ki inyōmy rarybere: —Tule Deuxu dee rybedu tyryiti-ki rarybere. Taile rahare. Jesuisi

ihÿre. Nazare hāwā luduō rare. Jyje riōre rare. ⁴⁶ Tahe Natanaeli ritÿÿra-xinyre: —Aōwihikÿ aōkābo Nazare hāwā-ribi kadōhōnykre. Filipi riraw-yōnyre: —Manake betehékemy. ⁴⁷ Jesuisi Natanaelimy robire naderimy tahe tuu rarybere: —Kowa judeu mahāduō inatyhy rare. Tii hābu òbiti rare. ⁴⁸ Tahe Natanaeli rarybere: —Timykibo tiwaeryteri. Jesuisi riraw-yōnyre: —Figueira òra-ki tanyteò, umy rabire. Filipi aōrysomy raōreule, umy rabire. ⁴⁹ Natanaeli rimasajuamy riraw-yōnyre: —Kai Deuxu Riōre tate Inyerydÿÿdu tate. Kai judeu mahādu lōlō tate. ⁵⁰ Jiarÿ adee rarybera: —Figueira òra-ki umy rabireki. Kiakile aōbo, tiwatyhynyteri. Iratyre aōna aōna wiwihikÿ adee ariteòsinykre. ⁵¹ Inatyhytyhymy adee araybekre: —Biuwetyy riranykre. Jiarÿ biuloosōna hābu jiarÿ rare. Ýjuboho Deuxu-ribi wadee doideò kai bobikre. Idi waribi roireò bobikre.

2 ¹ Inataò txu-di tÿmyra herina txumy reare. Kana hāwā-ki Kalileia bedeki. Jesuisise tai ratximyhÿre. ² Jesuisi tule ritobinyre tamy rakremy taerydÿÿna mahādu-wana. ³ Lisinaube tya-ki vÿi mona ituere. Tai Jesuisise Jesuisi-ò rarybere: —Vÿi mona ituere, imona kōre. ⁴ Jesuisi rarybere: —Nadi, aōhebo arotÿÿnykre. Aōka wawidÿÿkōna wabededÿÿnanamy aōkōka bederiÿireri. ⁵ Tahe Jesuisise deòdu mahādu-ò rarybere: —Anowidÿÿkÿmy adekereny tiki rarybekeki, ibutumy biwinybenyke. ⁶ Debòsohoji reurò mana butxi nihikÿ tai rÿimyhÿ judeu mahādu ibe-di brebu òraru-ki aōna aōna risuhōmyhÿre worana bedehesinau. Mana butxi sohoji sohoji 80 urihixina ratyre rimyre. ⁷ Jesuisi tamyreny rarybere: —Ibutumy bedi bitÿxinybenyke. Tahe ibutumy jìà ratyre ritÿxinyrenyre. ⁸ Katahe iribi bitake. Worana bedehesi wedu-ò biwybenyke imona. Tahe riwyrenyre. ⁹ Kia bee heka Jesuisi riwitxiranyre vÿi monamy. Tahe iwedu riurihire, rieryōre tiribibo nade. Deòdu tahe rierye juhuu bee rare. Tahe iwedu rarybere weryrybò heridu-ò: ¹⁰ —Katahe awityhyre. Kai ijō-ribi iwitxiratyhymy tewinyteri. Ijō iny heka awityhy iko-ò ritxiwimyhÿ. Ihewomy tahe awiriōre ritxiwimyhÿre. Kai tahe awityhy ikonana-ò teyrubunyta. ¹¹ Katahe aōna aōna wiwihikÿ iny itxerenamy juhu ludu rare. Kana hāwā-ki Kalileia bedeki ihÿre. Tii tarurutere riteòsinymyhÿre taerydÿÿna mahādu-ò. Tai ierydÿÿna mahādu rityhinyre.

¹² Iribi tahe Kafanaō hāwā-ò Jesuisi dobehede tadi, taseriōre, taerydÿÿna mahādu tii-wana roirenyre. Ijōtxumy tahe tai bedeki tÿnyra rÿira.

¹³ Pascoa worana bedehesi iòhōmy rÿireu, Jerusalē rotuore kia tahe judeu mahādu worana bedehesina rare. ¹⁴ Tai Jesuisi Deuxu dohodÿÿna hetowo-ò ralore. Tahe iwo-ki itxi reare sōwemy aōna aōna-di rohonryeriò, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru witxira witxira wibydÿÿdu mahādu-txi reare tai ronymyhÿki. ¹⁵ Jesuisi reroti awaru hātena wesemy riwinyre. Idi tahe dohodÿÿna hetowo-ribi ibutumy riòlòdÿÿre, budoeni, broreni-wana, tahe nieru wibydÿÿdu mahādu oworubesedÿÿ-di Jesuisi rehure, tai nieru rejuxunyre. ¹⁶ Tahe rare bòtòe-di ijohodu-ò. Tamy rarybere: —Biòlòdÿÿnyke wa. Waha heto dori aō-di ijohona aōkō rare. ¹⁷ Tahe Jesuisi erydÿÿna mahādu tòhōti-txi reare aōbo Deuxu Tyriti-ki roiretxi:

—Waha heto yrubudÿÿna-ki dori riwasamyhÿre. Ariyrubunykemy dori watxireri, tai riwasareri.

¹⁸ Judeu mahādu Jesuisi-ò rÿÿraxire: —Aōherekibo kai teòlòdÿÿnyteri. Mobo he arateranyreri tuu biwinykemy. ¹⁹ Tahe Jesuisi riraw-yōnyre: —Deuxusÿ-di

behuke tahe inatao txe-di aditamadyňnykre. ²⁰Tahe judeu mahadu rarybere: —Ka heto 46 beora-di relere, timykibo kai inatao txe-di biwinykemy. ²¹Jesuise tahe Deuxusymy taumylemy rarybere. ²²Iribi tahe iu rubu-ribi iixixana-txi tohotireny reare, kia tuu rarybere-txi. Tai heka iritina rityhynyre, tule Jesuise rybe rityhynyre.

²³Jerusalẽ-ki Jesuise Pascoa worana bedehesidyňa riwyre. Aona aona wiwihiky inyy-ki ritxienyre riwinyre. Tai sowemy iny inityhy rityhynyre. ²⁴Jesuise tahe urihimyołe iny rityhynyre. ²⁵Tii dori ibutumy iny rayky rierymyhyre. Inyo timy iny raremy tiu tamy aona relyyotyhy tii ibutumy aerydu rareki.

3 ¹Nikodema fariseu mahaduõ rare. Tii judeu mahadu weduõ rare. ²Tii rudimy Jesuise roramy rara. Tahe tamy rarybere: —Wanyry, reeryrenyre kai Deuxu-ribi erydydydu tate. Inyo Deuxu-diõkeki tii aõ wiwihiky riwinyotyhy. Iwese aõ wiwihiky kai tewinyte wese. ³Tahe Jesuise rirawonyre: —Inatyhytyhymy adee ararybekre: —Inyo ixityre reakõkeki, tiu Deuxu Olõnasymy robiotyhy.

⁴Nikodema ryraxire: —Timykibo matuari ixityre reakemy. Timyrabo, ixiby tadiwo-õ iny ralõkeki aõbo ixiby iny raumynyke. ⁵Tahe Jesuise rirawonyre. Inatyhytyhymy rarybere. Inyo bera-ribi ratybienyõkeki Deuxu Tytybytyhy-ribi ratybienyõkeki, tiu ralõotyhy Deuxu Olõna-õ. ⁶Deribi tybie heka dee rare. Deuxu Tytybytyhy-ribi tybie tasý tytyby rare. ⁷Idi wanaõ-taõmy aõmybo rarybereridi ixityre ijiranamy. ⁸Tiõ tiõ yhy ribonymyhyre: —Iwodýy taholate, tahe tiribibo namyhyde teeryõmahate tiõhe ramyhyre teeryõte, kia wesele iny Deuxu Tytybytyhy-ribi tybie iny ryire. ⁹Tahe Nikodema ryraxire: —Timyrebohe kia ratxike. ¹⁰Jesuise dirawonyde: —Kai judeu bede erysydydydu tate iharele teeryõte aõbo. ¹¹Inatyhytyhymy adee rarybere aõmybo reeryre, aõmybo rabire. Iharele tahe kia tetyhynyõte. ¹²Bede aõmydyňnanamy rarybere tahe tetyhynyõte. Timybo bityhynyke biu aõmydyňnanamy ararybekeki. ¹³Iny sohojile biu-õ raõwonyre, Deuxu Riõre Habytyhyky rare. Tiile iribi juhu dobehede. (Tiile isýre. Taile isý roire.) ¹⁴Iwese Moisesi bederahy-ki womati hemylala ritamadýnyre wese, Kiawesele jiarý, Deuxu Riõre Habytyhyky, wadi kidiwatamadýnykre. ¹⁵Tahe inyo wadi rityhynykeki, mytuedeõna tuu ritamy rýihyy rakre.

¹⁶Deuxu Riõre sohojihyyle rare. Deuxu bede ludu mahadu ibutumy iluutyhyre. Tai tahe tariõre diteõnyde iny rityhynykre. Inyo tii rityhynyre-wana, mytueõnahaky ritakre. Tii ruuotyhy rubu bina bede-õ. ¹⁷Deuxu taRiõre bede-õ diteõnyde bede iny mahadu tarasadumy rarekemy. Aõ iny ywisidyňa-õ rirutykemy aõkõ. ¹⁸Inyo rityhynmyhyreki, tii ywisidydydu idi rehuotyhy. Iny rityhynyõmyhyreki tihe aõhõkymy dyňnana-txi riteynykre Deuxu idi ratximyhyre, tii dori Jesuise rityhynyõhyymyhyre, Deuxu Riõre dela wahe. ¹⁹Ibinatyhymy iny aõmydyňnana bede bedemy ryira, tai bede luru-ki rira tamy awira. Tuu loosõna nadeu, tamy ibinare. Tai tahe Deuxu riteõnykemy idi ratximyhyre. ²⁰Inyo aõbinahaky rotýnymyhyre, loosõna dera heka tuu ryira; loosõna-õ rehemynyotyhy, rehemynyre-wana, iny taaõbina bina rierymyhyre. ²¹Iny tahe awiwihiky rotýnymyhyre-wana tii tahe loosõna-õ rehemynykre ryira, taaomydyňnana dori Deuxudeewimy ririmyhyre, ibutu iny rierykre ririre.

²²Iribi tahe Jesuisi taerydÿÿna mahādu-wana Judeia bede-ò ròirenyre. Tai heka bededÿÿnanaò riwyre. Tiiboho iny ityhydÿÿdu mahāduò tai riratysebenyrenyire. ²³Joaò iribi iòhòmy ratxireri. Iny riratysebenymyhyre. Tii Eno hāwā-ki Salī hāwā-ribi iòhòmy roire. Tai riratysebenyire sōwemy bee tai roimyhÿreki. Sōwemy iny tamy ratysebenymy rare. ²⁴(Joaò iu rotenamy ralòòlemy ratximyhÿ.) ²⁵Judeu mahāduò, Joaò erydÿÿna mahādu-wana rybetere txiòdÿÿna ròhònyra, bede ywina òbiti aōmydÿÿnanamy wahe. ²⁶Tahe Joaò erydÿÿna Joaò-ò doidenyde rarybekremy: —Waerydÿÿdureny. Kai hābumy telymy tatemahā, kia Jordaò kanawe-ribi ijā-ki umy-wana raremyhÿ, tii ròratysebenyreri. Sōwemy iny tamy wirotyre. ²⁷Tahe Joaò tamy rarybere: —Kia wadee awire aō aōkō iny ritamyhÿre, biu-ribi kanakekile tahe iny aō ritake. ²⁸Jiarÿ heka Jesuisi nonanamy ijyymy diwateònyde wahewo-ribi kanakremy. Jiarÿ tii aōkō rare. Tii tahe Kristu tyhy rare. Jiarÿ kiamy juhuu rarybewāhāre: —Kia tahe teertyenye. ²⁹Inatyhymy tahe hābumy heridu wesemy Jesuisi rare. Ibutumy iny tuu robikemy tamy wirotyre. Ibiòwa weselemy jiarÿ rare. Tahe irybe-ò raholareu, reysamy rarewāhā. ³⁰Tai wadee awire iny tii rieryreki, waribi tahe nohōti rosakemy idi watxiwāhāre.

³¹Tii biujuxahakÿ-ribi nadeki ibutu ratyremy ratximyhÿre. Bede-ribi jiarÿ anadeki, tahe bede ludu jiarÿ rare, bede aōmydÿÿnanamy rarybewāhāre. ³²Tii rarybere aōmybo roholare, robire, tahe ijō iny rityhynyòhyre irybe. ³³Inyō tahe rityhynyeki, tii tule ijō-ò rarybere, Deuxu inatyhy rare wahe. ³⁴Deuxu deòdÿÿna heka irybelemy rarybere Deuxu dori Tatyytybytyhy ibutumy tamy diwahinyde. ³⁵Tyby taRiòre luure, tai tahe ibutu aōmydÿÿnana ywisidÿÿmy tamy diwahinymy diteònyde. ³⁶Iny Jesuisi rityhynymyhyreki, umytuedeònahakÿ-di iny rÿira. Inyō tamy ratxiòkeki, tiu umytuedeòna robiòtyhy, Deuxu ykarana dori tii-wana ratximyhÿre.

4 ¹⁻⁴Inyō fariseu mahādu-ò rarybere: —Jesuisi Joaò-ribi iny sōwemy diratysebenymyhyde. Sōwemy iny ritamyhÿre ierydÿÿmy. Tahe Jesuisi aōkō ròratysebedÿÿmyhyre, ierydÿÿnale tahe riratysebenymyhyre. Iu Jesuisi kiamy rieryreu tahe, Judeia-ribi rexitare. Roirenyre Kalileia bede-ò ritehemynykemy. Roirenyreu tahe Samaria bededihÿyle ròhòrenyire. ⁵Samaria bede hāwāò-ò tahe ritehemynyre. Sika inire. Ijaò riòresu-ribi iòhòmy ròira, tariòre Jyje-ò riwahinyre wahe. Ijaò behāloo tai rÿimyhÿ. ⁶Txutyeyu tahe Jesuisi elerihynymy ronmyhÿ tatilemy nadeki berysyna werora-ki. ⁷Tahe Samaria mahādu hāwyyò dobehede beixemy. Jesuisi tamy rarybere: —Beò inihe wadee bidiòke. ⁸Jesuisi erydÿÿna mahādu tahe juhuu ròirenyre hāwā-ò rÿsÿna itxemy. Tai Jesuisi riraòmy ronmyhÿ. ⁹Tahe hāwyy rarybere: —Kai judeu mahādu tate, jikarÿ samaria mahādu rare. Anoherekibo wadeke textiòenyteri bemomomy. (Judeu mahādu Samaria mahādu-wana wiymy reaòhyymyhÿre. Widi òludu wesemy rare.) ¹⁰Tahe Jesuisi rirawyònyre: —Kai heka teeryòhytyteri moba jiarÿ rare wahe. Tule, Deuxu wahisidÿÿna teeryòte. Tiwaeryteriwana kai bedexitòenyke, tahe bee irumy ihÿre adee ariwahinyke. ¹¹Hāwyy rarybere: —Wahī, timybo bee irumy ihÿre wadeke kanakre. Kai ahynakōre, hāloko heka behekyre bee irehere. Timybo bee iru kumy-wana ratxireri. ¹²Kai anobohe inytyby Ijaò ratyrere. Tiki heka behāloko wedu juhuku rare; idi riwahinyre inydekereny. Iribile iritxiòre riòmyhÿre

tiki-wana, ibroreni riömyhÿre. ¹³ Jesuisi tahe tarybetyhy-di rarybere: — Inyõ kahäloobemy riökeki, ixityre bemomomy ruruke. ¹⁴ Jiarÿ bee ariwahinyke. Inyõ tahe kiabemy riöke-wana, tiu bemy tamy umytuedeõnahakÿ riwahinyhyymyhyre. ¹⁵ Tahe hāwyy rarybere: —Wahī bee tuedekõdu ikuny tuu kariöke. Tai kakõ kanakõtyhy berysymy. ¹⁶ Tahe Jesuisi rarybere: —Maa hÿny, ahābu biöryke, tahe manake. ¹⁷ Hāwyy dirawyõnyde: —Anokõre, wahābukõre. Jesuisi rarybere: —Inatyhymy tarybeteri ahābuõremy. ¹⁸ Kai heka iruyre ahābu tate. Wijina tahe ahābu aõkõ rare atÿhibiõwale wahe. Kia tahe inatyhymy tarybeteri. ¹⁹ Wahī, wiji tahe arakeryra, kai Deuxu rybeduõ tate. ²⁰ Wahareny Deuxumy reālāmyhÿre kahāwālõ-ki. Amahādu anokõ, tamy tahe Jerusalē Deuxu deālāna rare. ²¹ Tahe Jesuisi rarybere: —Lerÿ, warybe bityhinyke. Kanakre itxu kahāwālõ-ki aõkõ, Jerusalē-ki aõkõ Waha Deuxu deālāna rareke. ²² Kaiboho aõmybo teālāte teeryõtenynte. Jiarÿboho tahe aõmybo reālāre, reeryrenyre, tarasana dori judeu mahādu-ribi nade. ²³ Kia bededÿÿnanamy reara. Inyõ Waha Deuxu ālānamy ratximyhyreki Deuxu Tytybytyhy-di, inatyhyna-di reālāmyhÿke. Tuu deālāna mahādu Deuxu rijjemhyhyre. ²⁴ Deuxu Tytyby rare: —Tai tahe tudeālānadu tatytyby-ki inatyhyna-ki tuu reālāmyhÿre. ²⁵ Kia tahe jikarÿ rekeryre, Mesia kanakre, Deuxu dekodÿkÿnamy wahe, Kristu inire. Tiki kanakreku wahe, ibutumy inydekereny anona anonamy relykykre. ²⁶ Jesuisi rarybere: —Jiarÿ tahe tiire, umy-wana wiji rarybereri wahe.

²⁷ Tahe Jesuisi erydÿÿna mahādu rehemynyre. Hāwyy-wana rarybere-riki tahe ribedeõtiidÿÿnyrenyre. Tahe inyõ tamy rÿÿraxiõhyre. Aõmybo tamy rÿÿraxire, ada aõherekibo tamy rarybereriki. ²⁸ Iu tahe hāwyy tabutxi ririre, hāwā-õ rara. Tahe tahāwā mahādu-õ rarybere: ²⁹ —Bodoibedenyke wahemy. Betehebenykemy hābu-kõ. Tiki wakoku relykyre ibutumy anohebo ratÿkÿnymahāremy. Tiki kòsana Kristu ratxireri. Deuxu dekodÿkÿna rare. ³⁰ Hāwā-ribi roirenyre Jesuisi-õ. ³¹ Iu hāwyy hāwā-ki rareamyhÿreu, tahe ierydÿÿna Jesuisi-õ rarybere: —Iny erydÿÿdureny rÿsÿnaõ birÿsÿke. ³² Tahe Jesuisi rarybere: —Warÿsÿnadire wahe. Kaiboho heka kia rÿsÿna teeryõtenynte. ³³ Tahe widee raryberenyre: —Inyõ kōaõboka tamy rÿsÿnaõ riwyreri. ³⁴ Jesuisi rarybere: —Wadeõdÿÿdu deewimy ariwinykemy idi watxireri. Kia tahe warÿsÿnare, iaõmysÿdÿÿna arihukemy wahe. ³⁵ Maixõmo butuna inaubiõwa ahādu-di bidiðrarunyenkyremy kaiboho tahõtintenynteri. Tahe aõkõre adeereny ararybekre. Betehebenyke bedero-õ. Maixõmo redenamy rÿire. ³⁶ Kia maixõmo butudÿÿdu iõwy ritake, tahe umytuedeõnahakÿ-õ iny ributunyre. Tahe wiwanale riwodeysanymyhyre ibrodÿÿdu ibutudÿÿdu-wana. ³⁷ Iwese inyõ rarybere wese, inatyhy rare. Ijõ tahe ibòròdÿÿdu rare. Iwixira tahe ibutudÿÿna rare. ³⁸ Jiarÿ kaiboho arateðnymahāre. Aõbo tebòrònyõtenynte tahe bibutunyke. Juhuu inyõ raaõmysÿdÿÿre: —Kaiboho tahe iraty temytenynte.

³⁹ Tahe hāwyy òraru-ki sōwemy Samaria hāwā mahādu rityhynyre. Hāwyy rarybere juhuu: —Tiki wakoku relykyre ibutumy anohebo ratÿkÿnymahāre walananonanamy relykyre. Kia rybe òraru-ki tahe rityhynyrenyre. ⁴⁰ Samaria hāwā mahādu tahe Jesuisi-õ rexitðenyre tii-wana roirekemy. Tahe Jesuisi tii-wana inatxi txumy riwyre. ⁴¹ Sōwemy tahe rityhynyre Jesuisi Rybe òraru-ki. ⁴² Tahe hāwyy-õ rarybere. Wiji tahe arybe òraru-ki aõkõ

retyhynyre. Tamy tyhy-ò jiarýle raholare, tahe reerye tii bede iny taramadu tyhymy raremy.

⁴³Inatixtu-di tahe Samaria-ribi rare Kalileia bede-ò. ⁴⁴Jesuisile dori rarybere: —Deuxu rybeduò uladumy ijirana bede-ki iny rityhynyòhyymhỹ. Tiu tamy wowydynaò riwahinyòtyhy. ⁴⁵Kalileia mahādu juhū Jerusalē-ò tule roirenyre, worana bedehesi rỹimyhỹrað. Ibutumy aòbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyreny.

⁴⁶Tahe ixityre Jesuisi rehemynyre Kana hāwā-ò. Juhū tai bee riwitxi-ranyre vīī monamy wahe. Bede dinodu aòmýsýdýýdu Kafanaò-ki rasýnyre. ⁴⁷Jesuisi Kana hāwā-ki ratxirerimy hābu roholareu, tamy rara. Tariòre dori ibinamy roire taheto-ki. Jesuisi-ò hābu rarybere: —Manakekō aòbo waheto-ò wariòre biteytekemy. ⁴⁸Jesuisi rirawyònyre: —Kaiboho bede aòmýdýýnana wiwihikỹ tetehetynteule tetyhynyteny. ⁴⁹Hābu heka Jesuisi-ò rarybere: —Wanyrỹ, wylemy manake wariòre rurukreko-txi. ⁵⁰Jesuisi rarybere: —Bòðseke, ariòre dori awimy relera. ⁵¹Tahe tii Jesuisi rybe rityhynyra tai ròðsere taheto-ò rakemy. Ijò txu tahe ryro-ki teòdu-wana witxi reare. Tii rarybere: —Ariòre reytera ahetokile. ⁵²Hābu ritýýraxinyre tiubo reytera. Tahe relyre. Kaule, txutyeu reytera. ⁵³Jesuisi rarybereu, kiaule iriòre reytera. Hābu rieriye. Tai tahe idi ibutumy hābu sýmāhādu Jesuisi rityhynyre. ⁵⁴Kia tahe Jesuisi inatxina aõna aõna wiwihikỹ iny itxeranamy riwinyre Kalileia bede-ki.

5 ¹Iribi tahe judeu mahādu worana bedehesimy rỹimyhỹ. Tai tahe Jesuisi rare Jerusalē-ò. ²Hāwāy-ki tahe hāloo ibedýý roimyhỹ budoeni ryijò iòhò-ki rỹimyhỹ. Beteta inire, hebraika rybe ini rare, judeu rybe wahe. Iruyre iwòtena ube iwerora-ki rỹire. ³Sòwemy webinadu ube-ò wii rotyre, iny ruetà ijòre, iny tiere ijòre, inytibina ijòre. ⁴Tiiboho ýjuò riraðmyhỹre. Ýju beð rerireu tahe raukỹre. Mobu juhu itxi resekeki tahe, tii reytemyhỹre. ⁵Hābuò 38 beðramy ibinamy roimy raremyhỹ. ⁶Jesuisi tamy retehereu, rieriye tiwe-sebeðrabo ibinamy roimy rare myhỹ. Tahe tamy rarybere: —Kai aòbohe beytekekō. ⁷Hābu dirawyònyde: —Aòkòre Wanyrỹ, wawiohedýýduòre. Bee rexiukýnyrau, ijò wako-ò ralòmyhỹre. ⁸Jesuisi tamy rarybere: —Myikewa, abyre bimýke, mariake. ⁹Aòwesele hābu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aòmýsýdýýna txu aòkō rare. ¹⁰Tai tahe judeu mahāduò tamy rarybere: —Abyre-di riraòmy, sabado txu dori òbiti aòkō rareki. ¹¹Tahe dirawyònyde: —Wadeytedýýdu wadee rarybere wabyre arimykemy. ¹²Tahe tamy rýýraxire: —Mobo adee rarybere abyre bimykemy idi mariakemy. ¹³Tahe hābu deytedu rieriòre mobo rare. Jesuisi dori dexitade iribi. Sòwemy iny tai rỹimyhỹ. ¹⁴Deuxu dohodýýna heto-ki Jesuisi idi hābu-ki rahara. Tamy rarybere: —Kai teyteta, inatyhy. Tai tahe aðraruna biixāwidinyke, aòbinatyhy aòhe adee rotýýnyheny. ¹⁵Hābu tahe rare. Judeu mahādu-ò rarybere, mobu teytedýýdu raremy, Jesuisi wahe. ¹⁶Tai tahe judeu mahādu Jesuisi ibinamy rexidelenymy rarybere, sabado txu kia riwinyreki. ¹⁷Jesuisi tahe rarybere tamýreny: —Waha, Deuxu aõu raaòmýsýdýýre, jiarỹ tulere. ¹⁸Tai tahe sòwemy irubudýýmy rurumyhỹre. Sabado txu bede ywina-ribi tii riwinyòre. Tule Jesuisi Deuxu wesemy rexioire, Wahamy dori rarybemyhỹreki.

¹⁹Tai tahe Jesuisi tamýreny rarybere: —Jiarý ixi-di aôkô aômydýýnanamy ratýýnymahâre aôbo Waha riwinymyhýre, jiarý tule rewinywâhâre iwese-lemý. ²⁰Waha Deuxu dori waluure. Aôbo riwinyre wadee riteôsinyre, tai tahe aôruxerahakýtyhymybo bobibenykre, idi bede biôtiinybenykre. ²¹Waha Deuxu dori rubu-ribi iny riixixanymyhýre. Tai tule jiarý iny areixixanyke ixideewikeki. ²²⁻²³Ibutumy iny hitxidýýna Waha wadee tuu rarybera, tii dori iny rihitxidýýnyôtyhy. Jiarýle tahe iny ywisidýýdumy arôhônýkre, tai iwese Deuxu iny riwowýdynymyhyre wesele iny riwawowýdynymyhykre. Adeerény Deuxu diwateônýde. Tai inyô riwawowýdynyôkeki, tii Deuxu riwowýdynyôrerí. ²⁴Inatyhytyhymy adeerény ararybekre. Inyô warybe roholakeki, wateôdýýdu rityhynykeki, tii wijityhyle umytuedeôna ritake, ywisidýýduko-ô rôhônýôtyhy, rubu ryribi rôhônýre umy irumy ihýre ryô iny ralômyhýre. ²⁵Inatyhytyhymy adee arelyykre: —Bedeýýnana-ki kôhôra, bede dýýnany reara. Tahe rubu mahâdu Deuxu Riôre rybe-ô roholakre. Roholamy rýikeu tahe irumy rýike. ²⁶Tyby dori iumyônanaôhyyre wese tule iRiôre rare. Umytuedeôna wedu rare. ²⁷IRiôre heka hitxidýýna wedumy relere. Tii dori Deuxu Riôre Hâbutyhyhyký tii rare, jiarý wahe. ²⁸Bedeôtiidýýômy tahe bededýýnanamy he reare. Rubu mahâdu wabedey-ki warybe-ô roholakre, tai iribi rôhônýkre. ²⁹Ibutumy aôwibo riwinyre mahâdu kedexixakre umytuedeônahaký-di. Kia ibinamy riwinymyhýre mahâdu ywisidýýdu-ô rexixakre.

³⁰Jiarý ixi-di aôkô aômydýýnanamy ratýýnywâhâre. Iwese Waha-ô raholare wese iny ywisidýýmy arôhônýkre. Waywisidýýna heka ôbiti rare. Wadee wimy aôkô dori tuu watxiwâhâre. Waha wadeôdudeewimy tuu watxiwâhâre. ³¹Iximy ararybekeki, inyô riwatyhynyôtyhy. ³²Iwitxira heka tuu rarybererí wamy wahe. Reerye inatyhy raremy. ³³Kaiboho inywitxira teteôntytenyte. Joaô ratysebedýýdu-ô rýýraxikemy ibutumy kia wamy rarybere inatyhy rare jiarý inatyhy rare. ³⁴Iny wamy rarybemyhýre, tahe jiarýle kia reijeôhyy-mahâre inyle rieryôre wamy rybe, wahe. Tahe kiamy adee relyywâhâre kaiboho ritamy rýikemy. ³⁵Joaô tahe loosôna wesemy raremyhý. Tii urihimyô bededýýnana ritoosônymy raremyhýwesemy tahe kaiboho atximahâtenyte. Idi urihimy-ô teysatenyte iloosôna-di, idi iribi kaiboho terarenýre. ³⁶Jiarý Waha ôraru-ki aômydýýnana wiwihiký, rewinywâhâre. Kaheka inatyhymy urihixina rare. Joaô wamy rarybere ratyre heka kaa roire, Deuxu Waha inatyhymy wadeôdu raremy riteôsinyre. ³⁷Waha wadeôdu wamy tule relyyre. Kaiboho irybe-ô taholaôtenyte tule tii tabiôtenyta. ³⁸Kaiboho tamy taholaôhyyamahâtenyte, tiwatyhynyôteki, jiarý dori iteôdýýna rare. ³⁹Tyryiti-ô tetehtenýte iwo-ki dori umytuedeôna-ki mahakemy tahôtinytenyte. Ritidýýnakile wamy relyymyhyre. ⁴⁰Ihârele tahe wadee taômahâte adeerény umytuedeôna ariwahinykemy. ⁴¹⁻⁴²Aômybo wamy iny rarybemahâkeki, aô aôkô rare wadee, jiarý dori reeryre Deuxu luuna-di aôkô atxitenyteri. ⁴³Jiarý Wahani-di anade, tahe kaiboho tiwatyhynyômy wadi ahâte. Inyô ixideewilemy kanakeki, kaiboho bityhynybenykre. ⁴⁴Tai heka tetyhynyômahâtenyte. Widee dori kaiboho tewowýdynymahâtenyte, tahe Deuxu-ribi wowýdyna ritakemy terarenýre, sohojijyyre heka Deuxu. ⁴⁵Kiamy tahe Waha-ô arelyyôkre, Moisesi tahe relyykre. Moisesi bede ywina dori, ararôsônyreny rare. ⁴⁶Inatyhymy Moisesi tetyhynymahâte-wana tule jiarý biwatyhynymahâke, wamy dori Moisesi rôratidýýre. ⁴⁷Irybe bityhynyôkeki, timybo warybe bityhynyke.

6 ¹Iribi tahe Jesuisi Kalileia aho-ki ixyby reurore, Teberiaade ahoniöre. ²Tahe sōwemy iny riheludunyre tuu robireki, aōna aōna wiwihikỹ, deytedyña wiwihikỹ robireki. ³Tahe hāwālōraty-ò Jesuisi raðwònyre taerydyña mahādu-wana —rorukurenyre tai. ⁴Judeu mahādu worana bedehesi rexidelenykemy iòhòre. ⁵⁻⁶Tahe Jesuisi retehere insōwehekỹ-ò, tamy rehemynryeriò. Tai Filipi-ò riurihimy rarybere: —Tikibo orotxu tamyreny rikiòbranyke riyrenykemy. Jesuisi rierymyhỹre aōbo riwinykremy ratxireri ihārele tahe Filipi-ò kia rarybere. ⁷Filipi tahe dirawyònyde: —Inyò sohoji sohoji orotxu yre sohoji riyekiki, 200 prata womati nieru rakahurenyke ihāre rimyòtyhy. ⁸Andre Jesuisi erydyña-ò rare, Simaō Pedro seriðre rare. Tii tahe Jesuisi-ò rarybere: ⁹—Weryryboò kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aō aōkō rare insōwe-ò. ¹⁰Tahe Jesuisi taerydyña-ò rarybere: —Tamy marybenyke ranyrenykemy asityrekile. Tahe rorukurenyre ibutumy. Hābu 5000 ronyre ijò inyò tahe sōwetyhymy rorukure. ¹¹Jesuisi orotxu rimyre. Deuxumy reàlāre, idi tahe tamyreny riwahinyre. Tule utura-wana wiwesele risỹnymy. Tuu rotỹnyre. Ibutumy heka ixideewina rirỹsỹrenyre. ¹²Rihydyrenyre, Jesuisi rarybere taerydyña mahādu-ò: —Bibutunyenyeke rauhenyru uritere ixinamy itxiwixirenyokemy idi watxireri. Uritere idi dehurenyōmy. ¹³Tahe ributunyenyre iuhe waðinatxi reurðmy weriri ritỹxinyre orotxu yrere-di. ¹⁴Jesuisi aōwiwihikỹ widỹnyamy robirenyreu kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii riraðmyhỹre.

¹⁵Ròhòtinyrenyre: —Jesuisi inyiðlòrenymy rikimyrenykre. Tamy ròkòirenykre. Iu Jesuisi kia rieryreu, ixisohojilemy rexitare ixyby, hāwālò-ò.

¹⁶⁻¹⁷Ibedesou aho ijā-ò ierydyña mahādu riberenyre riraðkemy. Bede rurunyre tahe Jesuisi rehemynyòhyre. Tai hāwòò rimyrenyre idi reurðkemy ijòwe-ribi ijā-ò, Kafanaō hāwā-ò. ¹⁸Tahe yhy deborehekỹ tiribi tiribi rebonymyhỹ. Òbò tahe resemyhỹ. ¹⁹Sohoji urihixina iòhòmy ròireny tahe Jesuisimy robirenyre. Tii betyredile tamyreny nariamy nade. Tiiboho ruberunihikỹrenyre. ²⁰Jesuisi tamyreny rarybere: —Jiarỹle wa rare, breburenyōmyke. ²¹Tai tahe hāworo-ò Jesuisi ronykemy tiiboho disỹnydenyde. Aō wesele tahe rehemynyrenyre tiòbo ròirenyrað.

²²Itxubiðwamy sōwemy iny wii ributunyre aho kanawe-ribi ijā-ki. Hāwò sohojile tahe tai roire aho-ki. Jesuisi erydyña mahādu roirenyremy rieryrenyre. Tahe Jesuisi aōkō idi rare. ²³Tahe hāwòò dehemynydenyde. Teberiaade hāwā-ribi Jesuisi tai ratximyhỹ iòhò-ò. Tai juhu Jesuisi rexitòdenymy rỹimyhỹ tahe orotxu tamy riwahinyre. ²⁴Jesuisi iøre tai, ierydyña mahādu iøre. Kia tahe iny sōwemy robirau, hāwò-ò rimyrenyre. Iòrysmy roirenyre, Kafanaō-ò. ²⁵Kanawe-ribi ijā-ò rehemynyreu, tii-wana witxi reare. Tahe tamy rỹraxire. Waerydyñdureny, tiubo kað tadehemynyte. ²⁶Aōwiwihikỹ rewinyremy aōkō tiwaijetynteri, rỹsỹna adeereny rewahinyrakile, tehydymy terỹsỹtenytakile. ²⁷Rỹsỹna tyhy ituemyhỹre kiaðle aōkō maaōmysỹdyñbenyke, tahe iwitzira rỹsỹna-ò maaōmysỹdyñbenyke, kia ituedeōna-di aōkō rare. Deuxu Riøre Habutyhyhykỹ dori adee riwahinykre. Kia rỹsỹna umytuedeōnahakỹ wesemy rare. Taile tahe Deuxu Waha riwateðnyreri. ²⁸Tahe Jesuisi-ò rỹraxire: —Timybo iny Deuxudeewimy arotỹnyrenykemy. ²⁹Jesuisi dirawyònyde: —Kialemy, biwatyhybenyke: —Deuxu dori

wateòdÿÿdumy rare. ³⁰ Tahe raryberenyre tamy: —Aõwiwihikÿbo inyko-ò biitxerèdÿÿnyke. Aõhebo botÿÿnykre, iny aratyhynykre. ³¹ Inytybyreny orotxu riyrenyre bederahy-ki. Kia wese Tyryiti-ki roire:

—Moisesi tamy orotxu riwahinyre biu-ribi.

³² Jesuisi rirawònyre: —Inatyhy tyhymy Moisesi aõkò tamy riwahinyre. Waha dori biu-ribi orotxu tyhy adee riwahinyre. ³³ Deuxu orotxu tahe irutyhymy inydee riwahinyrnyhÿre, biu-ribi diwahinyrnyhÿde. ³⁴ Tahe raryberenyre: —Wanyrÿ, tiu kia orotxu bidiwahinyrnyhÿkre. ³⁵ Jesuisi iximy rarybere: —Jiarÿ orotxu irutyhymy rare. Inyò wadee kanakeki, tiu rama risaòtyhy. Inyò riwatyhynykeki, tiu bee risaòtyhy. ³⁶ Adeereny heka rarybere: —Wamy tabitenyte, ihärele tiwatyhynyòtenyte. ³⁷ Ibutumy iny Waha wadee riwahinyrnyhÿre wadee kanakre. Tiu ixi-ribi ariteònyòtyhy. ³⁸ Adobehede dori aõ ixideewimy aõma arotÿÿnykemy aõkò. Wadeòdÿÿdudeewimy arotÿÿnykemy watxiwähäre. ³⁹ Tiu ariònonyòtyhy wadee diwahinyrnydeò kiaboho ibutumy ikonana txuu rubu-ribi ariixixanykre. Kia tahe wadeòdÿÿdu deewimy rare. ⁴⁰ Inatyhymy Waha deewimy kia rare. Iny iRiòremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarÿ biu ludu orotxu rare. Tai tahe judeu mahädu aõbina binahakÿlemy rarybemyhÿre. ⁴² Kia wese rarybemyhÿre: —Kaa Jesusile rare. Jyje riòre rare. Tyby he ijoj eryna rare ise tule. Aõherekibo tii rarybereri biu-rubu nademy. ⁴³ Tahe Jesuisi dirawònyde: —Tuu wamy ryberenyòmyke ayludurenymy. ⁴⁴ Wadeòdÿÿdu iny wadee rayky-ò rarybemyhÿre namyhÿde. Kia wesele iny wadee kedehemynykre, ikonana txuu tiiboho rubu-ribi ariixixanykre. ⁴⁵ Deuxu rybedu Tyryiti-ki kia rybe rÿire:

—Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee rehemynykre.

⁴⁶ Inyò Wahamy robiòhyrnyhÿre jiarÿle tahe tuu rabimahäre, iribi anadeki.

⁴⁷ Inatyhytyhymy adee rarybemahäre. Inyò riwatyhynykeki, umy tuedeõnahakÿ tiiwanale ratxireri. ⁴⁸ Jiarÿ orotxu wesemy jiarÿ rare. Umytuedeõna wahidÿÿdu jiarÿ rare. ⁴⁹ Boreny dori biu-ribi orotxu riyre bederahy-ki. Irabihyy ibutumy tiiboho ituerenyre. ⁵⁰⁻⁵¹ Jiarÿ tahe biu ludu orotxu wese rare, inyò tahe kia orotxu riykeki, tiu ruruòtyhy. Waumy ariwahinykre rubu-ò ibutumy iny òraruna òwydÿÿmy. Tamyreny umytuedeõna riwahinykre rubu-ò ibutumy iny òraruna òwydÿÿmy. Tamyreny umytuedeõna riwahinykre.

⁵² Judeu mahädu tahe txiòdÿÿna rybemy widee raryberenyre: —Timybo tadelemy inyboho riòwenyrenykemy wahe. ⁵³ Jesuisi rirawònyre: —Inatyhytyhymy adee ararybekre. Kaiboho Deuxu Riòre Häbutyhyhykÿde biròöbenykeki, umytuedeõna bitabenyòtyhy. Ihälubu biòbenykeki, umytuedeõna-di aõkò atxitenyteri. ⁵⁴ Inyò waderòdu wahälubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre. ⁵⁵ Wade heka juhu irònatyhy rare, wahälubu tu monatyhy rare. ⁵⁶ Inyò wade rirokeki, wahälubu riòkeki, wawana tiuhyy ratxireri. Jiarÿ tule tii-wana watxihyreri. ⁵⁷ Waha irumy ratxireri. Tii wadeòdÿÿdu rare iòraru-ki warumy watxireri. Tule waderòdu irumy ratxike waòraru-ki. ⁵⁸ Jiarÿ biu ludu orotxu inatyhy jiarÿ rare. Iwese bederahy orotxu heka boreny riyrewesemy aõkò jiarÿ rare. Ihärele tahe ituerenyre. Inyò riwaykeki, rexixahyymy rarekre. ⁵⁹ Kia ibutumy Jesuisi rarybere Kafanaò judeu dohodÿÿna-ki, riernanyrnyhÿre.

⁶⁰Iribi tahe Jesuisi-ò ijohona mahädu rarybere:

—Kia isira tyhyre iny rieryke. Inyõ heka kia rityhynyõtyhy.

⁶¹Jesuisile heka rexierymyhÿre tiiboho tuu rarybemyhÿreki, tahe tamy rÿÿraxire:

—Kaa aõbohe arabinadÿÿnyrenyke.

⁶²Tahe jiarÿ Deuxu Riõre Hãbutyhyhykÿ, ixyby biu-ò aròðsekeki, timybo marybebenyke, kaiboho wamy bobibenykeki. ⁶³Deuxu Tyytybytyhyly umytuedeõna riwahinymyhÿre. Umydetyhy umytuedeõna-di aõkõ rare. Urile adee rarybemahãre Deuxu Tyytybytyhymy rybena rare, adeereny umytuedeõna rare. ⁶⁴Tahe inyõ ayreny ludu riwatyhynyõreri. Jesuisi tahe juhuu-ribi rierymyhyre mobo rityhynyõmyhÿre, tule mobo tatxiõdÿÿdumy rarekremy. ⁶⁵Jesuisi raryberehyymy tii-wana: —Jiarÿ juhuu rarybewãhare. Inyõ Waha wadee riteõnyõkeki tiu wadee kanaõtyhy. Tai heka tuu adee jiarÿ rarybere.

⁶⁶Kia rybe õraru-ki sõwemy taerydÿÿna mahädu ririrenre. Tahe roirenre. ⁶⁷Tahe Jesuisi rÿÿraxire taerydÿÿna waõinatxi reurõ mahädu-ò. Ka bexe boibenyõkre aõbo biwaribenyõkre aõbohe. ⁶⁸Tahe Simaõ Pedro rirawõnyre. Wanyrÿ moobo arõirenre. Kaile heka umytuedeõna rybe-di atxiteri. ⁶⁹Jiarÿboho ka aratyhynmahãrenre. Araeryrenre ka, kai Deuxu-ribi hãbu õbitityhymy atximahãte. ⁷⁰Jiarÿ aratarenre waõinatxi reurõ inymy erydÿÿna mahädumy. Ihãre tahe inyõ ratximyhyre diaboõ heka tii rare. ⁷¹Jesuisi tahe Judasi Isariõmy rarybereri. Iwõ inatxinamy wahe. Simaõ-Isariõ riõre tii rare. Judasi dori Jesuisi riwahinykremy ratxireri iõludu mahädu-ò.

7 ¹Judeu mahädu Jesuisi rubudÿÿmy rurumyhyre. Tai tahe Judeia bede ludu hãwã-ò ralõõmyhÿre. Kalileia bede hãwãdile rariamyhyre. ²Tahe judeu mahädu worana bedehesi iõhõmy rÿimyhÿ. Kiani tahe heto riõre worana bedehesi rare. ³Tahe Jesuisi seriõreboho tamy rarybere: —Make wa karibi Judeia mahädu bede-ò aerydÿÿna mahädu dori aõwiwihikÿ kai tewinyteò tuu robikemy. ⁴Aõwiwihikÿmy tewinyteri, tai tahe ixinamy iny tuu ibutumy robikre. Ibutumy iny ixierysymy tahõtinyteri-wana urile iny lau iwõteõmy aõna aõna wiwihikÿ. ⁵Jesuisi seriõre mahädu tule rityhynyõre. ⁶Jesuisi tahe dirawõnyde: —Wiji araõkre wabededÿÿnanamy dori tuu reaõmy ratxireri. Kaiboho tahe adohotalemy bõike. ⁷Bede ludu mahädu iny dori aluurenre, tahe waderamy rekoarenre. Iõrarunamy dori jiarÿ tamy rarybemahãre, ibinatyhyremy. ⁸Kaiboho boibenyke worana bedehesi-ò. Jiarÿ tahe wiji araõkre, wabededÿÿnanamy reaõmy doimyhÿde. ⁹Kia tahe Jesuisi tamyreny rarybere. Tahe Kalileia-ribi Jesuisi rõhõnyõmy rÿimyhÿre.

¹⁰Tahe iseriõre roirenre worana bedehesi-ò. Idi tahe tule tii rare iherenymy itÿnymy aõkõ wahe, wasimy inyõ tuu robiheny. ¹¹Judeu mahädu tahe Jesuisi riijemyhyre worana bedehesi õrake-ò. Rarybemyhyre: —Titxibo tahe tii ratximyhyre. ¹²Jesuisimy rybe ixitxiõdÿÿna rõhõnyre insõweheky-k. Inyõ heka awimy tuu rarybemyhyre. Ijõ tahe ibinamy tuu rarybemyhyre, tii iny itxenadÿÿdu rarely. ¹³Inyõ tuu rarybeõhyymyhyre ibutumy ijohonamy judeu mahädu lau ruberureki.

¹⁴Worana bedehesi tya-ki Jesuisi Deuxu dohodÿÿna heto-ò ralore ribe-deerynykemy. ¹⁵Ribedeerynyreu tahe judeu mahäduõ ijõ-ò rarybere: —Timykibo he kia ritidÿÿna rierymy tuu rarybemyhyre. Rierykõ ihãrele iny rierynanymyhyre. ¹⁶Tahe Jesuisi dirawõnyde: Waerydÿÿna-di aõkõ rebedeeryre,

Deuxu wateòdÿÿdu rybe-di wahe. ¹⁷Inyò Deuxudeewimy ratxikeki, tii rierykre aòerydÿÿnabo òbitimy ratxireri. Tii rieryke Deuxu-ribi aòbo rarybereri ada ixi-ribi rarybereri. ¹⁸Iny ixi-ribi rarybekeki, tiile rexiloosònanyke. Tahe iny iteòdÿÿdumy rarybekeki, tii tahe inatyhy rare. Tii inatyhymy òbiti rare. ¹⁹Moisesi adee bede ywina riwahinyre: —Tahe kaibohoò tetyhynyòhyymahàtenyte. Tai tahe aòherekibo biwarubunykeny atxitenyteri. ²⁰Tamy inyò dirawyònyde. Kaita itxÿteteri. Inyò ka ararubunykeny aòkò ratxireri. ²¹Jiarÿ inyò reteytenyre sabado txuu tahe kaiboho wadi bede teòtiinytenyte. ²²Boholake, Moisesi bede ywina arateònyke ariòre ritòtyky aròkemy resynanykeny. (Boboho tahe kia tuu ritelenyre Moisesi aòkò.) Tahe notyky resyna txu rÿikeki, tuu tewinyte sabado txu hàrele. ²³Kia sabado txu biwinybenykeki Moisesi bede ywina riwinykeny, tahe aòherekibo wadee taykarananyteri hàbu sabado txu reteytenyrekì. ²⁴Aò òbitimy aòkò rare, òbitimy tahòtinyte-rikile. Òbitinale-di maraykynybenyke.

²⁵Ijò Jerusalê hãwã ludu mahãduò rarybere: ²⁶—Kia rarybemy rÿirerile, tii irubudÿÿmy rexinohòtinyreri. Beteheke. Butumy ijohonanamy kia rarybemyhÿre. Ihàrele taheka inyò tamy rarybeòhyymhÿre. Wedu mahãdu ròhòtinymyhÿre: —Ina aòkàbo Kristumy inatyhymy tii rare. ²⁷Inyboho tahe rierymhÿre titxiribibo tiò namyhÿde. Kristu Deuxu deòdÿÿna tahe kanakeu, inyò tahe rieryòtyhy titxiribibo kanake. ²⁸Jesuìsi tahe Deuxu dohodÿÿna heto-ki ribideerynymhÿreu rarybere: —Kaiboho tiwaerytenyte, titxiribibo anade tule teerytenyte. Tahe wateòdÿÿdu teeryòtenyte. Teròwymy heka jiarÿ anade. Tule tii inatyhytyhymy rare. ²⁹Iribi jiarÿ anade Tii riwateònyre, tai jiarÿ tii reeryre. ³⁰Inyò rijemyhÿ riròtenykeny. Tahe rimyòhyyre ruberureki, ibededÿÿnanamy aòkò bede rÿireki. ³¹Iny sòwehekÿ-ribi sòwemy iny rityhinyre. Tahe inyò rarybere: —Kristu Deuxu deòdÿÿna iratyre aòna aòna wiwihikÿ riwinykeny tahòtinyteri. Aòkòre, tii dori inatyhymy Kristu rare. ³²Fariseu mahãdu kia-ò roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu mahãduò riteònyrenyre Jesuìsi rimykeny. ³³Jesuìsi tahe tamyreny rarybere: —Urihimyò umyreny-wana watxikre, idi ta aròðekre wateòdÿÿdu-ò istryby. ³⁴Kiaboho biwajebenykre, waki mahabenyòtyhy. Titxibo watxireri kia-ò heka bitehemynyòtyhy. ³⁵Judeu mahãdu tahe widee rarybere: —Titxiwexe tii rakremy ihÿre, tuu rokobirenyòtyhy tai rakaharenyòtyhy, myÿ rarybemyhÿre wahe: judeukòdu mahãdu bede-ò aòbo rakremy ixi-di ratxireri. Tai ribedeerynykeny, judeu mahãdu-wana rasÿnykremy. ³⁶Timybohe rarybere: —Waki mahabenyòtyhy, titxibo watxireri-ò behemyhyòtyhy, myÿ rarybereri.

³⁷Ithewotxu worana bedehesi aónihikÿtyhy rare. Jesuìsi iu rexiukÿnyre rarybekemy: —Inyò bemomy risakeki, wadee kanake, riòke. ³⁸Inyò riwatyhinykeki, Tyritina-ki kia wese rybe rÿire:

—Iwo-ribi benihikÿ iru ròhònyke.

³⁹Iu Jesuìsi kia rarybereu, Deuxu Tytybytyhy aomy dÿÿnanamy rarybere. Iny dori rityhinykeki, iwo-ò Deuxu Tytybytyhy ralòke. Urile tahe Deuxu Tytybytyhy riwahinyòmy rÿire. Jesuìsi dori ròðeòre biu-ò. ⁴⁰Tahe roholare mahãdu tahe rarybere: —Ka heka hàbu Deuxu Rybedutyhy rare. ⁴¹Ijò tahe rarybere: —Tii Kristu rare. Ijò tahe rarybere: —Kristu aòkò Kalileia bede-ribi dori tii rareri. ⁴²Tyritina rybe-ki roire: —Kristu, Davi sÿ-mahãdu

ribi kanakremy. Belê hãwã-ribi; titxibo Davi rasñnyre-ribi. ⁴³Tai tahe wiwese wese aõkõ rõhõtynyrenyre Jesuisi-di. ⁴⁴Inyõ rirõtentykemy ixi-di ratximyhỹ, ihãrele tahe inyõ rimyõhyyre.

⁴⁵Tahe soldado mahãdu rõðsemy rare rimyõhyylemy fariseu mahãdu-ò xiwewahidỹydu mahãdu wedu-ò. Tahe soldado-ò rỹrãxirenyre: —Aõherekibo tedyõteri. ⁴⁶Tahe dirawyõnyde: —Timybo inyõ kowa hãbu wesemy rarybeõhyyre rybe iwitxira wihikỹmy tii rarybere. ⁴⁷Tahe fariseu mahãdu rarybere: —Kaiboho aõbo tule araitxenanyrenyra. ⁴⁸Inyboho mahãdu reny-ribi moõ rityhynyõhyymyhỹre, fariseu mahãdu wahe, wedu mahãdu wahe. ⁴⁹Inyõ rityhynyre, tahe tiiboho Moisesi bedede ywina rieryõre tai Deuxu aõhõkỹmydỹñnana-txi idi rehukre. Aõhõkỹmydỹñnana-ò ritamadỹñnykre. ⁵⁰Nikodema iyreny-ki ratximyhỹ. Fariseu mahãduõ tii rare, juhuu Jesuisi raraõ rare wahe. Tii heka rarybere imahãdu-ò. ⁵¹Juhuu roholamyhỹre aõhebo rotỹñnyraõ wahe idi tahe ibinakeki rirõtentykemy riijemyhỹre. Kia tahe iny bedede ywinareny rare. ⁵²⁻⁵³Tahe rirawyõnyrenyre: —Kai wa tule Kalileia mahãduõ atxiteri. Tyyriti-ò beteheke timybo rarybererið: —Kalileia-ribi rybeduõ rõhõnyõtyhy wahe.

8 ¹[Tahe ibutumy he tasỹ-ò reareare. Iu tahe Jesuisi rare Oliveira hãwãlò-ò. ²Biura-di tahe dõðsede Deuxu dohodỹña heto-ò ixyby. Sõwemy iny tamy rare; Jesuisi ronyre; ribedeerynyre. ³Hãwyyõ ratximyhỹ hãbu witxiraõ-wana wasimy ratximyhỹ. Tahe inywitxiraõ itxireny reare. Tai tahe Deuxu rybe erydỹydu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rỹikemy iny sõwehekỹy-ki. ⁴Tahe raryberenyre Jesuisi-ò: —Bede erydu: —Kahãwyy tỹwe rare inyõ itxi reara. ⁵Iny bedede ywina Moisesi riwawahinyré tahe rarybere mana-di rumumhỹkemy. Tahe aõmybo kai mynarybeke. ⁶Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suð resera rõritidỹỹkemy tebò-di suki riritinyra. ⁷Tahe ritỹrãxinyhy ihỹmyhỹ. Tahe Jesuisi rỹire; rarybere: —Inyõ òrarukõmy ratxirerile, tii mana-di juhuu tamy rehukre. ⁸Ixityrele sỹ Jesuisi rõritidỹỹre suð. ⁹Kia rybe-ò roholarenyre, tahe rexitarenyre sohoji sohojilemy, tarayky dori ribinadỹñnyrenyra. Matuari mahãdu tahe juhuu rexitare. Ikonanatyhy dori rare, tahe Jesuisi hãwyywanale tai rỹire. ¹⁰Jesuisi retehere: —Hãwyy sohojilemy robire rỹrãxire tamy: —Hãwyy, titxibo mana-di arubudỹỹmy rybedu mahãdu rirahura. Inyõ aõhe arasñnyõhyra. ¹¹Tahe dirawyõnyde: —Anokõre, Wahi. Tahe Jesuisi rarybere: —Jiarỹ tulere! Mahe, òraruna-txi tahe ixyby ixẽõmy.]

¹²Ixityre Jesuisi rarybere tamy: —Jiarỹ wabede loosõna rare. Inyõ wahemy kanakeki, bedede luru-ki rariaõtyhy. Tii heka loosõna-di tarayky-ki rarekre. ¹³Tahe fariseu mahãdu tamy rarybere: —Aõkõre, kai wa iximy tarybeteri tai tahe arybe inatyhymy aõkõ rare. ¹⁴Jesuisi dirawyõnyde: —Inatyhymy iximy rarybereri jiarỹ, tahe warybe inatyhy rare, jiarỹ dori reeryre titxiribibo anade, tule tiobo arakre reeryre. Kaiboho tahe kia teeryõtenyte. ¹⁵Kaiboho waywisidỹỹmy tadiõlõnyte, ihãre tahe õbitimy tiwaywinytenyõte tiwaerytenykõteki. Tahe jiarỹ inyõ reywinyõreri. ¹⁶Jiarỹ inyõ ariwinykeki, waywisidỹỹna tahe õbiti rare. Jiarỹ dori ixiwanale aõkõ rare. Waha, wadeõdỹỹdu wawana raremyhỹ. ¹⁷Abede ywina-ki kia rybe riritinymy rỹimyhỹre: —Inatxi

hābumy wiwesehyylemy rarybekeki kia tahe inatyhy rare. ¹⁸Jiar̄y iximy rarybemahāre tule Waha wadeòd̄ȳdu wamy adeereny rarybemyh̄re. ¹⁹Tahe tiiboho Jesuisi-ò r̄ȳraxiren̄y: —Titxibo boo ratximyh̄re. Jesuisi rarybere: —Kaiboho tiwaerykōmahātenyete, Waha tule teeryōmahātenyete. Kai biwaerybenyōkeki, tule Waha bierybenyōtyhy. ²⁰Kia Jesuisi rarybere Deuxu dohod̄ȳna hetowo-ki, iubeweri yrubud̄ȳna ube-ki. Tahe inyō rimyōhyyre, ibeded̄ȳnanamy aōkō bede r̄ȳreki.

²¹Iribi tahe ixityre tamy rarybere: —Jiar̄y he arakre karibi. Kaiboho biwaijeben̄kre tahe aōraruren̄dile buruben̄kre. Boiōtyhy titxibo arakre-ò. ²²Tai tahe judeu mahādu widee raryberen̄y: —Inatyhmy aōbo tii rexirubun̄kre. Tii raryberaki: —Titxibo arakremy boiōtyhy, myki tuu idi rōhōtin̄yren̄y. ²³Tahe Jesuisi rarybere: —Kaiboho kaludu toite; jiar̄y aōkōre, biu ludu rare. Kaiboho bede ludu toite, jiar̄y tahe kabede ludu aōkō jiar̄y rare. ²⁴Tai heka adeereny rarybereri aōraruren̄y-di buruben̄kre. Inatyhmy jiar̄y tii rare: —Iwese rarybere wesemy. Tahe kia warybe bityhyn̄yōben̄ykeki, aōraruren̄y-di buruben̄kre. ²⁵Tahe tiiboho r̄ȳraxiren̄y Jesuisi-ò: —Mobo he tate. Jesuisi dirawyōnyde: —Timybo adeereny rarybewāhāre, juhūu wahe. ²⁶Jiar̄y sōwemy r̄ȳre aōna aōnamy umyren̄y ararybeke umyren̄y ariwinyke ta ararybekre Waha tuu wadee rarybelemy. Tii diwateōnyete tii inatyhmy rare. Irybelemy bede iny-ò ararybekre. ²⁷Rieryōhyyre tamyren̄y rarybere, tybmy. ²⁸Kaiboho heka biwatamad̄ȳnyben̄kreu, bieryben̄yben̄kre mobo jiar̄y rare. Tule ixi-ribi aōkō aōna aōna rewinywāhāre bieryben̄kre; tule iwese Waha riwaeryn̄anymyh̄re wese, rarybemahāre. Kia tule bieryben̄kre. ²⁹Wateòd̄ȳdu wawana raremyh̄. Iximy riwariōtyhy, jiar̄y tamy wimy rewinyh̄mahāreki. ³⁰Kiamy tarybe rahudi tahe, sōwemy iny rityhyn̄y.

³¹Judeu ityhyd̄ȳdu mahādu-ò Jesuisi rarybere: —Kaiboho warybe tyhy-di mohōtin̄yben̄yhykeki, inatyhmy watyhyd̄ȳdu waheludumy boibekre. ³²Inatyhyna tahe bieryben̄kre. Kia dori arataren̄yke, deòdumy aōkō boibekre. ³³Dirawyōnyden̄yde aōkōre inyboho Abraō riòkōre roire, tiu heka modeòdumy roirekōmahāre. Timybo tarybeta: —Deòdu-ribi riwatakem̄y. ³⁴Tahe Jesuisi tamy rarybere inyō òraru-di hyy rexiòrarun̄ykeki, tii òraruna deòdu wese hyyle rare. ³⁵Deòdu heka heto wedu ijoihyymy aōkō rarekre. Iwedū ixin̄amy rakre. Riòre tahe ijoihyymy rare. ³⁶Tahe Deuxu Riòre heka ixin̄amy arateōnykeki, tiu òraruna deòdu wesemy ixby bonybenyōtyhy. ³⁷Abraō riòkōre inatyhmy toite. Kia tahe reeryre. Ihārele tahe biwarubun̄yben̄kemy atxiten̄yteri warybe dori araykywo-di aōkō ratxireri. ³⁸Waha-wana ranymahāu, aōmybo rabire, wiji tuu rarybereri. Kaiboho tule boo-ribi tabiten̄yete tuu tewinyten̄yteri. ³⁹Rirawyōn̄yren̄y: —Waharen̄y heka Abraō rare. Jesuisi rarybere: —Abraō riòremy inatyhmy toite-wana, Abraō aōmyd̄ȳnana iwesemy biwinyben̄yke. ⁴⁰Katahe warubud̄ȳmy wadi atxiten̄yteri. Inatyhyna Deuxu-ribi raholaremy, adeereny rarybemahāre, tai tahe warubud̄ȳmy atxiten̄yteri. Abraō tahe tiu tahe tuu rot̄ȳnyōtyhy. ⁴¹Kaiboho heka boren̄ytyhy wesele tat̄ȳnymahātenyete. Dirawyōnyde: —Aōkōre, jiar̄y-boho waxiriòre aōkō roire. Deuxuhyyle iny tybyren̄y rare. ⁴²Tahe Jesuisi rerawyōnyre: —Deuxu boo inatyhmy rare-wana inihe kaiboho waluuren̄y. Jiar̄y dori Deuxu-ribi anade. Ixidee wimy aōkō anade tii diwateōnyde. ⁴³Aōherekibo teeryten̄yōte warybe. Isiratyhyre aōbo ijohona.

Aōkōre, ityhydŷŷ isirare adeereny. ⁴⁴Kaiboho Diabo riòre toite tamywimy biwinykemy atxitenyteri. Tii juhuu rubudŷŷdu hyy rare. Tii heka raruireri inatyhywesehekŷle wahe. Tii ruidu rare. Ruiwedu tii rare. ⁴⁵Kaiboho heka tiwatyhynŷohymahātenyete inatyhyna dori jiarŷ rarybemahāre. ⁴⁶Inyō inihe wamy rarybeōtyhy jiarŷ ōrarudu raremy. Adeereny inatyhynamy rarybereri. Aōherekibo tiwatyhynŷōteri. ⁴⁷Iny Deuxu-ribi ratxireri, Deuxu rybe roholamyhŷre. Kaiboho Deuxuhōrō aōkō toite. Teōdu aōkō toite. Taita warybe-ō taholaōteri.

⁴⁸Jesuisi-ō tiiboho dirawyōnydenyde: —Inatyhymy rarybewāhārenyre. Kai Samaria mahādu tate. Kaludu mahādu aōkō tate. Kai tyytybybina dire. ⁴⁹Jesuisi rirawyōnyre: —Aōkōre, tyytybybina-di aōkō watxireri. Waha tahe rewowydynywāhāre. Kaibohole tiwabinadŷŷnymahātenyete. ⁵⁰Wowydyna ixi-di aōkō rejjereri. Waha tahe kia aōmydŷŷnanamy riywinykre, tii rierymy-hŷre. ⁵¹Inatyhytyhymy adee ararybekre: —Inyō warybemy reōbykeki, tiu rubumy tii robiōtyhy. ⁵²Tai judeu mahādu rarybere: —Katahe inatyhymyhe inydeereny aerysydŷŷna rŷira tyytybybina-di tate wahe. Abraō tahe rurure; Deuxu rybedu tule. Tahe timybo kai tarybeta: —Inyō warybemy reōbykeki tiu rubu urihixinamy roiōtyhy tamy. ⁵³Kai aōbo inatybyreny Abraō ratyre awikemy aōbo ixi-di tahōtinymahāte. Abraō rurure Deuxu rybemy rybenadu amahādu tule rurure. Mobo raremy he tahōtinymahāte. ⁵⁴Tahe Jesuisi rirawyōnyre: —Jiarŷ ixi-di wowydyna ariijekeki, tahe wawowydyna aō aōkōmy rareke. Waha tahe riwawowydynymyhyke aDeuxumy raremy tu tarybeteri. ⁵⁵Tahe aōkō teeryōtenyete. Jiarŷ tate reerymahāre. Jiarŷ reeryōmahāremy ararybekeki, tai ruidumy rareki, iwese kaiboho toite wesele wahe. Tahe reerywāhāre, tule irybemy reōbymahāre. ⁵⁶Boreny Abraō, wamy dobide, wabededŷŷnana kanakremy tuu dobide, wabededŷŷnana kanakremy tuu dobide tai tahe reysatyhymy rare. ⁵⁷Tahe judeu wedu mahādu rarybere: —Kai 50 beōramy aōkō atxiteri timyrekibo tarybeta Abraō tabitemy. ⁵⁸Jesuisi dirawyōnyde: —Abraō reaōule,

Jiarŷ rarehyymahā.

⁵⁹Tahe manadile rimymy reserenyre idile rirabunykeny. Jesuisi tahe rexiwōmy iribi rōhōnymy rare, dohodŷŷna heto-ribi.

9 ¹Jesuisi rariamy rareu, tii robimy rare hābu ruetāmy. Tii iruetāhākŷmy ratohouāmy herinanyre. ²Ierydŷŷna mahādu rŷŷraxire tamy. Erydŷŷdu, aōherekibo hābu ratohouānyra iruetymy, ise tyby iōrarudireki aōbo ada taōrarumy aōbo. ³Tahe Jesuisi rirawyōnyre: —Tahe aōkōre tyby ise-ke aōkō tiike aōkō. Deuxu ruru wiji riteōsinykremy tahe tii kiawesemy rohonyre. ⁴Wateōdŷŷdu aōmydŷŷnanamy arotŷŷnyrenykeny watxiwāhārenyre. Inyboho rikiwinyrenyke ibededŷŷnanamy rŷikreu, iwese txumy rŷikre wese tahe rummy heka kanakre tai raaōmysŷdŷŷōmyhŷre. ⁵Kabede-ki watxiwāhāreōle tahe jiarŷ bede ludu mahādu loosōnatyhymy jiarŷ rare. ⁶Tarybe rahudi tahe rarybexinyre suō idi tahe subororomy ritxienyre. Idi ta hābu rueyre-ō subororo ritidire. ⁷Tahe hābu ruetā-ō rarybere: —Make wa bexisuhōke Silōe ahobe-di. Silōemy ninadu heka iny rybe-ki deōdŷŷna wesemy rare. Hābu tahe rare, risuhore, dōdsede robimy. ⁸Tahe ierydu mahādu, tuu robire idi itxeredu mahādu raryberenyre widee: —Kabe hābu ixitōdedŷŷdu rare, nierumy kowa-ki rexitōenymy ronymyhyre rare. ⁹Ijō rarybere tule

rare. Ijô rarybere: —Aôkôre, iwelese tahe iwitxirari. ¹⁰Rÿÿraxirenre tamy: —Timykibo arue reytera. ¹¹Rirawyònyre: —Hâbuò Jesuisi inire. Tii tahe suboro borole riwinyra warue-ò ritidire. Tahe wadee rarybera: —Make Silòe ahobe-ò aô bisuhòke. Tahe rare, resuhore, tai rabimy watxireri. ¹²Rÿÿraxirenre titxibo tahe tii rara. Rirawyònyra: —Reeryôre.

¹³⁻¹⁴Kia ruedeytena Jesuisi riwinyre sabado txuu, judeu aômÿsÿdÿÿna txu aôkô. Tahe tiiboho hâbu ridyrenre fariseu mahâdu-ò. ¹⁵Ixityre hâbu-ò rÿÿraxirenre: —Timykibo riteytenyra. Tahe rirawyònyre: —Subororole waruetyre-ò ritidira, idi resuhòra, iule tahe retehera. ¹⁶Tai tahe fariseu mahâdu-ò narybede: —Ka hâbu Deuxu-ribi aôkô nade. Kakÿny sabadotxu bede ywina riwinyòhyre. Tahe ijô imahâduò rarybere: —Hâbu òraruduò tiu deytanawiwihikÿô kia wesemy riwinyòtyhy. Tai tahe wiribi hitximy raraykynyrenre. ¹⁷Tahe ixityre hâbu-ò rÿÿraxire: —Tii arue arue riteytenyra: —Tai tahe timybo tuu marybekre. Hâbu rarybere: —Tii Deuxu rybemy rybeduò rare. ¹⁸Tahe judeu mahâduò rarybere: —Ise-wana tybywana widee ararybekekile, arityhynkre. Tai riteònyre tybybohoòrysmy. ¹⁹Rehemynyreu, tahe tamy rarybere: —Kaa aôbo ariòre rare. Inatyhymy aôbo iruetàmy reare. Timykibo tahe wiji robira. ²⁰Tahe tybyboho rirawyònyre. Inatyhymy wariòrereny rare. Iruetàlemy ka reare. ²¹Reerykòrenre timykibo retehera. Irue riraynyre dori, reeryòhyre. Tamy marybebenyke. Ibeòra dire ka, iximy relyleke. ²²⁻²³Tybyboho ruberumyhyrenre judeu mahâdu lau. Judeu mahâdu dori, rarybemyhyre: —Inyò Jesuisimy rarybekeki, tii Kristu Deuxu deòdÿÿna raremy rarybekeki, tahe dohodÿÿnawo-ribi riteònykemy idi rÿira. Tai tahe hâbutybyboho kia wesemy raryberenre. Tii ibeòra dire: —Tamy marybebenyke.

²⁴Juhuu iruetàmy raremyhÿò ixityre ròtedÿÿmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowodynyke. Tahe tii rarybere: ²⁵—Tii òrarudu rare, reerykòre. Sohoji aòmÿdÿÿnana reeryre. Juhuu waruetàle heka reeryre, wiji tahe retehereri. ²⁶Tahe ixityre tamy rÿÿraxire: —Aôbo tii riwinyre. Timybo arue roire. ²⁷Hâbu rarybere: —Adeereny tuu rarybere tahe taholaòhytyentya. Aòherekibo ixityre ijohonamy tarybetenyeri. Ierydÿÿnamy boibekemy aôbo atxitenyeri. ²⁸Tuu raryberenre aôbina binalemy. Kai heka iijoiò atxiteri. Jiarÿboho Moisesi erydÿÿna jiarÿboho roire. ²⁹Deuxu Moisesi-ò rarybemyhyre. Kiamy reeryrenre. Ka hâbumy tahe aômÿ raholaòmahâreny, tiludubo rare. ³⁰Kia wa riwateytenyra bedètiidÿÿna urenana tii rare. Ihârele tahe kaiboho teeryòmy tuu tarybetenyeri. Wadee kia ajuedena rare. ³¹Deuxu wa òrarudu ixitòedÿÿna-ò roholaòtyhy. Kia reeryrenre. Tahe inyò Deuxu rityhynkeki tamywimy rÿirakeki, kia-ò Deuxu roholakre. ³²Bede rexidelenyre, inyò roholatyhy iruetàmy raumynyre heka reytere. Inyò tiu riwinyòre, wiji tahe diwinyde. ³³Kia hâbu Deuxu-ribi nokòduò aôkòkeki tiu aô riwinyòtyhy. ³⁴Tahe fariseu mahâdu aôbinahakÿlemy tuu rarybere: —Kai uladumy teateu, òrarudutyhymy tate. Kai aômÿbo biwabedeerynybenykremy aôbo wadireny tahòtinyteri. Tahe riteònyre dohodÿÿna heto-ribi. Ihyymy riteònyre.

³⁵Kia-ò Jesuisi roholareu hâbu riijere tahe rÿÿraxire tuu: —Kai Deuxu Riòre Hâbutyhyhykÿ aôbo tetyhynyte. ³⁶Hâbu rarybere: —Mobo tii rare, Wanyrÿ, arityhynkemy watxireri. ³⁷Wamy wa tabita, jiarÿleheka watxireri.

Adee rarybererile watzireri. ³⁸ Tahe rarybere: —Wanyrÿ aratyhynra he. Tahe hãbu Jesuisi riwowdyndyre. ³⁹ Jesuisi rarybehyyra: —Jiarÿ anade kabede-ò iny ruetà aritobixidÿÿnykemy; tule robimyhÿre mahãdu arirue-tàdÿÿnykre. Iny òwydÿÿnamy anade. ⁴⁰ Fariseu iòhòmy iribi rÿimyhÿ roholare irybe-ò. Tahe tamy rÿÿraxire. Inatyhykò aòbo ka jiarÿboho tule waruetàrenyre. ⁴¹ Jesuisi rarybere: —Aruetàmy ahàtenyteki, aòraruna-di aòkò toite. Tahe tarybetenye reerywãhã, rabiwãhãre. Tai aòraruhyy-di toite.

10 ¹ Inatyhytyhmy adeereny ararybekre: —Inyò budoeni yrubudÿÿna ijòtòbòna-di, ralòòkeki, tii tahe wasidu xiwatxidÿÿdumy rare, raòwònymy heka ralòomhÿre. ² Ijòtòbòna-di ròtedu, tii budoeni-di itxeredutyhy rare. ³ Iu ijòtòbòna-ò rehemynymyhÿreu, ijòtòbòna ludu tamy riraynymyhÿre. Tule budoeni irybe rierymyhÿre. Sohoji sohoji-ò ininimy tamy ryrmyhÿre, tahe idi ròhònymy ridymhÿre. ⁴ Ihòrò ahana-ò ridyre, tii iko-ò rÿimy idi ramyhÿre. Riheludunymy idi raremyhÿ rierymyhÿreki irybe. ⁵ Budoeni ieryòdu riheludunyoÿtyhy, irybe rieryòreki. Iny ieryòdu-ribi rahenykre. ⁶ Jesuisi tamy kia bede eryna ijyymy relyyre. Tiiboho tahe rieryòhyrenyre timybo ibede erydÿÿnamy rororerimy.

⁷ Tahe Jesuisi ritÿnnyre tamyreny: —Jiarÿ budoeni ijòtòbòna wesemy rãimahãre. ⁸ Ibutumy iny wakòule rehemynyre wasidu xiwatxidÿÿdumy rÿiramyhÿ. Wabudoeni ityhydÿÿdu wesemy rÿirerimy ihÿre. Tiiboho wasidurybe-ò roholaòhyymhÿrenyre. ⁹ Jiarÿ ijòtòbòna wesemy rãiwãhãre. Inyò wamy ralòkeki, tii heka tarasanaòmy rarekre. Iwese wabudoeni ralòomhÿre idi ròhònymyhÿre asi wiwihikÿmy riroximyhÿre wesemy, tule ityhydÿÿdu mahãdu rÿirakre, bedeòbina wiwihikÿ ritakremy. ¹⁰ Wasidu heka rubudÿÿmy nade, bedehudumy wasimy, jiarÿ tahe anade inyò umytuedeòna ariwahinykre, irutyhytyhy wihikÿmy wiji rÿirakremy. ¹¹ Jiarÿ budoeni-di itxeredu wihikÿ rare. Ihyy ta waumy ariwahinykre teròwyrenymy. ¹² Inyò budoeni-di itxeredumy deòdumy risÿnykeki, tii riwisinanyòtyhy, tii dori budoeni wedu aòkò rare, deòdule rareki. Tahe iròdu rebunaò tamy kanakeki tahe rahenyke iribi, tai ijò rimyke, ihona tahe raòrunyke. ¹³ Deòdu heka rahenyke tii iweddu aòkò rareki, tii aòmy aòkò idi ròhòtinymyhÿre, iòwydimy aòkò. ¹⁴⁻¹⁵ Jiarÿ heka itxeredu wihikÿ rare wabudoeni riwaerymyhÿre. Jiarÿ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre. ¹⁶ Jiarÿ wabudoeniò-di watxiwãhãre. Aò kabede-ki aòkò. Ibutumy aributunykemy idi watzireri. Tai tahe sohoji ijoihyylemy heka roikre. Ibutu-di itxeredumy arakre. ¹⁷ Tai heka Waha waluure, waumy ariwahinykreki wahe. Ihãrele tahe ixyby idi arexiumpydÿÿnykre. ¹⁸ Inyò heka ixideewiòkeki riwarubunyoÿtyhy. Arexiwahinykre tamyreny riwarubunyunykremy. Ixideewikreu, arexiwahinykre, tule waumy arimymy arexiixixanykre. Waha dori wadee rarybere tii ariwinykre.

¹⁹ Kia rybe òraru-ki judeu mahãdu rybe rexijejeinyre. ²⁰ Sòwemy iny ritxiònymy rarybere: —Tii tytybybina-di ratximyhÿre ada raitxÿtemy aòbo ihÿre. Aòherekibo tamy taholamahàtenyte. ²¹ Ijò tahe rarybere: —Aò tytybybina-di aòkò rarybemyhÿre. Tytybybina aòbo hãbu ruetà riruedÿÿnyòtyhy.

²² Jerusalē hãwã-ki heka beòrahyy rare. Worana bedehesi hetxina Tÿmyradÿÿna rÿire. ²³ Salomaò Ube-ki, Deuxu dohodÿÿna heto ubeò-ki. ²⁴ Jesuisi

rariamy ihÿmyhÿ. Tahe judeu mahâdu rirurawonyre itÿÿraxidÿÿmy. Tiwese bededÿÿnananybo nohôtidihiyy bede ariwyrenykre. Kai inatyhymy Kristumy tate-wana, tahe manarybeke itÿnymy. ²⁵ Jesuisi dirawyònyde: —Rarybere wahe, tahe kaiboho tiwatyhynytenyôhyyte. Inatyhymy ierysmy mohô-tinybenykeki, waaômÿdÿÿnana wiwihikÿ rewinyamahâre-di betehenbenyke. Wahani-di kia rewinyamahâre. ²⁶ Kaiboho tahe tiwatyhynyôlemahâtenyde, wabudoeni wesemy aôkô toite. ²⁷ Wabudoeni warybe rierymyhÿre, riwaheludunymyÿre; jiarÿ heka ibutumy wabudoeni reerymahâre. ²⁸ Tamy umytuedeôna rewahinywâhâre tiu heka ruruôtyhy. Inyô waribi ridyôtyhy. ²⁹ Waha wadee riwahinyre. Tii heka ibuturatyre rare. Inyô iribi ritaôtyhy. ³⁰ Jiarÿ Waha-wana sohojihiyyle watxiwâhâre.

³¹ Ixityre tahe judeu mahâdu mana-di rirubunykre idi rÿire. ³² Tahe Jesuisi tamyreny rarybere: —Jiarÿ sôwemy bededÿÿbina inydee rewinywâhâre Waha ruru-di. Aôðrarukibo biwarubunbenykre. ³³ Tahe judeu mahâdu rirawyònyre: —Kai aômÿdÿÿnana wiwihikÿle tewinyte. Kia ôraru-ki aôkô ijoyi adi rÿireri mana-di arubudÿÿmy Deuxumy binatyhymy tarybeteriki. Kai dori hâbu tate, ihârele Deuxumy texininiteri. ³⁴⁻³⁵ Jesuisi rarybere: —Abede ywina-ki ryberiti rÿire. Deuxu Rybe ôbitihyymy raritinymy rÿire. Kiamy: —Jiarÿ rarybere: —Kaiboho Deuxu toite. Deuxu Rybe heka inyô-ô diteònyde. Kia mahâdu tahe Deuxulemy rininire. ³⁶ Deuxumy tiiboho rininirenyre-wana, aôherekibo wadee takyarananyteri jiarÿ tule Deuxu Riðrelemy rexininireki. Waha dori, riwatamy diwateònyde. Timykibo kaiboho tarybetenyeri Deuxumy ibinamy jiarÿ rarybererimy ³⁷⁻³⁸ Waha-ribi bededÿÿbina ariwinyôkeki, biwatyhynybenyôtyhy. Tahe ariwinykeki, aôbo rewinyre-wana bityhynybenyke, biwatyhynybenyôke hârele. Tai tahe bityhynybenymy boibeke jiarÿ Waha-wana wâhâre tule Waha wawana ratximyÿre. ³⁹ Kabedeu ixityre rijere Jesuisi rimyky tii rexitamy rexihedÿÿnyre.

⁴⁰ Jesuisi ixityre Jordaô bero kowa weribi-ô reurore. Joaô juhûu rôsebedÿÿmyhÿô rare. Taile tahe tii raremyhÿ. ⁴¹ Tahe sôwemy iny tamy roirenyre. Tamy rarybere: —Inatyhymy Joaô bededÿÿbina iny itxerenamy riwinyôre. Tahe ibutumy tii Jesuisimy rarybemyhÿre, inatyhy rare. ⁴² Sôwemy heka taile Jesuisimy rityhynymyÿre.

11 ¹⁻² Lazaru ibinamy roimyhÿ Betÿnia hâwâ-ki. Marie, Marta-wana ise-riðreny rare. Juhûu Marie Jesuisi-wana raremyhÿu, tii Jesuisiwa tyre-ô tarinalÿnyrehekÿô ritxiwire, idi tahe tarade-di rirubudÿÿnyre. ³ Lazaru ibinamy roimyhÿki tahe tiiboho riteònyre Jesuisi-ô rarybekremy: —Wahî, abiôwa tyhy binanihikÿmy roireri. ⁴ Jesuisi kiamy roholareu rarybere: —Kabina hâwâ Deuxu wowÿdynamy tamy nade. Tule riwawowÿdynkemy jiarÿ dori Deuxu Riðre rare. Kabinina tahe rubuhyymy aôkô tamy rÿike. ⁵ Jesuisi heka ibutumy iluurenyre, Marta, Marie, Lazaru-wana. ⁶ Iu Jesuisi rieryreu Lazaru webinaduna, tahe taile ratximyÿre, rerihârele inatxitxumy. ⁷ Iribi tahe rarybere taerydÿÿna mahâdu-ô: —Rôkôirenyke ixby Judeia bede-ô. ⁸ Tahe ierydÿÿna mahâdu tamy rarybere: —Erydÿÿdu aôherekibo ixbybony tamy tarybeteri judeu mahâdu adi heka riwisÿnymy rÿimyhÿ mana-di arubudÿÿmy. ⁹ Jesuisi dirawyònyde: —Txu heka waðinatxi ôra bededÿÿnanamy rare. Aôhe inatyhy. Inyô txumy rariakeki, tiu aô ôraru-ki reseôtyhy loosònamy dori ibutumy robimyhÿre. ¹⁰ Bede lurumy rariakeki tahe, aô ôraru-ki reseke,

loosòna dori ihoōreki wahe. ¹¹ Tahe ijōmy Jesuisi tamyreny rarybere: —Iny biō-wareny rōrōmy roireri. Tamy arakre ariixixanykremy. ¹² Tahe imahādu rarybere: —Wanyrŷ tii rōrōmy roireri-wana bohe, reytekre. ¹³ Jesuisi heka rarybemyhŷ Lazaru rubumy roirerimy. Tiiboho tahe rōhōninyrenyure urile rōrōmy roirerimy. ¹⁴ Tahe Jesuisi ritŷnynytyhyra tamyreny: —Lazaru rurure. ¹⁵ Jiarŷ wa aōrarureny-ki wadeysamy watxireri tai watxiōraki. Ka tahe biwatyhynybenykre. Rōkōirenykre tamy. ¹⁶ Tome ierydŷŷna mahāduō rare. Didimomy iniōre. Tamahāduō rarybere: —Rōkōirenyke, tule tii-wana rukururenykremy.

¹⁷ Jesuisi rehemynyreu, Lazaru inaubiōwatxumy hāloo iwōdŷŷwo-ki roimyhŷ. ¹⁸ Betŷnia Jerusalē hāwā-ribi sohoji urihixinamy roire. ¹⁹ Judeu mahāduy-ribi sōwemy doidenyde Marta Marieboho wotōenamy, iseriōreny rurureki. ²⁰ Marta Jesuisi kanakre rieryreu, tahe rōhōnyre tii-wana witxi reakemy. Marie tahe tahetokile ronymhŷ. ²¹ Tahe Jesuisi-ō Marta rarybere: —Wahī, kakile atxiberi-wana waseritxōre rurukōhykyra ikuny. ²² Ihārele tahe rekeryre ibutumy Deuxu-kō bexitōdenyeki, tiki adeke kidiwahinykre. ²³ Jesuisi tahe tamy rarybere: —Aseriōre wa rubu-ribi kedexixakre. ²⁴ Tahe Marta rarybere: —Rekeryre jikarŷ ikokunanatxu-ku rubu-ribi rexixakre, ibutumy ixixanatxu-ku. ²⁵ Jesuisi rarybere: —Jiarŷ waixixanadŷŷdu rare, umyuedeōna wahidŷŷdu rare. Inyō riwatyhynykeki, tii rubu-ki roire hārele, kedexixakre. ²⁶ Ibutumy irumy roirekeki, tiu rururenyōtyhy, tii dori riwatyhynyreki. Kai aōbohe kia tetyhynyteri. ²⁷ Tii dirawyōnyde: —Kohe, Wahī, aratyhynywāhāre. Kai Kristu tate, Deuxu ritxōretyhy. Deuxu tuu rarybereki, bedekō kanatekōnyde wahe. ²⁸ Tahe Marta rōdsere Marie taseriōre-ō rarybere: —Inyhī rehemynyreki, kai makremy rarybereri. ²⁹ Kiamy roholareu, tahe, wylemy rŷimy reare tamy rare.

³⁰ Jesuisi dori hāwā-ō ralōōlemy raremyhŷ Marta tamy raryberekile raremyhŷ. ³¹ Tii rŷimy rōhōnyreu, judeu mahādu tuu robire. Tahe riheludunyre, wabede-ō robukremy raresŷny tamy roholare. ³² Marie rehemynyre Jesuisi-ō. Tahe tii tuu robireu, resere iko-ō, tahe rarybere: —Wahī, kaki atxiberi-wana ikuny waseritxōre rurukōhykyra. ³³ Jesuisi Marta ibru-di tule judeu mahāduhi-di retehereu tule tii rabadewonihikŷre. ³⁴ Iule Jesuisi rŷŷraxire: —Titxiwexe tii tetiditenyete. Tiiboho rirawyōnyre: —Wanyrŷ, manake itxeremy. ³⁵ Jesuisi tahe rahinyre. ³⁶ Tai tahe judeu mahāduō rarybere: —Betehebenyke sōwemy heka tii Lazaru luure. ³⁷ Ijō tahe rarybere: —Tii iny ruetā riteytenyete. Aōherekibo Lazaru irumy ratxireriule riteytenyōra.

³⁸ Jesuisi ixyby tawo-ki bederiōtiinyre. Tahe rariamy rare wabede-ō Lazaru suiwodŷŷwo-ō roire. Mana-di tahe ritxiotōbōnyre. ³⁹ Tahe Jesuisi rarybere: —Mana bitake Marta tahe iseriōre rarybere: —Wahī, rarōnyreki wahe inakubikōwa txumy dokuri txuu idi rŷira. ⁴⁰ Tahe Jesuisi rarybere: —Rarybere taheka, bityhynykeki, Deuxu rurumy bobike. ⁴¹ Tahe mana iribi ritarenyure. Jesuisi retehere biu-ō rexitōdenyre: —Umy reālāmy wahe watxireri kai wadee taholataki. ⁴² Wadee taholahy atxiteri mahāte: —Kia reeryre, kata inysōwehekŷ òraru-ki kiamy rarybera adee, tai tiiboho rityhynyrenykeny wahe, kai tiwateōnyteki. ⁴³ Kia rexihureu tahe ryryre: —Lazaru, bodohonyke wa ahana-ō. ⁴⁴ Kia rurumy roimyhŷ-ribi tahe dōhōnyde. Iwa heka tebō-wana widee ritŷtenylemy roimyhŷ. Irati tahe tyybese-di ritŷtenymy ihŷmyhŷ. Jesuisi rarybere: —Biesebenyke wa ixinamy rake.

⁴⁵ Tahe judeu mahādūy-ribi, Marie Martaboho roraludu mahādu, aōbo Jesuisi riwinyremy robireu tahe, rityhynyre. ⁴⁶ Ijō tahe fariseu mahādu-ō roirenyre tamy relyykemy aōbo Jesuisi riwinyremy.

⁴⁷ Iribi tahe xiwe wahidỹỹdu wedu, fariseu wedu mahādu-wana heka ywisidỹỹna mahādu ributunyre. Dohodỹỹna mahādu wedu heka imahāduni rare. Tahe inyō rarybere: —Ka hābu heka aōwiwihikỹ sōwemy diwinymyhỹde. Aōhebo he rokotỹỹnyrenykre. ⁴⁸ Tiihyyle riwinymy rarekeki, heka ibutumy rityhynykre. Idi tahe Roma hāwā mahādu soldadu kanakre iny riōlōdỹỹnyke insỹ rahurenykre. ⁴⁹⁻⁵⁰ Kaifa imahāduō rare. Kabeōrau tahe tii ibutu xiwena wahidỹỹdu wedu rare. Tahe tii rarybere: —Kaiboho aō teeryōhytyente. Hābuō tahe rurukre ibutu inydee. Tai tahe ibutu iny itueōtyhy. ⁵¹ Kia heka irayky-ribi aōkō rōhōnyre. Deuxu irayky-ō ritidire, tii dori xiwena wedu tyhy rare kabeōrau. ⁵² Kiamy rarybereu, tahe Jesuisi rubunamy rarybereri. Jesuisi dori ibutumy judeu mahādu dee rurukre. Tamy sohojile aōkō rurukre. Tahe sohoji mahāduōle rabutukre Deuxu riōre bede bedemy rỹira mahādu wahe. ⁵³ Itxuule tahe Jesuisi rubudỹỹmy rōhōtinyrenyre.

⁵⁴ Tai tahe ihāwāy-ki rariaōre, Judeia mahādūy-ki. Tahe iribi rexitare bederahy-ō iōhōmy. Hāwāō-ō heka rare, Efraī heka inire. Taile taery mahādu-wana ihỹmyhỹ. ⁵⁵ Judeu mahādu worana bedehesi iōhōmy rỹimyhỹ Pascoa heka inire. Ritelenykoūle heka sōwemy roirenyre Jerusalē hāwā-ō, tai rexiwinyrenykemy iwese bede ywina rarybere wese Pascoakomy wahe. ⁵⁶ Sōwemy iny Jesuisimy robikemy rỹimyhỹ. Tahe Deuxu dohodỹỹna hetowo-ki widee rarybemyhỹre tahe rarybere: —Kanakre aōbo Jesuisi worana bedehesi-ō. ⁵⁷ Xiwena wedu fariseu-wana juhuu inyō rarybemahāre: —Inyō Jesuisimy robikeki, tuu wadeereny kanarybekre, tii ramykremy wahe.

12 ¹ Jesuisi rare Betỹnia hāwā-ō Pascoa worana bedehesi rỹikrekoki. Debōsohoji txumy rauhenymy rỹimyhỹ tamy. Tai heka Lazaru rasỹnymyhỹre rubu-ribi rexixare-ribi wahe. ² Martaboho tahe rỹsỹna wiutādāna riwinyrenyre Jesuisideewina. Lazaru Jesuisi-wana roroxikremy ronymyhỹ. Tahe Marta tamyreny rỹsỹna riwymyhỹ. ³ Marie tahe sōwemy aderōna lỹnyre-di ratximyhỹ, iōwyhykỹre heka. Tahe tii Jesuisiwatyre ritxiwire idi tahe taradedile risuhore. Heto tahe tỹnyrehekỹlemy roire. ⁴ Judasi Isariō tule Jesuisi erydỹỹnaō rare tii tai ratximyhỹ. Tii Jesuisi rityhenykremy tii raremyhỹ ihewo-ribi. Tii tahe rarybere: ⁵ —Kaa aderōna heka iōwyhykỹ rare. Aōherekibo idi tahonyōte nieru idi bitakemy iny aōkō mahādu-ō nieru biwahinykemy. ⁶ (Judasi heka iny aōkō mahādu luu aōkō rare. Erydỹỹna mahādu nieru rubudỹỹdu tii rare. Kia nieruō tahe ixideele ritosinymyhỹre. Tai tahe aderōna ōwy ixidee ributunykemy idi ratximyhỹ). ⁷ Tahe Jesuisi rarybere: —Ixinamy wawatyre ritxiwike, wahāloo-ō waherina heka riryrymy tuu ritxiwireri. ⁸ Kaiboho heka aōu biwiōhenanymy ahābenyke iny aōkō mahādu awanareny dori rarehyymy rarekre. Jiarỹ tahe kaki aratxihiyyke aōkō rare.

⁹ Judeu mahādu Jesuisi rehemynyrieriō roholare. Tahe sōwemy iny tamyreny nade itxeremy. Tule Lazaru-ō itxeremy nade rubu-ribi rexixareki. ¹⁰ Tai tahe xiwewahidỹỹdu mahādu wedu tule Lazaru rubudỹỹmy rarybere. ¹¹ Lazaru òraru-ki dori sōwemy judeu wedu Jesuisi rityhynyre.

¹² Itxubiōwau tahe Jesuisi nade Jerusalē-ō kia-ō tahe roholare ibutumy worana bedehesi ludu mahādu. ¹³ Tai tahe roirenyre tii-wana witxi reakemy

horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyeri, kai bededbydydy tateki! Kai Deuxuni-di tateri. Kai judeu lòlòtyhy tate. ¹⁴ Jesuisi nade jumenta riòre tyre-ki, tuu dori ihetxina tyryiti-ki roire wesemy. ¹⁵ Kiamy wahe roire:

—Judeu riòre mahādu uritere brebuōmy atximahābeny aiòlòreny dori kanakre jumenta riòre tyre-ki.

¹⁶ Iery mahādu kia rieryōhyre juhū. ¹⁷ Iribi tahe tōhōti itxi reare ritidyña hetxina-ki roiremy, Jesuisi biu-txi ròðemy rareu wahe tōhōtirenny itxi reare. Tule sōwemy iaōmydyñnana rybe hetxina-ki riritinymy rīimyhñre. Kia-di tahe idi tōhōtirenny reare. ¹⁸ Inyō itxeredu heka Lazaru ixixanamy relyyre. Tai tule iny sōwemy doidenyde. Kia Jesuisi riwinyreð heka roholarennyre. ¹⁹ Tai tahe fariseu mahādu widee raryberenyre: —Ibutumy ihemy roirennyre. Timyōre, aōhe heka rikisñyrennyōtyhy.

²⁰ Inyō worana bedehesi-ki grego rybedu mahāduō ratximyhñ. Tii tai Deuxu reālākemy ratximyhñ. Tii Besaida hāwā ludu-ò Kalileia bedeluduō ratximyhñ. ²¹ Tahe grego rybe mahādu tamy rarybere: —Wanyrñ, jiarñboho, Jesuisimy arobikemy watxirennyeri. ²² Filipi tahe Andre-ko relyyre. Ta wiwana roirennyre Jesuisi-ò. ²³ Jesuisi rarybere: —Aōkōra, Wabededyñnana iòhōra Deuxu Riòre Hābutyhyhykñ rubuna-ò, wahe. ²⁴ Inatyhymy adeereny ararybekre: —Jiarñ alòbòrōna rijuxunymyhñre wesemy aresekre suò, arurukremy. Aruruð-keki ixiwanahyyle ararekre. Arurukre-wana sōwemy araratynnykre. ²⁵ Inyō ixiluukeki heka, ruruke. Kabede-ki tahe ixiluuoðeki, tii rexiywinymy umy-tuedeōna-ò ratxi-ke. ²⁶ Inyō wadeòdumy ratximyhñkeki, tii riwaheludunyke. Tai titxibo aratxi-keò tii wawana ratximyhñke. Inyō wadeòdumy rareke-wana, tii Waha riwowydynnykre.

²⁷ Katahe wabedewonihikñmy watxireri. Timybo ararybekre, Waha, kia rubu aōmydyñnana-ribi biwatake. My òsana arexitðennykre. Aōkōre, kiaòle heka kabede-ò anade. ²⁸ Waha, anityhy-ò iny riwowydynnykemy watxireri. Iule tahe rybeò-ò roholarennyre: —Kia rotñnyre ihāre ta ixityre tuu rotñnykre. ²⁹ Tahe iny sōwehekñ kia rybe-ò roholare. Tahe rarybere: —Biumytxyle rare. Tahe ijō rarybere. Aōkōre ÿju rare. ³⁰ Tahe Jesuisi rarybere: —Waðraru-ki aōkō kia rybe rñireri, aōrarurenny-ki, tamy bohola-nykemy. ³¹ Wiji tahe ywisidyña kñnykre, bedemy iny rñira mahādu-ò. Kia mahādu iòlò, Satanasi, kanahitxidñkre. ³² Iu jiarñ itxeò-ki riwaukokreu, ibutumy iny heka ixidee adiwiutadānykre riwatyhynnykre. ³³ Iu tii kia rarybereu, tarubuna ritñnyre timybo rurukre. ³⁴ Iny sōwehekñ dirawyònyde: —Jiarñboho raholarennyre bedelwynā-ò. Tii rarybere: —Tiemy Kristu rarehymy rarekre. Timybo kai tarybeteri: —Biwaukokremy. Mobo tahe Deuxu Riòre Hābutyhyhykñmy tuu tarybeteri. ³⁵ Tahe Jesuisi dirawyònyde: —Urihimyðle loosōna awana rariamy ratxireri. Idi atxiteriule idi mariake, bedeluru atxi kanakelau. Inyō bedeluruki rariakeki, tiobo rake rieryōhyre. ³⁶ Waloosōna atxiteriule, biwatyhynnykre waloosōnamy, taile waloosōna mahāduōmy boibeke. Kiarybe rahu-di tahe Jesuisi iribi rexitamy rexiwore. ³⁷ Tii sōwemy bededtiidyña ikorenny-ty riwinyre. Ihārele tahe sōwemy rityhynyōre. ³⁸ Kia tahe Isaia tyryiti-ki roire, tahe iwesele tuu rarybere wese wiji rñira rotñnyre:

—Wanyrñ, Iny rybe tñnydyñnarenny tiiboho rityhynyōhyre, Deuxu taruru tamy riteòsinyrehārele rityhynyōre.

³⁹Tai rityhynyôhyre. Isaia, Deuxu rybedu ijômy rôritidyre:

⁴⁰—Deuxu riruetànyre, irayky riteredyre. Tai rierôhyhymy robîôhyhymhÿre. Tiu heka Deuxu rityhynyôhyre. Tiu riteytenyôhyre.

⁴¹Isaia Jesuisi loosônamy robire. Tai tahe tuu rôritidyre. ⁴²Ihârele tahe dohodÿÿna mahâdu wedule sôwemy rityhynyre. Urile fariseu mahâdu ôrarukile, ijô-ò tuu rarybeôre, dohodÿÿna mahâduy-ribi riôlôdÿÿnyheny. ⁴³Tiiboho dori Deuxu wowydyna luurenyôre inywowydynale luurenyre.

⁴⁴—Iny riwatyhynymhÿkeki, wadeôdÿÿdule rityhynymhÿre. ⁴⁵Inyô wamy robikeki, iule wadeôdÿÿdumy robike. ⁴⁶Jiarÿ loosôna wesemy anade bede-ò. Tai tahe iny riwatyhynykeki, bede luru ribi rôhônkye. Tai heka anade. ⁴⁷Inyô warybe-ò roholake hârele riywinyôkeki, tahe jiarÿ tii wiji ariywidÿÿnyôke. Jiarÿ dori tarasaduhÿylemy anade. ⁴⁸Inyô riwatyhynyôkeki, warybe-ò roholaôkeki, ikonana txuu tahe ywisidyÿÿna-ò ralôke, warybe-ò rityhynyômyhyreki aôhôkÿmy dÿÿÿnana-ò heka kia ralokre. ⁴⁹Jiarÿ ixi rayky-ribi aôkô rarybemahâre. Wahale rybe wadee riwahinyhÿre. Kia wesele relyymahâre. ⁵⁰Deuxu rybe bede ywina-di diwateônyde umytuedeôna wahidyÿÿna kia rare. Kiale heka reeryre.

13 ¹⁻³Pascoa worana bedehesi txumy txuu rÿire. Tahe Jesuisi rexierÿre ixyby tyby-ò rôðsekremy ihÿre, ibededÿÿÿnana iôhômy roireki. Tule rexierÿre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydÿÿna mahâdu-wana riroximyhÿreny. Judasi Isariô (Simaô riôre) taile ratximhÿ. Juhuu diabo tamy rarybere iruule Jesuisi rityhenykemy. ⁴Jesuisi sôwemy taerydÿÿna mahâdu luure. Tai tahe rÿire, tatyytyre ludu ritare ôsurôna rimyre, idi rexiwetya-taare. ⁵Hynaro-ò bee ritxiwîre taerydÿÿna mahâduwaa risuhokremy tahe ôsurôna-di tawetya-ki ihÿmyhÿ-di iwa rirubudyÿÿnyre. ⁶Tahe Jesuisi rehemynyre Simaô Pedro-ò, Pedro rarybere: —Aôkôre kai wawareny surôdôômyke. ⁷Jesuisi rirawyônyre: —Kai heka teeryôte aôherekibo resuhôrerî. Ihewo-ribi tahe bierykre. ⁸Pedro rarybere: —Aôkôre, wawasurôdôdÿÿômy. Jesuisi rirawyônyre: —Arisuhôôkeki wawanahÿy aôkô mabeke. ⁹Pedro rarybere: —Wawasohojile aôkô bisuhokre, wadebô warati-wana tule wahe. ¹⁰Tahe ritÿnynyre Jesuisi; inyô rôhôre-wana iwale rasuhôke. Iuhe ibutumy tyralemy rÿimyhÿre. Kaiboho yralemy toite. Sohoji tahe aôkôre. ¹¹Jesuisi tatyhedÿÿdu rayky rierymhÿre. Tai tahe rarybera, ibutumy aôkô tyraremy.

¹²Jesuisi iwasurôdô rexihureu, tatyytyre ludu retÿynyra roxina-ò rôðsere.

Tamyreny rÿÿraxire: —Kaiboho teertytenyete. Aôhebo jiarÿ kia ratÿÿnyra.

¹³Adeereny aritÿnynykre. Kaiboho tiwaninitenyete anyrÿmy, aôhe inatyhy? Aerydÿÿdumy, inatyhy heka jiarÿ rare tahe ôbitimy tarybetenyete. ¹⁴Jiarÿ aerydÿÿdureny anyrÿreny heka awareny resuhore. Tai tahe kaiboho wiwa bisuhôbenykre. ¹⁵Iwese jiarÿ rexideôsinyre wese kaiboho biwinybenyke. ¹⁶Inatyhymy adeereny ararybekre. Deôdu dori tawedu ratyre aôkô rare. Rybe-ò ijonadu dori rybedutyhy ratyre aôkô rare. ¹⁷Kia warybe teertytenyete. Tahe biywinybenykeki bedebÿnatyhy adeereny kanakre. ¹⁸Ibutumy umyreny aôkô rarybereri jiarÿ araeryreny, aratarenyeki, wahe. Rybe tyryiti-ki roire kiamy:

—Kia wawana riroximyhÿrele heka riwatyhenykre. Ele elemy tuu rotÿÿnykre.

¹⁹Wiji rarybereri heka wylemy kia tuu rotỹnykre. Tuu rotỹnykreule, kaiboho bierybenykre ðbitimy raryberé wahe; jiarỹ biwatyhynybenykemy wahe. ²⁰Inatyhytyhymy ararybekre: —Inyõ adee aditeðnykre. Inyõ tii rityhynymy kididykeki, tii riwadymyhỹre. Inyõ kidiwadykeki wadeðdỹydu ridymyhỹre, Deuxu rityhynymyhỹre wahe.

²¹Tahe Jesuisi rabadewonihikỹmy ronymyhỹ. Tahe rarybera: —Iny sohojiõ ayreny-ribi riwatyhenykre. ²²Tahe wii rijerijereny. Mokobo rarekremy røhõtinyreny. ²³Jiarỹ, Joaõ Jesuisi weribi ranywỹhỹ, tii dori sówemy waluure. ²⁴Tahe Pedro wadee narybewasidi: —Tamy inihe myřaxike mobo raremy. ²⁵Tahe jiarỹ retorunyre: —Wanyrỹ, mowexe ratxireri. ²⁶Jesuisi rarybere wadee: —Kia orotxu ituudỹ tamy ariwahinykrele tiikre. Tahe Jesuisi orotxu yre rituunyre idi tahe Judasi Isarið-ð riwahinyre. Tii Simaõ riðre rare. ²⁷Tahe Judasi riyre. Iribi tahe Satanasi aówesele tamy ralore. Jesuisi heka Judasi-ð rarybere: —Aðhebo botỹnykre wylemy makre biwinykremy. ²⁸Tahe riroximy rỹimyhỹ mahãdu rieryõre aomybo Jesuisi rarybemyhỹ. ²⁹Judasi Isarið dori nieru hyna yrubudỹydu heka rare. Tai tahe røhõtinyrenyre Jesuisi worana bedehesi aõna aõna riwykemy riteðnyre, ada iny aokõdu mahãdu-ð nieruõ riwahinykemy. ³⁰Judasi orotxu yre riymy rahudi tahe røhõnymy rare bede luru-txi.

³¹Judasi røhõnymy rahudi tahe Jesuisi rarybere: —Wiji tahe Deuxu Riðre Hãbutyhyhykỹ loosõnamy iny robimyhỹre taraykywo-ki. Tii heka jiarỹ rare. Deuxu-ð waðraru-ki wowydyna riwahinykre. ³²Deuxu loosõnamy tahe waki iny robikeki, Deuxu riwatoosõnyreri aówesele ibutumy iny tuu robike. ³³Waluudu mahãdu wariðre wesemy atximahãtenyte, umywanareny urihimỹle ararekre, idi tahe arakre. Tahe biwaijebenyhãrele waki mahabenyõtyhy. Iwese judeu mahãdu-ð rarybere wesele adeereny ararybekre: —Titxibo arakre-ð kaiboho boibenyõke. ³⁴Bede ywina tỹmyra wese adeereny ariwahinykre kiamy wahe: —Wiluurenykemy wahe: —Iwese jiarỹ aluurenyre wese tule kaiboho wiluurenyke. ³⁵Wiluurenykeki ibutumy iny rieryrenykre kai waerydỹyna mahãdumy tate.

³⁶Tahe Simaõ Pedro ritỹřraxyre: —Wanyrỹ, titxibo kai makre. Jesuisi dirawyõnyde: —Titxibo arakre-ð wiji kaiboho boibenyõke, iribi tahe wahemy bodoikre. ³⁷Tahe Pedro rarybere: —Wanyrỹ aõherekibo araõkre wiji ahemy waumy kie aõraru-ki ariwahinykemy watxireri. ³⁸Inatyhymy aõbo aumy biwahinykre waðraru-ki. Inatyhytyhymy ararybekre: —Hãnie hãbu robukõle kai biwatxiõnykre inataõmy.

14 ¹Kaiboho bedetiðdỹrenyõmyke bedewona-ki. Kaiboho Deuxu tetyhynytenyte, tai tahe biwatyhynykre. ²Wahasỹ-ki sówemy sỹy rỹimyhỹre kialemyre heka tai. Kaweseõkeki adee inatyhymy rarybema-hãre. Jiarỹ tahe arakre sỹy adeereny ariwinykemy. ³Ariwinymy arahudi tahe ixbyle aõrysmy adððsekre. Tahe aradyrenykre titxibo-txi aratxire-rið kaiboho tule matxibenykre. ⁴Kaiboho dori teerytenyte titxibo wasỹry roire. ⁵Tahe Tome rarybere tamy: —Wanyrỹ, titxibo makreð reerykõrenyre. Tai tahe timykibo asỹry reeryrenyke. ⁶Jesuisi dirawyõnyde: —Jiarỹ wanyrỹ rare. Deuxu inatyhyna jiarỹ rare. Umytuedeõna wahidỹydu jiarỹ rare. Inyõ waðrarukile Waha dee rakre. ⁷Kaiboho tiwaerytenyte-wana tule Waha teerytenyte. Wiji tyhyule Deuxu teerytenyte, tuu tabitenyte. ⁸Idi Filipi

rarybere: —Wanyrỹ, boo inydee biteòsinyke, tai tahe awike. ⁹Tahe Jesuisi rarybere: —Filipi, sówemy bededỹynana umy-wana rewyre. Ihärele tahe tiwaeryôte. Inyô wadee kanakeki, Wahamy robike. Aôherekibo wadee tary-beta boo wadee biteòsinykemy. ¹⁰Jiarỹ Waha-ki watxiwähäre tule Waha waki ihỹre. Kia aôbohe tetyhynyôte rarybewähäre, kia iximy aôkô rarybewähäre. Waha waki ratximyhy tii taômydỹynanamy rotỹnyre waumy-ribi. ¹¹Waha-ki watxiwähäre, tule tii waki ihỹre, kia bityhynybenyke. Aôwiwihikỹ rewinywähäre òraru-ki biwatyhynybenyke. ¹²Inatyhytyhymy adee ararybekre: —Inyô riwatyhynykeki, wawesele aôwiwihikỹ riwinykre. Tahe watyreleaô riwinykre. Jiarỹ dori Waha-ò arakre. ¹³Tai wanimy aômy bexitòenybenykeki, tii tahe ariwinykre. Iny Waha-ò wowydyna riwahinykemy idi watxireri, iRiòre wahe jiarỹ rare. ¹⁴Tai aôma wani-ò bexitòenybenykeki, tii tahe riwinykreadeereny. ¹⁵Inyô waluukeki tii wabede ywina riywinytyhyke. ¹⁶Waha-ò arexitòenykre ijô wiòhedỹydu adeereny kiditeònykremy waderò-wymy. Tii aôu aôu adeereny hyyle rarekre. ¹⁷Tii Deuxu Tytybytyhy rare. Tii inatyhynamy rieryreny, iny bede bede mahädu wahe. Deuxu Tytybytyhy ixidee ridykemy. Tuu dori robiòtyhy rieryòtyhy. Kaiboho tahe teeryteny. Tii dori umywanareny ratximyhỹre, aworeny-ki ratxikremy. ¹⁸Jiarỹ heka ixiso-hojimy ararisidỹnyòtyhy. Jiarỹle adee adooskre. ¹⁹Wijile arurumy arakre bede-ribi. Bede bede mahädu tiu wamy robiòtyhy. Kaiboho tahe wamy bobi-lebenykre, jiarỹ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. ²⁰Kia txuu kaiboho bierybenykre jiarỹ heka Waha-ki watxiwähäremy. Kaiboho tasỹ waki ahäteny. Jiarỹ tule akireny watxiwähäre. ²¹Inyô wabede ywinareny dikeki tahe, riywinykeki, waluudu rare. Waha tule iluukre. Jiarỹ tule iluutyhyre. Tamy tule arexideò-sinykre. ²²Judasi tamy rarybere: (aô Isariò aôkô kyny, iwitziraô.) —Wanyrỹ, aôhekremybo wadeereny bedexideòsinykre tahe bede bede ludu mahädu-ò aôkô wahe. ²³Jesuisi rarybere: —Inyô waluukeki, wabede ywina riywinytyhyke. Waha, heka iluutyhykre. Jiarỹboho tamy adoidenykre tamysỹmy. ²⁴Iny waluuòkeki, warybe tiu rityhynyòtyhy. Aô warybe-di aôkô heka rarybereri. Waha wadee riwahinyredi heka rarybereri.

²⁵Tai arakrekoki tuu rarybereri adeereny. ²⁶Tahe Deuxu Tytybytyhy, awiòhedỹydu, tii araerynanykre ibutumy aôna aônamy. Timybo jiarỹ adeereny raryberemy akananohòtiijaranydenykre. ²⁷Ywina adeereny adiwahinykre waywina wahe. Iwese bede bede ludu mahädu riwahinyhỹre wese aôkô ariwahinykre. Uritere nohòtiyreòmy brebuòmy. ²⁸Rarybere dori arakremy tule adooskre. Waha waratyre rare. Tamy he arakre. Kaiboho waluukeki, beysabenykre tamy arakreu. ²⁹Kaa bede reakoki tuu rarybereri. Tuu reakreu tahe, kaiboho biwatyhynybenykre. ³⁰Sówemy heka adeereny ararybeòkre, bede dinodu dori tehemyrysỹ iòhòmy ihỹre, Satanasi wahe. Tii heka wadee iruruòhyre, riwateònyòtyhy. ³¹Jiarỹ Waha luure. Rewinywähäre aôbo Waha ariwinykemy riwateranyhỹre. Botamanyke: —Ròkòirenyke.

15 ¹Häjutò òwòna wese wihikỹ jiarỹ rare. Waha tahe bede rade wysydỹydu wese rare. Bede òbebure iratyòkeki iò riòròke. Iraty-dikeki iòsòmo iribi risihere. Tai tahe sówetyhymy nihikỹmy raratynyke. ²Kaiboho bede rade-ò wesemy toite. Warybe-di aòsòmoreny aribireny resi-hemahäre. Katahe òbitimy toite bederatymy raratynykemy. ³⁻⁴Kaiboho

biwamymy wadi myikre. Iwese bede radeō raðrðomyh̄ykeki irulemy r̄yikre raratynyke. Aōkōkeki ruruke. Kaiboho iwesele toite. Waki beārenyōbenymy-h̄ykeki, tiu Deuxudeewimy atxibenyōtyhy. ⁵Jiar̄y h̄ajutō ðwōna wese rare. Kaiboho ibede radeō wese toite. Waki beerenybenykeki, jiar̄y aki ararike, tai bederaty wese sōwemy maratynyke. Wahoōkeki tiu aō biwinybenyōtyhy. ⁶Inyō waki rariōkeki, iwese iny bede rade rubu-di rahuleke, tii iwesele inyō rahukre. Juhuu rimyre, idi heōty-ð rehure, tai roomyh̄yre. ⁷Kaiboho waribi boibenyōkeki, warybe ðhōti-ribi rosaōtyhykeki, aōtaxina wadee bexitðenybenykre, tai ibutumy adee ariwahinykre. ⁸Iwese bede rade sōwemy raratynmyh̄yre wese, kaiboho, aōna aōna wiwihik̄y biwinybenyke Deuxu dee. Kiakeki tahe Deuxu deālāna sōwemy ritakre. ⁹Iwese Waha waluure wese jiar̄y aluurenyre waluuna-ribi boibenyōke. ¹⁰Wabede ywina inyō riywinykeki, tii waluuna-ribi raōtyhy. Iwese Waha bede ywina reywinymyh̄yre wese tahe Waha luuna-ribi jiar̄y tiu rahōnyōhyyre. ¹¹Wadeysana awo-ki ratxikemy jiar̄y adi watxireri. Eysana sōwemy mabekemy adi watxiwāhā. Tai tahe warybe adee rarybere. ¹²Wabede ywina heka kaa rare: —Wiluukemy. Iwese jiar̄y aluure wese wiluurenykemy. ¹³Inyō taery dee rurukeki taluunadireki, tii luunatyhy ijōdire. ¹⁴Kaiboho wadeewi biwinybenykewana tai inatyhymy wabiōwa toite. ¹⁵Tahe aō wadeðdumy aōkōhe araninirenykre. Kaiboho wabiōwa toite jiar̄y dori Waha-ribi raholare adee tuu relywāhāre. ¹⁶Kaiboho tahe tiwatatenyōhyyte, jiar̄y tahe aratarenyre kaiboho boibenykemy. Sōwemy aōna aōna wiwihik̄y bot̄ȳnybenyke. Tule kia aōna aōnamy tule roihyykemy. Tai tahe aōmy Waha-ribi wani-di bexitðenybenykeki, adee riwahinyhy rareke. ¹⁷Wiluubenyeke: —Kia tahe wabede ywina adeereny adiwahinyde. ¹⁸Bede ludu iny mahādu eramy reakeki mȳy uritere nohōtiōmy juhūu dori waderamy waluūōre. ¹⁹Kai bede ludu iny tate-wana iny aluuke, tahe aōkōre. Tai tahe iny eramy reamyh̄yre. Bede ludu mahādu ribi jiar̄y aratara. Bede ludu mahādu aōkō tate urenana. ²⁰Adee heka rarybere aōmybo. Uritere iribi nohōti lusaōmy kia wahe: —Deōdu tawedu ratyre aōkō rare. Tai wadee aōbina binamy iny rot̄ȳnymyh̄yre. Adeereny tule aōmy rot̄ȳnykremy wahe. Tiiboho warybe riywinyrenykeki, arybe tule tiiboho riywinyrenykre. ²¹Kia tahe adee rat̄ȳnymyh̄yre wanimy rybe ðraru-ki, tiiboho dori wadeðd̄ȳna rieryōreki. ²²Tuu ararybeōre wana inihe tiiboho ðrarudiōhyrenyre. Katahe rarybere tai tahe tiiboho rarybeōtyhy rieryōremy. ²³Inyō waluuōkeki, tule Waha luuōtyhy. ²⁴Jiar̄y heka ibutuko-ð wowydina iitxerenarenymy rewinyōrewana, tiiboho iðrarudiōhyyre inihe. Tahe rewinyamahāre, tuu robimyh̄yreny, ihārele tahe waluuōre tule Waha luuōre. ²⁵Kiamy heka rot̄ȳnyre bede ywina ritid̄ȳna-ki roireki. Tai heka tuu rot̄ȳnymyh̄yre. Kiamy wahe ritid̄ȳna-ki roire:

—Tii heka bede ðraru aōkō rare, ihārele tahe iluuōrenyre.

²⁶Deuxu Tytybytyhy adee ariteðnykre. Tii, wiðhed̄ȳdu rarekre inatynamymy riernanykre. Tahe, tii kedehemynykreu wamy rarybekre. ²⁷Tule kaiboho wamy marybebenykre, wawana hyy ahātenytek̄i.

16 ¹Kiamy adee rarybemahāre ðraruna-txi ixēōkemy. ²Tiiboho heka anatakre tohod̄ȳna hetowo-ribi. Kobe, bede d̄ȳnana iðhōmy kadeakreu inyō anarubunykeki, kia Deuxudeewimy tuu konohōtinykre. Tii Deuxu wiðhed̄ȳdu raremy x̄i-di kōnohōtinykre. ³Tiiboho Waha

rieryöhyymyhyrenyre tule riwaeryömyhyre. Tai tahe kiamy adeereny rotÿÿnymyhyrenyre. ⁴Iu adeereny aömydÿÿnana kedehemynykreu, öhötireny itxi reake timybo adeereny relyyretxi. Tiu heka tuu rarybeöhyre, umywanarenyyhy dori wāhāre. ⁵Katahe arakre wadeöðÿÿdu-ò. Kaiboho bÿÿraxibenyekekö aöbo tiobo arakre-ò. ⁶Kaiboho heka tabedewomy toite kamy rarybereriki. ⁷Ihārele tahe inatyhymy adeereny ararybekre: —Adeereny awikre arakreki wahe. Jiarÿ araökeki awiöhedÿÿdu, Deuxu Tytybytyhy kanaökre. Arakeki tahe tii aditeönykre adeereny. ⁸Iu kanakreu, tii inydee kiditeösinnykre irayky binadiremy, iöbitina-di aököremy, iörarunadiremy. Deuxu dori örarudu riywisidÿÿnykre. ⁹Taöraruna ixidee kiditeösinnykre tiiboho riwatyhynyörenyriki. ¹⁰Tahe ixidee kiditeösinnykre. Jiarÿ iratyre waöbitina direki. Waha-ò dori arakre, wamy bobibenÿötyhykemy. ¹¹Deuxu ixiywisidÿÿna ixidee kiditeösinnykre kabede dinodu dee rarybere tii rexihukremy. ¹²Jiarÿ heka söwemy adee ararybekemy watxireri, ibutumy tahe isiramy ixidee boholaßenkye. ¹³Txiöhe rare. Deuxu Tytybytyhy kanakreu, inatyhymy adeereny rarybekre inatyhyna-di ibutumy. Tarybe-di tahe rarybeökre. Deuxu-ribi aömybo roholaremy tahe rarybekre. Tule timybo aöna aöna rarekremy kanarybekre. ¹⁴Tii waaömydÿÿnana adeereny ritÿÿnynykre. Tai kidiwatoosönanykre. ¹⁵Ibutumy Wahahöro heka wahöro rare. Tai heka tuu adeereny rarybereri waaömydÿÿnana adeereny kidiÿÿnynykre. ¹⁶Urihimyö riöre heka waökre, idi tahe ixityre wamy bobibenyeke. ¹⁷Tahe ijö ierydÿÿna mahāduö widee rarybere: —Timybo tii rarybere: —Urihimyö iökremy tii rarybereri, tule ixiryre wamy bobibenyeke. Tule Waha-ò arakre. Timybo heka rieryrenyöhyre aömybo rarybera. ¹⁸⁻¹⁹Tiiboho Jesuisi-ò rÿÿraxirennykre ratxirennyeri. Tahe Jesuisi rierymyhyre tuu rÿÿraxire. Tahe Jesuisi tamyreny rÿÿraxire: —Kaimy ixidee rÿÿraxitenyeri. Wananamy waökesenalemy. ²⁰Inatyhymy adeereny ararybekre: —Iny bede mahādu urile reysakre, kaiboho tahe araeryrenyura urile mahinybenyeke, birajuabenyeke, mabedewobenyeke. Idi tahe kaiboho beysabenyeke. ²¹Iwese hāwyy iijera iöhöreki, rabedewomyhyre, taaöhökÿmydÿÿnana-di röhötinymyhyre. Idi tahe reamyhyre. Iu tahe töhöti rosamyhyre tohouā tÿmyradile reysamyhyre. ²²Iwesele kaiboho mabedewobenyeke, ixityre wamy bobebenyeke tahe, kaiboho beysabenyeke. Inyö heka deysana aribireny ritaötyhy. ²³Kiatxu tahe uritere watÿÿraxidÿÿömykre inatyhymy adeereny rarybereri. Waha-ribi aömy bexitönybenyeke. Tii adeereny kidiwahinykre wani öraru-ki. ²⁴Tiu heka aömy texitönytenyömahāte wani-di. Bexitönybenyeke, tai bitabenyeke. Tai tahe kaiboho beysabenyeke.

²⁵Ibutumy rybewötemy adeereny rarybewāhāre wahe. Idi tahe tuu adeereny ararybeökre. Idi tahe itÿÿnytyhymy Waha aritÿÿnynykre adeereny. ²⁶Kiatxu tahe bexitönybenyeke wani-di jiarÿ ararybeökre umyreny Waha-ò. ²⁷Waha dori aluurennyre, kaiboho waluurennyreki, Deuxu-ribi anade tetyhynytenyeki. ²⁸Waha-ribi anade, bede-ò adehemynyde ihārele bede-ribi arakremy Waha-ò. ²⁹Jesuisi ierydÿÿna mahādu rarybere: —Wiji tahe itÿÿnytyhymy tarybeteri. Rybewöte-di aökö tarybeteri. ³⁰Kai ibutumy teeryte. Inyö dÿÿraxiömy adee. Kai inatyhymy Deuxu-di tanate. Kia jiarÿboho retyhynyrennyre. ³¹Tahe Jesuisi tamy rÿÿraxire. Inatyhymy wijityhyle tetyhynytenyta. ³²Wabededÿÿnanamy heka reara. Kaibohoö sohoji sohojimy tasÿ tasÿ-ò rakre. Biwaribenyeke ixi sohojilemy arÿikre. Tahe ixi-wana aökö watxikre,

Wahawanale arýikre. ³³Kaheka aõna aõnamy adeereny rarybere ywina-di araykyreny-ki boibekre. Bede-ki kaiboho aõhõkõmy botýýnybenykre. Ihärele beysabenyke, Jiarý heka Deuxu òludu mahädu-di ròtara.

17 ¹Jesuisi rarybemy rahudi tahe retehere biu-ò rarybere: —Waha, wabededýýnanamyhe reara. Ariòre watxiwähäre. Wowydyna wadee biwahinyke tai tahe adee wowydyna adee ariwahinykre. ²Kai, Waha, ibutumy wadee ruruna tewahinyta iny deòdýýnamy. Tai umytuedeõna ariwahinykre biu-ò hedu mahädu-ò. ³Kia heka umytuedeõna rare: —Deuxu inatyhy tate sohojihyy tate. Tii araeryrenykeki tahe eòdýýna Jesuisi Kristu rieryrenykeki. Kia umytuedeõna rare tamyreny. ⁴Aõ aõmysýdýýnabo wadee tewahinyte, ibutumy adee rewinyre. Tai heka arawowodynrya kabede-ki. ⁵Iu bede rexidelenyreu umywanahyy rarewähä. Sòwemy loosõna nihiký-di rawähäre. Tahe wiji, Waha, kia loosõnale ixityre bidiwahinykre umywanahyy ararekre. ⁶Kai iny mahäduò wadee tewahinyte bede mahädu-ribi. Tamyreny umy rarybemahäre. Juhu tiiboho ahõrõ roire. Idi wadee tewahinyte. Tiiboho arybe riywinymyhýre. ⁷Ibutumy waaõmydýýna aribi retamahäre. Kia heka wiji tiiboho rieryrenrya ibutumy aribi nade. ⁸Aõrybebo wadee tewahinytamy tamy rarybemahäre. Tiiboho rityhynyreny, rieryreny aribi jiarý anade, kai wateòdýýdu tate. ⁹Iòraru-ki adee rexitòenyre. Tiiboho amahädu roire. Wadee tewahinyte, bede mahädu-ò raru-ki aõkõ adee rexitòenyre. ¹⁰Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahädu riwatoosònanymyhýre. ¹¹Jiarý adee arakre tai kaki arareõkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunyke, wadee tewahinyteki. Tai tahe iraykyreny wiwe-sehyymy roirekre. ¹²Tiiboho-wana rarewähäu ani òraru-ki reyrubunymahäre, wadee tewahinyteki. Timy heka reõnonyõhyre ijõ, sohojile tahe reõnonyre. Juhuu dori Ritidýýna roire ijõ sohojiò ariõnonykremy. Ihyy tahe reõnonyre, Judasi Isariò õnodýýduhyymy rarekre. ¹³Ka tahe arakre arora-ò. Tii heka inyõ rarybemahäre ibutumy wadeysana iworeny-ò ralòmhyhkemy. ¹⁴Jiarý arybe tamyreny rewahinymahäre. Bede mahädu iny dori terarenrye, tiiboho bede mahädu iny aõkõ roireki. Iwese jiarý bede ludu häbu aõkõ rare wese. ¹⁵Bede-ribi tarasamy aõkõ heka adee rexitòenyrieri. Urile ibina bina widýý-ribi biyrubunykemy. ¹⁶Tiiboho tahe wiji ijõ bede witxira ludu roire, iwese jiarý rare wese, wahe. ¹⁷Arybe-di tiiboho biòbitinyke, tai ahõrõ mahädumy rarekre. Arybe dori òbitityhy rare. ¹⁸Iwese bede iny-ò tadiwateònyte wesemy, Jiarý tiiboho reteònyre bede ludu mahädu-ò rarybekremy. ¹⁹Tamyreny xiwena wesemy adee arexiwahinykre. Òbitihyymy ararekre, tai tiiboho òbitihyymy roirekremy inatyhyna-di. ²⁰Aõ tamy sohojile aõkõ heka rexitòenyrieri. Ibutumy kia rityhynymy rýirakre-ò dori rexitòenyrieri. ²¹Tai tahe ibutumy wiwese wesemy rõhõtynyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahädu rityhynykre ateòdýýna watxireri urenana. ²²Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. ²³Jiarý taireny wähäre, kai waki ahäte. Tai tahe inyboho butuhyymy rokoirekre. Wii riòbitinymyhýrenykre. Tai bede mahädu rierykre tadiwateònyteki. Tule wamahädu luu tate urenana Waha, iwese waluure wese. ²⁴Waha, titxibo ararekre, tiiboho wawanahyymy

roirekre, wamahādumy wadee tewahinyteki. Tai tiiboho waloosōnamy robikre. Kai dori bede ihokōule waluure, tahe loosōna wadee tewahinyte. ²⁵Waha òbiti, bede mahādu araeryōre Jesuisi tahe araeryre. Wamahādu tule rieryre tadiwateònyte. ²⁶Jiarĩ tiiboho reerynanyre ani-di. Ihāre ta arierynanykre. Tai aluuna iwese waki ratxireri wesemy taireny rarekre, tule jiarĩ taireny ararekre.

18 ¹Jesuisi rexitðenymy rahudi tahe roirenyre taerydỹña mahādu-wana Cedrō beàwe-ribi kowa ijā-ò heka reurðrenyrene, tahe bederaty oworuro-ò rirðnyrenyrene. ²Judasi heka Jesuisi tyhedỹñdu heka ibede rieryre, Jesuisi dori taerydỹña mahādu-di tamy rahyymhỹre. ³Tahe Judasi, soldado mahāduò tadinodu-wana ributunyrene. Fariseu mahādu-ribi xiwena wedu wahidỹñdu-ribi Judasi soldado yrubudỹñdu mahādu rihitxinyre tule xiwena deòdu mahāduò rihitxinyre tii-wana rakremy roirenyre. Tahe tamy ritehemynyrenyrene tòbòra heòty-wana. ⁴Jesuisi rexieryre ibutumy aòmybo tamy kodotỹnykre. Tahe iny mahādu-ò rexidorunyrene. Tahe rỹraxire tamy: —Mowe tejjetenyteri. ⁵Tahe dirawyònyde: —Jesuisi Nazare hāwā ludu rejjereri. Tahe Jesuisi rarybere: —Jiarĩ wa tiile rare. Tahe Judasi ityhedỹñdu tii mahādu wanale nade. ⁶Jesuisi tamyreny rarybereu, tahe rexilòhòrarienyrene iribi, tahe suòle reserenyrene. ⁷Ixityre Jesuisi tamy rỹraxire: —Mowe tejjeteri. ⁸—Jesuisi Nazare hāwā ludu, tiiboho dirawyònyde. —Rarybera tahe jiarĩ raremy wahe. Tiwaijeteri-wana tahe biwadyke urile ixinamy wajoi rirahuke. ⁹Kawesemy wahe irybe hitxina wadee tewahinyteò heka tiu reònonỹhyywāhāre. Jesuisi, kiamy rarybere tamyreny irybe hitxina wesemy ibutumy tuu rotỹnykremy. ¹⁰Tahe Pedro tamaydese ritamy reare tahe xiwena wedu deòdu riwotòmomyrene. Malòò heka inire. Pedro Malòò nohòti riorore ruruwe-ribi ludu wahe. ¹¹Jesuisi rarybere Pedro-ò: —Amaydese birutyke. Jiarĩ Waha deewimy aòhebo arotỹnykrekò aòbo wadi tahòtynyteri. Aòhòkỹmy arotỹnyòkemy aòbo wadi tahòtynyteri.

¹²Tahe soldadu, tadinodu-wana, judeu yrubudỹñdu-wana Jesuisi rimyre ritaataamy ridyre. ¹³Kia beòra Kaifa xiwena wedu tyhy rare. Anasi iriòre labie rare. Tai tahe juhuu Ana-ò ridyre. ¹⁴Kaifa tahe juhuu judeu mahādu-ò rarybere: —Wiji beòramy hābuò iny mahādu òraru-ki rurukremy rahòtynyteri.

¹⁵Simaò Pedro inyò-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore òtity ijòrore-di. ¹⁶Pedro tahe ahanakile rỹire. Kia Pedro-wana rare. Rohonyre hetowo-ribi hetojìò-di itxeredu-ò rarybere, tahe Pedro ridyre hetowo-ò. ¹⁷Kia ijadòma, heto ijò-di itxeredu rarybere Pedro-ò: —Kai Jesuisi erydỹkỹna mahādunokò anobo tate. Tahe Pedro dirawyònyde: —Aòkòre. ¹⁸Tahe soldado yrubudỹñdu tai rahe-tòmỹ rỹimyhỹ, heto ludu deòdu mahādu-wana txutàtà riki. Pedro iyrenykhile rỹimyhỹ rahetòmỹ.

¹⁹Tahe xiwena wedu tahe Jesuisi-ò rỹraxire. Aòhebohe aerydỹña mahādu-wana tadotỹnymahāte. Timybohe tebedeerynymahāte. ²⁰Tahe Jesuisi ritỹnyrenyrene: —Ibutumy inyko relyymahāre iwasimy aòkò heka relyymahāre. Judeu dohodỹña hetokile relyymahāre Deuxu dohodỹña heto-wana. Titxibo judeu mahādu ributunymhỹremy relyywāhāre. ²¹Tai aòherekibo wadeele tỹraxiteri. Myỹraxike wadee ijohonadu-ò. Tiiboho ka rieryrenyrene aòmybo rarybere. ²²Jesuisi kia rarybereu, soldadu

itxereduō rihetenyre. Tahe rarybere: —Tu heka rybeōmyke xiwena wedutyhy-ò. ²³ Jesuisi dirawyònyde: —Jiarý ibinamy aōmybo rarybera-wana, manarybeke tuu. Aōkōkeki, awimy rarybera-wana aōherekibo tiwahetenyte. ²⁴ Anasi tahe Jesuisi ridykemy riteònyre tataanadihyyle Kaifa-ò, xiwena wedutyhy wahe.

²⁵ Kowa tahe Simaō Pedro ratximyhýre rahetòmy rýimyhý. Inyō rýýra-xire: —Kai aōbo ierydýýna mahāduō tate. Tahe rexitxiònyre. Jiarý ijō aōkō rare. ²⁶ Xiwena wedu deòduō Pedro-ò rýýraxire: —Tii heka Pedro ritōhōtiorore ijoiō rare. Tahe tamy rarybere: —Umy taheka rabire tii-wana bederaty oworuro-ki atximahā-ò. ²⁷ Pedro ixityre rexitxiònyre. Aōwesele tahe hānie hābu robure.

²⁸ Idi tahe Kaifa heto-ribi Jesuisi ridyrenyre ywisidýýna-ò bede dinodu heto-ò rudiulere. Tiiboho rirònyōhyre brebuna-di rexisunynrenyheny. Rirònyrenykeki, tahe Pascoa worana bedehesi rýsýnaō rirýsýōtyhy. Tiiboho dori rōhōtynyre rirònykeki, brebuna raremy. ²⁹ Tahe Pilato rōhònyre tamy rarybekremy: —Tahe Jesusimy tamy rýýraxire kia hābumy terajuatenyteri aōhebohe rotýýnyra. ³⁰ Tahe dirawyònyde: —Aōbibina binamy rotýýnykōhyyra wana inihe aridyrenyōhyreri. ³¹ Tahe Pilato rirawyònyre: —Bidyke abede ywina rybe-di biywinyke. Tahe judeu mahādu rarybere: —Wabede ywina rybe warubudýýmy rybe aōkō rare. Inyō heka arirubunynrenyōtyhy. ³² Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

³³ Ixityre Pilato ralore ywisidýýna-ò Jesuisi-ò rýýraxire: —Kai aōbo judeu mahādu iòlò tate. ³⁴ Jesuisi ritýýraxinyre: —Ýraxina aōbo ahōrō rare ada ijō aōbo wamy kia rarybere. ³⁵ Tahe Pilato rarybere: —Jiarý wa judeu mahādu aōkō wāhāre. Aōbinatyhymy aōbo he tewinyte. Judeu mahādu wadee tiwadyte. ³⁶ Jesuisi dirawyònyde: —Waiòlòna hāwā bede ludu aōkō rare. Waiòlòna kaki ratxikeki wamahādu wadee raaōbinanyke. Tai tahe judeu mahādu-ò riwawahinykemy aōkō watxiwāhāre. Tahe aōkōre kabede ludu aōkō Waiòlòna rare. ³⁷ Pilato tahe rarybere: —Kai aōbo inatyhy iòlòmy tate. Tahe Jesuisi dirawyònyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyō inatyhynamy luukeki warybe-ò roholamyhýre. ³⁸ Tahe Pilato rýýraxire: —Aōbo inatyhyna rare. Ta rybe rahudi tahe judeu mahādu-ò rarybekemy rare. Tiu kýny kahābu-ki aō ibinamy tai rahaōhyra. ³⁹ Inyō ariteònykemy watxireri kaiboho wadi tōhōtinyhytyenyteri ka woranabedehesi-ki. Tahe judeu iòlò aōbohe ka ribi ariteònyke ywihyyle. ⁴⁰ Tahe ixityre ibutumy rryrenyre: —Kia hābu aōkōre, Baraba biteònyke (Baraba heka hābu debore wasidu rare.)

19 ¹ Idi tahe Pilato Jesusimy rerotiyhyta-di raðhòtekremy soldado mahādu riteranyre. ² Soldado mahādu edehéký rataanadile ira-ò riti-dire, iumy tahe tylýreheký-di rityynyre iòlòtyywesekemy. ³ Tamy rehemynymyhýre: —Aōherebo iòlòtyhy wesena, tahe rihetenynrenyre. ⁴ Pilato tahe ixityre rōhònymy iny-ò rarybekemy: —Ixityresý adeereny redyreri. Bierybenyke. Aō heka tai ibinaōhyymy idi retehewāhāre. ⁵ Tahe Jesuisi rōhònyre ede rataana-di tylýreheký-di. Tahe Pilato tamy rarybere: —Kakýnyhe tiire. ⁶ Tahe xiwena wedu mahādu, yrubudýýdu mahādu tuu robireu, rryrenyre birubunynbenyke, itxeò dee bitamadýýnyke. Pilato rarybere: —Kaibohole

itxeò-di bitamadỹnybenyke. Jiarỹ tahe tai ibinamy aõki rahaõhyymahãre. ⁷Tahe judeu mahãdu rarybere: —Jiarỹboho kỹny wabede ywina renydire. Rurukemy heka tuu bede ywina roireri, tii dori Deuxu Riðremy rexininimy-hỹre. ⁸Pilato kia-ò roholareu tahe, ruberutyhyre. ⁹Ixitre ralore ywysidỹyna heto-ò: —Rarybere Jesuisi-ò, tiribi wexe tanate. Jesuisi rirawyònyõhyre. ¹⁰Tahe Pilato rarybere: —Bidiwarawyònyõkre aõbo. Jiarỹ warurudire anarubunyke aõbo ada arateònyke aõbo. ¹¹Jesuisi rirawyònyre: —Aruru-di aõkò tate. Deuxu kidiwahinykekile tahe biwateònyke ada biwarubunyke. Tai tahe adee wawahidỹydu aratyre iðraru dire. ¹²Tai tahe Pilato iteðdỹmy rurure. Tahe judeu mahãdu tamy rryre: —Kai biteònykeki tahe, Iòlò Cesar biðwa aõkò tate. ¹³Kiarybe-ò Pilato roholareu tahe, Jesuisi diòlòdỹnynde ahana-ò. Pilato tahe ywisidỹyna ryna-ò rexisỹnyre. Kia ubeni heka Rirana Ijãti inire. Tahe judeu rybe-ki heka Kabata inire. ¹⁴Pascoa worana bedehesitxu sexta feira rỹire. Txutye iðhòmy tahe bede rỹire. Tahe Pilato rarybere judeu mahãdu-ò: —Betehebenyke aiðlòreny-ò. ¹⁵Tahe tiiboho rryreny. Bidybenyke! Itxeònihikỹ-ò birubunybenyke. Pilato tahe tamy rarybere: —Aiðlò aõbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. ¹⁶Tahe Pilato Jesuisi tamyreny riwahinyre rirubunyrenykeny.

¹⁷Tiiboho heka Jesuisi ridyreny. Iitxeò tamy riwahinyre idi retyykremy. Tahe Kalvari-ò idi ridymy rare. Kalvari heka Kòkòta inire judeu rybe-ki. ¹⁸Tai itxeò nihikỹ dee ritamadỹnyre ijò hãbu inatxiò-wana Jesuisi itxeònihikỹ itya-ki rỹire. Hãbu wið wiðmy idi rỹire. ¹⁹Pilato riritinyre ritidỹyna-ò Jesuisi tyre-ò ritidire. Kawesemy ritidỹyna roire: —JESUISI, NAZARE HĀWĀ LUDU, JUDEU MAHĀDU IÒLÒ. ²⁰Hāwā-ribi ireheriðremy roire. Tai tahe sòwemy judeu mahãdu tuu robire iritidỹny. Inatã rybemy witxira riti heka inataõmy roire. Judeu rybe ijõre, latim rybe ijõre, grego rybe ijõre. ²¹Judeu xiwena wedu mahãdu Pilato-ò rarybere: —Judeu mahãdu Iòlò rarybere: —Iritidỹyõmyke wa. Kawesemy biritinyke: —Tii rarybere judeu mahãdu Iòlò raremy. ²²Tahe Pilato dirawyònyde: —Iwese reritinyre wesemy rarehykre.

²³Soldado Jesuisi itxeònihikỹ-ò ritamadỹny my rahudi tahe, ity ritxuatxakremy diwyde. Inaubiðwa heka riywinyra. Wirarea riwykremy soldado mahãdu idi rỹireri. Ihyitxena tahe iretydyna-di aõkò rare. ²⁴Tahe ijò widee rarybere: —Iyreyredỹnyõmyke wa urile ta idi rikihurenkyre mobo ritakremy. Kia ryberiti-ki tuhy roire:

—Watyy ritxuatxware ijò yre wimy riywinyreny. Tule wayhyitxena tyre-ki rehurenkyre mobo ritakremy. Tahe iwese Tyryiti rarybere wese, soldadu mahãdu ibutumy aõhebo risỹnyre.

²⁵Inaubiðwa hãwy retehemy rỹimyhỹ Jesuisi itxeònihikỹ iðhòmy. Jesuisise taseriðre-wana, Marie Madalena ijõre, Klopa hãwy ijõre. ²⁶Jesuisi tadimy robireu, Joaõ, taerydỹyna luunadu bire-ki, tahe rarybere: —Nadi beteheke wa kowa ariðre rare. ²⁷Tahe Joaõ-ò rarybere: —Kaa adi rare. Ierydỹyna Joaõ tahe ridyre taheto-ò tai rašnykeny.

²⁸Jesuisi tahe rierye ibutumy rexihuramy tahe rarybere: —Ariðkemy watxireri. Kaimy heka rarybere aõbo Ritidỹyna-ki roire riwinykeny. ²⁹Tai tahe vĩi mona silỹnyhỹki-ki raharenkyre. Tahe Jesuisi-ò iwereheni wese-ò

rituunymy idi riteònyre iry-ò teòdimy. ³⁰ Jesuisi tuu riøre idi tahe rarybere: —Ibutumy Waha aòmysýdýŷna rexihumy roire. Tahe ròtiòròmý resere iule ta rurure.

³¹ Kia sabadotxu heka worana bedehesitxu nihikýõ rare, brebuna rare. Tai tahe hābu rubu itxeò-ki ririkòkemy tuu rarybemyhýre. Tai Pilato-ò judeu mahādu rexitòenyre hābuti riòròmý riteònykemy, itxeò-ribi ritakemy. ³² Tahe soldado mahādu hābuti wiðle riorore. ³³ Jesuisi tahe rurumy roireki iti riòròðore. ³⁴ Soldadoõ tahe Jesuisi-ki rojyre iweki tahe hālubule rohonyre bewana. ³⁵ Kia tuu rabire tahe òbitimy tuu jiarý rarybere, Joaõ wahe. Wari-tidýŷna inatyhy raremy, reeryre. Kaiboho bityhynybenykemy, adireny watxireri. ³⁶ Kaheka ibutumy iritina hetxina tuu rarybere heka ibutumy tuu rotýŷre. Kia wesemy roire: —Iti riòròðkre, sohoji aòkõ. ³⁷ Ijõ iritinaõ kawesemy roire:

—Rirorenykre tònori-di idi reteherenykre tamy.

³⁸ Jyje heka Arimatea hāwā luduõ rare. Idi tahe tii Pilato-ò rexitòenyre Jesuisi umymy rituunykremy. Tii heka Jesuisi heluduõ rare. Judeu mahādu lau ruberumyhý tai Pilato-ò rare wasimy. ³⁹ Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rumy Jesuisi-wana widee raryberele rare. Tii òwòrutyby òwòruðbru-wana aderòna wesemy diwyde sòwemy, 45 urihixinamy riutxienanyre. ⁴⁰ Tahe Jesuisi umy tyky jurarehe-wana ritýtenyre aderòna wanahyyle. Kawesemy dori judeu mahādu iny rituunymyhýre. ⁴¹ Itxeòalamana-ribi bederaty oworu iòhòmý roire. Ityi-ki tahe wabede tamyra roire. Mana hāloo rýire tai heka moo rawa-bedenýòhyyre. ⁴² Tai tahe rawabedenyre iòhòreki, tule judeu worana bedehesina txumy roireki.

20 ¹ Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rýiremy idi retehere. ² Tahe raijaranyre Simaõ Pedro-ò, ijõ Jesuisi luunaduõ wahe, Joaõ-ò, jiarýle wahe. Tahe wadeereny rarybere: —Wahĩ tahe hālokowoku-ribi ritakarenrya. Titxibo ritidira, rekerykõre. ³ Pedro tahe ròhònnyre, Joaõ-wana wabede-ò roire. ⁴ Wiwana raijaranyre tahe jiarý Pedro ratyre raijaranyre tamy. Jiarýle heka juhu tamy rehemynyre. ⁵ Tahe rawebesere iwo-ò itxeremy. Irahanalemy rabire. Ta ralòðhyyre tamy. ⁶ Idi Pedro rehemynyre ralore tamy. Tule irahanamy robire. ⁷ Jesuisi rati rasirahana rihitxinyro roire ixiwanale. ⁸ Tahe jiarý juhu rehemynyre tahe Pedro hewomy ralore. Tuu robire, retyhynyre. ⁹ Tiiboho dori ritina rieryrenyre ihāre tahe rierytyhykòlerenyre. Jesuisi rubi-ribi rexiixixanykemy ritina roire. Tii tahe rierytyhykòlerenyre. Tahe wiji rieryrenrya. ¹⁰ Tahe ixyby raðkeserenyre inyhetereny-ò.

¹¹⁻¹² Marie tahe robumy wabede-ribi iòhòmý rýire. Rawebesere tahe wabedewo-ò itxeremy. Inatxi ýjumy robire iwo-ki itykyuramy roimyhý. Ijõ heka rýmy rononymhý Jesuisi ratiherina tyre-ki. Ijõ tahe iwaherina-ki rononymhý. Jesuisi umy tahe iøre. ¹³ Tahe ýju Marie-ò rýýraxire: —Hāwyy, aòherekibo tabureri. Rirawyònyre: —Wahĩ kumy dokuri riwumy ramyhýre. Rekerykõre titxibo ritidira. ¹⁴ Iu rarybereu tahe tahewoðle roosere. Jesuisimý robire rýimyhý. Tii heka rieryòhyymyhý tii Jesuisi raremy. ¹⁵ Tahe Jesuisi rýýraxire: —Hāwyy aòmýbo tabuteri, mobo tejeteri. Bederaty oworu ywidýŷdu raremy heka tii ròhòtynyre: —Tahe dirawyònyde: —Wahĩ, kai anobo karibi

tetakata-wana wakoku tuu belykyke. Tahe jikarÿ karikorykremy. ¹⁶ Tahe Jesuisi tamy rryre: —Marie! Marie rokesemy reare rijemy: —Wahÿ, erydÿkÿdu! (Tii hebraika rybe tuu rarybere: —Raboni, wahe.) ¹⁷ Jesuisi rarybere tamy: —Waroorehedÿÿomyke wa. Waha-ò dori raõlemy wãhare tahe arakre. Kai tyhydÿÿdu seriõre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxureny-ò. ¹⁸ Idi tahe rarybere erydÿÿna mahãdu-ò Wanyrÿmy rabira. Marie Madalena relyyre timybo raryberamy.

¹⁹ Semana juhu ludu txuu, txioromy heka Jesuisi erydÿÿna mahãdu wii ributunymy rÿimyhÿ hetowoõ-ki. Ibutumy ijò ritòbòtòbònyra judeu mahãdu lau brebumy. Jesuisi tahe nade iyreny-ò rexitÿnynyre. Rarybere: —Ywina araykywo-ki atxikemy idi watxireri. ²⁰ Kia rarybereu tahe tebò rurena riteò-sinyre, tawerurena tule riteòsinyre tamy. Iule tahe reysarenre Jesuisimy robireki wahe. ²¹ Ixyby tamy Jesuisi rarybere: —Ywina araykywo-ki rarekemy idi watxireri. Iwese Waha diwateònyde wese tule arateònykre. ²² Iu tahe ribunymy rarybere: —Deuxu Tytybytyhy tetateri. ²³ Inyòrarunaò bii-xãwididÿÿnykeki tule kia òraruna ariixãwidinyke. Tule aòkòkeki, ijò òraruna bii-xãwididÿÿnyòkeki, kia tule ariixãwididÿÿnyòke.

²⁴ Tome (Inatxina iniõre) tii waòinatxi reurò mahãduò rare, tahe tairenyõre heka Jesuisi nadeu. ²⁵ Jesuisi erydÿÿnaò rarybere: —Wanyrÿmy rabirenryra. Tahe Tome tamyreny rarybere: —Retyhynyõre kÿnyhe.

²⁶ Semana sohoji bededÿÿnanamy idi rÿire, ixyby wii ributunyre Jesuisi erydÿÿna mahãdu. Iu tahe Tome tii mahãdu-wana ratximyhÿ. Ijò ritòbòtòbònymy rÿimyhÿ. Tahe Jesuisi nade iyreny-ò. Tamyreny rarybere: —Ywina-di araykywo-ki atxikemy idi watxireri. ²⁷ Tahe Jesuisi Tome-ò rarybere: —Betehe inihe wadebòrurena-ò ebò inihe tamy biditidike. Tule wawerurena-ò ebò biditidike. Itxiòdÿÿomyke wa, bityhynyke. ²⁸ Tome tai dirawyònyde: —Wanyrÿ, waDeuxu. ²⁹ Tahe Jesuisi rarybere: —Tome, kai aòbo biwatyhynykre wamy tabiterikile. Sòwemy deysana inyò kanakemy wãhare tiiboho dori wamy robiõre hàrele riwatyhynyrenyre.

³⁰ Jesuisi heka sòwemy aòwiihikÿbo riwinyre. Ierydÿÿna mahãdu heka kia aòmybo robire. Kia aòmydÿÿnana heka ihoõre kaki iritina-ki. ³¹ Kaa ritidÿÿna reritinyre Jesuisi Kristumy rare. Deuxu deòdÿÿna rare. Kia bityhynybenykemy wahe, Deuxu Riòre wahe tetyhynyteri-wana tahe umytue-deòna bitakre, ini òraru-ki wahe.

21 ¹ Iribi tahe Jesuisi rexitÿnynyre Tiberiade ahohokÿ ijà-ki. Kia wesemyre heka. ² Ibutumy heka juhu rÿimyhÿ: —Simaò Pedro, Tome Didimo iniõre, Natanaeli. Tii Kana hãwã ludu rare, Kalileia bede-ki. Zebedeu riòrebobo ijòre, inatxi Jesuisi ierydÿÿnaò ijòre. Rarekie. ³ Tahe Simaò Pedro rarybere tamyreny: —Rià teredÿÿmy arakre. Imahãdu rarybere: —Jiarÿboho aroirenykre ahemy. Tahe roirenyre hãwò-di. Aòhomy aòkò ruu idireny nade. ⁴ Tahe bede ratÿnyrau heki Jesuisi ÿnyrakile ratximyhÿ. Ierydÿÿna mahãdu tahe rieryòhyymyhÿre. ⁵ Jesuisi rryre tamyreny rÿÿra-xire: —Ijoi moò rokoreny. Utura aòbo temytenyta? Rirawyònyre: —Aòkòre wa. ⁶ Kaiboho biterebenyke rurunawe-ribi taita bimbybenykre. Tahe rite-renyre sòwemy rautxienyre irià heka ritusinyòhyymyhÿrenyre utura sòwe-reki. ⁷ Kia ierydÿÿnaò Jesuisi luunaduò rare jiarÿ, Joaò wahe. Jiarÿ tahe Pedro-ò rarybere: —Inynyryle wa rare. Pedro Jesuisi raramy roholareu,

tatky tawetyamy ritaamy tamy resere, tade hekylemy rareki. Tahe resere bera-txi tamy rakremy. ⁸Ijoi mahādu riā-di narurunymy nade utura sōwereki. Tahe 100 urihixinamy ŷnyra-ribi ratximyh̄reny. ⁹ŷnyra-ò rejuxunyreu tahe, robirenyre heòtymy obiurawo-ki. Orotxu tule tai r̄yire. ¹⁰Jesuisei tamy rarybere: —Uturaò bidiwybedenyke wiji temytenytaò. Simaò Pedro hāwororibile riā-di rarurunyre. Sōwemy heka tai utura nihik̄y r̄ymyh̄, 153 wahe. Ihāre tahe riā raòròohyire. ¹¹Tahe Jesuisei rarybere: —Manake hewa biroxybenyke. ¹²Ibutumy ieryd̄ȳna mahādu rieryre tii inynr̄yreny raremy. Tai tahe inyò r̄ȳraxiòhyire: —Mobo tii raremy. ¹³Tahe Jesuisei orotxu rimyre. Tamy riwahinyre. Ixiyrubule utura tamy riwahinyre. ¹⁴Kia tahe ihewotyhy my Jesuisei rexideòsinyre taeryd̄ȳna mahādu-ò, rubu-ribi dexixade hewomy wahe.

¹⁵Riroximy rahudi tahe Jesuisei Pedro-ò r̄ȳraxire: —Simaò, Joaò riòre, kahābu mahādu waluure. Kai tahe iratyre aòbo waluure. Tii rirawyònyre: —Kai tiwaeryte, aluure. Tahe Jesuisei rarybere: —Wabudoeni riòre biòwenyke. ¹⁶Ixityre r̄ȳraxire: —Simaò, Joaò riòre, kai aòbo waluure. Tahe Pedro rirawyònyre: —Kohe, Wanyr̄ aluure jiar̄y, tiwaeryta. Tahe Jesuisei rarybere: —Bidyke wabudoeni biòwenykemy. ¹⁷Ihewotyhy my tahe Jesuisei r̄ȳraxire: —Simaò, Joaò riòre, kai aòbo waluure. Iu tahe Pedro rabedewomy ronyre, ixityremy r̄ȳraxireki. Tahe dirawyònyde: —Wanyr̄, ibutumy teeryte aōna aōna. Aluure heka, tiwaeryta. Tahe Jesuisei rarybere: Wabudoeni biòwenyke. ¹⁸Inatyhy my adee ararybekre. Iu ijoj moròkōmy tatemahāu, ixiwanale texityynmahāte ixidee wimy titxibo tamahāte. Iu tahe mamatuarinykre inywitxira aratyynykre, Ebò biteòsinykre iny arataataanykre tahe inyò aradykre titxibo noderamy beakreò. ¹⁹Kiamy heka Jesuisei rarybere rit̄ynynykremy timybo Pedro rubu-ò r̄yikremy. Tai Deuxu riwowydynykre. Idi tahe Jesuisei rarybere: —Biwaheludunyke wa. ²⁰Tahe Pedro retehere Joaò Jesuisei hemy rarerìò, Joaò Jesuisei luumy raremyh̄. Joaò ihetxiu Jesuisei-ò iòhòmy r̄ȳraxire jiar̄y wahe: —Mobo iwahisid̄ȳdukremy, ihewo ludu roxina r̄yireu. ²¹Tahe Pedro Joaomy robireu, r̄ȳraxire Jesuisei-ò Joaomy. Aòbo he tamy rot̄ȳnykre. ²²Tahe Jesuisei rirawyònyre: —Tii rurukōlemy adòòsekemy idi watxikeki, timybo tahòtinyte. Adee tahe biwaheludunyekile awike. ²³Ieryd̄ȳna mahādu rarybemy raremyh̄: —Kiamy wahe Joaò rurukōlemy Jesuisei rarybere. Tahe kiamy aòkō Jesuisei rarybere. Jesuisei juhuu rarybere: —Tii rurukòle adoosekre-wana, timybo tahòtinytenyteri.

²⁴Jiar̄y tahe kia aomyd̄ȳnanamy relymahāre, Joaò wahe, reritinymahāre. Inatyhy my kia tuu rare, jiar̄y tuu relymahāre.

²⁵Sōwemy aomyd̄ȳnanamy tahe Jesuisei riwinyre. Inyò ibutumy riritinykeki, iritina heka bede rit̄yxinykre tyryti sōwekre-wana.

Aõhebo Rotỹỹnyre

Aõhebo Rotỹỹnyre Jesuisi Erydỹỹna Mahãdu

1 ¹Juhuu adee ratyryritinyreu, Teòfilo, relyyre ibutumy Jesuisi aõbo riwinyré, aõmybo bede riernanyrémy. ²Deuxu Tytybytyhy bede erydỹỹnamy taerydỹỹna woludu mahãdu riernanyre. Tahe taerydỹỹna mahãdu-ò bede ywina riwahinyre. Iribi tahe Jesuisi ròðsere biu-ò. Kia ibutumy juhUU adee relyyre. ³Iribi itxeònihikỹ-ki rurureu, taerydỹỹna woludu mahãdu-ò rexitỹnyre hãbu irudilemy. Tamyreny rexideòsinyre sòwetxu-di rulemy ratximyhỹmy. Inatyhy wa warybetyhy rare, tamyreny rarybere. Rexitỹnyre, tamyreny riernanyre Deuxu Iòlònamy. Txuò txuòlemy iny inatxiwaitue txumy riernanymyhỹre. ⁴Tiiboho-wana riroximy raremyhỹ, Jesuisi tamyreny rarybere: —Uritere Jerusalẽ-ribi ixitara-sarenỹmy. Urile Deuxu Tytybytyhy awo-ò kanakre xiery, Jerusalẽ-ribi boibenyke. Deuxu rarybere Tatytybytyhy kiditeònykre. Tule juhUU Jesuisi kia rarybere. ⁵Deuxu Tytybytyhy aworeny-ò kanalokre. Kia ratisebenaò wesele rare, Deuxu Tytybytyhy ratisebena. Iwese Joaõ juhUU bero-ki iny risebenyre wese, kia rare. Kia-txu tahe, iòhòmy roire.

⁶Tahe, juhUU ibutumy wirotirenyreu, Jesuisi dee rỹraxirenyre: —Wanyrỹ, kai aõbo wiji iny Iòlòreny bediwahinyleke inywedureny wesemy ixyby ronykemy. ⁷Tahe Jesuisi dirawyònyde: —Waha-ki ywisidỹnatxu doimyhỹde. Tiile rierymyhỹre. Kai aòkòhykre. ⁸Tahe Deuxu Tytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi wai-xixanamy belyykre ibutumy Jerusalẽ hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutumy bedekonana bede iny-ò. ⁹Tarybe rahudi tahe Jesuisi ixihy rexidymy raòwònyre biu-txi. Iòre biuwetyky-txi. Tiiboho rarirenyre bede-ribi idi reteherenyre. ¹⁰Idi retehemyhỹ iòtududỹtyhy. Inatxi hãbumy ity uramy aõwesele rỹimy reamyhỹre hãbu mahãduko-txi. ¹¹Tahe tiiboho raryberenyre: —Hãbu, Kalileia bede mahãdu, itxereòmahãbenyke. Jesuisi ka ramyramyhỹre biu-ò, Deuxu sỹ-ò. Iwese rarawesele ka ixyby kòdòðsekre.

¹²Jesuisi erydỹỹna mahãdu ratximyhỹrenyre Oliveira òwòruraty hãwãlò-ki. Tahe dòðsedenyde Jerusalẽ hãwã-ò. Jerusalẽ rehe iribi doide sohoji urihixina rehemymy. ¹³Tahe wii rotyrenyre rorukure ixtòedỹmy hetoratyawo-ki. Kahekani-di rirana rarekre tai rỹimyhỹrenyre: Pedro, Joaõ, Txiau, Andre, Filipi, Tome, Bartolomeu, Mateu, ijò Txiau (tii

Afeu riðre rare), Simaõ Zelòte, Judasi (ijõ Txiau iwitxira, kia riðre rare). ¹⁴Ijõ iny tule tai ronymhÿ, Jesuisise, hāwyy ijõ ronymhÿ, Jesuisi seriðre mahādu tule rorukumhÿrenyre. Ibutumy rexitðenymhÿrenyre wiwese wiweselemy rōhōtinymhÿrenyre.

¹⁵⁻¹⁶Ijõ txubiðwamy 120 inymy wii ributunyre ixybyle. Tahe Pedro rÿire kiamy tamyreny rarybere: —Waityhydÿÿdu seriðre mahādu, iwese Judasi aõhebo rotÿÿnyre wesemy Davi tyyritinamy roimyhÿre. Kiamy wahe: —Jesuisi taðluduboho-ð rōhōnyreu, Judasi tiiboho riwiðhenanyre. Iwese ka tyyritina-ki roire wesele, inatyhymy ibutumy rotÿÿnyre. ¹⁷Judasi inybohoōmy raremyhÿ. Tii nieruō ritare Jesuisi ðludu-ribi tamyreny ridyreki. Tahe kia nieru-di subutebedeō riwyre. ¹⁸Tahe idi Judasi rexibōtōtaara. Idi tahe tasubute bedero-txi taratythihkÿle-ribi resere. Tahe iumy ruare iwona reju-xunyre. ¹⁹Iribi ijyy heka ibutumy Jerusalē mahādu-ð tuu ijyy rÿire. Tahe kia subutebede rininirenyre hālubu bederomy. ²⁰Iòlò Davi kia wese riritinyre tawiunatyriti-ki:

—Ixinamy iheto rÿike, inyō taisÿōmy.

Ijõ:

—Inywitxiraō terōwmy tai rarekre iaōmysÿdÿÿna rimykremy.

²¹⁻²²Inyō tahe terōwmy iaōmysÿdÿÿna rimykremy. Tule rikimyrekye Jesuisi ixixanamy ijyyduō inywanahyy rybe ritÿÿnykemy. Inyō Jesuisi sebedÿÿna-di itxereduō rikimyrekye, inyō tuu robire Jesuisi nonanamy tule rikimyrekye. ²³Tahe inatxi hābumy ritarenyre: Jyje (Basaba inire) Justu iniðrysina rare, ijõ hābu tahe Matxia rare. ²⁴Iribi tahe rexitðenyre: —Kiamy heka Deuxu dee raryberenyre:

Kai Wanynyrÿeny, ibutumy inrayky teeryte, Deuxu. Biteðsinyke tibo rikitarenykemy.

²⁵Tii ritÿÿxinykre ixihymy ratximyhÿre mahādu. Judasi derōwmy rarekemy, Judasi dori iny-ribi rōhōnyre taðrarunaðwydÿÿnamy rare aōhōkÿmy rotÿÿnykemy. Tahe rare tiobo rareð. ²⁶Wyhy raheto lisina wesemy idi rehure. Kiamy heka riwinyre tibo rōtakemy. Matxia tahe iribi rōtare. Tii tahe ralore waðsohoji reurð erydÿÿnaky-txi.

2 ¹Pentecostemy ninadu lisina kia txumy txuu rÿireu, ibutumy iny rorukurenyre tarynanakile. ²Aōwesele biu-ribi wodÿÿō nade yhynihikÿwesele ibutumy heto-ð ralore tai rorukumhÿrenyrewo-ð. ³Heðty helÿÿresi wesemy nade. Iny sohoji sohoji tyre resere. ⁴Ibutumy iny tykymy heka Deuxu Tyytybytyhy ralōmy rÿire. Ta raryberenyre iwitxira rybemy. Deuxu Tyytybytyhy tamy rybe riwahinyre wese tahe raryberenyre.

⁵Deuxu dee ðbitimy hābu mahādu noduō rasÿnymy raremyhÿ Jerusalē hāwā-ki. Judeu mahāduō ihÿre. Ibutumy bede bede hāwā hāwā-ribi nade.

⁶Kia-ð roholareu, wii ributunyre ijohonamy. Tahe rexieryōhykyre aōmybo rōhōtinyrē tahe widi bede riðtiinyre iny sohoji sohoji tarybe tarybeðlemy roholareki. ⁷Utile bede riðtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahādu ratxireri.

⁸Timykibo iny ryberenymy rarybereri. Iny sohoji sohoji tarybeðle raholareri.

⁹⁻¹⁰Kaheka inyboho bede bede ludu roire: Partia mahādu, Media mahādu, Elaō mahādu, tule ka bede ludu mahādu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhōre, Roma hāwā

luduõ tule kaki ihÿre. ¹¹Timybo inrybereny witxira witxira-ò iny roholarenryeri. Deuxu rybemy rarybereri ibutumy inryberenymy. Ibutumy inyboho: Judeu, Judeuerydÿÿna ityhydÿÿdu, tule Kreta mahâdu, Arabia mahâdu, Deuxu aõmydÿÿnana wihikÿ-ò raholarenryeri. ¹²Tahe bede riòtiinyrenyre. Rieryõrenyre aõbo rare. Tahe widee rÿÿraxirenyre iny sohoji sohoji-ò aõbo raremy. ¹³Ijõ tahe tawobinarybe rarybere:

—Tiiboho rururenryeri, itxÿtemonamy riõreri.

¹⁴Tahe Ped ro rÿire waðsohoji erydÿÿna-di, tahe tii rexidelenyre rarybekemy:

—Boholake inihe, ibutumy kaiboho, Judeia mahâdu, Jerusalë sÿludu-wana —kia bierybenykemy.

¹⁵Inyõ rarybereri itxÿtemonamy riõrerimy. Tahe inatyhymy aõkõ rare. Txuu rati rariarerile heka rudiletÿhyre. ¹⁶Joel juhoo Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

¹⁷—Kiamy Deuxu rarybere:

—Ikonanatxuu watytybytyhyhykÿ aditeõnykre ibutumy inydee. Ariõreneny, hāwyy hābu-wana, warybe riernanykre. Weryrybõ tahe matuari-wana rarasinytyhykre.

¹⁸Ibutumy wadeõdu-ò, lerÿ, hābu, ibutuwo-ò Deuxu Tytybytyhy kanalokre. Tuu raryberenykre, ritÿnynyrenykre.

¹⁹Aõ tÿmyra ariteõsinykre biu-ki, bede-ki. Hālubu, heðty, worona-wana ròhònykre.

²⁰Txuu heka ilybyhykÿlemy relekre. Ahādu isòhòkÿlemy relekre. Iribi tahe Inynyrÿtxu-ò rehemynykre. Kia txu awimy roikre. Inynyrÿ kòdòhònykre.

²¹Kia bedeu, inyõ Inynyrÿnimy rexitðenykeki, tii jiarÿ aritakre iòraru-ribi. Kia Deuxu rybe rare.

²²Judeu mahādu, Israeli mahādu, boholabenyke warybe-ò: Deuxu sòwemy aõna aõna witxira witxira-di, bedeòby-di riwahinyre. Inatyhymy Jesuisi Nazare hāwā ludu mahāduõ riteõsinyre. Inatyhymy rare. Kaiboho heka teerytenyte. ²³Kaiboho Jesuisi temyteu, Deuxu juhoo rimykremy rierymyhÿre. Rexierymy ròhòtinyre kawesemy bede roimy rarekre. Kaiboho Jesuisi terubunytente. Kaiboho itxeò nihikÿ-ki tetamadÿÿnytenyte hāubina debòreny-di. ²⁴Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyòtyhy. ²⁵Davi juhoo rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii riwawiðhenanymyhÿre. Tai wawo deysana-di ritÿxinymyhÿre.

²⁶Wadòròtò wowydyna tamy rewahinymyhÿre. Reeryre ibutumy rubuhetowo-ki awityhymy wāhāré, iribi dori aròhònykre.

²⁷Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

²⁸Kai tiwaeryte ibutumy umytÿmyra aõmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] ²⁹Pedro ijõ rarybemyhÿre: —Tahe kiamy heka mohòtinybenyke, Waseriðreboho. Davi heka aõ iximy

aõkõ rarybereri. Tii tahe hãloowo-ò roire. Itityby heka kakile iny-wana ihÿre.
³⁰ Tahe Davi Inynyrÿ deròwomy rybeduõ raremyhÿ. Deuxu inatyhyna rybe-di Davi-ò narybede. Kia tahe: Iriòre riòreõ bede dinodumy kodonykremy taiòlò ryna-ki. Kia iòlò Davi rierye. ³¹ Davi tahe Kristu ixixanamy juhoo narybede. Kristu umy dori rubu-ki rariòhyre. Iumyde rarònyòre. ³² Jesuisi Kristu, Deuxu riixixanyre. Ibutumy inyboho tuu robirenyre. ³³ Jesuisi ronmyhÿre Deuxu rurunawe-ribi. Iwese rarybere wese Deuxu Tatytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri.
³⁴ Davi raòwònyòre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

³⁵ Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere. ³⁶ Boholake judeu mahãdu. Kaa inatyhy hyy rare. Itxeònihikÿ-ki Jesuisi terubunyenye. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

³⁷ Tahe Pedro rybe-ki urile ròhòtinyreny. Tai tahe Pedro-ò ijò erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

³⁸ Tahe Pedro dirawyònyde: —Bòðsebenyke aòrarureny-ribi ixyby Deuxu-ò. Idi tahe Jesuisini-di maratysebekemy aòraru ritakemy. Tai bimykre Deuxu Tytytybytyhy wahidÿÿna wesemy awo-ki rarekremy. ³⁹ Kristu juhoo rarybere:

—Ibutumy heka Deuxu Tytytybytyhy bimibenkyre, ariòre rimykre, iny hãwã wixira ludu rimyke. Ibutumy Deuxu dee wimy tahe rimykre.

⁴⁰ Pedro relymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabenkyre.

⁴¹ Kia rityhynrÿ heka tahe ratisebedumy roiremyhÿ. Ralore kiatxuu 3000 iny iòhòmy Jesuisi tyhydÿÿdu mahãdu-ò. ⁴² Tahe Jesuisi erydÿÿna mahãdu rierynanymyhyre, wii ributunymy roiremyhÿ, paò rioroororenyre wideereny: rexitòenymy roiremyhÿ.

⁴³ Iny sohoji sohoji bede riòtiinymy rabrebumy hitxinymyhyre. Jesuisi erydÿÿna mahãdu bedeòby sòwemy riwinymyhyre. Aõna aõna wiwihikÿmy riwinymyhyre. ⁴⁴ Ibutumy rityhynymyhyre mahãdu, sòwemy wii riwiutye. Ibutumy aõna aõna wimy riwinyre. ⁴⁵ Taaòmydÿÿna, tasu-wana idi rohonyre. Wimy tahe ritxuatxware. Ibutumy ityhydÿÿdu iaòkõ mahãdu dee riwahiriwahinyre. Inyò aõna aõna rauhenykeki, tamy riwahinyre. ⁴⁶ Deuxu dohodÿÿna heto-ki txuò txuòlemy wii ributunye. Tahe tota hetomy paò riy-rieryenye. Riroxirenyre ibutumy teysarenymy wii wese ròhòtinyreny. ⁴⁷ Tuu realàrenye Deukumy. Ibutumy iny hãwãhãkÿ mahãdu awimy tai rahreny. Deuxu rimyre txuò txuò lemy ralore mahãdu kia ritakemy.

3 ¹ Pedro, Joaõ-wana rare Deuxu dohodÿÿna heto-ò rexitòenykemy, inataò òra bedeu. ² Deuxu dohodÿÿna heto ijò inyò rininire, ijò ruxerahakÿ. Txuò txuòlemy hãbu tibina ridyhyhyymy iny tamy reamyhyre. Tamy iny ralòmyhÿkeò tamy nierumy rexitòenykemy. Tii tuu hyy uladumy reareu ihyy itibinare. ³ Pedroboho rirònyrenyre, hãbu tibina tuurenny robire. Nierumy tahe tamyreny rexitòenyre. ⁴ Pedro juhu tamy retehere idi rarybere:

—Bedeteheke wadireny.

⁵Tai hãbu retehemý ronyre, nieruõ iribi riwykemy røhõtinyre. ⁶Pedro rarybere:

—Aõ ijøkõre, womati tÿrÿrÿhÿkÿ ijøkõ, pratakõ. Tahe aõbo idi watxirerile ta adee ariwahinykre. Jesuisi Nazare hãwãludunimy adee ararybekremý idi mariakremý. Kia deytenu adee ariwahinykre.

⁷Pedro, hãbu debõ rimymý ritamadÿÿnyre. Aõwesele iruru iti-õ ralore.

⁸Hãbu rexiwatxinyimý tahe, ririradÿÿnyre. Ihyy ralore dohodÿÿna heto-õ. Deuxu dee deysamý rexiwatxinyimý ralore. ⁹Ibutumý iny idi retehere rariare-rimý, Deuxumý reâlãrerimý. ¹⁰Inyõ rarybere: —Tii ijõ ruxerahakÿ-ki nierumý rexitðenymÿhÿremý, inyboho tii reeryreny. Tai tahe idi bede riðtiinyreritimi kibo aõna aõnamý rotÿÿnyramý.

¹¹Hãbu ta Pedro, Joaõboho werora-ki xiery. Idi tahe ibutumý ributumýre Salomaõ heto ijõ ahanawo-õ. ¹²Pedro kia robireu tahe, tamý rarybere: —Judeu mahãdu, wadireny itxereõmý, bededtiidÿÿõmý. Jiarÿboho inyruru-di aõkõ ka hãbu reteytenyreny, Deuxu rurudile wahe. ¹³Abraõ, Ijai, Ijaõ kiaboho Deuxu heka hãbu riteyteny. Tybyreny Deuxu kia heka riwiny. Deuxu, Kristunimý riwowidyntyre, rubu-ribi riixixanyraki. Kaiboho tahe Jesuisi Kristu tedyteny Pilato-õ. Pilato tii riteõnykemy ratxireriu, kaiboho tamý rarybere: —Aõkõre, tii deddÿÿõmý. Ijõ biteõnyke. Tai tahe rubudÿÿduõ riteõnyre. ¹⁴Jesuisi õraru widÿÿdu aõkõ rarehymý raremÿhÿ, ityhydÿÿdu ihÿre, õbiti widÿÿdu ihÿre. Kaiboho tii tetxiõnyteny, tewahinyteny. ¹⁵Umytuedeõna wahidÿÿdu tii rare. Kaiboho tahe terubunty. Deuxu tahe tii riixixanyre rubu-ribi. Inyboho ierydu, iitxeredu ratximÿhÿreny. ¹⁶Rityhynyrekile hãbu tibina reytemÿhÿre. Kia hãbu teeryteny. Jesuisini tyhyna kia riwiny. Hãbu ibuturu-õ reytera, tii õbitimý raramý ratximÿhÿre. ¹⁷Jiarÿ reeryre kaiboho teeryõte aõbo tewinytemý. Tule adinodu rierykõlemý kia riwiny. ¹⁸Tahe Deuxu tarybe riwahinyre ihetxiu rybedu mahãdu-õ kia wahe tii rarybere Jesuisi rurukremý. Idi tahe irybe uludumý Jesuisi rurure. Iwese Deuxu rarybere wesemý heka irybe uludumý røhõnyre. ¹⁹Kaiboho ixi-txi õhõti reakemy Deuxu-õ biððsekemý. Tai tahe aõraru aribi tii ritakre. Inynyrÿ adeereny kiditeõnyke aõwihikÿmý Deuxu-ribi, biu-ribi. ²⁰Jesuisi Kristu wijityhyle kanaõkre. Aõna aõna juhu rÿimý rareke rexihudi, tahe kanakre. ²¹Tii biukile rarekre wiji. Ijõ bede tÿmyra wihikÿkre iðhõmý rahudi tahe kanakre. Kia bededÿÿnanau tahe rarybere ihetxiu rybedu mahãdu. ²²Tahe Moisesi ijõmý rarybere: —Deuxu rybeduõ kedelekre asÿ, aijoi-ribi tii rarekre. Iwese Deuxu riwatere wese rybeduõmý ararekremý, iwesele tii Inynyrÿ kiditakre. Tamý boholabenykre irybe aõmybo kanarybekremý. ²³Kia, Deuxu rybedu rybe-õ inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. ²⁴Deuxu rybedu sõwemý kia bededÿÿnanamý rarybere. Samueli juhuy rarybere. Idi sõwemý ijõ kiamý rarybere. Ihymý ta wiji kabededÿÿnana roimÿhÿre. ²⁵Kaiboho Deuxu ihetxiu rybedu roire atximahãtenyteri Deuxu juhuy rarybere Abraõ-õ. Ariðre-ribi iny sõwemý ruaruakre. Kia ibutumý ariðre hãwã hãwã-ki rasÿnykre. Kia iny-ribi inyõ røhõnykre ibutumý iny wiðhedÿÿdumý rarekre. ²⁶Deuxu tariðre Jesuisi adeereny riteõnyre aõraru-ribi arahitxinykemy, arawiðhenanykemy. Kia tahe Pedro tamýreny rarybere.

4 ¹Pedroboho tamýreny rarybereu, tamýreny rehemynyre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu

mahäduõ. Inataõ ijoi tamy rehemynyre. ²Pedro, Joaõ-wana iny-ò relyymy raremyhÿ: —Inyõ Jesuisimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relyymyhÿreki, kia häbu mahädu riykaranyreny. ³Taita rimyre, Pedro, Joaõ-wana. Rõtëna-ò ridyre. Wijile tahe tamy ixidee roholaõreny, txiorotyhyreki. Biurasou tahe roholakremy riòlòdÿÿnykre. ⁴Iny sówemy Deuxu rybe-ò kia txuu roholare. 5000 häbumy, ijõ iny tule. Tiiboho Pedroboho-ò roholare. Tahe sówemy rityhynyreny.

⁵Itxu biówamy tahe Jerusalë-ò rehemynyre dinodu mahädu, matuari mahädu, judeu bede ywina erydÿÿna mahädu. Kia ijoi mahädu ibutumy rehemynyre. ⁶Anasi tule rehemynyre. Deuxu-ò xiwena wahidÿÿdu mahädu wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahädu tule ijõre. ⁷Tahe dinodu mahäduõ Pedroboho ritamadÿÿnyre ibutu kia mahädu koð. Tahe ritÿÿraxinyre: —Aõrurudibo iny tetytedÿÿnymahäte. Monidibo kia tewinyteny. ⁸Ta Pedro tykymy heka Deuxu Tyytybytyhy ralore. Idi tamyreny rarybere: —Iny dinodu mahädu, matuari mahädu, adeereny ararybekre. ⁹Häbu tibina aõmydÿÿnanamy tiwatÿÿraxinyte-wana, adeereny kiamy arirawyonÿkre. ¹⁰Jesuisi Kristu Nazare häwä luduni-di kia rybe rurudi rewinyreny. Kia tahe bierybenyke. Kaiboho dorikÿhe Jesuisi itxeò nihikÿ-ò teukotenye. Deuxu tahe riixixanyre rubu-ribi. Tai tahe ka häbu reytemy rÿimyhÿre. ¹¹Jesuisi manaõ wesemy ratxireri. Kia-di rehure heto widÿÿduõ. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. ¹²Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³Pedro, Joaõ-wana brebuõ-di kia rybe ritÿÿnyre. Tai iny bede riòtiinyreny, tiiboho dori tyyriti erydu aõkõ roire. Urile Jesuisi-wana roiremyhÿ, kiale iny rieryreny. ¹⁴Häbumy inyboho robirenyra juhUU itibinamy. Tai tahe inyõ aõbinamy tamyreny rybedu aõkõ rare, häbu tibina riteytenyreny-raki. ¹⁵Tahe ibutumy iny dohodÿÿna heto wo-ribi riteõnyre. Tahe wimy rarybere: ¹⁶—Aõhebo rokotÿÿnyrenykre kia häbu-di. Inatyhymy tiiboho aõwiwihikÿ riwinyreny. Kia rikitiõnyrenyõtyhy. Ibutumy Jerusalë häwä mahädu kia rieryre. ¹⁷Tai kiamy rokotÿÿnykre. Tamy rakarybekre tiu Jesuisimy ixby rybeõmykremy. Tai Jesuisimy rybe-di rikiixāwādidÿÿnykemy. Iny-ò kiamy rarybeõtyhy. Kiawese raryberenyry rybe ywidÿÿdu mahädu. ¹⁸Idi tahe rariõwry Pedro Joaõ-wana tamyreny rarybere: —Jesuisi nimy rybeõmy, bibe-deerynyõtyhy irybemy. ¹⁹Tahe Pedro, Joaõ-wana tamyreny dirawõnyde: —Aõbo awityhyre. Inyboho arybe arityhynykre aõbo ada Deuxu rybe aõbo arityhynykre. ²⁰Aõbo jiarÿboho rabirenyré, raholarenyré, kialemy araryberenykre. Inyõ riwarybebinanyõtyhy. ²¹Idi ta ixityre tamyreny raryberenyre, rybedÿÿõkemy. Tahe riteõnyreny. Tamy aõwidÿÿõmy rÿimyhÿ häwä mahädu dee ruberurenreki. Häwä mahädu dori Deuxu reālāmyhÿre häbu riteytenyraki. ²²Kia häbu dori 40 beõra ratyremy tabeõra-di ratximyhÿre riteytenyrau.

²³Pedroboho rexitamy roirenyreu, ityhydÿÿdu seriõre òrsymy roirenyre. Tahe tiiboho tamyreny relyyreny iweise dohodÿÿna heto wedu matuari mahädu-wana tamy rarybere wesemy. ²⁴Tahe wiwese wesele rōhōtynyreri

wese, Deuxu-ò rexitòdenyrenyre: —Kai, Waha, inylòlòreny atximahâte. ²⁵ Kai, ibutuwidÿÿdu tarybete: Davi, inytybyreny-di tarybete Atytybytyhy tamy ritÿnynyre, iwese tii rarybekemy. Davi eòdumy raremyhÿ. Irybe tyriti-ki roimyhÿre kiamy:

—Judeukòdu mahàdu raykarananyreri. Kia awimy aòkò ihÿre. Wajoi aò òbitinadibo aòkò ròhòtinyreri.

²⁶ Dinodu mahàdu wiributunyre Deuxuòludumy rÿikremy. Tule Kristu, kia Deuxu deòdÿÿna òludumy rÿikremy.

²⁷ Arybe-ki, Waha, kia ritidÿÿna roire. Tule Waha, inatyhy rare. Ka hāwā-ki, Herodi, Poncio Pilato, Judeu mahàdu, Judeukòdu mahàdu, kia ibutumy ributunyre ariòre Jesuisi òludu rÿirakremy. ²⁸ Tiiboho riwinyre iwese kai tarybete wese, Waha, kia aomydÿÿnanam yÿirakremy. ²⁹ Kai, Waha, teeryte iwese tiiboho raryberemy, aòma, rybeòmykemy. Tahe eòdu biwiðhenanykre arybe-di ihārele rarybekemy brebuò-di. ³⁰ Biwiðhenanykre, Waha, eòdu mahàdu, webinadu mahàdu riteytenykemy. Tule aòna aòna wiwihikÿ riwinykremy, Jesuisi, Ariòreni òraru-ki kia riwinykremy. ³¹ Tahe ixitòdèdÿÿna rexihureu, heto ramyatamy. Deuxu Tytybytyhy ibutumy iny tykymy ralore. Tai tahe Deuxu rybe rarybemyhÿre. Brebumy aòkò tiiboho relyymyhÿrenyre.

³² Ityhydÿÿdu mahàdu iaòna aòna-di wii riwiðhenanyre. Inyò rarybeòhyra: —Kaa wahòrò sohojile rare. Ibutu aòna aòna ibutu hòròmy rÿimy raremyhÿ. ³³ Deuxu Jesuisi erydÿÿna mahàdu riwiðhenanytyhyre irybemy relyyrenyreu, kia Jesuisi rubu-ribi ixixana rybemy. Deuxu teysana tamy riwahinyre tule iny sòwemy iluurenyre. ³⁴⁻³⁵ Tai tahe ityhydÿÿdu mahàdu aòna aònamy rasiranyòhyra. Ityhydÿÿduò ityhymy rÿirakeki, taheto, tasubede rohonyre tahe nieru Jesuisi erydÿÿna mahàdu-ò diwyde. Idi tahe tii ritxuatxumy riwahinyre ibutu-ò timybo iny sohoji sohoji tuu rurumy rÿiramy.

³⁶⁻³⁷ Jyje tule kiawesele riwinyre. Tasubede-ò rohonyreu, idi iòwy nieru diwyde Jesuisi erydÿÿna mahàdu-ò. Jesuisi erydÿÿna mahàdu Jyje rininire, Banabemy. Kiani inyrybe-ò riwiurònanyre, rybe-di wiòhedÿÿdu kiani rare. Tii Levi mahàduò rare, Xibri bedebutesÿdu tii raremyhÿ.

5 ¹ Idi tahe tule ijò hābu, Anania ninadu, tahāwyy Safira-wana tasubede-renyò-di rohonyrenyre. ² Iòwy tahe txuralem y diwyde Jesuisi erydÿÿna mahàdu-ò tasubede òwyreny ibutumy risÿnyrenyreri. ³ Tahe Pedro tamy rarybere: —Aòherekibo Satanasi-ò taholamy araykywo-ki atxiteri Deuxu Tytybytyhy-ò taruiteri. Aòherekibo iòwyjura-di atxiteri. ⁴ Juhuu asubede tahonyòteu, ahòrò rare. Aòhe, inatyhy? Inyò adee rarybeòre idi bohonykemy. Idi tahonyteu, tahe, nieru ahòrò rare, aòhe inatyhy. Aòherekibo aòbinahā-kÿmy tahòtinyreri. Hābu-ò aòkò heka taruiteri Deuxu dee. ⁵ Kia-ò Anania roholareu, rurulemy resere. Tai ibutumy iny ruberutyhyre. ⁶ Weryrybò tahe iumy rihetyntyre. Tahe ritamadÿÿnyny riwyre rihāloonykremy.

⁷ Inataò òra bededÿÿnanam y reare tahe Safira, Anania hāwyy rehemynyre. Aò heka rieryòhyre tahābu rubuna rieryòhyre. ⁸ Pedro tamy rÿÿraxire: —Tiwesemybo asu teòwynyta —ahābu rarybere wesele aòbo. Tahe tii dirawònnyde: —Kohe, iwesele rakòwònyre. ⁹ Ixityre Pedro rarybere: —Aòherekibo ahābu-wana kai taruiteri. Tii teurihite aòbo riwinykeò. Beteheke, weryrybò ahābu loodÿÿ-ribi rehemynyreri. Tule tii aradykre rubumy. ¹⁰ Tule tii aòwesele rurulemy resere. Weryrybò mahàdu ralore. Tai riwyre ritoonykre

tahābu biremy roikremy. ¹¹ Tai tahe ibutumy ityhydÿÿdu mahādu ruberure. Ibutumy kia-ò roholareu, tule ruberumyhyre.

¹² Jesuisi erydÿÿna mahādu sōwemy wowydyna aōmydÿÿnana riwinyrenyre. Tule deytanaw iwi ihikÿtyhy sōwemy riwinyrenyre. Ityhydÿÿdu mahādu wii ributunumyhyre Deuxu dohodÿÿna heto ube-ò. Salomaò ubetyhy inire. ¹³ Kaa hāwā mahādu dori sōwemy ruberumyhyre Jesuisi erydÿÿna mahādu-ò wiutadā lau. Tamy rabutuōhyre ijohonamy. Ihārele tahe ijō rityhynumyhyre, ityhydÿÿdu mahādumy ralokemy. Aōbinatyhmy heka inyō ityhydÿÿdu mahādu dee raryberenyōhyre. ¹⁴ Ityhydÿÿdu mahādu rasōwerenymyhyre. Hābu, hāwyy tule ralōmyhyre Inynyrÿtyhy-ò. ¹⁵ Webinadu mahādu iny ridumyhyre ryò, hāwā hāwā-ribi. Tai Pedro nonana-ki riraōmy roimyhÿ byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohōtinyre. ¹⁶ Ibutumy Jerusalē-ribi iōhōmy rÿira mahādu nade webinadu-di, tule iny tytybybina-di didyde. Tai tahe ibutumy reytere.

¹⁷ Xiwenawidÿÿdu wedu mahādu, Jesuisi erydÿÿna mahādu-ò rexinaanymyhyre. Tule kiawedu eryna mahādu riwiōhenanyre. Saduseu imahādu ni rare. ¹⁸⁻²⁰ Tai tahe xiwe wedu mahādu, Jesuisi erydÿÿna mahādu rimyrenyre idi rehurenyre hāwā rōtenawo-ki. Rummy tahe Inynyrÿ ÿjuō riraynyre ijō, tahe ridyre ahana-ò. Tamyreny rarybere: —Boibenyke Deuxu àlāna heto-ò. Bexideōsinybenyke iny sōwehekÿ-ò. Tamyreny bitÿnynybenyke timybo Jesuisi umytÿmyra inydee riwahinymyhyre. ²¹ Iwese ÿju rarybere wese, txuu ratÿnyreu, dohodÿÿna heto-ò ralomyhyre. Tai rierynarenymyhyre. Tahe xiwena mahādu wedu dehemynyde, tii-wana ratximyhÿ-wana. Israeli nohōti juradÿÿdu mahādu ributudÿÿnyre. Ibutumy judeu mahādu, matuari mahādu bedeerÿtyhy mahāduò rare. Tahe soldado itxeredu-ò riteōnyre rōtena-ò iōrysinyreny. ²²⁻²³ Tahe roirenyre. Rōtena-ki tai rahaōre. Ròdsere tamy relyyre: —Rōtena-ò rehemynyra. Txiòtòbòhòkÿlemy rÿire. Tahe reraynyreu, aōho aōkò rare. ²⁴ Dohodÿÿna wedu xiwena wedu-wana kia roholareu, tiiboho rexieryrenyōhyre aōbo riwinyrenykemy, aōhebo rotÿÿnyrenykemy. ²⁵ Iwesemy rōhōtinerikōnalemy, inyō dehemynyde. Tai rarybere: —Rōtena-ki tetidite mahāduò, dohodÿÿna heto-ki ratxireri. Iny kowa ritohonyreri. ²⁶ Tai tahe soldado dinodu, soldado itxeredu-wana riōryre ta didydenyde ywilemy. Tamy heka aōhe risÿnyōhyre mana hunadi tamyreny kedehukemy heka soldado rōhōtinyre. ²⁷⁻²⁸ Tahe dehemynyde ritamadÿÿnyre insōwe weduko-txi. Tahe wedutyhy rybe ritelenyre: —Jiarÿboho heka juhu adeereny rarybere uritere Jesuisi nimy bede erydÿÿrenykōmykremy. Ihārele tahe tuu tadeerÿnytenyta ibutumy Jerusalē hāwā iny-ò. Ibutu-ò aeryna-ditariate. Wamy tarybetenyteri jiarÿboho Jesuisi rerubunynyramy. ²⁹ Tahe Pedro taijoi-wana rarybere: —Iwese Deuxu wadeereny rarybere wese, arityhynyrenkre. Hābuò iwitxiramy wadeereny rarybekeki, tiu arityhynyōtyhy. ³⁰ Kaiboho inatyhmy Jesuisi terubunyenye. Ōwōru nihikÿ itxèd-ò tetamadÿÿnytenyete. Inytyby Deuxu tahe rubu-ribi riixixadÿÿnyre. ³¹ Deuxu tarurunawe-ribi debò-di biu-ò ritamadÿÿnyre ibutu iōlōmy rarekemy, ibutu tarasadumy rarekemy. Tai ibutu Israeli ijoi mahādu-ò òraru bedewona ixāwina riwahinykemy. ³² Inyboho heka kia aōmydÿÿnamy robimyhÿrenyre, tai heka reerymahārenyre inatyhy raremy. Inyō Deuxu rityhykeki, tii Tatytybytyhy tamy kidiwahinyke. Tii tule kia aōmydÿÿnamy rarybemyhyre.

³³Xiwena wahidÿÿdu mahädu wedu tamy roholarenyre, rakyarananyrenyre, irubudÿÿmy idi ratximyhÿ. ³⁴Tahe fariseu mahäduõ lamamy rÿire. Õnosõna erydÿÿduõ tii ihÿre. Ibutumy iny tii riijemyhÿre rityhynymyhÿreki. Kamalie heka inire. Tahe tii rarybere: —Jesuisi erydÿÿna mahädu-di biõlõnyke urihimyo ahana-õ. ³⁵Idi tahe tajoi-õ rarybere: —Häbu, Israeli mahädu, beiiijebenyke kia häbu-õ, aõhebo botÿÿnybenykre. ³⁶Kaiboho dori õhõtireny beabenyeke Teudani-txi. Juhuu dori dinoduõmy tii raremyhÿ. Tii ixiõlõdÿÿnihikÿmy iximy rarybere. Sõwemy heka iny tii-wana raremyhÿ tahe 400 häbumy ihemy rare. Inyõ tahe rirubunyre rityhynymyhÿre mahädu tahe iribi raubÿtÿre. Tahe aõ heka rimyõhyre, ibutumy iõre. ³⁷Iwitxirau ijõ-txi õhõtireny rearenyeke. Judasi inire. Tii Kalileia mahäduõ rare. Iu bede dinodu iny-di rariareu tahe, tii rexiõlõdÿÿnyre. Sõwemy iny riheludunyre. Tii tule rurure. Taityhydÿÿdu mahädu tule raubÿtÿre. ³⁸Tule wahe kahäbu mahädu rare ixinamy biteõnyke. Häbu kia aõmydÿÿnana dinodukeki, aõmy aõkõ relekre. ³⁹Deuxu tahe idinodukeki, tiu heka idi behuõtyhy. Deuxu õludu wesemy heka kai tesumahäte. Tai tahe Kamalie rybe-õ ibutumy rityhynyrenyre. ⁴⁰Didyde he Jesuisi erydÿÿna. Rihetenyre. Idi tamyreny rarybere: —Rybeõmyke Jesuisi nimy. Tahe ixinamy riteõnyre. ⁴¹Tiiboho iribi rexitarenyreu, reysatyhymy ratximyhÿ, Jesuisini õraru-ki dorikÿhe tiiboho aõhõkÿmy rotÿÿnyrenyraki. ⁴²Txuõ txuõlemy Rybewihikÿ ritÿÿnyrenyrenyre dohodÿÿna hetomy dori, heto hetomy tiiboho rarybehymy rÿimyhÿre: —Jesuisi inatyhymy Kristu rare, Deuxu deõdÿÿnamy nade.

6 ¹Tahe ityhydÿÿdu rasõwetyhynymy rÿiramyhÿ. Iu ityhydÿÿdu wytese mahädu-õ rÿsÿna riwahinymyhÿreu, grego rybedu rexinaanymyhÿre rÿsÿna wahidÿÿdu mahädu dee. Judeu mahädu wytese sõwemy rÿsÿna ritamyhÿrenyre waratyrereny. Kia wesemy heka judeukõdu mahädu rarybere. ²Jesuisi erydÿÿna waõ inatxi reurõ mahädu, ibutumy ityhydÿÿdu didydenyde kia aõmydÿÿnana-õ roholakemy. Tahe raryberenyre: —Deuxu rybe erydÿÿ rikiixawidinyrenykeki, wytese rÿsÿna ariwahinyrenykemy, kia heka õbiti aõkõ rare. ³Tai tahe kaiboho häbu mahäduõ bitabenyeke ayreny-ribi debõ inatxi reurõ häbumy bitabenyeke. Häbu tyhydÿÿnale, Deuxu Tytybytyhy-di tÿximy rÿralemy, iny bedeeryhykÿle, kiaweselemy häbu bitake. Tiiboho dori aõna aõna ywisidÿÿdumy roirekre, kiawesemy iaõmysÿdÿÿnarenykre. ⁴Tai jiarÿboho arexitõdenywähärenykemy watxiwähärenyre. Deuxu rybemy ariernanymahärenyeke. Kiawese Jesuisi erydÿÿna mahädu rarybere. ⁵Ibutumy heka tuu raryberë, tamyreny awire. Tai tahe häbu mahädu ritarenyre. Estevaõ ijõre, tii Deuxu Tytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiõkia mahädu juhUU rare. Judeu bede erydÿÿna tyhydÿÿdu juhUU tii rare. ⁶Ityhydÿÿdu mahädu tiiboho didydenyde Jesuisi erydÿÿna mahädu-õ. Deuxu-õ rexitõdenyrenyre tahe Jesuisi erydÿÿna ityre tebõ ritidirenyre.

⁷Deuxu rybe heka ibutu ijohonanamy rÿire. Ityhydÿÿdu mahädu-õ sõwetyhymy tamy ralõmyhÿre Jerusale häwä-ki. Xiwena widÿÿdu tule sõwemy Jesuisi rityhynyre.

⁸Estevaõ heka Deuxu luuna sõwemy ratximyhÿre. Sõwemy Deuxu ruru-di ratximyhÿre. Deuxu urihixina nihikÿmy inyko-õ riwinymy raremyhÿ.

Aõdeytenawiihikÿ wesemy tule riwinyre. ⁹Kowa hãwã-ki tahe judeu dohodÿÿna heto iwitxira rÿimyhÿre. Libertu mahãdumy rexininire taijoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bedede luduõ-ribi, Afia bedede luduõ-ribi tii-wana doidenyde. ¹⁰Estevaõ rarybere bedeerynihikÿ-di. Kia mahãdu tahe irybe weseõre. Estevaõ dori, Deuxu Tytybytyhy-di ihÿre. ¹¹Tai tahe hãbuõ-ò raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre. Kawesemy maruibenykre, my: —Jiarÿboho Estevaõ rybe-ò raholamy rãiwãhãrenyre. Tii Deuxumy aõbinahakÿlemy rarybemyhÿre, Moisesimy tule. ¹²Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ òrysmy roirenyre tahe rimyrenyre, ridyrenyre rybe ywisidÿÿna-ò. ¹³⁻¹⁴Tahe ruidu mahãdu didydenyre. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibòhònykre. Jesuisi iny aõmydÿÿnana kidiwitxiranykre, ibutumy Moisesi inydeereny riernanyre. ¹⁵Ibutumy iny ywisidÿÿna mahãdu Estevaõ-ò retehere. Iòsana, ÿju òsÿnÿwesehekÿlemy tamy ròhòtinyrenyre.

7 ¹Tahe xiwe wedu Estevaõ-ò rÿÿraxire: —Kia aõbohe inatyhy rare. ²Estevaõ tahe dirawyõnyde. Wanyrÿboho, Wahaboho, Ijyymy adeereny arelyykre. Warybe-ò boholabenyke. Mesopotamia bedeki Deuxu biu-ribi rexitÿnynyre Abraõ-ò, inytybyreny-ò, Harã hãwã-ki rasÿnyõreu. ³Tamy Deuxu rarybere: —Abede-ribi boibenykre. Alahi riòkòre mahãduy-ribi makre. Manakre ijõ bedede-ò adee dori asÿbede ariurihikre. ⁴Iribi tahe Abraõ Kadeu mahãdu bedede-ribi roirenyre Harã hãwã-ò tai rasÿnykemy. Iribi tahe tyby rurureu, Deuxu kaò didyde ka bedede-ò titxibo kaiboho wiji tasÿnymahãtemy. ⁵Abraõ-ò sÿò riwahinyõre timy urihimyòdòhy. Tahe idi tamy riwahinykemy, iriòre-ò riwahinykemy Deuxu tamy rarybere. Abraõ iriòreõre, ihãrele Deuxu tusÿmy tamy rarybere. ⁶Tule Deuxu tamy rarybere: —Ariòkòre ijõ bedeki rasÿnykre 400 beòramy. Kowa ariòkòre heka deòdu wesemy raaõmysÿdÿÿkre. Iwedu mahãdu heka ibinamy idi rarekre. ⁷Jiarÿ tahe iny ariòwynykre, Deuxu rarybere, ibinamy widi rÿira mahãdu. Iribi ka bedede-ò kòdòhònykre wamy kaki reàlãmhykemy. ⁸Idi urihixinaõ Abraõ-ò Deuxu riwahinyre, tòhòti itxi reakemy. Uladu notyyresyna aõmydÿÿnana tamy riwahinyre. Idi tahe Ijai reareu, Abraõ Ijai notyy riorore debò inataõ reurò txu-di. Iribi tahe Ijai tariòre Ijaò ritòtykyorore. Iribi tahe Ijaò tariòre notyky riorore. Tiiboho waò inatximy riòrenaduò roire. Inatyhymy tiiboho inytybyreny rare. ⁹Idi waòsohoji inytybyreny mahãdu Jyge dee rexiwobinanymyhÿre. Idi rohonyre Egito-ò ramyhÿre mahãdu-ò. Tahe Deuxu tii-wana raremyhÿ. ¹⁰Iaòhòkÿmy dÿÿnana-ribi Deuxu ritamyhÿre. Egito iòlò, Faraòmyninadu rare. Deuxu heka Jyge luumy Faraò risÿnyre. Faraò rue-ò heka Jyge bedeerydÿÿna sòwemy ratximyhÿre. Faraò ibutu dinodumy Jyge risÿnyre. Tule Iòlòheto-di itxeredu tyhymy Jyge ronyre. ¹¹Ramamy rubu nihikÿ dehemynyde ibutusu-ò, Egito-ki, Kanaã bedeki. Sòwemy iny aòhòkÿmy rotÿÿnyre. Inytybyreny rÿsÿnaò-ki rahaòhyre. ¹²Egito maixòmo rÿimyhÿreò, Ijaò roholare. Tahe inytybyreny riteònyre iòrysmy. ¹³Idi tahe ixityre iòrysmy riteònyreu, Jyge tamyreny rexideòsinyre. Tai tahe Faraò Jyge sÿmahãdu rieryre. ¹⁴Tahe tyby-ò Jyge tarybe riwahinyre tamy sÿmy kanakemy ibutu imahãdureny-wana. Tiiboho

75 inmy rimyre ibutumy. ¹⁵Tai tahe Egito bede-ò Ijaðboho roirenyre. Iribi tahe Ijað rurure. Idi tahe ibutumy inytybyreny rurure. ¹⁶Tahe iumyreny diwyde ritoonyre wabede-ò, Sikenì hāwā-ò. Abraõ kia wabede juhuu riwyre nieru-di, Emo riðre-ribi. ¹⁷Deuxusÿ-ò wahidÿÿna juhuu rarybere Abraõ-ò. Ibededÿÿnana iðhðre Deuxu tamy riwahinykemy. Inyboho Egito-ki rasõwemyhÿreny. ¹⁸Ikonanau tahe iðlò iwitxiramy røhðnyre Egito bede iðlòmÿ. Tii Jyje rieryðre. ¹⁹Tii iny ijoi riitxenanyhÿre. Tii heka ibinatyhyre inytybyreny-ò. Uladu-di heto-ribi rehukemy riteðnyre. Tai iny riðrereny ituerenyre. ²⁰⁻²¹Iu tahe Moisesi reare. Tii uladu ruxeratyhyre. Tii tahetotyhykile raumynyre inatað ahādumy idi rÿire. Heto-ribi dðhðnydeu, Farað riðre rimyre itibiedÿÿmy tariðre wesemy. ²²Ibutumy Egito bedeerydÿÿnana tamy rierynanyre. Tii heka rexiðlònyre rybedunihikÿmy aomydÿÿna widÿÿdu nihi-kÿmy. ²³Moisesi iny inatxiwa itue beðra-di rÿireu, tamahādu, Israeli mahādu roramy nade. ²⁴⁻²⁵Egito mahāduð Israeli mahāduð rihtenyre, Moisesi tuu robire. Tahe Moisesi tii riubunyre, Israeli mahāduð riwiðhenanykemy, Egito mahāduð rexiðwynymy. Deuxu Moisesi debð-di iny ritakre. Kiamy tahe Moisesi mahādu rierykremy Moisesi røhðtinyre. Tahe aðkøre rieryðhyre. ²⁶Ijò txu biòwamy tahe Israeli hābu inatximy wiwana rørenymy. Moisesi ronyre iyreny-txi riixāwididÿÿnykemy. Rarybere: —Kaiboho seriðre toite, aòherekibo wii tehetenytenyteri. ²⁷Kia ðhðtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸Kai biwarubunyekõ aõbo, iwese kau Egito mahāduð terubunyte wesemy. ²⁹Kiarybe-ð roholareu, Moisesi rahenyre Midiā bede-ò rasÿnykemy. Idi tahe inatxi Moisesi riðremy kowa reare. ³⁰Iny inatxiwaituemy beðra-di bededÿÿnana riwyre. Tahe Sinai hāwālò bederahy-ki raremyhÿ, ÿjuò tamy rexitynynyre bede rade tòbðhðkÿy-ki tamy roomyhyre. ³¹Moisesi kiamy dðbideu, bede rið-tiinyre. Tamy itxeremy rehemynyre. Tahe Deuxu rybe-ð roholare. ³²Jiarÿ boreny Deuxu watxireri, Abraõ Deuxu, Ijai Deuxu, Ijað Deuxu. Tahe Moisesi ruberutyhyre, timy heka tamy reteheðhyre. ³³Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhyntyke. ³⁴Wiji tahe waijoimy rabireri Egito-ki. Tiiboho aðhðkÿmy rotÿÿnyreny. Ibru-ð raholareri, iohitxi-ð raholareri. Jiarÿ heka aditadenykre iribi. Manake, Egito-ð arateðnykre. Kia heka Deuxu rarybere Moisesi-ð. ³⁵Ka Moisesi heka Israeli mahādu juhuu teramy reare. Tamy rarybere juhuu mobo wawedurenymy arasÿnyra, waywisidÿÿdurenymy. Tiile heka Deuxu riteðnyre idinodumy rarekemy, tarasadumy rarekemy. Bede-rade tòbðhðkÿ ÿju, heðtywoludu, iwiðhedÿÿdure. ³⁶Tahe Moisesi Egito-ribi iny ritamyhyre. Egito bede-ki bedeeryna aõna aõna wiwihikÿy-wana. Iwese ahohokÿbesð-ki tule bederahy-ki iny inatxiwaitue beðramy aomydÿÿnana wiwihikÿy riwinyre. ³⁷Kaa Moisesi heka rarybere Israeli mahādu-ò: —Ayreny-ribi, amahādu-ribi rybedu nihikÿmy Deuxu kikitamadÿÿnykre iwese riwatamadÿÿnyre wese. ³⁸Kaa Moisesi taijoi-di wii ributunyre, bederahy-ki ihÿmyhÿ inytybyreny-wana heka ratximyhy. ÿju-wana tii ratximyhy Sinai hāwālò-ki iu tamy rarybere. Deuxu rybe tyhy iru-di ratximyhy. Tahe rybe bede ywina heka Moisesi-ð Deuxu riwahinyre inydeereny kidiwahinykemy. ³⁹Tahe inytybyreny ityhydÿÿ deramy rare. Reðbyðreny. Ixybyle Egito-ð ròðsekemy røhðtinyre. ⁴⁰Tahe iny Arað-ò rarybere: —Ritxoo deuxuð

inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyõre. ⁴¹Kiatxu tahe brorenî riðreõ riwinyre. Tahe xiwemy ritoonyrenyre iko-ð, ritxooko-ð. Rexideysanyrenyre aõbo tebd-di riwinyrenyreki. ⁴²Tai tahe Deuxu rexitare iribi, taina rityhynykemy. Iwese rybeduõ iu tyyriti-ki riritinyre wese:

—Israeli mahädu, kaiboho xiwena tetoonytenynte, irõdu xiwena tetoonytenyta. Wadee aõkõ tahe kia tetoonytenyta 40 beðramy bederahy-ki.

⁴³Kaiboho tewytenyta ritxoohe to riðre. Mòlòki inire, aritxoo deuxuni.

Tule Renifa taina ijõ aritxoonire. Kia tewinytenynte, tetyhynytenynte wahe. Tai tahe arateõnyrenykre Babilonia weribihikÿ-ð wahe.

⁴⁴Inytybyreny heka Deuxu rybe bede ywina tyky heto riwiny-myhÿre bederahy-ki. Iwese Moisesi-ð Deuxu riteõnyre wesemy kia riwiny-myhÿrenyre.

⁴⁵Iribi tahe inytybyreny tatyby-ribi tyky heto ritare, tii-wana riwiny-myhÿre kabede-ð, Josue tadinodu-wana. Iu Deuxu iko-ribi riteõnyre, ibutumy tai sÿ mahädu tii-wana riwiny-myhÿre, ihyy tahe Davi reare. ⁴⁶Deuxu heka sówemy Davi luure. Davi heka rexitõnyre Ijað Deuxu dee heto riwinykemy. ⁴⁷Tahe tii aõkõ riwinyre, Salomaõ iwidÿÿdure. ⁴⁸⁻⁴⁹Deuxu biukisÿdu tahe häbu widÿÿna heto-ki rasÿnyõmyhÿre. Iwese Deuxu rybeduõ rarybere wese:

—Biu tahe warynana rare, bede tahe wawa elehyna rare. Timybo inyõ wadee heto riwinyke, Inynyrÿ rarybere. Iwo-ki tahe waelehy-na arihynyõkre.

⁵⁰Deuxu rarybere:

—Ibutumy aõna aõna jiarÿ rewinyre.

⁵¹Tahe Estevaõ rakanananyre he tamyreny rybena heka rõhõnyre: —Kaiboho arayktererenyre. Deuxu Tyytybytyhy rybe-ð taholaõhyymahätenynte. Iwese iny tybyreny riwinyrenyre wesemy. ⁵²Ibutumy Deuxu rybedu mahädu-ð ibinamy iny tybyreny riwiny-myhÿrenyre. Tiu ihetxiu Deuxu õbiti häbu kanakeõ, tiiboho raryberenyreu, rirubunyre irybedu. Kaiboho tahe Deuxu õbiti häbu-di ijõ-ð tewahinytenynte, terubunytenynte. ⁵³Deuxu bede ywina ÿju mahäduõ adeereny diwahinydenynde, kia bede ywina kaiboho tetatenynte, tahe tetyhynyõhyymahätenynte. ⁵⁴Tahe kiamy Estevaõ rarybereu, tiiboho heka rebure nihikÿre. Urile txyde-ki ruuamyhÿre tamy. ⁵⁵Estevaõ tahe Deuxu Tyytybytyhy-di iwoki ratximyhÿre. Tahe biu-ð retehere: Deuxu loosõnamy robire. Jesusimy robire lamamy rÿire Deuxu rurunawe-ribi. ⁵⁶Tahe Estevaõ rarybere: —Jiarÿ wa rabireri biu juxahakÿmy. Jesusimy rabireri Deuxu deõdÿÿna. Lamamy heka rare Deuxu rurunawe-ribi. ⁵⁷Tahe ryrymyhÿre, tõhõti ritõbõny-myhÿrenyre, raijeranyre tamy. ⁵⁸Ridyre häwäy-ribi, mana-di tahe tamy rehumyhÿre, rirubunyrenyre. Erydÿÿna ijyydu tahe taderamy ririrenyre Saluko-txi tamy riyrubuny-kemy. ⁵⁹Iu mana-di rehureu, Estevaõ rexitõnyre: —Wanyrÿ, Jesuisi, watyytyby kai bimyleke awana ararekremy. ⁶⁰Tahe tatiowotimy resere, ryryre: —Wanyrÿ, kia òraruna iõwydÿÿomyke. Idi tahe rurure.

8 ¹Salu tahe kia õbitimy raremyhÿ rõhõtinyre, Estevaõ rurureu. ²Iribi tahe ityhydÿÿdu mahädu aõhõkÿmy rotÿŶnynmyhÿre. Judeia wedu mahädu dori, iðludumy rÿimyhÿre. Tai tahe ityhydÿÿdu sohoji sohoji Jerusalä häwä-ribi rõhõnyre. Urile Jesuisi erydÿÿna mahädu sohojile rÿire. Judeia

bede hãwã mynamyna robÿtÿre, Samaria bede-ò tule. Tahe hãbu ityhydÿÿduò Estevaò ummy riwÿrenyrehihãloonykremy. Tahe rahinymyhÿrenyrehirajuamyhÿrenyrehy. ³Salu tahe ityhydÿÿdu mahãdu hudumy. Wii risÿnymyhyre. Ihetorenywo-ò ralòmyhyre tahe ridymyhyre hãwyy, hãbu, ròtenawo-ò riròtenykeny.

⁴Iu tahe ityhydÿÿdu mahãdu ijò bede-ò roire mahãdu Deuxu rybemy relymyhyre ibutu hãwã-ki. ⁵Filipi ijò raremyhÿ. Tii Samaria hãwã-ò rehemynyre. Tahe Kristumy tamyreny relyre. ⁶Iny sówemy rityhynyrenyreh aómybo Filipi rarybemyhÿremy. Tahe deytedÿÿna wiwihikÿmy iny robimyhyrenyreh, tyytybybina deòdÿÿnamy tule robirenyre. ⁷Tahe riteònyreu, tyytybybina iny-ribi ròhònyre, rirajuamyhyre. Tule iny webinadu raraserasemy roimyyhyre, tule inytiere-wana. Tahe ibutumy riteytenymyhyre. ⁸Tai tahe ka hãwã-ki deysana nihikÿ rÿire.

⁹Samaria hãwã-ki tahe hãbuò raremyhÿ. Simaò inire. Tii wodohonana widÿÿdu ihÿre. Iny riitxenanymyhÿre. Tahe riòtiinyrenyreh. Tii iximy rarybemyhyre moò wiwihikÿmy raremyhÿmy. ¹⁰Ibutumy iny tii rityhynyrenyreh, hãbu wedu mahãdu tule, hãbu aòtxile mahãdu tule. Tiiboho raryberenyreh: —Simaò Deuxu ruruna rare. Ruruna nihikÿ inire. ¹¹Tiu bedeu aòkò iny riitxenanymy raremyhÿ, riòtiinyrenyreh. Tai tahe rityhynymyhyrenyreh. ¹²Iu tahe Filipi Jesuisi Kristunimy, Deuxu òlònamy tamy relymyhyre. Tai tahe rityhynymyhyre, raratysebemyhÿrenyreh. ¹³Iribi tahe Simaò itxenadÿÿdu tule Jesuisimy reòbyre, raratysebenyreh. Tahe Filipi-wana ihyy ròirenyre bede òtiidÿÿna-di retehemyhyre aóbo Filipi riwinyremy.

¹⁴Samaria hãwã mahãdu tahe Deuxu rityhynyreh. Kia-ò Jesuisi erydÿÿna mahãdu roholare Jerusalê-ki. Tai tahe Pedro Joaò-wana riteònyrenyreh kowa-ò. ¹⁵Rehemynyrenyreu, Deuxu-ò rexitòenyrenyreh Deuxu Tyytybytyhy tamy kanakemy. ¹⁶Inyò dori Deuxu Tyytybytyhy-di rÿiòmyhÿ. Urile Jesuisi Inynyryñi-di raratisebedÿÿmy rÿiramyhy. ¹⁷Tahe Pedro Juaò-wana tebòreny ityreny ritidire. Tahe Deuxu Tyytybytyhy tamy nade. ¹⁸Kiamy Simaò robire, aóma, debòtidina-di Deuxu Tyytybytyhy nade. ¹⁹Tai tahe tamy rexitòenyreh: —Ka heka wanieru rare. Bidiwahinyke kia ruruna. Tahe inyò tyre wadebò aritidikeki, tamy Deuxu Tyytybytyhy kanakemy. ²⁰Tahe Pedro tamy dirawyònyde: —Aòkòre, anieru rakemy watxireri awanale rububede-ò. Deuxu ruruna dori anieru-di biwykemy mohòtinyke. ²¹Kia heka aómysÿdÿÿnakòre wayreny-ki. Arayky, awo, òbitimy aòkò ratximyhyre Deuxu dee. ²²Mabedewomy atximahãke aòraruna-ki, aóbo tahòtinyte. Bexitòenyke Inynyryò tii òsana aòraruna-ribi araixãwididÿÿnykre. ²³Kai dori texiwaritinymahãte. Aòraruna adi narotinymyhÿde. ²⁴Tahe Simaò tamy rarybere: —Wadee bexitòenybenyke Inynyryò, kia aòkò waki kÿnyikemy, aómybo tarybetenyteki aóbo.

²⁵Iribi tahe, Pedro Juaò-wana Inynyryò rybemy rarybemyhÿrenyreh, relymyhyrenyreh tai. Sówemy Samaria bede hãwã hãwã-ki Rybewihikÿ relymyhyre, Jerusalê-ò ròðserenyreu.

²⁶Filipi Samaria hãwã-ki raremyhÿ. Tahe Inynyryò ÿjuò tamy rarybere: —Bexiywinyke, make ibòð-ò. Kasa hãwã ryhykÿ bimyyke. Jerusalê-ribi ryy rare, bederahy-ki rare. Tahe Filipi rare. ²⁷⁻²⁸Tahe inyò-wana wibymy reare. Tii Etiopia bede luduò rare. Etiopia bede iòlò hãwyyò rare. Kanasi inire.

Inieru-di itxeredu kahābu rare. Tii enuku rare. Tii ròðsereri Jerusalē-ribi. Kowa Deuxu reālāmy rare, tahe tasÿ-ò ròðsere iawarutewedile. Isaia Deuxu rybedu tyriti-di rariamy tii ronymhÿre. ²⁹Deuxu Tytybytyhy Filipi-ò rarybere: —Make, awarutewe-ò, mariake ibire-di. ³⁰Tahe Filipi tamy rai-jaranyra. Roholare tyriti-di rariareriò. Tahe Filipi rÿÿraxire: —Kai aõbo teeryte aõbo rare, aõdibo tariatari. ³¹Tahe dirawyònyde: —Aõkõre, inyõ dori wadee ritÿnynyõre. Timybo arierykremy. Manaòwònyke wabire-ò bodonyke. Tahe Filipi raòwònyre. ³²Tii kia-di rariareri tyriti-ki:

—Iwese iny budoeni rubudÿÿdu-ò riwyre wese, tii iwesele ridyrenyre.
Budoeni-ribi iny isira riororeu, rirajuaòlere. Iwesetyhyle Tii rarybeòlere.

³³Iehehenamy tamy raryberenyre wese hābu ehehe wesena, òbitimy aõkõ idi riywinyrenyre. Inyõ rarybeòtyhy iriòkòremy, iumy dori bede-ribi ituera.

³⁴Tahe tii Filipi-ò rarybere: —Wadee manarybeke momybo rybedÿÿdu rary-bereri, iximy aõbo ada ijõmy aõbo. ³⁵Tahe Filipi kia Tyritidile rexidelenymy relyyre. Jesuisimy Rybewihikÿ Tÿmyramy tamy relyyre. ³⁶Rydi rariamyhÿre idi rehemynyrenyre beò-ò. Tahe tii Filipi-ò rarybere: —Kowa bera rare. Biwa-ratisebenykeò aõbo, adee awikeki. ³⁷⁻³⁸Tahe Filipi dirawyònyde: —Awire wadee. Inatyhmy arayky-ki tetyhnyte-wana, aratisebenykre. Tahe rary-bere: —Retyhnyre, inatyhmy Jesuisi Kristu Deuxu Riðre raremy. Tahe tewe irira riixāwidinykemy riteònyre. Tahe itewe-ribi ròhònyra, bera-ò riberenyre. Tahe riratisenyre. ³⁹Bera-ribi rotuoreu, Filipi aõwesele iõmy reare. Inynyry Deuxu Tytybytyhy ridyre. Hābu ixby Filipimy robiõhyyre. Tahe tary-di rariamy rare. Teysanatyhy-di tÿximy rare. ⁴⁰Idi tahe Filipi rexieryeu, Asoto hāwā-ki rehemynyry raremyhÿ. Iribi tahe Rybewihikÿ-di relyyre ibutumy hāwā hāwā-ki. Ikonana tahe Sesaria hāwā-ò rehemynyre.

9 ¹Salu rarybemy raremyhÿ, Inynyry Jesuisi ityhydÿÿdu mahādu rubudÿÿmy. Tii rarybemy raremyhÿ Deuxu dohodÿÿna heto wedu-ò. ²Tamy rexitòenyre: —Arybe tyriti ariwykremy watxireri Damas hāwā dohodÿÿna heto wedu-ò. Tai tahe kowa-ki ityhydÿÿduò-txi areakeki, aõtxile hābu hāwyy aõbo, aridykemy Jerusalē hāwā-ò, ariròtenykemy. ³Tahe iòhòmy Salu rare Damas hāwā iròte iòhò-di, idi tahe loosònahakÿ Salu tyre resere. ⁴Tahe bede-txi resere, tahe rybeò roholare: —Salu, Salu, aõherekibo aõna aõnamy ibinamy wadee tatÿÿnymahāte. ⁵Tahe tamy rarybere: —Mowexe, Wanyrÿ atxiteri. Tahe rirawyònyre. —Jiarÿ Jesuisi watxireri, aõna aõnabina binamy wadee tadotÿÿnymahāte wahe. ⁶Myike, mariamy tahe hāwāhākÿ-ò malokre. Taita inyõ adee rarybekre aõhebo botÿÿnykremy. ⁷Tahe Salu ijoy rìðryre rybeòhy rÿimyhÿ. Rybe-ò roholare, tahe tuu robiõhyyre. ⁸Salu suribi rÿireu, iruetà wesele heka ratximyhÿ. Tahe hābu tii-wana ihÿmyhÿ heka iaxiò-ki idi rimymy idi rare Damas hāwā-ò. ⁹Tahe hāwāhākÿ-ki txu inataò txu idi rÿire aõmy robiõhyyre, riroxiõhyyre, bemy riòõhyyre.

¹⁰Damas hāwā-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyònyre: —Aõbo rare, Wanyrÿ, kakile watxireri. ¹¹Tahe Jesuisi riteònymy rarybere: —Myike, make òbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hāwāludu tule rininire. Tii wiji wadee rexitòenyre. ¹²Tii umy robireri

tarasi-ki. Kai tehemynyteri wese, irue-ò ebò bitidikemy, biteytenykemy.

¹³Anania Jesuisi-ò rirawyònyra: —Wanyrÿ, sòwemy kia hàbumy rybe-ò raholara. Aòbina binamy ityhydÿÿdu-ò risÿnyny raremyhÿ Jerusalê-ki. ¹⁴Deuxu dohodÿÿna heto wedu tyriti diwyde kaki ityhydÿÿdu rutysÿny rirutekemy.

¹⁵Tahe Inynyryÿ tamy rarybere: —Aòwaxina tamy makre, Jiarÿ dori, kia retara wadee aòmÿsÿdÿÿdu nihikÿmy rarekemy, judeukòdu mahàduko, iòlòrenyko, tule Israeli mahàduko wanimy rarybekre, aòma, warybetÿmyra wihikÿmy.

¹⁶Tamy aritÿnynykre tiwesebo aòhòkÿmy rotÿÿnykre wanimy rybeòraru-ki. Kia ibutumy Jesuisi rarybere Anania-ò.

¹⁷Idi ta Anania rare tamy Judasi heto-ki. Ralòmÿ rahudi, tahe, tebò ityre ritidira. Tahe rarybera: —Salu, wase-riòre, Inynyryÿ adee riwateònyra. Tiile, Jesuisile heka ryro-ki adee rexitÿnynyre. Tiile heka riwateònyra arue ritxuakemy, tule Deuxu Tytybytyhy atykmy ralòkemy.

¹⁸Tahe aòwesele irue-ribi rejujura aò yÿj wesele. Tahe ixityre robira. Idi rÿimÿ rahudi tahe, Anania riratÿsebenyre. ¹⁹Idi riroximÿ rahudi tahe, inatyhymÿ raruruterenyre. Tahe Damasu hāwā-ki tiwese txubo idi rÿire

kia erydÿÿna mahādusÿ-ki. ²⁰Idi dohodÿÿna heto-ki rybe ritÿnynyre. Rarybere: —Jesuisi heka Deuxu Riòrele rare. Kiawesele rybe-di ritynynymyhyre.

²¹Tahe uri ijohonadu mahādu urile bede riòtiinymÿ rÿimÿhÿ. Tahe inyò rarybere: —Kia aò heka ityhydÿÿdu rubudÿÿdule ratxireri, Jerusalê-ki. Kiale heka kaò nade ityhydÿÿdu ritaataamy ridykemy dohodÿÿna heto wedu-ò. ²²Salu tahe ire rii-xiòlòdÿÿnymyhyhyre. Judeu Damasus hāwā ludu rieryòhyymyhy aòmÿbo rarybemy. Tii rarybere: —Jesuisi Kristule rare, Deuxu deòdÿÿna rare.

²³Tiwesetxubo txu idi rÿidi tahe judeu mahādu rarybere irubudÿÿmy.

²⁴Tahe Salu rierymÿ rÿimÿhÿ tahe inonana-ò rexiywinymÿ rÿimÿhÿ. Rummy tahe, txumÿ hāwā ijò-ki rirubunykemy retehemy rÿimÿhÿ. ²⁵Tahe ijò erydÿÿna mahādu weriri nihikÿ riwinyre. Rummy tahe Salu riòlòdÿÿnyre òtity nihikÿ kanaweribi-ò, hāwā ahanaube-ò.

²⁶Salu Jerusalê-ò rehemynyreu, ityhydÿÿduky-ò ralòkemy ratxireri, tahe urile ilau ruberumÿ rÿimÿhÿ. Erydÿÿna mahādu rōhòtynyre: —Tii ityhydÿÿdu inatyhy aòkò ratximyhyremÿ. ²⁷Banabe tahe rityhynymÿ ridyre Jesuisi erydÿÿna mahādu-ò. Tahe relyyre iwese Jesuisi Salu-ò ryki rexitÿnynyremÿ tamy raryberemÿ. Tule relyyre iwese Jesuisinimÿ Salu rybe ritÿnydÿÿnymyhyremÿ, Damasus hāwā-ki. ²⁸Tahe taihy Salu ratximyhyre. Tiò tiòle reamy ratximyhyre rybe ritÿnydÿÿnyrerimÿ ihÿre, ruberumÿ aòkò. ²⁹Salu rarybera grego rybe heka erydÿÿna mahādu-ò. Widee rarybehyymyhyreny. Idi tahe kia mahādu Salu rubudÿÿmy roromyhyre. ³⁰Ityhydÿÿdu seriòre kia rieryreu, tahe Salu ridyrenyre Sesaria hāwā-ò. Iribi tahe Tarso hāwā-ò riteònyre.

³¹Idi tahe ywina reare ityhydÿÿdu mahādusÿ-ki. Ibutumÿ hāwā bedemy, Judeia, Kalileia, Samaria, ityhydÿÿdu mahādu iruruteremÿ relere. Ibutumÿ Inynyryÿ dee òbitina-ki rariamyhyre, rityhynymyhyre. Deuxu Tytybytyhy teysatyhymÿ tami riwahinyre. Sòwemy tahe ralore iheki ityhydÿÿmy.

³²Ibutumÿ hāwā hāwāmy Pedro rariamyhyre. Tule robehere Lida hāwā-ò ijò ityhydÿÿdu mahādusÿ-ò. ³³Tai Eniamÿ ninadu-txi Pedro reare heka rare. Iumÿ heka imyremÿrehekÿ heka rare. Debò inataò reurò beòramÿ heka herina-ki bede idi rÿire ³⁴Pedro rarybere tami: —Enia, Jesuisi Kristu arateytenykre. Myike, aherina biy rubunyke. Aòwesele hābu rÿira. ³⁵Ibutumÿ Lida hāwā mahādu Sarena hāwā mahādu tuu robire, tai Inynyryÿ rityhynyreny.

³⁶ Jòpe hāwā-ki hāwyy ityhydÿÿdu rasÿnyre. Tabita inire. Kiani riwiu-rònyre, watxi wese heka rare. Kia heka aōwiwihikÿ widÿÿdu heka rare. Aōna aōna sōwemy iny-ò riwahinymhÿre. ³⁷ Ijòtxu heka webinadumy resere, ihyy ta, rurure. Risuhòmy rahudi tahe, ritidire hetowo ratyaluduwo-ò. ³⁸ Laida hāwā iòhòmy rÿire, Jòpe hāwā-ribi, Ityhydÿÿdu roholare Pedro Lida hāwā-ki ratximhÿreò, tahe hābu inatxi diteònyde Pedro òrysmy. Uritere eleòkòmy kanakemy tii-wana. ³⁹ Pedro tahe tii-wana rare. Rehemynyrenyreu, tahe ridyre hetoratya ludu wo-ò. Ibutumy wytese mahādu robumy rÿimhÿre, rubuweroramy. Tahety, tatyyboho ritxeredÿÿnymy tamy riwinyreò. ⁴⁰ Tahe Pedro rarybere ibutumy rexitakemy. Tahe rexitòenyre taowotim� resemey. Tahe rexiòkesere rubu-ò rarybekemy: —Tabita, myike. Tahe irue raraynyre tahe Pedromy robire, tahe ronyre. ⁴¹ Pedro tebò tamy riwainyre tahe rÿire. Tahe wytese-ò, ityhydÿÿdu-ò rryre. Tamy riteòsinyre hāwyy irulemy roirerim� ihÿremy. ⁴² Jòpe hāwā mahādu ibutumy kia rieryre. Sōwemy iny tahe Inynrÿy rybe rityhnyre., ⁴³ Txu sōwemy Pedro Jòpe hāwā-ki ihÿmyhÿ Simaōmy ninadu heto-ki. Simaō heka iròduty wysydÿÿdu rare.

10 ¹ Italia soldado mahādu dinodumy raremyhÿ. Oreniliu inire. Sesaria-ki rasÿnyre. Tii òbitim� nodu rare, isÿ mahādu-wana. ² Tii uriwahidÿÿna diwahinyde tule sōwemy rexitòenyre Deuxu-ò. ³ Aōutxu inataō òra bedeu iòhòmy, rasina wesemy Deuxu ÿjumy tii robira, tamy rehemynyneri. Tahe tamy rryre:

⁴ —Oreniliu, rimasajuare-ribi riwawònyre: —Aòherekibo, Wanyrÿ. Tahe ÿju rarybere Oreniliu-ò: —Aexitòedÿÿnamy Deuxu rierymyhÿre. Tule ijò-ò awahisina Deuxu rierymyhÿre.

⁵ Biteònyke eòdubohò Jòpe hāwā-ò Simaō Pedro òrysmy. ⁶ Tii Simaō iròdutyky iyxidÿÿdusÿ-ki ihÿre, bera ijā iòhò-ki. ⁷ ÿju rybedu rexitareu, teòdu inatxi-ò rryre. Tule tasoldado mahāduy-ribi inyòwihikÿ rihitxinyre. ⁸ Kia ibutu-ò relymy rahudi tahe riteònyre Jòpe hāwā-ò.

⁹ Ijòtxu txutyetxuu, tiiboho hāwā-ò iòhòmy ròire. Kiaule Pedro raòwònymy rÿimhÿ hetotyre-ò rexitòenykemy. ¹⁰ Rama risamy ratximhÿ tahe riroxikemy ixi-di ihÿmyhÿ. Rÿsÿna riraòmy rÿimhÿ. Idi rasi wesemy ròhòtinymy rÿire. ¹¹ Tahe robire: biuwetyy ruamhÿre wese tuu robire. Riā wesemy aōna tamy dobehede. ¹² Riā wo-ki ibutumy iròdu, nawii, hemylala, aōbo dòkōna-kōnale. ¹³ Rybeò-ò roholare: —Myike, Pedro, birubunyke, biroxike. ¹⁴ Pedro rirawònyra: —Aòkòre, Wanyrÿ. Kia dòkōna reròkòhywāhāre, isuisure dori. Ixityre tamy rarybere: ¹⁵ —Aōbo Deuxu risuhore wese isuisumy rybeòmyke. ¹⁶ Ixityre narybede. Iu tahe aōwesele ridyre biu-ò.

¹⁷ Tahe Pedro kia aōbo raredi heka ròhòtinyre, Oreniliu-ribi hābu mahādu rehemynyre. Simaō heto riijemhÿ tahe ijòhòkÿkile rahare. ¹⁸ Tahe rryrenyre: —Simaō Pedro aōbo kakile ratxireri. ¹⁹ Pedro, tatxuu rasina-di ròhòtinyreu. Deuxu Tytybytyhy tamy narybede: ²⁰ —Myike tahe, bobeheke. Inataō hābu dori araijereri. Tii-wana makre adee dori aditeònyde. ²¹ Tai Pedro robehere. Tamy rarybere: —Jiarÿ aòrysdu rare. Aòherekibo tòitenyte. ²² Tahe rirawònyre: —Oreniliu hābu òbiti rare. Tii Deuxu dee ijohonaduò rare. Ibutumy judeu bedeu mahādu awiremy tuu rarybemhÿre. ÿjuò tamy rarybere aòrysmy kiditeònykremy, adee roholakremy. ²³ Tahe Pedro tamyreny rarybere: —Kakile inyboho ròkòròrenyke.

Ihewoludu txu, rÿidi tahe Pedro tiiboho-wana ròirenyra. Ijô ityhydÿÿdu seriôre tule roirenyra. ²⁴Ijô hewo ludu txu Sesaria-ò rehemynyreny. Oreniliu tii riraômÿhÿre. Taijoi mahâdu tabiðwawoludu mahâdu-wana ributunymy rÿimÿhÿre. ²⁵Pedro rehemynymy raloreu, Oreniliu ròhònÿra heto-ribi tahe tatiowotimÿ iko-txi resere riwowydynkemy. ²⁶Tahe Pedro ritamadÿÿnyre. Rarybere: —Mynyike wahe. Jiarÿ hâbule watxireri. ²⁷Tahe rarybemy ralômÿhÿ, sôwemy wii ributunyreriò itxi reare. ²⁸Ta Pedro tamÿreny rarybere: —Judeu mahâdu iny witxira mahâdu-wana wibutudÿÿômÿ, iðhômÿ wiribi riraômÿ. Kia teertytenÿte. Deuxu dori riwaerynadÿÿnyre kia wese arôhôtinykre. Iny wiwese wiwesele raremÿ arôhôtinykemy. ²⁹Tahe tai waðrysymÿ teteònyteu, aðtaximÿ anademy wanohôti rÿire. Tai tahe adeerenÿ arÿÿraxikre. Aðherekibo waðrysymÿ aðtaxina teteònyte. ³⁰Ta Oreniliu rirawònyre: —Inaubiôwa txumÿ txu rÿire tahe hâbu tyky tÿrÿrÿhÿkÿ-di wako-txi rexitÿnynyra. Iule wesemy tahe waheto-ki rexitòenywâhâre. ³¹Tahe wadee rarybera: —Oreniliu aexitòedÿÿna-ò Deuxu roholara, ijô-ò awahisina rieryra. ³²Biteònyke Jòpe hâwâ-ò Simaô Pedro òrysymÿ. Simaô, iròdutyky iyxidÿÿdusÿ-ki ihÿre bera ijà iðhò-ki. ³³Aôwesele tahe, aðrysymÿ reteònyre. Awimÿ tahe tateriki rahara. Inyboho kakile ributunymÿ ihÿreny, aroholakemy ibutumÿ Deuxu-ribi aômÿbo manarybekemy. ³⁴Tahe Pedro rarybere: —Deuxu dee iny ibutumÿ wiwese wiwesele rare. Kia reeryre. ³⁵Ibutumÿ bede bede hâwâ ludu Deuxu rityhynykeki, aôbo tamÿ òbiti riwinykeki, tii Deuxu ixidee rimÿke. ³⁶Kia rybe tahe Deuxu riwahinyre judeu mahâdu-ò. Rybewihikÿÿwina kia diwyde inydeerenÿ bedeernamÿ. Kia Jesuisi Kristumÿ rarybere ibutunÿrÿna kia rare. ³⁷João ijô ratÿÿsebenamÿ rarybere, idi tahe kia rybe hàletedÿÿmÿ rexidelenÿre Kalileia-ki. Tahe ibutu judeu mahâdu bedemÿ rarybere. Kia kaiboho teertytenÿte. ³⁸Iwese Deuxu Tytytybytyhy, taruru-wana Jesuisi Nazare ludu tyre-ki ditxiwide wesemy relyymÿhÿre. Iwese Jesuisi reamÿ raremÿhÿ wesemy aôwihikÿ riwinymÿhÿremÿ, tule iny Diabo rururawo-ki ratxirerimÿ ihÿre Jesuisi iribi riteònyre, ta reteytenymÿhÿre. Deuxu dori Jesuisi-wana ihÿre. Ibutumÿ kia teertytenÿte. ³⁹Tahe ibutumÿ judeu mahâdu hâwâ-ki riwinymÿhÿre, idi itxeredumÿ inyboho roiremÿhÿre. Ihâre tahe tii Jesuisi rirubunÿreny, òwòru itxeò nihikÿ-ki ritòhâletenymÿ ritamadÿÿnyreny. ⁴⁰Inataô txu-di tahe Deuxu rubu-ribi riixixanyre, tahe tii riteòsinyre inyô-ò. ⁴¹Tatarasanaòòle Deuxu Jesuisi ritÿnydÿÿnyre. Kia heka inyboho roire tii-wana riroxirenÿreki, riòrenÿreki, iixixana hewomÿ. ⁴²Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahâdu dee, rubu mahâdu dee. Kiamÿ heka Deuxu iny-ò ritÿnytedÿÿmÿ, ta inyboho rokoirekemy diwahinyde. ⁴³Ibutumÿ iny Jesuisinimÿ tamÿ rityhynykeki, iðraru-ribi iny riixâwididÿÿnyke. Kia ibutumÿ ihetxiu rybedu mahâdu rÿimÿ rarybemy raremÿhÿre. Kia heka Pedro tamÿreny rarybere.

⁴⁴Pedro rarybemy raremÿhÿ, Deuxu Tytytybytyhy ibutu rybe-ò ijohonadu tyre-ki resemÿ ralore. ⁴⁵Pedro-wana rare mahâdu, judeu mahâdu òbiti, tahe riòtiinyre judeukòdu mahâdu-ki Deuxu Tytytybytyhy ralômÿ rareki. ⁴⁶Raholare dori rybe witxira-di raryberenÿreò, tiiboho Deuxumÿ heka reâlâmÿhÿre. Tahe Pedro tamÿreny rarybere: ⁴⁷—Inyô rarybeòkre, iratÿÿsebedÿÿômÿkemy, tiiboho dori Deuxu Tytytybytyhy-di ratxirenÿre inyweserenÿle. ⁴⁸Tahe Jesuisi

Kristu nimy iratysebenykemy riteònyre. Tahe rexitòenyrenyre Pedro idi iyreny-ki ijò txumy ramyhÿre.

11 ¹Judeukòdu mahàdu Deuxu rybe roholamy rityhynymyhÿre. Kia-ò tahe Jesuisi erydÿÿna mahàdu roholare kiamy ityhydÿÿdu seriòre mahàdu tule roholare. Judeia bede ludu ratximyhÿ mahàdu ibutumy kia rare. ²Pedro ixityre Jerusalê-ò rehemynyre, tahe judeu ityhydÿÿdu mahàdu tuu tamy narybede. ³Kia heka, Pedro, judeukòdu mahàdu-wana wiwo-ki atxiteri, tii-wana teroxiteri. Tai tahe ibinamy raharenyre. ⁴Iribi tahe Pedro ikoreny relyyre ibutumy taaòna aõnamy. Kia wesemy Pedro rarybere: ⁵—Jòpe hãwã-ki watxiwãhã. Tahe rabire rasinawesemy rià nihikÿ biu-ribi robehere-ò. Iwese inyò iòhòti inaubiòwa-ki rimymyhÿre wesemy wadee robehemymy roimyhÿre. ⁶Tahe aõbo heka iwo-ki ratximyhÿdi, retehenihikÿmy rãiwãhã iròdu deborehekÿ wesemy ratximyhÿ iwo-ki. Abòròrò wesemy tai ratximyhÿ, iròdu wese, nawii wese tai ratximyhÿ, inyboho rirÿsÿòmyhÿre wesemy. ⁷Iribi raholare rybeò-ò: —Myike, Pedro, birubunye hewa aòtxile birubunye tibo biròkemy. Aòkòrewa Wanyrÿ, tiu heka reròowãhãre. Judeu mahàdu bede ywina heka tiu iny kia riròòtyhy. ⁸⁻⁹Tahe ixityre rybeò tamy rarybere: —Marybeòke kia ibinamy. Aõbo Deuxu awimymy rarybere, kia wiji tahe ibinamy aòkò rare. Deuxu dee awikeki, kia awi rare. ¹⁰Inataò heka tuu rotÿÿnyre. Iribi tahe kia rià, ibutu-wana iòre biuribihyy heka iòre. ¹¹Iribi tahe hàbu inataò dehemynymy deade tai watxiwãhã-ò. Tii diwaòryde riwadykremy Sesaria hãwã-ò. ¹²Tahe Deuxu Tytybytyhy wadee rarybere tii-wana arakremy. Nohòtiòmy heka aõbo judeukòdu mahàdu raremy. Tii-wana makre ele elemy. Tahe kia debò sohoji reurò seriòremy wahemy rare. Tahe retehemynyrenyre waòrysmy riteònyrenyre heto-ò tahe ralòrenyre Oreniliu heto-ò. ¹³Iribi tahe Oreniliu rarybere iwese ÿju ihetowo-ki tamy rexitÿnyrenyre rarybereri: —Oreniliu, inyò biteònyke Simaò Pedro òrÿsmy Jòpe hãwã-ki. ¹⁴Tii rybe tÿmyraòmy adeereny kanarybekre. Tai tahe ibutumy asÿ ijoi-wana aòraru-ribi kanatakre. Kia Oreniliu inydee rarybere. ¹⁵Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tytybytyhy ityrereny resere iwo-ò ralòkemy iwese watyrereny resere wesele juhuhu. ¹⁶Tahe Jesuisi rybe wanohòti itxi reare tiubo raryberemy: —Joaò heka inatyhymy bedi iny ratisebenyre, kaiboho tahe Deuxu Tytybytyhy-di akanasebedÿÿdenykre. ¹⁷Judeukòdu mahàdu Inynrÿ Jesuisi Kristu rityhynymyhÿre. Tai Deuxu tamy diwahinyde iwese wadeereny juhu riwahinyre wesetyhyle. Deuxu Tytybytyhy uriòno wesele tamyreny diwahinyde. Mòbo jiarÿ raremy wahe tuu Deuxu dee aõmy ararybekemy. ¹⁸Iribi Pedro rybe-ò roholareu tahe timyhe tamy irybekòna. Tule Deuxu riwowydynyrenyre: —Inatyhy wa rare Deuxu heka judeukòdu mahàdu-ò heka umytuedeòna riwahinyre. Inyò rityhynykeki, ixirahìkeki, tarasana rimyrenykre.

¹⁹Iu tahe Estevaò rurureu, ityhydÿÿdu aòhòkÿmy rotÿÿnyreu tahe, ityhydÿÿdu mahàdu Jerusalê-ribi ròhònyre. Tii heka relyymyhÿre Rybewihikÿmy judeu mahàduòle kÿny wahe, iwitxira witxira-ò aòkòre. Tahe ibutu bede-ò ritelenymy ròrenyre. Senisia-ki relyyre. Xibri bedebute-ki tule relyyre, Atxiòkia hãwã-ki tule relyyre. ²⁰Ijò ityhydÿÿdu mahàdu Jesuisi Rybewihikÿ tÿmyra rarybere. Tiiboho Xibri bedebute-ribi ròhònyre, Sireni-ribi

ijõ rybedu rõhõnyre Atxiòkia-ò. Tiiboho relyyre judeukõdu mahädu-ò tule.

²¹Deuxu riwiòhenanyre sówemy iny rityhynyre, Jesuisi ryò ralõrenyre.

²²Jerusalẽ ityhydÿÿdu mahädu kiamy roholare. Tai tahe Banabe riteònyrenyre Atxiòkia-ò. ²³Banabe rehemynyreu tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riwiòhenanykremy: —Iòhòthymy Deuxu-ribi atximahäbenyke, aworibityhy Deuxu bityhynybenyke. ²⁴Banabe heka häbu wihikÿ rare. Tÿxihikÿlemy Deuxu Tyytybytyhy-di ratximyhÿre. Ibutumy ratximyhÿre tyhydÿÿna-di. Sówemy iny rexirõtenyre Inynyrÿ mahädu-ò. ²⁵Idi tahe Banabe rare Tarso häwä-ò Salu ijesemy. ²⁶Tai rahareu tahe, didymyhe dõõsemy nade Atxiòkia-ò. Sohoji beòramy idi bede rierenyre. Sówemy iny ribedeerynymyhÿrenyre. Atxiòkia häwä-ki ityhydÿÿdu mahädumy raninira Kristu wese mahädumy. Kiani tamyreny riwahinyre.

²⁷Aõutxu tahe dehemynyde Deuxu rybedu mahäduõ Jerusalẽ-ribi Atxiòkia-ò. ²⁸Ijõ Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlòmý raremyhÿu, kiamy rotÿÿmyhÿre. ²⁹Tai tahe ityhydÿÿdu mahädu he nieru riwahinykremy rÿire Judeia bede sÿdu ityhydÿÿdu riwiòhenanykremy. Tahe nieru riwahinyre tiwesebo idi ratximyhÿre wesemy tamy riwahinyre. ³⁰Tahe nieru riteònyre, moma-wana Banabe Salu-wana Jerusalẽ dohodÿÿna heto matuari mahädu-ò riwyre.

12 ¹Kia bededÿÿnanamy heka Herodi judeu iòlòmý raremyhÿ. Iribi tahe rexidelenymy riwinyre heka ityhydÿÿdu mahädu kia òludumy risÿnykre myhÿ. Tii riteònyre aõna aõnamy risÿnykemy ityhydÿÿdu mahädu-ò. ²Tii mayrehe-di rubudÿÿmy riteònyre Joaõ seriòre wahe, Txiau wahe. ³Tai tahe judeu wedu mahädu heka tamy wihikÿlemy tuu rotÿÿnyre. Herodi rierymy raremyhÿ idi Pedro rimyre. Tahe worana bedehesi rÿire. Paò taurina ihoõ inire. Kia ibutumy rotÿÿnyre kia bedehesi rÿireu. ⁴Tahe Pedro rirõtenyre, rõtenawomy wirutyre. Aõmamy soldado mahädu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahädu-ò riwahinykre. Kia Herodi rexinohõtidiÿnyre. ⁵Rõtenawo-ki tahe Pedro ratximyhÿre. Ityhydÿÿdu mahädu tahe Deuxu-ò rexitðenyhyymyhÿre Pedro tðenamy. ⁶Txubiòwamy tahe itxu riywinyrenyre iny sówehékÿ-ò Pedro riwahinykemy. Kiamy Herodi rõhõtinyre. Ruu tahe Pedro rõrõmy roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijõ soldado rotena ijõ-ki ratximyhÿre. ⁷Inynyrÿ ÿju heka Pedro weribi rihetenyre riixixanykemy. Loosõna itÿnyhÿkÿlemy rõtena ritoosõnyre. Tamy rarybere: —Wylemy wa rexiukÿnyke. Tahe aõwesele Pedro axiò-ribi womati rerotihikÿ rejuxunyre. ⁸Tahe ÿju tamy rarybere: —Awamy birutyke, bexityynyke. Kiamy riwinyra. Ijõ arahana birutyke tahe biwaheludunyke. ⁹Iribi rõhõnyra he tai rõrõreri-ribi wahe. Kia ibutumy heka rasi weselemy Pedro rõhõtinyre rieryõre inatyhy aõbo ada rasi aõbo. ¹⁰Juhu heka ikoludu soldado mahädumy reare idi ihewoludumy reare iribi rehemynymy rÿire ahana ijõtthy-ò. Womatilere heka iijõtòbõnare. Ixiwanale heka rarayre ijõtòbõna. Iribi tahe roirenyre häwäry-di ririranyrenyre. Idi tahe ÿjuhe iõre iribi. ¹¹Tahe Pedro rõhõtinyre, rieryre heka aõhebo rotÿÿnyraò. Wanyrÿ ÿju riteònyre riwatara Herodi-ribi judeu mahädu-ribi. Katahe

wadee aõhe rotÿÿnyrenyõtyhy. ¹²Rõhõtínymy rÿire juhúu uríhimyò idi tahe rare Marie heto-ò. Joaõ Markuse heka tii rare. Tai ityhydÿÿdu mahádu rÿimyhÿ tahe rexitòenyre riò Pedro tamy rehemynyre. ¹³Tahe ijò he rihe-tenyre. Ijòtàbòna-ò nade mobo raremy rierykemy ijadòma deòdu. Rode inire. ¹⁴Tahe Pedro rybe rieryra. Reysamy raijaranyre iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy. ¹⁵Tiiboho raryberenyre: —Kai tabinamy atxiteri. Ixityre rarybere: —Aòkòre tii taile naderi. Tahe raryberenyre: —Pedro aòkò rare, taÿjulemy tahe rare. ¹⁶Tahe Pedro riheteri-hetenymy rÿimyhÿre. Idi riraynyrenyre. Pedromy robirenyrau, bede riòtiinyrenyre. ¹⁷Pedro tahe tamyreny tebò reara roholarenkemy. Tahe tamyreny relyyre timybo Inynyry ròtena-ribi rexiòlòdÿÿnyramy. Tule tamy riteònyre: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

¹⁸Txuu ratÿnyreu, soldado mahádu ierysmy wii risÿnyre timybo Pedro aõhebo rotÿÿnyramy. Tahe jei jei aónire. ¹⁹Herodi iijesemy riteònyre tai moò tai rahaòhylera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bede-ribi ròhònyra. Sesaria hāwā-ò bededÿÿnanaò riwya.

²⁰Tiro hāwā mahádu Sidoma beà hāwā mahádu-wana Herodi derarenyre. Tahe tiiboho ributunynyrenyre tamy ròirenykemy rybe-di. Iòlò heto-di itxeredu Blastu inire. Tahe iny mahádu Blastu ròtarenyre iwe-ribi mahādureny. Tahe ròirenyre Herodi-ò tamy rexitòenyrenyre, tamy ykaraòmykemy. Tarÿsÿna dori diwyde iòlò bede-ribi, Herodi bede-ribi. ²¹Herodi tahe itxu riywinyre. Kia txuu tahe ròhònyre tamy. Rexityynyre taiòlòtÿyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hābu aòkò rarybereri, Deuxu wahe. ²²⁻²³Aòwesele Deuxu ÿju heka Herodi rirubunyre, tii Deuxutyhmy reàlòòreki. Woudò rubudÿÿnamy rurure.

²⁴Deuxu rybe tahe ibutumy roholare. Sòwemy iny tahe rityhynyre.

²⁵Banabe Salu-wana nieru riwahinymy rahudi tahe, diòòsede Jerusalē-ribi Atxiòkia-ò. Joaõ Marku tii-wana ridyre.

13 ¹Atxiòkia dohodÿÿna heto mahádu-ki rybe tÿnydÿÿdu maháduò, bede erydÿÿdu maháduò rÿimyhÿre. Kaheka inireny rare: Banabe, Simaò, iniraròsòna Nike rare. Lusu ijòre, tii Sireni hāwā ludu rare. Manaí ijòre, tii Herodisÿ-ki ratibienyre, Salu ijòre. ²Ibutumy tahe Inynyrymy reàlòre, riroxiòhy heka bede riemyhÿ. Tahe Deuxu Tÿtybytyhy tamyreny rarybere: —Jiarÿ waaòmysÿdÿÿna dire Banabe-ò, Salu-ò. Kaiboho heka biteònybenyke kia riwinykemy. ³Tahe roxiòhÿmy bede riemy, rexitòenyrenyre. Tebòreny iratytyre ritidireny, idi riteònyrenyre tabede tÿina-ò.

⁴Deuxu Tÿtybytyhy tahe tiiboho riteònyrenyre. Selusia hāwā-ò tamy riberenynyrenyre. Tahe hāwòò rimyrenyre Xibri bedebute-ò. ⁵Tahe rehemynyrenyre Salamina hāwā-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiòhedÿÿdu wese heka rare. ⁶Tahe ibutumy bedebutemy rekoarenyre. Ritehemynyrenyre hāwā-ò Pafumy ninadu-ò. Tai tahe judeu mahádu witxi deade, Bajesuisi heka inire. ⁷Tii Deuxu rybeduòmy raremyhÿmy iximy rarybere tahe aòkòre, raruire, riitxenanyre. Tii bedebute hāwā dinodu-wana rare. Kadinoduni tahe Sergio-Paulo inire. Tii hābu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸Bajesuisi, Elimasi ijò ini

rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakömykemy. Wanyrÿ tyhydÿÿkömykemy dori tuu risÿnyre. ⁹Salu tahe, Paulo ijõ ini rare. Deuxu Tytybytyhy heka itykemy ralömy rÿimyhÿre. Tahe Paulo retehere Elimasi-ò tamy rarybere: ¹⁰—Kai Satanasi riòre tate. Kai heka ibutu itxenadÿÿ-di tÿxihikÿlemy ahâte. Kai heka awihikÿ òludu tate. Tiubo heka bexihukre Inynyrÿ-ribi iny riixāwididÿÿnyre. ¹¹Deuxu heka wiji araòwynykre, aòhökÿmy arasÿnykre, aruetāmy bonykre. Txu bobiòkre bede biwyke. Iule tahe aòwesele bede torohokÿlemy reare. Robiòhyymy reare. Urile riemy ratximyhÿre, iny riwiòhenanykemy, ryy tamy ritÿnynykemy. ¹²Tahe kia bedebute dinodu tuu robire aòhebo rotÿÿnyramy, tai bede riòtiiny ronymhÿ tahe tii Inynyrÿ rityhynyre.

¹³Iribi tahe Paulo ròhònyra taijoi-wana Pafu hāwā-ribi. Rakremy ribe-nyra hāwā nihikÿ-ki Panfilia bede-ò, Peke hāwā-ò. Juaò Marku iribireny rexitara, dòòsede Jerusalē-ò. ¹⁴Tahe Paulo Banabe-wana roirenyre. Peke-ribi riòlònyre tahe rekoarenyre Atxiòkia-ò. Kaa iwitxira Atxiòkia hāwā rare, Pisidia bede-ki ratxireri. Tahe rirònyreny judeu mahādu dohodÿÿna heto-ò. Sabado txu rÿire. Ronymhÿre ijohonamy. ¹⁵Kia hābu mahādu heka Moisesi bede ywina tyriti-di, Deuxu rybemy rybedu mahādu tyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Wase-riòre, arybemy idi atxiteri-wana marybeke aòwaxiny bitÿnyke. ¹⁶Tahe Paulo rÿire lamamy. Iwese rybedÿÿmy ròteòsidÿÿmyhÿre wese rÿire. Tahe rexi-deleny: —Hābu, Israeli mahādu, tule ibutummy Deuxu rityhynymy rÿira mahādu, bodoholabedenyke kaa ijyy-ò. ¹⁷Israeli mahādu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahādu tybyreny wahe. Deuxu rasòwedÿÿnyre. Iribi tahe Deuxu Egito-ribi ritarenyre tebò ruruteretyhy-di. ¹⁸Tiiboho bederahy-ki 40 beòramy bede riereu, Deuxu taaò-bina bina riòludunyre. ¹⁹Kanaā bede-ki debò inatxi reuròmy ixÿju ixÿju mahādumy rahure. Idi tamyreny riwahinyre bede, isÿhyymy rarekemy. Idi tahe rybe ywisidÿÿdu mahādu tamy riwahinyre. 450 beòra rahureu, tahe Samueli Deuxu rybeduòmy raremyhÿ. ²⁰Idi tahe rybe ywisidÿÿdu mahādu tamy riwahinyre. Tahe 450 beòra rahureu, Samueli Deuxu rybeduòmy raremyhÿ. ²¹Iribi iny Deuxu-ò rexitònyre iòlòmy tamy kadiwahinykemy. Tahe Deuxu Salu tamy riwahinyre, iòlòmy. Salu tahe Kixi riòre rare. Benjami mahādu rare. Tahe 40 beòramy iòlòmy ronyre. ²²Salu iribi ritareu, tahe Davi, Deuxu ritamadÿÿnyre iòlòmy. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre. ²³Tahe Davi riòkòre-ribi Jesuisi ròhònyre, Israeli tarasadumy rarekemy. Iwese juhūu Deuxu rarybere wese. ²⁴Jesuisi naòdeu, Juaò ritÿnynyre Israeli mahādu-ò iòrarureny ririkemy idi raratisebenykemy. ²⁵Juaò rybe tÿnydÿÿna kōnanau, tamyreny rarebere: —Jiarÿ wa iwese tahòtintytenyteri wese aòkō jiarÿ rare. Kaiboho tiwaraòdhÿmahātenyete. Betehebenyke, tii, wahewomy kanakre. Jiarÿ aò aòkō rare, iwatisana arieseòtyhy iwa ritakemy, tii dori waratyre wihikÿreki. ²⁶Waseriòreboho, Abraò riòre riòremy ibutummy inyboho roire, tule Deuxu reàlāmy rÿira mahādu kaki ratximyhÿ. Deuxu inydeereny biu-ò hedu rybe diwahinyde. ²⁷Jerusalē mahādu, iwedureny-wana raeryòhyre tii tarasadu rare. Ibutummy sabado txu rybedu tyriti-di rariamyhÿre tohodÿÿna heto-ki, tahe aòbo rare rieryòhyre. Jesuisi rubudÿÿmy raryberenyreu, iwese

rybeduõ rarybere wese, tiiboho rotÿÿnymyhÿre. ²⁸ Tiiboho aõbina bina-ki tai rahaõhyra, ihãrele irubudÿÿmy rexitõenyre Pilato-õ. ²⁹ Iwese ibutumy Jesuisimy riritinymy roireri wese, ibutumy tuu rõhõnyre. Tahe itxeõ nihikÿ tyre-ribi ritarenymy. Tahe mana hãloo rawo-õ ritidirenymy. ³⁰ Tahe Deuxu rubu-ribi riixixadÿÿnyre. ³¹ Tii-wana iny mahãduõ roirenymy juhuhu Kali-leia-ribi Jerusalẽ-õ. Rexixamy rahudi tahe, tii mahãdule tuu robihyymy txuu widireny rÿire. Kia mahãdule inysõwey-ki relyymyhÿre. ³²⁻³³ Deuxu juhuhu rarybere inytybyreny-õ aõhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relyymahãrenymy. Iwese inatxi wiuna ritidÿÿna-ki roire wese:

—Kai waRiõre tate. Wiji tahe bomy watxiwãhare.

³⁴ Kiamy heka Deuxu rarybere Jesuisimy: —Rubu-ribi ariixixanykemy, tiu rasunymyhÿre bede-õ rõðseõtyhy. Iwese Davi-õ jaarÿ rarybere wesemy ibutumy adee bede ariywinykre. ³⁵ Deuxu ijõ wiuna Ritidÿÿna-ki tule rarybere. Iwese Jesuisile rarybere wese, kiamy roire:

—Eõdutyhy umy rasÿnyõtyhy kai dori waumysudÿÿ-õ teijemahãte.

³⁶ Iu Davi Deuxu dee taijoi riwiõhenanymy rahudi tahe, rurure. Tybyreny-õ tii rara. Iumy tahe rasunymy. ³⁷ Jesuisi umy tahe rasunyõre Deuxu dori rubu-ribi riixixadÿÿnyreki. ³⁸⁻³⁹ Jesuisi bityhynybenykeki, aõraru riixãwidinyke. Kiamy Moisesi bede ywina ihoõhyre adeereny. Kia bierybenyke waseriõreboho, tiile, Jesuisi, adeereny relywãhãrenymy. ⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, burubenyke, bede biõtiinybenyke, aõbo jaarÿ rewinyreriõ. Inyõ adeereny ritÿÿnyke ihãrele. Tiu heka bityhynybenyõtyhy.

⁴² Tahe Paulo irybe rexihura. Iribi rõhõnyre Banabe-wana. Rexitõenymyreny ijõ sabado biõwau tarybetybydile ixbyyle relyykemy. ⁴³ Iny ritobinymy rahudi, judeu mahãduõ, judeu bede erydÿÿna ityhydÿÿdu mahãduõ tule Banabe Paulo-wana riheludunymy. Tahe tamyreny raryberenyre: —Deuxu ruxetõena-ki idi mariahyymyhÿkemy.

⁴⁴ Ijõ sabado rehemynymy, ibutu iny hãwã-ribi doimyhÿdenymy Deuxu rybe-õ ijohonamy. ⁴⁵ Judeu mahãdu tahe inysõwemy robireu, tiiboho rexiwaritinymyhÿrenymy. Tiiboho raryberenyre aõbinahãkÿlemy Deuxuru-õ. Paulo riki inatyhymy aõkõ tii rarybemyhÿre. ⁴⁶ Paulo Banabe-wana ihãrele brebuõlemy raryberenyre: —Juhuhu adeereny Deuxu rybe dobehede. Tahe kaiboho tetyhynyõteny, tai judeukõdu mahãdu-õ aroirenymy. Kaiboho Deuxu rybe terarenymy, ixi sohojile tahe tetaõte adeereny aõ aõkõreki. ⁴⁷ Kia Inynyrÿ bede ywina wadeereny riwahinyre: —Kai loosõna wesemy atxikre judeukõdu mahãdu-õ. Kai tarasanary ritÿÿnykremy ibutu inyko-õ. ⁴⁸ Judeukõdu mahãdu kia-õ roholareu, tahe reysarenymy. Deuxu rybe riwowydnyrenymy tai. Tahe rityhynyre, timybo Deuxu juhuhu ritare wesele tamyreny umytuedeõna riwahinyremy. ⁴⁹ Inynyrÿ rybemy kia bede-ki ibutumy relyyre. ⁵⁰ Tahe judeu mahãdu rarybere hãwywihikÿ ityhy-õ, tule hãwã wedu-õ. Tai tahe Paulo Banabe-õ õludu sõwemy resere. Tahe isubede-ribi riteõnyrenymy. ⁵¹ Paulo Banabe-wana tawa-ribi bryby riðhõwirenymy tamyreny tiiboho ibinareki. Tahe Ionio hãwã-õ roirenymy. ⁵² Atxiõkia ityhydÿÿdu mahãdu tahe reysamy rÿimyhÿre. Deuxu Tytybytyhy-di tÿximy ihÿre.

14 ¹Ionio hāwā-ò Paulo Banabe-wana rare. Judeu mahādu dohodÿÿna heto-ò. Tahe rybe ritÿnyrenyire, tarurumy he relyyrenyire. Sôwemy judeu mahādu, judeukôdu mahādu-wana rityhynyrenyire ijyy. ²Tahe ijô judeu mahāduô rityhynyôre. Ijyy deramy reamyhÿre, tule ijô-ò tule rarybere ity-hynyôkemy. Tahe Paulomy, Banabemy aô ôta ôtalemy rarybemyhÿrenyire. ³Ihārele tahe Paulo Banabe-wana bedede nihikÿ riwyrenyire tai. Tamy rybe ritÿnyhyi roiremyhÿ ibrebuôlemy. Inynyry taruxetôena rybetyhydÿÿnamy riwiôhenanyire tiiboho bededôbina widÿÿdu renyreki. ⁴Hāwā mahādu ritxuare. Ijô heka judeu wedu mahādu rityhynymyhÿre, ijô tahe Paulo Banabeboho rityhynymyhÿre. ⁵Judeukôdu mahādu, judeu mahādu, tawedureny-wana widee rarybere Paulo Banabe-wana riôkôrôrenykemy tamy mana-di rehurenkemy. ⁶Tahe tiiboho rexieryrenyire tahe rihenynyrenyire. Tahe rôrenyire Listra hāwā-ò, Debi hāwā-ò, kia Laonia hāwā hāwā-ò rare. Tule rariarenyire kowa bedewo-ki. ⁷Tahe kowa tiemy ritÿnyhyi roiremyhÿ Rybe tÿmyra wihikÿ-di.

⁸Listra hāwā-ki heka hābuô-txi rekoarenyire, itierere heka. Taihy heka ronymyhÿre. Tuuhyy heka ratohouāmy ijarananyire. ⁹Tii tahe Paulo rybe-ò roholare. Paulo tamy retehere. Kia tahe Paulo rierye hābu teytetyhynadire Paulo riteytenykemy. ¹⁰Tai tahe tamy rarybere tarybe riterenymy: —Mynyike, ôbitimy. Ta hābu rexiwatxinyre, rariare. ¹¹Ijohona mahādumy robireu, aôbo Paulo riwinyrenyire tahe rirajuare tarybe-di, Laonia rybe-di: —Ka hābu mahādu heka deuxu wesemy idi rexinohôtidÿÿnymyhÿre. Inydeereny deuxu wesemy dobehede. Iumyreny tahe hābu wesemy rare. ¹²Banabe heka, Jupitemy tadeuxurenyniômy rininire. Paulo tahe ijônimy, Meuriumy rininirenire irybe sôwetyhyreki, tii rybedureki. ¹³Jupite xiwena wydydu horeru bederade-di dehemynde. Tohodÿÿna heto hāwā ahana ube-ki rÿire. Broreni xiwe wesena tamyreny hāwā mahādu riworonykemy, riwahinykemy. ¹⁴Kiamy roholareu, Paulo Banabe-wana tatykyreny riykaranyire idi rihurenire. Tahe ralômy reare inysôwey-txi rarybekemy. ¹⁵Tamy ryryre: —Aôhebo tatÿÿnytenyteri. Jiarÿboho hābulemy watxirenryeri. Kialemy adeereny rarybewāhāre, Deuxu rybetÿmyra wihikÿ. Adeuxuren-di nohôtirenyômy. Bedewidÿÿdu ta mohôtinybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di mohôtinybenyke. ¹⁶Ihetxiu Deuxu ibutumy bedede bedemy sÿdu ririre ixidee wimy aôna aônamy rotÿÿnykemy. ¹⁷Utile tahe tamy rexideôsinyre tamy biu riwahinyre taoworumy raratynykemy. Tai tahe kaiboho arÿsÿna dire, Deuxu debô-ribi, awo-ki eysanadire. ¹⁸Ihārele iny tamy xiwe wesena tamy riwahinykemy ratxireri. Paulo tamyreny rarybere: —Aôkô, inydeereny bidiwahinyôke.

¹⁹Iribi tahe judeu mahādu-ò Atxiôkia-ribi, Ionio-ribi tamyreny raryberenire Paulo rubudÿÿmy. Hāwā ôtityube-ò Paulo ridyrenyire. Mana-di tamy rehummyhÿ. Tahe rubu wesemy ririrenire. ²⁰Idi tahe ityhydÿÿduô tamy wirotire. Paulo tahe suribi rÿire tahe tii-wana nalôde hāwā-ò. Ijôtxu biôwamy tahe Banabe-wana Paulo rexitare ijô hāwā-ò, Debi hāwā-ò. ²¹Ka hāwā-ki tahe Paulo rybe tÿmyra wihikÿ ritÿnynyre. Sôwemy tai rityhynyreu, Pauloboho rôôserenyire Listra hāwā-ò, Ionio hāwā-ò, Atxiôkia-ò. ²²Ibutumy hāwā-ki Pauloboho ityhydÿÿdu mahādu riwiôhenanyrenyire, tiiboho rityhynyhyi ratximyhÿkemy. Tamyreny rarybere: —Kaiboho aôhokÿmy botÿÿnybenyke, ihārele malôkemy titxibo Deuxu Iôlô ratximyhÿre-ò. ²³Ibutu

ityhydÿÿdu mahäduy ribi ritamy rÿimyhÿ rarekremy, idinodumy. Matuari mahädu-ribi tii ritare. Iu ritareu tahe, rexitödenyre Deuxu-ò tule byreöhyhÿ txuö riwyrenyre. Inynyrÿ-ò rexitödenyre: —Kia ibutumy aratyhynyreri, tai tahe biywinymy ahäke. ²⁴⁻²⁵ Pisidia bedede-ki rekoamyhÿrenyre Panfilia bedede-ò. Kowa-ò Rybewihikÿ tÿmyramy relymy rahudi Peke-ki, Atalia häwä-ò dobehede. ²⁶ Tai häwò nihikÿ welòdi-di rimyrenyre. Tahe Atxiòkia-ò rorore. Kowa-ribi juhuule rybe tÿmyra wihikÿ ijyy-di dòhònyde. Kowa juhuu rexitödenyre tamyreny Deuxu ruxetödena-wana rarekemy. ²⁷ Atxiòkia-ò rehemyrenyre, Paulo, ibutumy ityhydÿÿdu mahädu ditotynye. Tai heka tamyreny rarybere iwese Deuxu riwiòhenanyre wese ibutumy iaömydÿÿnana-di. Iwese judeuködu mahädu rityhynykemy. Deuxu tamy ityhyna ijòtòbòna riraynre wese. ²⁸ Idi bededÿÿnana riwynihikÿre ityhydÿÿdu mahädu-wana.

15 ¹ Häbuò Judeia mahäduò ditechemynydenye ta teòsamy ribedeerynyrenyre. Kawese ribedeerynyre: —Moisesi Tyriti bede ywina, notykyresynamy, rityhynyòekiki, iny rataötyhy. ² Iribi tahe Paulo Banabe-wana tamyreny rarybehÿ rare. Tai tahe inyò tamy rarybere Jerusalë matuari mahädu-ò roirenykemy aömydÿÿnana rexiòbitinyrenykemy. Iny witxira-ò Jesuisi erydÿÿna mahädu-ò rarybekemy heka tamy, Pauloboho iteòdÿÿmy rarybere. Tahe ijò häbu mahäduò tule tiiboho-wana riteònyrenyre. ³ Dÿÿraxy heka tamy ròirenyre, aö aömydÿÿnabo ratxirerimÿ wahe. Söwemy dohodÿÿna mahädu ihemy roirenyre urihimÿ, tai tahe ririrenyre. Tahe Senisia bedede bedemy, Samaria bedede bedemy riòhòrenyre. Relyyre judeuködu mahädu tule ityhydÿÿdu mahädu-ki rÿirerimÿ. Tai ibutumy ityhydÿÿdu mahädu reysare. ⁴ Tahe ritehemynyrenyre Jerusalë-ò. Wihe ritotynyrenyre ityhydÿÿdu dinodu-wana, tule matuari mahädu-wana, Jesuisi erydÿÿdu mahädu-wana. Tiiboho relyrenyre aömybo Deuxu rotÿÿnyre iyreny-ki, timybo riwiòhenanyrè. ⁵ Tahe häbu mahäduò tai raremyhÿ heka. Juhuu heka fariseu mahädumy ihÿre, idi tahe ityhydÿÿdumy ralore. Imahädu-ribi ijò rÿire ribedeerynykremy. Tahe rarybere: —Inydeereny kia wese rare. Judeuködu tyhydÿÿdu ibutumy notyyresyna-di ròhònyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre òbitimy aökò watxireri.

⁶ Idi tahe Jesuisi erydÿÿna, matuari mahädu-wana wii ributunyre rybe òbitidÿÿmy. ⁷ Rybe söwemy rahude tahe, Pedro rÿire tamyreny rarybekemy: —Waseriòreboho, Deuxu juhu riwatara Rybewihikÿ rybedumy judeuködu mahädu-ò tuu aritÿnynykremy, tiiboho tule rityhynyrenykremy. Tai rarewähä. Kaiboho kia ibutumy teertyentye. ⁸ Iwese inydeereny riwahinyre wese, Deuxu Tytybytyhy tamyreny tule riwahinyre. Judeuködu mahäduò tule ixidee rimykemy. Kia wese tuu riteòsinyre inydeereny. ⁹ Deuxu wiribi lahiximÿ aökò iny riwinyrenyre. Wiwesehyyle ihÿre. Tiiboho inywesele ihÿrenyre. Tiiboho rityhynyrenyre, heka irayky rityranyrenykemy ritarenyke. ¹⁰ Kia wese Deuxu teurihitenyteri. Kia bede ywina itxyynautxiehekÿ wesere ityhydÿÿdu mahädu tyre-ki tetiditenyteri. Inytybyreny tiu rettyöre tule inyboho idi rettyöre. ¹¹ Inynyrÿ, ruxetödenale-di iny ritamyhÿre. Tule judeuködu mahädu kia weselere ritamyhÿre.

¹² Tahe aömy rarybeöhyrenyre. Ibutumy he Paulo Banabeboho rarybereò, roholarenyre. Tiiboho heka relyrenyre tule bedeöby wihikÿ aöna aöna-wana

Deuxu riwinyremy tadebò-di wahe. ¹³⁻¹⁴Iribi tahe rexihurenyreu tasÿ, Txiau rÿire rarybekremy: —Waseriòreboho, bodoholabedenykre inihe warybe-ò: —Pedro kÿny adeereny rarybere, timybo Deuxu judeukòdu mahàdu roramy rare iny mahàduò ixidee ritakremy tanityhy-ò. ¹⁵Kiawesemy he tule ihetxiu Deuxu rybemy rybedu mahàdu riritinyre, kamy wahe: ¹⁶—Wanyrÿ heka rarybera: —Adòòsekre, ixyby ariywinymy aritamadÿÿnykre aòdohodÿÿna heto Davi juhoo riwinyre. Idi tahe resere. Ixyby ariwinykre. ¹⁷Tai tahe judeukòdu mahàdu-ribi iuhe riwaòrykre wamy rityhynykemy. Wanyrÿ, Deuxu, kiamy heka tiiboho rarybekre, ibutumy jiarÿ retarenyreki. ¹⁸Kawesemy Wanyrÿ tuhyy rarybemy raremyhÿ, tule wiji ihÿre. ¹⁹Tai heka kiawidÿÿòmy rakatximyhÿrenykre. Tamyreny rybeòmy rakatximyhÿrenyke. Judeukòdu mahàdu Deuxumy rityhynyrenyreu, iny bede ywina reny tyhydÿÿmy tamyreny rybeòmy. ²⁰Kialemy heka tamyreny rakaryberenykre: Suritxoo xiwe-ribi iròdude ròrenyòmy. Tule òta òta òraruna widÿÿòmy, iròdu hālubu-di ròrenyòmy, ihālubu rejuxunyòmyhÿre-wana. ²¹Kiamy heka rakatximyhÿrenyke. Moisesi bede ywina-di dori ibutu hāwā-ki judeu dohodÿÿna heto-ki rariamy raremyhÿ. Sabadotxu ihyymy aòkò kia ritÿÿnynymy raremyhÿ.

²²Tahe kiamy heka rahòtinyrenyreu, Jesuisi erydÿÿna mahàdu, ibutumy dohodÿÿna mahàdu-wana, hābuò ayreny-ribi rikitakre. Tai Atxiòkia-ò riteònyrenykeny Paulo Banabe-wana. Tahe Judasi ritarenyreu tule iniòrysna Basaba rare. Ijò tasÿ Sila inire. Ka hābuboho ityhydÿÿdu mahàdu awimy tai raharenyre. ²³Katyyriti tiiboho-wana rakre. Kawesemy tyyrity rare: —Jiarÿ-boho, erydÿÿna, matuari, seriòre mahàdu adeereny rybe wehityhyna rewahinyrereri. Ibutumy judeukòdu mahàdu ityhydÿÿdu-ò ka tyyrity rakre Atxiòkia hāwā-ò, Siria bede-ò, Silisia bede-ò. ²⁴Inyò rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho reteònyrenyòhyyre. Kia reerymy watxirenryrereri. ²⁵Tahe wiwesele rahòtinyrenyreu riki, hābubohoò Paulo Banabe inyluudu-wana reteònyrenryrereri. ²⁶Kia hābu Paulo Banabe-wana hāwā binahakÿ-ò roimyhÿrenyreu Jesuisi Kristu Inynyrÿni-di. Ixi-txi rōhòtinyòlere, brebumy. ²⁷Judasi-wana tule adee raryberenykre kia aòmydÿÿnanamy, katyyriti rewahinyrenyreu wese. ²⁸Kawese inyboho rōhòtinymyhÿre, Deuxu Tytybytyhy dori inyrayky rewiohenanyreu. Kia bede ywina-nalemy adeereny rarybereri biywinynybenykeny. ²⁹Uritere, suritxoo xiwe-ribi iròdude ròrenyòmy iròdu, ihālubu-di ròrenyòmy, ihālubu rejuxunyòmyhÿre-wana. Tule òta òtana òraruna widÿÿòmy. Ka bede ywina biywinynybenykeki, awimy boibeke. Deuxu deysana tahe adeereny kanakemy watxiwāhare.

³⁰Tahe hābuò iny inaubiòwamy Atxiòkia hāwā-ò ròirenyre. Tahe Atxiòkia tyhydÿÿdu mahàdu ributunyre. Iu tahe tamyreny tyyrity riwahinyre. ³¹Tai ide rariarenyre, ritÿÿnynymy tamyreny. Ribedeerynyrenyre. Tai tahe reysarenyre. ³²Judasi Silaboho tule Deuxu dee rybeduwihikÿ roire. Sòwemy dohodÿÿna-ki seriòre mahàdu-wana rohonymyhÿre. Tai tahe rirurudÿÿnynymyhÿre. ³³Aòutxumy raroorehenyre, tahe seriòre mahàdu tamyreny rarybere: —Bòibenyeke he ateòdÿÿdu mahàdu-ò. Biòkeseke wowina-di Jerusalē hāwā-ò. ³⁴Tahe Sila rōhòtinyre rarikremy Atxiòkia-ki. ³⁵Tahe Paulo Banabe-wana naride Atxiòkia-kile. Inynyrÿ rybemy riernanyrenryrereri, ritÿÿnynyrenryrereri, ijò seriòreò-wana.

³⁶Aòutxumy tahe Paulo rarybere Banabe-ò: —Ròkòòsekre kÿnyhe, ibutumy hāwā hāwā-di tai juhoo Inynyrÿ rybemy ritÿÿnynmahāreò wahe,

rikiwehityhynanykremy timybo ityhydÿÿdu mahädu nyimyhÿde-ò. ³⁷Tahe Banabe Joaõ-Marku ridykemy tamy reare. ³⁸Paulo heka Joaõ-Marku ridyðkemy ratxireri, Panfilia hāwā-ki dori iribireny ròhònyreki, riwiðhenanyðreki. ³⁹Marku ridykemy wiwese wesemy aòkò ròhòtinyreny reatatyhylemy ratximyhÿ. Tai tahe wiribi rexihitxinyreny, Banabe Paulo-ribi. Banabe Marku ridyra Xibri bedebute-ò, hāwò-di ròira. ⁴⁰Paulo tahe Sila ridyra. Seriore mahädu tahe Pauloboho riixitòedÿÿnyre, Inynyrÿ ruxetòena tamyreny kanakemy. ⁴¹Tahe Siria bede werawo-di, Silisia bede werawo-di, ririranyre dohodÿÿna mahädu riwiðhenanykemy, rirurudÿÿnymyhÿkemy.

16 ¹Pauloboho tahe Debi hāwā-ò rehemynyre. Ihyy tahe Listra hāwā-ò rare. Tai tahe Tximòtxi-wana witxi rekoare. Tximòtxise judea tyhydÿÿduò rare. Tyby tahe grego mahäduò rare. ²Listra, Ionio ityhydÿÿdu seriore Tximòtxi luure. Tximòtximy wídee rarybere: —Tii iny hābu tyhy rare. ³Tahe Paulo Tximòtxi-wana rakemy rexiwinyry raremyhÿ. Tahe rexi-tarenkyre kotyre, Paulo, Tximòtxi notykyresymy riteònyre, kowa judeu mahädu òraru-ki wahe. Tyby dorihe ibutumy iny rieriye tii grego mahädu raremy. Notykyresykómy rake tahe judeu mahädu dee kia ibinare. ⁴Iribi tahe ròirenyre hāwā hāwā-di, ityhydÿÿdu seriore mahädu ribedeerydÿÿnykemy, timybo Jerusale mahädu ròhòtinymyhÿremy. ⁵Tai tahe ibutumy dohodÿÿna heto mahädu tii rirurudÿÿnymyhÿre ityhydÿÿna-di. Tule ijò rityhynymyhÿre txuò txuòlemy ralokemy ityhydÿÿduòmy rarekemy.

⁶Pauloboho Asia bede-ò ròirenyòre rybe ritÿnynykemy, Deuxu Tytytybytyhy ritirÿreki. Tahe Frigia-Alatxia bedemy rekoamyhÿreny. ⁷Misia bede-ò rehemynyre, Bitinia bede-ò ròirenykemy riwisÿnyreny. Tahe Jesuisi Tytytyby tamy riteònyòhyre, ritirÿmyhÿre. ⁸Tahe Misia bedemy rekoare, tahe Troaji hāwā-ò robehe. ⁹Tahe Paulo hābuò wesemy robire rasina weselemy. Hābu, Macedonia bede ludu lamamy rÿimyhÿò, tuu robire. Tahe hābu rymyhy tamy: —Manake Macedonia-ò, biwawiðhenanykemy. Kia Paulo rasi-ki tuu robire wese. ¹⁰Tahe tarasi rahureu, tamyhe wylemy aroikemy watxiwāhāreny. Jiarÿ, Luka, Paulo-wana. Deuxu dori inydeereny rarybereri Macedonia-ò ròkòirenykemy, Rybewehikÿ rikiubÿtÿnyreny. Kialemy ròkòhòtinyreny.

¹¹Tahe Troaji hāwā-ribi ròhònyre hāwò yhywydynalaworo-ki. Samotrasia hāwā-ò imynahyy riðòrere. Ijò txu tahe Niapoli hāwā-ò riðòreri. ¹²Iribi tahe Filiposi hāwā-ò roirenyre. Juhuludu hāwā rare Macedonia bede-ki. Roma hāwā mahäduò tule tai rasÿnymyhÿre. Tai txuò rewyreny. ¹³Sabadotxu tahe hāwā-ribi reòlònyreny bero ijà-ò. Rahòtinyreny tai ixitòedÿÿna-ò rÿimyhÿremy. Tai tahe hāwyyò rexibutunymy rÿimyhÿ. Tahe rorokoreny tamyreny raryberenykemy. ¹⁴Hāwyyò Lidia inire, inyrybe-ò tahe roholatyhymyhÿre. Tii Txiatira hāwā luduò rare. Tii tylÿre ijohodure, tule Deuxu tyhydÿÿdure. Inynyrÿ irayky riywinyre Paulo rybe rityhynykemy. ¹⁵Tahe ibutumy isÿmahädu-wana riratsebeny. Tai tahe tamy Lidia rarybere: —Inaanokàbo ityhydÿÿkÿdumy watxiwāhāre-wana, wahetoku-kò manake. Tai tahe iheto-ò ròirenyre irybe-ki.

¹⁶Aòutxumy tahe ribereny ixitòedÿÿna-ò. Itxi rekoarennyre ijadòmaò-txi, deòdu rare. Iwo-ki tytytybybina ralòmy rÿire. Tai ijadòma relyre inyko aõhebo iny-ò rotÿÿnykemy. Tai sòwemy nieru ritare tawedu-ò. ¹⁷Tahe

waherenymy dyrymy nade: —Deuxu ibuturatyre rare. Iteôdÿkÿna mahâdu kia mahâdu rare. Tikiboho rarybemyhÿre timybo iny taôraru-ribi ratakemy. ¹⁸Tuheka rarybehyy raremyhÿ. Aôutxumy tahe Paulo tai rexirare, tamy rôðsemy reare. Rarybere tytybybina tai ratxirerîð: —Jesuïsi Kristu nimy iribi arateônykre. Bexitakre. Tahe aôwesele iribi rôhônymy reare.

¹⁹Iwedu tahe rieryre nieru idi ritaôkre ta rimyrenyre Paulo Sila-wana. Retÿhimy rare ywisidÿÿdu-ò, hâwâ elehyna ube-ò. ²⁰Tahe ijadôma wedu rarybere ywisidÿÿdu mahâdu-ò: —Kaa judeu mahâdu iny hâwâreny dibinadÿÿnymyhyde. ²¹Tiiboho iny ribedeernymyhyre aô iny bede ywinareny-di aôkô. Inyboho Roma hâwâ mahâdu rare. Tai kia-ki aôhe arotÿÿnyôtyhy. ²²Tai tahe sôwemy iny Paulo Sila radônyre. Ywisidÿÿdu mahâdu tahe ity ibòrò-ribi ritxuahakÿre idi tahe rityhenymy tuu raôhôtere. ²³Tuu raôhôtere, tuu raôhôtere, idi tahe rôtenawo-ò idi rehurenyre. Rôtena-di itxeredu-ò rarybere: —Kaa rahenykre-wana, kaile budurukre. ²⁴Tai rirutere iraru-txi rarutxi-ò iwa ritidire ôwòru iwodÿÿwomy raratyheny. ²⁵Ruetya tahe Paulo Sila-wana rexi-tôdenymy roimyhÿ Deuxu dee. Ijô rôtenawoludu mahâdu roholamy rÿimyhÿ tai. ²⁶Aôwese bede ramytatare. Rôtena ijôôtôbôna rirayre hâbu mynyna iribi rejuxunyre. ²⁷Tai tahe itxeredu ijô iraymy idi retehereu, rexirubunykemy tamaydese ritare. Rôtena woludu mahâdu rahenyramy tii rexinohôtinyra. ²⁸Paulo tahe tamy rryre: —Ixirubudÿÿômyke, kakile watxirenyreri, ibutuhukÿlemy. ²⁹Itxeredu rryre loosôna kidiwykemy tahe ralore ramytatamy brebumy. Paulobohoko-ò resere tatiôhomy. ³⁰Tahe itxeredu diôlôdÿÿnyde irarutxira-ribi, tamyreny rarybere: —Wanyrÿboho timybohe aratamy arÿike. Aôhebohe arotÿÿnyke. ³¹Tahe rirawyônyre: —Inynyrÿ Jesuïsi bityhynykre-kile, tarasanamy myikre, asÿ mahâdu-wana. ³²Tahe tamy Deuxu Rybe-di ritÿnydÿÿre ibutumy isÿ mahâdu-ò. ³³Iruule tahe riwisinanyrenyra ibrô wotômona risuhôra. Idi tahe itxeredu raratysebenyre tasÿ mahâdu-wana ibutumy. ³⁴Iribi tahe itxeredu ridyrenyre taheto-ò riroxikemy tahe ibutumy reysanihikÿrenyre, Deuxu rityhynyrenyraki.

³⁵Txu deadeu tahe ywisidÿÿna dinodu ijô ywisidÿÿna mahâdu riteônyre, rôtena-ribi Pauloboho riteônykremy. ³⁶Itxeredu tahe Pauloboho-ò rarybere: —Ywisidÿÿna mahâdu arateônykremy riwateônyreri. Bôibenye, wowina-di, biôlônybenye. ³⁷Paulo tahe rirawyônyre: —Aôkôre, araôtyhy. Jiarÿboho Roma hâwâhâkÿ mahâdu kaa watxirenyreri. Tii riwayhytanyrenyra idi rôtenawo-ki riwasÿnyrenyra. Ywisidÿÿdu mahâdu wii rotykôhyyre riwarôtenyrenyra. Wasimy ka tiu ariôlônyôtyhy. Tiiboho kodoikreule tahe ariôlônykre. Tii he riwaôlôdÿÿnykre. ³⁸Tahe ywisidÿÿna mahâdu tawedu-ò rarybere. Tahe tiiboho ruberurenyre Pauloboho Roma hâwâ mahâdu roireki wahe. ³⁹Tai tahe dôidenyde tamyreny, aôwaxina riôlônykremy. Tahe lâhâmy tamy rexi-tôdenyre. Tutyhy-ki aôkô lâhâ ararutara. Tai riteônyrenyreu, hâwâ-ribi rexitarenykemy tamy rexi-tôdenyra. ⁴⁰Rexitarenyreu, Pauloboho tahe Lidia heto-ò rôðsere. Ibutumy ityhydÿÿdu tahe wii ritotynyre, wii riwiôhenanykemy. Idi tahe riôlônyre kia hâwâ-ribi.

17 ¹⁻²Tiiboho rekoarenyre Afipoli hâwâmy, Apôlonia hâwâmy tahe rehemynyre Tesalonia hâwâ-ò. Judeu dohodÿÿna hetoô tai rÿimyhÿreò. Paulo, iwese aôu riwinymyhyre wesele rare tamy. Ralore rybe-di rarybekemy. Inataô sabadomy tai riraynyre tyriti ritidÿÿna tamy ritÿnynykemy.

³Rybe hitxina rurukremy tuu relyyre. Tahe Paulo tamyreny ritÿÿnyre iwese Kristu durudemy idi dexiixixanyde rubu-ribi. Kia iny rityhynyra Jesuisi inatyhymy Deuxu deòdÿÿna raré. ⁴Tahe ijohonadu mahäduò rityhynyre. Tule ijò judeukòdu mahädu rityhynyre. Tule ijò häwyy wihikÿ mahäduò rityhynyre sówemy. ⁵Tahe judeu mahädu dinodu tuu rõhärummyhÿre. Tiiboho tahe häbu binahakÿ mahäduò wii rotyre aòbina ritelenykremy. Tahe rõirennyre Ijasò heto-ò Pauloboho rimyrenykremy, ywisidÿÿna-ò idi retÿÿhikremy. ⁶Tai tahe rahaòhyyre tai. Tahe Ijasò ritarennyre ijò ityhydÿÿduò-wana. Tahe ridyrennyre ywisidÿÿna-ò. Tahe raryberenyyre ywisedÿÿdu mahädu-ò: —Paulo, Silamy urile bede diòtanymhÿdenyde, aòna aòna binahakÿlemy rotÿÿnymhÿre. ⁷Ijasò tahe ritirÿmyhÿre taheto-ki. Tiiboho iny òludu roire. Iny iòlòreny rityhynyòtyhy. Jesuisi ka iòlòrennyre. ⁸⁻⁹Ibutumy iny idi rõhòtinnyre, tule ywisidÿÿna mahädu rexitòdenyyre nieru ririkemy. Tai xiery tahe rõhònyke. Tai tahe ririrennyre nieruò.

¹⁰Kiaru tahe ityhydÿÿduò Pauloboho riwiòhenanymy iribi riòlònykemy Bereia häwä-ò. Tahe rehemymhÿreu, dohodÿÿna-ò rõirennyre. ¹¹Kia häwä-ki judeu mahädu iny awi rare, Tesalonia häwä mahädu wese aòkòre. Teymany tamy roholarennyra. Idi heka rariara Tyriti-di, òbitimy Paulo rybe aòbo roirerimyy rierykemy. ¹²Tahe sówemy judeu iny rityhynyre. Judeukòdu mahäduy-ribi sówemy rityhynyrenyyre, häwyy wihikÿ, häbu-wana tule rityhynyrenyyre. ¹³Bereia häwä-ki Paulo Deuxu rybe ritÿÿnynymy raremy. Judeia mahädu dinodu Tesalonia häwä-ki roholareu, tahe doidenyde. Iny sówè-ò raryberenyyre: —Pauloboho bibinadÿÿnyke. ¹⁴Tahe ityhydÿÿdu seriòre mahädu aówesele Paulo riteònyrennyre ahohokÿry-di. Sila, Tximòtxi taile rarire. ¹⁵Häbuò rare Paulo-wana Atena häwä-ò. Iribi tahe dòsede häbuò. Paulo tamy tarybe riwahinyyra Tximòtxi Sila-ò, wylemy kanakremy.

¹⁶Paulo Atena häwä-ki riraòreu, tahe robire suritxooles rityhynymhÿrèò. Tai tahe tii rabadewore. ¹⁷Idi tahe Paulo ralore dohodÿÿna mahädu heto-ò judeu dee rarybekemy, tule judeukòdu ityhydÿÿdu dee rarybekemy. Tahe rarybemyhÿre txuò txuòlemy. Tule häwä ube-ki rarybemyhÿre häwä-di reamymhÿre mahädu-ò. ¹⁸Aòutxumy tahe Epikuriu mahädu Paulo-txi nade. Estòiku mahädu ijòre. Tiiboho, aòbo rybe rare kia erydu roire. Tiiboho he Paulo rajòmorennyre: —Aòmy aòkò, kiarybedu rarybereri. Ijò tahe rarybere: —Tii Deuxu tÿmyramy rarybereri. Paulo dori juhuy Jesuisi ixixanamy relyymy raremyhÿ. Tai kiamy raryberenyyreri. ¹⁹Paulo tahe ridyrennyre. Tai iny roholamy rÿimymhÿrèò ridyrennyre: —Rybe tÿmyramy telyymahàtemy inihe bedelyyke wakoreny. Tamy kia rarybere. ²⁰Aòkòre inihe aòna aònamy tarybemy atxiteri, aòwitxira witxiramy. Tai aroholarennykemy watxirennyreri. ²¹Atena häwä mahädu, tule iwitxira bede luduò tai rasÿnymhÿre, aò tÿmyraòòle roholarennykemy ratxirennyreri. ²²Tahe Paulo rÿire rybenatyya-ki. Rexiòrarunymy rarybere: —Atena häwä mahädu, kaiboho Deuxu rybe hyky tahòtinymahàtenyyte. ²³Jiarÿ häwämy rariamy watxireriu, sówemy xiwena-di retehera. Ijò-di kiamy retehera iritina-di: Kaa Deuxu heka inyò rieryòhyymymhÿre. Ka Deuxumy kÿny heka akoreny arellyyke, teerymahàtenyyte-di aòkò tuu teàlamahàtenyyte. ²⁴Ka Deuxu ibutumy bede riwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aò häbu widÿÿna heto-ki aòkò tii rasÿnymhÿre. ²⁵Tiu heka tii aòmy reaòtyhy häbu aò tamy

riwahinyõtyhy. Tule tahe inydee ibutumy aõna aõna riwahinymyhÿre, ele wesena, umy, ibutumy inydee riwahinyre. ²⁶Håbu sohojiõ-ribi ibutumy iny rõhõnyre iriõre riõremy bede witxira witxiramy rasÿnymy rÿirakemy. Urile wiribi rihitxihitxinyre. Tiu tamy riteõsinyre, tikibo rasÿnymy rÿirakemy. ²⁷Ibutumy Deuxu rajemyhÿkemy, raerykemy. Tii dori irehemy aõkõ ihÿre iny-ribi. Iny sohoji sohojiõ-ribi iõhõmy ratximyhÿre. ²⁸Deuxu òraru-ki inyboho ibutumy irumy ratximyhÿreny, ririranymyhÿre, ihoõkeki tahe aõ rikiwinyrenyõtyhy. Atyyriti widÿÿduõ kiamy rarybere: —Inyboho heka Deuxu riõre. ²⁹Inyboho Deuxu riõre rareki, urile nohõtiõmy womati tÿrÿrÿÿ ritxoo wesemy, womatiura wesemy, manaritxoo wesemy Deuxu-di nohõtiõmahåbeny. Håbu rayky-ribi, håbu debò Deuxu releremy nohõtiõmahåbeny. ³⁰Ihetxiu tii Deuxu rieryõhyreny. Tai tahe iòraranarenymy aõnihikÿmy aõkõ Deuxu dee ihÿre. Wiji bededÿÿnana tahe, ibutumy taòraru-txi ixi-txi nohõti ijaranamy, tai tahe rabedewomyhÿkemy. Kia tahe ibutu iny-ò rarybereri, iny taòraru ririkemy. ³¹Deuxu Jesuisi riixixanyre rubu-ribi. Tai tahe ibutumy tii rityhynyrenkemy ihÿre. Aõtxumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxuarenkyre kia wiribi hitxi hitxina txuu.

³²Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watxireri. ³³Idi tahe Paulo rare iribireny. ³⁴Ijõ iny tahe Jesuisi rityhynyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahåduõ roholamyhÿre. Ijõ, håwyyõ rityhynyre, Damari inire, tule ijõ mahåduõ rityhynyre.

18 ¹Paulo tahe Atena håwå-ribi rõhõnyre Oritxi håwå-ò. ²Kia-ki tahe judeu mahåduõ-wana witxi reare. Ini heka Akila inire. Tii Ponto håwå-ki raumynyre. Urihimyõle Italia bede-ribi dehemynde. Prisila ihåwyy-nire. Iòlò Laujiu Roma håwå-ribi ibutumy judeu mahåduõ diteõnyde. Tai heka nade kaweribi-ò. ³Paulo iaõmysÿdÿÿna rierymyhÿre, tyyheto widÿÿ. Tai tahe tiibohe-wana rajoinymyhÿre wiwana raaõmysÿdÿÿrenkemy. ⁴Sabado txuõ txuõlemy tamy reamyhÿre judeu mahåduõ dohodÿÿna heto-ò. Tahe ritohonymyhÿre, judeu mahåduõ judeukõdu mahåduõ tule. Tamy rarybere tii Rybe-wihikÿ òbitimymy rierykemy.

⁵Sila tahe Macedonia bedewe-ribi rehemynyre, Tximõtxi-wana. Paulo tai rybe ritÿnynymyhÿhy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶Katahe judeu mahåduõ tamy raykarananymy raremyhÿ. Aõbinahakÿlemy Jesuisimymy rarybere. Tahe Paulo tatyy riohowire iixåwidinkemy riteõsinykemy. Tahe tamyreny rarybere: —Jiarÿ aõkõ bede òraru. Kai aòaruna-di burukre-wana, ahålubureny waki aõkõ rare, adeereny dori Deuxu rybemy rarybere. Tahe judeukõdu mahåduõ sohojile tuu arelykyre. ⁷Iribi tahe inyõ heto-ò Paulo rare. Txisiu Justu inire. Tii judeukõdu mahåduõ rare, tahe Deuxu rityhynymyhÿre. Judeu dohodÿÿna heto bire-ki iheto rÿire. ⁸Krispu judeu dohodÿÿna heto weduni rare. Tii tasÿreny ibutumy Inynyry rityhynymyhÿre. Tule sówemy Oritxi håwå mahåduõ rityhynymyhÿre. Paulo riratsebedÿÿreny. ⁹Paulo tahe rumy rõrõmy roire. Tai tahe rasina wesemy robire. Inynyry tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰Jiarÿ adi watxiwåhåre urenana. Inyõ adee aõhe rotÿÿnyõtyhy. Sówemy iny rÿire kaki watyhydÿÿdu. Kia Jesuisi tamy rarybere. ¹¹Tai he Paulo bede

riijere sohoji bedra weeremy tai bede riere. Ribedeernymyhÿre Deuxu rybemy.

¹²Roma dinodu tÿmyraõ ronyre Grecia bedeki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò. ¹³Kiamy raryberenyre: —Paulo, Deuxu deàlànamy iny dibedeernymyhÿde. Tai bede ywina rityhynyõhyymyhÿre. ¹⁴Tahe Paulo ixideele rarybekemy ratxireri, tahe Kalio judeu mahãdu-ò rarybere: —Kia rubudÿÿdu ada aõ ibinatyhymy ratxiukeki, tai idi arohonykre, ariywisidÿÿnanyke. ¹⁵Tahe aõkõre, urile abede ywina rybedile rarybemyhÿre, tai ywisidÿÿnanyke idi araõkre. Kaibohole biywisidÿÿnanybenyke. ¹⁶Tahe Kalio ibutumy ditekõnde ywisidÿÿna hetoube-ribi. ¹⁷Tai tahe judeu mahãdu dohodÿÿna heto wedu rimyrenyre. Sõteny inire. Tule raðhõterenyre ywisidÿÿna heto ube-ki. Kalio tahe kia ðhõtena-ò aõhe rotÿÿnyõhyylere.

¹⁸Oritxi hãwã-ki Paulo rare myhÿre sõwemy he tai txu riwyre. Idi tahe seriõre mahãdu-ò rarybere: —Arakre. Tahe hãwõ-ò-di he rare, reurõkemy Siria bedeki. Tahe Prisila Akila-wana tii-wana ròirenyre. Paulo Deuxu-ò rarybere aõmybo rotÿÿnykremy. Idi tahe rexihumy kia rÿire. Tai tahe tarade risyre nohõti ijerana wesemy. Sekrea hãwã-ki tarade risyre. ¹⁹Tahe ritehemynyre Efesu bedeki. Prisila Akila-wana ririre. Iribi tahe rare tyriti ritÿnynyremy judeu mahãdu dohodÿÿna heto-ò. ²⁰Tii mahãdu tahe Paulo rexitõenyre tai aõutxumy tai ratxunykemy. Tahe rarikõkemy ratxireri. ²¹Karibi ròhõnyreu, tamy rarybere: —Deuxudeewikeki, ixiby addõsekre. Efesu-ribi ròhõnyreu, yhydynamawõ rimyre.

²²Ritehemynyre Cesaria bedeki. Iribi resereu, Jerusale hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiðkia hãwã-ò rare. ²³Tai bededÿÿnana riijere idi tahe rara. Rariamy rare hãwã hãwã-di, Alaxia bedeki, Frigia bedeki. Ibutu hãwã-ki ityhydÿÿdu rotohodÿÿnanyhÿre, riwiðhenanyhÿre.

²⁴Iu tahe inyõ judeu mahãduõ dehemynyre Alexÿdria hãwã-ribi. Apõlo inire. Tii ribedeernyny wihikÿmyhÿre tyriti, tarybe-di rotohonanyhÿre, Deuxu rybe rieryeki. ²⁵Inyõ Apõlo riernanyre timybo Inynyrÿ Jesuisi aõmydÿÿnana raremy. Tai Jesuisimy ribedeernyny raremyhÿ, deysanatyhy-di rarybemyhÿre. Tii tahe Joaõ ratysebenale rierye. ²⁶Apõlo rexi-delenymy relyre judeu mahãdu dohodÿÿna heto-ki. Prisila Akila-wana tai roholamy ronymyhÿre. Idi tahe tiiboho Apõlo ridyrenyre ibutumy Jesuisi aõmydÿÿnanamy tamy ritÿnykemy. ²⁷Iribi tahe Apõlo ratÿinykemy rexionyre Grecia bedeki. Ityhydÿÿdu seriõre tamy rybe riwahinyre, Grecia ludu seriõre mahãdu-ò, aõma, riryludunykemy, rehemynykeu. Tahe rehemynyreu, sõwemy riwiðhenanyre kia tyhydÿÿdu seriõre, Deuxu ruxetõena ityhydÿÿdu mahãdu. ²⁸Tii dori judeu mahãdu raykyrybe itxÿte riwitxiradÿÿnyre iny sõwe hekÿy-ki. Rybetyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

19 ¹Apõlo, Oritxi hãwã-ki rareu, Paulo rabedetÿinyre kabedeki idi rehemynyre Efesu hãwã-ò. Kowa ityhydÿÿdu mahãduõ-ki he rahare.

²Tamy Paulo ritÿÿraxinyre: —Tetyhynyteu, Deuxu Tytybytyhy ixidee aõbo temytenyte. Tahe rirawõnyre: —Aõkõre he, aõmybo tarybeteri. Deuxu

Tytybytyhy reeryôrenyre. ³Paulo rÿÿraxire: —Taratysebetenyteu, mobohe tetyhynytenyte. Tahe rirawônyrenyre ixityre: —Retyhynyrenyre ibutumy Joaô Sebedÿÿdu riwabedeerynyremy. ⁴Paulo tahe tamyreny ritÿnynyre: —Joaô sebedÿÿna urihimyô iwitxi rare. Tii kiawese rybe ritÿnynyre: iny taôraru-txi tôhôti reakemy. Tahe Jesuisi Juaô hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere. ⁵Kia-ô roholareu tahe, raratysebenyre Inynyrÿ Jesuisi nimy. ⁶Paulo iratytire tebô ritidire, tai Deuxu Tytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷Waôinatxi reurô hâbumy rÿiramy.

⁸Inataô ahâdumy Paulo reamy raremyhÿ judeu dohodÿÿna heto-ô. Tiiemy rarybehyymyhyre, riôbitinymyhyre, Deuxu Iôlônami ritÿnynymyhyre. ⁹Paulo-ô ijohonaduô rityhynyôhyymyhyre, teramy reamyhyre. Deuxu aômydÿÿnanami ibinamy rarybemyhÿrenyre iny sôwey-ki. Tai tahe Paulo rexihitxinyre judeu dohodÿÿna heto-ribi. Txirano kia tyryiti rybena heto-ô txuô txuôlemy ralômyhÿre taerydÿÿna-wana. Tahe rabedeerynymyhyre. ¹⁰Tahe bede riere inatxi beôramy. Tai tahe ibutumy iny Asia bede ludu mahâdu Inynyrÿ rybe-ô roholamyhyre, judeu mahâdu, tule judeukôdu mahâdu. ¹¹Deuxu aôna aôna wiwihikÿ riwinyre Paulo debô rihuôtere. ¹²Paulo tykyyre riwyrenyre webinadutyre ritidirenykremy. Tyky ôsurôna wesemy ijômy riwyre. Tai tahe webinadu riteytenymyhyre. Tule tytybybina-hakÿ iny-ki raremyhÿu, aôwelese iribireny rôhônmy reare tykyyre ôraru-ki. ¹³Ijô judeu mahâduô ratÿinyre hâwâ hâwâ-di inyô ribi tytybybina ritakemy. Tiiboho tytybybina riteônykemy idi ratxireri. Tai tahe Inynyrÿ Jesuisini-di riteônyre. Kia wesemy rarybere: —Paulo, Jesuisi rybe ritÿnynymyhyre, tai Jesuisini ôraru-ki iribi bôhônkyre. ¹⁴Debôinatxi seriôre kia riwinyre. Sewa tybynire, judeu xiwena widÿÿdu kia wedu tii rare. ¹⁵Tahe Jesuisi ni-di tytybybina-ô rarybereu, tytybybinaô dirawônyde: —Jesuisi reeryre, Paulo reeryre, tahe mobo atxiteri. ¹⁶Tahe hâbu tytybybina-di ratxirerî, ityrehêÿle dexiwatxinyde, rihetenyre, ibutumy riwotômonyre ityky ritare tai hetowo-ribi hâbu mahâdu tadehekÿlemy rahenyre. ¹⁷Ibutumy Efesu hâwâ mahâdu kia rieryrenyre, judeu mahâdu, judeukôdu mahâdu. Tahe ibutumy ruberure, Jesuisi ni nityhydÿÿhÿkÿmy ini raremyhÿki. ¹⁸Sôwemy ityhydÿÿdu taôrarureny riixitôedÿÿnymyhyre, dohodÿÿna mahâduy-ki. ¹⁹Ijô ityhydÿÿdu juhuhu tytybybina rierymyhÿrenyre, tiiboho tahe tatyyriti diwyde itxenadÿÿmy rybetyriti, ôwôruwidÿÿ kia tyryiti. Tahe iny retehemyhÿreruki kia tyryiti sôwemy ritoonyre. Idi ibutu tyryiti juhuhu ôwy wese inyô riritinyre. Iôwy tahe 50 mil womati ura nieru juhuhu iôwyre. Ihârele tahe idi rahure. ²⁰Ibutumy kia bede mahâdu Deuxu rybe-di rôhôtinihikÿrenyre.

²¹Idi tahe Paulo tarayky-ki rôhôtinyre: —Judeukôdu mahâdu bede-ô arakremy ixi-di watxiwâhâre. Juhuhu Jerusalê-ô arakre Macedonia bede-di Akaia bede-di arariamy arakre. Adôôsekreu, tahe Roma hâwâ-ô arakre. ²²Tai tahe tawiôhedÿÿdu Tximôtxi, Erasto-wana Macedonia bede-ô riteônyre. Tai Paulo Asia bede-ki naride. Bededÿÿnanaô riwyre.

²³Kia bededÿÿnanau aôbina nihikÿ rÿikemy riwisÿnyre Deuxury ôbitina ôraru-ki. ²⁴Dimitiu heka womati tÿrÿrÿ ura ritxoo widÿÿdu rare. Hâwy ritxoo ihâwâreny deuxu rare. Diana inire. Nieru sôwemy ritamy raremy idi riwinymyhyreki. ²⁵Dimitiu ributunyre ibutumy womati ritxoo widÿÿdu,

tamahādu-wana. Tamyreny rarybere: —Wanyrÿboho adeereny ararybekre. Inyboho nieru ritamyÿreny kaa aõmysÿdÿÿ-ki. Kia tahe teerytenynte. ²⁶Paulo rarybemyÿre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hāwā sohojile-ki aõkõ, ibutumy Asia bedeki irybe rityhynymyÿre. ²⁷Iny aõmysÿdÿÿna òsana riixāwididÿÿnykre, ideuxu dohodÿÿna heto-wana, iny deuxu reny riixāwididÿÿnykre. Diana inyluure. Kaki sohojile aõkõ inyluure, ibutumy Asia bedeki, tule bede bede ludu iluu inihikÿmy awireki. Paulo heka kia ibutumy rahukre. ²⁸Kia roholareu tahe, raykarananyreny. Ryryreny: —Diana awi rare inydeereny. Tii Efesu hāwā deuxu rare. ²⁹Rirajuamy rÿimyhÿ hāwā-ki. Hāwā mahādu, Kaio Aristarku-wana rimyreny tahe ridyreny butunaube-ò. Tiiboho Paulo tÿimahādu rare, Macedonia hāwā mahādu rare. ³⁰Tahe Paulo ralòkemy rexiwonyre tatÿi mahāduhe-ki, iny sōwey-ki tahe taerydÿÿna ijoi ritirÿre. ³¹Tule ijõ bededinuò, Paulo wiòhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki. ³²Tiilemy ijõ rarybemyÿre. Ijõ iwitxiramy rirajuamyÿre. Urile wimy rauriurire. Aòherekibo ibutumy rÿireri, iny rieryòhyre. ³³Alexÿdre iny sōwey-ribi rimyreny tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahādumy rarybekemy. ³⁴Iny sōwemy idi retehereu, judeu mahāduò raremy rieryreu tahe rirajuatyhyre. Tahe inatxi òramy rirajuahy rÿimyhÿ: —Diana awi rare. Tii heka Efesu deuxu rare. Kiamy ryryreny. ³⁵Idi tahe hāwā weduò riixāwididÿÿnyre. Tahe rarybere: —Hābu, Efesu hāwā mahādu. Ka hāwā Diana hāwā rare. Kaki tohodÿÿna heto reyruwāhāreny. Kaki biu-ribi mana ritxoo desede. Ibutumy kia reeryreny. ³⁶Kia inatyhy rare. Tai tahe rikiyrym rokorokorenykre. Aōwele aōwidÿÿm. ³⁷Kaa hābu tedytenyeri. Aōhe rotÿÿnyōreri. Aō-di rawasinyōhyreri dohodÿÿna heto-ribi. Aōbinahakÿ iny hāwyy deuxumy raryberenyōhyreri. ³⁸Dimitiu tamahādu-wana aōbo tai reny ibinamy ihÿrenykeki, ywisidÿÿdu-ò idi rakre. Tiiboho heka wii ributunymy rÿireri. ³⁹Ijõ rybe tahe atxibenykeki, ijohonadu mahādu adi-butunykre arybe-ò aroholarenkemy. Iwese inyboho rotÿÿnymyÿre wese arieryrenykre. ⁴⁰Roma hāwā dinodu òsana aōmybo inymyreny kanarybekre. Wiji inyboho aōhebo rotÿÿnyrenyrerimy. Aō kÿnyhe iò-ki ka wiji jei jei rÿireri wahe. Roma hāwā dinodu tarybe kidiwahinykre-wana wahe, timyhe warybeòna. ⁴¹Tahe riixāwididÿÿnyre. Ròdsere ibutumy.

20 ¹Kia jei jei rybe rexihureu, Paulo tahe taerydÿÿna mahādu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonnyreny Deuxudeewimy rierykemy. Idi tahe ritobinyreny. Rare heka Macedonia bede-ò. ²Ibutumy titxibo rexitomonymyÿ ritohodÿÿnymyÿre ityhydÿÿdu mahādu-ò. ³Tahe Akaia bedeki heka bederijere inataò ahādu. Tahe rexiwinymyÿre ratximyhÿ Siria bede-ò rakremy hāwò-di ridymyhÿredi heka rakremy rexiwinyre. Idi tahe judeu mahāduò irubudÿÿmy rarybemy nyimyhÿ. Inyō Paulo rierydÿÿmy, tai ta Macedonia bedeki ròdsere Siria bede-ò rakemy. ⁴Hābuò ramyhÿre tii-wana Jerusalē-ò, ta kamahādu Asia bedeòle he roirenny. Sopatu ijōnire, tii heka Bereia hāwā mahādu rare, Biru heka Sopatu tybyni rare. Aristarku ijōre, adelahelÿÿna ijōni rare, tiiboho Tesalonia hāwā mahādu rare. Ijõ Kaio inire, tii Debi hāwā mahādu rare, Tximòtxi ijõ rare. Tule ijõ Asia bede ludu rare, Txitxiò

ijô, Trofimo ijôre. Rarekie. ⁵Kiaboho juhutyhy rexiraômy roirenyre. Paulo riraômy Troaji hâwâ-ki. Tule riwaraokre —Luka jiarÿ ka tyriti widÿÿdure. ⁶Worana bedehesi ituereu tahe, jiarÿ Paulo-wana roirenyre heka hâwô-di Filiposi hâwâ-ribi. Iruyre txu rÿidi tahe rehemynyre. Troaji hâwâ-ò. Taita sohoji semanamy rewyrenyre.

⁷Tahe nobiutxu ityhydÿÿdu mahâdu iny wi ributunyre, Inynyrÿ mona, rÿsÿna-wana tuu rihitxinymy rirÿsÿkemy. ⁸Tahe Paulo iu rybe ritÿnynyre itxu biôwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenyre. Hetoranoa-ki biu-ki rÿimyhÿre. Kanoôtyhy-ki rabuturenyre. Tiu Paulo rarybemy rarybemy rexihukôhyyre, biurasômy rakreki. Tahe sôwemy heka lamparina rÿimyhÿre. ⁹Ronymyhÿ, moma inire, Otxiu. Aôma-ki ronymyhÿ, heto janela tyre-ki biu-ki. Ta tôhôti rosare, rôrômy resere. Iribi reare, biuribihikÿle resere suò. Rurure. ¹⁰Tahe Paulo robehegy rare tamy. Tatiowotimy resere weryrybò rimykremy iwetya-ki. Paulo rarybere: —Bedeôtiidÿÿômyke irulemy roire. Deuxu ixiby iumy tamy riwahinyre. ¹¹⁻¹²Weryrybômy irumy robirenyreu tahe, ibutumy reysarenyre. Tai tahe Inynyrÿ bemona, rÿsÿna-wana tuu rirÿsÿrenyre biu-ki wahe. Paulo ixityre rarybere. Txu iòlò iòlômy rareri-wana tahe rarybere. Tahe Paulo rare. Tatilemy rare Aso hâwâ-ò. Tii tamy tarybe ririrehe: —Kowa ahywydyna lawò arimykre.

¹³Tahe jiarÿ, Luka, wamahâdu-wana roirenyre phywydynalawò-di Aso hâwâ-ò Paulo-wana rekoarenkemy. ¹⁴Rehemynyrenyre tahe, Paulo ralômy phywydyna laworo-ki. ¹⁵Imytxubiôwa tahe Kio hâwâko-txi rehemynyre. ijô txu tahe Samosi hâwâ-ki rehemynyre. Ijô tahe rehemynyre Mitilene-ò. ¹⁶Paulo ixitamadÿÿ deramy reare Efesu hâwâ-ò. Raelelemy ratximyhÿ Jerusalê-ò rehemynykemy, aôma, Pentecoste kia judeu worana bedehesi-ò raelelere.

¹⁷Tahe Miletu hâwâ-ki rehemynyreu, dohodÿÿna matuari mahâdu tamy he rarariôwyre tamy rarybekremy hâwô-ò kedehehemykemy. Tahe Efesu-ribi ditehemynydeu, kia tamy rarybere: ¹⁸⁻¹⁹—Tahe tiemy Asia bedeki Inynyrÿ-ò raaômysÿdÿÿhy watxiwâhare. Aômy aôkô ixidee rahôtinywâhare. Rahiny-mahâre, Inynyrÿ dee rybe retÿnynymahâre. Warube resehy watxiwâhare. Tai ta brebuna nihikÿ waumy-di rarewâhâ. Judeu mahâdu heka sôwemy wamy rarybemy riwarubunykemy. Kia ibutumy aômydÿÿnana teerytenyte. ²⁰Tiu raberuôhywâhare Inynyrÿ nimy rybemy. Ibutumy rarybewâhare iny sôwey-ki tule heto hetowomy relymahâre. ²¹Judeu mahâdu-ò retÿnynyre tule judeukôdu mahâdu-ò taôraru ririkemy Deuxu dee taôraru-txi tôhôti reakemy rabedewokemy. Tule Jesuisi Kristu rityhynykemy. ²²⁻²³Katahe wiji arakre karibi Jerusalê hâwâ-ò. Deuxu Tytybytyhy heka wadee dyrymyhÿde. Aôhebo arotÿÿnykre, reerykôre. Kiale reerywâhare, aôma, Deuxu Tytybytyhy wadee rarybemyhÿre ibutu hâwâ-ki, aôma, aôhokÿmy arotÿÿnykre kowa. Rotenawo-ki aroikre. Myle reeryre. ²⁴Tiiemy tamy raaômysÿdÿÿmahâre. Kiale wadee Inynyrÿ Jesuisi rewahinyre urenana. Kia ariwinyôkeki, aô aôkô heka jiarÿ waumy-ki. Tii arelyywâhake inyko-ò rybe tÿmyra wihikÿ, timybo Deuxu inyluurenyre. ²⁵Araerynanywÿhÿrenyre Deuxu Iòlônamy, wamy tahe bobibenyôtyhy ixityre. Kia reerywâhare. Jiarÿ tule umyreny arobiôtyhy. ²⁶Tahe adeereny aômybo ararybekre. Ryranymy heka watxiwâhare

ibutu hãlubu-ribi. Kaiboho aõraru-di burubenykeki, jiarÿ aõkõ tuure. Inyõ wamy rarybeõtyhy aõma Rybewihikÿ-di jiarÿ itÿnynyõmahãremy. ²⁷Tiiemy rarybehyy rarewãhã ibutumy Deuxu bede ywinamy. ²⁸Tai tahe ixi-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiõhedÿÿdumy kaiboho toite. ²⁹Karibi arohonykreu, aitxeredu mahãdu kanakre. K reeryre. Adeereny õbitimy aõkõ rierynanykre. Tiiboho ahola wesemy ratximyhÿrenyre. Iwese budoeni-ò imynymy rõsemy ramyhÿre wese heka kedehemynykre. ³⁰Inyõ heka aityhydÿÿdu seriðre yribi iwitxira aõna aõnamy kidierynanymyhÿkre. Taijoi kididymyhÿkre tarybe-ò ijohonamy. ³¹Tahe bijemy boibekre. Inataõ beðramy awana rare-wãhã. Kiamy rarybereri, iribi nohõtilosarenymy. Txu-wana, ruwana adireny rõrenywãhãre. Rahinymy heka aõrarureny-ki watxiwãhãre. ³²Tahe arari-renykre Deuxu-wana ixi-di he awimy renykre. Tii heka adireny rarekre. Tii tahe nohõtilosarenymy, boibekre Deuxu rybe-di. Tii heka riwiõhenanykre atyhyna raumynykre. Deuxu riywinyre wahe adee reny aõna aõna wiwihikÿ riwahinykre õbiti mahãdu-wana kia bitabenykre. ³³Tiu heka jiarÿ ijõ hãbu-ribi nieru tarasamy rahõtinyõhyymahãre tyy wiwihikÿ tarasamy raruõhyymahãre. ³⁴Tiiemy wadebò-ribi hyy hyy raaõmysÿdÿÿmy rarewãhã waaõmydÿÿnana õwydÿÿmy. Tule rewiohenanywãhãre tii-wana watxiwãhãre mahãdu. Kaiboho teerytenyte kia. ³⁵Ibutumy rewiohenanywãhãre iaõkõ mahãdu kia heka tuu tabitenyte kia rewinyamahãremy. Teerytenyte timybo Jesuisi rarybere: —Biwahinybenyke, kia dori iny-ribi ritamyhÿre ratyre awi rare.

³⁶Tahe rybe-ribi rexihureu, tatiowotimy rotamanyrenyre wiwana rexitõenyrenykre. ³⁷Tahe rahinyrenyre, rimyrenyre tamy wõrenyre, aõna rakreki, kia-ki rexityhenyreny tamyreny. ³⁸Tiiemy rabadeworenyre tiu tuu robirenyõkre. Tahe hãworo-ò tiiboho-wana roirenyre.

21 ¹Iribi røhõnyreu tahe, õbitihyy rare Kõsi hãwã-ò. Ijõ txu tahe Rodesi hãwã-ò ritehemynyre. Iribi tahe Patara hãwã-ò ritehemynyreny. ²Tai tahe rahare hãwò-ki, Senisia hãwã-ò rakremy rexiwinyreny. Roirenyre kia zhywydnyalawò-di tahe rorukurenymy røirenyre tamy. ³Xibri bedebute weribi-ò reurore, inhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwò-ribi aõna aõna-di rekoarennyre. ⁴Tamy roireny-reu tahe, rÿÿraxirenyre kahãwã ityhydÿÿdu mahãdumy. Tai raharennyre. Sohoji semanamy bede tiiboho-wana wadireny rÿire. Kiaerydÿÿna mahãdu heka Paulo dee rarybereny: —Aõma noõmykre Jerusale-ò. Deuxu Tytytybytyhy tuu tamyreny rarybemyhÿre. ⁵Tahe semana ituereu, diððsedenyde ixyby hãworo-ò. Ibutumy diberenydenyde ityhydÿÿdu mahãdu tiiboho-wana ÿnyra-ò, hãwyy, uladu, ibutumy. Tahe rexitõenyreny. ⁶Ritobinyreny tahe, riððserenyre heto-ò ixyby.

⁷Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãreny txu sohojilemy bede reijereny tai. ⁸Ijõ txu biðwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿduşÿ-ki wahe. Tii juhuu aõma ityhydÿÿdu mahãdu wiõhedÿÿduõ juhutyhy rare. ⁹Tii heka inaubiðwa iriðre rare. Tahe heridu aõkõ ijadõma

mahâdu rare. Ijadôma mahâdu heka Rybewihikÿmy rybeduôle rare. ¹⁰ Tahe aôutxu taile watxiwâhârenyre. Tahe hâbuô dehemynyde Judeia bede-ribi, moma inire Abusi. Tii tule Deuxu rybe-di rarybemÿhÿre. ¹¹ Idi tahe nade inyrorarenymy. Tahe rimyre tii Paulo wereysana. Tawahe idile rimyre rexitaare tebô-wana. Idi tahe rarybere: —Deuxu Tytybytyhy wa kiamy rarybere: —Kia wereysana wedu heka iwese rataataamy râire wesele heka tule rataataamy rÿikre Jerusalê-ki judeu mahâdu heka kia riwinykre ta riwahinykre judeukôdu mahâdu-ò. ¹² Tamy raholarenyre tahe, raryberenyre Paulo dee raôkremy Jerusalê-ò. Jiarÿboho raryberenyre tamy tule ijô tule tamy raryberenyre. ¹³ Tahe Paulo rarybere: —Hirenyômyke, tiwabedewodÿÿnytenyteri. Rexiywinymy watxireri Jerusalê rôtena-ò aralôkemy. Tamy sohojile aôkô kÿny, tule Deuxu dee wikeki tahe arurukre Inynyrÿni ôraru-ki. ¹⁴ Timy heka Paulo nohôti rareadÿÿrenyôke tiemy tanonanamy rara. Tahe rarybemÿ rahudi kiamy tarybe-ò resere Deuxudeewilemy rotÿÿnymy ratxike.

¹⁵⁻¹⁶ Iribi tahe iny aôna aôna rexiywinymy Jerusalê-ò roirenkemy. Ijô ityhydÿÿduô Cesaria-ribi iny-wana roirenyre. Tahe retehemynyrenyre, Menasô heto-ki rasÿnyrenkemy ityhydÿÿdu riwadyrenyre. Menasô heka juhutyhy ityhydÿÿdumy ralômy raremÿhÿ. Juhuu tii Xibri bedebute-ki rasÿnymy raremÿhÿ.

¹⁷⁻¹⁸ Jerusalê ityhydÿÿdu mahâdu ibutumy awimy riwamyrenyre. Jiarÿ, Luka wahe, Paulo-wana, ijô ityhydÿÿdu-wana. Ijô txu biôwamy tahe Paulo riwadyrenyre Txiaumy robikremy. Tule ijô Jerusalê dohodÿÿna matuari mahâduô tai ronyre. ¹⁹ Wirirybenymy rahudi tahe, Paulo tamy relyyre aôhebo Deuxu tamy rotÿÿnyremy. Timybo judeukôdu mahâdu Deuxu rityhynyremy. ²⁰ Kiamy roholareu, Deuxumy reâlârenyre ibrô-kí. Tai tahe inyô rarybere: —Paulo, sôwemy judeu mahâdu rityhynyre. Kai teeryte, inyseriôre, ibutumy judeu mahâdu bede ywina riywinymy ratximÿhÿhy. ²¹ Inyô umy rarybere, raroimÿhÿre kaki Jerusalê-ki. Judeu ityhydÿÿdu mahâdu-ò rarybere: —Paulo he Moisesi bede ywina-ribi nohôtirosakemy tii riteônyre. Paulo rierynanyrereri judeu ityhydÿÿdu mahâdu-ò kia judeukôduy-ki rasÿnyre mahâdu-ò. Kia inyô riki rarybere, Paulo uladunotyky resyna riteôdÿÿôreki riki. ²² Tii kÿnyhe roholarenkre kaò tehemynterimÿ. ²³ Tai kiamy rikiwinyrenkre. Inaubiôwa hâbu katxi rare tarade riwysynkremy. Deuxu-ò tarybetyhy riwahinyrenyre, tai tahe tarade riwysynkremy. ²⁴ Kai tule makre iwesele arade riwysynkre Deuxu dohodÿÿna heto-ò. Tahe iradereny synaôwumy biôwynykre. Tai tahe ibutumy aluukre judeu mahâdu bede ywina tetyhynmahâteki wahe. ²⁵ Aô inyboho ka judeukôdu mahâdu. Ka bede ywinaô rityhynykemy aôkô tuu iny ratxirenyre. Kaa adeereny tuu rarybewâharele rityhynyrenkemy: —Ka aôma rÿsÿna ritxoo rÿsÿnamy iwahidÿÿnalemy irÿsÿômy, tule irôdude ihâlubu iijeradÿÿôrereri, uritere irÿsÿômy, tule ôta ôta ôraru widÿÿômy. ²⁶ Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hâbuô-wana. Tahe ibutumy iny rieryre xiwenaô riwinykre wahe, tamy dori raryberenyre.

²⁷ Tahe debôinatxi reurô txu-di riwinykremy. Idi ka debôinatxi reurô txu rexihudi tahe iôhômy. Tahe Asia bede ludu judeu mahâduô tuu robira. Tiiboho iny-ò rarybere Paulo rimykremy. ²⁸ Sôwemy iny tamy wi rotyre Paulo ôludumy. Tiiboho kiamy rirajuarenyre: —Haeli mahâdu, wylemy bodoike.

Biwawiðhenanybenyke. Ka hābu ratxireri iny bede ywinareny òludumy ritÿnynmy rÿimyhÿre. Iny dee narybemyhÿde judeu mahādu bede ywina rityhynyðkemy, tule iny Deuxu dohodÿÿna hetomy, judeukōdu kawo-ò didyde tai tuu ribinadÿÿnyreri. ²⁹ Juhuu tahe ijōmy robire hābuōmy hāwāhākÿ-ki Paulo-wana ratxirerimy. Trofimo inire. Tii heka Efesu hāwā mahāduō ityhydÿÿduō rare, judeukōdu mahādu aōkō tii ihÿre. Tahe judeu mahādu rōhōtinyre Paulo dohodÿÿnahetowo-ò Trofimo ridyramy. Tahe Paulo ridyòlere. ³⁰ Tahe sōwemy iny rakyarananyre tamy, aōma kia hāwā hākÿludu mahādu. Sōwemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijòtòbòna riratòbònyre. ³¹ Tahe rirubunykeny ritekeny heka. Tahe soldado dinodu tyhy roholare aōma ibutumy Jerusalē hāwā-ki jei jei-di rÿireri. ³² Tai tahe soldado tawedu diteònyde kia tai jei jei mahādu rÿireriò. Tahe soldado robirenyrau, riixāwidinyreny, Paulo òhòtedÿÿ-ribi. ³³ Kia soldado wedu tyhy Paulo mynymy riteònyre. Tahe ritaataarennyre womati reroti-di. Tahe rexitòenyre kia inydee mobo he ratxireri. Aōhebo he tii rotÿÿnyrerimy. ³⁴ Ijō heka iwitxiramy rarybemyhÿre, ijō tiilemy rarybere. Tai tahe soldado dinodu bede rieryōhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre. ³⁵ Ryòwòna-di rotuðrau tahe, hāwā mahādu aōkōre he reburera. Soldado mahādu Paulo taaxiò tyre ritidimy idi rara iny rimyheny. ³⁶ Iny he rirajuamy rarybemyhÿre: —Bidybenyke, birubunybenyke wahe. Myhe soldado mahādu hewomy rirahumyhÿre.

³⁷ Tahe rirònykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watxireri. Tahe soldado dinodu ritÿÿraxinyre: —Kai aōbo krekū mahādu rybe teeryte. ³⁸ Kai jiarÿ araeryre. Kai Egito mahādu dinoduò tate, ibutudÿÿdu wedu tate. Kai 4000 iny aōbina widÿÿdu tedyte bederahy-ò. ³⁹ Aōkōre, Paulo dirawyònyde, tii aōkō watxire. Jiarÿ Roma hāwā mahādu tyhyre jiarÿ rare. Wahāwā, Tarso hāwā rare, hāwā riðre aōkō Silisia bede-ki. Judeu mahādu tule jiarÿ rare. Kaki iny mahādu-ò ararybekemy watxiwāhāre. ⁴⁰ Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykeny. Tai ibutumy iny riyrmy rÿirenyre. Judeu mahādu rybe-di tamyreny rarybere.

22 ¹ Kawese Paulo tamyreny rarybere: —Waseriðre, waluuboho, wabededÿÿnanamy adee arelyyke. Wamy bohولاتhyke.

² Judeu mahādu rybe-ò roholareu tahe, riyrtyhymy rorukurenyre. Tii heka rarybere: —Jiarÿ judeu mahādu jiarÿ rare. Raumynnyre Tarso hāwā-ki. Kia Silisia bede-ki rare.

³ Kaki Jerusalē-ki ratyritinymy rarewāhā, Kamalie ninadu tyryritina-ki. Ibutu Judeu mahādu bede ywina bede reeryre Kamalie-wana. Ibutumy Moisesi bede ywina-di riwaerynanymyhÿre. Tii tahe reywinwāhāre, retyhynytyhywÿhÿre. Ibutumy Deuxu bede ywina ariywinykemy ixi-di rahōtinywāhāre iwese wiji iwidÿÿmy tarutenyteri wesele wahe. ⁴ Jiarÿ ka ityhydÿÿdu mahādu aōhōkÿmy rotÿÿnynmyhÿremy reteòwāhāre ihÿyle ijō rubudÿÿmy reteònywāhāre. Hābu hāwyy-wana reròtenywāhāre ròtenawo-ò. ⁵ Waaòmydÿÿnanamy bierybenykre-wana, tamy marybeke dohodÿÿna wedu-ò, matuari mahādu-ò. Dohodÿÿna wedu tyriti rewryre Damasū hāwā

dohodÿÿna heto-ò. Tai tahe tyyriti-di risÿnyre ibutumy ityhydÿÿdu mahädu aôhökÿmy rotÿÿnykemy, tule womati reroti-di rataataakemy Jerusalê-ò kididykemy. ⁶⁻⁷Iôhômÿ txutyemy iijira-ò, Damasu hâwäry-ki watxiwähâ. Tahe loosôna itÿnyhÿkÿmy wadee dehemynyde. Bedetxile resere. Tahe rybeò raholare: —Salu, Salu, aôherekiwexe aôbina binahakÿle wadee tadiwinymahâte. ⁸Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watxireri, Jesuisi. Kai aôbina binale wadee tadiwinymahâte. ⁹Häbu wawana rÿimyhÿ, aô rieryôhyre aômybo wadee rarybemyhÿre tahe loosônamy he robirenyre. ¹⁰Tai tahe rarybere jiarÿ: —Aôwexe ariwinykre, Wanyrÿ. Rarybere: —Myike wahe, make Damasu hâwä-ò. Tai tahe inyô adee kanarybeke aôbo biwinykremy. ¹¹Tai tahe rabiômÿ räiwähâ kia loosôna ritÿÿrÿhÿkÿreki. Tai wabiôwa ryy wadee ritÿÿnyre wadebò-ki riwamymy Damasu-ò arehemynykemy. ¹²Tai tahe häbuò wadee rehemynyre, Ananiamy ninadu. Tii heka Deuxu tyhydÿÿduò rare, bede ywina rityhynymyhÿre, ibutumy Judeia mahädu, Damasu hâwä-ki heka tuure. ¹³Tii tahe wadee rarybere: —Waseriôre, Salu, aruebimyke ixityre bobikemy. Aôwesele tahe rabimy reare. Ananiamy rabire. ¹⁴Tahe ixityre wadee narybede: —Inytyby Deuxu juhuu aratare, aôbo tamywimy bierykemy. Tule Jesuisimÿ bobikemy, Deuxu ôbiti häbu. Tule boholakemy aôbo tii adee kanarybekeò. ¹⁵Tai tahe biwykre irybewihikÿ tÿmyra ibutu bede bede iny-ò. Belyyke timybo taholatemy, tabitemy. ¹⁶Tai tahe rooreheômÿkre. Wijile makre maratysebekre. Aôraru-ribi yrahakÿlemy mabekre, Wanyrÿnimÿ tetyhynyte xiery. ¹⁷⁻¹⁸Idi tahe Jerusalê-ò rehemynyreu wahe, aôutxumy ixitôenymÿ rarewÿhÿ Deuxu dohodÿÿna heto-ki. Tai raholarerasina wese-ki aôma Deuxu wadee raryberirimÿ: —Wylemy bôhônÿkre Jerusalê-ribi. Warybemy tamy marybekreu, rityhynrenyôtyhy. ¹⁹Tahe Inynrÿ-ò rarybere: —Ibutumÿ hâwä-ki aityhydÿÿdu mahädu rehäteny, rewotomonyre, rerôtedÿÿnyre. Ibutumÿ kaki kia rierymy roimyhÿre. ²⁰Arybe tÿnydÿÿdu rirubunyreu, moma Estevaò, jiarÿ taile watxiwähâre. Rewiôhenanywÿhÿ irubudÿÿdu mahädu tyy reyruubunyre aôma mana-di rihurenyreu wahe. ²¹Tahe Deuxu wadee rarybere: —Bôhônÿkre wa Jerusalê-ribi. Irehetyhymÿ arateòkre judeukôdu mahädu-ò. Kia Paulo tamyreny rarybere.

²²Tahe kia iny roholamÿ rÿimyhÿre kia Paulo iximÿ relyyreò. Tahe raykananymÿ rryre: —Bidyke karibi ahana-ò, birubunyke. Irumÿ rareòkre idi watxiwähäreny. ²³Tatyky riohowire, brybysi-di biu-txi rehure, rryrmyhÿreny. ²⁴Soldado dinodu tahe riteônÿre iwo-ò ridyrenykenÿ awaru ôhôtenahäkÿ-di tuu raôhôtekemy. Soldado dinodu rierykemy ratxireri aôherekibo iny tamy rakyarananyraki wahe. Tii rarybekre ôsana tuu raôhôtekeki. Kia soldado dinodu rôhôtinyre. ²⁵Tahe Paulo ritaataarenÿre. Imÿ rahudi tahe Paulo rarybere soldado dinodu-ò: —Jiarÿ Roma hâwä mahäduò rare. Wamÿ maôhôtebenyôtyhy, aywisidÿÿna mahädu wadee roholaôre tebutunyôteki. Kia riwadÿÿkôkemy roimÿ rare. Abede ywinarenÿ adee rarybere kia widÿÿômÿ. ²⁶Tai tahe kia soldado dinodu tadinodu-ò rare. Tahe tamy rarybere: —Kowa häbu, Roma hâwä mahäduò rare. Tai tahe aôbina bina tamy iwidÿÿômÿ. ²⁷Kia roholareu, tii rara Paulo-ò tamy rÿÿraxikemy: —Inatyhybe Roma hâwä mahäduò aôbo atxiteri. Paulo tahe narybede: —Kohe, jiarÿ, kia mahäduò watxireri. ²⁸Tai tahe soldado dinodu narybede: —Jiarÿ tule watxireri. Nieru

sõwe-di reðwynyre tuu aronykremy. Tahe Paulo rirawyðnyre: —Jiarÿ tiu kia watrixeri. Waha dori Roma mahäduð raremyhÿ. ²⁹Tai he soldado mahädu iribi rõhðnyre aðwesele tii Roma mahädu ratxire riki. Soldado dinodu tule ruberure tii dori rataataamy riteðnyreki.

³⁰Txu biðwamy ritare rõtena-ribi rõhðnykemy. Judeu xiwewahidÿÿna dinodu inyð ributunyre ywisidÿÿdu mahädu-wana. Tahe Paulo ridyre tamy. Tii dori rierykremy ratxireri aðherekibo judeu mahädu Paulo deramy rÿireri.

23 ¹Paulo tamyreny retehere, dinodu mahädu-ð wahe. Tahe rarybere: —Waseriðreboho, Deuxudile watximy ramahäre. Tiiemy aðbina binamy aøkõ watrixeri, tamy iluuna-di tyhy watxiwähäre. ²Anania häbu-ð rarybere, iðhðmy Paulo-ribi rÿirerið: —Iry-ð bihetenybenyke. ³Paulo tahe tamy narybede: —Kai wa að aøkõ tate. Hetotira ura wese tate, awo arayky isuisure. Waywisidÿÿdu wesemy talðmy atxiteri, tahe wahetedÿÿmy tarybeta. Kia bede ywina rarybera wesemy aøkõ tewisÿnyteri. ⁴Tahe iðhðmy Paulo-ribi rÿireri, tamy rarybere: —Kia wesemy rybeðmy Deuxu xiwe wahidÿÿdu wedu-ð. ⁵Tahe Paulo rarybere: —Aøkõre, reeryðhyre aðxiwe wedubo ratxireri. Tyriti kiamy rarybemyhÿre: Tiu riki wedumy aðmy rybebinamy aøkõke. ⁶Idi tahe Paulo rexierymy resere. Tahe ixidee rõhðtinyre. Ka iny sõweyre fariseu mahädu heka rare. Iyrejura tasÿ saduseu mahädu rare. Tai tahe Paulo ryryre: —Waseriðre mahädu, jiarÿ fariseu mahäduð rare. Waha, wylabieboho ibutumy fariseu roire. Rubu-ribi ixixana retyhynywähäre. Tai tyhy tahe kia-ð, ywisidÿÿdu-ð wiji diwadyde. ⁷Imy rahudi tahe fariseu mahädu saduseu mahädu-wana wiribi rihitxinyre. ⁸Saduseu dori rubu-ribi ixixana rityhynyðhyymyhyrenyre, tule ÿju, tyytyby-wana rityhynyðre. Fariseu mahädu tahe, kia ibutumy rityhynymyhyre. ⁹Tai tahe sõwemy rajei jeimy rÿimyhÿ. Tahe fariseuð rarybere Paulo ðbitimy ratximyhÿ. Að teðsamy tai tuu arobirenyke kÿnyhe aøkõre. ÿjuð ðsana tamy rarybera ada tyytyby aðbo. ¹⁰Tai ta tarurutyhymy ryryrenyre. Tai tahe soldado dinodu ruberure aðma Paulo riykaykaketxi roholare. Tai rarybere tamy: —Iribi bitake, idi boibenyke ixbyby soldado heto-ð.

¹¹Rumy tahe Paulo weribi Inynyrÿ tamy narybede: —Brebuðmy að-di nohðtiðmyke ixi-di. Iwese kaki Jerusalë häwä-ki wamy tarybete wesele heka Roma häwä-ki wamy marybekre.

¹²⁻¹³Tahe biurasðtxu he judeu mahäduð wi dotyde Paulo rubudÿÿmy. Iny inatxiwa ituemy häbu kia wese raryberenyre: Rikiroxirenyðtyhy bemy rikiðrenyðtyhy. Paulo rurukeki xiery ta rikiroxirenykre. ¹⁴Tahe xiwe wedu mahädu-ð tiiboho roirenyre. Judeu matuari mahädu-ð tule kia ibutumy relyenyre iwese Paulo rubudÿÿmy ratxireri wese. ¹⁵Tule tamyreny rarybere: —Kaiboho ixityre marybebenyke soldado dinodu-ð manakremy Paulo-di ywisidÿÿdu-ð. Tamy dÿÿraximy idi ratxireri tiiboho rõhðtinykre. Tai tahe ry kana-ð rearaki tahe ijoi rikirubunykre. Kia judeu mahädu xiwe wedu-ð rarybere. ¹⁶Tahe Paulo seriðre woludu, ilana rubudÿÿmy rarybereð roholare. Tahe ralore soldado heto-ð tahe tuu Paulo ko relyykemy. Tahe relyyre. ¹⁷Kia roholamy rahudi ta Paulo rariðwyre soldado dinodu tamy kanalokremy. Kiamy rarybere: —Ka weryry bidykre adinodutyhy-ð, aðma, ijyy-di ratxirerimy tamy relyykemy. ¹⁸Tahe ridyre soldado dinodu tyhy-ð tahe rarybere: —Paulo kÿny ka weryry-di riwateðnyreri aðmybo ako relyykemy. ¹⁹Tahe

dinodu weryry axiò iyre ribi rimyre, tahe iny-ribi rirehenyre rarybekemy: —Aôbo wexe wako belyykre, weryry. Tahe relyyre: ²⁰—Wylana Paulo ridykremy judeu mahâdu adee rexitòenykremy ratxirenyre. Tiiboho adee raryberenyre: —Rikitÿÿraxinykre ijô aomydÿÿnana. ²¹Uritere tamy boholaôkre, weryry rarybere, idyômykre tamy. Hâwâ mahâdu sôwere rexiwômy rÿikre, iny inatxi wa itue hâbuny, wylana rubudÿÿmy. Tii ruuôkeki, riroxiôtyhy, bemy riôôtyhy. Kiawese ka hâbu mahâdu rarybemy ramyhÿre. Ahana ôsana inyô rÿireri wylana ridykremy adee kedexitòenykremy. Wylana ôludu tahe ryijâti-ki rexiwômy rÿireri. ²²Tai soldado dinodutyhy weryry-ô rarybere: —Uritere inyô ierysyômykre wadee tuu telyyteri. ²³Tahe inatxi soldado dinodu rarariôwyre, tahe tamy rarybere soldado dinodu tyhy: —Aôma, 200 soldado widotykre inataô ôra txu dôhòny-ribi, ijô 70 soldado awarutyre-ki, ijô 200 soldado tónori-di. ²⁴Kia ibutu-wana Paulo bidybenykre awarutyre-ki Cesaria hâwâ-ô. Biyrubuny my boibenyke Feli, kia bededinodu-ô. ²⁵Tahe tyyriti riwinyre kia wese:

²⁶—Jiarÿ Laujiu Lucio, warybe reritinyreri. Warybe wehityhyna rewahinyreri Feli-ô, Wanyrÿtyhy, bede dinodu-ô rewahinyre. ²⁷Hâbuô adee reteônyreri. Tii judeu mahâdu rimyre tahe rirubudÿÿmy riwisÿnyre. Tahe soldado reteônyre ritakremy rubu-ribi, tii Roma hâwâ mahâdumy rareki. ²⁸Redyra heka ywisidÿÿna mahâdu-ô. Aôherekibo rimyrenyremy arierykemy. ²⁹Tabede ywina ôrarukile teramy tamy reare, kia reerymy rawâhâre. Iny bede ywina ôraru-ki aô aôkô tii riwinyre. Tai rurukemy aôkô idi rewisÿnyre. ³⁰Judeu mahâdu rarybemy ramyhÿre irubudÿÿmy. Kiamy raholareu tahe, adee reteônykemy resere. Tule irubudÿÿmy rôhôtinyra mahâdu adee rarybekemy reteônyre. Tiiboho aôbo raremy rarybekre. My kie warybe rewahinyre.

³¹Idi tahe soldado mahâdu mahâdu ridyre, iwese idinodu riteônyre wese. Rudile ridyre Atxipatxi hâwâ-ô. ³²Tahe biurasôtxumy tahe tatilemy rare mahâdu rôdsere soldado heto-ô. Ijô soldado awarutyre ludu Paulo iridyre Sesaria-ô. ³³Tahe rehemynyre Cesaria hâwâ-ki. Rare he bede dinodu-ô. Paulo tamy riwahinyre tyyriti-wana. ³⁴Kia tyyriti-di tii rariareu tahe, tamy ritÿÿraxinyre: —Tiribibo tate Paulo. Tahe Paulo dirawyônyde: —Jiarÿ, Silisia hâwâ mahâdu rare. ³⁵Tahe bede dinodu narybede: —Kaa hâbu mahâdu wii kodotykreu, kedehe mynykreu, aroholakre inihe arybe-ô. Tahe iyrubudÿÿ idi risÿnyre Herodi ywisidÿÿna heto-ô, Pretôriu ninadu-ô.

24 ¹Iruyre txu reare rexihudi tahe, Anania, xiwena wedu tyhy, judeu mahâdu matuari-wana rehemynyre, ywisidÿÿna mahâduô-wana rehemynyre, moma, Tertuliu inire. Paulomy aôbinabinahâkÿ rybemy rareri bede dinodu-ô. ²Tahe Paulo didyde. Tertuliu rarybere Paulomy. Awîomy rybe tahe rôhònyre. Juhuu Feli-ô rarybere: —Kai Wanyrÿ tyhy, awihyymy heka atximahâte wadeereny. Tiiemy bede ywina inydee tewahinymahâte. Ibutumy iny bede hâwâ hâwâ-ki iny tewiôhenanymahâte. ³Tai tahe omy reâlâtyhymy he watxiwâhâre. Urihimyôle adee Paulo aomydÿÿnanamy ararybekre. ⁴Txiói inihe lâhâ, boholabeny. ⁵Tiiemy jei jeihy ratximyhÿre Paulo ôraru-ki. Tiiemy judeu mahâdu, my heka rarybehyy ratximyhÿre. Tii Nazare hâwâ dohodÿÿna mahâduô rare, kia weduô rare. Tii Jesuisi rityhynyre. ⁶⁻⁷Aôkôre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo ôraru-ki. Remyrenyre tahe, ywisidÿÿmy watxiwâhâre iny bede ywinareny rarybere wesemy.

Tahe aõkõre, Lisiu soldado dinodu tyhy ritare iny-ribi wotõmona-di. ⁸Tahe inydee rarybere: —Boibenykre Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy aõbo ada aõkõre aõbo. Tertuliu kia ibutumy rarybere. ⁹Ijõ judeu mahãduõ rarybere: —Kia inatyhy ibutumy inatyhyle ratxireri, aõmybo Tertuliu raryberemy.

¹⁰⁻¹¹Tahe bede dinodu Paulo-ò riteõsinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, sõwe beõra aõmydÿÿnana-di ywisidÿÿna-di atximahãte. Jiarÿ kia reeryre. Tai reysawãhare adee ararybekremy. Wað inatxi reurõtxumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reallakemy. ¹²Tiu heka jei jei rewinyõhywãhare dohodÿÿnaõ-ki aõkõ, hãwã-ki aõkõ. ¹³Aõmybo wamy rarybemy rÿireri heka, aõ inatyhy aõkõ. ¹⁴Sohoji aõmydÿÿnanamy tahe akoreny arelyyke, inatyhy rare. Retyhynywãhare heka aõbo Jesuisi riernanymyhyremy. Tiiboho watyhydÿÿna rininirenyre dohodÿÿna mahãdu iwitxira. Kia hãbu rityhynymyhyre wesele jiarÿ tule Deuxu inytyby retyhynymyhyre. Ibutumy bede ywina tyyriti-ki riritinymy rÿimyhÿremy retyhynywãhare. ¹⁵Iny, òrarudu mahãdu, ityhydÿÿdu mahãdu kedeixixakremy rubu-ribi. Kia retyhynywãhare. ¹⁶Tiu ibutumy õbiti widÿÿmy raruwãhare. Deuxu-txi tule ibutu hãbu rue-ki. ¹⁷Jerusalẽ-ribi rarewãhãu, tiwese beõra rewyre tahe ixyby dõðsede Jerusalẽ-ò aõkõ mahãdu wahidÿÿna wesemy ariwahinykremy xiwena wese Deuxu-ò. ¹⁸Deuxu dohodÿÿna heto-ki watxiwãhã, õbitimy rãire, ibutu bede ywina reywinymy rawãhare. Tahe waxiwenadi waõludu wamy robire. Iny sõwemy weroramy watxiwãhã. Rybe jei jei rarybeõhyre. Tahe Asia bede judeu mahãdu tai rÿimyhÿ. Tiibohole rybe jei jei riwinymyhyreny. ¹⁹Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿreny. ²⁰Aõbo waki teõsamy rahare ywisidÿÿna mahãdu-ko rãireu, tamy rokoholakre. ²¹Sohoji aõmydÿÿnanalemy rarybere teõsamy. Kiamy rarybere: —Retyhynyre rubu ixyby kedexixakre. Tai ywisidÿÿna mahãduko-ki watxiwãhã.

²²Feli bede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-ò: —Lisiu, aõma, soldado dinodu tyhy rehemynyreu, bede rikierydÿÿnanykre. ²³Tahe Paulo rõtena heto wese-ò ratximyhÿreki, riðõsedÿÿnyre. Ta rarybere he soldado dinodu-ò: —Ywimy idi ratximyhÿkemy. Tule rarybere: —Ið ixinamy terina mahãdu iroramy kanakre. Ixinamy uriõnomy tamy kidiwahinykre awityhy roimyhÿkemy.

²⁴Iribi nade Feli tahãwyy-wana Drusila. Ihãwyy heka judeu mahãduõ rare. Riteõnyre Paulo-ò tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÿÿnamy. Tii õbiti-di iny rõtõtinkemy tule ywisidÿÿna txumy Deuxu kanakremy ritÿnynyre. ²⁵Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikreu, ixyby adee ararãriõwykre. ²⁶Tule Feli ijõ nieru Paulo-ribi ritakemy ratxireri, tai rarariõwyre ijõtxu ijõtxu tii-wana rarybekremy. ²⁷Inatxi beõramy bede idi rÿire. Iwitxira bede dinodu ralore Feli derõwy. Porsiu Festu inire. Feli tahe judeu mahãdu tuure tamyreny aõõ riwinykemy ratxireri tahe Paulo ririre rõtenuwo-ki.

25 ¹Cesaria hãwã-ki bede dinodu tÿmyraõ ronyre. Festu inire. Inataõ txu-di tahe iribi rõtõnyre Jerusalẽ-ò rakemy. ²Tahe xiwe dinoduõ,

judeu mahâdu dinoduõ tamy rarybere Paulo aomydÿÿnanamy. ³Tamy rexi-tôenyre Paulo-di wylemy kanakremy. Kiamy heka rexinohôtidÿÿnyre ryro-wetya-ki rirubunynrenykremy. ⁴Aôkôre, Paulo ratxirekre Sesaria-ki, Festu rarybere, jiarÿ tahe aròðsekre ele elemy kowa-ð. Kaiboho adinodu mahâdu wadi roikre kowa-ð. Rokoholarenynkremy ywisidÿÿna-ð. ⁵Tule kaiboho aory-bedikeyi, Paulomy, kowa-ð rarybekremy.

⁶Iribi tahe debòwið txu òsÿny txu idi rÿidi tahe ixyby Festu dòðsede Cesaria-ð. Irootxu tahe Paulo ywisidÿÿna ròhònyre. Tahe Paulo ridykemy riteònyre ywisidÿÿna butuna-ð. ⁷Tahe judeu ywisidÿÿna mahâdu heka sòwemy tuu aòbina binahakÿmy Paulomy rarybemyhÿre, Jerusalê-ribi rehemynyre. Aô inatyhymy aôkô. ⁸Paulo tahe rextixiònyre: —Jiarÿ kÿny kia-di aôkô watxiwâhâre. Tii rarybere: —Tiu heka judeu mahâdu bede ywina ratyre aôna aônamy ratÿÿkôre. Tiu heka Deuxu dohodÿÿna hetomy rewinyôwâhâre, tiu Roma dinodu bede ywina ratyre aôhe ratÿÿnyôwâhâre. ⁹Idi tahe Festu rÿÿraxire Paulo-ð: —Kawexe texiywinymy atxiteri Jerusalê-ð makremy. Kowa ywisidÿÿna ariwinykemy adee roholakremy. Kiamy Festu rarybere aôwiwihikÿmy riwinykemy ratxireri judeu mahâdu dee. ¹⁰Tahe Paulo rirawyònyre: —Aôkôre, arakre he Iòlò tyhyòhòkÿle arehemynykre. Tii wadee roholakre. —Jiarÿ dori ixiywinyhÿy tamy arakre. Kai teeryte jiarÿ aôkô tudÿÿduramy. ¹¹Aôma aôbo waki binamy relera-wana heka arurukre. Aôkôkeyi tahe aôbo awihykyle rewinyre-wana heka timy inihe warubudÿÿômy. Iòlò tyhyle wadee roholakemy he ixide rahòtynreri. ¹²Festu tawiòhedÿÿdu-ð rarybere. Idi ta dirawyònyde: —Awire, Iòlò tyhy-ð atxiteri urenana kÿnyhe aôwaxiny makre.

¹³Iribi tahe aôutxumy tahe Iòlò Agripa dehemynyde, Benise tariòrese-wana. Festu roramy rarer. ¹⁴Tahe tii-wana rarybemyhÿre aôutxu, Festu-wana. Idi tahe Paulo aomydÿÿnanamy Iòlò-ð rarybere: —Ròtenawoluduõ roireri ròtenawo-ki. Tai he Feli ririre jiarÿ iaomydÿÿnana arierykremy. ¹⁵Aôma Jerusalê-ki watxiwâhâu, dohodÿÿna wedu mahâduõ wadee heka rarybere: —Tii arirubunykemy heka wadee rityhenymyhyre. Judeu mahâdu matuariõ tule kia rarybere. ¹⁶Tahe tamy jiarÿ rarybere: —Aôkôre, aôma Roma mahâdu kia bede ywina dori tuu aôkô roimyhÿre. Juhu heka rakre ywisidÿÿna-ð tahe relykre heka iximy, taðludu mahâduko-ki. ¹⁷Kaò juhu ditehemynydenydeu, tamy rarybere. Ijô txu he reyruubunyre ywisidÿÿna-ð roholakremy tahe Paulo ridykemy aditeònyde. ¹⁸Tahe aomybo tamy rarybere heka, iwese rahòtynyre wese aôkô tii riwinyre. ¹⁹Aôbo ityhynareki heka tuheka rÿire. Inyô heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Riròtenymyhyre. ²⁰Tai tahe tiemy rahòtynyre: Tamy taheka aôhe arotÿÿnykre ka aomydÿÿnana-di. Paulo-ð retÿÿraxire aôma Jerusalê-ð aôbo rakemy ywisidÿÿna-ð. ²¹Tahe Paulo rarybere: —Iòlòðle rakremy aôbo. Tii wamy roholakeki, teòdu waòrysmy ariraokre. Tai tahe ròtena-ð ixybyle rerutyre. ²²Tahe Iòlò Agripa rarybere: —Jiarÿ aroholakre inihe kia hàbumy. Tahe Festu dirawyònyde: —Biurasòmy tamy bodoholakre.

²³Idi tahe itxu biòwamy dehemynyde, Iòlò, Benise-wana, ywisidÿÿna heto-ð. Ibutumy he iny ralore, soldado wedu mahâdu, iny ityhymy rÿira mahâdu, ibutumy raloralore. Tai tahe Festu Paulo didyde. Tahe rarybere: ²⁴—Iòlò Agripa, ibutumy ka wadee ijohonadu-wana, ka hàbu heka ibutumy

iny he irubudÿÿmy he idi rÿireri, judeu mahädu kaki tule Jerusalë mahädu. ²⁵Jiarÿ rahötinyreri aõ heka riwinyõhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri. ²⁶Aõbo tamy ariritinykre. Aõ heka waritidÿÿkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykre. ²⁷Timy kÿny wateòdÿÿkõna uritere òhynaòhòkÿle iòlòtyhy-ò ariteònyòtyhy.

26 ¹Take Agripa Paulo-ò rarybere: —Aõwaxiny belyykre aijjymy. Paulo he tebò riukore he rarybekremy.

²Wadeysamy he watxireri, iòlò Agripa. Jiarÿ dori iximy arelyykre ako. ³Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. ⁴Tiiemy uladule aratyritinyde aõma judeu òbitina-di. ⁵Judeu mahädu kia rieryre. Txu rexidelenyre juhu judeu mahäduy-ki, idi tahe Jerusalë-ki ratyritinyre. Jiarÿ fariseu mahäduò òbiti jiarÿ rare. ⁶Kia rybe òraru-ki wiji ywisidÿÿna-ki räire. Jiarÿ dori retyhynywähäre aõbo Deuxu inytyby-ò rarybere. ⁷Jiarÿ Deuxu rybe òlòna reraòwähäre. Tule judeu ijoi riraòmyhÿre, waðinatxi reurò ijoi mahädu. Tii boho Deuxumy reälämy raremyhÿ, rummy, txummy. iòlò Agripa, kia raròsòna òraru-ki judeu mahädu wadee aõbina binamy rarybemyhÿre. ⁸Rubu-ribi ixixana jiarÿ retyhynymy hÿre. Araÿraxikre iòlò. Kia aõbohe wadeòsana raremy kaiboho tahòtinytenytere. Deuxu heka ixby iny kidiòkesedÿÿnykre taumy tue-deòna-ò. ⁹Jiarÿ heka juhuu awimy heka aõbina binahakÿ widÿÿ dee rahòtinyre, Jesuisi Nazare hāwā ludu dee. ¹⁰Sõwemy ityhydÿÿdu mahädu reròteny re ròtenawo-ò Jerusalë-ki. Dohodÿÿna heto wedu rewawiòhenanyre tyiriti riwahinyreki. Kia irubudÿÿmy wi risÿnyrenyreu, jiarÿ rarybere: —Awire heka birubunybenyke. ¹¹Jiarÿ heka ityhydÿÿdu mahädu aõhòkÿmy rotÿÿnykemy wi resÿnyre bede bede-ki. Aõbinabinahākÿlemy ityhydÿÿdu rerybedÿÿnywähäre. Jiarÿ aõnime reburemy rawähäre. Resÿbinanyre tahe tii rahenyre irehetyhytyhy-ò iwitxira hāwā-ò. ¹²Rare heka Damas hāwā-ò ityhydÿÿdu òrysomy. Jiarÿ tyritidi rare, dohodÿÿna wedu ritina-di. Tule ibede ywina-di rare. ¹³Take Damas iòhòmy rareu, loosònaò diwatoosònyde, txu loosòna ratyre ihÿre. ¹⁴Jiarÿboho rejuxunyrenyre tahe raholare rybeò-ò judeu mahädu rybe-di rarybereri: —Salu, Salu, aõhereki wexe aõbina binahakÿ tadiwinymahäte wadee wimy aõkò. Aõbina binahakÿle ixidee tadiwinymy hÿte. ¹⁵Jiarÿ rarybere: —Mowe, Wanyrÿ tate. Take dirawyònyde: —Jiarÿ wa, Jesuisi rare. Wadi aõbina bina tewisÿnyte. ¹⁶Katahe myikre. Adee rehemyreri, aratara ixidee, wadeòdumy mabekremy. Warybeduò mabekre. Ibutumy wamy belyymy mabekre aõhebo adee wiji rotÿÿnyreri. Iribi tasÿ ixityre adee adehemynykre. Tule kia-di marybekre. ¹⁷Ibutumy asÿ-wana arayrubunykre. Tai ta judeu mahädu-ò arateònykre watxireri, judeu mahädu-ò tule. ¹⁸Iwese iny ruetà-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykre. Biòbitinykre tamyreny òrarudu roire aõma ixi-txi tòhòti reakremy loosòna-ki rariakremy, Satanasi bedelohokÿ-ki aõkò, kia ryki aõkò rariakremy. Deuxu uri bede ywina rimymy hÿkre ixidee. Ibutu bede bedemy rÿira wajioimykre. Tyramy taòraru-ribi rÿira, ritamy rÿira, riwatyhynymy rÿira. ¹⁹⁻²⁰Tai, iòlò Agripa, iwese warasina-ki riwateònyre wese, retyhynyhyre. Juhuu Damas hāwā-ki

jiarÿ röhäletere, iribi Jerusalë-ò, tule Judeia bedeki, ibutu judeuködu mahädu-ò röhäletere. Tamy rarybere taðraru ririkemy Deuxu dee ködòðsekemy. Ixi-txi töhöti reakremy inatyhymy aõna aõna wiwihikÿ riwinykemy Deuxu dee. ²¹ Tai judeu mahädu riwamyre Deuxu dohodÿÿna heto-ki, warubudÿÿmy röhötinyre. ²² Deuxu tahe wawiohedÿÿdu ratximyhÿre. Tai he räire wiji ibutu-ò ararybekemy watxiwähäre, aõma aõbo Deuxu rybedu mahädu iwese Moisesi rarybere wese tamyreny rarybewähäre kia ibutumy kanakremy. Kia sohojilemy rarybewähäre. ²³ Juhutyhy rarybere: —Kristu, rurukremy iribi tahe kedexiakremy rybe loosòna kidiwykremy judeu mahädu-ò, tule judeuködu mahädu-ò.

²⁴ Tahe Paulo iximy rarybereu, Festu rryre: —Paulo, kai wa itxÿtere. Aõnityhymy tatyritinymahäte. Tai arayky tebinanyta. ²⁵ Tahe Paulo rirawÿnyre: —Aõköre wa, wanyrÿ Festu, bededinodu tyhy. Jiarÿ itxÿte aõköre. Inatyhyrybemy rarybewähäre. Warybe awi heka rare. ²⁶ Tule Iòlò Agripa riryre ibutumy tuu tamy rarybere. Aõ wasina aõkö rarybere. Iòlò Agripa. ²⁷ Aõbo Deuxu rybedu mahädu riritinyre aõbo, kai tetyhynymahäte. Reeryre jiarÿ, kai tetyhynymahäte. ²⁸ Tahe Agripa riixawididÿÿnyre ryberibi: —Kai, aõbo, Paulo, aõwesele ityhydÿÿdumy aronykemy wadi tahötinyte, wadee tarybeteki. ²⁹ Paulo rirawÿnyre: —Kohe, wadee awire, kai tulekemy. Ibutumy kaki wawesekemy adi rahötinyre. Kai tule warybe sówemy aõbo ada aõköre aõbo Deuxu bityhynybenykemy watxiwähäre tule wajihonana-wana. Aõna sohojidile taanamy aõkö watxireri, wawomati reroti-di taanamy atxiteri.

³⁰ Idi tahe bedeki dinodu, iòlò, Benise, ibutumy he rÿire ròirenyre. ³¹ Widee reny wiwesele röhötinyreny. Ka häbu timyhe rubudÿÿona he ròtena-ki irutysyõna he, tii dori aõhe rotÿÿnyötyhy aõna aõnamy. ³² Tahe Agripa Festu-ò rarybere: —Rikiteònyrenyke idi watxireri, tahe tii inihe iòlòtyhyle rarybekemy ixidi ratxireri. Tai kÿnyhe, txioinihe, aõköre.

27 ¹ Tahe rexiywinymy rexihurenymy Italia bedeki, Roma hāwā-ò aroi-renykremy hāwō-di. Tahe ròtenayrubudÿÿduo tii-wana rakre, irubudÿÿdu renymy. Julio inire. Tii iòlò yrubudÿÿdu mahädu dinoduò rare. Ridyreny Paulo ròtena woludu mahädu-wana. Jiarÿ, Luka tule ihemy rare. ² Tahe rerònyre yhywydyna lawò-ò. Adrÿmitxiludu tahe kia lawò rare. Tule häbuò wawana rare. Aristarku inire. Tii Macedonia bedeki luduò rare. Tesalonia ihāwā rare. Tahe hāwō rexihynyreny addikemy Asia bedeki. Tahe ròirenyre. Ijòtxu biòwa Sidoma beàbeà-ò rehemynyre. ³ Paulo taery mahädu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywywinymy idi ratxirerimyhÿre. Julio Paulo riteònyre titxibo rakelemy. Paulo ery mahädu aõna aõna tamy riwahinyre. ⁴⁻⁵ Tahe iribi ròhònyreny. Xibri bedebute roosibymy ralore yhy dori tiribi tiribi reamyhÿreki. Tahe iribi riòlònyre. Tahe Silisia bedeki-ribi riòlònyre, tule Panfilia bedeki-ribi ijò bedeki-ò reronyre. Tahe Miha hāwā-ò ritehemynyre Lisia bedeki. ⁶ Tai soldado dinodu hāwō nihikÿ riijemyhÿu, ihe-ki roikemy, tahe ijò-ki rahare Alexÿdria luduò-ò. Hāwō tahe rexiywinymyhÿre rakremy Italia bedeki. Tahe wadeereny rarybere: —Borukubenyke yhywydyna lawòro-ò. Tahe ixityre roirenyre. ⁷ Sówemy heka txuu wadireny rÿire. Urihimyòle rexihejiwähäreny. Isirare heka Kinidu hāwā-ò dehemyny. Ihärele tahe rethemynyre Samona hāwā mynatyhye raròreny. Iribi

Kreta bedebute roosibymy ralore yhydori tiribi tiribi reamyhÿreki. ⁸ Tahe ywimy suò iòlò iòlò adoìwāhādenyde ihyy tahe retehemynre Rywihikÿmy ninadu-ò. Kia heka Laseia hāwā-ribi iòhòre.

⁹ Sōwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhònyre. Tai tahe bededÿÿnana ibutumy roimyhÿre. Tai brebunamy bede roimyhÿre. ¹⁰ Paulo tahe tamyreny rarybere: —Wanyrÿboho, ka tÿina isiratyhykre inyydeereny. Inynonanareny iòhāsure aōna aōna ibutumy inyiribireny ituekre, hāwò rabohokre ada ijò aōbo rikururenkyre. ¹¹ Tahe soldado dinodu Paulo rybe rityhynyòhyre. Yhylawò wedu tòruludu-wana tii rityhynyre. ¹² Yhylawò wedu, tòruludu-wana iwitxiramy ròhòtinymyhÿre, beòra tai riekòkemy beà dori ibinareki. Ijò tule tahe roirenykemy ixide ihÿrenyrehemynykemy Fenisia beà-ò. Kia heka Kreta bedebute beàò rare. Biuweribitya-txi ròròmyhÿre, tai awire kia beà, beòra bede riwykemy. ¹³ Ijò rarybere: —Rikoiirenyke, yhy dori rebonyreri, tamy rekehemyrenyrenkyre. Tahe womatisana riukore. Roirenyre yhy-di. Tahe iòhòmy Kreta bedebute rotÿÿnyra. ¹⁴ Aōwesele heka yhy nihikÿ dehemynyde bedebrò-ribi. Kia yhy nihikÿ iraro bedebrò ludu inire. ¹⁵ Ka yhy nihikÿ taruru-di riwyre hāwò nihikÿ. Juhu yhyonana weribi-ò riwisÿnyre. Idi iwo rexieryre ixinamy riwyre yhyòkesena-ò. ¹⁶ Tahe rehemyhÿre Lauda bedebute-ò iroosibymy tahe ralore. Tai hāwò nihikÿwo-ki hāwòriòre riwyre. ¹⁷ Idi tahe ròhòtinyre hāwò nihikÿ rabòhòke-txi roholarenyre, tai tahe ritaarenyre iwetya-txi. Tahe ruberurenyre, Libiamy ninadu beòlau, tahe welòhòkÿ ritare iribi rexitarenkyre. ¹⁸ Ijòtxu roirenyre yhynihikÿ tamy realemy iu, tai tahe aōna aōna-di rehure ibutemy rawetarikemy. ¹⁹ Tasÿ txuò idireny reare. Idi rehurenyre aōmybo rekoakòmyhÿrenyredi rawetarityhykemy. ²⁰ Txu sōwemy rewurenyre txumy, tainamy ribi renyòhyre. Yhynihikÿ reamyhÿ. Tai sōwemy ruberumy rÿimyhÿ rubu lau. ²¹ Sōwemy heka bededÿÿnana riwyre roxiòhy. Tahe Paulo iyreny-ki rÿire, tahe tamyreny rarybere: —Wanyrÿboho, warybe-ò taholaòhytyente Kreta-ribi ròhònyrenyre. Aratohonyrenyre iribi inyboho kodoikòkemy. Boholabenybe-wana ta inihe aōna itueòhyre. ²² Ihārele tahe deysana-di adeereny ararybekre. Inyò ruuòtyhy, hāwò nihikÿ sohojile rabohokre. ²³ Jiarÿ dori Deuxu deòdu rare. Kaurumy dori Deuxu ÿju wadee nade. ²⁴ Tahe rarybere: —Paulo, brebuòmy. Kai iòlòko-ò makre. Deuxu dori ruxetòena kidiwahinykre. Tiu heka aruburenyoāna aijoi-wana. ²⁵ Tahe wanyrÿboho, brebuòmyreny. Jiarÿ dori Deuxu retyhynyre, iwese wadee rarybere wese, rarekre. ²⁶ Urile tahe inyboho kiditehemynydenykre bedebuteò-ò. Kia tahe Paulo rarybere.

²⁷ Waòinaubiòwa rummy beronihikÿ tya-ki bede rijemy roiremyhÿ. Adria beronihikÿ-ki roirenyreu, tahe rutya-txi hāwò nihikÿ aōna hydÿÿdu su iòhòmy roholarenyre. ²⁸ Tahe beò urihixina-di riurihire, wawiò dera urihixinamy beò riurihire. Idi iko-txi ixityre riurihire tai waiyre dera urihixinamy rimyre. ²⁹ Tahe rahòtinynyre manale tai roimyhÿremy. Tai tahe manatisana-di inaubiòwa lòru ludu-ribi rehurenyre. Iribi rexitòenyre wylemy txuu kanatÿnykemy. ³⁰ Hāwò aōna hydÿÿdu mahādu hāwò riòre riwesere bera-ò. Idi risÿnyre ijò manatisana ritidikremy hāwò jura-ribi. Urile tahe rahenykremy ròhòtinyre. ³¹ Paulo tahe rierymyhÿ tahe soldado wedu-ò rarybere: —Soldado mahādu tule roholare: ³² —Hāwò aōnahydÿÿdu mahādu hāwò nihi-kÿkÿro-ki rariòrenykeki, kaiboho atuerenyke. Tai tahe soldado hāwò riòre

reroti riàrore tahe resere bera-txi rahenyre. ³³Txuu iòhòmy natÿnyde, tahe Paulo tamy rarybere: —Wiji waò inaubiòwa txumy kaiboho teraòtenyete taby-retenyòhy. ³⁴Ijò birÿsÿbenyke, arurureny rexiòlònykemy, kaibohoò dori burubenyòtyhy. Aradeti sohojiò tiu iòòtyhy. ³⁵Rarybemy rahudi tahe, paò sohoji Paulo rimyre. Ibutura-ò Deuxumy reàlàre. Idi tahe paò riorore, riyre. ³⁶Ijò reny reysarenyre, taita tule riyrenyre. ³⁷Tahe 276 iny hāworo-ki roi-renyre. ³⁸Tahe ibutumy iwo rihyrenyre tahe maixòmo wesena-di rehurenyre hāwò nihikÿ rawetarinykemy. ³⁹Bede ratÿnyreu, inyò rieryòhyyre titxiribibo nade. Tuu robirenyre iworywo-ki ÿnyra tai roimyhÿremy tahe inyò rieryò-lemyhÿre. Widee raryberenyre: —Rikirònyrenyke hāwò-di iwo-txi. ⁴⁰⁻⁴¹Tahe manatisana riukòrenyre tahe welò riderenyra hāwojura-ò iraròsòna riesere. Tahe ritelenyre ralòkemy. Urile esetere tiò tiòle hāwò ridymhÿ beò òhòkÿle idi rehure rorokòòhòkÿle, rimyre taile òbò hāwòlòru ribohonyre. ⁴²Soldado mahādu rōhòtinyre ròtena mahādu rahenyketxi. Tai rirubunykemy rōhòtinyre bedè-ò robunyke lau. ⁴³Soldado wedu tahe Paulo ritòenyre rubu lau, tai tahe riteònyre rirubunyòhyyre: —Tibo alobueryre, juhuu suò rakemy, soldado wedu kia rarybere. ⁴⁴Tibo alobueryòke tahe òwòru àre hāwò-ribi rimymy idi rakre. Kiamy heka ibutumy retehemynyre su-ò, inyò ruruòhyyre.

28 ¹Tai tahe taisÿdu mahādu-txi rekoare. Tii bedebutenimy inydee relyyre. Malta heka inire. ²Biu riwasebenyrenyre yhyjutyty riwasarenyre. Tai tahe tiiboho heòty riworonyrenyre wahetònarenymy. Tiiboho riwawisinanyrenyre awimy wadireny roiremyhÿ. ³Paulo hee ributunyre heòtyworonamy. Idi rehureu, hemylala he wo-ribi heòty lau rōhònyre, tai ruruare Paulo debò-ki. ⁴Tusÿdu mahādu tuu robire tahe rarybere: —Ka hābu rubudÿÿdu òsÿny rare. Tii heka ruruòre bera-ò, ka tahe kidiòwynyke inyò òsÿny rirubunyreki wahe, rurukre heka. ⁵Paulo tahe hemylala tebò-ribi riatorye heòtyru-txi. Ta aòhòkÿmy rotÿŶnyòhyyre. ⁶Tahe imahādu idi retehemy rÿimyhÿ tarubulemy resekeò, ada tebò ratarinybohokeò aòbo. Sòwemy riraòre, aòhebo rotÿŶnyke, tahe aòkòhyyre. Tai tahe iwitxiramy rōhòtinyrenyre: —Tii deuxuòle òsÿny ratxireri. Tiiboho raryberenyre kia.

⁷⁻⁸Hetoò tai iòhòmy rÿire, Publio iwedure. Tii heka ityhy rare iwedu rare kabedebute-ki, tii bedètiidÿÿna rare. Tai taheto-ò riwadyrenyre. Awihiyyle wadireny raremyhÿ. Publio tyby tahe rubunamy rurumyhÿ. Busu-di ratximyhÿ. Tai tahe Paulo iroramy rare. Tebò ityre ritidire, rexitòenyre, tahe riteytenyre. ⁹Tai tahe ibutumy bedebute ludu webinadu Paulo dee wii rotyre. Ibutumy reyterenyre. ¹⁰Tai tahe uriiòno inydeereny riwahinyre aòna aòna. Sòwemy rÿsÿna hāworo-ò rahyre inydeereny. Kia hāwò beòra bede kia beà-ki riwyre.

¹¹Txuòkuro hāwò ni rare. Kia ni ihiju rare. Ideuxu ritxoo inatxi rare. Hāwò Alexÿdria hāwā ludu rare. Tahe rahònyrenyre. Inataò ahādumy bede wadireny rÿidi. ¹²Sirausa hāwā-ò retehemynyre. Tai tahe inataò txumy wadireny rÿire. ¹³Iribi tahe Rejio hāwāmy rekoarenyre. Ijòtxu tahe Pozuli-ò reòlònyre. Inatxi txu-di retehemynyre yhy ibòò-ribi debonydeki. ¹⁴Tai seriòreò ratximyhÿ. Tiiboho rexitòenyrenyre tii-wana ratxikemy debòinatxi reurò txumy. Kiamy heka Roma hāwā-ò roirenyre. ¹⁵Roma ityhydÿÿdu mahādu roholare jiarÿboho retehemynyrerimy. Tai tahe doidenyde Apio hāwā ube-ò. Tule aò-di ijohona Heto Inataò hāwā-ò doidenyde. Paulo tiiboho robireu, Deuxu reàlàmyhÿ, reysamyhÿre.

¹⁶ Tahe Roma hãwã-ki Paulo ixideewimy rasŷnyre. Urile soldadoõ aõu aõu tii-wana ratximyhŷ.

¹⁷ Inataõ txumy bedede idi rŷidi, Paulo ributunyre judeu mahãdu dinodu. Wii ributunyreu, tamyreny rarybere: —Wanyrŷboho, waseriðreboho, jiarŷ aõ rewinykõre waijoi Judeu mahãdu dee. Tule lahirybe õnosõna ratyre aõ rewinyõhyre. Ihãre judeu dinodu riwamyre. Tahe diwahinyde Roma dinodu mahãdu-õ. ¹⁸ Tiiboho heka riwatŷŷraxinyre ibutumy. aõ heka waki ibinamy rahaõhyre. Tai tahe riwateõnyrenkemy ratxirenryeri. ¹⁹ Waijoi tahe Judeu ijoi heka waðludureri. Tai tahe Iðlò-ð jiarŷ rarybere arakemy. Aõ dori waijoi dee waðraruõre. ²⁰ Tai heka arabutunyreny, warybe-ð bohola benykemy, wadi retehekemy womati reroti-di riwataataara. Judeu mahãdu raròsõna òraru-ki kawesemy watxireri. ²¹ Tahe judeu dinodu mahãdu rirawyõnyre: —Aõkõre, inyõ rehemynyõre Judeia bedede-ribi. Ijyybinamy umy relyyõre. Inyeleriõre mahãduõ kaõ dehemynyõde. ²² Aroholarenkemy timybo tahõtinyinmahãte-ð. Ityhydŷŷdu mahãdumy dori ibutumy aõbinahakŷlemy rarybereri. Kia judeu mahãdu dinodu raryberenye.

²³ Tahe riywinyre itxu Paulo rybe-ð ijohonamy. Idi tahe Paulo heto-ð sõwemy iny doidenyde tamy roholakemy. Tii Deuxu ijyy ritŷnyreny rudiu rexidelenyre, txioromy rexihure Moisesi Tyriti ritŷnyreny tule ijõ rybedu Tyriti-di ritŷnyreny, iwese Jesuisi Iðlõtyhy kanatxikre wese kabede-ki. Kia Jesuisi aõmydŷŷnanamy ritŷnyreny. ²⁴ Ijõ roholare aõmybo Paulo rarybereð, Jesuisi rityhynyreny. Ijõ tahe aõkõre, rityhynyõre. ²⁵ Ijõ teramy reare. Rŷire, ròhònykremy. Tahe Paulo tamyreny rarybere: —Deuxu Tytybytyhy booreny dee rarybere Isaia tyriti-ki. Awimy rare. Kawese roire:

²⁶⁻²⁷ —Makre tamy marybekre: —Boholabenyke, ta tiu aerysyrenyõna.

Betehekere arue-di, ihãre tahe aerysyrenyõna. Iruereny, iraykyreny, tòhõtireny ritòbònymahãreny. Tai tiu tiiboho robirenyõtyhy, rieryenyõtyhy, roholarennyõtyhy. Tai diwatyhynyõhyymyhŷde. Tai heka iòraru-ribi ariteytenyõkre.

²⁸ Bierymy boibeke Deuxu tarasana judeukõdu mahãdu-õ rare. Tiiboho dori roholarenkyre. ²⁹ Paulo tarybe rahudi tahe, judeu mahãdu ròhònyrenymy sõwemy wídee rarybemyhŷreny.

³⁰ Roma hãwã-ki Paulo rasŷnyre inatxi beðramy tahetohuðtenawo-ki. Ibutumy heka dŷŷraximy iheto-ð rehemynyrenyreu, Paulo ridyre tamy rarybekremy. ³¹ Deuxu Iðlònamy Paulo iruru-di relyhyymyhŷre. Inynyry Jesuisi Kristu aõna aõnamy rierynanymyhŷre. Tiu inyõ aõhòkŷmy risŷnyõmyhŷre Paulo rybe xãwikemy.

Roma

Paulo Ryberiti Roma mahādu-ò

1 ¹Paulo jiar̄ rare, tyyritiwiḍȳḍure wahe. Jiar̄ heka Jesuisi Kristu deòdu rare. Tii riwatare rybe t̄nydȳḍummy ararekremy. Deuxu Rybewihik̄ wahidȳḍummy ararekremy. ²Juhuu dori Deuxu rarybere Rybewihik̄ riwahinykemy. Deuxu rybedu mahādu kia rybe riritinyre, Ritidȳḍnatyhy-ki. ³Kiamy heka Deuxu Riòre rybe tyhydȳḍummy rarybere, Davi riòre riòkòreò wahe. ⁴Deuxu Jesuisi Kristu rubu-ribi riixixadȳḍumy, tariòremy tahe riteò-sinyre rurunatyhy-di. Jesuisi tahe inatyhymy Inynyr̄ ih̄ȳre. ⁵Tii ruxetòena inyeereny riwahinyre. Irybe òraru-ki, jiar̄bohò aròirenykemy watxireri. Ityhyna arit̄nynykemy judeukòdu mahādu-ò, tai tiibohò rityhynyrenykremy. ⁶Kaibohò tule judeukòdu mahādu atxitenyteri. Tahe Deuxu ityhydȳḍumy mahādu atxitenyteri, Jesuisi Kristu ijoimy r̄yirakemy adeereny rarybereki. ⁷Ibutumy adeereny warybe rewahinyre, Kia Deuxu taijoimy remyremy mahādu wahe. Ruxetòena, ywina-wana adeereny-ò kanakemy watxireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸Umyreny Deuxu-ò reàlāmāhāre, atyhynareny-ò iny ibutumy roholamyh̄ȳreki. ⁹Deuxu-ò rexitòenymāhāreu, anirenymy rarybehymy watxiwāhāre. Kia heka Deuxu rieryre, waworibityhy tahe jiar̄ Deuxu deòdumy rare. Iriòre Rybewihik̄-di wahe. ¹⁰Jiar̄ rexitòenyhy watxiwāhāre arorarenymy arakemy Deuxudeewikeki. ¹¹Umyreny arobikemy watxireri, tai adeereny arelyykemy aōmydȳḍumy wihik̄ȳ Deuxu Tyytybytyhy. Tule kaibohò wadee tuu belybyenykre. Tai tahe atyhynareny-ki ityhymy relekre. ¹²Jiar̄ arawiòhenanykemy watxireri, tule kai biwawiòhenanykemy watxireri. Tai rikexideysanytyhykemy inatyhyna-ò. ¹³Sōwemy heka arahyykemy watxiwāhāre arorarenymy. Iribi nohōti losaōmy tahe wadi rarurunymyhyre aōbo, riwateònyōhymyhyre heka. Jiar̄ Deuxu dee waaōmysydȳḍumy awikemy watxireri ayreny-ki. Tai kaibohò ako-ò boikemy wadee awire, iwese ij̄j̄ judeukòdu mahāduko-ò ararybekremy watxireri wese. ¹⁴⁻¹⁵Tuheka ibutu iny-ò ararybekremy watxireri, hāwā witxira witxira mahādu-ò, tule. Iny mahādu-ò aōkōre mahādu-ò tule. Tuu ariwinykre ibutumy iny-ò, iny bedeeryrenyō mahādu-ò tule. Adeereny tule Rybewihik̄my arelyykemy watxireri Roma hāwā ludu mahādu-ò.

¹⁶Jiar̄ dori Kristu Rybewihik̄-ki araix̄yruōtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahādu-ò juhūu nade tai tahe iuhe-ò judeukòdu mahādu-ò. ¹⁷Deuxu òbitina rat̄nynymy

namyhÿde Rybewihikÿwo-ribi. Tyhyna-di ritelenyre tule tyhyna-di ihÿmyhÿre. Inyò tyhyna-di òbitimy rÿikeki, tii ruruòtyhy, idi awimy rareki.

¹⁸Deuxu yarana biu-ribi namyhÿde ibutu òraruna hudunamy. Iwidÿÿdu hudunamy. Bina widÿÿdu dori inatyhyna ribinanymyhÿre, raruinymyhÿre Deuxu rybe ribynymyhÿre? ¹⁹Deuxu eryna ibutумы iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhyymyhÿre. Tai Deuxu aòhòkÿmy risÿnynmyhÿrenyre. ²⁰Juhuhukÿle heka Deuxu aòmydÿÿnanamy iny robimyhÿre idi tii tyhynamy tule rierymyhÿre itÿnyhÿkÿlemy, irurunahyy wahe. Aòu aòu kia ibutумы iny rierymyhÿre, Deuxu widÿÿnamy iny robireki wahe. Tai tiu iny ixitxiòdÿÿna. ²¹Rieryrenyre tii Deuxumy raremy. Tahe rexiwowydynyòhyre timybo iny Deuxu dee rexiwowydynymyhÿkemy wahe. Tamy àlànatyhy riwahinyòhyymyhÿre. Idi ròhòtynymyhÿrenyre Deuxu irayky ròhòtynymyhÿre wesemy idi ròhòtynymyhÿre. Irayky tahe reòsamy ratximahàre. ²²Tiibohole bedeerytyhymy ixidi ròhòtynrenyra. Tahe itxÿtele roire. ²³Deuxu rubutere rityhynykenawi tahe tiiboho heka ritxoo deuxuò ireije riwinymyhÿrenyre tatyhydÿÿnamy. Ibinamy heka mywese riwinymyhÿre, nawii wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhÿrenyre.

²⁴Deuxu heka òraruna-ò riwahinyrenyre, itxÿtenareny òraru-ki. Iny òta òtadu mahàdu heka wiwanale aòða ixÿruna riwinymyhÿrenyre. ²⁵Deuxu inatyhyna dori tiiboho riwiurònyra ruina-ò. Ritxoo dee rexitòdenrenyre, aòbo Deuxu riwinyre, kia. Deuxule iny reàlàkòmyta ratximyhÿrenyre.

²⁶Deuxutyhy tahe rityhynyòhyre, Deuxu ibutu widÿÿdu tiu riteàlànymy rakanananyòtyhy. Kia òraru-ki òtaòtana nade. Hāwyy, hābu-wana aòkò roimyhÿre wideele heka aòhebo rotÿÿnynmyhÿre. Kia heka òbiti aòkò rare. ²⁷Tule hābu, hāwyy-wana aòkò ròimyhÿre, wiwanale aòhebo rotÿÿnynmyhÿre. Òbiti aòkò heka kia rare. Riwyrenykre kia òraru òwydÿÿna, aòhòkÿmy dÿÿnana wahe. Iny sohoji sohoji taaòbina ixÿruna òraru-ki ixidee rimykre.

²⁸Tòhòti heka Deuxu-txi reaòhyymyhÿre. Tai tahe timybo ixideewimy riwinyrenykemy roirenyre Deuxu-ribi. Tahe riwinyrenyre ibutумы aòbina binahakÿle. ²⁹Aòimy aòko ratximyhÿre aòbina bina-di roiremyhÿ: òtaòtana-di, aòbina binahakÿ-di, aòikòkò-di, rarekemy ixidee ririmyhÿre, teramy heka rÿira. Ihāru-di rÿira iny rubudÿÿmy dori ròhòtynymyhÿre, rarybehymy ratxirerimy ihÿre, ruidu nihikÿ ihÿre, ujòmo-di rÿira. ³⁰Aòbinamy inymy rarybemyhÿre, Deuxu derare, ixiluulerenyre, rexityhynymyhÿre, òraru tÿmyra riwinyrenyre, tyby tadi-wana rityhynyòhyre. ³¹Irybe sohoji aòkò heka rare. Iluunaòre, ibinatyhyre, inydee iruxetòeòre. ³²Deuxu rarybe: inyò kia riwinykeki heka ruruke. Tiiboho kia rieryrenyre. Ihāre tahe aòhebo rotÿÿnyre. Kia sohojile aòkò. Reysarenymyhÿre iny witxira iherenyki aòhe rutÿÿnykreki.

2 ¹Tutyhy-ki aòkòramy rybeòmy. Kai dori tutyhyle òraru tewinymahāòte. Inyò rybemy ywisidÿÿna ijòmy rarybeke-wana ixilemy ywisidÿÿna-ò rexityhenyke. Tii dori kia ibutумы tule riwinymyhÿre ibinamy wahe. ²Inyò kia aòbina binahakÿ riwinymyhÿkeki, Deuxu ywisidÿÿna-ò inatyhynalemy tamy kòdòhònykre. ³Kai tuleke —kiamy biwinykeki, Deuxu ywisidÿÿna-ribi mahenyòtyhy. Kai dori ywisidÿÿdumy texideòsinyte ihāre tahe iòraru wesele tewinymahāte. ⁴Deuxu ruxetòena sòwemy adi rexiruxetòenanymyhÿre.

Kia-di bexirähikemy adi ratxireri, tiemy ywimy aõna aõna bina riemyhÿre ratximyhÿre, awi heka adee rare. Kai aõbohe iribi õhõti rosakre kia heka arabedeõtiidÿÿnymyhÿre. Arabedewodÿÿnymyhÿre idõraru-ki. Kai aõbohe kia teeryõte? ⁵Kai arybedÿÿsaeryõre rybe ijohona teeryõte õhõtiõre. Tai tahe Deuxu yarana ixideele tebutunmahâte. Ijõtxu Deuxu yarana txumykreu. Tai Deuxu ywisidÿÿdu õbiti rexitÿnynomy rÿikre. ⁶Iny sohoji sohoji taaõna aõna myna aõmy rotÿÿnykre, aõhebo rotÿÿnymyhÿreki wahe. ⁷Inyõ aõwidÿÿlemy ratximyhÿre. Tiiboho heka Deuxu wowydyna, Deuxu wohyna, Deuxu loosõna widÿÿmy rarutaamyhÿrenyre. Tule iny rarehykykrena-di rarutaamyhÿrenyre. Imyna Deuxu tamyreny riõkre. ⁸Kia ixidile rõhõtinyinmyhÿre mahädu tahe, Deuxu woxibrunale, yaranale ritakre. Tiiboho dori inatyhyna rityhynyõ-hyymyhÿrenyre, aõ õbitile aõkõ riwinymyhÿrenyre. ⁹Aõhõkÿmydÿÿnana, bedewona kanakre ibutumy aõbina bina widÿÿdu mahädu-õ, judeu mahädu-õ juhuu idi judeukõdu mahädu-õ. ¹⁰Wowydyna, àlana, ywina tahe kanakre aõwiwihikÿ widÿÿdu mahädu-õ judeu mahädu-õ juhu delemy idi judeukõdu mahädu-õ. ¹¹Deuxu-õ heka ibutumy iny wiwese rare. ¹²⁻¹⁶Tii heka aõhõkÿmy risÿnykre ibutumy iny õrarudu mahädu. Moisesi bede ywina ihoõrehärele tii rurukre. Judeukõdu mahädu heka Moisesi bede ywina rybe ijõkõre. Tahe bede ywina iny rieryekeki, idile Deuxu idõruna riywinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, õtÿÿ iraykywokile aõbo ibinare, aõbo õbitire rierymyhÿreki. Deuxu bede ywina wesemy heka iraykywo-ki ratximyhÿre. Iraykywydyna rexinohõtinyinmyhÿre ada dexiõbitidÿÿnymyhÿde, Rybe wimy rarybemyhÿre Jesuisi Kristu heka häbu aõmydÿÿna ritÿnynnykre imyna timy rarekremy. Deuxu dori iteradÿÿdure.

¹⁷Kaiboho, judeu mahädu, texinohõtinytenyta ibutumy awiremy aDeuxureny-wana. Tii adeereny bede ywina rybe riwahinyreki, tii abiõwatyhy rareki. ¹⁸Kai heka aõbo Deuxu-õ awire teeryte. Aõbo ibinare, teeryte. Uladuule ibede ywina rybe teeryte, tai õbitityhyle adeereny awire. ¹⁹Kai Deuxu-õ nonana bitÿnynnye iny ruetà mahädu-õ dori, kia teerytyhytenyteki. Ixi-di tahõtinytenyteki. Iwese, kaiboho loosõna wesemy toitemahä ixi-di tahõtinyteny. ²⁰Tule kia ixi-di tahõtinyinmahâte. Kai bede erydÿÿdukõdu mahädu erydÿÿdumy atxiterimy ixidi tahõtinyinmahâte. Uladu erydÿÿdumy atxiterimy ixi-di tahõtinyinmahâte. Kai bede ywina rybe tyritiõ dire. Kia adee ibutumy inatyhyna rare bedeerydÿÿna. ²¹Kai iny erydÿÿdumy atximahâte. Timyrekiibo kai textierynanyõmahâte. Kai wasimy aõkõ tõerydÿÿnanymyhÿte. Timyrekiibo tawasinmahâte. ²²Kai häwyy õta aõkõ tetÿnynmahâte. Timyrekiibo kai tuu tatÿnynmahâte. Suritxoo dee àlana deramy iximy tarybimahâte. Aõherekiibo erydÿÿ-ribi aõmydÿÿnana tewinymahâte. ²³Kai bede ywina rybe luumy iximy tarybimahâte. Kai Deuxu-di textixiwedenymyhÿte. Ihäre tahe bede ywina rybe tetyhynyõte. Kiawese Deuxu textirudÿÿnymyhÿte. ²⁴Iwese juhuu riritinyre wese wiji roimyhÿre: —Aõraru-ki tahe bedemy iny rÿÿra Deuxumy aõna aõnabinamy rarybemyhÿre. ²⁵Kai bede ywina rybe bityhynykeki, õtyky resynadike, awire judeu mahädu dori rare. Tahe bede ywina rybe bityhynyõkeki, õtykyresyna adee aõ aõkõre. ²⁶⁻²⁷Iwesetyhylemy iny rare tõtyky resynaõ mahädu. Tiiboho bede ywina rybe rityhynykeki, tõtyky resyna-di mahädu wesemy roirekre. Judeukõdu mahädu heka bede ywina

rybe rityhynykeki, kia adee ixýruna rare. Kaiboho dori Deuxu bede ywina rybe tetyhynyôte ôtyky resyna dire hãrele. Bede ywina rybe dire hãrele. ²⁸⁻²⁹Inyô judeu mahâdu wesemy ihýre. Ihãre tahe judeu mahâdu inatyhy aôkô rare. Tôtyky resyna-di judeu mahâdu inatyhy aôkô rýira. Judeu mahâdu inatyhy tawokihyyle kia idi rýira. Iwesele notyky resynadýýna kia rýira. Iny-wokihyyle rare. Aô bede ywina rybekile aôkô tuu rýire inyrayky wydynadile kiae wesemy inyô rýira. Hãbu-ribi wowydynamy ritaôtyhy. Deuxu ribile ritake.

3 ¹Tibohe judeu mahâdu deewinare. Notyy resynale tamywina. Kia aôbo ibuturatyre awire judeu mahâdumy rareki? ²Inatyhy rare, sôwemy, Deuxu dori tamy juhu Ritidýýna riwahinyre. ³Inyô rityhynyôre-wana kia riwiurônôhyymyhyre Deuxu heka ôbiti rare. ⁴Inatyhy urenanamy Deuxu raremyhý. Iny mahâdu tahe roidumy rýiramyhý. Iwese ritina-ki roire wese Deuxumy rarybereri: —Kai arybe ôbitina-di atximahâte urenana wahe. Inyô araurihikeki, kai inatyhyna-di biôlôdýýnykre. ⁵Inyboho ôbiti aôkô roire. Kia tahe Deuxu ôbitina riteôsinyre. Timykibo Deuxu inydee aôhókýmydýýnana riwahinykre. Mobo heka kia ôbitimy aôkô rarybekre. Jiarý hãbu rayky-di wese rarybereri. ⁶Kia ôbiti rare. Kiaweseôkeki timybo Deuxu bede aôhókýmy dýýnana riwahinykre. ⁷⁻⁸Kai tarybete: —Jiarý raruir. Urile kia Deuxu inatyhyna reteôsinyre. Aôherekibo Deuxu aôhókýmy riwasynyre. Kiarybe iwitzira rybewesemy rare: —Ibinamy rakatximyhykeki, awihiký kia-ribi rôhônnykre. Aôkôre, kiamy rybedu mahâdu aôhókýmy dýýnana ritamyhykre. Kia riki wamy rarybere, ruimy wahe.

⁹Aôhe aôbohe, inyboho aôbo inywitzira-ribi awityhyrenyore. Aôkôre. Jiarý reteôsiny mahãre ibutumy judeu mahâdu, judeukôdu mahâdu ibutumy ôrarudu roire. ¹⁰Kiamy Tyyriti-ki roire: —Tiu heka inyô ôbitiôre. ¹¹Inyô heka Deuxu rieryôhyymyhyre. Timy heka riôryôhyymyhyre. ¹²Ibutumy iny rexiônomyhyre Deuxu-ribi wahe. Aômy aôkô tiiboho rexiwinyrenyore. Iny riuheôhyymyhyre aôbo awiré. Sohoji aôkô aôhebo rotýýnyre aôbo awiré. ¹³Ibôtôijô heka rubuwabede iraymy roimyhyre rôwese rare. Tiiboho iny itxenadýýdu rare. Irybe heka hemylalatyhyju wese rare. ¹⁴Aôbina binahakýlemy heka inumy rarybemyhyre. ¹⁵Iti heka teyrewa rare hãlubu txiwimy iny rubudýýmy tule. ¹⁶Titxibo ramyhyre-wana heka aôbina binanale riwahinyhyre, aôhókýle ririmyhyre. ¹⁷Tiiboho dori ywimyno rieryômyhyrenyore.

¹⁸Deuxu lau heka ruberuôtyhymyhyrenyore, Deuxu rityhynyôtyhy.

¹⁹Bede ywina rybe heka tatyhydýýna mahâdu-ô diôde. Kia tahe inyboho rieryrenyore. Tai heka iny rexitxiônôtyhy Deuxu-ô. Tai heka ibutu dee aôhókýmy dýýnana-ô riywinymy rýikre. ²⁰Bede ywina rybe-ribi iny ibutumy rieryre ibinamy ratxireri. Inyô heka bede ywina rybe heka rityhynyôhyre. Tai tahe inyô kia-di rexitaôtyhy iywina ôraru-ki.

²¹Wiji tahe Deuxu ôbitina ratýnynymy ihýre bede ywina rybe-ribi lahi-tximy. Ihetxiu rybedu-di kia ritýnynymy ihýre bede ywina rybe ritina-di. ²²Deuxu riôbitidýýnyra. Ibutumy Jesuisi Kristu tyhydýýdu kanakre. Deuxu dee dori ibutumy bede bede ludu wiweselere. ²³Ibutumy raôrarunymyhyre. Deuxu ôbitina tamy rauhenymyhyre. ²⁴Deuxu taruxetôena-di ibutumy riôbitidýýnyre Jesuisi Kristu tarasadureki. Tii iny-ribi iôwydimy aô rexitôenyôhyre. ²⁵Deuxu Jesuisi-di rubuna iny ôraru riixãwididýýnyre iôwy tii riôwynara, iny kamy rityhynykemy. Kawese-ki Deuxu ôbitina ritýnyryra.

Juhuu Deuxu iny òraruna-ò reteheòmyhÿre aónityhymy iywisidÿÿna direki. ²⁶ Tahe wiji inyòraru-ò retehemyhÿre riixāwididÿÿnykemy. Tai tahe tii òbitire tule Jesuisi Kristu tyhydÿÿdu òbitidÿÿdure. ²⁷ Mobo Deuxu-ò rarybekre jiarÿ awiremy? Aòkòre, inyò rarybeòtyhy. Bede ywina rybe tetyhynyòte. Deuxu iny òbiti widÿÿdure, ibede ywina ywidÿÿ aòkòre. Inatyhynadile awityhymy iny rare. ²⁸ Kiamy tahe raraykynyre iny ityhynadile riòbitidÿÿnyke bede ywina rybe ywidÿÿ aòbo? Aòkòre! ²⁹ Deuxu aòbo, judeu mahādu Deuxu sohojile rare? Aòkòre, judeukòdu mahādu-ò tule Deuxu ihÿre. ³⁰ Deuxu sohojile rare. Iny wiwanale riòbitidÿÿnykre judeu mahādu judeukòdu mahādu-wana. Ibutumy ityhyna òraru-ki riòbitidÿÿnyke.

³¹ Ityhyna aòbo bede ywina rybe riixāwididÿÿnyra? Aòkòre, bede ywina ihāre rÿire.

4 ¹ Timybo ararybekre inytybyreny Abraòmy. ² Aòbo riwinyre aòkò idi rexiòbitidÿÿnyre. Tai tahe rexityhynyke inyko-ò. Tahe Deuxuko-ò aòkò. ³ Kamy heka Ritidÿÿna-ki roire: —Abraò heka Deuxu rityhynyre taile tahe rexiòbitidÿÿnyre. Deuxu dee tii òbitityhy rare tii rityhynyrekile. ⁴ Iny aòmysÿdÿÿdu raòwymyhÿke iaòmysÿdÿÿna myna. Urimy aòkò dori raòwymyhÿre taaòmysÿdÿÿnaòwyle dori ritamyhÿre. ⁵ Inyò rityhynymyhÿkeki, tii òbitina ritamyhÿre Deuxu-ribi. Deuxu dori òrarudu mahādu òbitina widÿÿdu rare. Kia uriòno rare. ⁶ Davi heka juhū riritinyre iwese teysatyhymy iny rarekemy wahe. Deuxu dori òbiti mahādu dee riraykydÿÿnyre òbitimy roirekemy. Tii ixidee aò riwinyòre. Davi kiawese riritinyre: ⁷ —TeySATYhymy iny rÿirakemy Deuxu iòraru riixāwididÿÿnyreu tòhòti-ribi iòraru rosakeu. ⁸ TeySATYhymy iny rÿirakemy iòraru-txi Inynyrÿ nohòti ijeraòmy ihÿkre. ⁹ Deysana aòbo judeu mahādu sohojile riteysanymyhÿre ida judeukòdu mahādu tule. Tulere! Inyboho dori rarybere: —Abraò tyhynale tamy òbitina diwahinymyhÿde. ¹⁰ Tiubo tahe Abraò òbitina ritare notyky resynako-ki ada ihewo-ki aòbo, ikoure. ¹¹ Juhū dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydÿÿdu tyby wese rare, Judeukò mahādu wahe. ¹² Notyky resynako-ki òbitina ritare. Tòtyky resyna-di mahādu tyby wesemy riki Abraò ratximyhÿre. Tiile tòtyky resynakò-ki Deuxu rityhynytyhymyhÿre. ¹³ Deuxu Abraò-ò rarybere tii ibutu bede bede wedu wesemy ratximyhÿre iriòre iribi rimykemy. Tahe bede ywina rybe òraru-ki aòkò tuu ihÿre, ityhyna òbitina òrarukile wahe. ¹⁴ Bede ywina rybe-ribi tybie tahe itarasadumy ratxikre, tai tahe inatyhyna aò aòkò rare. Aòbo Deuxu rarybere aòmy aòkò rare. Tahe roirekre. ¹⁵ Bede ywina rybe dori Deuxu aòhòkÿmy dÿÿnana diòde iny ribe-deernykeny. TeySana aòkò wahe. Bede ywina rybekòki, timyki iny aò ityhynyòna. Bede ywina rybe ijòòre-wana òraruna ijòòre. ¹⁶ Tahe inatyhyna-di sohojile iny aòna aòna wiwihikÿ ritamyhÿke. Tai iruxetòdena-ribi nade. Tahe aòmybo Deuxu rarybere ibutu riòreriòremy tuu rÿikre. Bede ywina rybe mahādu tule bede ywina rybekòdu mahādu-wana wiwana Deuxu rityhynyre. Abraò riòre wesemy ibutumy tai inyboho roire. ¹⁷ Iwese Ritina-ki roire wese: —Jiarÿ aratare ibutu inytyby wesemy mabekemy. Ibutumy iny rityhynyre-wana, iwese Abraò rityhynyre wese, iwese-ki Deuxu ritake. Deuxu tahe rubu mahādu riixixanymyhÿre rubu-ribi. Tii rarybekeu aò aòkò aòwesele tii aò heka rare. Tii rarybere tule riwinyre. Abraò heka Deuxu rybe

rityhynyre. ¹⁸Timy heka rariòrenykemy ixidee rōhōtinyōhyymyhyre. Deuxu dori tamy rarybere: —Kai heka ariòkòrereny sōwemy atximyhykre. Kai hāwā hāwā tybymy mabekre. ¹⁹Abraō tatyhyna ritxiōnyōhyyre. Timy heka 100 beòramy idi ratximyhyre, ixāwire uladu-ribi ramatuarinyreki. Tule ihāwyy Sara iuladu herina-di kōremy rōhōtinyre. ²⁰Timy heka ritxiōnyōhyyre Deuxu Rybe. Rityhynmyhyre Deuxu deālāna riwowydynyre. ²¹Tii heka rierymyhyre Deuxu irurudire irybe wesemy aō rīykemy. ²²Tai tahe Deuxu tamy òbitina tamy diwahinyde. ²³Aō iòraruki aōkō kia ryberitina awimy raeryre, tamy sohojile aōkō dori rarybere. ²⁴Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynmyhyre, Inynyr̄ Jesuisi rubu-ribi ixixana widȳydu Deuxu raremy. ²⁵Jesuisi iòludu-ò iwahid̄ȳmy rara inyòrarureny-ki tai rurure. Tahe iny òbitina wahid̄ȳna-ò diixixanyde rubu-ribi.

5 ¹Jesuisi tyhyd̄ȳ òraru-ki Deuxu inyboho rimyrenyre. Idi awimy rokoirekremy tii-wana, Jesuisi Kristu-wana wahe. ²Deuxu ruxetòenawo-ki inyboho rotamanymyhyrenyre. Jesuisi Kristu tyhyd̄ȳna òraru-ki tamy rotamanymyhyre. Deuxu loosòna worojuxanaò-di rokoirekre. Tai inyboho reysamy ih̄yre. ³Inyboho bedewona-di hyy ih̄yrenyre. Ihārele tahe inyboho teysarenyre. Kia dori iny riwiðhenynymyhyre raròsòna ijòdikemy ruru inydeereny riwahinykemy. ⁴Inyboho rikijerenyhykeki, Deuxudeewimy rikiwinyrenyke. Deuxudeewina rikiwinyrenykeki, raròsòna rikitarenyre. ⁵Iny raròsòna tarasana aōkòkeki, uritere rakabedewoōtyhy, Deuxuluuna dori inywo-ki ratxireri. Deuxu Tytybytyhymy inydeereny wahid̄ȳna rare. Tii dori inyworeny-ki Deuxuluuna ritidire. ⁶Iruruōmy inyboho roiremyhyre awimy riwinykemy. Tai tahe Kristu inydeereny, inyboho ibinare hāre rurure, Deuxudeewireu. ⁷Isirare inyō hābu òbiti dee ruruke. Tahe hābu wiwihik̄y dee òsana iny rurukre, kia heka irutaōre. ⁸Deuxu tahe luunatyhy inydeereny diteònyde. Iny òrarudurenyre hāre, Kristu inykireny rurure. Juhuu heka inyboho òrarudu roire. Ihārele Deuxu taluuna nihik̄y inydeereny diteòsinyde. Tai heka Kristu inyòrarureny-ki rurure. ⁹Irubuna òraru-ki heka Deuxuru-ò inyboho òbitimy ih̄yrenyre. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhyre. ¹⁰Juhuu Deuxu òludu inyboho roire. Tahe wiji ibiòwamy inyboho roire, iriòre iny òrarureny-ki rurureki, wahe. Wiji tahe rybe òludu mahādu-ribi wiu-tàðanamy r̄yire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki. ¹¹Inyboho heka iwitxira Deuxu-wana ratximyhyrenyre. Tai tahe reysamy ratximyhyre. Inyboho Deuxu biòwamy ratximyhyrenyre. Jesuisi Kristu Inynyr̄ òraru-ki heka ture.

¹²Hābu sohoji òraru-ki òraruna bedeki ralore juhūu, Adaō òraru-ki wahe. Taile tahe rubu nade bedeki. Idi ibutumy iny raòrarunyre. Adaō òraruna-txi resereu, rubu ibutumy iny-ò resere. ¹³⁻¹⁴Juhūu Adaō rurure. Iribi tahe ibutumy iny rurure. Moisesi tule rurure. Tahe bedeki ywina òraru-ki aōkō tiiboho rurure. Bedeki ywina dori Adaō rubu hewo-ò Deuxu riwahinyre Moisesi-ò. Deuxu heka iny òrarunamy aōkō rōhōtinyre, tabede ywina dori kiau riwahinyōre. Adaō heka Deuxu rybe rityhynyōre, tai tahe rurure iwese Deuxu rarybere wese. Tule iòraruna òraru-ki ibutumy iny raòrarunymyhyrenyre. Adaō heka Jesuisi-ò rakewesenanykre. ¹⁵Tiiboho wiwanale aō

kabede-ò aò diwymyhydenyde. Adaò heka rubu diwyde. Jesuisi heka runa diwyde. Adaò heka sòwemy iny-ò rubu riwahinyre. Jesuisi tahe sòwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaò rubu riwahinyre ibutu iny-ò. Jesuisi tahe ibutummy iny-ò biu-ò hena riwahinykemy ratxireri iòraruna sòwere hàrele. Umytuedeòna wahidỹydu tii ratxireri. Kia awityhyre. ¹⁶⁻¹⁷Inatyhymy Adaò widỹyna ibinare. Jesuisi widỹyna heka awityhymy rare inydeereny. Inyboho dori Jesuisi-wana irumy ratxirenyre aòu aòu kowa bedede wihikỹ-ki, Deuxu òraru-ki. ¹⁸Aòhò-kỹmy dỹynana heka Adaò widỹyna diwyde ibutummy iny-ò. Jesuisi tahe òbitina diwyde ibutummy inydeereny. ¹⁹Adaò heka Deuxu rybe rityhynyòre. Tai iny sòwemy òraruna-txi resere. Jesuisi tahe Deuxu rybe rityhynyre. Tai iny sòwemy heka òraruna-ribi ritare. ²⁰Deuxu tabede ywina rybe riwahinyre. Tai tahe iny aòbina rierymyhyre. Òraruna-di sòwemy ihỹreki, tai Deuxu ruxetòena sòwetyhymy ihỹre. ²¹Juhuu òraruna ratximyhyre iny umyreny-ki. Inydeereny rubule riwahinyreny. Wijile tahe Deuxu ruxetòena riwahinyre inyumyreny-ò, inraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrỹ òraru-ki heka, umytuedeòna inyboho ijòdire.

6 ¹Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rexiòrarunanymyhyre hàrele. Timyki tuuòna. ²Aòkòhyre. Inyboho heka òraruna dee rubumy ihỹreny. Timykibo iny ihyymy òraruna-txi rekeseke? Aòkòhyre. ³Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rururennyre. Kia teerytenyte. ⁴Tiu inyboho risebenyre Jesuisi òraru-ki, tii-wana inyboho rurure. Tai iru tỹmyra-di inyboho ihyre. Iwese Deuxu taruru-di Jesuisi riixixadỹnyre wese tule inyboho iru tỹmyra-di rokoireke. ⁵Iwese tii rurure wese, inyboho tule rukurennyre òraruna dee. Iwese Kristu rexixadỹnyhe wese inyboho tule òraru-ribi ixāwira tii-wana rarehyykremy. ⁶Iny umy tyby tule rurure Kristu itxeò-ki. Tai inyboho heka òraruna deòdumy aòkò ihỹreny. ⁷Inyò rurukreu, tii òraruna-ribi ixāwimy ihỹre. ⁸Inyboho Kristu-wana rurukeki, tii Kristu-wana irumy ratxikre. ⁹Kristu rexixare tii ixby ruuòtyhy. Rubu ixby tamy reaòtyhy. Kia tahe inyboho rieryreny. ¹⁰Jesuisi rurureu, iny òraruna ixāwina rubulemy rurure. Wiji tahe irumy ihỹre Deuxudeehy. ¹¹Tule kai arumy atximahāte Deuxu dee iny aòbina bina-ò taruteki rubuwesemy arumy tahe Deuxu-ò. Inynyrỹreny Jesuisi Kristu tyhydỹỹki. Kiawesele mohòtinyke Deuxu dee, Jesuisi Kristu dee wahe.

¹²Kaiboho dori Jesuisi Kristu-wana atximahātenyte. Òraruna-txi ixby besekeòtyhy. Ixideewimy aòkò rikiwinyrennyke, aò ibina wahe. ¹³Aumyreny biwahinybenyke Deuxu-ò iwese iny iru tỹmyra-di ihỹreny. Tai tahe òbitile biwinybenyke, òraruna-txi beseòtyhy aò iyja aòkò. ¹⁴Òraruna rybe-ò ijohorenyòmy. Tii dori awedu aòkò rare. Deuxu ruxetòena-ò bexiweloromahābenyke.

¹⁵Aòbo tahe awityhyre. Ruxetòena òraru-ki aòbo rekexiòrarunymyhyke. Aòkòhyre. ¹⁶Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunybenyòtyhyke òraruna bityhynybenykemy. ¹⁷Wowydina Deuxu-ò kanakemy watxireri. Juhuu kaiboho òraruna deòdumy ahātenyte. Tahe wiji inatyhyna erydỹyna tetyhynytyhtenyte. ¹⁸Wiji tahe kaiboho òbitina deòdumy atxitenyte. Tahe Deuxu deòdumy wiji toite, tii

ixideewimy timybo adirenykre. ¹⁹Iwese juhuu òrarunawidỹña-ò texiwa-hinymahâte wese, wiji bexiwahinybenyke Deuxu-ò, òbitiwidỹña-ò wahe. Òbitimy rarybemahâre, itỹntythy kaiboho dori òhõtitymy toite aiximynaty-hyrenyò òraru-ki. ²⁰Òraruna deòdumy atxitenyete, Deuxu tetyhynyòtenyete. ²¹Kia aomydỹñana wiji ixâruna adeereny rare. Aòbo tahe awimy juhuu tewinytenyete. Kia heka rubule riwahinymhỹre. ²²Òraruna-ribi ixinamy atxitenyete. Kaiboho Deuxu-ò ibutumy texiwhinyete. Tai umytuedeòna teta-tenyete. ²³Òraruna òwy heka rubu rare. Inyò òraruna riwinykeki, tii ruruke, kia òraruna òwy rare. Deuxu wahidỹña tahe umytuedeòna rare, Jesuisi Inynyryr rurureki wahe. Idi tiile-wana tukre.

7 ¹Waityhydỹdu seriòre, kaiboho bede ywinamy teerytenyete. Tai bieryke aomybo ararybekre. Inyò irulemy rariakekile, bede ywina tamy aò rare. ²Arawesenanykre. Hãwyy heka ihãbu-wana ihyyimy ihỹre bede ywina myna. Hãbu rurukeki, tahe ixinamy ihỹre ijò-wana roikremy. Hãbu ruruòkeki tahe, ixinamy aòkò ihỹre, ijò-wana roikremy. ³Inyò-wana roikeki, hãwyy wede-namy raninikre. Ihãbu rurukeki, tii ixinamy rarekre. Ijò-wana roike. ⁴Kia wese rare, waseriðreboho, ayreny-ki. Kaiboho bede ywina dee tarutenyete. Kaiboho dori ityhydỹdu mahãdu atximahãtenyete. Kaiboho Deuxu hõrò mahãdu atximahãtenyete. Rubu-ribi ixixadu mahãdu atximahãtenyete, Deuxudeewina biwinybenykemy. ⁵Juhuu ixideewile aò tewinymhỹtenyete, rubu aomydỹñana wahe. ⁶Wijile tahe bede ywina-ribi ixinamy inyboho roimyhỹrenyete. Iwese ihetxiu tyryiti bede ywina rityhynymy aòkò ihỹreny, wiji Deuxu Tyytybythy aomydỹñana inyboho rityhynyrenyete.

⁷Timybo? Bede ywina aòbo ibinamy rare. Aòkòre. Ihoòkeki tahe òraruna jiarỹ arieryòthy. Bede ywina rarybere wasiòmy. Kiale reeryre aòbo wasimy rare, inyò aò arimykemy watxirieru, kia òraruna wasiweselemy rare. ⁸Timyki, jiarỹ òraruna waerysyòna bede ywina tuu rarybekòkeki. Bede ywina dori aòbina binamy riwabedeerynyre. ⁹Jiarỹ juhuu bede ywina reeryòre. Reeryre tahe aomydỹñana binale wadee rarerenyre. ¹⁰Deuxu heka bede ywina riwahinyre juhuu. Tamy ruru riwahinyre bede ywina wahe. ¹¹Tahe bede ywina òraru-ki heka òraruna riwahinymy. Tai tahe ònosòna riwarubunyre. ¹²Kia bede ywina tahe awi rare, òbiti rare. Ònosòna awi rare. ¹³Timybo rare. Òbitina aòbohe riwarubunyre. Aòkòre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyete. ¹⁴Bede ywina heka Deuxu Tyytybythy aomydỹñana rare. Jiarỹ heka inyle rare, òraruna heka wawedu rare. ¹⁵Aòbo warayky dee ibinarele, kiale rewinywãhãre. Aòbo awimy warayky dee rare, kia rewinyòhyre. Aòherekibo? Reeryòre. ¹⁶Rexierymhỹre aòbo rewinymhỹre. Reeryre kaa bede ywina awi rare. Tai heka rabadewomy watxiwãhãre. Jiarỹ dori bede ywina bede ywina riti reerymy watxiwãhãre. ¹⁷Retxiònymy watxiwãhãre. Waruruòhy heka watxiwãhãre. Aòwi ariwinykeò. Òraru heka iòhòmy waribi ratximhỹre waruru ratyre ratximhỹre waribi. Tai heka òraru rewinymahãre. ¹⁸Wauumy ehetsina tahe ibinatyhy rare. Aòbo awi rare heka ariwinykemy rewisỹnywãhãre ta heka rewinyòhywãhãre. Aòwi rewinyòhyymahãre! ¹⁹Jiarỹ raru-runymahãre heka aòbina ariwinykòkemy. Tahe ihãrele heka rewinymahãre. ²⁰Reeryrehe aòhebo ratỹñnymhỹre. Jiarỹ ixiòrarudỹ wàðraruna wadi raitxỹteitxỹtenymhỹre. ²¹Deuxudeewimy heka ariwinykemy watxiwãhãre.

Tahe araòrarunyhyymahäre. ²² Waumytymyra rarurunytyhymahäre Deuxudeewi widyyna ariwinyke. Awityhy rare wadee. ²³ Ijò tahe waumywo-ki, waraykywo-ki, ratximyhÿre, waumyehetxina waki ratximyhÿre. Wadi rarurunymyhÿre riwamymy ratximyhÿre. Aòbina widyymy heka wadi rimymy ratximyhÿre. Reòludunyòhyymyhÿre waraykymy heka rahañnanyimyhÿre. Aòwesele heka tuu rahañnanyimyhÿre, riòludunyòmhyhÿreki wahe. Raraykynmahäre warayky-ki, Deuxudeewimy watzikemy. Tule tahe reerymahäre òraruna deòduò jiarÿ rare wahe. Waumytymyra tahe wadee rarybemyhÿre òbitimy aòmydyñnana ariwinykemy. Waumyehetxina tahe kialemy wadee rarybemyhÿre —òraru ariwinykelemy. ²⁴⁻²⁵ Tai heka urile warayky raleileinyimyhÿ. Mobo riwatake waumyehetxina bina bina aòmydyñnana-ribi? Deuxudeewina-ki, Jesuisi Kristu Inynyrÿ heka iximynamy riwatakre. Tii riwateònymy wadi rarekre. Wowydyna tamy ariwahinykre.

8 ¹ Tai heka Jesuisi Kristu tyhydÿÿdu mahädu rubutyhy-ò heka raòtyhy. Deuxu heka tii ritarenyke tii-wana rarehyyke. ² Deuxu-ò Tytybytyhy dori warurutymyra-di riwarurudÿnytyhyre. Rubu-ribi dori Jesuisi Kristu riwatare ixinamy ararekemy. ³ Inyboho heka Deuxu Bede Ywina rieryrenyke, Moisesi tyritina wahe. Tii heka iny òraruna-ribi iny ixinamy ririradÿnyimyhÿre. Jesuisi Kristule, aòbo, òraruna ruru rahumyhÿre. Aòma rakahurenyòtyhy heka iny rururenyi aòma òraruna ixitawo-di. Rikityhynrenyòtyhy heka aòma ixitawo-di aòbo bede ywina Tahe Deuxu tariòre diteònyde iny umyrenywesemy wahe. Tiu heka iòrarunaòhyre. Tai heka rexiwahinyre iny òrarureny-ki. ⁴ Tai rikityhynrenyke aòma Deuxu bede ywina. Iny nohòtirenny rosake aòbo umy ehethinareny inydeereny rarybemyhÿre. Ijohonarenyòmy ta, irybe-ò, Deuxu Tytybytyhy rybeòle rokoholamyhÿreny. ⁵ Aòbo Deuxudeewimy biwinybenykeki, tai Deuxu Tytybytyhy rybeòle heka iny roholamyhÿke. Ixideewimy widyymy burubenykeki tahe, aòwaxina bohola-benyke umyehetxina rybe-ò. ⁶ Deuxu Tytybytyhy rybe-ò ijohona heka iny umytymyra-ò ridymyhÿre, umytuedeòna-ò, ywina-ò. Umy ehethina rybe-ò iny roholana wana, tahe rubu-ò iny ridymyhÿre. ⁷ Umy ehethina dori aòma rare, Deuxu òludu. Deuxudeewimy aòkò heka riwinymy ihÿre tiu riwinyòtyhy. ⁸ Inyò ibutumy òraruna ixideewimy riwinykeki, tiu heka Deuxudeewina riwinyòtyhy. ⁹⁻¹¹ Kaiboho tahe kiawesemy aòkò heka toite. Deuxu Tytybytyhy heka aworeny-ki rasÿnymyhÿre. Tai heka umytymyraò heka kaiboho ijòdirennyre. Deuxu Tytybytyhy heka kaiboho ijòdirennyke. Inyò Deuxu Tytybytyhy ihoòkeki, tiu tii ityhydÿÿdu aòkò rare. Aumythy heka rurukre aòrarunaò direki wahe. Taatytyby tahe iruhymy ratzikre, Kristu dori aòraruna riixawididÿnyreki wahe, Deuxu araòbitidÿnyre wahe.

¹² Tai waityhydÿÿdu seriòreboho. Umy ehethina rybe-ò uritere ijohonarenyòmy. ¹³ Irybe deradÿyna-ò beòbybenykeki, kaiboho heka burubenyke. Aòkòkeki arurenymy mariabenyke, Deuxu Tytybytyhy-di wahe. ¹⁴ Ibutumy Deuxu Tytybytyhy rybe-ò roholamyhÿre mahädu, tiiboho tahe Deuxu riòre roire. ¹⁵ Deuxu rybemy bityhynybenyke. Deuxu Riòre wesemy tahe bityhynybenyke, òbitimy atxibenyke, deòdu wesemy aòkò wahe, buberubenyòtyhy. Waha-my tahe marybemyhÿbenyke heka. Deuxu Tytybytyhydile wahe. ¹⁶ Iijoirenymy rakatxirenykre. Aòmybo Deuxu Tytybytyhy-di inydeereny roimyhÿreki heka, tuu inatyhymy rakatximyhÿrenyke inyboho iriòre

roiremy wahe. ¹⁷Ibutumy aõbo Jesuisi Kristu inydeereny riwahinymyhÿke heka, tule inyhõrõ reny heka rare. Iwese tii wowydyna iribi rikitarenykeki, tii-wana heka aõhõkÿmy rokotÿÿnyrenyke.

¹⁸Aõhõkÿmy rokotÿÿnyrenyke tahe aõnihikÿmy aõkõ rare, urihimyòle wahe. Inydeereny dori wowydynaõ kidiwahinyke, sówetyhymy. ¹⁹Ibutu bede bede aõna aõna riraõmy roimyhÿre, aõma-ò, Deuxu Riðre mahädu ibutumy rubu-ribi ixixana kiditynynykreu, rexixamy ibutumy rÿirakre idi biu-ò rira-hukre wahe. ²⁰Kiatxu tahe ibutumy bede bede raaõbinanyke. Iwese Deuxu juhuu riwinyre-ribi resere iny òraruna òraru-ki. Deuxu dori tuu bede riy-winyre txioinyhe tahe, raròsõna rÿire, riwitziranyke. ²¹Rekeysarenkyre heka Deuxu riðremy heka rakatxirenyke. Tii ibutumy bede bede-ribi iny ritarenkyre ibutumy òraruna-ribi, rubu-ribi. Ibutumy òraruna aõbina bina deòdu heka rexihukre. Deuxu ibutumy aõna aõna ritÿmyranyke iwese tariðre itÿmyrare wese. ²²Kaa wiji tahe ibutu aõna aõna aõhõkÿmy rotÿÿnyny rÿira iròdu alðbòròna, ibutumy heka uladu ijira dese wese heka rijjemy aõna aõna rÿira. Aõma, ixixanatxu dehemynykòlemy roimyhÿreki wahe. ²³Tiibohole sohojile aõkõ, tule inyboho Deuxu Tytybytyhyre häre, kia delemy inydeereny rawahinyre häre, aõhõkÿmy rotÿÿnynyhyrenyre idi tiu Deuxu tariðremy risÿnyrenykemy riraõmyhÿre. Kia tahe inyboho riraõmyhÿrenyre. ²⁴Inyboho dori tararòsõna-ki kawese awirenyre. Inyò iraròsõna itÿnykeki, aõbo tahe riraõmyhÿke. ²⁵Tai tahe Deuxu rikityhynyrenyke riki-raròreny aõma, inydeereny tuu raryberé, rikitarenykré. Rikiyrymy riki-raròmy rokorokomyhÿrenyke.

²⁶Iwesele tahe Deuxu Tytybytyhy heka iny riwiðhenanyrenyke. Inyummy aõmydÿÿnanareny heka aõhebo rotÿÿnynyhyre txuõ txuòlemy iny riwiðhenanymyhÿrenyke. Inyboho riwiðhenanyrenyke aõma inyboho riery-kòreki ixitòedÿÿ. Deuxu Tytybytyhy inydeereny dori rexitðenanymyhÿre tii inyboho heka aõmy rybe inyboho rierykòmyhÿrenyre inydee risÿnynyny rarybemyhÿre tuu. ²⁷Inytybyreny heka ibutumy inraykyreny, inyworeny, rierymyhÿre. Tii heka rexitðenanymyhÿre inydeereny iny òbitinareny-di, iny ywinareny-di iny riixitòedÿÿnynyhyrenyke. ²⁸Ibutumy aõbo inydeereny rabededÿÿnananymyhÿré heka inydeereny awire. Deuxudeewina heka riki-winyrenyke inyðireny ratximyhÿre Deuxu dori inyluurenyre. Tii dori iny ridyre tariðre wesemy. Tii dori kiamy juhuu röhõtinyre. ²⁹Juhudihikÿle Deuxu röhõtinyre mobo tamy rakemy. Tahe tiu rierymyhÿre mobo aõma inyboho tamy kanakré. Tiu heka rierymyhÿre timybo widi rarekré, tariðre wesemy idi rarekré. Iriðre heka sówemy iseriðre relekre. Iriðre tahe juhuule ityhydÿÿdumy iuhe rÿire, iseriðre wesemy wahe. ³⁰Tii heka inyboho rihi-txinyrenyre. Tii heka ryrymyhÿre tamy, kanakemy. Tii inyboho tamy ritehemynyreu, heka inyboho tamy ritehemynyrenyre. Iny òraruna-ribi inyboho riixāwididÿÿnyny Deuxu, Jesuisi, Deuxu Tytybytyhy ywina heka inydeereny riwahinyre.

³¹Ywimy rakatxirenykemy heka inydeereny röhõtinyry ihÿre. Wowydyna heka inydeereny riwahinyke. Timybo rakaryberenyke. Awire heka ibutumy. Nihikÿre. Deuxu heka inyworeny-ki ratximyhÿre. Tii heka inyðinodurenyre. Inyòludurenyò hyrye ratxirenyke, sohojiò. ³²Ibutumy inydeereny riwahinyke —inydeereny dori taRiðretyhy dori diwahinyde. Diwahinyde heka

inydeereny rurukremy. Deuxu heka iny riixāwididỹnyreny. ³³Inyboho heka òbitimy ratximyhỹreny tamy rakatxirenykemy. Tii dori iny riwinyreny òbitimy. Inyõ rarybeõtyhy iny òbitimy aõkõ ihỹre. ³⁴Inyõ heka inymyreny rarybeõtyhy rukururenkykemy. Jesuisi Kristu dori inydeereny rurure, iny òrarurenkyki. Tii ixityre rubu-ribi rexixare inydeereny. Katahe rononymhỹre Jesuisi heka rexitòdenymy rononymhỹre inykireny. Deuxu-ò heka iny riixitòedỹnyremy indireny rononymhỹre. ³⁵Tiu heka rihitxinyõtyhy, aõma Jesuisi Kristu luureki wahe. Aõhõkỹmydỹnana dori rakatxireny. Tii heka iny rirubunynyrenyke. Iny rama rirubunynyrenyke inieruõmy. Bede brebuwo-ki rakatxirenyke. Inymyreny rarybemyhỹkre. iny rirubunynyrenyke. Ta Deuxu inyanarenynhy ratximy ihỹre. Tiu heka Deuxu-ribi aõ iny rihitxinyrenyõtyhy. ³⁶Inyboho heka rubu riraõhyky ratximyhỹreny, rexiwinyhykyle. Kia rikiwinyrenyke aõma Deuxu luuna-di xiery —iwe budoeni tarubuna riraõmy rỹimyhỹre wese. Deuxu rybe inykoreny tuu relymymhỹre. ³⁷Taiki heka imahāduy-ribi rokotarenkyke. Kia òlõna inyhõrõreny rare. Kristu dori inydeereny rurure. Aõ heka iny rihitxinyrenyõtyhy Deuxuluuna-ribi. Rubu dori iny rihitxinyrenyõtyhy. Umy tiu iny-ribi rihitxinyõtyhy. Ýju dori tiu iny rihitxinyõtyhy. Aõbinahakỹ heõty, rubu bina heõty dori tiu Deuxu luuna-ribi rihitxinyõtyhy. ³⁸Aõ heka iny rihitxinyõtyhy Deuxuluu-ribi. Biu wenonana dori, beheỹ ratyre, tiu Deuxu luuna-ribi iny rihitxinyõtyhy. Wiji aõna aõna itõmo rahudi aõna aõna, aõtxi aõna aõna tiu iluuna-ribi rihitxinyõtyhy. ³⁹Kia ibutumy wadee inatyhy rare. Jesuisi heka Deuxu inydeereny ritỹmynymyhỹre ibutumy iluuna iny òrarurenkyki rurureu.

9 ¹Kaiboho wajoiireny, waityhydỹdu seriõre mahādu. Kristu hõrõ jiarỹ rare, inytyhy rare. Deuxu Tytybytyhy, Jesuisi Kristu-wanale rierymyhỹre kia inatyhy rare. ²Rabedewomy heka watxireri wajoi rityhynyõreki. Deuxu Tytybytyhy kia rieryre. Txuõ txuõlemy, ruõ ruõlemy rabedewomy watxihāre. Txiole txiole aõmydỹnanamy adeereny ararybeke kaiboho tarasanaõ boibekemy. ³Deuxu riwatxuhoke Kristu-ribi wajoi derõwmy, iwiòhedỹỹkeki. Jiarỹ heka ihyy arurukemy wajoi ityhydỹdukõdu mahādu wahe ixi-di tamyreny rahõtynymy watxireri. Kia biu-ò hena ritarenkykemy wahe. Tahe aõkõre heka. ⁴Deuxu heka tamyreny sõwemy diwahinyde. Ihārele tiiboho ijõhona deramy rekoamahāreny. Aõma, rihitxinyreny heka taijoiireny. Ridyreny heka bederahy-ò loosõna-ki biuwetykywo-ki. Tahe tamyreny rarybere tii iluurenymy. Tamyreny heka sõwemy aõ kidiwahinykemy idireny ratximyhỹre. Tule tabede ywina rybe tamy diwahinyde. Tai tahe Deuxudeewina reeryreny. ⁵Tamy heka Deuxu wowydynaõ riwahinyrenkykemy Deuxu teõduõ kanake tii tamy rarybere. Tybyreny dori ilahiboho dori rityhynyreny, tii Deuxu sõwemy rityhynyreny. Kristu tahe tule judeu mahāduõ ratximyhỹre, wajoi wahe.

⁶Deuxu rybe inatyhytyhy rare. Sõwemy iny judeu mahādu wese roire. Ibutumy tahe judeu mahādutyhy aõkõ roire. ⁷Ibutumy judeu Abraõ riõre riõre rỹira mahādu aõkõ heka Deuxu riõremy rarekre. Deuxu heka Abraõ-ò rarybere: —Ijai riõrele ariòkõre rarekemy ijõ aõkõ. Ibutumy Abraõ riõre, Ijai riõre aõma ityhydỹdu aõkõ roire. ⁸Ijõ iriõrekõna mahādu tahe ityhydỹdu heka roire. Kia Deuxu rybe rityhynymyhỹrele heka ityhydỹdu mahādumy rỹira —judeu mahādu tyhy wahe. ⁹Juhuu tahe Abraõ-ò Deuxu

rarybere: —Ahāwyy Sara, iriòredikre ijō beōrau wahe. ¹⁰⁻¹¹ Iu tahe Ijai iriòre hāwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykre riywinyra. Ijau juhutyhy iriòredelamy reakre riywinyra. Ijō tahe Ijaò ini rarekre. Kawese Deuxu rarybere uladu reakōule: —Jiarý heka Ijaòmy retamy rarybere Ijau aōkō. Jiarý aōna aōna sōwemy tamy adiwahinykre. Deuxu kiamy rarybere Ijau reakōule. Tiu aōwiwihiký aōbina bina riwinyke aōkō. Myle roireri. Deuxu riteòsinyre ijō tarasanamy reake-ribi tahe ijōle tuu reare. Aō uladu tuu riwinyreriki aōkō Deuxudeewimy tuu riwinyre. ¹² Juhuutyhy Rebeka-ò rarybere: —Idela taseriòre deòdumy rarekre. ¹³ Iwese tyriti-ki roire wese: —Ijaò iluure tahe Ijau aōkōre.

¹⁴ Aōmybo tahòtinyteri? Deuxu aōbo adee ibinare kia riwinyreki? Aōkōre heka. ¹⁵ Deuxu rarybere Moisesi-ò: —Jiarý heka awimy inyòdee ariwinykre, tahe tuu ariwinykre. Inyòdee ruxetòena ariwahinykeki, tamy ariwahinykre iixideewimy. ¹⁶ Deuxu ruxetòenale heka rare, iny aōmysýdýý sōwehekýmy-reki aōkō inydee tarasana riwahinykre. ¹⁷ Kaheka iny rierye Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kýny ariwahinyre ruuò kai bonyke iòlòmy. Tai tahe ibutumy iny wani wiwihiký-ò roholakre. ¹⁸ Ibutumy Deuxu iixideewimy tuu riwinymy rýirakre. Ruxetòena riwahinyke tamywi tahe riwahinyra.

¹⁹ Inyò tahe wadee timy rarybeòtyhy: —Aòherekibo kawesemy Deuxu inyò aòhe risýnykre ada amobohe Deuxu aōwidýýna deramy reakre. ²⁰⁻²¹ Tiu moò rarybeòtyhy Deuxumy ibinamy. Iu inyò butxi riwinykreu, aōma sudeò rimykreu, riwinykre heka butxiwihikýō tamywikeki. Ibinaò riwinykeki tasý iwesele riwinyke ibinamy tuutyhymy. Bedenamy riwinyke nojjaka tamy ridemyhýkemy. Ijō butxi tamy wikeki. ²² Iwesele heka Deuxu rare. Rebureke heka inyòdee raykarananyke. Ijō-ò tahe awike ta ruxetòena-di riwiòhenanyke iaōna aōna riijemy. ²³ Idi tahe rōkòhòtinyreny timybo Deuxu wina, Deuxu loosòna awiremy iruxetòena inydeereny riwahinyhyymhýre. ²⁴ Judeukòdu mahādu Deuxu ritare. Judeu mahādu yribi sohoji aōkō. Inyboho. ²⁵ Osea tyriti-ki rybeò kiamy tai roire Deuxu rarybere wahe: —Ijō mahādumy sý aronykre wariòremy. Tahe waijoiy-ribi aōkō waijoì mahādu aōkō waijoimy arininikre idi aritakre. Tuumy ararekre. Tiu heka luuna juhūu inyò rewahinyòhyre. ²⁶ Deuxu rarybere tiu: —Kaiboho juhūu waijoi aōkō toite, tuuòmyta kowa-ki wariòerenymy boibekre. ²⁷ Isaia tule rarybemyhýre aōma judeu mahādumy wahe. Sōwemy, sōwemy imahāduò hāre tahe, ibutumy tarasanamy reakre. ²⁸ Deuxu ele elemy rotýýnykre timybo rarybere myna. Ijō-ò ruxetòena riwahinykre ijō-ò adehuna riwahinykre riixāwidinyrenykre. ²⁹ Ijō Ritidýýna-ki Isaia rarybere: —Deuxu ibutu dinodu heka ruxetòena riwahinyōkeki, ibutumy judeu mahādu riixāwididýýnykre iwese Sodoma hāwā Komora hāwā-wana riixāwidinyre wesemy wahe.

³⁰⁻³¹ Timybo rakaryberenykre kia aōmydýýnanamy? Kialemy: —Judeukòdu mahādu-ò Deuxu tarasana riwahinyre tiu Deuxu riijeòhyymhýre hārele. Judeu mahādu heka rityhynykemy idi ratximyhýre ibede ywidýýna-di tahe tiu heka ritaòhyymhýrenyre tarasana. ³² Bede ywina rybe riyrubunyekhāre awikehāre tiu tarasana ritaòtyhy. Rityhynytyhykekile heka tuuke. Tai tahe ritaòre tarasana, rityhynytyhyòreny. Tai tahe iwere mana iny riatymhýre

were rydÿñnarenyre. ³³Ijòti nihikÿ heka roimyhÿre. Tiu heka riòhòreótyhy iweribi-ò. Deuxu rybe-ki kia wesemy roire: —Judeu mahädury-ki mana nihikÿ wese retidimy doimyhÿde. Sówemy heka iny rÿira tiu heka ityre-di rariaótyhy biu-ò hena-ò dehemynydeki wahe. Kia iny rityhynomy Jesuisi Kristu rÿirale tahe ritakre tarasanaò heka inatyhymy.

10 ¹Waityhydÿÿdu seriòre, rexitòenomy wàhàre heka Deuxu-ò ibutumy judeu mahädu biu-ò henamy rÿikemy. Kiamy tuu rarumahàre. ²Reerymahàre tiiboho ibutumy rityhynmahàrenyremy Deuxu. Tiiboho ityhydÿñnareny tahe òbitihyky aòkòre. ³Tiiboho kiamy röhòtinymahàrenyre aòma judeu mahädu heka bedede ywina rybe rityhynyrenykekile rexiòbitinykemy heka röhòtinymahàrenyre Kristu-ò ta rexiwelòròkòlemy Kristu bede-ò rexihumyhÿre, tai Deuxu iny-di awimy rarekemy. ⁴Bede ywina heka Deuxu aòmydÿña tarasana aòkò heka rare. Kristu rityhynmahàrenyke. Kia weseleke heka tii rimyreny rexiòbitinyre. ⁵Moisesi dori ròritidÿÿre tuu: —Inyò tiu òraruna-txi reseòhy rarekeki, taile iny tarasanamy ratxike. ⁶Kiamy heka ityhydÿÿna namyhÿde. Uritere inyò Kristu biu-ribi kòdidykemy ixinohòtidÿÿòna Kristu kidiwykredi uritere nohòtirenomy, isiratyhyre wahe. Tuu aòkò iny òbitidÿÿna-ki rahamyhÿre. ⁷Uritere Kristu ixixana-di mohòtinynyomyke isiratyhyre dori kia-ribi òbitidÿÿna kikitakremy. ⁸Tii heka inyboho ribedeerynanyrehÿre. Iòhòlemy heka iny-ribi ihÿre warybereny wahe. ⁹Iny taykyrenyke rityhynmyhÿre inyke. Tai tahe rarybere inywitxira-ò aòma Kristu iny wedureny ihÿremy wahe. Inywoyeny-ribi rikityhynmyhÿrenykeki. Aòma Kristu heka Deuxu riixixanyre rubu-ribi. ¹⁰Taiki tahe biu-ò hena rakatarenyke. Aworibityhy rikityhynmahàke. Kiamy heka iny òbitimy rekelerenyke Deuxu dee wahe. Rarybeke iny-ò rityhynmy ratximyhÿremy tai tahe tuu relemy ratxike. ¹¹Kiamy heka Ritina-ki roimyhÿre: —Inyò rityhynytyhyhyke heka teysamy ratxike. Tiu heka anabedewoótyhy tatyhyna-ki. ¹²Judeu mahädu dori judeukòdu mahädu-wana wiwesele rare. Ibutumy heka sohojihyyle iwedure, Inynyryÿ wahe. Ibutu heka inydee riwahinymyhÿre aòmybo iny rexitòenomyhÿre wahe. ¹³Iny rexitòeny-wana Inynyryni-di tarasanamy, tai iny-ò riwahinymyhÿre. ¹⁴Teerykòte heka timybo idi ratximyhÿre rexitòenomy. Timybo bieryke inyò tuu relyyòkòhàre heka rityhynyke. Tamy heka roholaótyhy inyò tuu relyyòkeki tiu ityhydÿÿòna. ¹⁵Inyò heka raótyhy, inyò biteònyòkeki wahe. Kiamy tahe Tyyriti rarybereri: —Kia Rybewihikÿmy rybedu heka awi heka rare, dehemynyna heka awire, deysana rybe dori diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aòma Deuxu Rybewihikÿ tamy riwymyhÿreki wahe.

¹⁶Ibutumy aòkò tahe rityhynmyhÿre. Iwese Isaia Deuxu rybedu rarybere wese: —Inynyryÿ, Rybewihikÿmy tamyreny heka rarybemyhÿreny. Ihàrele tahe rityhynyòhyymyhÿreny. ¹⁷Ityhyna heka Rybewihikÿ-ò iny roholamyhÿreu, rityhydÿÿmyhÿre. Kristu ityhyna tamy kedehemynykre, rybe wihikÿ òraru-ki wahe. ¹⁸Dÿÿraxinaò ariwinykre. Taholatenyòte aòbo Deuxu rybe-ò? Kohe, ibutumy heka roholamyhÿre. Tyyritina-ki roire: —Deuxu rybe tÿmyra wihikÿ ibutumy riteònymyhÿre hāwā hāwāmy. ¹⁹Ijō arÿÿraxikre: —Judeu mahädu aòbo kia rieryomyhÿre? Moisesi tyyriti-ki roire: —Deuxu biu-ò hena judeukò mahädu-ò ariwahinykre. Waijoi mahädu ariwoxibronykemy. ²⁰Isaia tahe idi tuu rarybere: —Iny wiwana mahäduò heka Deuxu rijemyhÿre. Tii

rexitÿnynyre taòrysdu mahādu-ò. Itxi reare. ²¹Isaia rarybere Judeu mahādumy kia: —Ihārele Deuxu iny ritobinyrerimy ihÿre iny, iny nohòtibinaki wahe.

11 ¹Kaiboho heka timybo tahòtynmahātenyete Deuxumy? Tii aōbo taijoi-ribi nohòti rosaremy —judeu mahādu-ribi? Aōkōre. Jiarÿle, Paulo, judeu mahāduò rare. Jiarÿ heka Abraò riokoreò rare. Benjami ijoio heka jiarÿ rare. ²Deuxu taijoi-ribe nohòti rosaòtyhy. Tii juhuu ritare. Elia juhuu Deuxu-ò taijoimy rarybere. Ryberiti-ki kia roire: ³Tiiboho heka rybedu mahādu rirubunyre. Tule axiwenā wahidÿÿna ribòhònnyre. Jiarÿ sohojile aluure Deuxu. Tule ròrubudÿÿmy wadi ratxirenyreri. ⁴Timybo Deuxu heka Elia-ò dirawònyde: —Aōkōre, kai ihewoludutyhy waluunadu aōkō tate. Waluunadu 7000 inymy rÿire aribihitximy wahe. Tule Bali suritxoo tiu rityhynyrenòhÿmyhÿre. ⁵Katahe wijile iwelese rare. Iny ibutemy Deuxu hòrò mahādu rÿire. Tii taruxetòenadile ritarenyre. ⁶Deuxu ruxetòena heka aò iòwy-di aōkò riòwynymhÿre Deuxu riwahinymhÿre. Aōwiwihikÿ diwinymyhÿdenydeki aōkò heka tuu heka ratximyhÿrenyre iòwydikeki tahe aò ruxetòe aōkò rare. ⁷Deuxu heka judeu mahāduò rihitxinyre tarasanamy reakré. Ijò tahe iwety mahādu wesemy ijò rÿira. Deuxu tamy tarasana-ò rÿyryreri tiiboho roholaòre. ⁸Tyyritina-ki rarybemyhÿre ròròmy ratximyhÿrenyre. Deuxu heka riruberenyre ihāre ta tòhòtirenÿ ratòbònyrenyre. Taita rieryòhyrenyre heka Deuxu Tyytybytyhymy rarybemyhÿrenyreki wahe. Iwelese heka wijina roimyhÿre. ⁹Ihetxiu Iòlò Davi iwelese rarybere: —Kia heka taworana bedehesina-ki, ramyrenykre, raborenykre, tabonahemy rese-renykre idi aòhòkÿmy rotÿÿnykre. ¹⁰Iruē idymy releke tiu robiòkemy. Tiumy rarabunykre iaòbinabina-ki.

¹¹Adeereny arÿÿraxikre kiamy: judeu mahādu resereu ixāwire aōbo? Aōkōre. Urile tarasana nade judeukòdu mahādu-ò tai. Judeu mahādu ibinamy tai ròhòtinkyemy. ¹²Judeu mahādu òraruna òraru-ki heka sòwemy iny-ò aōwiwihikÿ nade, judeukòdu mahādu-ò wahe. Tahe awityhymy rarekre ibutumy judeu mahādu ralòkremy. ¹³Jiarÿ, Paulo wahe, rybe wahidÿÿdu heka jiarÿ rare. Judeukòdu mahādu-ò tii heka jiarÿ rare. Uritere nohòti losarenÿomy kia waaòmysÿdÿÿna rare. Kia awi heka wadee rare. ¹⁴Deuxu heka adeereny aò nihikÿ adeereny riwinyre, kaiboho judeukòdu mahādu rare. Judeu mahādu robikre. Tai heka tiiboho biu-ò hena mahādu-wana ratxikemy riwisÿnykre. Kia wese òsana ijò tarasanamy rimykemy. ¹⁵Judeu mahādu wiji rityhynyòreri. Tai Deuxu ijò mahādu-ò biu-ò hena riwahinyre, judeukòdu mahādu-ò wahe. Iny sòwemy tai ritamy rÿimyhÿre òraruna-ribi. Iwele inyò rubu-ribi riixixanyre wese kia rare iu judeu mahādu ralòkreu wahe. ¹⁶Juhuu paò ere awimy Deuxu-ò biwahinykeki, ibutumy paò ihòrò rare. Òwòru ruty-sòmo Deuxu-ò biwahinykeki, ibutumy òwòru ihòrò rare. ¹⁷Òwòru ere judeu mahādu wese rare. Tiiboho òwòru-ribi raòròmy raremyhÿ. Kaiboho judeukòdu mahādu teròwymy atximahātenyete. Kia òwòruru wesemy òwòru-ò ralòmy atximahātenyete, tai tahe arumy atximahātenyete. ¹⁸Ixitihymy nohòtirenÿomy. Kaiboho dori iratyre awimy aōkò atximahātenyete. Òwòru ruty-sòmo aramyre judeu mahādu tyby wese wahe. Aōkòkeki, kai bedesekre òwòru desede wese. ¹⁹Kaiboho òsana marybebenykre: Tiiboho òwòru-ribi ritamy raremyhÿ inyboho rikibynyrenykre. ²⁰Inatyhy rare. Urile òhòti-ribi

losarenyõmy tiiboho iribi ritamy raremyhỹ rityhynyõrenyreki. Tule kaiboho talõmy tatemyhỹ tetyhynymyhytenyteki. Tai ixiwededỹyõreny urile bexityhynymy. ²¹ Judeu mahãdu heka òwòru rutyhy wese raremyhỹ. Ihãrele tahe Deuxu òwòru-ribi ritare. Timybo tahõtinytenyteri —Deuxu aratarenyõtyhy. Tule aratarenyke timykeki. ²² Deuxu dori ywimy rare ijõ-ò. Tule tii isirare ijõ-ò: —òraruna-txi besebenykeki, tii aratarenyke. ²³ Judeu mahãdu ixyby rityhynyrenykeki, ixyby Deuxu ritidikre iherina-ò. Deuxu irurudirare ixyby ritidikremy —isiraõre Deuxu-ò. ²⁴ Kaiboho heka òwòru bederahy ludu wesemy atxitenyte. Iwese òwòru ludu-ò tii aratidirenyre wese. Judeu mahãdu dori òwòru ludu wesele rare.

²⁵ Waityhydỹydu seriõre, inatyhynaõmy adeereny arelyykre. Deuxu rierye tiwesemybo judeukõdu mahãdu rityhynykre. Ikonana kaiboho bityhynybenykreu, judeu mahãdu ixybyle kanalokre. ²⁶ Tai tahe ibutumy judeu mahãdu ritakremy. Tyyritina-ki heka kiiaweselemy roire: —Siaõ-ribi tarasaduõ kanakre. Ibutumy heka judeu mahãdu òraruna-ribi kòdòdòsekre. ²⁷ Kia bedeu heka aritakre iòrarureny wahe iwese tuu rarybere wese juhuuhukỹle. ²⁸ Katahe rasõwemy roira aõma judeu mahãdu wahe. Tiiboho Rybewihikỹ òludu roire. Tamyreny heka awi aõkõ Rybewihikỹ. Kia heka adeereny awimy rõhònyre. Tetatenyta dori Deuxu-ribi aõma iwahidỹyña aõna aõnawidỹy-namy. Deuxu juhuu taluunamy walabiereny-ò rarybere. ²⁹ Deuxu heka tiu riwixiranyõhyymyhyre. Releke wana heka riwinyimhyhyre tahõrõ mahãdu dee. ³⁰ Judeu mahãdu heka Deuxu rityhynyõmy roimhyhyre wahe. Tai heka Deuxu ruxetõena adeereny diwahinyde. ³¹ Katahe judeu mahãdu heka wiji roire ityhydỹymy aõkõ. Aõutxu tahe Deuxu ruxetõena ixybyle rimykremy rỹira. Deuxu heka iximymy iny riteònyrerimy ihỹre. ³² Deuxu ibutumy òraruro-ò rityhere idi taruxetõena ritỹnynekemy.

³³ Iny Deuxureny aõwi dinodu heka rare. Ibedeerytyhytyhy rare. Inyõ ibedeywidỹyña rieriõhyymyhyre. ³⁴ Tiu rikieryrenyõtyhy irayky, tiu rikibedeeryrenyõtyhy. ³⁵ Inyõ tiu Deuxu tadiwidỹydyumy isỹnyõna. ³⁶ Ibutumy dori Deuxu-ribi hikỹle nade ixidee. Ibutumy iruru namyhyde. Tai tahe ibutumy wowydyna tamy rikiwahinyrenykekemy inyboho ratximyhyreny.

12 ¹ Tahe waityhydỹydu seriõreboho, aumyreny heka biwahinybenyke Deuxu-ò. Aramyrenykekemy òbitihyylemy. Kia wowydynatyhy Deuxu-ò. Tii dori ibutumy aõma inydeereny riwinyre. Kia ibutele rarekre tamy. Tii dori sõwemy riwinyre inydeereny. ² Uritere riraõmy bede ludu mahãdu wesemy. Iwixiramy boibeke. Tai Deuxu dee awimy kia rarekre. Aumy tỹmyramy ibutumy biwinymahãke. Tai tahe Deuxu ribedeerynanykre aõbo awire.

³ Jiarỹ heka Deuxumy rybeduõmy rare adeereny. Tai adeereny ararybekre bexiijebenyke. Òbitimy marybemy aumy-ribi. Deuxu-ribi ityhyna adeereny diwahinydekí heka aõhe botỹyñkekemy mohõtinyamahãbenyke. ⁴ Umy heka sõwemy txura txura roire, umy hitxi hitxinamy rỹire. Kristu ityhydỹydu mahãdu kia wese rare, Kristu woludu mahãdu wahe. ⁵ Tule Kristu mahãdu sõwemy aõmysỹdỹyña witxira rỹire. Sõwemy iny wiribi hitxi rỹire. Iwese umy sohoji wese Kristu wo mahãdu rỹire. Ibutumy wiribi hitximy raaõmysỹdỹymy iwidỹymy rỹimhyhyke. Inyboho heka ibutumy iaõmysỹdỹyña Deuxu-ò rikiwinymyhyrenyke. ⁶ Deuxu heka aõwidỹyña widỹyña witxira

iny sohoji sohoji-ò riwahinymyhÿre. Kai heka tÿnydÿÿna abrysikeki, awimy bexityhynke awimy biwinykemy. ⁷Awimy wiòhedÿÿmy atximahâte wana, bòwiòhenanyke awimy. Rybedÿÿdumy atxiteri-wana awimy òbitimy bibe-deerydÿÿmy. ⁸Deuxu rybemy rybedu atxiteri-wana marybeke inydee bexityhynmy. Deuxu sòwemy adee nieru riwahinyre-wana, bòwiòhenanyke iny-witxira. Inydinodumy atxiteri-wana, òbitimy maaòmysÿdÿÿ ibutu dee. Kia dohodÿÿdukeki botohodÿÿkre inyò aò biwahinykeki awowi-di bowahike.

⁹Wiribi ihitxidÿÿomy. Tuu luu-di tahe inywitxira hitximy. Uritere rybeòmy urirybele. Uritere rybe òbitikòmy rÿiredò noòmy. ¹⁰Kaiboho ityhydÿÿdu seriòre atximahātenyte. Tai wiluummy atxibenyke. Widee biwowodynybenyke, ixidee aòkò. ¹¹Aòmysÿdÿÿna-di boibenyke. Ibutumy Inynyrÿ-ò biwinybenyke eysareny-di. ¹²Beysamy atxibenyke ywina-di aòkòkÿmy dÿÿnana-ki. Bexitòenyhyamahābenyke. ¹³Aityhydÿÿdu seriòrey-ki inyò aò ihoòkeki, tamy biwahinyke ahòrò-ribi. Inyò ihetoòkeki, bidybenyke aheto-ò. ¹⁴Inyò ibinamy adeereny riwinykeki, tahe ibinamy aòkò biòwynyke. Bexitòenyke Deuxu-ò tamy. ¹⁵Inyò reysakeki, tii-wana beysake. Inyò rahinykeki, robukeki, tii-wana mahinyke, bobuke. ¹⁶Ywimy ibutumy iny-wana boibebenyke. Ixityhy aòkò nohòtiòmy. Kai dori ibutumy aòkò teeryte, tule aaòmysÿdÿÿ bina awimy bimibenyke. ¹⁷Inyò adeereny ibinamy riwinykeki, ibina-di aòkò biòwynybenyke aòma uritere ywihyylemy boike. ¹⁸Wiwesehyyle ywimy rÿimyhÿre. ¹⁹Inyò umy aòma rarybekeki, uritere ixidòwydÿÿmy nohòtiòmy. Deuxu-wana birimy. Tii heka riòwynykre iaòhòkÿmydÿÿnana-di. Kia tahe roire Tyyritina-ki. ²⁰Aòma aòludu ramamy ruru wana, tamy rÿsÿna biwahiny, bemy tii ruru wana, tamy bee biwahiny. Tai tahe tii raixÿrure aòbo adee riwinyre lau. ²¹Aòbinahakÿ rÿira-wana, uritere iijiradÿÿomy. Ibutumy aòwiwihikÿle aò biwinyumyhÿke. Tai tahe rexihuke aòbina bina.

13 ¹Bityhynke bedede dinodu. Deuxu dori risÿnyre bedede dinodumy. Ibutumy dinodu heka Deuxule inydeereny riwahinyre. ²Inyò bededinodu rityhynyòkeki, tii heka Deuxu rityhynyòmyhÿre. Iny òbitimy ratxikeki, tiu bedede dinodu rimyòtyhy ròtena-ki aòhòkÿmy dÿÿnana rotÿÿnyòtyhy. ³Inyò òbitimy ratxikeki heka tiu bedede dinodu lau ruberuòtyhy aòhe risÿnyòtyhy. Urile iny aòòtaòtalemy rotÿÿnyreure tahe, tiile ruberumyhÿre bedede dinodu lau. ⁴Bityhynybenyke ibutumy bedede ywina aòbo dinodu mahādu raryberé. Brebuòlemy botÿÿnybenyke. Deuxu diteònyde heka bedede dinodu iny riwiòhenanykemy. Kai aòhòkÿmy botÿÿnymyhÿke aòòtaòtamy tatÿÿnymahāte-wana. Bedede dinodu dori tuu nade. ⁵Ibutumy bedede dinodu bityhynke. Tii heka biwinybenyke Deuxu dee kia awire. Tai heka aòhòkÿmy botÿÿnybenyòtyhy. ⁶Tule iòwy biòwynymahābenyke. Ibutumy heka biòwynymahābenyke aòma tuu dinodu rarybemahāre wesemy. Tai dori riòwynymyhÿre iaòmysÿdÿÿdu. Tii heka anawiòhenanymyhÿde. ⁷Biòwynymahābenyke aòbo òbitire, ibutumy wahe. Aòma dinodu iòwydÿÿmy rariòwymahāre-wana biòwynyke ibutumy awedu mahādu wahe. Bityhynke ibutumy.

⁸Inydee tanadevenymahāte-wana, biòwynyke òbitihyylemy. Iny-witxira luummy atximahāke ibutumy iny wahe. Tii dori Deuxu bedeywina-ki bedede òtiidÿÿna xiery ratximyhÿre. ⁹Ibutumy Deuxudeewire heka kaa rare. Aeryna luummy iwese ixiluure wese, tahe tamy ibinaòre. Kai rubudÿÿomy aòbo, ada wasimy iribi texiwonyte ada ihāwyy-wana maòtakemy aòbo,

texinohòtidĩỹnyte. Uritere aõbina-di ixinohòtidĩỹõmy aeryna-ò. Uritere aõbina widĩỹõmy. Aerynaluumy mabeke iwese kai ixiluure wese wahe. ¹⁰Luuna inyõ-di rarekeki ibina inyõdee riwinyõtyhy rare. Ibutumy Deuxu-deewina heka riwinymhỹre. Tii sohojile heka bede ywina-ki awityhyre.

¹¹Tule heka òbitimy matximahāke. Bededỹ̃nana dori iòhòmy resera. Bede ityre reakremy namyhỹde. Bexixabenyeke wa, Inynyrỹ heka iòhòmy ratximyhỹre inonana-ò. Iòhòtyhymy relera juhu rityhynyrenyreny-ribi. ¹²Ruu heka ròhònymy rare. Txuu tule iòhòmy wahe. Uritere aõbinahakỹ bedeluruhukỹ aõmydỹ̃nana widĩỹõmy. Diabo ijesu bitake aõwiwihikỹ widỹ̃ wahe. ¹³Òbitimy biwinymahāke iwese txu rojuxana iny ratximyhỹre wese. Tai ibutumy iny rarybemahāke kai iluumy atximahātemy. Uritere abededỹ̃nana huduõmy —itxỹteõmy, òtaõmy, adeburemy ijiraõmy, ihāruõmy. ¹⁴Bexitðenymyhỹke Inynyrỹ Jesuisi Kristu-ò wahe anawidhenanykemy. Tai tahe ibutumy òbitimy biwinymahāke. Uritere arayky aõmydỹ̃nabinabina nohòtiõmy.

14 ¹Ijoiò ityhydỹ̃du mahāduò amahādudỹ̃my rurukeki, ròtena ixinamy ralòke iityhyna ibuterehāre tii-wana aõna aõnamy widee rybetyhymy rybeõmyke. Aribi hitximy raraykynyke hāre, bidyke. Ihārele biròtenybenyke. ²Ityhyna irurukõmy ratximyhỹre hāre biròtenybenyke. Tii òsana kiamy raraykynymhỹre: Iny rexiðwynyke iròdude riròmyhỹrenyremy ijò ròhòtinyke. Kai tahe òsana mohòtinyke kiamy. Tuu ibinaõre. Ityhynareny urihimỹòle rare. Brebunale s̃ny rohòlamyhỹre. ³Inyò tahe ibutumy riròmyhỹre. Awimy idi tahòtinymahāte-wana, wiribi hitximy aõkò. Uritere iòhòresedỹ̃renyõmy. Deuxu dori ridymyhỹre iwesemy iweselemy. ⁴Deuxu deòdumy tii rare. Eòdumy aõkò. Deuxu-ò tii rirawýõnyre aõhebo rotỹ̃nymyhỹremy. Deuxu rarybeke aõbo òbitire, aõbo teòsare. Deuxu heka tii ritamadỹ̃nymyhỹre. ⁵Kiamy rakaraykywesenanyrenykre. Txuò aõworana bedehesi heka judeu mahādu riywinymy roimyhỹre. Kia txuule Deuxu-ò reàlànanyrehỹre rexinohòtidỹ̃nymyhỹre. Tahe aõkòre. Ijò ityhydỹ̃du mahādu tahe aõkòre. Tii iitwxira rexinohòtinymyhỹre. Ibutu txuu tamy awire Deuxu àlana riwahnymyhỹre. Ixideewimy iny sohoji sohoji raraykywydyanymyhỹre. Ixitawimy Deuxu riwowydnyre. Ibutumy iny òbitimy ixidee raraykynyke. ⁶Kaiboho atxu biywinymyhỹbenykeki, kia tahe awire. Xiwenade riròkeki, tii tule Deuxudeewire riwinyre. Inyò aõkò riwinyre. Tii tule awimy riwinymyhỹre Deuxudeewina wahe. ⁷Ixideewimy rikiwinyrenyõtyhy inynyrỹ-ò dori inyboho roire. ⁸Inynyrỹdeewimy rikiwinyrenyke. Ihòrò rare, aruruhārele, aõkòhārele. ⁹Jesuisi Kristu rubu-ribi rexixare tai butu wedumy. ¹⁰Inyboho heka ihòrò mahādu roire. Tai uritere inyseriðre rybeõmy ixiradỹ̃õmy. Inyboho dori sohoji sohoji Deuxuru-ò rexideòsinyrenykre. Iu tii ibutumy iny riywisinykre. ¹¹Kiamy heka Ritidỹ̃na-ki roimyhỹre. Inynyrỹ heka rarybere: —Inatyhymy, Ibutumy warue-ò tatiowotimy resekre. Rarybekre heka wamy Jiarỹ Deuxu raremy. ¹²Iny sohoji sohoji iximy relyykre Deuxuko-ò.

¹³Uritere inywitwxira-ò ryberenyõmy tii ibinamy rare uritere aõwidỹ̃õmy, iðraru-ki ixhydỹ̃du òraru-na-txi resehemy. ¹⁴Jiarỹ tahe kiamy rahòtinyre. Kia aõmydỹ̃nana aõ aõkò rare Deuxu-ò. Xiwena r̃s̃ỹna rir̃s̃ỹkeki aõ aõkò rare. Uritere kia nohòtidu dee ibinare. Tiiboho riròòke. Xiwena r̃s̃ỹnar̃s̃ỹ òraru-ki aijoiò bibedewonyhenylau ir̃s̃ỹõmykre. ¹⁵Aityhydỹ̃du seriðreò

òbitiomy ratxikeki tahe iru-ki arawidỹyomy atximahā. Tamy dorihe òbitimy aōkō heka idi rōhōtinyke. Tii heka tule riwinykelemy ixidi rōhōtinyke. Timy aōki teòsamy rahaòhyymhỹre aōma, xiwena rỹsỹna-ki. Kai aōki awimy aōma awityhy irỹsỹomyke Deuxu Riðreò dibinadỹnyke lau wahe, Kristu dori iòraru-ki rurure. ¹⁶Kaki awimy òbitimy mahakeki. Biwinykeki inywi-txiraru-ki atxikeki, kia tai uritere rieryomy aki rahake. ¹⁷Riroximhỹrenyre, riomyhỹrenyre —kia Deuxu Iòlòna dee aō aōkō rare. Aōmale tahe rōkōhō-tinytyhymhỹreny: wiðhedỹña, ywina eysana. Deuxu Tyytybytyhy inydeereny wahidỹña wahe. ¹⁸Kia wese iny rỹikeki heka Deuxu dee wina rare, inydee tule. ¹⁹Wii rikiwiðhenanymhỹrenyke ibutumy wiwesehyyle ywina-di. Tai iny tyhynareny rikikyhnanyrenykeny. ²⁰Rỹsỹna òraru-ki aōhe wisdỹỹrenyomy, butumy dori Deuxu riwinyre. Kia inyò iòraru-ki aōwitziramy rōhōtinykeki tahe ibinare. ²¹Aō dee rỹsỹ vii momo heka ibinare, tai tii rexiðrarunykeki aòraru-ki urile bexiijonybenyke. ²²Kaa biwinykeki timybo Deuxu dee òbiti relemhỹre, urile ibutu-ò tuu rybeomy iny bedeòby, kia ira-ki aō ibinakòre. ²³Ijò urihimyò tatyhynomy ratximhỹre heka iximy riatyke. Adeee tahe òbiti heka rare. Aōbo riwinyre heka òraruna rare. Tai iwidỹyomy.

15 ¹⁻²Iny ixira-di heka rōkōhōtinyrenyke ibutumy aōbo iny riwinymhỹredi. Idi rōkōhōtinyrenyke inywixira aōlaubo ruberumhỹré. Iny òbiti erykō mahādu-di. ³Kristu dori kaki raremyhỹ ixideewimhỹre: nade aōhōkỹmydỹñana-ò tai heka bede-ò nade. Riòludunyre heka aōbo iòludu aòbinabinahākỹ rarybere heka riwaòludunymy raremy. ⁴Tuheka roimhỹre ihetxi Tyyritina-ki inywiðhedỹña reny. Iny heka ribedeerydymhỹrenyre ywina-di rakatxirenkyemy rikiraòrenyke heka Deuxu aōmy bededỹñana wahe. Rahykyu òraru rahykyu wahe rubu. ⁵Tii heka wadee awire wii biwiðhenanyke. Deuxu anawiðhenanykeny adireny watxireri. Iwese Jesuisi Kristu riwinyre wese.

⁶⁻⁷Iluu ratxirenkyemy irumy wiluumy matxibenykeny. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rỹike òbitimy. Tai tahe inyboho ywinale rekeàlāmyhỹre Deuxu-ò, tii Jesuisi Kristu tybyreki wahe. ⁸Deuxu ihetxi mahādu òraru-ki Jesuisi Kristu heka judeu mahādu deòdurenymy ioxisỹnyre. ⁹Iwese rybetyyritityhy rarybere wese: —Idi judeukòdu mahādu Deuxu riwowodynykeny. Tai adee ariwiunykre judeukòdu mahādüy-ki. Jesuisi Kristu heka nade inatyhy riteòsinykeny. Judeu mahādu riwiðhenanykeny Jesuisi Kristu nade. ¹⁰Kiamy heka roire wiuna Ritidỹỹ-ki kia rarybere. Àlàna adee ariwahinykre wiuna-ki judeukòdu mahādüy-ki ani-di arawiunykre. Ijò-ki tulekre: —Tuheka wiuna-ki raritidỹỹ roimhỹre judeukòdu mahādu beysake wa judeu mahādu-wana. ¹¹Ijò-ki kiamy roire: —Àlàna heka biwahinykeny Inyryrỹ-ò idi watxireri, kaiboho tule judeukòdu mahādu. ¹²Deuxu dee rybeduò, Isaia tuu rarybere: —Rexiriòkòremy heka irybe roimhỹre. Ijese riòkòre wahe. Tii judeukòdu mahādu iòlòmy ronykre. Tiile heka riraòmy roimhỹkre. ¹³Jiarỹ rexitðenyre, Paulo, kaiboho, Deuxu heka arateysanyrenykre sòwemy ywina-di, tyhydỹña-di. Kiamy heka adireny heka watxireri, waseriðreboho. Jiarỹ heka rexitðenyhy watximhỹré Deuxu arawiðhenanykeny adeereny rexiterenymy watxiwāhāre. Deuxu Tyytybytyhy ruruna-di raròsòna-di adeereny kidiwahinykeny watxireri.

¹⁴Kaiboho òbitimy ahātenyete waityhydýýdu seriòrebobo. Sòwemy aóna aóna witxira teerytenyete. Inywitxira bibedeerynybenyke dori teerytenyete. ¹⁵Ihārele taheka atxireny wanohōti reare inatyhymy tai warybe rewahiny Deuxu riwatyhynymy kawese riwasýnyreki. ¹⁶Biwateònyke taheka judeukōdu mahādu-ò. Jesuisi Kristu dori riwatare tadeòdumy idi judeukō mahādudikemy. Iu Deuxu rybe wihikýmy rarybemyhýreu, xiwena wahidýýdu wese rare. Kia tahe judeukōdu mahādu Deuxu-ò awike. ¹⁷Tai tahe Jesuisi Kristu-wana rexi-bedesanymyhyre Deuxu-ki waaòmýsýdýýna òraru-ki. ¹⁸Jesuisi Kristu Rybe-wihiký týmyra-di rareri. Rexitðenymy rare adeereny. Tai kaiboho òbitimy teletenyete Deuxu Tytybytyhy òraru-ki wahe. Wadeysamy heka watxiwāhāre. Jesuisi Kristu adeereny riwinyreki wahe. Jiarý reerykōre iwitxira mahādu-di. Tahe aoma waaòmýdýýnana reeryre. Tiu dori biwawiòhenanyke judeukōdu mahādu aritakemy. Deuxu mahādu judeukōdu rarekemy. Òbitimy ikoreny-ki raremyhý. ¹⁹Rybe wihikýmy rybe-di rarewāhā tamyreny. Aóna aóna wiwihiký irureny-ò rewinywāhāre. Deuxu Tytybytyhy-di Jerusalē hāwā-ribi heka rybe-di rare. Iliri bede-ò wahe. Ibutumy bede bedemy rarybere. Jesuisi Rybe-wihikýmy. Ibutumy waaòmýsýdýýna rewinyre, Deuxu wadee riwahinyre wahe. ²⁰Ihāre tahe ararybekemy watxireri tiu iny roholakōmyhýre mahādu-ò. Ijōò dohodýýna iny ritohodýýnymyhyre. Tai ikomy ararybekemy ixidi watxireri. ²¹Isaia dori kia Tyriti roire: —Tiu iny tamy roholakōmyhýre tamy ijohonaòmý rarybere. Tai rierymyhýre. Tai tahe roholakre tahe rityhynyke.

²²Tai heka raraòlemy watxiwāhāre —adeereny. ²³Katahe kaki rexihumy waaòmýsýdýý ratxireri. Katahe arorarenymy arake watxireri beòrakōle arakemy ixidi watxireri. ²⁴Espanha bede-ò arakemy watxireri. Arakreu dori Roma-ò aroramy heka arake. Iribi inyboho ibutumy rakatximyhýreu tahe tako-ò biwaixidýýnybenyke. ²⁵Ikoki taheka wahidýýò ariwykre Jerusalē-ò. Jerusalē hāwā mahādu dori aòhōkýmy rotýýnymy rýiramyhý. ²⁶Macedonia bede-ki Akaia bede-ki tamy nieruò riwahinykre ratxireri dohodýýna mahāduò kia rama rahureri mahādu wahe. ²⁷Tiiboho riwiòhenanyre deysana-di. Kia òbiti rare. Iribi tahe Deuxu rybe aòmýdýýnana, Judeu mahādu-ribi nade. Tai tahe judeukōdu mahādu, tule judeu mahādu riwòhenanymyhýke taaòwiwi-di. ²⁸Kaa nieru-di arakreu, tahe aroramy arehemynykre. Iribi Espanha-ò arakre. ²⁹Tuu awana watxikreu, tahe teysamy Inynyry-di rakatxikre.

³⁰Bexitðenyke wadee waòmýsýdýýna sòwemy watxireri ariwinykre. Deuxu Tytybytyhy heka sòwemy wadee nade adeereny ariwahinykre, luuna sòwemy adeereny ariwahinykre. ³¹Tule ityhydýýdukōdu mahādu Judeia wadee aòbinahāký wadi ratximyhýre. Wadi bexitðenybenyke jiarý iribi arahenykre. Tule kaa nieru rewyreri waribi teysamy rimyrenyke. ³²Tai tahe awanareny tahe wadeysamy arehemynykre Deuxudeewikeki. ³³Deuxudeewikeki wii riki Deuxu ywina adeereny watxireri. Kie.

16 ¹⁻²Fibi hāwyy ityhydýýdu seriòreò adee rakre. Tii heka Sekrea hāwā ludu dohodýýna mahāduò rare. Tii heka dohodýýdu mahādu riwiòhenanymyhýre aōu aōu aityhydýýdu seriòre wesemy. Tii kaiboho biwiòhenanykre, tii dori sòwemy riwawiòhenanyre.

³Birybedýýnyke Prisila Akila-wana. Tii wawiòhenadýýdureny. ⁴Tii wadee sòwemy riwinyre rubu lau ruberuòtyhy. Tai jiarý reālāwāhāre tamy, tule

tuu ibutuma Judeukôdu dohodÿÿna mahâdu. Iheto dohodÿÿna mahâduô warybe wehityhyna biwahenyre. ⁵Epenetu-ò biwehityhyny. Tii ibutumy ityhydÿÿdu-ribi juhuule rityhynyre Asia bedeki. Tii wabiôwa rare. ⁶Marie adeereny raaômÿsÿdÿÿtyhyre. Biwehityhyna wanimy. ⁷Adroniko, Junia wana biwehityhynanykre. Tiiboho judeu mahâduô roire. Rôtenawo-ki wawana roiremyhÿ. Dohodÿÿna mahâdu rierytyhyre. Deuxu deôdÿÿna mahâdu heka wakomy rityhynyre. ⁸Ijô waityhydÿÿdu biôwa Ampliato inire. Tamy kanarybekre tule. ⁹Urbano, Estaki-wana tule Kristu dee wawiôhedÿÿdu tule rybe wehityhyna tamy biwahinyke. ¹⁰Apele heka ityhydÿÿdu tyhy rare. Biwehityhynanyke. Aristabulo-wana heto woludu mahâdu biwehityhynanykre warybe tamy. ¹¹Tule biwehityhynanykre Herodiaô —waijoiô tii rare judeu mahâduô wahe. Kristu dee dori kia iny ôbiti rare. Narciso heto ludu ityhydÿÿduô heka tule biwehityhynanykre warybe tamy. ¹²Tule Trifena, Trifosa, Peside-wana raaômÿsÿdÿÿmy Inynyrÿreny-ò biwehityhynanykre wary tamy. ¹³Rufu tule Deuxu dee aômÿsÿdÿÿdu rare ise tule. Tii dori nadi wesemy riwawisinanyre. ¹⁴Asincrito, Flegonte, Hermes, Paroba, Hermas, tule biwehityhynanykre ityhydÿÿdu mahâdu. ¹⁵Filologo, Julia-wana, Nereu taseriôre-wana, Olimpa, ityhydÿÿdu mahâdu tii-wana ratxireri ibutu-ò warybe wehityhyna. ¹⁶Ibutumy aseriôre debò bimye biwehityhynanybenykre ibutumy. Ibutumy Kristu tydÿÿdu mahâdu-ò arawawehehityhynanykre. Tule kaki dohodÿÿna irybe wehityhynanyre adeereny riwahinyreri.

¹⁷Rybeô roire kaa rybe tyriti ixiydynako-ki. Ijô aôhe dÿÿnana doimyhÿde kia hetowo hitxina-ki. Iwitxiramy heka taerydÿÿna mahâdu —iwese inydeereny erydÿÿnamyhÿre wesemy aôkô kia lau tahe bexiebenyke. ¹⁸Aô Jesuisi dee aôkô raaômÿsÿdÿÿnyre. Ixidee tule heka raaômÿsÿdÿÿmyhÿre aô ixidee ritarenykemy rôhôtinymhÿreny. Tiiboho heka rarybewihikÿmyhÿreny, aôma, ruikedÿÿmy timy bedeki erykô tuu ratximyhÿreny. ¹⁹Jiarÿ wadeysamy watxireri kaiboho ôbitimy ibutumy toiteki. Araerywâhâ jiarÿboho aôbo ôbitire uritere aôbina widyyômy. ²⁰Deuxu ywisidÿÿna wahidyyna dori Sata-nasi riixâwididÿÿnyke. Jesuisi Kristu Inynyrÿ wiôhedÿÿna adeereny riwahinykemy idi watxireri.

²¹Tximôtxi dori wawiôhedÿÿdu rare. Lucio, Ijasô, Sosipatu, wajudeuijoi-wana tule adeereny irybe wehityhyna riwahinyre. ²²Jiarÿ, heka Tercio, reritinyreri aôbo Paulo rarybere adeereny. Jiarÿ adeereny warybe wehityhyna rewahinyreri. ²³Jiarÿ heka Kaio heto-ki watxireri, dohodÿÿna rabutunyreki watxireri. Kaio irybe wehityhyna adee riwahinyre. Tule Erasto hâwâ nieru rubudÿÿdu rare. Tule Quarto inyseriôreny rare. Ibutumy heka kaa irybe wehityhyna adeereny rewahinyreri. ²⁴Inynyrÿ Jesuisi Kristu ruxe-tôena ibutumy adeereny kanakemy idi watxireri. Kie.

²⁵Deuxu irurutyhy-di rare. Tii heka adi ryrubunykemy adi watxireri. Iwese rybeweityhyna rarybere wesemy, ruru adee riwahinykre. ²⁶Kaheka Deuxu tarasana rare. Ibutumy iny mahâdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahâdu juhuu rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tytybytyhy rierykre tule rityhynykre. ²⁷Deuxu-ò àlàna biwahinykeki tii dori bedeeryna ratximyhÿre Jesuisi Kristu ôraru-ki wowydyna tamy biwahinybenykre aôu aôu. Kie, Paulo.

1 Oritxi Mahādu-ò

1 Oritxi Hāwā Dohodỹña Mahādu-ò

1 ¹Paulo jiarỹ Deuxudeewimy deòdumy wāhāre, Jesuisi Kristu deòdỹña-ki wahe. Jiarỹ waityhydỹdu seriøre Sòteni-wana adee warybereny adiwahinyde. ²Oritxi hāwā dohodỹña mahādu-ò heka watyyriti adiwahinyde, Jesuisi Kristu òbitidỹña mahādu-ò, Deuxu hōrō mahādu-ò, hāwyy, hābu-wana, ibutumy Jesuisi Kristu ityhydỹdu mahādu-ò. Tii iny Iòlòrenymy heka ratximyhỹre. ³Ruxetòena, ywina-wana adeeren kanakemy-idi watxireri, Deuxu iny tyby-ribi, Jesuisi Kristu iny Iòlò-ribi.

⁴Deuxumy reālāmy watxiwāhāre, Jesuisi Kristu adeereny ruxetòena diwahinydeki. ⁵Ibutumy dori iribi tòerymy ahāte arybena-di, erysydỹña-di. ⁶Kristu dee rybena akireny roimyhỹre. ⁷Iribi awahidỹña rauhenyōreri, kaiboho dori Kristu deòsidỹñamy teraòmahāte. ⁸Jesuisi arawidhenanyhyy rarekre bededỹñana konana-ò, tatxuu òbitimy ixiko-ò, rexilamadỹñnykemy. ⁹Deuxu òbitihyyra. Tii aratobinyra Tariøre Jesuisi Kristu-wana rarekremy, iny Iòlòrenymy.

¹⁰Jiarỹ adeereny rexitòenyreri Jesuisi Kristunimy iny Iòlòrenynimy wiwese wimy wimy bityhynymy marybebenykemy. Wade awiøre wiribi hitxi hitxidỹ. Wii bitotynytyhymy boibekemy adireny watxiwāhāre, araykyreny-ki, aerysynareny-ki. ¹¹Kaiboho waseriøre mahādu, wimy taujōmotenyteri. Lòe hetowoludu mahādu kia wako relyyra. ¹²Inyō wadee rarybemyhỹre. Ijō mahādu heka Paulo rityhynymyhỹre ihōrō mahādu wahe, ijō heka Apòlo rityhynymyhỹre ijō tasỹ Pedro rityhynymyhỹre, ijō tahe Kristu rityhynymyhỹre. ¹³Aòherewe, Kristu be iny rihitxihitxinymyhỹre. Paulo be itxeò nihikỹ tyre-ki rurure adeereny. Pauloni-di be rasebere. ¹⁴Inyō he ròratisebenyōre. Krispu, Kaiowanale tahe resebenyre. Tai tahe wabedesamy watxireri. ¹⁵Kiamy ta heka inyō rarybeke lau reijōnymahāre: —Jiarỹ Pauloni-di rexisebenyre. ¹⁶Tefana hetowoludu mahādu adiratisenbenyre. Inyō reratisebenykeki wanohōti reaòhyre. ¹⁷Kristu dori aòsebedỹmy aòkō diwateònyde Rybewihikỹmy rybemy. Bede erydỹña nihikỹmy rybemy aòkō diwateònyde, Jesuisi itxeò-ki lamana ariwòkemy aòkō, kia inydeereny rurureki wahe.

¹⁸Kristu itxeò rubumy ijyy heka ityhydỹdukòdu dee itxỹtena rare. Biu-ò hedu mahādu dee tahe, Deuxu ruru kia rare. ¹⁹Kiamy tahe iritidỹña roire: ierysydu mahādu erysyna-di ariixāwidỹnyke. Bede erydu rayky-di adii-jōnykre. ²⁰Titxibo tahe bede erydu rare. Tyritimy erydu heka titxibo rare. Titxibo tahe wiji dỹraxidu rare. Kabede ludu bede erysyna heka Deuxu-ò itxỹtedỹña rare. ²¹Bede bede ludu mahādu rōhōtynyre bedeerytyhymy. Tai

tahe Deuxu iximy riernanyôhyyre. Kia tahe Deuxudeewire. Iny rybewihikĩmy rybe heka iny witxira-ò itxĩtere. Kia-di tahe Deuxu iny ritareri iny rityhynyreki. ²²Judeu mahādu aōwiwi rĩkemy aōbo raremy ratxireri. Judeu-kōdu mahādu bede erysydĩyña-di rarekemy rijemyhĩre. ²³Kristu itxeò-ki lamanamy iny rarybemhĩrenyire. Kia tahe judeu mahādu riojinyre, judeu-kōdu mahādu dee itxĩtena kia rare. ²⁴Tahe Deuxu rarirōwysyna judeu tule judeukō mahādu-ò heka Kristu erydĩyña tule ruruna rare ihedĩyñarenymy. ²⁵Deuxu itxĩtedĩyñamy rybe hābu bedeery ratyre rare. Deuxu iruruōkeki, tii hābu rurur ratyre iruru rare.

²⁶Waseriðre mahādu ararirōwysyna-di mohōtinybenybeke. Beteheiny erysyna mahādu-ribi sōweøre, Deuxu rarirōwysyna mahādu. Dinodu mahādu sōweøre, iny lōlōtyhy mahādu-ribi sōweøre. ²⁷⁻²⁸Deuxu heka aōna aōna itxĩtena ritare bedeeryhykĩ mahādu riixĩrudĩyñykyremy. Aōna aōna ruruo Deuxu ritare aōna aōna rurur-di riixĩrudĩyñykyremy aōna aōna derare, aō aōkō rare Deuxu ritare aō-di aō aōkō-ò rijjanykre. ²⁹Tai dorihe inyō rexitihynkōkemy Deuxuko-txi. ³⁰Kaiboho dori Jesuisi Kristu hōrō toite. Tii heka inydee ibutumy rare: erysynamy òbitinamy, tamanamy, tarasanamy rare biu-ò hena wahe. Deuxu kia ibutumy diwahinyde inydeereny. ³¹Kia dori ritina rybe-ki roire: —Inyō rexiwowydynykeki, Deuxu-ki rexiwowydynyke.

2 ¹Waseriðreboho aō hābu bede erynihikĩ wese aōkō adeereny anade. Deuxu rybetyhydĩyñanamy ararybekremy. Rybenihikĩmy heka rarybeøre. ²Tii sohojile reeryre akireny rarewāhāu, Kristu itxeò-ki lamanale wahe. ³Akireny rarewāhāu waruruōmy rarewāhā, ixĩru brebu tahe riwamytatadĩyñyire. ⁴Wabedeerydĩyña erytyhy rybesirahakĩ-di aōkō rarybereri iny rityhynykyremy. Urile tahe Deuxu Tytyby rurur-di rarybewāhāre. ⁵Hābu erytyhydĩyña aōkō bityhynykyremy adi wāhāre Deuxu ruruna tahe atyhynarenymy heka idi toite.

⁶Ityhdydydu umy-ò bede erydĩyña-di rarybemahāre. Kabede aōmydĩyñana bede ery aōkō rare. ⁷Kia tahe Deuxu erydĩyña tyhyre. Kia heka hābu mahādu lau riwōmyhĩre. Juhu inydeereny riywinyre. ⁸Kia bede erydĩyña inyō wiji lōlōtyhy mahādu rieryøre. Kia rierymyhĩkeki, Wanyrĩ wowydyna-ribi itxeò-ki ritamadĩyñyōhyyre inihe. ⁹Iwese Ritidĩyña roireri wese rare: —Rue lobixiōhyymyhyre, nohōti heka roholaōhyymyhyre, inywo rieryōhyymyhyre, aōbo Deuxu riwinyre taluuna mahādu dee, tamy riwahinykyremy. ¹⁰Deuxu Tytybytyhymy kia inyboho ritedwarixinyrenyire. Itytyby ibutumy rieryre. Deuxu raykywo-ribi aō ritĩynynmyhyre. ¹¹Inyle heka iny ixiramy rierykre, kawese tule Deuxu tytybydyile aōna aōna rierykre. ¹²Bede aōmydĩyñana aōkō inydeereny wahisidydyre rare. Deuxu Tytyby tahe inydeereny wahisidydyre. ¹³Kiadile Deuxu wahisidydyña iny reeryrenyire. Kia iny reerydĩyñanymahārenyire hābu bede erydĩyña-di aōkō, Deuxu Tytyby rybe-di tahe reerydĩyñanywāhāre. Kia iny retĩynynmahāre iny Deuxu Tytybytyhy-di mahādu-ò. ¹⁴Iny Deuxu Tytybytyhy-di rĩiōra mahādu dee Deuxu Tytybytyhy aōmydĩyña dera. Tamy itxĩte rare. Rierykōre. Deuxu Tytybytyhydyile iny rierymyhĩre. ¹⁵Iny heka Deuxu Tytybytyhydyikeki ibutumy rierymyhĩre. Inyō tahe tuu aōmy tuu irybeōna. ¹⁶Ryberiti-ki roire: —Mobo tahe rieryre Wanyrĩ rayky, mobo tamy aō ritĩynynykre inyō aōbo? Inyboho Kristu rayky ijōdire, iwesele raraykynymyhyre.

3 ¹Waseriòreboho adeereny rarybeòhyyre hàbu Deuxu Tytytybytyhy-di rýira wesemy. Hàbu òrarudu wesemy rýirawesemy adeereny ararybeke. Uladu wesemy Kristutyhydýý-ki rýira wesemy adeereny rarybere. ²Huýsy-di òedýý araerynadýýnyrenyreu rýsýnatere wesemy aòkò erydýýnasiramy aòkò rybe. Kia rýsýna rýsýmy texiywinyòteny. Wiji tule texihumy aòkò toiteny. ³Òrarudu wesemy dori ahàteny. Ihàrumy, ijàmy atximyhýteny. Tai tahe òrarudu mahàdu wesemy ahàte ityhydýýdukòdu mahàdu wesemy ahàteny. ⁴Inyò rarybekeki: —Jiarý Paulo erydýýnay-ki rare. Ijò rarybekeki: —Jiarý Apòlo erydýýnay-ki rare. Tiiboho ityhydýýdukòdu mahàdu wesemy ihýreny. ⁵Aòbohe Apòlo, aòbohe Paulo. Deuxu deòdu heka inyboho roire. Inyribireny tetyhynymy teerymahàteny. Iwese Deuxu iny sohoji sohoji-ò aòmydýýna riwahinyre wese, tai tetyhynyteny. ⁶Ta jiarýle rybemy rarybere iny aòty ribòrònymyhýre wese, Apòlo rybe ritýnynyre iny alòbòròna ribenymyhýre wese rituunyre. Deuxule tahe idimyhýre iwese alòbòròna riumydýýnymyhýre wese. ⁷Tai tahe tòbòròdýýdu aò aòkò rare; ituudýýdu tule aò aòkò rare. Deuxule aòweddu weddu heka rare. Tiile ityhydýýdu widýýdu nihiký rarekre. ⁸Tòbòròdýýdu ituudýýdu-wana sohoji wesemy ihýreny. Sohoji sohoji tauri wahisidýý ritakremy, iwese sohoji sohoji raaòmysýdýýmyhýre wese. Wiwana dori Deuxu dee iny raaòmysýdýýmyhýre. ⁹Inyboho heka Deuxu wiðhedýýdu mahàdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰Heto widýýdu deyrewewese retelenyre. Ibutumy Deuxu ruxetðenamy kia rewynyre. Juhumana retidire idi tahe itira ityre reòðònyra. Ywimy biwinybenykre. Awimy bitamadýýnykemy. ¹¹Jesuisi Kristu juhumana wese heka rare, inyò tiile tarasadu wahe ijò manaò teròwmy ritidiòtyhy. ¹²Ibutumy juhumanatyre-ki relereri. Ijò womati týtýrýhýký, ijò prata-di ijò manatýny-di, ijò òwòru-di, ijò òteti-di, ijò horeru-di. ¹³Kia txuu Kristu txu wahe riteòsinykre aòdibo sohoji sohoji raaòmysýdýýmyhýre heòty dori riurihixinanykre. Aòhebo iny rotýýnymyhýreki. ¹⁴Juhumanatyre-ki iny aòmydýýna rýikeki, tii uri iwahisidýýnana ritakre. ¹⁵Iny aòmydýýna rasòkeki tii rò-nodýýkre. Ihàre tahe tarasana ritakre heòtyroobymy wahe.

¹⁶Kaiboho Deuxu heto wesemy toitemahà. Teeryòte aòbo. Deuxu Tytytybytyhy heka aworeny-ki rasýnymyhýre. ¹⁷Inyò Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto lytytyhy rare, ihòròtyhy wahe.

¹⁸Ixi itxenadýýòmy, inyò bedeerymy ixi-di ròhòtinykeki, raitxýteke tai tahe bedeery inatyhy-ki rarekre. ¹⁹Kabede bede eryna tahe Deuxu dee itxýtena rare. Kia Ritidýýna-ki tahe roire: —Bede erynadu tyhy tabedeerydýýna-ki Deuxu-ò ròònodýýre. ²⁰Ijò Ritidýýna-ki roire: —Wanyrý, bede erydu rayky rieryre. Kia raykywi aò aòkò rare, rybetyhy aòkò. ²¹Iny aòmydýýnana-di ixiwowydýýòmy, ibutu dori ahòrò rare. ²²Paulo, Apòlo, Pedro, bede, umy, rubu, aòmydýýna wijina, aòmydýýna bede kanakre, ibutumy ahòrò rare. ²³Kaiboho Kristu hòrò toite. Kristu Deuxu hòrò rare.

4 ¹Inyboho Deuxu deòdu roire, ibutumy idi mohòtinybenyke tii inyki reny ihýre. Inyboho dori Deuxu aòmydýýnana erykòdu týnydýýdu roire. ²Deuxu týnydýýdu òbitihyky rarekemy. ³Wadi ròhòtinykeki awimy aòbo ibinamy aòbo kia tahe wadee aò aòkò rare. Aòbo dohodýý týnydýýdu mahàdu

wadi rohötinyke kia wadee aôkôhykyre. Jiarÿ tahe ixi-di dehummy rahôti-nyôhyymahâre. ⁴Jiarÿ reeryôre inyô aôbinamy wadee rexiwonyke warayky wadee ôbiti rare. Tahe ihârele ôbitimy iko-ki rare. Wanyrÿ tahe wadi timy rôhötinyke. ⁵Kia tahe wiji idi timy nohôtîomy. Jesuisi nonanako-ki. Tii tahe kanakreu, ibutummy wasimy aô rÿira ritÿnynyke, ibutummy iny raykymy rÿira ritÿnynyke. Kia txule ibutummy iny tabedeôby ritakre Deuxu-ribi.

⁶Kia aôna aôna wawese riwawesenanyeri. Apôlo wese tule rewesenanyeri. Kaiboho dori bierybenykemy kia: ierysydÿÿrenyômy aôbo iritidÿÿnawo-ki ihoôre. Kia wese keki, ijô tÿnydÿÿdu ijô ratyre ryiôtÿhy. ⁷Mobo iny wiribi iwitxiramy ihÿre. Aôbohe akire Deuxule aôwiwi adee riôre. Ibutummy iribi tetateki tahe aôherekibo axiwedere. ⁸Kaiboho ibutummy aô ijôdire. Tatyhytenye, iôlô wesemy taditehemynye iny arawiôhenanyrenyôre. Wadee awire kaiboho iôlômy ahâtenye. Tai jiarÿboho awana ariôlônÿkre. ⁹Kiamyre ôsana. Deuxu dee heka inyboho deôdÿÿna mahâdu rurukrerke mahâdu roire ibutuko-txi, ÿjuko-txi, hâbukô-txi. ¹⁰Kristu ôraru-ki itxÿtewesemy jiarÿboho roire. Kaiboho Kristu erydure riki. Jiarÿboho warurukôrenyke. Kaiboho orarudirenye jiarÿboho inyô waluurenÿyôre. Kaiboho tahe ibutu luuna toite. ¹¹Ihâre tahe wiji ramamy, bemomomy, tykyômy rekoamÿhÿre. Tule sÿywisidÿÿna rÿiôre. Tule jiarÿboho wahâwâ ôbiti ihokôre. ¹²Ihâre inyboho naaômÿsydÿÿmyhÿde iny debô-di irukemy. Inyô inydeereny aôbinamy rarybekeki, awilemy inyboho rirawÿônmyhÿre. Inyô aôsirahakÿle inydee riwinykeki, aômy rybeômyke. ¹³Rybebinamy inyboho dee reakeki, ihârele Deuxummy tamy rarybemÿhÿre. Rÿnysityby wese inydireny tiiboho retehemÿhÿre, iijese ijese wesemy.

¹⁴Kia rôritidÿÿreri aixÿrudÿÿrenymy aôkô, tahe wiôhedÿÿdumy retirÿreri binadÿÿna lau, iwese inytybyô tariôre riernanyre wese. ¹⁵Tahe sôwemy Kristu-ki bede erydÿÿdu rÿire. Sôwemy aôkô bobohomy rÿirenÿyke. Kristummy heka jiarÿ sohojile borenymy rare. Rybewihikÿ erysyna-di dori borenymy râire. ¹⁶Kia dori kaiboho wawesemy boibekemy adirenÿy watxireri. ¹⁷Tai Tximôtÿxi reteônÿy adeerenÿy. Tii wariôre luu wesemy ratxire. Tii ôbiti rare Wanyrÿ-ô. Tai watxi ôhôtirenÿy reake iwese Jesuisi Kristury wese rariamÿhÿreki, tule iwese reernanyre wese ibutu dohodÿÿna hetowo-ki. ¹⁸Inyô ixiwowydumy ixidi rôhôtinymÿhÿ iwese arura-ô araôreki. ¹⁹Wanyrÿdeewikeki arakre wylemy arorarenÿy-ô. Tai arierykre ixiwowydumy nohôtidu irybe sohojile aôkô arierykre, aôhebo rotÿÿnyre tule arierykre. ²⁰Deuxu ôlôna heka rybe sohojile aôkô rare, rurutyhy heka rare. ²¹Aôbo tahe awityhyre ôhôte-di adehemyny aôbo, ada luuna-di ywina-di adehemyny aôbo?

5 ¹Dohodÿÿna mahâduy-ki ôrarityhy-di riki toite kia tahe rare: hâbuô heka tybyhâwytyby-wana roire. Kia ôraru tahe ityhydÿÿdukôdu mahâdu riôludunyôhyymÿhÿre. ²Kia hyyle ixi-di aô aôkô tôhôtinymÿhÿte. Aôherekibo bede teôtiinyôtenye tahinyômy idi textiôenyôhytytenye. Hâbu kia riwinyre, ityhydÿÿdu mahâduy-ribi biôlôdÿÿnyke. ³Jiarÿ akÿrenÿy-ki watxiôrerihâre, tahe warybetytyby awanarenÿy ratxireri, iwese jiarÿ awana ratximÿhÿre wesele. Tahe wadohodÿÿna ariwahinykre kahâbumy ibinamy riwinyremÿy. Tahe ityhydÿÿdu ributunÿykeu, ⁴warybetytyby akirenÿy rÿireu, Jesuisi Kristu ruru akirenÿy rÿireu, kahâbu Satanasi-ô biwahinybenÿyke. ⁵Tai kahâbu umy Satanasi-ô biwahinybenÿyke itytytyby tahe rahenykre Wanyrÿ

Jesuisi kia nonanatxu-u. ⁶Arybe iximy wydy awi aōkō rare. Taholaōtenyte aōbo kia rybe-ò; iuri ibutere paō widyŷna sōwemy rauridyŷra uridyŷna heka òraru wese heka rare. ⁷Idi behubenyke iuri hitxina-di, tahe paō iuriōmy rŷi-rekre wese boibekemy òbitimy, Kristu tule buddēni xiwedŷna wesemy iny-deereny rurure, iny Pascoaren y worana bedehesi dorihe rarŷŷnyny rare. ⁸Tai tahe ixena roxina rikiwinyrenyke. Paō iuri-di ryiōmy rakatximyhŷreny. Kia uri paō òraruihetxina wese rare. Paō tŷmyra, òbitire, inatyhyre, tii rikiyrenyke. Kia tahe rare òbiti widyŷna wahe.

⁹Adeereny watyyriti rewahinyre òrarudu mahādu roo-ki risiōmy, òtadu mahādu-wana boiōkemy. ¹⁰Ibutumy òrarudu mahādu-ò aōkō adeereny rarybere. Iny ibina mahādu, wasidu mahādu, Deuxutyhy luukōdu mahādu. Kia-wana noōrenymykeki, bede-ribi ihyyle bexihitxinyke. ¹¹Wiji watyyriti kia wese rewahinyre. Ityhydŷyduy-txi ròtadu òrarudu rarehyykeki, kia roo-ki risiōmy tule iny ibina mahādu, Deuxutyhy luukōdu, ujōmomy rybedu, wasidu, axaxa momodu, kia mahādu-wana tahe byreōmy. ¹²Ityhydŷydu-kōdu mahādu ywisidŷydu aōkō jiarŷ rare. ¹³Deuxu dohodŷydukōdu mahādu hitxidŷydu rarekre. Deuxu Ryberiti-ki roire: —Òrarudu ay-ribi biòlòdŷŷnyke.

6 ¹Iny ityhydŷyduō widee raurenanykeki, aōbohe awire? Erysydu-ò rikidy aōbo ada ityhydŷydu mahādu-ò rybeke aōbo? Uritere ityhydŷyduòle marybekre. ²Ityhydŷydu mahādu bede bede mahādu ierysydŷŷkre. Kia teerytenyōta aōbo. Ityhydŷydu mahādu bede bede mahādu ierysydŷŷkeki, aōna aōna iyja tahe teeryōtenyte timy rasŷdŷŷnykemy. ³Tahe inyboho ŷju aōmydŷŷnana rikierenyrenyke. Kiakeki iratyre kabede aōmydŷŷnana rakieryrenyhyke. ⁴Erysydŷŷnana ijōdikeki, aōherekibo erysydu ityhydŷydukōdu-ò radymyhŷre. Ityhydŷydule aōtxi awire. ⁵Kia heka adeereny ixŷruna rare. Hābu erysydu ityhydŷydu mahāduy-ki ratxiōre aōbo ierysydŷŷ-ki. ⁶Erysydu ijōdihāre ta ityhydŷydu seriōre wii ridyke aōbo ityhydŷydukōdu erysydu-ò, kia awiōre. ⁷Ityhydŷydu wii ridykeki, kia tahe iaō bede eryōmy rare. Inyō adeereny aōmy rotŷŷnykeki, urile tahe aōhōkŷmy rotŷŷnykre. Kia heka Inynyrŷ-ò òbitire. ⁸Kaiboho ityhydŷydu hāre aōhōkŷmy wii tesŷnymahātenyte. ⁹Òrarudu mahāduō-ò, Deuxu Iòlōna uri riwahiōtyhy. Kia teeryōtenyte, iny ywimynoduō, Deuxutyhy luukōdu, wiriōrese-ò òtadu, hābu hāwyw wese rexiwahinymyhŷre ijō hābu-ò. ¹⁰wasidu, ixidee imynyny nohōtidu, axaxamomodu, jei jeimy rybedu, inywitxira aōmydŷŷnana wydydu, kia-ò Deuxu Iòlōna uri rawahiōtyhy. ¹¹Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixāwidinyde anatade Deuxu Tyytybytyhy-di.

¹²Ibutumy ariwinyke ixidee wikeki ibutumy aōmydŷŷnana tahe iwidyŷ awiōre. Ibutumy arotŷŷnyke ixidee wikeki, aō aōkō tahe waumy-di rarekemy raremyhŷ. ¹³Rŷŷnaheka weryri-ò ralōmyhŷ kia-ò heka ihŷmyhŷre. Kia heka Deuxu wiwanale rahukre ikonana-ò. Umy heka òraru-ò sohojile aōkō rŷire. Deuxu umydikemy dorihe riwinyre. ¹⁴Deuxu Inynyrŷ riixixanyre rubu-ribi. Tule iny kidiixixanykre taruru-di. ¹⁵Iny umy heka Kristu rareasa rare. Kia aōbo teerytenyōte? Kabe Kristu rareasa aderana-wana rabutukre, aōkō-rehe. ¹⁶Inyō hābu aderana-wana roikeki, sohoji umyhyyle wiwana roireke. Kia teerytenyōte aōbo? Kia Tyyriti Iritina-ki roimyhŷre, hābu hāwyw-wana sohoji umyhyyle wiwana roireke. ¹⁷Moo Wanyrŷ-wana ributunykeki, sohoji Deuxu Tyytybyle rareke. ¹⁸Òraru-ribi teòrehemy atximyhŷbenyke Ijō òraru

inyò riwinyeki umywo-ribi nodu aòkò rare. Òta òta òraru tahe inyò riwinyeki, kia ixiumy òludu òraru-di reake. ¹⁹Aumy Deuxu Tyytybytyhysý rare. Kia aòbo teeryòte? Deuxu rexiwahinyre awo-ki rasýnyhyymy rarekremy. ²⁰Kaiboho aumy wedu aòkò atxitenyteri. Jesuisi Kristu adee rurureki. Tii òwynihiký-di anadyde, Kia tahe aumyreny-ki Deuxu-ò beàlàbenyke, òbitimy bexisýnyke aumyreny-di.

7 ¹Atyriti dýýraxi rerawyònyreri. Kia rare: hābu hāwyy-ò aderexiòhyhy-keki, kia heka awire. ²Hābu tahāwydyhyyle rareke, tule hāwyy tahābudyhyyle rareke òta òta òraru dori sówerek. ³Hābu tahāwyy-ò umy wahi-sidýýna tamy riwahinyke. Hāwyy tahābu-ò umy wahisidýýna riwahinyke. ⁴Hāwyy taumywedu aòkò rare, ihābu iwedure. Tule hābu taumywedu aòkò rare. Ihāwyy iwedure. ⁵Wiòmýsadýýòmy. Urile rexitòenykemy aòtxu-ò wii riòmýsanykre. Urile ixideewimy wiwana ratxike. Idi wiwana roikre Satanasi riixiranyheny bededýýnana riijereki. ⁶Kia warybe bede ywina aòkò rare. Urile wadododýýna rare. Adee awikeki, tuu bityhynybenykemy. ⁷Ibutumy hābu wawese rýirakeki, awire. Iny sohoji sohoji tahe, Deuxu bede ywisidýýna tamy riwahinyra ijò wiribi lahixi ihýre.

⁸Ixihy mahādu-ò wytese mahādu-ò wadododýýna rewahinyre: wawese hyy rýirakeki, awire. ⁹Ixiweduoòkeki, tahe boikre, tii arasahy mabekelau. ¹⁰⁻¹¹Hābu hāwyy my heridu-ò warybe rewahinyra, tahe warybe aòkò rare, Wanyrý rybe. Kia rare: Hāwyy uritere tahābu ririòhyke. Hāwyyò tahābu-ribi rexihitxinykeki, ijò-wana roiòke ada tahābuwanale ixby roike. Tule hābu uritere tahāwyy risiòmy. ¹²Ijò-ò warybe rewahinyra Wanyrý rybemy aòkò: Ithydýýdu seriòre ihāwyy ityhydýýdukòdukeki, uritere iatysyòmy hāwyy tii-wana rarekemy ratximyhýreki. ¹³Hāwyy ityhydýýdu ihābu ityhydýýdukòdukeki, tule uritere iatysyòmy tahāwyy-wana rarekemy ratximyhýreki. ¹⁴Hāwyy dori ta hābu ityhydýýdukòdu riòbitinymyhýre rityhydýýnymyhý tii-wana ratximyhýreki. Hāwyy ityhydýýdukòdu iwesele ta hābu risýnyre. Aòkòkeki ariòre ityhydýýdukòdumy raremyhý. Ka tahe rityhynyreki. ¹⁵Ithydýýdukòdu resekeki ixinamy rake. Kia wesekeki, ityhydýýdu ritaamy aòkò ihýre. Kaiboho ywina-di boibekemy Deuxu ratximyhýre. ¹⁶Hāwyy, teeryte ta hābu rityhynykre aòbo, ada aòkòre aòbo? Aòkò, teeryòte.

¹⁷Iwese Deuxu iny sohoji sohoji rihitxihitxinyre wese, boibemahāke. Iwese atximahātenyete wese Deuxu anatadenydeu kia wese boibeke. Kiamy heka reerynanyamahāre ibutumy dohodýýna-ki. ¹⁸Inyò notyky resyna-di bityhynykeki, kaweselemy mabeke. Inyò òtyky resyna-di aòkò bityhynykeki, juhuu tatemahā wese mabeke, notyky resydýýòmy. ¹⁹Notykyresy aò aòkò rare, ityky resyòkò tule aò aòkò rare. Deuxu bede ywina ywidýýna, kia heka aò wihiký rare. ²⁰⁻²¹Iwese Deuxu ibutumy iny ditade wese, juhu widýýnalemy mabeke. Deòdumy aòbo tetyhynyte, tahe tuhyymy mabeke. Awedudeewimy bexihukeki tahe, idi make araokorore-ribi bohonykeki, tahe make. ²²⁻²³Deòduò-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyò mahādu rityhynyrenykeki, tiiboho deòdu roire. Deuxu aradyra òwyhyký-di tai tahe hābu deòdumy aòkò boibeke. ²⁴Ithydýýdu seriòre, iwese atximahāte wese adee tarasanamy Deuxu rarybereu, kia wesele boibeke.

²⁵Ijadòma-ò bede ywinamy Wanyrý Deuxu tarybe diwahinyòde. Ihārele wadododýýna adee ariwahinykre kialemy. Deuxu dori tatòdenamy

riwaòbitinyre. ²⁶ Aòhebo kowa rotỹnyre, awi aòkò rare. Kia tahe arato-honykre: Iwese iny ratximyhỹre wesehyy, boibeke. Tii tahe wadee awire. ²⁷ Kai aòbo hãwyymy heridu tate. Tahe ixihitxidỹmy nohòtiòmy. Kai aòbo hãwyymy heridu aòkò tate. Tahe hãwyymy herimy nohòtiòmy. ²⁸ Tahe hãwyy-wana boikeki. Tii òraruna aòkò rare. Tule ijadòma roiikeki tule òraruna aòkò rare. Ibutu iny heridu iaòmydỹ-ki aòhòkỹmy rotỹnyrenyke. Ilau jiarỹ adeereny rarybere inyò aòhòkỹmy rotỹnyheny. ²⁹ Bededỹnana he iòhòre. Tai tahe adee rarybere waseriòreboho, inyò heridu ixihyno wese ratxikemy. ³⁰ Iny bedewomy ratxirerí, ixibedewodỹ-ribi tòhòti rosake. Iny deysamy ratxirerí, deysa-ribi nohòti rosake. Inyò aò riwymyhỹre, ihokò wese rotỹnyke. ³¹ Kabede aòna aòna kai bierysynanykeki iwese ierysydỹòmy bisỹnyke. Kia aòna aòna ibutummy ituekre. Bededỹnanahe aòwesele rexi-hukre. ³² Ixiraòmy ahàbenyke, kiamy tahe adee watxiwãhare. Inyò heridu aòkò Deuxu aòmydỹna riywinymyhỹke, iwese Deuxudeewimy ratximyhỹkemy. ³³ Iny heridu heka bede aòmydỹna riywinymyhỹre, iwese tahãwyy-deewimy ratximyhỹkemy. ³⁴ Kiamy rihitxinyre. Hãwyy tule heridu aòkò Deuxu aòmydỹna riywinymyhỹre taumy Deuxu Tyytybytyhy òbitidỹmy. Hãwyy heridu tahe bede aòmydỹna-di ròhòtinymyhỹre tahãbudeewimy riywinykemy. ³⁵ Kia aratohodỹnyra adeerenywikremy. Kaiboho arataaòtyhy. Urile anawiòhenanymahãde Deuxu iòhòmyhỹreki. Iòkòramy ibutummy arahenyrenykemy watxiwãhare.

³⁶ Ijadòma tibiedỹdu tatibiena-ò òbitimy aòkò risỹnomy rexinohòtinymyhỹre. Ijadòma tahãbumy herina bede-ò rehemynyre. Tahe tatibiedỹna-di inyò-wana roikemy idi ihỹre, ixinamy roiike. Kia òraruna aòkò rare. ³⁷ Wery-rybò heriòkemy rarurunyaeki, tii tahe awire. Tii dori irurudire iheridỹnyke heny. Tii ixiumy wedu rare. ³⁸ Tahe riheridỹnykeki, tii awire. Tule riheridỹnyòkeki, iratyretyhy awire.

³⁹ Hãwyy hãbu-wana rỹihyyke hãbu irumy. Rurukey tahe hãwyy aòtxile roiike. Urile Wanyrỹ Deuxudeewimy. ⁴⁰ Tahe wytesetyhymy ratxihyykeki, teysamy rỹikre. Tuheka jiarỹ rahòtinyreri. Deuxu Tyytybytyhy wawo-ki ratxirerimy idi rahòtinyreri.

8 ¹ Katahe adeereny ararybekre: Suritxoo-ò rỹsỹna xiwedỹnyamy. Inyboho ibutummy bedeery roire. Bede ery iny aònityhymy rixinohòtinynyre. Luuna tahe inywiòhedỹdure. ² Inyò aòerysydumy rexinohòtinynykeki tii aòwihikỹ rieryòre. ³ Inyò tahe Deuxu luukeki, Deuxu tii rierymyhỹre. ⁴ Kaa rỹsỹna suritxoo-ò xiwemy rawahimyhỹre. Kia tahe aritỹnynyke. Inyboho rieryreny re suritxoo aò aòkò rare. Sohojihyy heka Deuxu rare. ⁵ Iny deuxu aò òta òtalem y rininimyhỹre biu-ki, bede-ki. Iwese deuxu sòwemy ihỹre wese wedu sòwe rare. ⁶ Inydeereny Deuxu sohojile rare. Inytybyreny. Tii ibutu aòna aòna riwinyre. Tamy inyboho roire. Tule inydeereny Wanyrỹ sohojile rare, Jesuisi Kristu. Tii ibutu widỹdure. Tii ratximyhỹre xiery inyboho ratximyhỹreny. Tamy inyboho roire.

⁷ Tahe ibutummy kia iny rieryòre. Iny sòwemy suritxoo iny reòwarimy rỹira. Tii riki ixiwenadumy riroxikeki, tai òraruna tuu relemyhỹre. ⁸ Rỹsỹna aòkò riwatyhenyrenyra Deuxu-ò. Tai roxiheny rỹire. Rikirỹsỹrenyòkeki, rikiònonyrenyòtyhy. Rikirỹsỹrenykeki, aò rikitarenyòtyhy. ⁹⁻¹⁰ Bexiebenyke. Urile ity-hydỹdu aokòdu ixihe-ki iatysyòmy, aurihixinahe-ki. Suritxoo hetowo-ki inyò

umy robikeki teroxiterimy, tii tule ijò rýsýmy rexiwonyre, xiwe rýsýmy. ¹¹Tai tahe aòraru-ki aseriòre atyhyna-ki òraruna-txi resekre. Tamy Kristu tarasamy rurure. ¹²Kiamy ityhydýýdu seriòre-ò taòrarunteki, tule Kristu-ò texiòrarunte. ¹³Tai rýsýna òraru-ki ityhydýý-ki waseriòre òraruna-txi resekeki, jiarý kia rýsýna ariroxiòtyhy, waseriòre òraru-ki.

9 ¹Jiarý adeereny rexihyymy watxiwähäre. Jesuisi teòdýýnamy jiarý watxiwähäre. Jesuisimy, Inynyrýrenymy rabiòremy tahòtinymahäteny te aòkò, Jesuisimy rabire. Waòraru-ki kaiboho ityhydýýdumy toite. Deuxu dee waòmýsýdýý òraru-ki ayreny-ki. ²Inywitxiraò-ò òsana Deuxu deòdýýnakòmy watxiwähäre. Adeereny tahe inatyhymy Deuxu teòdýýnamy wähäre kaiboho dori wateòdýýna urihixinamy ahäteny te Deuxu dee.

³Kia tahe warawyòdýýna rare iny witxiraò-ò: ⁴⁻⁵Jiarý ariroxi keki, ariòkeki, tai aòkòhe awilere. Ityhydýýdu hāwyyò-wana, wawana aridykekò aòbo awileke. Kawese ibutumy Deuxu teòdýýna mahādu rotýýmyhýre, tule Jesuisi seriòre, tule Pedro. ⁶Jiarý, Banabewanahyyle raaòmýsýdýýwähäre iny aòreny tarasanamy. Kia rikirirenkeki, awikeki, aòbo. ⁷Inyò aòbina-ò rakeki, ta aò aòbo riòwynyke? Aòkòre. Inyò oworomy uva bederaty ribrònyke-wana, bederatyò aòbo ritòleke. Inatyhymy inyò teòte asi-ò riyrubunymyhykeki, ihowýsymy aòbo riòmýhýke? Kohe, riòmýhýke. ⁸Kabexe hābu wese aòbo jiarý rarybereri? Tule tahe bede ywina tyyriti aòbo riritinymy rýimýhýre. ⁹Moisesi bede ywina ritidýýna-ki rýimýhýre: —Broreniry itaaòmýhý maixòmo tyre rariamy risymýhýreu. Deuxu aòbo broreni riwotòenymýhýre. Aòkòre. ¹⁰Tahe waòrarurenymy-ki aòbo kia rarybere. Kohe. Inyò ròbròmýhýreu, iyremy ritakemy ròhòtinymýhýre. Tule inyò riòròmýhýreu, ijòò ixidee ritakemy ròhòtinymýhýre. ¹¹Deuxu Tytybytyhy aòmýdýýnanamy adeereny anaernanykeki, idi aòna aòna aribireny aritaleke, aòbo? Kia aònityhyre aòbo? ¹²Iny witxira aò aribi ritake-wana, jiarýboho iratyre iu aròtarenkemy arotýýnyrenyke. Tahe tiu ròtaòhyyre. Deuxu Rybewihiký týnydýýna ariokòròòtyhy. Tai ibutumy aò witxira witxira riòludunywähäre. ¹³Dohodýýna heto deòdu irysyna ritamýhýre dohodýýna heto-ribi. Xiwe dinodu aò rýsýna ritamýhýre xiwena-ribi. ¹⁴Kia wese Deuxu rarybere; inyò Rybewihiký ritýnynykeki, ibutumy aòmý reamýhýre ritamýhýre, Rybewihiký aòmýsýdýýbro-ribi. ¹⁵Tahe jiarý aò aribi retaòhyyre tule kia reritinyreri aò aritakemy aòkò aribireny. Warybe inyò riònonykemy aòkò watxiwähäre iko-ki tahe arurukre. ¹⁶Jiarý Rybewihiký retýnynymahäre, rexierymahäre dori aritýnydýýke. Kia heka aòhòký aòkò waloosònadikemy rare. Rybe aritýnynyòkeki, heka aòbinatyhyò wadee kanake inye. ¹⁷Ixidee wimy Rybe aritýnynymýhýkeki, tai ki aritakre. Ixideewimy aòkò aritýnynyke-wana, ihārele tahe itýnydýýmy iwahisidýýna wadee roire. ¹⁸Kiake-wana, timybo wawahidýýna ihýre. Kia heka rare. Rybewihiký týnydýý-ò arexiòwynyòtyhy. Aòbo inatyhymy wahòròre, retaòhyyywähäre.

¹⁹Jiarý inyeòdumy aòkò rarehyyywähā. Tahe iximy rexideòdunyre sòwemy iny òraru-ribi aritakemy. ²⁰Judeu mahādu-ò judeu wesemy jiarý rexisýnyre, judeu mahāduò dori òraru-ribi aritakemy idi watxireri. Moisesi bede ywina yrubudýýdu mahādu dee ixiwesemy rexisýnyre iòraru-ribi dori aritakemy. Urile jiarý kia bede ywiny rubudýýna aòkò rare. ²¹Bede ywina aòkò mahādu dee ixiwesemy rexisýnyre. Urile Deuxu bede ywina dire jiarý Kristu bede

ywina yrubudÿÿdu jiarÿ watxiwâhâre. Kia iòraru-ribi aritakemy jiarÿ rexisÿnyre. ²²Irurukòdu mahâdu-ò waruru aòkò wesemy rexisÿnyre, irurukòdu mahâduò ritakemy. Ibutu iny deewesemy rexisÿnyre rarewâhâ, aòtxile tii-bohoò aritakemy iòraruna-ribi. ²³Ibutumy rewinyre, Rybewihikÿ dee iwiòhedÿÿdukemy ixi-di wâhâre.

²⁴Ijarana ròhònykeu ijaramy ijaranadu sohojile ròhònyra. Tiile wahidÿÿna ritake. Kaiboho maijarenybenyke tii bitakemy. ²⁵Ibutumy ijaradu ixidi rorenymyÿre aòikòkòmy rexierynanymyÿre. Kia riwinymyÿ wahidÿÿna ritakemy. Kia wahidÿÿna retybykre. Inydee wahidÿÿna tahe retybyòtyhy. ²⁶Jiarÿ kawesemy raijaranyre aò aritakemy. Axiò ijesity resuwâhâre yhyle rehetenyre wese aòkò. ²⁷Wauumy-di ròrenyhywâhâre. Wadeòdu wesemy wauumy resÿnyre. Tai dori resÿnyre. Jiarÿ inyò-ò Rybewihikÿ aritÿnynykeki, ywim dehuu wesemy aòkò arake, adehuky-ribi riwata lau.

10 ¹Boholabenyke weseriòre ityhydÿÿdu mahâdu. Inytybreny kia biuwetyky nonoe rawo-di roimyhÿ. Tule ahobesòhòkÿ rawo-di reuròreny. ²Moisesi, iwedù, ibutumy aho-di nonoe-di rexisebeny. Tai iwedù inatyhymy rityhynyreny. ³Deuxu Tytytyby rÿsÿna sohojile wiwese wesele ibutumy rirÿsÿre. ⁴⁻⁶Deuxu Tytytybyhy mona sohojile ihÿre. Bee manay-ribi nade. Mana tahe Kristuweselemy ihÿmyÿre. Inynyrÿ kiamy roiremyÿ. Deuxudeewimy aòkò riwinymyÿre. Tai rurure bedero-ki. Kia tahe inydeereny bedeery urihixina erysydÿÿnamy ratxireri, inyboho-dori aòbina widÿÿna aòkò rokohotinyrenkemy, iwese tiiboho riwinyre wese aòkò. ⁷Inyboho suritxoo tyhydÿÿdukòmy rokoireke iwese ijò mahâdu tuu rerinanymyÿre wese kòkremy. Ritina-ki roimyhÿre: —Tiiboho ronmyÿre riroxikemy, ròkemy. Tahe ritamanyreny risinykre. ⁸Tule òta òtamy rokotÿÿnyrenyòke iwese tii riwinyre wese —tai 23.000 iny rurure sohojixu-u. ⁹Deuxu urihixirenyòmyke, iwese tii riwinyre wese. Tai rururenyre hemylala jurutana-ki. ¹⁰Iburaòmyke iwese tii ribuarenyre wese. Tai rubudÿÿdu rirubunyre, Rubu Ýju wahe. ¹¹Kia tahe bede ery urihixidÿÿna erysina inydeereny ratxireri. Riritinymyÿre iny bede erynarenymy. Bededÿÿnana konana-ò iòhòmy inyboho roire. ¹²Tahe inyò òbitimy rÿimy ròhòtinykeki, tii rexijemy ratxike reseke lau. ¹³Ixirana isirare inydee rehemynyòtyhy rikiòludunyòtyhy. Deuxu awi rare. Riattyòtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunyrenyke.

¹⁴Waluuna mahâdu, kaiboho suritxoo luuna-ribi bexiebeny. ¹⁵Adeereny rarybere, kaboho dori abederyreny kai bedeerywesetyhymy toitek. Mohòtinybenyke aòmybo raryberidi. ¹⁶Deysanamonahyna aòbo ityhydÿÿdu mahâdu wowydina rare Kristu hàlubu wesemy tuu riòreki? Iny paò riyreyrenyreu, Kristu umy wesemy aòbo rare? Inydee aòbo wowydina rare? ¹⁷Inyboho sòwe roire. Urile tahe paò sohojihy rare. Sohoji butunahymy rare, paò sohojiribile yre yre rarÿsÿreu, inyboho sohojilemy roire. ¹⁸Judeu ijoi-ò betehebennyke. Kia xiwe rirÿsÿrenykeki, xiweribile ritamyhÿre. Kia aòbo òbitire. ¹⁹Timybo jiarÿ rarybereri? Rÿsÿna aòbo xiwenamy diwahinydeki, kia aòbo aò rare ada ritxoo aò aòbo rare. ²⁰Kiamy aòbohe jiarÿ rarybereri? Aòkòre, tuu aòkò rarybereri. Urile, kia raxiwemyÿre, diabo tytytyby-ò rare. Deuxu-ò aòkò raxiwemyÿre. Kaiboho diabo tytytyby-ò tany bexijemy. Tii-wana uritere noòmy. ²¹Wanyrÿ monamy biòkeki, tai diabo monamy

tule biõõke. Wanyrÿ roxi-ki biroxirokeki, tule tai diabo rÿsÿna rÿsÿõmykre. ²²Deuxu aõbo iny kidihãrudenykre. Inyboho aõbohe ityhyrenyire iratyre?

²³Aõwaxiny tuu botÿÿnyke. aõmydÿÿnana awire. Ihãre tahe awiõre. Aõmydÿÿnana ixidee wimy botÿÿnyke. Urile aõmydÿÿnana riwiðhena-nayõhyre. ²⁴Uritere aaõmydÿÿnana sohojidile nohõtĩõmy; tule inywitxira aõmydÿÿna-txi õhõtĩ beake tai aõwiwihikÿmy tamy biwinykre. ²⁵Birõmyhÿke ibutummy aõ rÿimyhÿre meriadu-ki, nohõtĩõmy aõbo raremyhÿmy. ²⁶Ibutu bede aõmydÿÿna Wanyrÿ wahidÿÿna rare inydeereny. ²⁷Ityhydÿÿdukõdu mahãduõ aratobinummy, kai makeki, biroxi ke ibutummy aõbo adee kidekre. Dÿÿraxiõmy araykywydyna òraru-ki. ²⁸Tahe adee rarybekeki; kia ritxoo xiwe rare. Irÿsÿõmy, kia hãbu raykywydyna òraru-ki tamy ibinare wahe. ²⁹Araykywydyna òraru-ki aõkõ jiarÿ rarybere, tahe iwitxira òrariiki. Ijõ hãbu witxira rayky-di aõkõ aritõhõtĩninyhÿke. Kia õsana inyõ rarybekre. ³⁰Dealã-nadile jiarÿ ariroxiwãhãkeki, timybo inyõ ibinamy wamy rarybeke. Deuxu-ò dori rexideylydÿÿnyra. ³¹⁻³²Tai tahe, biroxi benyke-wana, biõ benykeki, aõmy botÿÿnykeki, ibutummy Deuxu wowydyna-ò botÿÿnyke. Inyõ atyhyna-di iaty-syõmy, judeu mahãduõ-ò, judeukõdu mahãdu-ò, tule Deuxu tyhydÿÿduõ-ò. ³³Ibutu dee rarurunywãhãre tamywikemy. Waaõmydÿÿnana sohojile aõkõ rahõtĩnywãhãre ibutu iny aõmydÿÿna dee rahõtĩnymahãre tarasadÿÿmy.

11 ¹Iwese jiarÿ Kristu wesemy watximyhÿre wese kaiboho wawesele boibekre.

²Ararybekre: —Kaiboho awirenyremy kaiboho dori iwese bede eryna araerynanyre wese ibutummy teyrubunymahãtenyete. ³Tahe ijõmy araery-nanykre. Kristu iratiwi ibutu hãbu ratyre rare. Hãbu tahe hãwyirati ratyre rare. Tule Deuxu tahe Kristu ratiwi ratyre rare. ⁴Hãbu rexitõenyreu, ritÿ-nynykeu tarahety-di, Kristu rityhynyõre. ⁵Hãwyõ tahe rexitõenykeu, ritÿ-nynykeki tarahety-di aõkõ, tii tahãbu rityhynyõre. Tii dori tarade rasymyhÿre wese ratximyhÿre. ⁶Hãwyõ tarade rihetynyõkeki, tii tarade riorokre. Hãwy tarasylau raixÿrukeki, tahe tara rihetynykre. ⁷⁻⁹Hãbu tara rihetynyõmyhÿkre dohodÿÿna heto-ki. Bera-ò tytyby wesemy Deuxu dee hãbu rare. Deuxu dee hãbu rare. Hãwy tahe hãbu dee-ki rare. Hãbu heka hãwy-ribi aõkõ dori iwidÿÿ rare. Hãwy tahe hãbu umy-ribi iwidÿÿ rare. Hãbu hãwy dee aõkõ relere. Hãwy tahe hãbu dee relere. ¹⁰Tai tahe hãwy tara riwõmyhÿke. Iu tahe hãbu rityhynymyhÿre jÿu òraru-ki. ¹¹Deuxu ityhydÿÿduy-ki wiwesele wiweselemy ratximyhÿre. Hãbu hãwy-di ratxikemy; hãwy hãbu-di ratxi-kemy. ¹²Iwese hãwy hãbu-ribi relereu wese, hãbu hãwy-ribi reamy raumy-nymyhÿre. Deuxu ibutummy riwinyre. ¹³Kaiboho mohotinybenyke: hãwy rexitõenyreu, tarade rihetynyke, aõbo ada aõkõ aõbo? ¹⁴Hãbu iraderehemy rÿira, tarati rityhynyõmyhÿre tuu rÿira. Kiamy bede riwaerynanyrenyire. ¹⁵Hãwy tahe irade rehemy rÿira ixiruxeradÿÿmy rÿira, hety wese tamy ið rarekremy wahe. ¹⁶Inyõ iwitxiramy rexinohtĩnykeki, tamy ararybekre, kia wese: Inyreny-ki kia bede ywina rare ibutummy dohodÿÿna heto-ki.

¹⁷Aõwesebo botÿÿnykremy adee ararybekre. Wade awiõre iwese ahã-tenyete wese kaiboho tebutuntytenyeteu, kia arawiðhenanyõhyre urile tahe arabinanytyhyrenyra. ¹⁸Juhuu ararybekre timybo raholaremy: kaiboho texihitxinytenyete dohodÿÿnaheto-ki, kia tahe retyhynyriõremy watxi-rieri. ¹⁹Wiribi bexihitxinybenykeki, tai iny õbiti rÿira bierybenykemy.

²⁰ Bibutunymyhÿbenykeu, Inynyrÿ roxina aôkô terÿsÿmahâtenyte. ²¹ Ijô detiteremy taroxina riwymyhÿre inywitxirako-ki. Ijô aô rimyômyhÿreki rama risamyhÿre. Ijô tahe sôwetyhymy riômy raitxÿtemyhÿre. ²² Kai aôbo ahe-toôre, tai biroximyhÿkemy, biômahâkemy? Kia wese-ki Deuxu dohodÿÿna heto aôbo tetyhynyôhyymahâte. Iaôkô rÿira mahâdu tule teixÿrudÿÿnymyhÿtenyte. Aômybo ararybekre. Arawowydydÿÿnyrenykre my aôbo? Aôkôre. Tai arawowydydÿÿnyrenyôtyhy. ²³ Kia Inynyrÿ-ribi retare, tule aerynamy adeereny rewahinyre. Kia wahisidÿÿnadyna txuu, Jesuisi Inynyrÿ orotxu rimyre. ²⁴ Rexitôdenyredi, riôrôre, idi tahe rarybera:

—Kia heka waumy rare. Adeereny wahidÿÿmy watxireri. Kia biwinymyhÿkreu, watxi ôhôtireny reakemy.

²⁵ Tule riymyhÿre rahudi, tahe bemona hyna rimyra, idi tahe rarybera:

—Kia heka wadeewimy Deuxu, iny-wana ratximyhÿre. Wahâlubu ôraru-ki kia riwinyre. Kia biômahâbenykreu, aôu watxi ôhôtireny reakemy.

²⁶ Tiubo paô biymahâbenykreu, bemona hyna-ribi biômahâbenykreu, warubu rybe tetÿnynytenyteri idi adôðsekreu. ²⁷ Tai inyô ôhôtioomy riykeki-wana, riôkeki-wana, tii Jesuisi umymy hâlubumy ôraru-ki ratxireri. ²⁸ Sohoji sohoji taaômydÿÿnana-di rohôtinykre, idi tahe riymyhÿre, riômyhÿkre. ²⁹ Inyô Jesuisi umy-di rôhôtinyôkeki, ixidee aôbinahakÿ kidiwynyke. ³⁰ Kia ôraru-ki sôwemy binamy ôhyyle toite, tule iny sôwemy rurumy rÿira. ³¹ Iny ixi-di rohôtinykeki, aôbinahakÿ rexierykemy, tahe iny rexiôbitinyke. Deuxu tai aôhökÿmy rotÿÿnyôtyhy. ³² Inynyrÿreny inyboho riôbitinymyhÿre. Kiamy heka bede mahâdu-wana aôkôkeki, aôhökÿmy rotÿÿnyrenykre. ³³ Kiamy, waseriôreboho, roximy bibutunykrey, ijô wii biraôbenykre. ³⁴ Inyô rama risamy rÿikeki, taheto-ki riroxike tai rihuômy rÿimyhÿkre Deuxu ywisidÿÿna-ki. Adee arehemynykreu, ijô kia aôna aônamy arôernanyrenykre.

12 ¹ Deuxu Tytybytyhy bede eryna witxira witxiramy adeereny ararybekre, araernanyrenykre. ² Ityhydÿÿdukôdumy toitemahâu, aôð aradyrenyre suritxoo rybeôhökÿ-ð. ³ Tai arabedeerynyteri: Inyô Deuxu Tytybybymy rarybemyhÿkeki, tii rarybeôtyhy: Jesuisi ibina rare. Tule inyô uri rarybeôtyhy: Jesuisi Wanyrÿ rare. Tii Deuxu Tytybytyhydile tuu rarybekre.

⁴ Deuxu Tytyby bede eryna witxira witxira sôwemy rÿire. Deuxu sohojile tahe iwahidÿÿdu rare. ⁵ Aômysÿdÿÿwi-ribi lahitxi rare, tahe Inynyrÿ sohojile rare tamy rakaaômysÿdÿÿnyke. ⁶ Aômydÿÿna wiribi lahitxi rare, tahe Deuxu sohojile ibutudÿÿdu rare. Tii iny-ô aômysÿdÿÿna widÿÿna riwahinyre. ⁷ Sohoji sohoji tabedeeryna witxira witxira Deuxu Tytybytyhy-ribi ritamyhÿre ibutu iny wiðhedÿÿmy. ⁸⁻⁹ Inyô-ð bede eryhykÿ wahidÿÿmy ratxireri, Deuxu Tytybytyhy iwahidÿÿdure. Ijô-ð tahe rybe bedeerydÿÿ wahidÿÿmy ratxireri, iwahidÿÿdu tiile rare. Ijô-ð tahe ityhydÿÿtyhy-ki rarekemy. Deuxu Tytybytyhy iwahidÿÿdure. Ijô-ð tahe, ôhotibedumy rarekemy. Deuxu Tytybytyhy risÿnyre rare. ¹⁰ Ijô-ð tahe, bedeôby widÿÿdumy rarekemy, ijô-ð rybe-di tÿnydÿÿdumy, ijô Tytyby erydumy, ijô rybewitxiramy rarybekemy, ijô rybe wiurôdÿÿdumy. ¹¹ Deuxu Tytybytyhy sohojile tahe iwahidÿÿdu rare. Tii sohoji sohoji-ð riwahinymyhÿre ixideewimy.

¹² Iny umy sohojihy rare. Urile iaômydÿÿnana sôwere. Kia wese ityhydÿÿdu rÿira ityhydÿÿdu mahâduy-ki, Kristu-ki iny sohojihy. ¹³ Sohoji

sohoji mahādu-ribi rab utura, ijō judeu mahādu-ribi, ijō judeukōdu mahādu-ribi, ijō deōdu mahādu-ribi, ijō deōdukōdu mahādu-ribi. Wiji tahe Deuxu Tyytybytyhy-di sohoji hōrōmy iny r̄yire. Idi tahe inyboho t̄yximy r̄yire. ¹⁴Umy dori sohoji aōmyd̄ȳnana-di aōkō rare, sōwere tahe. ¹⁵Inywa rarybekeki kia rarybekre òsana: jiar̄y umy aōmyd̄ȳnana aōkō watxireri, debò aōkō dori rare. Kia rarybekeki, ihāre ta umy aōmyd̄ȳnanaōlemy ratxireri. ¹⁶Nohōti rarybekeki: rue aōkō jiar̄y rare, tai dori umy aōmyd̄ȳna aōkō rare, Kia rarybekeki, ihāre ta umy aōmyd̄ȳnanale ratxireri. ¹⁷Ibutumy umy ruelemy ratxikeki, timybo rokoholarenkyre. Ibutumy nohōtilemy ratxikeki, timybo rue rareke timybo robirenkyre. ¹⁸Deuxu ibutumy aō ritidire, titxibo ixideewimy rōhōtinyre. ¹⁹Ibutumy aōmyd̄ȳnana wiweselehek̄y-keki, timybo raaōmys̄d̄ȳnyke? ²⁰Inatyhymy aōmyd̄ȳnana sōwere. Umy tahe sohojilere. ²¹Rue debò dee rarybeōtyhy: Kai aō aōkō tate. Tule ratiheka waò rybeōmy: Kaikōkeki wadee awike. ²²Kia k̄nyhe. Aō aōmyd̄ȳnana inydeereny iruruōmy aōmy aōkō r̄yire wese, tii aōwityhy r̄yire. ²³Tule aōbo inydee aōmy aōkō r̄yira tamyhe woreke r̄yimyhyre iruxeramy aōkō rare, iny woreke r̄yimyhyre. ²⁴Aōbo inyumy-ki iruxeramy rare, kia urid̄ȳōmy. Deuxu tahe umy aōmyd̄ȳnana ibutumy ributunyre. Tii aō ibuturatyre rityhynyre. ²⁵Kiawese alōreōmy umy-ki ibutumy umy aōmyd̄ȳnana wiwana raaōmys̄d̄ȳnymyhyre wii riwiòhenanymyhyre. ²⁶Sohoji aōmyd̄ȳnana txubere-rekeki, iuhe rubererenkyre. Ijō teysakeki inyō riwowydynykeki iuhe reysake. ²⁷Boholabenyke, kaiboho Kristu umy mahāduò toite. Ityhyd̄ȳdu sohoji sohoji heka umy aōmyd̄ȳnanaō wese rare. ²⁸Deuxu ityhyd̄ȳdu mahāduy-kile iny rihitxinyre. Juhuu Jesuisi teòd̄ȳdu mahādu, ihewo-ribi Deuxu rybe t̄nyd̄ȳdu mahādu, idi ieryd̄ȳdu, aōwiwihik̄y wid̄ȳdu, òhotibedu mahādu, wiòhed̄ȳdu, dinoduwesed̄ȳnadu, rybewitxira erysydumy. ²⁹Ibutumy deòdu aōbo roire? Ibutumy t̄nyd̄ȳdu aōbo roire? Ibutumy eryd̄ȳdure aōbo? Ibutumy aōwiwihik̄y wid̄ȳdure aōbo? Aōkōre wii ihitxihitxire. ³⁰Ibutumy ywisid̄ȳ rieryre aōbo? Ibutumy rybe witxira rybedu aōbo? Ibutumy rybewitxira wiuròd̄ȳdure aōbo? Aōkōre. ³¹Tahe, eryna wiwihik̄my mynmy, atximyh̄benyke. Tahe ariteòsynkyre tibo rry.

13 ¹Ibutumy iny rybe witxira witxira arierykeki, j̄ju rybe adrierykeki, kia tahe luuna-di aōkōkeki, jiar̄y aōwod̄ȳna wid̄ȳna wesemy ararekre. ²Jiar̄y ibutumy Deuxu rybewahid̄ȳ eryna ijōdikeki, ibutumy bedeery ijōdikeki, hāwālò iherina-ribi aritake watyhyd̄ȳna kiadikeki, tahe luuna-di aōkōkeki, aō aōkō watxireri. ³Ibutumy waaōmyd̄ȳna iny aōkō mahādu-ò ariwahinykeki. Waumy Kristu Rybewihik̄y dee òraru-ki wòsikemy ariwahinykeki, tahe luuna ijoōkeki, kia heka aōkōweseleke. ⁴Inyō luunadikeki, ywimy rarekre, awimy rarekre, ihārukōmy rarekre, luunadikeki, ixityhyd̄ȳdukōmy rarekre. ⁵Inyō luunadikeki ih̄yk̄h̄yk̄my aōkō rarekre. Ixisohojidile aōkō rōhōtinykre. ⁶Òbitiōna-di deysaōmy, inatyhyle kedeysakre. ⁷Moò iluunadireki ibutumy aōhebo rot̄ȳnykre, ibutumy rityhynkyre, ibutumy riraōkre, ibutumy riòludunykre. ⁸Luuna tiu itueōtyhy, tahe rybe t̄nyd̄ȳna aōutxumy ituekre, rybewitxiramy rybe ituekre, bede eryna erysynamy tule ituekre. ⁹Inyboho iyrelemy rieryrenyre. Tule iyrelemy rit̄ynynyre. ¹⁰Aōutxumy tahe kia iyre rexihukre, ibutumy kanaerykre, kia hābu òbiti tyhy kedehemynykeu, Kristu wahe. ¹¹Uladumy rarewāhāu uladu wesemy rarybere, uladu wesemy

ixidi rarewāhā, uladu wesemy raykywydynanyra. Hābumy relereu tahe, wauladumy nona rerire. ¹²Wiji tahe inyboho robirenyre, iwese itxerenatýnyko-wese-ki, kiatxuu tahe, wiòsanamy rokobirenykre. Katahe iny rieryrenyre txuraò, kiatxu tahe, iwese tii inyboho dierydenyde wese rikieryrenykre. ¹³Tahe inataò aomydýýna rýire: ityhydýýna, iraròsòna, luuna. Ijò ratyre tahe luuna rare.

14 ¹Luuna-di boibeke ibutu ijò ratyre. Tytybytyhy erysyna biije benyke. Iratyre biije benyke Deuxu rybe týnydýýna erydýýna. ²Inyòheka rybe witxiramy rarybekeki, hābu-ò aòkò rarybereri. Deuxu-ò sohojile rarybere. Inyò irybe rieryòre. Deuxu Tytybytyhy rybe tii erydure. ³Inyò Deuxu rybemy rarybemyhýreu, iny-ò rarybereri. Tai riwiòhenanymhýre, riòbitinymhýre, riteysanymhýre. ⁴Inyò rybe witxiramy rarybereu, tiilehy rexiwiòhenanymhýre. Inyò tahe rybe ritýnynyke wana, dohodýýna mahādu riwiòhenanyre. ⁵Ibutumy rybe witxiramy rarybekeki, tii tahe wadee awire. Tahe ibutumy Deuxu Rybewihikýmy rierynanykeki, kia iratyretyhy wadee awire. Deuxu rybe týnydýýna tahe, rybe witxiramy rybedu ratyre rare. Wiuròsòdýýdudile rybe witxiramy rarybeke dohodýýdu mahādu wiòhedýýmy rarekemy. ⁶Jiarý adeereny ararybekeki, rybewitxira-di. Tiwesebo arāwiòhenanyrenyke. Urile bede erytýmyra-di, erynatyhyhyky-di, inatyhyeryna-di araerynanykeki, kia-di tahe arāwiòhenanykre. ⁷Ka tahe wiudýýna rare. Wyhyhyký jurònawesena ada rerotisòmo wiudýýna kidiwiunykeki, tahe awimy riwiunyòke, timykibo iny rieryke aòbo riwiunyereri. ⁸Tule juròna òbitimy ritxurònyòkeki, timykibo aòbinadu mahādu rierykre aòbina-ò nomy rexiywinykemy. ⁹Kaiboho tule kiawesere. Inyò arybe rieryòkeki, tiwesebo rieryke aomybo tarybetenyteri. Kiawese dori yhydeele tarybetenyteri wese. ¹⁰Inatyhymy sòwemy rybe witxira rýire bede-ki, ibutumy tahe aòna aònamy rybedu rarybere. ¹¹Aomybo rarybere arierykòkeki, rybedu dee jiarý iny witxira, rybewitxiraò tamy rare, tule tii wadee rare. ¹²Kaiboho Deuxu Tytybytyhy eryna teijetenyteri. Tai dohodýýna mahādu wiòhedýýmy marurunybenyke. ¹³Inyò rybe witxiramy rarybekeki, iòbitidýýnamy rexitòdenyke. ¹⁴Rybe witxiramy arexitòdenykeki, watytybyle rexitòdenyereri waraykywydyna-ò ralòòtyhy. ¹⁵Tai tahe aòhebo arotýýnykre? Watytyby-di, warayky-di arexitòdenykre. Idi watytyby-di warayky-di arawiuynykre. ¹⁶Kai atytybyle-di texitòdenymhýteu, timykibo inyò rierykemy? Idi rarybeke aixitòdedýýna rexihukeu. Tii dori arybe rieryòre. ¹⁷Kai tahe inatyhymy awimy texitòdenyete, tai tahe iny aò rieryòhyyre, idi riwiòhenanyòtyhy. ¹⁸Deuxumy reàlàwāhāre. Jiarý dori aratyrereny rybe witxiramy rarybemahāre. ¹⁹Tahe dohodýýna mahādu-ò iruyre rybe eremy ierysynamy ararybeke ada sòwemy rybe eremy iwitxira rybemy anarybekeki. Juhule wadee awityhyre ijò ratyre-ki iny kiawese inatyhymy reerynanyre.

²⁰Waityhydýýdu seriòre uladu raykywesemy aòkò bexiraykynymyhýbenyke. Inyery bedeeryhyký wese maraykynybenyke. Aòibina erysynale uladu aòeryò wesemy boibeke. ²¹Bede Ywina tyriti-ki kia rýire: —Kia inydee, hābu rybe witxira-di anarybekre. Ihāre ta warybe dee tiiboho roholarenýòkre. —Kiamy tahe Wanyrý rarybere. ²²Inatyhymy tahe iwitxira rybe rybemy ityhydýýdu mahādu dee deòsina aòkò rare. Kia ityhydýýdukòdu mahādu dee deòsina rare. Tule Deuxu rybe týnydýýna ityhydýýdu mahādu-ò rare. ²³Dohodýýna mahādu wii ributunykeu, rybewitxiramy rarybemyhýreki.

Ityhydÿÿdukôdu mahâdu ralôkeki, iny ierykôdu ralôkeki, timybo tii rôhötinyke. taitÿtetenyterilemy idi rôhötinyke. ²⁴Tahe ixityre ityhydÿÿdukôdu mahâdu ralôkeki, tahe Deuxu rybemy rarybererið, ralôkeu, tii rexierykre òrarudumy rare, ibutumy aôwòmý roholare tarayky riixixanyke. ²⁵Aôbo tawo-ki riwòmý rÿimyhÿredi rexierymy ixi-di rôhötinykre. Tai resekre tatiowomy Deuxu deàlànamy reàlàkremy. Tule rarybekre: —Inatyhymy Deuxu ayreny-ki ratxireri.

²⁶Aôhebo dohodÿÿna-ki rokotÿÿnyrenykre waseriðreboho wii rikibutunynykreu. Kia heka rare: Inyô wiuòmý kanawiunykre, ijô tasÿ Deuxu rybe bede erydÿÿna kedeernanykre, ijô itÿnydÿÿnamy kanarybekre, ijô rybewitxiramy rybena kanarybekre, ijô iwiuròsòdÿÿnamy kanarybekre. Aôhebo botÿÿnybenyke ityhydÿÿdu wiðhedÿÿnamy rarekemy. ²⁷Inyô rybewitxiramy rybemy ratxire riki, inatxi inataôlemy rarybeke, wihewomy, tule iwiuròsòdÿÿdulemy rarybekre. ²⁸Wiuròsòna ihoðkeki, rybeôlemy ronyke dohodÿÿna heto-ki. Ixiwanale Deuxu-di rôhötinyre, rexitòenymy. ²⁹Urile inatxi, inataôlemy rybe tÿnydÿÿdumy rarybekre wana, ijohonadu mahâdu tahe irybe-di rôhötinytyhyke timybo. ³⁰Ijohonadu-ò itÿnydÿÿna rybemy ratxikeki, rybedu rexihudi rarybekre. ³¹Ibutu dori Deuxu rybemy rarybekre, sohoji sohojimy. Tai ibutumy rierykre, reysakre. ³²Rybe tÿnydÿÿdu mahâdu rayky, tiile rexierymyhÿkre. ³³Deuxu tahe wimy uriuridÿÿdu aôkô rare; tii tahe òbitina widÿÿdu rare. Ibutu ijô dohodÿÿna heto-ki kia wesemy rare.

³⁴Hāwyy tahe dohodÿÿna-ki roholamy rÿimyhÿre rybeôhykmy tai aôwedumy aôkô. Ywilemy rÿirake iwese judeu bedewidÿÿna roimyhÿre wese. ³⁵Tÿÿraxinadikeki taheto-ki tahābu-ò rÿÿraxike. Hāwyy dohodÿÿna-ki rarybemyhÿre heka ixÿruna rare. ³⁶Timywese tahötinytenyte. Deuxu rybe aôbo aykyreny-ki rôhònyre ada kaiboho sohojile aôbo ijòdire.

³⁷Inyô rybe tÿnydÿÿdumy ixi-di rôhötinykeki ada Deuxu Tytybytyhy-ò wiðhedÿÿnamy rarekeki. Timybo rarybekre. Kia waryberiti heka Deuxu bede ywidÿÿna rierykre. ³⁸Inyô kia rityhynyòkeki, tii wile ratyhyòdÿÿòkre.

³⁹Iribi tahe waseriðre tÿnydÿÿdumy boibekemy atxibenyke. Ixinamy rybewitxiramy iny rarybemyhÿke. ⁴⁰Ibutumy aôhebo botÿÿnybenykre. Òbitilemy, ywilemy.

15 ¹Aôtxi ôhötireny araijaradÿÿnykre. Kia tahe rare. Rybewihikÿ iwese adeereny retÿÿnyre wese, tetyhynytenyte wese, tule tetyhynyhy ahätenyte. ²Tai tahe tarasanawo-ki ahätenyte rybe teeryhy ahätenyteki iwese retÿÿnydÿÿnyre wese. Aôkòkeki aròtenareny aôtyhy aôkô adeereny ihÿre. ³Juhuutyhy adeereny retÿÿnyre iwese raholare wesemy. Kia rare: Kristu iny òrarureny dee rurure. Kiamy heka ritidÿÿna roire. ⁴Tule mana wabede-ò rahāluure. Inatað txu idi rÿidi tahe, rubu-ribi rexixare, ritidÿÿna rarybere wese. ⁵Rexideòsinyre Pedro dee, idi tahe waðinatxi mahâdu dee. ⁶Idi tahe 500 iny ratyre tuu robire. Kia iny ityhydÿÿdu seriðre mahâdu ibutumy rexibutunymyhÿre Jesusimy robire. Ijô rurure kia butudÿÿnay-ribi, tahe ijô irulemy ihÿmyhÿre. ⁷Iribi tahe Txiau tuu robire, idi tahe ierydu mahâdu ibutumy tuu robire. ⁸Ihewo-ribi tahe jiarÿ tuu rabire. Iwese uladu ibededÿÿnanakômý reare wese tuu rabire. ⁹⁻¹¹Jiarÿ ierydu hewo ludu rare. Uritere erydumy wanidÿÿômý watxiwāhāre, raixÿrure wahe. Jiarÿ dori juhū ityhydÿÿdu mahâdu aôhòkÿmydÿÿdu rare. Deuxu ruxetòenale dori

aōmy watxiwāhāre. Iruxetōdena aōnihikŷmy waki riwinyre. Jiarŷ dori ibuturatyre aōmysŷdŷŷna rewinyre. Tahe jiarŷ aōkō wāhāre. Deuxu ruxetōdenamy wahāre jiarŷ aōbo ada tiiboho aōbo adeereny relyyrenyire, idi kaiboho tetyhynlyetenyte.

¹²Kristu rubumy roira-ribi rexixara, kiamy heka rarybemahārenyire. Aōherekibo inyō rarybereri rurumyhyre-ribi inyō rexixaōkre. ¹³Inyō tiu rubu-ribi rexixaōkeki, Kristu tahe rexixaōre tarubu-ribi. ¹⁴Kristu rubu-ribi rexixaōre wana, jiarŷboho aōmy waryberenyōna idi aō atyhydŷŷnaōna. ¹⁵Kristu inatyhymy rexixaōkeki, inyboho Deuxumy ruimy rybedu mahādumy roire. Kristu ixixana rybemy dori jiarŷboho rarybemyhyrenyire. Kiata bohe Deuxu, Kristu riixixanyōlere. ¹⁶Rubumy roimyhŷre mahādu rexixaōkeki, taita Kristu rexixaōre. ¹⁷Kristu rexixaōkeki, ainatyhynareny aō aōkō rare. Aōrarudile ahātenyte. ¹⁸Tule, ityhydŷŷ-di rurure mahādu, biu-ō rōiōtyhy. ¹⁹Kabede-ki sohojile inyboho Kristu riraōmyhyreki, inyboho bedewotyhytyhymy roire.

²⁰Inatyhymy taheka Kristu rubumy roire-ribi rexixare. Tii juhuu-ludu rubu bede-ribi dōdsede mahādumy roirekemy, tai iny tule rekexixarenykre. ²¹Iwese hābu sohojiō rubu diwyde wese, tule hābu sohojiō rubu-ribi ixixana diwyde. ²²Iwese Adaō-ki ibutumy iny rurukemy rŷimyhŷkemy tule Kristu-ki ibutumy ixixana kidityakre. ²³Kristu bededŷŷnana kedehemyhykreu, rubu-ribi ixyby ixixana kōdōhōnykre. Kristu juhuu rexixare, ihewomy tahe taeryna mahādu kidiixixanykre. ²⁴Tai tahe bede konanakre. Jesuisi ibutu wedu mahādu, bede dinodu mahādu, lōlō mahādu kanahukre. Tahe ibutumy tyby Deuxu-ō òlōna kidiōkre. ²⁵Jesuisi tahe ibutu ratyre lōlōmy ratxikemy rarehyykre. lōlodu mahādu ibutumy iwarawo-ki rŷikre. ²⁶lōlodu konana heka, rubu rare. Tii tule riixāwididŷŷnykre. ²⁷Ryberiti kiawese roire: —Deuxu tahe ibutumy iwarawo-ki ritidireri. Iximy ritidiōtyhy tii dori tidi-sidu rare. ²⁸Rexihudi tahe tule iRiōre ritidikre. Tai tahe Deuxu ibutu lōlōmy rarekre.

²⁹Rubumy rŷira ixyby kedexixaōkeki aōherekibo iny derōwy teratisebenyteri, rubumy roira mahādu hārehekŷle wahe. ³⁰Aōherekibo berebunatyhyhykŷ-txi inyboho iōhārumy ratximahārenyire txuō txuōlemy. ³¹Ibututxu rubu reijemyhyre. Adeereny wawowydynatyhymy watxireri. Jesuisi Kristu Inynyrŷ òraru-ki. Tai heka kia lau rarybemahāre. ³²Hābu mahādu-ò Efesu hāwā-ki irōdu debure-ò aōbina wese resumahāreki aōtyhybo aritakre? Inatyhymy aōbo? Rubu rexixaōkeki, rikiroxiryrenyke, rikiōrenyke, biurasōmy dori rukururennykre. Aō aōkō inythydŷŷna. Kia riki ityhydŷŷdukōdu mahādu tuu rexirybenyire, abiōwa mahādukeki. ³³Ixi itxenadŷŷōmy: kia biōwa bina dori iny ixihemy riatymyhŷhyre. ³⁴Ywityhylemy boibeke, òbitilemy òrarurennyōmy, sōwemy iny Deuxu rieryōre. Kia heka iny ixŷrudŷŷnareny rare, tai rarybewāhāre.

³⁵Tahe inyō kanarybemyhykre: —Timybo rubu kedexixakre. Aōumy-wesemykre iumy? ³⁶—Itxŷte, juhuu alōborōna rabrōōkeki tiu txuhuōna. ³⁷Telōho iny ribōrōnyōtyhy, ityle iny ribōrōnyke. Iwese maixōmoty ribōrōnyke ada oworuty wese. ³⁸Ibututy-ò Deuxu iraty umy riwahinymyhŷre ixideewireki. Deuxu ixideewimy alōbōrōna ritxuhudŷŷnymyhŷre timybo? ³⁹Dee ibutumy wiwese wese aōkō rare. Inyde, irōdude, nawiide, uturade

ibutumy tahe wiribi hitxi hitxire. ⁴⁰Biumy rÿira mahādu tule lahixire, aōwixira wixira bedemy rÿira kia wowdynareny wiribi hitxire. Tii-wana wimy rahixirananyre. ⁴¹Txuu ahādu, taina, iloosōnareny wiribi hitxire. Taina ijō taina-ribi iruxeratyhyre. ⁴²Tai tahe kia wese rubu-ribi ixixana rÿimyhÿre. Umy rubu su-ò rahāloodÿÿmyhÿre rarōnyhe txu. Idi tahe irulemy kōdōhōnykre, alōbōrōna ruhunymyhÿre wese tahe umy tuedeōnaō. Bede luru-hukÿ-ki rahāloodÿÿmyhÿre, tahe loosōnatyhy-ki kōdōhōnykre. ⁴³Iruruō-di umy heka rahāloodÿÿnymyhÿre ibinare, tahe iruxeramy tarurutyhy-di kōdōhōnykre. ⁴⁴Iny umy wesemy rahāloodÿÿmyhÿre, tahe tyytyby wese kia umy-di kōdōhōnykre, biuludu mahādu wahe. ⁴⁵Kiamy heka ritidÿÿna-ki roire. Iny umy ruihemyhÿreki, tule tyytyby umy ruihemyhÿremy rÿire: Juhuu inyiru Deuxu riwinyre Adaō heka rare. ⁴⁶Juhu tahe inyumyreny tayry-di riwinyre idi tahe ritytybynyre. ⁴⁷Juhuu ludu hābu suribi ije rare. Ihewo-ribi Hābu biu-ribi ihÿre Kristu wahe. ⁴⁸Juhuu hābuwesemy ibutumy iny bede ludu ihÿre juhū inytyhy wese wahe. Hābu biuludu wesemy ibutumy biu ludu mahādu ihÿre. ⁴⁹Tai tahe kabede hābu wesemy inyboho rÿimyhÿreny wesereki, tule biu ludu Hābu wesemy rÿkÿirenyke.

⁵⁰Waityhydÿÿdu Kia heka rarybemahāhyreri, iwese inyboho ihÿmyhÿreny wesemy tiu Deuxu Òlōna-ò ralōōtyhy. Iny umy heka ruruhyy umy rare, tai tahe Deuxu Òlōna ritaōtyhy, kowa-ò dori iny umy ruruōtyhy. ⁵¹⁻⁵²Tahe aōbo teeryōte adee aritÿnynykre: Ibutumy iny ruruōkre. Ibutumy ityhydÿÿdu iny ruruōle iumy riwixiratÿmyranykre, aōwesele reakre, iny tarue riberenymyhÿre wese reakre, ikonana jurōna ritxurōnykre. Jurōna ritxurōnykre idi ibutumy ityhydÿÿdu rubumy rÿira riumywxiratÿmyranykre umytedeōna-di. Inyboho ityhydÿÿdu mahādu tulekre. ⁵³Tahe rekexiwiurōnyrenyke, iny bede umy dori rurumyhÿre. Rakaumynykre umy wixira-di taita rukururenyōtyhy. ⁵⁴Iny umy wixiradikre, tahe kia rybe rexihumy rÿikre: Ryberitina rarybere: —Rubu ijesu rikitarenykre: ⁵⁵—Aōherekibo rubu, aijesuna wawana tetaōta? Aōherekibo tiwamytixitidÿÿnyōte? ⁵⁶Òraru rubumytixitidÿÿdu rare. Bedeywidÿÿ òraru rurudÿÿna rare. ⁵⁷Deuxu umy rekeālāmyhÿkre, tii dori ijesu inybohoreny ritakemy riwiōhenanymyhÿre. Jesuisi Kristu Inynyrÿ-di diwiōhenanymyhÿde. ⁵⁸Tahe weseriōre luu mahādu, bityhynyhybenyke, ywihyymy ahābenyke, Wanyrÿ aōmysÿdÿÿna-ò hyy tiemy ahābenyke. Aaōmysÿdÿÿna Wanyrÿ dee, idi inydee awimy rarootinymyhÿre.

16 ¹Nierumy ararybekre. Kia bibutunykemy kowa tyhydÿÿdu mahādu-ò, Judeia mahādu wahe. Iwese Alaxia mahādu-ò ròernanyre wese, kaiboho tule ijō dee bitabenyke. ²Semana juhu ludu txuu, iny sohoji sohoji tiwesebo tōtatenyete jura birarenymahābenyke rawahikremy. ³Tai adehemynykreu kia nieru rexihumy rÿikre myiōtyhy tahe ijō rarasamy. Tahe mobo kai tyryti-di biditakre, tii-wana nieru iny ariteōnykre Jerusalē-ò. ⁴Tahe jiarÿ arakewana iny dee wikeki, tuu wawana kodoikre. ⁵Macedonia bede-ò arakre rahudi arehemynykre adeereny watxireri. Macedonia-di delemy arakre. ⁶Araroorehenykre òsana biubede taile arahukre awanarenhyyle. Tai ele elemy biwatÿidÿÿnykre titxibo arakemy. ⁷Deuxudeewikeki urihimyo aōkō akireny bede arieke bededÿÿnana arahukre akireny. ⁸Efesu hāwā-ki Pente-coste woranabedehesi konana-ò ariijekre. Idi tahe arakre. ⁹Ijōtōbōnahakÿ

wese irayhyky rjımyhÿre waaõmysÿdÿÿ. Tai waaõmysÿdÿÿna irutaõre, ihäre ta wamy õludu sõwere. Namy sõwehyymy taheka õludu rÿre.

¹⁰Tahe, Tximòtxi rakeki, iixÿru lau biijemy tii dori Deuxu aõmysÿdÿÿna diwinymyhÿde wawese. ¹¹Inyõ Tximòtxi-di aõmy aõkõ ihÿkeki heka wadee awiõre. Wadee itÿina-ò biwiõhenanybenyke ywina-di. Reraõmahäre dori ityhydÿÿdu seriõreboho wana kanakemy. ¹²Inyseriõre Apòlo-ò sõwemy rarybewähäre arorarenymy rakemy ijõ iny seriõreboho-wana. Tahe tii heka Deuxudeewimy aõkõ idi röhötinymyhÿre. Idi tahe rakre ixideewimy tiu txumybo.

¹³Aõu aõu bexiywinylemy borukubeke. Inatyhymy õbitimy myibenyke, häbu rurutere wesemy bexirurudÿÿnyke. ¹⁴Aõhebo botÿÿnybenykemy ywina-di luuna-di botÿÿnymy boibemahäke.

¹⁵Tefana, tasÿ mahädu-wana Akaia bedeludu-ki ityhydÿÿdumy juhuu rare. Kia teertytenyte. Tiiboho ityhydÿÿdu mahädu wiõhedÿÿduhyymy ihÿrenyre.

¹⁶Tamy boholabenyke, ibutumy tamy wityhymy biwinybenyke. Tule kia wese wiõhedÿÿdu biwiõhenanybenyke. ¹⁷Tefana, Fortunatu, Akaio kaò ditehemynydenyde. Taita wadeysamy watxireri. Tiiboho riwawiõhenanyrenyre kaiboho kaki aõkõ atximahätenyteki. ¹⁸Tiiboho wawo-ribi riwateysadÿÿnyre, araykyreny õsÿny tule wahe. Kia mahädu heka ratyhydÿÿmyhÿke.

¹⁹Kaki Asia bedeludu-ki ibutumy dohodÿÿna mahädu tarybe wehityhyna adeereny riwahinyreri. Akila, Prisila-wana taluuna Wanyrÿnimy rybe adee riwahinyrenyreri taheto-ki dohodÿÿnareny mahädu tule wahe. ²⁰Ibutu seriõre mahädu rybe wehityhyna adeereny riwahinyreri. Birybenybenykreu wii bimibenykrey wiwetya-ki seriõrewesemy tamy luòsõna õbitityhyna-di buòbenykrey.

²¹Iroo tahe jiarÿ ariritinykre wadebò-di wahe. Jiarÿ Paulo warybe wehityhyna rewahinyre. ²²Inyõ Inynyrÿ luuõkeki, aõbinahakÿbo tamy kanake, kiamy rexirybenyre: ‘Maranata’ kia heka Jesuisi wymy kanake rare. ²³Deuxu luuna adeereny kanakemy idi watxiwähäre. ²⁴Ibutu-ò waluuna Jesuisi Kristumy. Kie.

2 Oritxi Mahãdu-ò

2 Oritxi Hãwã Dohodỹỹna Mahãdu-ò

1 ¹ Jiarỹ, Paulo, Deuxu deòduò watxireri Deuxudeewireki. Tahe katyyriti rewahinyrenyre Oritxi hãwã dohodỹỹna mahãdu-ò. Iny seriòereny Txi-mòtxi wawana ihỹre. Tule rewahinyrenyre ibutu ityhydỹỹdu mahãdu rohola-kemy Akaia bedeki. ² Ruxetòena, ywina-wana adeereny kanakemy idi watxireri Deuxu inytybyreny-ribi Jesuisi Kristu Inynyryỹ-ribi.

³⁻⁴ Deuxu heka Jesuisi Kristu tyby rare. Iny wiòhedỹỹdu ihỹre. Ruxetòena sòwemy inyeereny riwahinyrnyhỹre. Ibutumy aòmydỹỹna-di riwiòhenanyrnyhỹre. Tai tahe iny witxira rikiwiòhenanyrenykre Deuxu wiòhedỹỹna-di. ⁵ Iwese Kristu aòhòkỹmy dỹỹnana kaiboho teerytenyte wese, Kristu wiòhedỹỹna bitamy bierybenyke. ⁶ Jiarỹboho aòhòkỹmy arotỹỹnyrenykreu, awiòhenadỹỹrenykre tuukre. Tai tahe tarasana iribi bitake. Deuxu-ribi wiòhedỹỹna arimynykeki, kia biu-ò hena iribi bimye arawiòhenanyrenykre. Tai tahe kaiboho arururenydikre aòhòkỹmy botỹỹnybenykre. ⁷ Tahe wararòsòna sòwemy ihỹre akireny. Tiubo aòhòkỹmy dỹỹnanamy botỹỹnybenykreule wiòhedỹỹna bitabenyke iwese aritarenkyre wese. ⁸ Waityhydỹỹdu seriòre, Asia bedeki jiarỹboho sòwemy aòhòkỹmy ratỹỹnyny roiremahã. Wadeereny heka isiratyhyre ibedeki. Tai heka raberumy roiremahã arururenyke lau. ⁹ Rahòtinyrenyre tai wakananarenysana. Kiamy heka wadeereny ditỹynynde bedeynamy: ixi-di inyò nohòtiòmy, Deuxu-dihyyle wahe. Tii dori rubu-ribi ixixadu rare. ¹⁰ Inatyhymy tii riwatarenyre kia rebuna-ribi. Ibutu aòna aòna-ribi riwatarenkyre ixityre. ¹¹ Kaiboho dori wadeereny Deuxu-ò texitòenytenyteri. Tahe ibutumy ixitòena-ò Deuxu kodo-holakre tai riwiòhenanykre. Tahe ibutumyiny Deuxu ritealànankyre.

¹² Ibutumy jiarỹboho heka kia Deuxudeewimy rewinyrnyhỹrenyre. Tai heka wadeysarenyre jiarỹboho. Awanarenysana tule rarybemahãrenyre: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di. ¹³⁻¹⁴ Idi mariakele, biritinykele, bierykele, kia reritinyrenyre adeereny. Wiji urihimydòle teerymy toite. Jesuisi txu tahe ibutumy bierybenyke. Jiarỹboho areysarenkyre bierybenykeki wahe. Tule kaiboho beysabenykre.

¹⁵⁻¹⁶ Juhuu rahòtinyre kiawesemy: arakemy ixi-di rahòtinyre. Juhuu heka Macedonia hãwã bedeki arakemy ixi-di rahòtinyre. Iule tahe aroramy arakemy heka ixi-di watxiwãhã. Òkeseu tasỹ tule, aroramy adehemynykre. Tai wiòhena inatximy bitake. Jiarỹ ayrenymy areakre, Judeia bedeki arakemy kaiboho biwawiòhenanybenykemy. ¹⁷⁻¹⁸ Reòsamy watxirerimỹ aòbohe wadi tahòtinytenyteri? Ixiòrarukile aòbohe tuuremy adee

araŷraxikre? Tuu aõbo iximy rarybere kohe, myŷ, iule. Aõkõre, myy rarybere, iule wahe. Inatyhymy aõbohe rarybereri. Aõkõre rarybeõre. Jesuisi Kristu heka warybe rieryre. Kohe, myy, iule. ¹⁹Tai heka raryberenyre: —Inatyhy rare. Myŷ wahe, Deuxudeewinamy. Sila Tximòtxi-wana kia Deuxu rybe-di adeereny ritŷnynyre, Jesuisi Kristu iriõremy, jiarŷ tule adeereny kia retŷnynyre. ²⁰Inyboho ratximyhŷre Jesuisi Kristu-ò. Kristu heka Deuxu widŷŷdu ratxireri. Inyummyreny ratximyhŷre. Deuxu heka tuu iny rierynany-myhŷrenyre, tii inatyhy. ²¹⁻²²Tii heka iny ritamyhŷrenyre; rihitximyhŷrenyre; tahõrõ mahādumy riwinyre. Inydeereny riwahinyre Deuxu Tytybytyhy iny-woreny-ò risŷnyre. Tai heka inyboho rõhõtinyrenyre inydeereny ibutumy riwahinykremy.

²³Deuxu heka warayky rieryre. Tai heka rarybemahāre, inatyhy raõre Oritxi hāwā-ò. Tai heka adiride ixinamy. ²⁴Araryberenyoŷtyhy jiarŷboho aõbo bityhynybenykemy, marybebenykemy. Kaiboho dorihe inatyhyna tetyhyny-tenyte. Urile tahe arawiðhenanyrenykre deysana-di Deuxu Tytybytyhy dee deysana-di.

2 ¹Tai wawo rerahòrera. Arakemy aõkõ abedeòtiidŷŷrenymy ixityre. ²Arabedeòtiidŷŷnyrenykeki tahe mobo riwateysanykre. Kaibohole toite. ³Tai adeereny reritinyre. Anaõtyhy heka abedeòtiidŷŷrenymy. Kaiboho dori deysana-di biwasŷnybenyke. Iu wadeysamy watxireriu, kaiboho tule beysa-benykre. Kia heka reerywiwire jiarŷ. ⁴Adeereny reritinyre bedewona-di rany-wāhāu; warube rytynmahā. Bedeòtiidŷŷna-di arasŷnyrenykemy aõkõ kŷny. Tahe timybo aluurenymy kaiboho bierybenykemy adeereny reritinyre.

⁵Bedewonamy relyykeki, tiu inyõ wii ribedewonyreu, riwabedewonyõtyhy. Aõtxi arabedewonyrenyre. Waryberiti isirare aõkõ ihŷre. ⁶Aõhõkŷmy dŷŷ-nanamy yla aõkõ rotŷŷnyre. Tai ixinamy rarekre wiji. ⁷Wiji tahe iwitzira aõmydŷŷnana biwinyke: biwiðhenanyke iixāwididŷŷnadikemy. Tai tahe bedewona-di sōwetyhymy riatyõtyhy bedewona-ribi wahe. ⁸Tii luunatyhy-di biernanybenyke.

⁹Tai heka adeereny õnosõna rewahinyre. Tai juhuu waritidŷŷna adeereny rewahinyre. Jiarŷ heka kaiboho rexiywinymy aõbo atxitenyterí ityhydŷŷna-ò. Kiamy adireny watxireri. ¹⁰Kai biixāwididŷŷnykeki heka, jiarŷ tule ariixāwi-didŷŷnyke. Kia adeereny rikiwinyrenyke Kristu òraru-ki. ¹¹Tahe Satanasi tiu iny riatyrenyõtyhy. Inyboho rieryrenyre tii kia riwinykemy riwisŷnymyhŷré.

¹²Jiarŷ heka ròirenyre Troaji-ò Rybewihikŷ tŷnydŷŷmy Kristuni-di. Tamy rethemynyreu, isiraõlemy tai Rybewihikŷ dohodŷŷmy, Inynyrŷ riwawiðhe-nanyre wahe. ¹³Tahe wabedewomy watxiwāhā inyseriðrereny Txitu-ki rahaõ-rekí. Tai tahe kia iny mahādu reteõwarinyre arakremy Macedonia hāwā-ò rare.

¹⁴Tahe Deuxu deysana! Deuxu-wana watxiwāhārenyre. Tahe kia ijesu tai ritake. Kristu heka ridykre ijesu tarasadu mahādu. Rokoiarenkyre heka ihe-ki. ¹⁵Iwese aderõna lŷnyrehekŷ ibutumy idi riālānymyhŷre wese heka, kia wese inyboho roire. Ibutumy iny rierykemy heka ityhydŷŷdu mahādu rŷirerimy ihŷre. Lŷnyrena wihikŷ Kristu ritoonyre wese Deuxu-ò inyboho roire. Iny lŷnyrena wese heka rare. Ityhydŷŷdu, ityhydŷŷdukõdu mahādu-ò ramyhŷre. ¹⁶Kia rityhynyõmyhŷre mahādu tahe, tŷnyre rirubunyre. Rityhynymyhŷre mahādu tahe tŷnyre iruweselemy rare. Kia aõmysŷdŷŷna biwinybenyke.

Isirare heka iaõmysýdýý. ¹⁷Inyboho heka sówemy inywese aõkõ iny roire. Iwese iny riwymyhyre aõðwyriðre idi ijohomy, kia wese karybe rare. Kia Deuxu deõdu mahãdu heka iõwydimy aõkõ rybe riwymyhyre. Tahe inyboho heka inatyhymy rarybemyhyreny. Deuxu dori inydeereny rarybere òbiti-namy. Riwaterenyreny òbitina-di araryberenykemy.

3 ¹Timyre heka tyyriti ritididýýnamy raruõhyymahãreny jiarýboho awi-renyremy. Tahe waribireny tule aribireny kia Ritidýýna arihurenyõtyhy. ²Kaiboho heka Kristu tyyriti wese aõma toite. Riritinymy heka roimhyhyre inywo-ki, inrayky-ki. Idi riramy kaiboho burubenykeki, aõbo kaiboho tewinymahãte heka tamy betehebenyke. Tai tahe rierymy idi rariake ixideele. Idi rariake hãre tahe idi rexibedeerynyke. ³Kaiboho heka Kristu tyyriti wese heka toite. Inydeereny iwahidýýmy heka tii rare. Kia tyyriti witxiramy rare. Aõ ritidýýna manamy aõkõ riwinyreri. Deuxu Tyytybytyhy-di tahe riwinyreri. Aõ manatyre-ki aõkõ ròritidýýreri inraykyreny-ki, inyworeny-ki ròritidýýmyhyre. ⁴Deuxu heka retyhynymahãre, Kristu òraru-ki wahe. Tai tahe tuu raryberenymahãre kiawesemy. ⁵Jiarýboho heka warururenyõhyre kaa aõmysýdýýna widýýna-ò. Iny ruruna heka Deuxu-ribi sohojile nade. Tii iny wiõhedýýdu, aõ iny rikiwinymyhyrenyke-ò wahe. ⁶⁻⁸Irybe týmyra dohodýýdumy heka inyboho roire. Ihetxiu bede ywina wesemy aõko heka ròritidýýre Deuxu Tyytybytyhy ihýre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki ròritidýýre. Deuxu loosõna tule ròhõnyre, riwahinyreu wahe. Moisesi õsýny-ribi sówemy loosõna ròhõnyre. Idi tahe riixãwididýýnyre. Tahe judeu mahãdu reteheõhyymyhyre iõsýny-ò, iõsýny loosõnadireki. Deuxu Tyytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosõna wiwihiký-di bede ywina týmyra tahe iratyre awi rare. ⁹Tii heka iny-di ixãwikemy ratxireri. ¹⁰Tahe iratyre rybe týmyra rare. Iny òraruna-di ixãwikemy ratxireri. ¹¹Kia urihimýò rýire awi rare. Iratyre tahe umytuedeõna rare.

¹²Iny rarõsõna sówemy ratximyhyreny. Tai tahe inyboho ruberuõhyymyhyreny. ¹³Moisesi wesemy aõkõ rakatximyhyrenyke. Imahãdu rayktxymy dori rýirenyre. ¹⁴⁻¹⁵Imahãdutxymy dori rýirenyre. Moisesi bedeywina-di rariakeki, irayky ritòbõnyke. Kia rieryõreny iraykyreny ratxynymyhyrenyremy. ¹⁶Kristu rityhynyre xiery, irayky raraymyhyre. Iwese Moisesi õsýny-tòbõna iõsýny-ribi resere wese kia rare. ¹⁷Kia Tyyriti-ki Inynyrýreny heka Deuxu Tyytybytyhy rare. Tikibo Deuxu Tyytybytyhy rýikeki kowa ibutumy iny ixinamy rýike. ¹⁸Tahe ibutumy inyboho heka Deuxu wowydyna iny õsýnyreny-ki ijõdire. Iwese iny õsýnyreny itxena-ki iny retehemýhy wese, Deuxu wowydyna ibutumy robimýhyke iny õsýnyreny-ki. Inynyrý he Deuxu Tyytybytyhy rare. Iribi tahe wowydyna nade. Kia wese inyboho heka Inynyrý wesemy relemýhyreny. Inihikýmy delemýhydenyde. Tii dori iny woreny-ki raaõðaõtamyhyre.

4 ¹Deuxu taruxetõena-di heka kia aõmysýdýýna inydeereny diwahinyde. Tai heka ikonanakõdumy idi rakatximyhyrenyke. ²⁻³Ibutumy heka rikiwinymyhyrenyke aõbo òbiti rare. Aõbina binahaký widýý-ò heka rekexijerenyke aõbo òbitirele heka rikiwinyrenyke; rikiwiurõnyrenyõtyhy heka Deuxu rarybereriki, tuu. Deuxuruõhyyle rikiwinyrenyke. Inatyhyna loosõna-ki heka rakatxirenyke. Ibutumy heka rikiwinyrenyke ibutu itxerena

òbitimy wahe. Inyboho ritÿnynymhÿre Rybe tymyra wihikÿ. Inyô-ribi riwòmy roimyhÿkeki tahe kia rityhynyômyhÿrele tuu ritidimy roike. ⁴Kiakeki tahe Satanasi iitxeredÿÿ-ò riijônyreri loosònamy robike lau. Deuxu binadÿÿna rare. Ibinadÿÿdu wesemy ratxireri. Kaa loosòna-ò iny riitxeredÿÿnyhyymy-hÿre aôma Rybewihikÿ tÿmyra-ò. Rarybemyhÿre dori Kristu heka Deuxu yrubule rare. ⁵Iximy aôkô rarybemahârenyre. Inynyrÿ Jesuisi Kristulemy heka rarybemahârenyre. Inyboho heka deòdumy inyboho ratximyhÿrenyre adeereny. Jesuisi ôraru-ki kia rewinyamahârenyre. ⁶Juhuu Deuxu rarybere: — Bedeluru-ribi heka loosòna doosòmyhÿde. Tii heka loosòna-di inraykyreny ritoosònanyimyhÿre. Tai heka iny Deuxu erysydÿÿna inyboho rieryrenyre. Kristu ôsÿny-ki sohojile tuu rokobirennye.

⁷Kia heka aôna aôna wiwi inydeereny heka rare. Ihyna ôwy riòre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aôko irurudire. ⁸Ihârele heka aôbo iny riwinyke rieryô-hyymyhÿre timybo aô iny riwinyke heka. ⁹Aôhòkÿmy dÿÿnana heka inydeereny rehemynymyhÿre tai inyboho ikyhynamy riemyhÿrenyre. Inyboho heka bedewodihy ratximyhÿrenyre, tahe tiemy iny raròsònarenidyhy inyboho ratximyhÿrenyre. ¹⁰Inyboho heka itxi tòhòti reahyy inyboho ratximyhÿrenyre, Jesuisi rubuna-txi wahe. Kaki tahe iwese Jesuisi raremyhÿ wese heka rakatxirennye. Tai iny witxira heka tuu robikre kiamy, Jesuisi rirudÿÿnanamy. ¹¹Jesuisi ôraru-ki heka brebunahakÿ-ki inyboho roire. Kia wese-ki heka iny Jesuisi runamy robikre inykireny. ¹²Kia-ki heka iny rubukonanareny inykireny rare. Tahe iruna akireny tule ratximyhÿre. ¹³Kiamy heka Ritidÿÿna roire: — Jiarÿ retyhynyre. Taita rarybere: — Kia weselemy roire. Retyhynyrenyeri tai heka jiarÿboho tule raryberenyeri. ¹⁴Jesuisi ixixadÿÿdu heka rare. Kaa tule inyboho tule riixixanyrennye. Rikirònykre heka Deuxuko-txi. Kaiboho tule boibenyke wawanareny. ¹⁵Jiarÿ wawanareny kia adeereny relere. Tamy Deuxu ruxetòdena sòwetyhymy ramyhÿre-wana heka riwahinymyhÿre iratyre sòwetyhymy tamy deàlâna riwahinymyhÿre. Kia heka Deuxu wowydyna-ò tuu ratximyhÿre. Bedewoômÿ.

¹⁶Iny bedewonaôhyre heka. Iny umyreny retybynyre. Txuô txuòlemy heka ratÿmyranyke inywo-ki. Tiie heka aôbo rierynyre inatyhy wahe. ¹⁷Iny bededÿÿnanarenny heka urihimÿòle roimyhÿre. Iny wowydynarenny-ki heka aôhòkÿmy dÿÿnana inyboho ritarennye inydireny retehemyhÿre. Retyhenyrenyre wowydyna-ò awityhyremy inyboho idi retehemyhÿre iny idi retehòmyhÿredi. ¹⁸Aôbo iny tuu robimyhÿre bede bedemy tuu iny robimyhÿre ibutumy idi reamy. Aôbo iny tuu robiômÿhÿre heka tiu itueôtyhy. Kia-di tahe inyboho rôhòtinymyhÿre.

5 ¹⁻²Inyummy tÿmyrahakÿ heka inydeereny kidiwahinykre Deuxu, iwi-txira biu bede-ki wahe. Aô hâbu wahisidÿÿna-ki aôkô Deuxu-di wahisidÿÿna-ki heka tuukre kia umy tÿmyra wahe. Tiu heka itueôtyhy. Raka-bedeworennye heka bede-ki iny telesòreny-ki rasÿnyreki inywo-ki wahe. ³Inyboho heka biubede-ki insÿreny inyumytÿmyra-ki rôkòhòtinymyhÿrennye. Kaa iny umyreny wahe. Rabedewomÿhÿrennye. Umy tÿmyraô heka rikitarennykemy inyboho ratximyhÿrenny. ⁴Aôherekibo inyboho wiji rabedeworennye? Inyboho heka Deuxu bedewihikÿ-ò aròirennyekô aôbo? Inyrenny rikitarennykemy aôkô wiji. Kaki aôhòkÿmy dÿÿnana riwawobededÿÿnyra.

Kia aõbo umy tÿmyra tyre tahe rikirutyrenyke ijõ wahe. Ijõ rikitarenykre umytuedeõnaõ. Tiu itueõtyhy. Kia riwinyre inydeereny kia wahe. ⁵Deuxu dori tuu rarybereri indee riwahinykremy. Tatyytybytyhy dori diwahinyde diteõsinyde. ⁶Kia iwese juhuu rarybere wese heka tuu rotÿÿnykre. Tai heka inyboho teysamy ratximyhÿreny. Kabede-ki inyboho ratximyhÿre heka inyumyreny ratximyhÿre heka aõ Inynyryÿ-wana aõkõ ratximyhÿre. ⁷Tiu heka rokobirenyõtyhy rikityhynyrenykekile ka idi rakatxirenykre. Inyboho rieryreny timybo rarekre wahe. ⁸Jiarÿ wadee awire kabede-ribi arexitake Deuxu-wana arasÿnyke wahe. ⁹Aõma tamydeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aõbo awire heka tamy awire. ¹⁰Inydireny retehemyhÿre. Aõbo inyboho riwinymyhÿreny. Aõbina bina rikiwinyrenyke heka aõhõkÿmy dÿÿnana inydeereny riwahinykre. Aõwihikÿ riki rikiwinyrenyke wana tasÿ. Aõbo awityhy inydereny kidiwahinykre.

¹¹Inynyryÿ heka inyboho rityhynymyhÿre. Tai inyboho iny witxira-ò tuu sõwemy relyymyhÿreny. Ibutumy heka Deuxu iny rierymyhÿreny. Kaiboho heka tule tiwaerymahãteny. ¹²Kia heka reraõmy watximyhÿreny biwaerybenyke. Ararybeõtyhy heka adeereny jiarÿ awiremy. Tahe wadee ka awire kaiboho waluurenyke. Hãbu iumyle awimy rÿirerimy ihÿremy idi rõhõtinyhÿre. Tii heka õbiti aõkõ rare. Kia biwõnybenykemy adireny watxireri. ¹³Juhuu iny rieryremy itelesõ. Inymyreny rarybeeki itxÿtemy inyboho roiremy. Rakaryberenyke heka aõbo inyboho dori Deuxu dee. Aõmysÿdÿÿrenymyhÿreki inydireny rõhõtinyhÿre. Inymyreny rarybeeki inyboho awilerenyremy. Iõrarurenki tuu rakatxirenyke. ¹⁴Kristu luuna heka kiamy iny riraykydÿÿnymyhÿre. Tii heka rurure iny ibutudee. Tii rurureu, ibutumy inderõwrenymy rurure. ¹⁵Rurure heka aõma iny ixidee sohojile irumy rareke lau. Kia tako-ò rakreu tamy heka irumy rake. Tamy dori rurure tai rexixare rubu-ribi. ¹⁶Rakaraykynyrenyke timybo hãbu awiré, ibinaré. Kaimy heka rakaraykynyrenyke. Aõ iwese iny witxira raraykynymyhÿre wese aõkõ raraykynyrenyke. Aõma inyboho aõbo Jesuisi Kristu-di raraykynymyhÿre heka. Ixityre aõbo tuukre. ¹⁷Tii heka umy tÿmyra tuedeõna-di ratximyhÿre iwitxira ratximyihÿre. Juhu iaõmydÿÿnana iribi ixãwira. Tahe wiji raraykywydynanyre iwitxiramy. Ibutumy iaõna aõna ihetxiu heka rawitxiranyre, awi-ò. ¹⁸Deuxu heka ibutumy kia riwinyre tamy. Inyboho heka iðludu roire, juhuu wahe. Wiji tahe iliinamy ijoi ratximyhÿre. Iny witxira heka iliinamy rarekemy idi watxiwãhare. ¹⁹Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anawmywitxiranydenyke. Kia Kristu òraru-ki tuu ratximyhÿre.

²⁰Jiarÿboho Deuxu deõdu roire. Tai Kristu derõwmy adeereny rarybereri: Iluuna ixidee ixbyby bimibenyke. Wii biwowixinybenyke. ²¹Deuxu heka iny òraruna ritidire Kristu tyre-ò. Kristu inyòrarunareny riwyre. Wiji tahe Deuxu õbitina inydeereny riwahinymyhÿre.

6 ¹Jiarÿboho tahe raaõmysÿdÿÿnyrenyke Deuxu dee. Deuxu ruxetõena dori tetateny, tai idi mohõtinybenyke, õhõtireny-ribi losaõmykemy. ²Boholabenyke aõmybo Deuxu rarybereriò. Jiarÿ heka aluurenyre iurenana tahe ka arybe-ò raholareri. Arawiðhenarenyre iu wadee texitðenyeu, wadee taryteu. Boholake wiji heka bitabenyke Deuxu ruxetõena. Wiji heka biu-ò hena txumy bede rÿire. ³Inyõ iny aõmysÿdÿÿnarenymy ibinamy rarybeeki,

uritere ijō iny bedeworenyōmy, jiarýboho òraru-ki. ⁴⁻⁵Jiarýboho dori Deuxu deòdutyhy roire. Tai rikiteòsinyrenyke ibutumy aōbo inyboho dori Deuxu deòdu roire. Tai riteòsinyke ibutumy aōbo iny riwinymyhýke. Aōna aōna rikiteòsinyrenyke. Òhòte wakireny rýimyhýre. Ròtenawo-ò ralòmyhýrenyke. Bedeweweky-ki aōhòkýmy ratýñnymyhýre. Sòwemy heka reòludunyre aōnana bina binahaký reòludunyre. Aō òta òta reòludunyre. Sòwemy heka raaòmysýdýñnyihikýrenyke. Sòwemy heka aòmysýdýñnadikre; týikò bede reijerenyre; byreòmy bede reijerenyre; ⁶òbitimy heka rewinyrenyre. Aōma, ywiny-di ròwidýýrenyre bedeeryna-di. Ka roirewāhā iny iwitxira rewìdhenanyre. Ibutumy kia rewìdhenanymy roirewāhā. Deuxu Tytytybytyhy heka wawanahyy roiremyhý. Luuna heka inydee reteòsinyrenyre Inatyhyna rybe heka retýnynmahārenyre. Sòwe heka ritýnynymy, jiarýboho Deuxu deòdu roire wahe. ⁷Òbitina dori wadebònarenre wese rare Satanasi itxemy. Jiarýboho heka remymahārenyre aritarenykemy. Tule iny rexiijemyhýre òbitina-di. ⁸Ijō heka waluurenre inyō tasý aōbina binahakýle wadee riwinymyhýre. Ijō heka Rybewihikýmy wadee raryberemyhýre. Ijō tasý rybe binamy wamyre, raujōmo. Inatyhyna rarybemyhýre. Tai wamy ruidu riwaninimyhýrenyre. ⁹Ibutumy heka iny riwayreny. Tahe rieryòhyymy heka inatyhy rare. Watxiwāhārenyre rubu wese ihāre tahe warumy watxiwāhārenyre. Tiiboho heka rubu wesemy inyðireny ratximyhýrenyre. Aōhòkýmy ratýñnyrenyre hāre raruòhyylemy watximyhýrenyre. ¹⁰Aōna aōna heka bedewonihikýmy ròhònyre. Tiiemy wadeysahyy watxiwāhārenyre. Jiarýboho heka urimynodule watxiwāhārenyre. Ibutumy inyboho rityhydýñnyrenyre. Aòhomy aòkò inyboho ratximyhyreny tahe ibutumy inyðire roimyhýrenyre.

¹¹⁻¹²Tahe kaiboho ityhydýýdu seriòre mahādu Oritxi hāwā-ki. Jiarýboho heka kaa òbiti-my aōna aōnamy rarybemyhýre. Kaiboho heka ijohona derarenyre aòmy bo rarybemyhýrenyreò. Jiarýboho heka aluurenre. ¹³Kai wariòre wesemy adee rarybereri. Umy iwese jiarý aluure wese, kai waluurenre.

¹⁴Boholabenyke warybereny-ò ityhydýýdukòdu mahādu-wana aòmysýdýýrenyòke. Timybo òbitinaò heka aōbinaò-wana raaòmysýdýýke. Timybo heka loosòna bedeluru-wana ratxike? Aòkòre! Tiu wiwana rauriòtyhy. ¹⁵Satanasi heka Kristu-wana raaòmysýdýñnanyòtyhy. Itydyýdu mahādu wiwesehyyle raraykynykemy rýira. Ityhydýýdukòdu mahādu-wana tahe wiraykyweseke aòkòre. ¹⁶Deuxu aòmysýdýýna heka iwitxi rare, suritxoo aòmydýýnana-ribi, wa he. Kaiboho heka Deuxu dohodýýna ijoimy toite Deuxu oworeny-ki ratximyhýre. Deuxule heka kawesemy rarybere: —Jiarý heka wasý ariwinykre ayreny-ki. Jiarý iDeuxumy aronykre tiiboho waijoimy. Rorokurenkre. Tai tahe Inynyrý rarybere wiribi bihitxinyke. Inybina-ribi bexihitxinybenyke.

¹⁷Bexiebenyke òbitikòre-ribi wahe. Uritere tamy adi rexihumy, ixieryta aramyrenyke ixidee wariòre wese.

¹⁸Warurutyhymy adee rarybere. Boomy heka adireny ararekre, jiarýle wahe. Deuxu rurutere rare Jiarý.

7 ¹⁻²Deuxu ibutumy tuu rarybere: —Kai ityhydýýdu waseriòre mahādu. Tai tahe rikexiòbitinyke ibutu aòmydýýnana-ribi. Iny umyreny-ki roko-birenyke inyumyrenny-ki. Òbitimy heka rakatxirenre iko-ò, Deuxuko-ò.

Aõma waluumy heka atximahäbenykemy rahõtinywähäreny. Iny-ò aõ bina bina rewinyöhywähäreny. ³Tuhe kaa rarybere tahe ixityre anarybekre. Aluurenyre jiarÿboho ibutuhyye ratximyhÿre iny rumy ratximyhÿre häre tasÿ rukururenykre tulekre. ⁴Wadee heka awire ibutumy kaiboho ratximyhÿreny. Kai aõwitxira witxira wadeereny rÿira umy retyhynyreki. Isirare heka wadee kia ratximyhÿhärele Wadeysatyhymy heka watxiwähäre, wiòhedÿtyhy òraru-ki, ijy òraru-ki.

⁵Jiarÿboho retehemynyre Macedonia bede. Taita tule elehynaöhyre wadeereny. Ibutumy heka aõna aõna, òta òta witxira witxira; bede bede ihyymy aõkõre rÿire tai. Aõma bedewonihikÿ heka watelesõreny-ò ralore. ⁶⁻⁷Deuxu riwawiòhenanyreny re; Txitu diteònyde wadeereny. Tii rybereny heka awireny kaiboho. Tai tahe reysarennyre jiarÿboho. Kaiboho tabedewomy atxitenyteri waòraru-ki. Katahe wadeysa nihikÿmy watxireri. ⁸Adeereny warybetÿyriti rewahinyreki tabedewomy atxiteny. Tai tahe reysamy watxireri. Ihärele heka tÿyriti adeereny arawahinykre. Kaiboho heka tabedewotenye iribi tahe aõmydÿÿna kaiboho tewitxiranyteny teòbitinyteny ibutumy. ⁹Tai tahe jiarÿ reysamy watxireri. Aõbinare dori rewinykõre arawiòhenyreny heka. ¹⁰⁻¹¹Deuxu heka iny ribedeòtiidÿÿnymyhÿre iny ywimy riraykydÿÿnykemy. Kia kidiwymyhÿke inydee tarasana wahe. Tii heka awire. Ijõ bededeòtiidÿÿ tahe bede ludu bede òtiidÿÿ. Kia tahe rubu diwymyhÿde. Kaiboho heka tabedeòtiidÿÿnymyhÿteny. Deuxu heka kia riwinyre awiòhedÿÿnamy aõma kaiboho awirenyre. Aõ witxira witxira sówemy akireny rÿireri, aõ òta òtarenny. Kiadile tahe aõma òbitihyymy òhò ayrenny-ribi kaiboho heka taykananyteny. Kaiboho heka waluudumy teleteny. Kaiboho biwinybenykemy aõbo òbitimy ratximyhÿre iwidÿÿmy tarotenye. Ibutumy heka òbitihyymy rarekemy idi tetehetenye. ¹²Tai kia tÿyriti adeereny rewahinyre. Aõ kia rewinyre heka aõ iny iòrarudikekile aõkõre rewinyre. Idi aretehekemy heka. Kaiboho waluurenytyhyre aõbo òraru-ki wahe. ¹³Tai heka wadeysamy watxiwähäre. Aõ inyboho sohojile aõkõre teysa ratximyhÿreny. Txitu tule teysamy ihÿmyhÿre, kaiboho tawiòhenanyteki ¹⁴Tu heka rarybere adeereny kaiboho dori awimy tai tahatenya awityhy. Adeereny heka inatyhyhy rarybemahärenny, inatyhynamy. Tule mobo rarybere Txitxu-ò. Ka tahe inatyhy rarybemy ratximyhÿre. ¹⁵Tai heka Txitu kia luuna heka aõnityhymy akireny rare. Itxi heka tõhòti akireny aõma Deuxu tetyhynmahäte-txi. Kaiboho tedytenyteki. Ihärele urihimÿò ruberumy ratximyhÿ. ¹⁶Reerymahäre jiarÿ kaiboho òbitimy boibekre. Tai wadeysamy watxireri.

8 ¹Deuxu ruxetòena-ki heka sówemy riwinyre Macedonia dohodÿÿna mahäduy-ki wahe. Jiarÿ tuu arelyykemy idi watxireri waseriòreboho. ²Sówemy heka iaõna aõnarenny iaòòtaòtarennyre tiiboho. Aõhòkÿmy rotÿÿnyreri tiiboho. Ihärele ka deysamy heka relereny. Reysarenny heka. Tiiboho heka iaõkõrenny. Aõhohomy aõkõ heka roiremyhÿ. Kiahärele heka sówemy riwahinyre tamahädu wiòhedÿÿmy. ³⁻⁵Riwahinyre heka sówemy ixideewimy. Sówemy riwahinykelemy wadee rarybere. Tiiboho heka sówemy wiòhedÿÿmy rurumy roiremyhÿ. Tai inyboho ribedeòtiinyre sówereki. Kia judea bede, dohodÿÿna mahädu, kia wiòhedÿÿmy. Juhu heka tiiboho rexiwahinyrenny Inynyÿrenny-ò. Tule Deuxu deewina inydee riwahinyre. Iny wiòhedÿÿnarenny rexiwahinyre. ⁶Tai tahe jiarÿ rarybereri Txitu-ò: —Kai

biwiòhenanykemy iaòmydÿÿnarenen-ò. ⁷Kaiboho heka sòwemy tetyhynyteri. Kaiboho heka Deuxumy awimy tarybemyhÿtenynte. Kaiboho heka teerytenynte Deuxu aòmydÿÿnana. Kiaboho heka waluureny waluuurenymy boibeke wawiòhedÿÿdureny. Biwawiòhenanybenyke. Tai heka sòwemy bexiòlòdÿÿnybenyke adireny watxireri. ⁸Aò bede ywinaò heka adeereny rewahinyòhyreri. Arierykemy heka idi watxireri timybo aluuna ratximyhÿremy. Tii riteòsiny heka timybo ijò dowiòhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre. ⁹Deuxu ruxetòena teerytenynte, Jesuisi Kristu ruxetòena wahe. Tii heka ityhy rare. Tii rikòdÿÿnyre heka aòrarureny-ki. ¹⁰Taihyky tetyhynytenynte Deuxu aòmydÿÿnana-di. Kiamy heka raraykynyneri. Arawiòhenanykemy heka adireny rahòtynyre kanau bedeu. Tewiòhenanytenynte inatyhymy. Tai tahe biconananybenyke kia kanau bedeu tewinytenynte heka biconananybenyke. ¹¹Aòma ireiòno, uriòno biwahinybenykeki, Deuxu heka rimyke. Kia-di ròhòtynyke. ¹²Kia uriònomy idi teywinymy atxiteri-di ròhòtynyke. Tamy wahidÿÿmy aòkòhyykeki tahe Deuxu aòma raraykynyòtyhy. ¹³⁻¹⁴Jiarÿ heka isiramy adee ariwinyòtyhy aò. Kaiboho heka sòwemy kaa wiji toite, Tai tawowi-di inyò ròòkeki, taaònasòwe myna Deuxu-ò riwahinykre. Iaòkòkeki tai ibinamy Deuxu rahaòtyhy. Tai biwiòhenanybenyke heka ihoòmy rÿira mahàdu. Jiarÿ heka aò retòenyneri aòkò rare, biwahinybenykemy. Kai ihoòmy atxikeki tahe, tule inywitxira anawiòhenanykre. Taita wiwanale wiwesehyyle ròhònykre. ¹⁵Kiamy heka Tyriti-ki Ritidÿÿna roire: —Hābuò heka sòwemy ributunyre. Tahe aòhe rauhenyòhyyre tamy kia ibutuna-ribi wahe. Ijò tahe ibutelemy ributunyre hābuò wahe. Tiile heka aò tamy rasiranyòhyyre.

¹⁶Txitu awiòhedÿÿrenymy rurumyhÿre iwese awiòhedÿÿrenymy rurumyhāre wesele wahe. Deuxumy reàlāre tai, Deuxu dori tuu rotÿÿnyre. ¹⁷Taita ixinamy arorarenymy rehemynykre. ¹⁸Riwiòhenanyrenyreri iwitxira seriòreò. Ibutumy dohodÿÿna mahàdu-ribi tii rityhynymyhÿre aòma Rybewihikÿ-di ritÿÿnymyhÿre awimy. ¹⁹Dohodÿÿna mahàdu rihitxinyre wawana kanakemy. Ibutumy Inynyrÿ loosòna heka tuu ratximyhÿre. Tule riteòsinymyhÿre ibutumy iny rikiwiòhenanymyhÿrenykemy. Tai heka inyseriòrereny reteònyrenyreri ityhydÿÿdu mahàdu. ²⁰Tai inyò kia nierumy inyò rarybeòtyhy. ²¹Òbityhylemy rikiwinyrenyke ibuturu-ò. ²²Ijò tii-wana rake. Reurihirenyre heka tii wiòhedÿÿmy rakeò, tai heka tii wiòhedÿÿmy ratxireri. ²³Txitu heka waliina rare; wawana raaòmysÿdÿÿnymyhÿre heka rare. Jiarÿboho heka awiòhedÿÿrenymy rarumahāreny. Ijò seriòrerenyò nade dohodÿÿna-ò wiòhedÿÿmy. Tai kaiboho wowydina tamy biwahinybenyke. ²⁴Tai tahe dohodÿÿna mahàdu kaki rierykre. Tai rityhynyrenykre aòmybo umyreny rarybere. Tule wiluumy atxiteri.

9 ¹Reerywāhāre jiarÿ wiòhedÿÿmy tarumahātenynte Judeia bede-ki. Tahe kiamy aò aòkò ariritinykre. ²Reerywāhāre timybo akireny rare. Jiarÿboho heka awimy rarybereny umyreny Macedonia hāwā mahàdu-ò. Myheka rarybere: —Akaia bede seriòre mahàdu wiòhedÿÿmy rexiwinyrati ratximahāreny kau beòrau. Tai tiiboho rexideysananyreny. ³Tai heka kaa seriòre mahàdu reteònyneri. Tai heka awikre biwiòhenanybenykre dori. Kiamy iwese rarybereri heka inatyhy rare. ⁴Araixÿrukre heka jiarÿ aòma bexiwyinybenyòlemy wiòhedÿÿna-ò atxibenykre-wana. Tule kaiboho

maix̃rubenyke. ⁵Tai heka inyseriòrereny reteònyre akorenymy. Tahe iu arehemykreu, bexiywinybenyke. Biwahinybenyke wiðhedỹmy atxitenyteri ixideewimy. Aõ jiarỹ adeereny rexitòenyreteri aõkõ wiðhedỹmy.

⁶Kia hãbu ibutemy ròbòròmyhỹre heka ibutelemy tamy aõna aõna ruhunykre. Kia hãbu sówemy ribrònymhỹre tahe tamy sỹ sówemy aõna aõna ruhunymhỹre tamy riwahinykre bederaty aõmydỹnana. ⁷Tai heka iny sohoji sohoji ixideewimy tiwesebo riwahinymhỹke. Riwahinyòke tahe aõ tuu rurukòreru urenana tuu ratxike. Deuxu dee riwahinymhỹke mahãdu deysana-di riwahinymhỹre kia iny mahãdu Deuxu tuure. ⁸Deuxu heka riwahinymhỹre sówemy aõmybo tarumahãte kia inydeereny iratyre. Ibutumy aõmybo tarumahãte heka tule iny witxira biwiòhenanybenyke. ⁹Kiamy Ritidỹna-ki roire: —Tii tawowi-di iaõkõ mahãdu-ò. Ròwahimyhỹre. Kia tahe iinydee wobrona tiemy rosaõmy rarekre. Deuxu heka riwahinymhỹre tibo alòbòròdu-ò. ¹⁰Inydee riwahinymhỹre paõ iny rirỹsỹke. Tahe tule sohoji sohoji òwòrutymy rurumyhỹre heka tamy riwahinymhỹre. Kia ribòrònymhỹre tahe Deuxule ritxuhudỹmyhỹre. Tahe sówemy bitakre Deuxu-ribi. ¹¹Kia rimymhỹre mahãdu tahe Deuxumy reàlãmymhỹre. Kia tewinymahãte heka Deuxudeewimy tewiòhenanymahãte. Deuxu heka sówemy rimymhỹre eàlànareny iòraru-ki. ¹²Kaiboho heka Deuxu mahãdu teriwiòhenanytenyte. Kia sohojile aõkõ. Tule aòraru-ki tiiboho Deuxu-ò wowydyna sówemy riwahinyrenyke. ¹³Kaiboho Rybewihikỹ tỹmyra tetyhynytenyteri, Kia ibutumy rierymhỹre kaiboho dori urìòno tewiòhenanytenyteki, tai iny wowydyna Deuxu-ò riwahinykre. ¹⁴Adee rexitòenykre aluumy heka relekre Deuxu adee ruxetòena riwahinyreki. ¹⁵Deuxu-ò wowydyna iny-ribi kanakemy heka idi watxireri. Wahidỹna wihikỹ dori Deuxu inydeereny riwawahinyre.

10 ¹Jiarỹ Paulo heka aõmybo adeereny arexitòenykre. Aõherekibo tamy tarabemahãtenyte awanareny watxiwãhãu urihimyòle watyhyna watxirerimymy tarybemahãtenyte. Jiarỹ heka awana rybetere-di rarybeòmahãre awanareny watxireri wana. Tiu rareu, taheka ròritidỹre rybetere-di wahe. ²Ròhòtinyinwãhãre. Rexitòenyreteri. Awi heka rare. Ywina-di iny risỹnymhỹre. Inyò wamyreny ibinamy rarybekeki tahe tule ararybeke heka. ³Inatyhymy kabede-ki inyboho rasỹnymhỹreny. Rakaaòbinanykeki, inyumyreny aòbinana wesemy rare. Tebònadirenyre. ⁴Tebònadirenyre. Aõ kabedemy iny rỹira kia debòna wese aõkõ kỹny. Deuxu debòna heka rỹira irurule heka rare. ⁵Inyò aòbinamy Deuxumy rarybemyhỹkeki, tai tahe kia wadebònareny remymy resewãhãrenyre kia ixãwididỹnamy wahe. Ibutumy Deuxu òludumy ratximyhỹre heka remywãhãrenyre Deuxu rierykemy Kristu rityhynykemymy wahe. Kaiboho heka ibutumy tetyhynymahãtenyte. ⁶Kaiboho biatybenykeki, tahe, rexihuhymy rỹimyhỹre aòhòkỹmy dỹnana-ò. ⁷Kaiboho heka tetehe mahãtenyte aõna aõna-ò ahana-ribi wesele wahe. Inyòraraykynykeki ratximyhỹreny ixinamy tuu raraykynyke. Jiarỹboho heka tule Kristu mahãdu hòrò iny ratxirenryteri. ⁸⁻⁹Deuxu heka ruuò wadee diwahinyde arawiòhenanykemymy tai raixruòmymhỹre. Tai heka abrebudỹrenymy aõbo kariti rewinyre. Urile tahe aumydỹreny adireny rewisỹnywãhãre aõ bede arãatyremy aõkõ. ¹⁰⁻¹¹Ityyriti rybetere heka ribrebudỹ tahe rehemynyreu heka tii aõkõ rybetere-di rarybemyhỹre. Awityhymy aõkõ rarybemyhỹre riritinyreu. Iwese ròritidỹre wesemy aõkõ rarybere.

Iu adehemynykreu tahe, iwese ròritidỹyre wesele heka anarybekre. ¹²Iny tai ratximyhỹre heka sówemy ixidi ròhòtinymyhỹre tii awiremy. Kia tahe watximyhỹreny kia raryberenyòtyhy. Tii dori raitxỹtemy ratximyhỹ. ¹³Aómy iximy rarybemyhỹre dori tii awimy iximy rarybemyhỹre heka urile tuu raraykynymyhỹ. Timybo Deuxu inydee raryberele rikiraòmyhỹke. Kiawesele inydeereny awire. ¹⁴Iaómysỹdỹña heka timybo rikiwinyrenykele iny riijemyhỹreny. Juhu heka Rybe tỹmyra wihikỹ heka adeereny adiwykemy idi watxiwähäre. Rewyreny heka juhú Rybe tỹmyra wihikỹ adeereny rewyre. Tai heka tuu raryberenyòhyymahäreny timybo iny witxira aómysỹdỹña riwinyymyhỹreny. ¹⁵Kaiboho heka aityhydỹñareny raumynykre. Tii heka wadeereny awire. Jiarỹboho heka aómysỹdỹña wihikỹ sówemy ariwinyreny kemy watxirenryeri ayreny-ki, Deuxudeewireki. ¹⁶Idi tahe aròirenkyre rybe-di aritỹnynyreny kemy ijòbede-ò, Rybe tỹmyra wihikỹ-di wahe. Aómy ararybeòtyhy aómysỹdỹñareny iwitxira rewinyreny. Kiamy heka Ritidỹña-ki roire: ¹⁷—Urile tuu rybe rỹike Inynyry tĩmybo riwinyrelemy. ¹⁸Iny ixidi ròhòtinymyhỹre tii awireny. Tahe awi aókò rare Deuxu-ò. Deuxu tahe awimy tai rahamyhỹre tii idile ròhòtinymyhỹreki.

11 ¹Jiarỹ òsana urihimyo raitxỹtemahäreny kaiboho wawana tòiterimyi ixi-di atxitenyteri. Ihärele taheka urihimyo reòludunymahäre. Jiarỹ heka okorenry iwese Deuxu ratximyhỹre wesele. ²Ywimy atximahäbeny adireny watxireri. Kaiboho iwese ijadòma hābūmy roikre wese toite. Hābū heka Kristu rare. ³Jiarỹboho raberuwähäreny kaiboho Kristu-wana atximahäbenyke lau wahe. Iwese Eva hemylala riitxenanyre wese wahe. ⁴Inyò kanakeki ròhàletedỹmy Jesuisi witxiramy. Tahe kaiboho bityhynybenykekile jiarỹ heka raberumahäre. ⁵Ijò dori ritỹnynymyhỹre iwese inyboho ritỹnynymyhỹreny wese aókò iwitxiramy. ⁶Kaiboho heka tahòtinymahāteny te tỹnydỹđu wihikỹmy inkireny ratximyhỹre. Tahe awiremy idi tahòtinymahāteny. Tai iwesele inyboho roire awi heka roire. ⁷Tahe iwese tii awityhymy rarybemyhỹre wesemy aókò inyboho rarybemyhỹreny. Tahe iny rierymyhỹreny inraykyreny-ki. Sówemy heka tuu adeereny rarybemaahäreny. Iu jiarỹ rybe ritỹnynymy akireny rarewähāu, kiau heka adeereny rexitòenyòhyre iòwydỹmy. Iyjamy heka ixidee reijenynyreny kaiboho bexiòlònybeny kemy. Teòsare òsana iwese rewinyre wese. ⁸Ijò dohodỹña mahāduò heka riwāðwyny adeereny aritỹnynyreny kemy. Iwese iribi rawasinyre wesemy heka rahòtinry. ⁹Iu akireny rybe-di tỹnydỹmy rarewähāu tiu rexitòenyòhyre adeereny biwawiòhenany kemy. Macedonia hāwā-ribi dori ityhydỹđu, mahādu seriòeò aómybo raruwähäre wadee diwyde. Tiu heka aò aribireny aritaòtyhy. Tuu rarehy wese heka wiji rarekre. ¹⁰Kristu inatyhynamy wadee rarybereri kia wese tule ararybekre ibutumy Akaia hāwā hāwā-ki. ¹¹Jiarỹ heka aluunihikỹreny. Taile heka tuu rarybewähäre Deuxule rieryre. ¹²Kia rybe tỹnydỹđu heka iwese rewinywähäreny wesele ròwidỹmyhỹre. Kia heka rewinywähäreny heka kia rarybereri heka aò wiribi lahixi aókomy rarybereri. ¹³Kahābū heka inatyhy Deuxu deòdỹña aókò ratximyhỹre. Ruile heka iaómysỹdỹña-ki ròhònymyhỹre. Rexitỹnyny kemy Kristu deòdỹña mahādu-ò. ¹⁴Tahe aókòre heka Satanasi tule rexitwitxiranymyhỹre. Yju wesemy tii rexideòsinymyhỹre. Kia hābū teòdu rare. Tai heka irehemy iribi rexiijaranyre òbiti deòdu mahādu ratxireriki wahe.

¹⁵Urile tuu iny idi rōhōtinykelemy heka tuu ratxirerimy ihÿre. Tahe aōkōre. Ikonanau tahe aōhōkÿmy dÿÿnana ritarenkyre aōbo riwinymyhÿre òraru-ki.

¹⁶Ixityre tuu ararybekre. Inyō raykykōmy jiarÿ itxÿte raremy. Ararybekre heka waaōmydÿÿnanarenemy. ¹⁷Teramy ijirarenyōmyke aōmybo ararybekre. Deuxu dori tuu arybedÿÿ-ò riwaijōnymy, tai heka rarybere itxÿte wesele watximahāremy. ¹⁸Kaiboho heka taholamahātenyete itxÿte mahādu-ò. Katahe bodoholabedenkyre aōmybo ararybekre. ¹⁹Inyō kedehemynykeki kaa biwinybenkyre. Tahe tewinyamahātenyete aōna aōnamy aōkō wahe. ²⁰Inyō araitxenanyrenyeki uritere aōmydÿÿrenyōmy tamy. Jiarÿ heka ariwinyōtyhy tuu, wadee awiōre. ²¹Ijō rarybemyhÿre inyō. Tule jiarÿ ararybekre. Itxÿte wesemy ratximyhyremy. ²²Tii heka Hebreu mahādumy tii rexininire. Jiarÿ tule kia tuu rare. Ijaò mahādumy heka tiiboho rexininirenyre. Jiarÿ tule. Abraò riokoremy rarybemyhÿre. Jiarÿ tuleri. ²³Kristu deòdumy heka tii rexininimyhÿre. Rarybimahāre itxÿte wesemy. Jiarÿ heka iratyre deòduwimy watxiwāhāre. Jiarÿ raaōmysÿdÿÿ nihikÿre. Ròtenawo-ò riwarutyrenyire iratyre. Riwahatenyrenyire iratyre. Arurure inihe iratyre. ²⁴Judeu mahādu heka 39 hetenamy wamy raðhòtere iruyre sōwemy wahe. ²⁵Roma mahādu tasÿ inataōmy riwahatenyire. Sohoji ta mana-di watyre rihure. Ijōtxu heka hāwoninihikÿ heka riorore. Aòutxu heka bera-ki rāire ruu ibutumy txuu tule ibutumy rehure. ²⁶Ibutumy reamy rarewāhā aōma wasidu bede aōmydÿÿnanamy bera-ki tule arurure inihe. Judeu mahādu warubudÿÿmy wadi riwisÿnyre. Tule judeukōdu mahādu tulere. Hāwāhākÿ-ki brebunatyhmy watxiwāhā, bede rahy-ki tule, ahohokÿ-ki tule. Waliinaò inatyhy aōkō tai ihÿmyhÿ. Tai heka riwaiixenanyrenyire. ²⁷Aōmysÿdÿÿ nihikÿ tai. Tÿikōhyky heka bede reijemy rarewāhā. Rama riwasare; bemy rarowāhāre. Timy heka tÿinatykyō ihōōhykyre sōwemy wahe. ²⁸Tai tahe rahōtinyre ibutu dohodÿÿna mahādu-di. ²⁹Urihi-myòle taruru-di ratxireri wana jiarÿ tule iheki waruruhohomy aōkō relema-hāre. ³⁰Inyō raòrarunymyhÿre wana jiarÿ rabadewowāhāre iòraru-ki. Jiarÿ rexideòsinywāhāre waaōkōre urityhywāhāre. ³¹Deuxu Jesuisi Kristu tyby dori riwaerymyhÿre aōu aōu heka iny rakanihikÿnykre. ³²Iu Damas hāwā-ki rarewāhāu, Iòlò Areta bede dinodu heka riwamymy riwateònyre. riwamykemy hāwāhakÿry ijò-ò. ³³Weriri nihikÿwomy riwawòmy riwatidire, Walina mahādu. Tahe heto raro-ribi riwaatyre hāwā ahana-ò. Tai tahe rahenyre iribi.

12 ¹Jiarÿ heka ararybekemy watxireri. Aō aōkō rarehārele heka ararybekemy watxireri. Wiòhedÿÿna aōkō heka rare. Wanyrÿ wadee riwahinyre aōna aōnamy heka rabire rasina wese jiarÿ sohojile wahe. Kiamy heka arelyykyre wiji. ²⁻³Tahe 14 beòramy heka Deuxu ityhydÿÿduò ridyre biu-ò tasÿ-ò wahe. Deuxule rierymyhÿre inatyhy aōbo rare ada aōkōre aōbo. ⁴Kahābu Deuxu-ribi heka rybeòkemy roholare. Tahe rarybeòtyhy. ⁵Iximy tahe ararybeòkre kia wadeysarehāre. Waaōhōkÿmy dÿÿnanadile areysakre. ⁶Urile ararybekre timybo releremy. Taile tahe iny tuu rarybekre. Tuheka rabire sōwemy aōwiwihikÿmy. Jiarÿ awiremy iny wamy raraykynyheny. ⁷Tahe Satanasi aōbinana witxirahakÿbo wadee riwahinyre. Ixidi arōhōtinyòkre. Jiarÿ aōwiwihikÿ jiarÿ raremy wahe. Araraykynyòkemy. ⁸Inataōmy heka Inynyryÿ-ò rexitòenyre kiamy waribi ritakemy. ⁹Tii wadee rarybere: —Waruxetòenale heka adee awire. Aōbo kai taaōkòteu heka waruru

adee rewahinyre. —Tai tahe jiarý reysare, waaòkòreu wahe. ¹⁰Tahe awire, waòkòna, warurukòna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukòkreu, warurudikre.

¹¹Rarybere heka hàbu itxýte wesele heka rarybereri. Kaiboho iòrarureny-ki heka kia wesemy rarybereri. Inatyhymy heka jiarý kia rybe týnydýýdu mahàdu bina ratyre watxiwähäre. Ayreny-ki rarewähäu heka teertyentye. ¹²Aòna aòna wiwihiký, deytana wihiký, bedeòtiidýýna ayreny-ki rewinyre kia Kristu deòdumy watximyhýreki wahe. ¹³Rybe týnydýý òwyò heka aribireny retaòhyyre.

¹⁴Ihewoludu txu tahe aroramy arakemy ixidi watxireri. Inataòmy rey-winyra aroramy arakremy wahe. Aribi nieruò aritaòtyhy. Urile arawiòhenanyrenykremy adireny watxireri. Uladu riki heka tyby riyrubunyòtyhy. Tyby tahe uladu riyrubunymyhýre. ¹⁵Ibutumy idi watxireri heka arahukre arawiòhenanyrenykremy. Adeereny wylemy arihukre. Jiarý heka aluurenyre. Kaiboho aòbo tule waluurenykre? ¹⁶Waòraru-ki heka adee isiraòkre heka. Ihärele tahe inybina wamy rarybemyhýre: —Tii itxenadýýdu rare. ¹⁷Wamahàdu tule aribireny ritaòtyhy ijò. ¹⁸Txitu reteònyraiò ityhydýýdu seriò-reò-wana. Tii aòbo aò aribireny ritare? Aòkòre. Txitu wawesele heka tii rare.

¹⁹Taòmysýdýýna heka awiòhedýýnarenymy rare. Aò wadi jiarý awiremy nohòtirenýòmy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiòhedýýrenymy. ²⁰Raberumahäre heka arehemynykreu, iwitxiramy atxibeny-beke lau. Tule wadi iwitxiramy betehebényke ixiweserenymy aòkò. Ihàru, adebure. Aòkemy watxireri. Iny aòbina binamy wimy rarybemyhýre. Iny ixidile ròhòtinerimy ihýre mahàdu. Kia aroholakeki tahe wadee awiøre. Riyrubunymyhýre. Riyrubunyòhyymyhýre. ²¹Raberuwähäre heka arahinykre heka akotxireny iòhàru òraru-ki. Aòna aòna witxira witxira òta òtamy ròhòtinymyhýre, raraykynymyhýre. Sòwemy heka riwinyre ta ixi-txi tòhòti reaòhyymyhýre kia riwinyretxi.

13 ¹Tahe ikonana txu roraludu heka jiarý rare. Inyò aòbina binamy wimy rarybemyhýreki waribi ihitxihitximy heka tuu rarybemyhýre. Iny rimymyhýre heka tuu robimyhýre; tuu rarybemyhýre. Wiweselemy heka tuu rarybekre. ²Iny iòrarudimy rýikre-wana, ibutumy heka aòhòkýmý rotýýnykre arehemynykreu. ³Aòmy Kristu rybemy heka rarybekre. Tai bierybenykre. Aòmy warurudýýdure heka bierybenykre Kristu wahe. ⁴Kristu heka itxèò-ki rurure irururenyò wahe. Jiarý warurunarenýkò òraru-ki. Tahe Deuxu ratximyhýre, iruruna-di. Tii-wana heka inyboho heka ratximyhýreny iruruòmy. Tai awanarenyle watxireri, tahe tii-wana Deuxu ruruna-wana watxireri. ⁵Ixi-di heka betehebényke. Bexiurihibényke tyhyna-di atxitenyterimy. Jesuisi Kristu awo-ki ratxireri. ⁶Kia tertyentyemy, inatyhy. Tahe jiarýboho inatyhymy aòna aòna riijereny. Kia aòbo teertyentye. ⁷Jiarýboho rexitòenyreny wähäreny. Òraruna widýýrenýòmykemy. Kaiboho aòwiwi biwinybenyke. Kia òbitimý watximyhýrenykeki aòkò, kiemy òbitimý boibenýkemy. ⁸Aòbo heka inatyhyna wiòhedýýnale rikiwinyrenyke. ⁹Kaiboho arurudimý atxitenyteri-wana heka, jiarýboho warurudimý watxiwähäreny, kia wadeereny awi rare. Rexitòenymahäreny kaiboho òbitimý matxibenýbekemy, ywimy ahàbenýkemy. ¹⁰Tai heka adeereny ratyritinyreri

kiamy. Aribireny irehemy watxiwāhāre taheka arawiōhenanyrenyke. Are-hemy nykreu tahe timy heka aōhōkỹmydỹñanamy arōhōtinyōtyhy, kia waaōmysỹdỹña rare. Inynyrỹ dori iny wiōhedỹñarenenymy nade. Iny aōhō-kỹmy dỹñanamy aōkō.

¹¹Arakre tahe waseriōreboho. Idi biwisỹnybenyke ibutumy òbitimy biwiny-benykemy. Warybe-ò heka boholabenyke. Wiwese weselemy maraykywydy-nanybenyke wiribihiximy aōkō. Ywina-di matximahābenyke. Deuxuluuna heka tule akireny ratxikre. ¹²Wii birybenymyhỹbenyke ityhydỹđu seriōre mahāduō tai wiluumy atximahābenyke. ¹³Ibutumy Deuxu ijoi mahādu heka adee rybe riwehityhynanyreri. ¹⁴Jesuisi Kristu Inynyrỹ ruxetōena heka aki-renykemy watxireri. Deuxu luuna aki rỹikre. Deuxu Tytybytyhy awana rỹikre.

Alatxia

Paulo Tyyriti, Alatxia Mahādu-ò

1 ¹Jiar̄y Paulo, rybeōmy nodu rare. Inyō riwateōnyōhyyre. Jesuisi Kristule, Deuxu inytyby, Kristu ixixad̄ȳdu-wana riwateōnyre. ²Jiar̄y ityhyd̄ȳdu seriōre-wana. Kaa watyritireny rewahinyreri Alatxia bedeludu mahādu-ò, ibutumy dohod̄ȳna mahādu-ò, ityhyd̄ȳdu mahādu-ò wahe. ³Ruxetōena ywina-wana adeereny kanakemy idi watxireri Jesuisi Kristu-ribi, Deuxu inytybyreny-ribi. ⁴Jesuisi rexiwahinyre iny òrarureny-ribi iny ritarenkemy. Wiji bede aōmyd̄ȳnabina-ribi iny ritarenkemy. Kia dori Deuxu-ò inytybydeewimy rare. ⁵Tamy àlàna aōu aōu kanawahimyh̄ke.

⁶⁻⁷Jiar̄y bede reōtiinyra, rybe witxiraō elelemy tetyhynmahāteki. Rybewihik̄y witxira ihoōre. Juhuu Kristu taruxetōena-di bedebina-ribi aratarenyre. Inyō adee rare. Idi Deuxu Rybewihik̄y riwitxiranykemy. Tai tahe atyhyd̄ȳna ribinad̄ȳnyra. Tai tahe kiamy adee rarybera. ⁸Inyō aōbo, jiar̄y aōbo, ada biuludu ȳju aōbo, adee Rybewihik̄y witxiraō rarybekeki, Deuxu kyarana tamy kedesekeyi idi watxireri. Rybewihik̄y-ò juhu waribi taholatenyte. Kia sohojile inatyhyre. ⁹Iwese rarybere wese ixityre ararybekre. Inyō Rybewihik̄y riwitxiranykeki, aōmybo juhUU taholateny-ribi, Deuxu kyaranyamy resekre. ¹⁰Deuxudeewimy taheka watxireri hābudeewimy aōkō. Jiar̄y hābudeewimy aratximyh̄keki Kristu deōdu aōkō jiar̄y rare.

¹¹Aōmybo rarybemyh̄re hābu-ribi rare. Kia Rybewihik̄y tyhy rare. Kia bierybenyke. ¹²Kia tihābuō-ribi adoholaōhyymahāde. Hāburybe-ki aōkō reeryre Jesuisi Kristule dori kia riwaerynanyre. ¹³Kaiboho taholatenyte, iwese jiar̄y judeu mahād̄y-ki raremahāu Iu Deuxu ityhyd̄ȳdu mahādu aōbi-namy rewinyd̄ȳnanyh̄re. Idi ariixāwidid̄ȳnykemy rarewāhā. ¹⁴Wamahād̄y-ki sōwemy iratyre raremahā judeu mahādu bede ywina ywid̄ȳ-ki. Idi retyhynyhyymahāre wahona mahādu ratyre, byrena er̄ȳd̄ȳna-ki. ¹⁵Iribi tahe Deuxu riwamyre taruxetōena-ki. Ratohouānyōlemy rareō juhu riwahitxinyre. ¹⁶Wadee Deuxu tariōre riteōsinykemy ratximyh̄ judeukōdu mahādu-ò tuu ararybekemy wadi ratximyh̄. Iu inyō dee aōmy rarybeōhyyre Jerusalē hāwā-ò raōhyyre. ¹⁷Rōtyhyd̄ȳōmy raremahāu. Deuxu deōd̄ȳna mahād̄ule r̄yiramyh̄. Ihārele tahe tamy rybemy raōra. Iribi tahe rahōnyra Arabia-ò. Idi tahe ixityrele adōōsede Damasū-ò.

¹⁸Inataō beōramy heka kowa-ki reijere. Idi tahe rare Jerusalē-ò Pedro roramy. Tahe bede reijere waiyre txumy tai. ¹⁹Ijōmy heka rabiōhyyre deōd̄ȳna mahāduōmy. Txiaulemy heka rabire, Kristu seriōremy. ²⁰Ka heka watyriti inatyhy rare. Deuxuko-txi inatyhy rare. ²¹Idi Siria bedeō-ò rare,

tule Silisia bede-ò. ²²Judeia bede-ki Kristu dohodýÿdu mahädu wamy lobi-xidu aòkò rýira. ²³Uritýÿna roholamyhýre: —Kia juhu inyhudurenymy iny-direny raremyhý, wiji tahe tyhyna-di dobedeerydýÿnanymyhýde. Juhu tahe tii tyhyna rahukemy riwisýnyre. ²⁴Kia ibutu òraru-ki tahe Deuxu-ò deàlám-yhýde wamy, Paulo wahe.

2 ¹Waòinaubiòwa reurò beòra-di rexihureu, ixyby Jerusalè-ò ròdsere. Banabe, Txitu-wana redyre. ²Rawähäre heka rasi wese-ki aomybo rabi-reki. Retýnnyre iny-ò iwese inywitxira-ò rarybemyhýremy. Dohodýÿdu mahädu ratyre retare tamy rihitxinyre rarybekemy. Tuu arierykemy watxireri ywimy watxiwähäremy. ³Txitu wawana ihýre, tii judeukòdu mahäduò härele tahe itótyky resymy rarybeòhyreny. Tiiboho waki ibinamy rahaòhyreny. ⁴Idile ròhòtinymyhýre ityhydýÿdukòdu mahädu. Tiiboho nalòdenyde waixäwididýÿnarený-ò retehekremy, iny Kristu-ki ijòdiwähäre-ò. Tiiboho ixiwesemy iny-di risýnykemy ratxirenryeri. Tiiboho ityhydýÿdu wesemy rexisýnymyhýre. ⁵Tamy jiarýboho raholarenýòhyymahäre inatyhymy Rybewihiký aribireny ritaòhykemy. ⁶⁻⁹Dohodýÿdu mahädu ratyre mahädu heka Joaò, Txiau, Pedro-wana rare. Tiiboho ibutu erysyna ratyre rýiraki, kia aò aòkò wadee rare. Tiiboho aò týmyra riwabedeerynyòre. Deuxu-ò tahe ibutummy iny wiwesehy rare. Deuxu riwateònyreny judeukòdu mahädu-ò Rybewihiký wahisidýÿmy. Kia Joaòboho wiwesehyylemy widi ròhòtinnyre riwawehitynanyra jiarý Banabe-wana. Tai tahe iwese Pedro judeukòdu mahädu-ò rare. Tiiboho tahe ritýÿnynymyhýke judeu mahäduòle wahe. ¹⁰Utile riwatyhenyry iny aòkòdu mahädu ariwiòhenanymahäkemy. Kia juhuhu ariwinykemy watxiwähäre.

¹¹⁻¹²Atxiòkia-ò Pedro rehemyhýreu jiarý tuu rarybere timybo ibinamy riwinymy ihýremy rexiitxenanyhýreki. Häbuò Txiau-ribi rehemynyòrau, tii judeukòdu mahädu-wana riroxire. Irahudi tahe dehemynydenydeu, riroxiòhyylemy rexitare. Judeu mahädu rybe lau ruberure. ¹³Ijó judeu iwesele rotýÿnyre. Ihewoludu Banabe tulere. ¹⁴Tuu rabireu, òbitimy aòkò Rybewihiký inatyhy wesemy aòkò rotýÿnyny raremyhý tahe rarybere ibuturu-ò, Pedro-ò. Kai judeu mabekeki, tahe judeukòdu mahädu wesemy tanabededýÿnanamy ahäte. Uritere judeukò mahädu judeu mahädu wesemy isýdýÿömy. ¹⁵Jiarýboho tahe judeu mahädummy reamahäreny. Judeukò mahädummy aòkò watxiwähäreny. ¹⁶Iny bede ywidýÿna aòkò iny ritamy roire. Kia Kristu iny rityhynymyhýrele iny ritamy roire. Bede ywina ywityhydýÿna iny ritaòtyhy. ¹⁷Iny Kristu-ki tarasana ritamy ratxikeki, tahe òrarudu tyhymy ronykeki, Kristu aòbo òraruna widýÿna rare? Aòkòre. ¹⁸Jiarý bede ywiny ywidýÿna-ò aròòsekeki, òrarudummy arareke. Kia jiarý idi ariatymy rýimyhýre ixityre ariwinykeki òrarudummy arareke. ¹⁹Jiarý bede ywina rarumy räire wese, Kristu-ò warumy ararekremy. Kristu-wana jiarý raitxeòkirubudýÿnanymahäre. ²⁰Jiarý ixidee warumy aòkò wahäre. Kristu tahe wawo-ki riwarudýÿnanymy ihýre. Warumy watxireriwana Deuxu iriòretyhydýÿna òrarukile warumy wähäre. Tii waluumy ratximyhýre. Tahe wadee rexiwahinyra. ²¹Deuxu ruxetòedýÿna aribynykemy aòkò watxireri. Bede ywina tyhydýÿna òraru-ki ywityhydýÿna tahe inyò ritakemy ratxireri. Kia-di inatyhymy inyò rexitakeki tahe, Kristu uriòle rurure.

3 ¹Alatxia mahädu timybo tahòtynyteri kaiboho òhòtibe-de-di rierykòreny. Kia-di òsana tahòtynyre. Moòwòru ijeranamy ahäteny. Jesuisi

Kristu itxeò-ki rururedi taholatentytyhyta. Òhòti-ribi aõbo kia rosare. ²Kiale arierykemy watxireri timybo tahòtinytenyteri: Deuxu Tyytybytyhy temytenyta bede ywina widýñnamy aõbo ada inatyhyta tyhydyñnamy aõbo. ³Juhu urile tetyhynytenyteri idi ixiumykile tadexityhynymy ahàtenyter, bede ywina ywisidýña wahe. ⁴Kaiboho òbitimy tahòtinyòtenyter. Kia aõbo aõhòkýmy tatýñnytenyteri uriòhyyòle? ⁵⁻⁶Aòkòre, uriòkele aòkòre òsana tahòtinyteri. Deuxu Tatytybytyhy adeereny diwahinyde. Kia aõbo riwinyre bede ywina ywisidýñ kaiboho tamahàtenytereki? Aòkòre, tetyhynymahàteki kia riwinyre. Deuxu aõna aõna wiwihiký akoreny-ki riwinyre. Kia sohojile iny ritake. Abraò Deuxu rityhynyre. Tai tahe tamy òbitimy rare Deuxu-ò, iòraru iribi riixāwididýñnyraki. ⁷Tai ibutumy rityhynymyhýre mahādu Abraò riòremy rýira. ⁸Tyyriti-ki roimyhýre kia: —Deuxu heka judeu mahādu sohojile aòkò riòbitinykre. Ibutumy iny riòbitinykre ityhydyñ erysydyñna òraru-ki. Rybewihiký erysana Abraò-ò juhūu dehemyndy. Kia wese Tyyriti doide: —Aòraru-ki ibutumy iny-ò deysana kanakre. ⁹Tahe ityhydyñdu mahādu Abraò wesemy teysare. Abraò dori ityhydyñdu rare. ¹⁰Inyò bede ywina rityhynyòkeki, Deuxu txuhòbina kedeake. Jesuisi-ò tyhynale iny kiditakre. Kia Tyyritidýña dori roire: —Inyò ibutumy bede ywina riywinyòkeki, tamy Deuxu txuhòbina kedealeke. ¹¹Òbiti mahādu rityhynymy ronykre. Kia riki Ritidýña roire. Tahe bede ywina heka inyboho aòkò riòbitidýñnyre. ¹²Bede ywina heka iwitxi rare ityhyta-ribi. Tahe inyò bede ywina rityhynymy ratxiakkeki, tii ibutumy rityhynymy rarehyke. ¹³Inyboho Deuxu bede ywina rikiywinyrenyòkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadýñnyre inydee iòwydyñna-ki. Beteheke Tyyritidýña roire: —Inyò òwòru itxeò-ki ritamadýñnykeki, tamy txuhòbina kedealekre. ¹⁴Deuxu narybede heka Tatytybytyhy iny-ò riwahinykemy. Wiji tahe inyò rityhynykeki, Deuxu Tyytybytyhy ritakre. Tai Abraò deysana inydeereny rehemynyre Jesuisi Kristu òraru-ki.

¹⁵Waseriòreboho, jiarý hābu wesemy ararybekre. Iny inatxi jurasadýña ritina riwinykeki, inireny ritidikeki, inyò riwitxiranyòtyhy. Tai ijò witxira riritinyòtyhy. ¹⁶Boholabenyke, Deuxu juhūu Abraò dee narybede: —Abraò riòre hewoluduò Kristumy. Abraò riòre sòwe dee rarybeòre. Sohojideele rarybere. Tahe tariòre-ò Kristumy rarybere. ¹⁷Tuheka rarybereri: —Deuxu juradýña wese juhūu rarybere, 430 beòra bede rýire idi tahe bede ywina nade. Kia Deuxu juradýña riixāwidinyòtyhy. ¹⁸Tarasany bede ywina-widýña òraru-ki kidiwahinykeki, wahisidýña aòkò heka rare. Tai Deuxu heka Abraò-ò jurasadýña riwahinyre. Iòwydimy aòkò juhūu dori rarybere tii kidiwahinykemy. ¹⁹Aòherekibo heka nade? Kia nade òruna òraru-ki Kristu nadeule kýny juhu ludu wese aòkò roire. Kristu heka Deuxu deòdýña rare. Iwese Deuxu rarybere wese riwahinyre. Tii Abraò riòre riòre-ribihyy reare. Ýjumy bede ywina nade. Iny itya ludu debò-ki rehemynyra. Moisesi iwahidýñdure. ²⁰Boholake, Moisesi sohojile aòkò itya ludu ratxireri bede ywina riwahinyreu. Deuxu tahe sohojile rare irybe riwahinyreu. ²¹Bede ywina aõbo Deuxu jurasadýña riixāwidinyke? Aòkòre. Bede ywina umy ituedeòna riwahinykeki, òbitidýña inatyhymy bede ywina nade. Tahe aòkòre. ²²Deuxu Tyyriti rarybere: ibutumy iny òruna-di ratxireri. Kristu iny rityhynykeki, Deuxu jurasadýña tamy riwahinyke.

²³Ityhydÿÿna rehemynymynykoki bede ywina iny rityhynymyhÿre ròtenawo-ki inyboho roire wese. Kia-ò iny riraòhyymy rÿimyhÿre inatyhydÿÿna kedehemynykemy. ²⁴Uladu bedeerydÿÿdu wese bede ywina rare inydeereny. Kristu rehemynykôu, inyboho bede ywina rityhynyreny. Tai Kristu-ò inyboho òbitimy ronykremy ityhydÿÿna òraru-ki. ²⁵Ityhydÿÿna-ò iny rehemynyre, uladu bede erydÿÿdu-ribi ixāwimyhÿre. ²⁶Kristu-ki ibutumy Deuxu riòre atximahātenyete ityhydÿÿna-ki. ²⁷Ibutu dori Kristu-ò taratisebenyteu, Kristu wesemy tatÿÿnyete. ²⁸Kristu tÿnydÿÿna-ki wiribi hitximy aōkō boibe, judeukōdu mahādu, iny-wana, deòdu deòdu aōkō-wana, ijoī hāwy-y-wana ibutumy wiwese wesele Kristu-ki rÿike. ²⁹Kristu-ki mabekeki, Abraō riòre riòrelemy mabekre. Jurasadÿÿna rareasadÿÿdumy atximahātenyete.

4 ¹Ijyō arelyykre —rareasadÿÿduō deòdu wesemy raremyhÿ tii uladumy rareu, ibutu wedu rare hāre wahe. ²Urile tyby rarybere raumynykōule, tii tatibiedÿÿdu rybe rityhynymyhÿre. ³Kia wese iny rare. Uladu wesemy bede aōmydÿÿnana rityhynymyhÿre juhuu. ⁴⁻⁵Iribi tahe bededÿÿnana he rehemyny. Deuxu tahe Tariòre dìteònyde ijadōma ririòredÿÿnykremy. Bede ywina tyhynakremy reare. Tii nade bede ywina tyhydÿÿdu mahādu tarasamy kia tyhyna-ribi ritakemy tariòre wesemy ritibienykemy. ⁶Deuxu Riòre wesemy iny ihÿreki iny-ki ratximyhÿreki, Tatyytybytyhy inywo-ò risÿnyre. Tai inywo-ribi rarybemyhÿre: —Waha, Waha. ⁷Wiji tahe deòdu wese aōkō atxiteri, Deuxu riòretyhy wese atxiteri. Tule Deuxu rareasadÿÿduōle tate.

⁸Juhuu Deuxu teeryòtenyete. Kaiboho deuxu witxira wese tetyhynytenyete —deuxu inatyhy aōkō tetyhynytenyete. ⁹Ka tahe Deuxu teerymy ahātenyete tetyhynmahāte. Deuxu anaerynymyhÿdenyete. Ixyby bede aōmydÿÿnana-ò òðsedÿÿōmy, arawiòhenyòreki. Deòdumy aōkō ixyby rÿimy boibeke. ¹⁰Txu yrubudÿÿōmy, ahādu yrubudÿÿōmy, beòra yrubudÿÿōmy. ¹¹Inatyhymy ada aōkōre aōbo waaōmysÿdÿÿna adeereny reònonyra?

¹²Wawesehyymy boibeke. Jiarÿ dori tatemahā wese raremahā, waseriòreboho. Kaiboho wadee aōbina tewinyōmahātenyete. ¹³Kia teeryte. Jiarÿ juhuu adeereny Deuxu rybemy rarybereu, jiarÿ iu wabinawāhāu. ¹⁴Wabinana heka isirare adeereny, ihāre tahe waderaōre tahe wadi arukirenyra, iwese ÿju Deuxu-ribi jiarÿ anade wese kaiboho tiwamytenyete, iwese taheka Jesuisi Kristule jiarÿ rare wese wadi tewisÿnytenyete. ¹⁵Titxibo rare eysanarenny juhuu adi toite wahe. Kaiboho aruereny wii tesÿnymy toitemyhÿ kaiboho wakyyrenyeki. ¹⁶Jiarÿ aōbohe aòludumy relera, inatyhy rybe adeereny rarybereki? Aōkōhyre. ¹⁷Hābuō arāitxenanyimyhÿreny. Aluu wese heka ratxirerimy ihÿre. Aòlōnamy dori rarunyeri. Tiiboho wabiòwana-ribi atarasamy adi ihÿreny. ¹⁸Aōwihikÿ erysmy marurunyke. Tii tahe awire, awanale watxireriki aōkō. ¹⁹Wariòre wese, adeereny aōhōkÿmy ratÿÿnyre, hāwy reamyhÿre mytxitxi wese jiarÿ rare adeereny Kristu awo-ki rexilamadÿÿnyhykemy. ²⁰Awanarenny ararekemy watxireri. Tai tahe warybe witxira-di kia anarybekemy watxireri. Aōhebo adeereny heka arasÿnyre arawiòhenanykemy watxiwāhāre. Timybo reerykōre dori.

²¹Inyō bede ywina tyhydÿÿdumy ratxikeki, wadee manarybeke kiamy: aōmybo bede ywina raryberamy teeryteri? ²²Kia Tyyritidÿÿna-ki roire Abraō riòre inatxire. Juhuu ludu teòdu-ribi, Haari-ribi, reare tabireludu-ribi. Ijō, Sara-ribi, ihāwytyhy-ribi reara, deòdu-ribi aōkō. ²³Deòdu riòre ibutu

dee wese nade. Abraõ hāwyy riòre aõkõre Deuxu rybewahisidỹña xiery reare. ²⁴Kia ijyy-di rawesenanyreri. Inatxi hāwyy inatxi jurasadỹña wese heka rare. ²⁵Ijõ Haari inire, deòduni. Iriòre deòdumy rarekemy reare. Sinai Hāwālò wese tii rare. Kowa tyre-ki bede ywina inydee riwahinyre. Jerusalē wesemy roimyhỹre kia mahādu deòdumy dori rỹira, tariòre-wana. ²⁶Jerusalē tyhydỹña mahādu, biu ludu tahe deòdu wese aõkõ rare, ixinamy inyboho roire. Abraõ hāwyytyhy riòre wese inyboho roire. ²⁷Tyritidỹñaò dori roire: —Hāwyy ariòreò beysakre. Birajuakre ariòrekõhārele beysamy ariòredikire heka. Hāwyy risina riòre sōwetyhyre, hāwyy ihābu-di ratyre. ²⁸Waseriòreboho, kaiboho rybe ywisidỹña riòre wesemy ahātenyte, Ijai wesemy. ²⁹Iwese ibutu ludu wesemy reareò aõbina riwidỹñanymyhỹre. Deuxu Tytybytyhymy reareò. Wiji, tahe kia weselemyhỹre. ³⁰Tyritidỹñ rarybera: —Biteònyke deòdu tariòre-wana. Rareasadỹdu ibutumy rimykre. Hāwyy deòdu aõ aõkõ rimykre tariòre-wana. ³¹Waseriòreboho, deòdu riòre wese aõkõ inyboho roire. Hāwyytyhy riòre tahe iny roire.

5 ¹Kristu inyboho ritare ixinamy inyweduduòlemy roirekemy. Kawese rokoirekemy. Deòdu wese ixby rukunynyòkre.

²Jiarỹ, Paulo, adeereny rarybereri: inyò notykyresyna-ò ròðsekeki, Kristu riwidhenanyòhyymyhỹre. ³Ixityre ararybeke. Inyò rinotykyresynanykeki, bede ywina ibutumy tii riyrubunyhyke. ⁴Inyò bede ywina rexiòbitinymy ratxikeki, Kristu-ribi rexihitxidỹñnymyhỹre, ruxetòena tyhyna-ribi rexitare. ⁵Deuxu riwaòbitinynyre Tatytybytyhy òraru-ki kia retyhynyrenyre. Kia reraòrenyre. ⁶Jesuisti Kristu-ò notyky resyna aõ aõkõ rare. Notyky resynakò tule aõ aõkõ rare. Inatyhynamy luunamy aõ rare. ⁷Juhuu awimy tuu tatyynmahāte, inatyhyna-ki ijera wihikỹmy teamyhỹte, moò inatyhyna-ribi anai-ñawididỹnyde. ⁸Deuxu aõkõ atarasadu juhuu ixāwididỹnyde. ⁹Inyò pāò riwinykeu, ibutenode ritxiwikeki ibutumy ratarinyke. Inyò ibinamy urihi-myò arabedeerynykeki sōwemy ribinadỹnyke. ¹⁰Jiarỹ Wanyrỹ retyhynyre, kaiboho wawesemy mohòtynybenykemy adireny watxireri. ¹¹Waseriòreboho jiarỹ waòludu dire. Kia tahe riteòsinyre notyky resynamy rarybeòre ijõ wamy raryberhāre. Kia ararybekeki sōwemy wahemy kanakre. Itxeò tỹnydỹña rybe rityhynykemy. ¹²Kowa mahādu òte rexihukemy idi watxireri. Adeereny aõbina diwinymyhỹdenyde.

¹³Kaiboho Deuxu arateònyrenyre, urile òraruòmy boibeke kaiboho bede ywina-ribi ixinamy boibeke. Wii biwidhenanymyhỹbenyke, wiluurenkemy. ¹⁴Bede ywina ibutumy rexibutunyre rybe-ki kia tahe rare: —Inyluuke ixiluure wese. ¹⁵Wiwana bòrenybenykeki, kaiboho widi buruakeki, bexihāru-beny ibutumy wii mahubenymy.

¹⁶Tai jiarỹ rarybere, Deuxu Tytybytyhy deewimy boibekemy deòbiredỹña iwidỹñomy boibeke. ¹⁷Deòbiredỹña dori Deuxu Tytybytyhy òluduna-ki ramyhỹre. Wimỹ òludurenyre. Tai aõbo adeereny awire iwidỹñ adeereny isirare. ¹⁸Tahe, Deuxu Tytybytyhy arateòsinyrenykeki, bede ywina ywidỹña aõkõ bityhynyke. ¹⁹Deòbiredỹña aõna aõnamy dỹñnana-ki kia roire: aderanadino, aõbinade, raykyòmy, òta òta, ²⁰suritxoomy àlàdỹña, òwòruna wii, òlududỹña, aõbinaluu, ihāru, kyara, wobiredỹña, wiribihi-txina, ²¹ibutu aõmydỹña ixixiburedỹñ, axaxaluu, rỹsỹnaluu byrehekỹ, tule ijõ aõna aõnà sōwemy kawesere. Inyò kia aõna aõnawidỹñ rieriyekeki, Deuxu

òlòna rareasadỹydu aòkò roikre. Tuu rarybere juhuule. ²²Ka heka Deuxu Tytybytyhy aomydỹynanamy rybena roire: iwahidỹyna kia rỹire, tii dori inywomy rỹira. Wiluuna, deysana, ywina, ruxetòena, wina, òbitidỹynana, ²³ibutu-ò awina, ixidee inytyhy, ixiyrydỹyna, tai bede ywina ihoòhyyre kia-ò. ²⁴Kristu hòrò mahādu kia itxeò-ki ritidirenyre: deòbiredỹyna, aomydỹynana bina-ribi, deòsana aomydỹynana-ribi

²⁵Inyboh o Deuxu Tytybytyhy-di rokoirekeki Deuxu Tytybytyhyry-ki rakaria renkyre ²⁶Ixi deàlànararòsò luukemy aòkò rakatximyhyrenyke. Tai tahe ixixiburedỹyna-di aòkò, rakatxirenyke. Wiòbiredỹyna-di rakatxirenyòke.

6 ¹Waseriòreboho. Inyò òraruna-txi resekeki, kaiboho ywina-di biòbitinybenyke. Bexihārumahābenyke kia òraruna-txi ixèomy boibekòkemy. Kaiboho dori, Deuxu mahādu toite wahe. ²Wiitxykywydywesemy wii biwiòhenanybenyke ibutu aomydỹynana-ki. Iwesekeki, Kristu bede ywina tetyhynmahātenyete. ³Inyò ixidee aòlemy rōhōtinykeki, tahe tii aòhy aòkò rare, tii rexiitxenanymyhỹre. ⁴Ixinamy iny sohoji sohoji taaomydỹyna-ò retehemyhỹke, aòhebo rotỹynmyhỹremy wahe. Idi tahe ixi aomydỹynale-di kedexityhynmyhỹkre, tabireludu aomydỹyna-di aòkò. ⁵Iny sohoji sohoji dori taitxyky riwymyhỹke.

⁶Inyò Deuxurybe erydỹyna ijōdikewana tabedeerydỹyna mahādu-ò ibutummy erysna wiwihikỹle-di rirareamahāke. Tule bedeery mahādu heka tohodỹyna mahādu-ò aòna aòna wihikỹ riwahinymyhỹre. ⁷Ixiitxenadỹyōmy. Inyò heka Deuxu itxenadỹyōmy alòbòròna-ò iny ribòrònykeki, tiile tahe raumynyhyymyhỹre. ⁸Inyò òraruna ribòrònykeki, rubule taummy-ki ritake. Inyò Deuxu Tytybytyhy deewimy tuu rotỹynykeki umtyuedeòna ritake. ⁹Aòwihikỹ widỹyhy boibekeki, adeereny aòwihikỹ wahidỹyna wese kanake. ¹⁰Ibutummy indeereny aòwihikỹ widỹy-ki inyboh abededỹynanawikeki ibutummy iny rikiwiòhenanyrenymy, rỹkỹirenyke, ityhydỹydu mahāduò bexiywinyhy ahābenykemy iwiòhedỹy-ò.

¹¹Tuhe, jiarỹle ariritinykre, Paulo wahe. Betehebeny inihe ritidỹyna nihikỹ reritinyra wadebò-di. ¹²Inyò ayreny-ki wohyna ixidee rimykemy ratxireri, kia adeereny òtyky resynamy adi ratxirerihymyhỹre. Kristu itxeòmy tiiboho ritỹnynyrenykeu aòhòkỹmy rotỹynyōmykemy rōhōtinymyhỹre. ¹³Notyky resyna mahādu bede ywina rityhynyòre. Tiile rexityhynmyhỹre. Kaiboho irybe-ò boholakemy atxiteri. ¹⁴Jiarỹ arexiwowydynanyōhyymahākre, Wanyrỹ Jesuisi Kristu itxeò-di areysakre, biu-ò hena òraru-ki wahe. Bede aomydỹynana waki rỹimyhỹre, itxeò-ki retamadỹynra waribi ixāwira. ¹⁵Notyky resynadỹy aò aòkò rare. Notyky resynadỹyko tule aò aòkò rare. Urile biu-ò hena-di boibekele tahe aò rare. ¹⁶Kia bede ywina bityhynbenymy boibekeki, Deuxu-ribi ywina, ruxetòena, adeereny kanakemy idi watxireri. Tule Deuxu mahādu ibutu-ò, judeu mahādu wese dori ratxireri.

¹⁷Karibi tako-ò tahe inyò waixiradỹyōmy ararekre. Beydỹyna dori waummy-ki roimyhỹre, Jesuisi rybe rybemy rybedu òraru-ki.

¹⁸Waseriòreboho, Jesuisi Kristu ruxetòena akireny rỹikemy watxireri. Kie.

Efesu

Paulo Tyyriti, Efesu Hãwã-ò

1 ¹Paulo, Jesuisi Kristu deòdỹña jiarỹ rare. Deuxudeewimy tahe kia rare. Efesu hãwã ityhydỹđu mahãdu —ò kalemy warybe rewahinyreri. Kaiboho ywimynodu mahãdumy toimahãte. ²Ruxetòena adeereny kidiaty-kemy Deuxu-ribi idi watxireri tule Jesuisi Kristu Inynyrỹ-ribi.

³Deuxu, Inynyrỹ tybyreny, inyboho tuu reàlãmhyreny. Tii dori inydeereny wihikỹ inywo ywinamy diwahinyde Jesuisi òraru-ki biukihikỹle wahe. ⁴Deuxu inyyreny-ribi rihitxiny my ritare. Inyboho heka tuu roire. Ihetxiu heka inyho aòkõu tii rihitxiny my ritakremy rỹimyhỹre, inyboho wahe. Kristu-ki iny rihitxiny my rỹire. Iny òbitimy rỹirakemy rihitxinyre, ywimy nodumy wahe. Kiamy heka rokoirekre Kristuko-txi luuna-di. ⁵Ihetxiu tamywimy Deuxu rihitxiny my ritare, inyboho wahe. Iriòereny wesemy rokoirekemy. ⁶Kiamy heka Deuxu riwinyre àlàna, wohyna-wana tamy rikiwahinyreny kemy tii dori inyluurekí wahe. Kristu hãlubu òrarukile biu-ò henareny iny nade. Iny òrarureny riòwyny re taruxetòena wihikỹ òraru-ki. ⁷⁻¹⁰Ruxetòena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kidiatỹnyny kemy idi ratxireri. Tamywimy tahe inydeereny riteòsinyre. Iwese tii ròhòtinyre wese. Bededỹñnana rexihukreu. Kristu-ki ibutumy aõna aõna biu-ki bede-ki rỹikremy ihỹre. Kiamy tahe Deuxu ròhòtinyre. ¹¹⁻¹²Kristu òraru-ki Deuxu juhuhu iny mahãduy-ribi inyboho rihitxinyreny. Tii diwahinyde inydeereny uriònojura jurana. Tii dori ixideewilemy ibutumy aõhebo rotỹñnmyhỹre Deuxu kia hitxidỹña mahãdu ixidile wowydyna mahãduò rỹirakemy rỹimyhỹre. Inyboho juhuhu rityhynyreny Kristu-ò. ¹³Kaiboho kiaò toimahãte. Juhuhu rybe inatyhy-ò taholateny te, tetyhynmyhỹteny te tarasa Rybewihikỹ-ò wahe. Tai tahe Deuxu Tyytybytyhy-di ratidỹña wesemy iny dee ritidimyhỹre. Deuxu Tyytybytyhy dori tii kidiwahinykemy rarybere, ihetxiu wahe. ¹⁴Uriòno jura jurana Deuxu Tyytybytyhy rare inydeereny. Deuxu tahòrò mahãdu ritakreu, tuu reàlãrenykre tuu, inyboho dori kia mahãduò roire.

¹⁵Tahe jiarỹ, Paulo, tule umy raholamahãre Jesuisi Kristu atyhydỹña-ò, tule aluuna ityhydỹđu-ò. Tai tahe Deuxu-ò àlàna-di araxitòedỹñnyreny mahãre. Wanohòti aribireny rosaõhyymyhỹre. ¹⁶⁻¹⁷Deuxu tahe Jesuisi Kristu biu loosòna tyby rare. Tii araykyreny-ò bedeerna kidiwahinykemy watxireri, awolyrana kidiwahinykemy watxireri. ¹⁸Tai tahe araykyrawoni ritỹnyny kemy watxireri. Tai kaiboho bierybenykre Deuxu iryne. Tule ityhyna biu loosòna-di bierybeny kemy watxireri. ¹⁹Deuxu taruruna sòwemy diwahiny myhỹde

ityhydÿÿdu mahädu-ò. Iruruna tahe aõni rare inydeereny uriõno jura jurana. Kia tule bierybenykemy watxireri. ²⁰⁻²¹ Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemy disÿnydeu, biu-kihikÿle wahe. Kristu tahe ibutu ruruna witxira witxira ratyre rare, ibutu wedu ratyre, ibutu dinodu ratyre, ibutu deòdÿÿdu ratyre. Ibutuni ratyre tii rare. Wijinani ratyre, tule kanakremy ihÿreni ratyre rare. ²² Deuxu tahe ibutu aõna aõna witxira witxira Kristuwarawo-ò ritidire tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahädu-ò, iwedu wahe. ²³ Dohodÿÿdu mahädu tahe Kristumy wese rare. Kristu dori ibutu aõna aõna ritÿxiny myhÿre.

2 ¹ Juhuu kaiboho rubumy täimahäte òraruna òraru-ki. ² Juhuu kaiboho bedeaõmydÿÿnana bede-ki toitemahä juhUU Satanasi deòdÿÿna tetyhynymy toitemahä. Tii bedeyhy ruruna dinodu rare. Ityhydÿÿdukõdu mahädu wiji dori rityhynymy rÿira, itxiòdÿÿdu mahädu wahe. ³ Ityhydÿÿdukõdu mahäduy-ki juhUU tule inyboho roiremahä —ibutumy ixideerenywimy inyboho riwinyreny; inraykyreny wydyna-deewimy tule inyboho riwinyreny. Ehehewidÿÿdu inyboho roiremyhÿ, tuu ratybieenymy rarehy dori tuu rare. Iwese ijò roiremyhÿ wese. ⁴ Deuxu tahe sòwetyhymy ruxetòena diwahinyhÿde, inlyuurenyreki. ⁵⁻⁶ Deuxu inyboho rurudÿÿnyre Kristu-wana rubu-ribi riixixanyreny. Kristusÿ-ki biu-ki tii inyboho risÿnyre tai rokonyrenykemy. Iruxetòena òrarukile abiu-ò henareny dire. ⁷ Iruxetòena kiditeòsinykre bededÿÿnana robehemy roireki wahe. Iwese sòwehymy iruxetòena diwahinyde wesemy. ⁸ Tarasana Deuxu ruxetòenaribile nade aityhydÿÿnareny òraru-ki tuu rare. Iny-ribi aõkò nade. Deuxu wahidÿÿna rare. ⁹ Iny-ribi rarybekre inyò ixityhydÿÿmy tahe aõkòre Deuxu ruxetòenakile tuu rare. ¹⁰ Tii tahe ibutumy iny riwinyreny. Òbiti aõmydÿÿnana widÿÿdukemy iny riwinyre Jesuisi Kristu òraru-ki. Deuxule juhUU ròhòtinyre òbiti widÿÿdumy aõbo rokoirekemy.

¹¹ Tahe kaiboho uritere nohòti losaõmy kaiboho judeukõdu mahädu toite juhUU mahä. Kiamy judeu mahädu arāninimyhÿreny, notykyresykõdu mahädu wahe. Tii dori notyky resydu mahädu roire, iyresynadireki wahe. ¹² Juhuu tahe aruta wesele toite Kristu-ki aõkò. Judeu mahädu-ribi rihitxiny nyimyhÿde. Deuxu rybe ywisidÿÿna ludu aõkò toite. Araròsòna renyòhyre. Adeuxurenyòhyre bede bedemy. ¹³ Juhu irehemy Deuxu-ribi toite mahä. Tahe wiji Jesuisi Kristu hālubu òraru-ki araòhòdÿÿnymy toite. ¹⁴ Jesuisi Kristu tahe iny ywidÿÿna rare. Kyarana tahe òtity wese itya-ki rÿimyhÿre judeu mahädu aribi kia rihitxinyre. Tahe kia òtity ritxiwire tahe sohoji mahädulemy riwinyre. ¹⁵ Tahe Kristu rurureu tahe ixāwire kia bede ywina. Tahe inatxi wimy òludu mahädu sohoji iny tÿmyrahyye my riwinyre. Tahe ywina ròhònyre wiwana ributunyra tahe Deuxu taluuna tamy riwahinyra. ¹⁶ Jesuisi taitxeò-ki rurureki, ywina rieryreny. Tahe kyarana-ribi riixāwididÿÿnyre. ¹⁷ Jesuisi tahe ywinamy rarybere iòhò ludu kaiboho wahe tule irehe ludu, judeukõdu mahädu wahe. ¹⁸ Tahe kaiboho jiarÿboho-wana sohoji Deuxu Tytybytyhy òrarukile Deuxu-ò rekexitòenyrenyke. ¹⁹ Kawese tahe kaiboho ityhydÿÿdu mahädu-ò talote. Iny-ribi lahitxi aõkò toite, Deuxusÿ mahäduòle heka toite. ²⁰ Deuxu rybedu, tadeòdu-wana hetoò wesemy kaiboho boibekre. Jesuisi Kristule iko ludu mana wese rare. ²¹ Jesuisi

Kristu òraru-ki wiwesehyyle heto awimy rýire. Tai Inynyrý hetotyhy relemý rexihumyhyre. ²²Kaiboho tule matybiénybenykre Deuxu Tytytybytyhy hetoó wese wahe.

3 ¹Tai jiarý, Paulo, rotena-ki nodu wesemy rare Jesuisi Kristu òraru-ki. Judeukòdu mahàdu dee kiamy heka watxiwāhāre, adeereny wahe. ²Deuxu ruxetòena wadee riwahinyre. Kaiboho aòbo tuu taholatenyōmahāte. ³Deuxu dori tawòtena diteòsinyde wadee. ⁴⁻⁵Jiarý kiamy juhuu reritiny-rìòrere katyyritikile wahe. Idi mariabenykeu bierybenykemy idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyō riteòsinyōhyyre. Wiji tahe riteòsinymy ihýre Deuxu Tytytybytyhyle tahe deòdu-ò, rybedu-ò ritýnynymy ihýre. ⁶⁻⁷Kiamy heka rare: kaiboho, judeukòdu mahàdu, wii ributunyre inyboho-wana judeu mahàdu wahe. Uriònowi jurawi juramy idi rokoirekre, sohoji mahādulemy wahe. Kristu Rybewihiký òraru-ki ityhydýýdu mahàdu-ò rirònyrenyre. Kia rybe-di rybedumy diwateònyde, ruxetòena wahidýýnaò wadee nade Deuxu ruruna sòwe-ribi. Ityhydýýdu mahādumy-ribi jiarý aò aòkòmy watxiwāhāre retyhynytyhymy aòkò watxiwāhāre. ⁸Ihārele Rybewihiký rybedumy ararekre Kristu aòmydýýnana heka iny raykywydyna ratyre awimy ihýre. Kiamy judeukòdu mahàdu-ò arelyykemy riwahitxinyre. ⁹Ibutu inyō rybe wòtena aritýnynykemy watxiwāhāre juhuu Deuxu Jesuisi-wana ibutumy aōna aōna riwinyre kiau rybewòtena riwòmy roimyhýre Deuxu-ki. ¹⁰Wijina tahe riteòsinykemy ihýre dohodýýna-ki. Tai tahe ibutumy biu-ribi rurunadu, bedeerydýýdu rierykemy timykibo Deuxu bede erysyna-di raremyhý ibutumy aōna aōna erysyna-di. ¹¹Iwese Deuxu ibutumy aòhebo rotýýnykemy ratximyhýre wese iny rierykre, Inynyrý Jesuisi Kristu òrarukile wahe. ¹²Tai tahe iny rexideòsinymyhýre brebuòlemy Deuxu ixitòenadýýna-di Kristu dori inyboho rityhynymyhýre. ¹³Tai kaiboho ixii-jodýýrenyōmy ahāke, jiarý aòhòkýmy ratýýnyreki kia dori awowydyna rare, waaòhòkýmy dýýnana wahe.

¹⁴Tai tahe umyreny Deuxu-ò rexitòenyre Inynyrý Jesuisi Kristu tyhy-ò wahe. Ibutu sý mahàdu tyby Deuxu rare. ¹⁵Ruruna adeereny kidiwahinykemy idi watxireri, tawowydyna sòwe-ribi wahe. ¹⁶Deuxu Tytytybytyhy rurutyhy araykywo-ò kidiwahinykemy watxireri. ¹⁷Tai Kristu aworeny-ki kanasýnymyhýkemy rahòtinymahāre atyhyna direki kaiboho heka wiluutyhymy boibekemy watxireri. ¹⁸Tai ibutu ityhydýýdu mahàdu-wana Kristu luuna bierybenyke. Inyō Kristu luuna awire rieryòtyhy. Ihārele tahe bierybenyke iwese rare wesemy. ¹⁹Tai Deuxu-di bexilýxinykemy idi watxireri.

²⁰Deuxu iruruna dire. Tai iny ixitòena ratyre inyeereny kidiwahinykemy idi ihýre. Iny irurudireki wahe. ²¹Dohodýýdu mahàdu wowodyna riwahinykemy tamy watxireri, aōu aōu wahe. Bededýýnana konana-ò wahe. Kie.

4 ¹Inynyrý deòdu arixidu jiarý rare. Arexitòenykre inihe adeereny. Yrubuna-di aòhebo botýýnybenykemy adireny watxireri. Tai tahe Deuxu xudeewimy boibekre. ²⁻³Tii dori juhuu adeereny irydu rare òbitimy boibekemy xiwedeòmy boibeke, ele eleòmy; wii biwiòhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tytytybytyhy aratorabutenyrenykre ywimý nodu dori kia diwiòhenanymyhýde. ⁴Sohoji mahādule rare, sohoji Deuxu Tytytybytyhydile. Umy sohoji wese, itytytyby sohojilemy wese rare. Kaiboho tule araròsònarený sohojile rare, kaiboho

ityhydÿÿdumy terònyteki wahe. ⁵ Inynyrÿ sohojile rare inytyhynareny sohojile rare. Tule iny ratisebena sohojile rare. ⁶ Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratxireri. Ibutumy aõhebo rotÿÿnykemy iny-di riwisÿnyreri tawowina-di. ⁷ Kristu tahe iny sòwemy rareki sohoji ruxetòena sòwemy sohoji-ò riwahinyre. ⁸ Kiamy heka ritina-ki roire: —lu Jesuisi raòwònyreu biu-ò ròtena ludu mahàdu ridyre idi wahidÿÿna inyeereny diwahinyde. ⁹ Betehebenyke rybeweereò-ò raòwònyremy. Aõmybohe kia rarybereri. Tahe juhuu dori surawo-txi robehere kiakekile tahe idi raòwònyke. ¹⁰ Kia robeherele taheka raòwònyre biuratyremy ibutu aõna aõna-di rexilÿxinykemy. ¹¹ Inyò-ò deòdÿÿna mahàdumy rarekemy diwahinyde aõwihikÿ widÿÿ wahidÿÿna wahe. Ijò-ò Deuxu rybedumy mahàdu rarekemy diwahinyde. Ijò-ò Rybewihikÿmy rybedu mahàdumy rarekemy diwahinyde. Ijò ityhydÿÿdu mahàdu yrubudÿÿdu mahàdumy rarekemy. Ijò bedeerydÿÿdumy mahàdu rarekemy. ¹² Ibutumy kia mahàdu ityhydÿÿdu riwiòhenanykemy idi ratxireri. Tai ityhydÿÿdu iaõmysÿdÿÿna riwinykre. Kristu umy wesemy ritibiedÿÿnykemy. Ibutu dee diwahinyde. ¹³ Ikonanau tahe ibutumy wiwese wesemy ròkòhòtinyrenyke, iny tyhynareny wahe. Deuxu Riðre rikierityhyrenyke, iny òbitimy rokoireke, Kristu òbiti wesemy rokoireke. ¹⁴ Tohouã wesemy aòkò rokoireke inytyhynareny-ki. Uritere witxiradÿÿrenyòmy ibutu bedeeryna witxira witxira-di. Iwese yhy tiò tiò aõ riwymhÿre wese kia bedeerydÿÿdu rare. Iwitxira tyhydÿÿna-ò kia ityhydÿÿdu mahàdu ridykemy ratximyhÿre. Ijò inatyhy rybe weselemy rarybere. Tahe aòkòre. Kia-ò ijohonarenyòmy. ¹⁵ Tahe luuna-di inatyhymy marybebenyke. Kristu aõmydÿÿnana-di bexilÿxinybenyke idi maumynybenyke. Tii dori iny wedureny rare. ¹⁶ Ityhydÿÿdu mahàdu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumy riwiòhenanymhÿre iwese umy hona umy wese. Umyjura kia ibutumy iaõmysÿdÿÿny dire. Wiweselemy tahe raaõmysÿdÿÿnykeki tai tahe umy awimy rariamyhÿke. Ijò widerakeki tahe, Kristu umy raumynyòtyhy.

¹⁷ Katahe Inynyrÿnimy adeereny kiamy rarybemyhÿre. Ityhydÿÿdukòdu mahàdu wesemy aòkò boibenyeke. ¹⁸ Iraykyreny bedeluru-ki ihÿrenyre. Ieheherenyre, rieryòrenyre. Tai tahe Deuxu biu-ò hena umytuedeòna rieryòrenyre. ¹⁹ Ixàruna ihoòhyre. Urile ibutumy òraruna-txi rexiwahinyrenyre. ²⁰ Kia Jesuisimy aòkò teerytenyete inyribireny wahe. ²¹⁻²² Jesuisi inatyhyna teerytenyteki, ibutumy aòbina bina ixi-ribi bihitxinyke. ²³ Ibutumy awo arayky-wana bexitÿmyranyke. ²⁴ Deuxu umy tÿmyra wesena-di bexityhynybenyke. Kia heka òbiti rare; inatyhy rare.

²⁵ Tai tahe ruirenyòmy wahe. Inatyhymy iny witxira-ò marybemahābeny. Wiwese hyulemy widi rakatximyhÿrenyke. ²⁶ Makyarananymahā-wana tahe urile òraru-txi ixèòmy. Ixi-di txu iròtedÿÿòmy awobinana-di ²⁷ Tule Satanasi deradÿÿna-ò nokòmy. ²⁸ Inyò juhuu wasidureki, ixityre tii wasiòmy. Tii wiji raaõmysÿdÿÿkre aõna aõna wiwihikÿ tebò-di riwinykemy wahe. Tai tahe iaòdikre iny aòkòmy rÿira riwiòhenanyke. ²⁹ Kai uritere rybebinaò ary-ribi iòlòdÿÿòmy Rybewiwihiikÿlemy marybemahā. Kia rybe-di ijohodu riwiòhenanymhÿrele kynyhetuukre. ³⁰ Bibedeòtiidÿÿòmy Deuxu Tytytybytyhy. Tii dori arayrubunymhÿre tarasanatxu-ò. ³¹ Òbina rybemy widi nokòmy, wimy ujòmoòmy, adebure ijà ijàòmy, aòbinamy inymy ijyÿòmy, rybebina-di iny

ihetedỹỹomy. ³² Tahe ibutu dee ywimy boibekre, awimy wahe ainytyhymy iny-di boibekre. Aõbinamy iny adee rarybe-wana tahe iribi bexinohõtìlo-sanymy biixãwididỹỹnyny Deuxu dori inyòraru riixãwididỹỹnyreki wahe.

5 ¹ Deuxu inytybytyhyreny rare. Tai tahe iwese uladu tyby wesemy rotỹỹ-nymyhỹre wese, kaiboho Deuxu wesemy matximahãbenyke Deuxu riòre luunadu wesemy matximahãbenyke. Wiluurenyke, Kristu dori aluurenyre. ² Tule rexiwahinyre xiwe wesemy iny ritarenykemy. Tai tahe Deuxu dee kia lỹnyrena wiwihikỹ wese rare.

³ Tahe òta òtarenyõmy. Ibutumy aõna aõna bina bina widỹỹrenyõmy. Kaiboho dori ityhydỹỹdu mahãdu toite. ⁴ Rybebinamy uriteretere rybeõmy. Ixideòsidỹỹõmy. Kia widỹỹna tahe ibinare. Tahe aõwihikỹõ biwinyke, Deuxu deàlãnamy. ⁵ Òta òtadu tahe Deuxu òlona wahidỹỹna ritaõtthy, iny binaõ aõkõ, inywobire aõkõ. Kia Deuxu tyhy biukõdu mahãdu rare. Bierybenyke kia. ⁶ Itxenadỹỹ rybe-ò ijohonarenyõmy. Ityhydỹỹdukõdu mahãdu Deuxu rybe riywinyõmyhỹre. Tai tahe Deuxu reburemyhỹre tamyreny. ⁷ Tiiboho-wana ratxiõhyymyhỹrenyre iaõmydỹỹnana binareki. ⁸ Hỹỹnau kaiboho bedeluru-ki toitemahã. Tahe wiji Inynyrỹ loosõna-ki toite. Loosõnadỹỹdu riòre weselemy boibeke. ⁹ Aõbo loosõna-ribi nade tahe awire, òbitire, inatyhyre. ¹⁰ Tai aõbo Inynyrỹdeewi kia riteòsinyre. ¹¹⁻¹² Iwese bedelurubina widỹỹdu aõhebo rotỹỹnyre wese uritere iwidỹỹrenyõmy tahe teòsaremy tamy marybebenyke. Aõbo tiiboho wasimy aõhebo rotỹỹnymyhỹre ixỹruna adee rare tuu maryhemahã-keki. ¹³ Ibutumy aõna aõna loosõna ritỹnynyre. Tai tahe iny aõmydỹỹnana loosõna ritỹnynykeki, iny rierykre itỹnydỹỹna dori loosõna rare. ¹⁴ Tyritiõ kia wesemy rỹire: —Inyò ròrõmy rỹikeki, rexixake rubuy-ribi rỹike. Kristu tahe araloosõnanykre.

¹⁵ Aõhebo botỹỹnybenykeò bexiije benyke. Itxỹte widỹỹdu mahãdu wesemy aõkõ ahabenyke, bedeerydu mahãdu wesemy ahãbenyke. ¹⁶ Iõnodỹỹõmy abededỹỹnana. Wiji txu bededỹỹnana tahe ibinatyhymy rare. ¹⁷ Tai tahe itxỹteõmy ahãke. Bierybenyke aõbo Deuxu dee wire. ¹⁸ Vĩĩ mona-di axaxa rubudỹỹna wesemy aõkõ matxibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralõmy boibeke. ¹⁹ Mawinymy bexirybenyke awo-ki. Bexirybenybenyke Inynyrỹ-ò awi-ribi bitxienymy mawiu nyke. Rybewiumy marybeke. ²⁰ Deuxu inytybyreny-ò ibutumy beàlà-mahãbenyke Jesuisi Kristu Inynyrỹni òraru-ki tahe bexitõenyke. ²¹ Kaiboho ibutumy widee bexiywinyhyymy ahãbenyke.

²²⁻²⁴ Iwese dohodỹỹna mahãdu Kristu rybe rityhynymyhỹre wese, hãwyy tahãbu rybe riywinyke, ibutu aõmydỹỹnana-ki wahe. Hãbu dori tahãwyy dinodu wese rare. ²⁵ Ibutumy hãbu tahãwyy luukemy. Kristu dori dohodỹỹna mahãdu luureki ture. Tamy tii rexiwahinyre rurukemy. ²⁶ Tai tahe kia òbitidỹỹnany rurure. Iwese bee aõ rasuhõmyhỹre wese, tarybe risuhõmyhỹre. ²⁷ Iòraru-ki tahe Jesuisi dohodỹỹna mahãdu wiwihikỹõ ixidee rimyke. Òbiti mahãdulemy rarekre, aõbina binaõ heka tai rỹiõhyymyhỹre. Awi mahãdu widỹỹdumy rarekre. ²⁸ Kiamy heka hãbu tahãwyy-di rỹirake. Iwese hãbu taumy luure wese tahãwyy luumy rỹirake. Iny tahãwyy luukeki, kia-di ixi-luuke. ²⁹ Iny taumyderamy rỹiõhyymyhỹre. Tahe aõkõre tule rexiòwenymyhỹre rexiwesenanymyhỹre. Iwese Kristu dohodỹỹna mahãdu riwisinanymyhỹre wese. ³⁰ Inyboho dori Kristu mahãduò roire. ³¹ Kiamy heka Ritina roire:

—Tai heka hàbuò tybyboho heto ririmyhÿre tahāwyy-wana wii ributunymy roirekemy. Inatxi umy ribi sohoji umyhyymy ròhònymyhÿre. ³²Kia aòmydÿÿ-nana heka ierysysirare. Tahe Kristu tohodÿÿna mahādu-wana rarybereri. ³³Ihārele tahe hàbu tahāwyy luumy rÿira iwese ixiluumy rÿira wese. Tule hāwyy tahābu rityhynke.

6 ¹Uladu mahādu tybyboho rybe rityhynymyhÿre Inynyrÿ òraru-ki. Kia tahe òbiti rare. ²Boo adi-wana bityhynybenyke. Kia tahe bede ywina rybe juhuu rare. Tule Deuxu raròsòna kia bede ywina rybe-wana rare. ³Kia biywinybenykeki, awimy mabeke, abededÿÿnana irehemy mabeke kabede-ki. ⁴Uladu tyby, uladuse, ariòrereny adeburehyymy idi iwisÿdÿÿrenyòmy. Tahe aòki reòsakeki tii riòbitinykemy tamy marybebenyke. Inynyrÿ deòsidÿÿna-di tamy marybebenyke.

⁵Deòdu mahādu kabede-ki awedureny bityhynybenyke. Awo-ribi tyhy tamywimy biwinybenyke. Bexiijemy ywimy biwinymy. Iwese Kristu dee tewinymahāte wesemy. ⁶Aò tabiteriki aòkò biwinyke. Iwese Kristu deòdu wesemy mabeke. Deuxu dee wina awo-ribi biwinyke. ⁷Deysana-di ibutumy òbitimy bisÿdÿÿnyke. ⁸Ibutumy deòdu ada deòdukòdu Inynyrÿ-ribi aòna aòna rimyke. Tamy aòwiwihikÿ riwinykeki. ⁹Tahe wedu mahādu, kaiboho eòdu mahādu-ò kia weselemy mabeke. Brebudÿÿ rybe-di eòdureny-ò rybeòmy. Awedu dori eòdureny wedu tule biu-ki ratximyhÿre. Tamy dori ibutumy wiwese wesele rare.

¹⁰Ibutu-ò tahe ikonanamy ararybekre. Inynyrÿ ruruna-di bexirurudÿÿnyke. Iruru tahe aòni rare. Tahe ixidee bimyke. ¹¹Bexityynyke aòbina-natyy-di, debòna aòmydÿÿnana bimyke. Tai tahe Diabo rybemý nodu biò-ludunye. ¹²Iny ijesunareny dori moo iny-wana aòkò rare. Iwitxira Satanasi ruruna-di rare. Dinodu ruru-di rare, kabede luruhukÿ wedu-di wahe. Tytytybybina ruru-di rare, biukihikÿle. ¹³Tai tahe ibutumy Deuxu debòna aòna aòna bimyke. Idi txubina-ki biòlòdÿÿnyke. Aijesu bitakeu tahe, òraru rÿike. ¹⁴Inatyhyna-di awereysana birarutxynyke. Òbitina-di abreti bitòbònyke. ¹⁵Bexiywinyke ywina Rybewihikÿ rybena-ò. Tii heka adikre. ¹⁶Ityhyna tahe awyhyitxenamy ihÿre, idi eorutà bitÿtenyke. Idi tahe Satanasi heòty wyhy biturinyke. ¹⁷Tarasana tahe arataana wese rare. Deuxu Tytytybytyhy mayrehe heka Deuxu rybe rare. ¹⁸Deuxu Tytytybytyhy-ki ibutumy ixi-tòedÿÿhyymy atximahābenyke. Kia-di tahe biriranymy, boibeke. Ityhydÿÿdu mahādu ibutumy bexitòenyhyymy boibeke. ¹⁹Tule wadee, bexitòenybenyke. Deuxu wadee rybe kidiwahinykemy wahe. Tai brebukòlemy Rybewihikÿ aritÿnynyke, ierysy siramy wahe. ²⁰Jiarÿ Rybewihikÿ deòsidÿÿdu rare wawomati rerotidire hàrele wahe. Kristumy arelyykemy watxireri. Tii heka wawidÿÿnare.

²¹⁻²²Txitxiò tahe ityhydÿÿdu seriòreò rare, waluunaduò rare. Inynyrÿ rybe-di òbiti aòmýsÿdÿÿdu rare. Tai tahe tii adeereny reteònyre waaòmydÿÿ-nana adee ritÿnynykemy. Awo riteysadÿÿnykremy.

²³Ywina ibutumy ityhydÿÿdu mahādu seriòreò kanakemy watxireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrÿ-ribi wahe. ²⁴Ruxetòena kanakemy watxireri Jesuisi inatyhymy luunadu mahādu-ò wahe. Tii Kristu rare, Inynyrÿreny wahe.

Filiposi

Paulo Tyyriti, Filiposi Hāwā-ò

1 ¹Paulo, Tximòtxi-wana Jesuisci Kristu deòduren roire. Ka tyyriti tahe rewahinyrenyleri Filiposi hāwā-ki ityhydýýdu mahādu-ò. Ityhydýýdu yrubudýýdu mahādu-ò tule rewahinyrenyri dohodýýna wiòhedýýna mahādu-wana. ²Ruxetòena, ywina-wana Deuxu-ribi adeereny kanakemy watzireri tule Jesuisci Kristu Inynryreny-ribi.

³Rexitòenyreu, tiu aribireny wanohòti rosaòhyymhýre. Deuxumy reàlà-wāhāre umyreny. ⁴⁻⁵Wadeysamy watxiwāhāre Rybe tymyra wihiký tewiòhenany mahātenyteki, juhuu, wiji tule ahātenyte. ⁶Deuxu iaòmýsýdýýna wihiký inywoereny-ki rexideleny. Tahe Jesuisci Kristu bededýýnana txuu heka rexi-humy kia rýikre. Kia tahe reerythyre. ⁷Kaiboho wawana Deuxu ruxetòena luuna-wana widee inyboho riubýtýnyre. Ròtena-ki rarewāhāu, tule ròtenari-biòlòmy rarewāhā. Tule Rybewihiký retýnynymy rarewāhā kiamy heka rahòtinymahāre, wawo-ki adireny rahòtinyhyymahāre. ⁸Sòwemy arawehityynanyleri. Deuxule kia rierymyhýre. Jesuisci Kristu ruxetòena uludumy iny widi roire. ⁹Kia ixitòedýýna tule Deuxu-ò rewahinyre umyreny. Aluunarený sòwemy rýikemy rexitòenyre. Tule araykywydynarený riixidorudýýnymyhýke. ¹⁰Tibo awityhymy rýira kaiboho bijebenykemy rexitòenymahāre. Tule inatyhywidýýdumy rarekremy tamy rexitòenymahāre òbitihýylemy rarekemy Jesuisci Kristu bededýýnanatxu-ò. ¹¹Òbitidýýna bederaty wesele rare. Kaiboho oworu taraty-di rýimyhýre wese týxihikýlemy òbitidýýna-di matxi-benykemy rexitòenymahāre.

¹²Jiarý ròtena-ki rāireu, kia tahe Rybewihikýmy rybe riwiòhenanyra. ¹³Kowa dori ibutumy yrubudýýdu mahādu roholare, dinodu heto itxeredu mahādu wahe. Tai tahe bierybenykemy tuu rarybere. ¹⁴Jesuisci Kristu òraru-ki tahe ròtena-ki rāimý rarewāhā. Ibutumy iny tahe kia rieryre, iòraru-ki. Waròtena òraru-ki tahe ityhydýýdu mahādu Inynryrý aòmýdýýnadile ròhòtinyre, tule Deuxu rybe rarybemyhýre ruberuòhyylemy ixitòedýýna-di. ¹⁵Ijò heka ixityhydýýmy Rybewihikýmy rarybemyhýre. Ijò tahe inatyhymy Rybewihikýmy rarybemyhýre. ¹⁶⁻¹⁷Rierymyhýre waròtena Rybewihiký òraru-ki rare. Ixityhydýýna mahādu tahe inatyhy òbiti aòkò rare. Aòhòkýmy adotýýnykemy wadi ihýre Rybewihiký-di. ¹⁸Aòhebohe arotýýnykre? Arabedewomy aòbo ada areysakre aòbo. Areysahymy ararekre. Kristu rybe dori rarybemy rarehyymy iny inatyhnadiremy ada aòkòremy. ¹⁹Jiarý areysatýhykre ròtenawo-ribi dori aròhònykre. Aixitòedýýna, Jesuisci Kristu Tytybytyhy riwawiòhenanykreki. Kia tahe reeryre. ²⁰Deuxu aòmýdýýnana ariwiòhenanykemy watzireri

waumy-di. Jiarÿ arurukeki ada aôkôkeki aôbo. Jiarÿ araixÿruôtyhykemy watxireri aôhebo arotÿÿnykreki. ²¹ Kristu dee warumy ararekre. Tahe arurukeki kia tule wadee awire. ²² Tahe ararekeki Kristu dee araaômysÿdÿÿmy arareke iny-ò Rybewihikÿmy ararybekre. Tibo awityhyre reerykôre. ²³ Tahe ixityre arôhôtowydynanykeki kiamy heka rahôtinyreri. Arakre Kristuôhyyle heka Kristu-ò arakele awire. Tii heka awityhyre. ²⁴⁻²⁵ Atôdenarenykile tahe warumy ararekre. Tai tahe kabede-ki ararikre aityhydÿÿna-di beysakemy maumynkemy. Tai tahe kaki ararekre. ²⁶ Iu ayreny-ki aralokreu, Deuxumy beâlâbenykemy watxireri, ayreny-ki ixityre watxireriki wahe.

²⁷ Biyrybenykemy adireny watxireri iwese Kristu tyhydÿÿdu mahâdu rÿira wesekemy adireny watxireri. Ayreny-ò arakeki aôbo ada araôkeki aôbo ijyy wihikÿ-ò adoholamyhÿkemy watxireri. Kaiboho wiwana wanale inatyhyna rybe-di tarybemahâtenyete. ²⁸ Uritere brebuômy aôludu lau Rybewihikÿ ôludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade. ²⁹ Aô Kristu tetyhynytemy sohojile aôkô tahe tamy aôhökÿmy tatÿÿnytenyete tule. ³⁰ Inyboho dori ibutumy wiwana aôhökÿmy rotÿÿnykre. Jiarÿ sôwemy aôhökÿmy adotÿÿnymahâde. Kia-ò tahe taholatenyete wamy.

2 ¹⁻³ Kaa aôbohe rÿire wiðhedÿÿna luuna-wana Kristu-ki, biôwana aôbo Deuxu Tytybytyhy-ki. Kohe, kia ibutumy Jesuisi Kristu kilehekÿ rÿire. Ibutumy tahe wiluumy boibeke, wiwesehyyle mohôtinybenyke, wii bitôrabutenybenyke. Tai tahe areysakre aôrarureny-ki. ⁴ Iximy xiwederenyômy. Tahe wiribi lahitximy boibeke, aôkômy ixi-di marâykynybenyke. Iny sohoji sohoji aôna aônadirenyremy ixi-di nohôtirenyômy. Tahe hitxihitximy bôwidÿÿke iny sohoji sohoji iny witxira aômydÿÿnana yrubudÿÿmy marâykywydynanyke. ⁵ Iwese Jesuisi Kristu inywitxira aômydÿÿnana-di rôhôtinymyhyre wesele, kaiboho mohôtinybenyke. ⁶ Jesuisi Kristu juhuhyy raremyhÿ, Deuxule rarehâre. Deuxururu tahe rimyôhyyre. ⁷ Tahe iribi ritare kaò idi kodobehekemy deòdu weselemy. Tahe inumyô rimyre kaki inylemy rarekemy. ⁸ Tamy tahe ibinatyhymy nade itxeò-ki rurukemy wahe. Ibutu aôbo kaki riwinyke heka, riwinyre. Tai tahe ibutu ratyre Deuxu Jesuisi risÿnyre. Ibutuni ratyre ini rare. ⁹⁻¹¹ Kiani-ò tahe ibutumy tatiowomy resekemy rÿire, biu mahâdu, bedeludu mahâdu, suwomy rÿira mahâdu. Tahe ibutu rybe witxira witxiramy iny rarybemyhÿre: —Jesuisi Kristu ibutu wedu rare. Deuxu inytybymy ibutumy reâlâmymhÿre. Kiamy waseriôre waluuduboho. Awana watxireriki tule iwitxira bede-ki aratxikre hârele. Deuxukihyyle atximahâbenyke. Warybe bityhinyke.

¹² Aityhydÿÿna-di ôraru-ribi bexitabenyke, bexiebenyke ôraru-txiixelau. ¹³ Deuxu heka adeewina riwahinymyhyre ôbiti widÿÿna. Tiile riwiðhenanymyhyre ôbitina widÿÿna. ¹⁴ Uritere rybe binamy rybeômy. Adeburemy iny iijeômy. ¹⁵⁻¹⁶ Tai tahe inyô rybe binamy umy rarybeôtyhy. Ôbitityhymy boibeke kaiboho dori Deuxu riôremy toite. Kristu kodobehekreu, aôrarureny-ki areysakre. Retare dori aômydÿÿnana wihikÿô ayreny-ki. ¹⁷ Arurukewana ayreny-ki rybe wihikÿmy rybe ôraru-ki, taile areysakre. Deuxu-ò dori rexiwahinyre xiwena wesemy arurukremy wahe. ¹⁸ Kaiboho tahe wadi bey-sahyymy boibekre ixideewimy tahe adeereny arurukremy wâhâre.

¹⁹ Aôwesele Tximôtxi ayreny-ò ariteðnykemy idi watxiwâhâre. Jesuisi Inynyryÿ dee wikeki. Tai tahe arierykre timybo kaiboho toite wahe. Tai heka

areysakre. ²⁰Tximòtxi tahe arawiòhenanyrenykre iny witxira witxira ratyre wahe. ²¹Ijò dori ixidile röhòtinymyhyre Jesuisi Kristu aomydýñana-di aòkò. ²²Tximòtxi tahe teerytenyete iwese riwawiòhenanyre wese Rybewihikýmy rybe-ki. Iwese tyby iriòre riwiòhenanymyhyre wese Tximòtxi riwawiòhenanyre. ²³Aòbo wadee röhònyke arierykreu, tai wylemy ayreny-ò aditeònykremy idi watxireri. ²⁴Jiarý òsana tule wylemy Deuxu riwateònykemy wadi ratxireri ayreny-ò. ²⁵⁻²⁶Ijò hàbuò iteòdýýmy raruwähäre ayreny-ò, Epafroditu wahe. Tii wawana noduò rare. Kaiboho juhuu wadee teteònytenyete wawiòhedýýdumy rarekemy. Tii heka awehityyrenemy rumumyhyre. Tai tahe reòkesedýýnyreri kaiboho iwebinaduna-ò taholatenyete. Tai heka òkesemy riwisýnyre. ²⁷Inatyhy rare rurure inihe. Tahe Deuxu riruxetòenyreki riteytenyete. Jiarý tule Deuxu wadi raruxetòere. Tai rabadewoòhyre aòwitxira witxiramy ratýýnymahäreki. ²⁸Tahe aówesele ariteònykemy watxireri. Kaiboho beysabenykre kia araerymahärenyete. Jiarý tahe urihimy-ò arexielehynykre wanohòti yrena-ribi. ²⁹Tii kedehemynykreu, tahe bididybedenykre biwowodynybenykre. Rexiòhàrunymy rare Kristu òraru-ki riwawiòhenanykremy. ³⁰Tahe tii inihe heka rurure iòraru-ki. Arokoreny-ki tii riwawiòhenanyre.

3 ¹Ikonanamy tahe ararybekre: —Beysabenyke, Inynyrý deysanamy. Jiarý heka riwaixiranyòhyymyhyre heka tuu rybe. Awire tahe bohòlabenykeki. ²Bexijebenyke iny ijòròsa wesena-lau tii iixýruterere aòbinawidýýdu mahàdu tahe tii rare. Bexijebenyke notykyresydu mahàdu lau. ³Inyboho dori notykyresydu mahàdu òbiti rare. Deuxu Tytybytyhy deewimy nodu roire. Jesuisi Kristu dee winale inydeereny awire. Inyboho dori aòwihikýwidýý-ò rikityhynyrenyòke. ⁴Jiarý, Paulo ariòludunyleke aòbo ixi-wana ariwinyke. Jiarý ijò hàbu ratyre waaomydýñana diremy arexityhynyke. Jiarý dori judeu mahàdu ijoi tyhy-ki tybie rare noty resyna ijoi tyhy rare. Debò inataò reurotxu-di reareu. ⁵Bejami mahàduò jiarý rare. Judeu mahàdu tyhy wähàboho roire. Iriòremy jiarý rare. Fariseuò jiarý rare. ⁶Tai tahe bede ywina rybe retyhynyre. Jiarý heka iijaramy raeleemy reamahäre ityhydýýdu mahàdu aòhòkýmy ari-sýnykre-ò. ⁷Wabede ywinareny òbitimy rare sana raholamahäre, ibutumy retyhynymy rarewähà. Ibutumy wahe aomydýñana reatyra Kristu luuna òraru-ki. ⁸Inatyhymy Kristu wabiu-ò hedu reeryreu, ibutu aomydýñana-ribi wanohòti rosare. Ibutumy retxiwire iòraru-ki, kia ibutumy aò aòkò rare, Kristu wabiu-ò hedu arimykre wabiu-ò hedukremy rare. ⁹Waòbitina tahe aò wawidýýna aòkò rare. Jesuisi retyhynyre urenana tahe tii riwaòbitinyre. ¹⁰Kristu arierykemy idi watxiwähäre. Rubu-ribi ixixana arierykremy, aòhòkýmy arotýnykre iòarukile, iwese tii rurure wesemy wahe jiarý heka arexiywinykremy watxireri. ¹¹Tai rubu-ribi ixixana mahàdu-wana arexixakre. ¹²Jiarý òbitityhy aòkò rare ada ibutumy òbitina wadee riwahinyòre. Jesuisi riwamyre aòmýsýdýýnaò ariwinykemy. Tai tahe wako-ò rawähäre araòbitinykemy watxireri. Tamy tahe araaòmýsýdýýnykemy watxiwähäre. ¹³Òbitityhy aòkò jiarý rare. Kia sohojile tahe ariwinykre. ¹⁴Tahe arehemynykremy watxireri titxibo Kristu diwateònyde. Kowa bede wihikýkile uriòno aritakre. ¹⁵Tahe ityhydýýdu iumy kia-di mohòtinybenyke. Inyò aò rieryòkeki Deuxu tamy kia ritýnynykre. ¹⁶Uritere biijebenyke inatyhyna bityhynybenyke wiwese weselemy ròkòhòtinyrenyke. ¹⁷Ityhydýýdu seriòre, iwese rewinyumy rarewähà wese biwinyumy boibeke. Tule ijò-ò bethebenyke wawese dori riwinyumyhyre. ¹⁸Sówemy dori iny òbiti

aòkò r̃yira, Kristu òludumy wahe, itxeò aòmyd̃ỹnana òludu wahe. ¹⁹Kia iny tahe Deuxu rahukre. R̃ys̃nale ta ideuxure. Tiiboho tahe aòbina binaòle awirenyre. Bede aòmyd̃ỹnanaadile r̃òhòtinyre. ²⁰Iny bedereny tahe biu-ki roimyh̃ỹre. Kowa-ribi reraòrenyneri iny tarasadu dehemynyna-ki. Inynyr̃ Jesuisi Kristu wahe. ²¹Tii inyumyreny riwixiranykre. Tii taumywelese iny ritxienykre, taumy wihik̃ỹtyhy wesemy. Tii ruru dire. Tahe ibutu aòna aòna wedumy ronykre irurudireki.

4 ¹Waluunadu, waseriòreboho, kaiboho wadeysana warataana wesemy toite. Ywihyulemy boibekre, waluunaduboho.

²Warybe rewahinyre inatxi h̃awyy-ò Eòdia, Sintxiki-wana. Kialemy wahe Inynyr̃ tyhyd̃ỹna-di wiwesehyulemy maraykynyke. ³Adee tule wawiòhed̃ỹdu tyhy warybe rewahinyre. Kai biwiòhenanykre h̃awyy Rybewihik̃ỹ wiòhed̃ỹdu mah̃adu wahe. Tule Lemetxi riwawiòhenanyre ijò-wana wahe. Ibutumy inireny heka Tyiritina rubuonanakòdu-ki r̃yire.

⁴Inynyr̃-wana beysahyybenyke. Tahe ixityremy ararybekre. Beysabenyke. ⁵Ywina-di bis̃nyke ibutu iny-ò. Inynyr̃ dehemynyna dori iòhòmy ih̃ỹre. ⁶Ibutumy aòmyd̃ỹnana heka biyryd̃ỹnybenyke. Ibutumy bexitòenyke Deuxu-ò, àlàna-wana bexitòenyke. ⁷Deuxu ywina awo-ò bitidikre arayky ibutumy r̃yru-bunye. Deuxu ywina dori inraykyreny rieryòtyhy timyrekibo awityhyre.

⁸Ikonanau tahe ibutumy aòmybo ararybekre maraykynybenyke ibutu inatyhyna, ibutu aòeryhyk̃ỹ, ibutu òbiti, ibutu tiihyule, ibutu iluuna, ibutu tyhyna awimy tahe roirekeki àlàna-wana r̃yikeki, tahe kia-di ibutumy maraykynybenyke. ⁹Araerynanyreny, kaiboho teerytenyete, rarybereò tahe taholatenyta. Timybo watxireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

¹⁰Jiar̃y heka reysare Wanyr̃y dee. Kaiboho heka ixityre watxi òhòtirenny reare. Tiu waribi òhòtirenny rosaòhyre urile kaiboho wawiòhed̃ỹmy tarutenyete tahe isirare. ¹¹Kaa tuu rarybereri heka aòmy raruòhyreri. ¹²Jiar̃y dori reeryre aòbo wamy r̃yira idi reysamy watxiwāh̃are. Ibutumy waki r̃yimyh̃ỹre-wana tule awilemy rahòtynmah̃are. ¹³Reeryre dori awimyno tule ramamy rubu reeryre. Xiwersynya wese reeryre tule aòhòk̃ỹmyd̃ỹ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre. ¹⁴Tule umy arelàkemy watxireri tiwawiòhenanyteki. ¹⁵Filiposi h̃awā dohod̃ỹna mah̃adu, kaiboho sohojile nieruò wadee tewahinytenyete, juhū Macedonia h̃awā-ribi rareu wahe. ¹⁶Tesalonia h̃awā-ò wadee nieru tewahinyamahatenyete, inatxi nonanamy taditeònytenyete. Tahe riwamyre wadee rasiranymy idi rewyré. ¹⁷Aò rexitòenyneri aòkò nierumy. Sohojile aòmyd̃ỹnanamy aribi aritakemy watxireri. Deuxu aòmyd̃ỹnanale aritakemy raru-mah̃are. Umyreny Deuxu wehityhynamy arobikemy. ¹⁸Remyre awahid̃ỹna. Epafroditu aribi riwawahinyre. Tai tahe sòwemy waki r̃yireri. Iwese l̃ỹnyrena sòwemy watxi reamyhyre wese awahid̃ỹna wadee rare. Iwese Deuxu-ò xiwenaò awire wese wadee ih̃ỹre. ¹⁹Aòhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aòbo adeereny rasi-ranyneri. ²⁰Deuxu kidiwahinykemy adeereny watxireri. Kia tahe inyDeuxureny-ò loosòna kidiwahinykemy watxireri tiemy heka rarehyykre. Kie.

²¹Iny sohoji sohojimy warybe-di biwehitynnanykre Jesuisi Kristu òraru-ki. Kaki ityhyd̃ỹdu mah̃adu tarybe wehityyna adeereny diwahinyde. ²²Ibutumy

ityhydỹỹdu arārybeweityhynanyre. Iòlò heto ityhydỹỹdu mahādu yribihyyle adeereny diwahinyde.

²³Inynyrỹ Jesuisi Kristu ruxetòena adeereny kanakemy watzireri.

Òlòsò

Paulo Tyyriti, Òlòsò Hãwã-ò

1 ¹Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydỹdu seriòre-ò Òlòsò hãwã-ki. ²Widhedỹyna, ywina, Deuxu inytyby-ribi adeereny kanakemy watzireri.

³Jesuisi Kristu-ò àlàna rewahinyhyymahãre, tule Deuxu Inynyrỹ tyby-ò. Adeereny dori rexitòdenyhyymahãre. ⁴Kaiboho Jesuisi Kristu tetyhynymahãtenynte. Tule kowa ityhydỹdu mahãdu wiluurenre. ⁵Rybewihikỹ inatyhyò juhuu taholatenynte. Idi tahe araròsòna tetatenynte. Tai tahe biu-ribi kia ibutumy kanakre. ⁶Iwese Rybewihikỹ bede bedelemy rariamhỹre wese adeereny tule dehemynde. Rybewihikỹ aõwihikỹ adireny riwahinyre. Iwese òwòru taraty riwahinyhyỹre wese, kaiboho inywitxira-ò aõwihikỹbo tewahinyntenre. ⁷Epafa jiarỹ wiwana Deuxu deòdurenre. Kia iribi tadoholamahãte. Tii Kristu rybemy rybedu òbiti rare. ⁸Tule wadee relyyre Deuxu Tyytybytyhòraru-ki wiluuna-di ahãtenynte.

⁹Kia inyboho roholarenre, adeereny rexitòdenyhy watziwãhãrenre. Rexitòdenymhỹ Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydỹyna-di. ¹⁰Deuxudeewihyymy kaiboho atximahãtenynte maratynyke wesemy aõwihikỹmybo. Biubỹtỹnymy boibeke Deuxumy bierybenythykre. ¹¹Ibutumy ruruna-di boibeke Deuxu ruruna wityhy-di texihymy tadonymahãte ibutumy aõhòkỹmy bodotỹnykre deysana-di. ¹²Deuxu inytybyrenre-ò àlàna biwahinybenyke. Tii iny riywidỹnyrenre inyjura juramy ritakemy. Kia jura jura ityhydỹdu mahãdu hõrò rare Deuxu loosònawo-ki ratximhỹrenyke. ¹³Tii bedeluru òlòna-ribi diwatade tahe diwadyde taRiòre luuna òlòna-ò. ¹⁴Kristu heka iny ritare. Tii iny òrarunarenre riòwynre. Ibutumy òraruna riixãwidinare. ¹⁵Jesuisi heka Deuxu lobixidỹna rare. Deuxu tahe alobixina aõkò rare. Ibutumy widỹna-ribi tii juhuu rãire. ¹⁶Tii tahe ibutumy bededỹnana widỹdure. Ibutumy biu-ki bede-ki lobixina lobixiõna-wana riwinyre. Iòlòna wedu tyhydỹna ruruna. Dinodu widỹna. Ibutumy tii riwinyre ixidee. ¹⁷Tii ibutu aõna aõna-ribi juhuu rỹire. Ibutumy aõna aõna taruru rimireri tai. ¹⁸Iwese umyriti umy wedu rare kia wese Jesuisi ityhydỹdu mahãdu riti rare. Tii juhuna rare. Iwedu rare. Tii rubu-ribi ixixana juhuu ludu rare ibuturatyre dori Deuxu risỹnyre juhuuludumy ratxikemy. ¹⁹Jesuisi-ki ibutu wiwihikỹ rarekemy. Kia tahe Deuxu dee wire. ²⁰Deuxu ywina diwahinyde Jesuisi hãlubu-di itxèò-ki. Jesuisi hãlubu xiery ibutumy Deuxu riwaaxidỹnyre biu-ki bede-ki.

²¹ Kaiboho Deuxu ery aōkō juhū toite. Iòludu toite, arayky-ki aōbinahaký widý tadxinohótinytenyte. ²² Jesuisi umy-di Deuxu arainytyhydýnyre Jesuisi rurureki. Tai Deuxu tako-ò akanatamadýnykre taòbitidýnyteki aòraru lyrana-di, aòraru tuedena-di inyō umy ibinamy rarybeōtyhy. ²³ Urile tyhydýna-ki boibebenyhyke araròsòna-ribi ixihitxidýōmy. Araròsòna dori Rybewihiký-ribi nodu rare. Tii-ò tahe taholatenyta. Ibutumy iny biurawo-ludu-ò Rybewihikýlemy narybede. Iribi jiarý, Paulo, Rybe wihikýmy rybedu ròhònyre.

²⁴ Wijile reysamy watxireri adee aōhōkýmy ratýnyreriki, aō aōhōkýmy dýnanabo Kristu-ò rauhenyre. Tai jiarý aōhōkýmy arotýnykre waumy-ki hyumy. Kristu-ò rýira mahādu dee kiamy ratýnyre, dòhòdýna mahādu dee. ²⁵ Iribi jiarý Rybe wihikýmy rybedu ròhònyre. Kiamy Deuxu dee wimy diwa-teònde tarybemy rybedumy. ²⁶ Tii ihetxiu rybe inatyhy ibutu lau rexiwore. Wiji tahe rexitýnyre ityhydýdu mahādu dee. ²⁷ Kia-ò Deuxu rexitýnykemy ratxireri iwese aōwiwihiký, taloosòna ratxireri, ibutu iny witxira dee. Kristu inywo-ki, kia tahe iny iraròsòna rare. ²⁸ Kia Rybewihikýmy relyma-hārenyre ibutumy iny-ki reerydýnanyamahāre bederysyna-di. Kia wesele ibutumy ityhydýdu mahādu òbiti Kristu-ò ariteòsinykre. ²⁹ Kiaòle tahe rexi-rurudýnyhyamahāre, Kristu rurudile waki rýimyhýre.

2 ¹⁻² Warayky-ribi ijesu nihikýmy resumahāre awo umyreny rahōtie-remahāre reysakemy Òlòsò hāwā-ki. Laodisia mahādu tule wamy robiōmyhýre mahādu tule wiluutyhyrenykemy kaiboho ibutumy Deuxu bedeersynatyhy bierybenykemy adireny watxireri. Kristu-ki tahe bede erysynatyhy-di atxiteri idi watxireri. ³ Kristuwo-ki ibutumy bedeerydýna bede erysynatyhy ityhna wesemy riyrubunymy rýire. ⁴ Kawese rarybera inyō arāitxenanyōmyhýkemy rybe rayky-ribi ije-di. ⁵ Waumy awanareny ratxiō-reri, watytyby tahe awanareny ratxireri, riwadeysanyrer, aōwityhy òbiti-di riwaerynanyrer Kristu-ki aityhydýna-di riwaerynanyre.

⁶ Iwese Jesuisi Kristu heka Inynyrýhyny tetyetyntyte wese. Tai tii-wana mabehyybenyke. ⁷ Iwese oworu irarutiò rimymyhýre wese myike. Anaery-nadýnymahāde wese maumynyke àlàdýnyamy.

⁸ Bexihārūbenyke, inyō anaitxenadýnyke lau. Tarayky-ribi ije rybe-di lahirybe-di anaitxenanykemy ihýre rybe uritere ije ije-di. Kia rybe iny aōmydýnana-ki rýire bede tyytyby aōmydýnana-ki. Kia Kristu aōmydýnana aōkōhyumy rýirake. ⁹ Kristu umy-ki tahe ibutumy Deuxu ititýnydýna rýire. ¹⁰ Tule Kristu-ki kaiboho tyhynamy toite, texihutenyte. Tii heka ibutumy hābu rurudýna ratyre rare, iòlòdýna ratyre rare. ¹¹ Iwese uladunotyky riòròre wese Kristu aòraru urarina aribi diorode. Noty resyna inatyhy aōkō rare. Kristu iwesenalemy riwinyre. ¹² Taratisebenytenyteu, Kristu rubu wesemy tewesenatenyte deledede. Tule beribi tadòhònytenyteu irubu-ribi ixixanamy tewesenanytenyte. Deuxu tyhydýna-di rubu-ribi texixatenyte. ¹³ Kaiboho aòraruna-ki tòimyhýteu rubu wesemy notyynaresy aōkō-di toimyhýteu, adeereny runa Deuxu diwahinyde, aòrarureny diixāwidynde. ¹⁴ Kristu iny òraruna widýnareny-ribi tòhòti rosara. Kia tyyritina-di riixāwididýnyre taitxeò-ò rareu. ¹⁵ Rurudýna mahādu ruru dinodu mahādu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

¹⁶Kaiboho tahe uritere iny rybemy deòbyrenykomý roxina bemomo, ada ahādu herinau ixenamy, ada sabado bededýñnanamy. ¹⁷Kaiboho dori aò kanakre wesemy rare. Kristu tahe ibre tuu rare. Kia aomydýñnana aò aòkò. ¹⁸Inyò adeereny rarybekeki: bexitxiõnyke ýju biteàlànkyemy, rasina-ki ierysmy mohõtinykemy. Tamy ijohonarenyomý urile erydýýdumy rohõtinyra. Tii tahe Kristu rityhynyõhyymyhýre. ¹⁹Inyummy wese inyboho ihýrenyre. Kristu tahe umy ratiwesere. Umybutule-ribi ibutummy iukýna wiwana reare. Ibutummy ðhòna tusina-wana umy rabutumyhýre. Deuxu umyna-di umy raumymyhýre.

²⁰⁻²²Kai Kristu-wana taruta-wana bede aomydýñnana-ribi, aòherekibo wiji bede aomydýñnana-wana arummy ahāte. Aòherekibo bede ywina witxira witxira tetyhynymy ahāte: imyny wedeydýýðmý. Tamy ade rexiomý, roxina urihixiomý. Kia wese hābu bede ywina tetyhynymahātenyte. Kia aomydýýdýýkeki, rexihuke. ²³Bede erydýýna wese ratxireri. Kia dori ixideele rexityhydýñnyre iyruubu wesemy rawesenanyreri, taummy ixidee aòhòkýmý rexisynyre. Ibutummy kia tahe riwiðhenanyõhyymyhýre umy òraluna lau.

3 ¹Kaiboho Kristu-wana texixatenyteri wana, biu ludu aomydýýñnana-di mohõtinybenyke, tai Kristu Deuxu ruruna weribi rasýnymy ronymyhýreki. ²Biu ludu aomydýýñnana-di mohõtinybenyke, kabede ludu aomydýýñnana-di aòkò. ³Rubu wesemy dori ahātenyte, aummy tuedeòna runa Kristu-wana rare —Deuxu-ki riyrubunymy ratximyhýre. ⁴Kristu rehemy-nyreu, tule tii-wana rakatxirenyke.

⁵Tai òhòti bitosanyke bede ludu aomydýýñnana aki rýire: uri uri rýira mahāduhemy ijara, òbitiõna, deòsana hemy nodu, iòbi retýnyre òbiti-di aòkò rare. Inyò rýire-di òtena kia ritxoo àlādýýna wese rare. ⁶Kia aõna aõna Deuxuwo binara rare, kia-ò Deuxu ykarana kanakre kia òrarudu mahādu-ò. ⁷Kaiboho kia tewinytenyte aòrarunareny òrarudumy toiteu. ⁸Wiji tahe ibutummy kia aomydýýñnana aribi rexihukemy idi watxireri —wobinana, ujõmo, rybe ije ije. ⁹Iny witxira-ò ruiomý, araybidinatyby dori aribi dexihude, iwidýýñnabina-di. ¹⁰Araybidina týmyra-di tahe texiumydýýnyte tii araijõnyre bedeerysynahaký-di, Kristu raybidina wesemy araybidina rarekre òbitimý araijõnykre. ¹¹Kowa-ki wii rikininirenyõkre: judeu mahādumy, judeukòdu mahādumy, notyky resydumy, bedeeryõ mahādumy, txiebese wese mahādumy, deòdu mahādumy, deòdu aòkò mahādumy ibutummy Kristu dee wiwese weselemy rýire. Kristule tahe ibutummy ihýre inydeereny. Tii ibutu inywo-di ratximyhýre.

¹²Kaiboho Deuxu ijesemy anadymyhýde tahòrò luunana mahādukremy. Tai ruxetòena-di boibekre ixāwidina-di, inytyhyna-di, ywina-di. ¹³Wii riwiðhenanymy rýike. Wii riixāwididýñnymy rýike. Inyò adee aomý rotyynykeki ixirawomy biijeranyke. Iwese Inynyrý araixāwidinyre wese iny biixāwidinyke. ¹⁴Ibuturatyre wiluurenykemy kiadile kaiboho wiwana ibutummy boibeke iweselemy mohotinybenykemy. ¹⁵Kristu ywina heka umyy-ki itxeredumy rarekre. Kristu hòrò mahādu sohojilemy mabeke. Tai tahe àlāna tamý biwahinybenyke. ¹⁶Kristu rybe-di awo-ki mabehyummy mabeke idi watxireri. Wii bierynadýñnymy bitohonymahābenykemy bede erysyna-di. Deuxu-ò àlāna biwahinymahāke wiurybe-di, wiu-di Deuxu Tytytybythy wina-di. Mawinyke àlāna-di aworeny-ribi. ¹⁷Ibutummy tuu marybekremy, ibutummy tuu botýýnykremy Wanyrýni-ò, tuu botýýnykre Jesuisi Kristuni-ò. Inytyby dee àlāna biwahinykre, Deuxu-ò wahe.

¹⁸Hāwyy! Kai ahābu bityhynke, Deuxu erysydỹna-di. ¹⁹Hābu! Kai ahāwyy luuke, idi tudōrenyōmy. ²⁰Uladu! Borybe, adirybe-wana bityhynke. Kia tahe Inynrydeewire. ²¹Uladuse, uladutyby! Kai ariōre ikyaradỹōmy, bedede wona-di aōkō ratxikemy. ²²Deōdu mahādu! Kai kabede-ki awedurybe-di ibutumy bityhynke aō idi retehererikile aōkō, awedudeewi sohojilemy aōkō, awo-ribi tyhy Inynrydeewimy tuu botỹnyke. ²³Aōbo botỹnymahāke ibutu Deuxudeewimy botỹnyke. Hābudeewimy aōkō. ²⁴Deuxu-ribi aōwydỹna kanakre. Kristu-ò dori taaōmysỹdỹnymahāte. Adeereny rahetoō riyru-bunymy roimyhỹre. ²⁵Inyō tahe aōbina riwinymyhỹkeki, ihewomy aōbinale ritake. Deuxu dori ibutu dee wiwese weselemy idi rotỹnymahāre.

4 ¹Wedu mahādu, kai eōdureny dee òbitimy idi ahābenyke. Kai tahe tule awedu dire biu-ki. Kia nohōti losaōmy.

²Bexitōenyhyamahābenyke. Betehehybenyke. Beàlāhyymahābenyke. ³Inydeereny kia bedexitōenyke. Deuxu rybe wihikỹ-ò iny dee hāwā wixira-ò kidiraynyke, Kristu inatyhynamy arelyyrenykre. Iōraru-ki womati reroti nihikỹ-di watxiwāhāre. ⁴Kia ritynynykre idi watxiwāhāre. Waaōmysỹdỹna kiemy dori ihỹre. ⁵Biu ludu bedeerydỹna-di boibeke ityhydỹdukōdu mahāduy-ki. Aōwihikỹrybe bexitỹnykeki, turybelemy idi beake. ⁶Arybe aōwi weselemy biyrubunyke, iwese rỹsỹna juwyrā-wana raurnymyhỹrewi wesemy. Tai arawyōna ijōdikre tỹrāxina-ò.

⁷Txitxiò ibutumy waaōmydỹnnana adeereny relykre. Tii waityhydỹydu seriōre waluumy rare. Tii rybedu òbiti iny-wana ratxireri. ⁸Adeereny reteōny-reri waaōmydỹnnanareny erydỹnny awo deysadỹmy. ⁹Onesimo heka tii-wana ariteōnyke. Tii tule òbiti ityhydỹydu seriōre ratxireri. Ahāwāreny yluduò rare. Tiiboho kedelyydenyke ibutumy timybo wāhāremy.

¹⁰Aristarku wawana rōtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedeheynykeki, bidiwiōhenanyke. ¹¹Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaōmysỹdỹreri Deuxu òlōna òraru-ki. Tiiboho riwawiōhenanyhyymyhỹreny. ¹²Epafa tule aeryrenyō rare tarybe adeereny diōde. Tii adeereny rexitōenytyhyhyymyhỹre kaiboho Deuxudeewimy boibehyky. ¹³Jiārỹ reeryre tii adeereny tōemy ratximyhỹre, tule Laodisia mahādu dee tule Ieryopoli mahādu dee. ¹⁴Luka, tarybe diwahinyde. Tii ityhydỹy òhotibedu rare. Dema tule tarybe diōde. ¹⁵Warybe wehityhyna biōke Laodisia ityhydỹydu seriōre. Ninfā-ò tule wehityhyna biwahinyke dohodỹna mahādu taheto-ki rỹreriwana. ¹⁶Watyyriti-di dohodỹnaheto-ki rariakreu, idi tule Laodisia mahādu-ò biōkre tako-ò rariakemy. Tule watyyriti kowa-ò rewahinyre, wimyke amahāduko-ò rariarenkyremy. ¹⁷Arikipu-ò warybemy marybeke. Tii aōmysỹdỹnaō ritare Deuxu-ribi. Kia-di tii ratxihykykyidi watxireri.

¹⁸Kia tyriti wadebò ritidỹna tyhy rare. Womati reroti-di rataataamy nadoimyhỹderibi òhōtirenny lusarennyōmy. Deuxu wohyna adee kanakemy idi watxiwāhāre. Paulo.

1 Tesalonia Mahādu-ò

Juhuu Tyyriti Tesalonia Dohodỹña Mahādu-ò

1 ¹Jiarỹboho, Paulo, Sila, Tximòtxi-wana heka Tesalonia hāwā ityhydỹđu mahādu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akireny-kemy he wadee awire.

²Aōu aōu Deuxu deàlànamy adeereny rexitòenymahāre. ³Atyhyna tiu inynohōti-ribi rosaōtyhy. Aluunareki dori Deuxu dee taaōmysỹdỹma-hāte, Jesuisi Kristu iny Iòlò dehemynyna teraōteri. ⁴Kaiboho, Deuxu luuna mahādu, Deuxu iyreny ariajere. ⁵Rybewihikỹ adee retỹnynynmahāre. Kia heka rybe sohojile aōkō rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratỹnyreny wese, kaiboho teerytenyta. Aluureki dori kawesemy ratỹnyreny. Tai tahe iwese inyboho ratỹnyre wese tule kaiboho tatỹnytenyte. Tule Inynyrỹ-wesemy tatỹnytenyte. ⁶Aōhōkỹmydỹnana hārele heka kaiboho rybe-ò taholatenyte. Tii aradeysarenre, aōhōkỹmy dỹnana-ki hārele. Eysanarenre dori Deuxu Tyytybytyhyribile namyhỹde. ⁷Kaiboho tahe ityhydỹđu mahādu wihikỹ toite. Ibutumy ityhydỹđu mahādu heka awesereny roirekemy ratxirenryeri Macedonia bedeki, Akaia hāwādỹna-ki tule. ⁸Aeryna ibutumy hāwā hāwā rieryra Deuxu tetyhnyteki, Macedonia bedeki tahe tule Grecia bedeki. Tahe kia-ò ixyby boholabenykekō dori rare. ⁹Iny arora-ribi dehemynydeu inyko relymyhỹre. Kaiboho asuritxoo deuxu-di tehutenyte tahe inatyhy Deuxu tetyhnytenyte, Deuxu iru wahe. ¹⁰Iriðre biu-ribi kanakremy teraðmahātenyte. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarenykre. Deuxu dori òraruna òraru-ki sōwemy rakyarannihikỹmyhỹre. Tule kia umy inydee relymyhỹreny.

2 ¹Kaiboho teerytenyte arora-ò roirenyreu, jiarỹboho Deuxu aōmysỹdỹna sōwemy rewinyreny. ²Jiarỹboho aōhōkỹmy ratỹnyreny Filiposi hāwā-ki. Tai tahe adee rehemynyre Tesalonia hāwā-ò wahe. Deuxu taruru diwahinyde. Tai heka jiarỹboho adeereny roirenyre Deuxu ijyywihikỹmy arelyyreny. Sōwemy inydeereny òbinadu rỹire. ³Iny rybe-di tỹnydỹnarenre inatyhymy rare. Inyboho òbitimy rōhōtynyreny. Jiarỹboho anaitxenanyrenyōtyhy. ⁴Iwese Deuxu inydeereny riwateōnyre wese kialemy heka rarybeke. Aōbo inysōwehekỹ deewimy aōkō raryberenre, tahe Deuxu-deewimy. Tiile rieryre aōbo inywo-ki ratximyhỹ. ⁵⁻⁶Tii rieryre iwese inyboho

adeereny rarybemahäreny wese. Nieru tarasakemy aõkõ inyboho watxi-
reny rui-di raryberenymy rybewihikỹ adee rewahinyõhyymy. Awowy-
dyna, arybe wiwihikỹ heka inydee aõkõhyymy idi watxirenyre. Ijõ iny-ribi
tule aõkõ kia rybe idi watxirenyre. ⁷Jiarỹ tiu ararybeõmahärenyre idi anie-
rurenymy aritakemy. Kia ariwinyrenykeki tahe, tule awire. Inyboho dori Jesuisi
Kristu deòdỹna inyboho ratxirenyreri. Tahe iu jiarỹ ayreny-ki raremahâu,
aluurenymy. Iwese hãwyyõ тариòre riyrubunymy wese adireny watximahäre.
⁸Deuxu Rybewihikỹ sohojile aõkõ adeereny ariwahinykemy aõkõ, tule wabe-
dedỹnana tule adeereny ariwahinykemy watxireri, aruruke adeereny, jiarỹ-
boho sówetyhymy aluurenymy wahe. ⁹Sówetyhymy jiarỹboho raaõmysỹdỹ-
nymahäre ayreny-ki raremahâu, tai tahe õwyõ aõkõ teòwynymahätenyte.
Rumy raaõmysỹdỹmahärenymy, txumy tule. Tai ixiaõmysỹdỹnadile
inyboho rỹimahärenymy. ¹⁰Jiarỹboho ayreny-ki õbitimy roiremah. Aõhe
inatyhy, waityhydỹdu seriòreboho. Kia teerytenyte. Deuxu tule riwaeryre.
¹¹Iwese tybyõ тариòre riywinyre wese, jiarỹ araywinyra, wariòre wesemy.
¹²Arãwiòhenanykemy adi watxireri arateysadỹkemy. Warybe dohodỹna-ò
bohola benyke. Tai tahe kaiboho Deuxudeewina-ki atxibenyke. Tule tii-wana
masỹnybenyke taòlõna-ki, toosõna-ki.

¹³Tai tahe àlana sówemy Deuxu-ò rewahinyrenymy. Ayreny-ki raremahâu,
Deuxu rybe tỹnydỹmy, kaiboho tetyhynytyhymahätenyte. Deuxurybele
taholatenyte. Tii heka inatyhy kia rare, Deuxu ijytytyhy wahe. Waityhydỹdu
seriòre, Deuxu ayreny-ki ratximyhỹre. ¹⁴Waseriòreboho, iwese Judeia ity-
hydỹdu mahädu heka aõhõkỹmy rotỹnyre wese, kaiboho iwesele aõhõ-
kỹmy tatỹnytenyte. Kaiboho aõwixira witxira aõbina bina teòludunyma-
häte aõhõkỹmy dỹnnana-ki. Abede ludu mahädu tuu riwinyre. Iwese Judeia
mahädu heka judeu mahädu debò-ki aõhõkỹmy rotỹnyre wese, kaiboho
tule aõhõkỹmy tatỹnytenyte. ¹⁵Judeu mahädu heka juhuu Deuxu rybedu
mahädu rirubunymy. Jesuisi tule rirubunymy. Inyboho tule ribinadỹ-
nykemy ratxireri. Deuxumy dòdu tiiboho roire. Ibutumy inymy òludu ratxi-
reri. ¹⁶Tiiboho iny ribinadỹnykemy ratximyhỹre, iny dori rybe tỹnydỹ-
dumy inyboho ratxireri judeukòdu mahädu-ò. Kia-di heka ijõ òraruna tiiboho
ributunymy. Deuxu tahe wiji tiiboho ribinadỹnykre. Ityrereny-ò Deuxu
kyarana bededỹnana kedeseke.

¹⁷⁻¹⁸Waityhydỹdu seriòre, aribi irehemy watxireriu, awehityhyna sówemy
wadi ratxireri. Sówemy adi aretehekemy watxireri ixityrele. Tiubo aroramy
arake, Satanasi riwabinadỹnyra. Tahe aõkõre. Araõke. ¹⁹⁻²⁰Kaiboho dori iny
raròsonatyhy, inydeysana, iny biu-ò hena Inynyrỹ Jesuisi òraru-ki atxitenyte.
Tii dori kanake. Kaiboho ixityhydỹnaõ heka toimahäte.

3 ¹Ikonanau tahe reòludunymyõtyhy. Tai tahe ixisohojile Atena hãwã-ki
rỹikremy watxireri. ²Tai Tximòtxi adee reteònyre, inyseriòre wahe. Tii
heka wawanarenymy Deuxu aõmysỹdỹna-ki riwiòhenanyre Kristu Rybewihikỹ
tỹnydỹmy. Adeereny dori reteònyre aityhydỹna wiòhedỹmy. ³Tai tahe
bede jei jei òraru-ki, kaiboho ahewo-ò booseòtyhy. Kia ibutumy Deuxudee-
wina inydeereny rare. ⁴Iu ayreny-ki rarewähâu, kiamy rarybewähäre aõma
adeereny aõhõkỹmy dỹnnana kanake. Kiale tahe inatyhymy nade. ⁵Tai tahe
Tximòtxi reteònyre, omy arierykemy timybo aityhydỹna-ki tatỹnytenyte.
Satanasi òsana waaõmysỹdỹna ayreny-ki ribinadỹnyre. Aõkõre, tii Deuxu

aõmydÿÿnana ribinadÿÿ nyõtyhy. ⁶Tximòtxi heka Tesalonia hāwā-ribi ròðsera. Ijyy Wiwihikÿ tahe raholara. Aityhydÿÿna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriðreboho, aòraru-ki. ⁷Waaòhòkÿmy dÿÿnana hārele heka wadeysamy watzireri, aityhydÿÿna awireki wahe. ⁸Kaiboho awimy matxi-benykeki, awimy jiarÿ watzimahāre, warumy watzimahāre. ⁹Aòraru-ki tahe Deuxu-ò àlàna rewahinyre. Deuxu-ki tahe wadeysamy watzireri. ¹⁰Rumy txu-wana adeereny arexitòdenykre arora-ò arake, aityhydÿÿna wiòhedÿÿmy wahe.

¹¹Deuxu Inytyby, Jesuisi Kristu Inynyrÿ-wana riwawiòhenanykemy idi watzireri arora-ò arake. ¹²Wiluumy ibutumy ityhydÿÿdu mahādu luumy idi watzireri. Iwese aluure wese wiluuke. ¹³Tii inydeereny ruruna riwahinykemy idi watzireri. Òbitimy tahe rakatxirenyke Deuxuko-ò, Inytybyko-ò. Inynyrÿ Jesuisi kedehemynykreu, tamahādu-wana, tai iny imahādule rakatxirenykre.

4 ¹Waityhydÿÿdu seriðre, timybo òbitimy ahābenykemy rebedeerynyre Deuxudeewina wahe. Iratyre tahe arexitòdenykre Inynyrÿ Jesuisi òraru-ki, òbitityhymy boibenybekemy. Kia tahe teerytenyte. ²Jesuisi bede erydÿÿna heka adeereny rewahinyreny. Kia teerytenyte. ³⁻⁴Kia tahe rare. Òbitityhymy ahābenyke, òta òtarenyõmy. Iny sohoji sohoji òbitimy ahāwyy-wana matxibenyke. ⁵Iwese ityhydÿÿdukòdu mahādu riwinyre wese aòkò idi ahāke. Tii dori Deuxu rierykòreny. ⁶Tuleke kia aõmydÿÿnana-ki iny sohoji sohoji aityhydÿÿdu seriðre ibinadÿÿõmykemy. Iwese rarybere wese ixityre ararybekre. Inyò kia aõmydÿÿnana riwinykeki, debure bededÿÿnana tii ralòke. ⁷Òta òta aõmydÿÿnana aòkò Deuxudeewire, òbitina aõmydÿÿna tamywire. ⁸Inyò kia bede erydÿÿna rityhynyòkeki, Deuxule heka tii rityhynyòre, hābu bede erydÿÿna aòkò. Deuxule Tatyytybytyhy inydee riwahinyre.

⁹Kaiboho aityhydÿÿdu seriðre mahādu luurenyre. Tai ixby kia adeereny ariritinyõtyhy. Deuxu dori araernanyreny timybo wiluumy boibekemy. ¹⁰Kia luuna-di tahe ibutumy Macedonia hāwā hāwā mahādu luumy. Ihārele tahe waseriðreboho iratyre wiluumy. ¹¹⁻¹²Ywina-di wi-ò wi-ò boibeke. Aaõmysÿdÿÿna-di iximynamy boibeke. Tai ibutumy ityhydÿÿdukòdu mahādu umyreny robikreu anatyhynyrenykre. Tai tahe ijò iny aaõmydÿÿnana ixi-di nokõmy. Ixisohojilemyta ixi-di maaõmysÿdÿÿnyke.

¹³Waseriðreboho araernanykre rubu mahādu aõmydÿÿnanamy. Tai ijò inywese mahinybenyòke, bobubenyo. Tii dori raròðona-di aòkò ratxirenyre ¹⁴Kristu heka rubumy roire ribile rexixare. Kia tahe rityhynyreny. Kiawesele tii-wana heka Deuxu taityhydÿÿdu mahādu kididyke, rityhynymy rurure mahādu tule. ¹⁵Inynyrÿ riwabedeerynyreny kiamy: inyboho irumy ratxi-keki kiatsu juhuumy timy inorenkõna. Rubu mahādu tuukre. ¹⁶Tahe ÿju wedu juhuu rarybekre. Deuxu juròna-di ritxurònykre. Idi Inynyrÿ kodobehekre biu-ribi. Juhuu ibutumy ityhydÿÿdu rubumy rÿira riumynykre, riumy-witxiratÿmyranykre, riixixanyrenykre. ¹⁷Tahe ibutumy inyboho irumy rÿira mahādu heka Inynyrÿ-wana ributunyrenykre biu-ki. Tai tiwanahyy roirenyre ¹⁸Kia rybe-di wii beysabenyke.

5 ¹Ityhydÿÿdu seriðre, tiubo kia ibutumy aõhebo rotÿÿnykre. Kiamy adeereny ariritinyõtyhy. ²Rumy wasidu wesemy kia txu kanakre. Kia

teertyentye. Ibededÿÿnana iny rieryötyhy. ³Inyö rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyö rahenyötyhy. Iwese häwyy txuberere wese, uladu ijera iòhöreu kia rare. ⁴Kaiboho, wase-riòrebobo, tetyhynyentye tai kiatxu adeereny bede òtiidÿÿ aòkò rarekre. Kaiboho dori kia teertyentye, wasidu wesemy kanakemy wahe. ⁵Inyboho ibutumy txuu mahädu atxitenyete, loosòna mahädu wahe. Bedeluruhukÿ mahädu aòkò inyboho ratxireri. ⁶Tai tahe ròkòrönyötyhy. Bexixabenyeke. Ijò iny wese aòkò atxibenyeke. Betehebenyeke. ⁷Rumy ibutumy iny ròrömyhÿre. Tule kiau ibutumy riömyhÿre, axaxaluudu mahädu wahe. ⁸Inyboho tahe iximy rekexiòbitidÿÿnyke ywina-di. Ityhyna, luuna-wana heka iny òraruna-reny itxena wesenamy rikitidikre. Tarasana tahe inyратиwina wesena rare, tarasana raròsòna wahe. ⁹Debure bededÿÿnana-ò aòkò inyboho ralòötyhy. Deuxu aòhòkÿmy dÿÿnana kia Deuxudeewina aòkò rare inyeereny. Biu-ò hena-ò tahe inyboho ralòrenykre Jesuisi Kristu Inynyrÿ òraru-ki. ¹⁰Tii dori inyeereny rurure. Tai tahe tii-wana rarehyymy rÿikre irumy ada rubumy iny ratxirehäre.

¹¹⁻¹³Kiarybe-di widee beysadÿÿnymahäbenyeke. Deuxu rybe tÿnydÿÿydu mahädu biwiòhenanybenyeke, bityhynybenyeke. Kia tahe wadee awire. Tii dori awiòhedÿÿydu ratxireri Inynyrÿ òraru-ki. Ibutumy widee òbitimy atxibenyeke, tii Deuxu deòdu rareki. ¹⁴Tule adeereny ijò dohodÿÿnaò aratohodÿÿnykre. Iehehe mahädu biòbitinybenyeke. Ityhyna kyhynakò mahädu bikyhynanybenyeke. Ibutumy widi atximyhÿbenyeke. ¹⁵Inyö aòbinamy adee rakeki, ixìdwydÿÿömy. Ywina-di tamy bisÿnyke. ¹⁶Beysahyybenyeke. ¹⁷Ixitòedÿÿhyymy boibehyybenyeke. ¹⁸Ibutumy beàlàmahäbenyeke. Kaiboho dori Kristu ijoi atxitenyete. Kia adeereny Deuxudeewinare. ¹⁹Deuxu Tytybytyhy-ò bohoholake, awo-ki arayky-ki tii ratxire. ²⁰Deuxu dee rybedu mahädu awire irybe awire. Ibinamy aòkò tai marybebenyötyhy. ²¹Ibutumy biurihibenyeke. Aòbo awirele tahe idi bimyeke. ²²Ibutumy òraruna-ribi irehemy atximahäbenyeke.

²³Deuxu heka ywina rare. Tii araòbitidÿÿnytyhyke. Adeereny rexitòenyre. Araykywydyna, òhòtiwydyna, aumy-wana ibutumy raywidÿÿmy ratxike idi watxireri. Jesuisi dori eleelemy kodobehekre. ²⁴Tii kia ibutumy juhoo rarybere wese, tii adeereny riwinyhykre.

²⁵Waityhydÿÿydu seriòre, inyeereny bexitòenybenyeke.

²⁶Deuxu deysana òlusò-di wii birybebenyeke. ²⁷Wadee bohoholake Inynyrÿ òraru-ki. Kia watyryiti heka ibutumy ityhydÿÿydu seriòre roholakemy watxireri. Idi mariake.

²⁸Jesuisi Kristu Inynyrÿ ruxetòena heka adeereny ratximyhÿkemy idi watxireri. Kie.

2 Tesalonia Mahãdu-ò

2 Paulo Ryberiti Tesalonia Hãwã-ò

1 ¹Paulo, Sila, Tximòtxiboho-wana tyyriti rewahinyrenyire Tesalonia dohodỹna mahãdu-ò. Deuxu Inytyby, Jesuisi Kristu Inynyrỹ ijoi toitedò. ²Wiðhedỹna, ywina-wana adeereny kanakemy watzireri Deuxu Inytybyreny-ribi, Jesuisi Kristu Inynyrỹreny-ribi.

³Inyseriòereny, Deuxu-ò adee reàlãmahãrenyire. Kia tahe awi rare. Kaiboho aõu aõu texityhydỹnytyhymy atximahãtenyteki, ityhydỹydu seriòre wiluuna-di iluutyhymy teletenyteri. ⁴Tai heka ijõ Deuxu dohodỹna heto-ki aõwiwihikỹmy umy rarybemahãre. Kaiboho dori aõwitzira witxira aõbina bina teòludunmyhỹtenyite, aõhõkỹmy dỹnana-ki ixiwesehyymy toite-mahã ire tetyhynytyhymahãtenyite. ⁵Kiawesele Deuxu aõna aõna òbitimy riwinymyhỹre. Kaiboho Deuxu teywinytenyteri Iòlòna-ò malòbenykremy, aõhõkỹmy tatỹnytenyteriki wahe. ⁶Deuxu, tiiboho aõbina bina-di riòwinyrenykre, aõhõkỹmy dỹnana dori adeereny riwahinyreki. Kia tii òbitimy röhõtinyre. ⁷Biu-ribi Inynyrỹ Jesuisi tarurunareny ýju-di kodobehekreu, aõhõkỹmy dỹnana-ribi elehyna adeereny, tule inydeereny Deuxu kidiwahinykre. ⁸Heòtyloona-di tii kanakre riòwinykremy Deuxu rieryõmy rỹira mahãdu dee, tule Inynyrỹ Jesuisi Rybewihikỹ riywinyõmy rỹira mahãdu dee. ⁹Kia mahãdu aõu aõu aõhõkỹmy rotỹnykre Inynyrỹ òsýnỹ-ribi iteòdỹna-ki taruruloosòna-ribi. ¹⁰Tii kanakre tahe ibutumy iijoi mahãdu tamy làhàna riwahinykremy. Ribedeòtiidỹnyrenykre ibutumy taijoi dee aõmydỹnana riwinyreki. Tetyhynymahãtenyite, Deuxu rybe dori jiarỹboho adeereny rewahinyamahãreki. ¹¹Kaiboho iwese Deuxudeewimy rarekemy boibeke. Tai tahe adeereny rexitòdehyymahãrenyire. Deuxu ruruna-di atyhydỹna-di sòwemy aõwiwihikỹ riwinykemy idi watximahãre. ¹²Tai tahe ibutumy Inynyrỹ Jesuisi Kristu nimy sòwemy beàlãmhyhkemy. Tii loosòna adeereny riwahinykemy watzireri. Kia Deuxu dee, Inynyrỹ Jesuisi dee awi rare. Wiðhedỹna iribi bitabenyke.

2 ¹Waseriòreboho, Inynyrỹ Kristu òkesenamy iximy iny ritakemy adeereny warybe ariwahinykre. Inyõ rarybekeki Inynyrỹ òkesena txumy rehemynymy rỹire, kia rybe-di iòtiidỹõmy. ²Inyõ rarasinykeki, Deuxu-ribi ijyy ritakeki, urile ityhydỹnyrenyõmy. Inyõ waribi tyyriti itarasamy rarybekeki, ityhydỹnyrenyõmy. ³Inyõ aitxenadỹõmy boibeke. Ityhydỹydu atysyna nihikỹ juhoo kanakre, idi tahe kia txu kanakre. Juhoo hàbu ibinatyhy kedexideòsinykre. Heòtybedeluduò tii rare. ⁴Tii ibutu Deuxumy òludunadu rarekre Deuxumy iny rininire mahãdu wahe. Ibutumy àlàna aõmydỹnana

riatykre. Deuxu dohodýŷna hetowo-ò ralore tahe Deuxu weselemy ronykre. Iximy rarybekre tii Deuxu raremy. ⁵Tuu heka adeereny rarybere, akireny raremahäu, òhõtireny aõbo itxi rearenýõra? ⁶Ibededýŷnana raõbitikre xiery, kanakre. Deuxu ruru dori rimymhýre. Kia tule teerytenyte. ⁷Iaõbinahaký aõmydýŷnana inyy-ki ratxireri. Tii tyhy wiji kanaõkre. Imynydu iribi rexitare xiery, tahe tii kanakre. ⁸Taile tahe hãbu ibinatyhy kedexideõsinykre. Inynyrý Jesuisi kanakreu, tii tuu kidirubunykre taryeledile. ⁹Juhuu tahe kia hãbu Satanasi deõdu tahe iruru-di kedehemynykre. Aõna aõna wiwihiký widýŷmy ròitxenadýŷreri. ¹⁰Inyõ sõwemy riitxenanykremy bededýdýŷ wesemy. Ityhydýŷdukõdu mahãdu tii riitxenanytyhykre. Tiiboho dori inatyhyna rybe rityhynyõmyhýre, tuuõmyhýre, tai rexirutaõrenyre. ¹¹⁻¹²Deuxu dori rilawere tuu rityhynyrenykremy ibinare hãrele. Kia ruina rityhynyrenykre, tai Deuxu rihitxidýŷnykre inatyhyna rityhynyõreki, taõrarudýŷna luureki.

¹³Deuxu tahe juhuutyhylemy aratarenyre, waseriõrebobo. Biu-ò hena adeereny riwahinyreny inatyhyna tetyhynytenyteki. Deuxu Tyytybytyhy aralyradýŷnyrenyre. Tai, Inynyrý luuna mahãdu, Deuxu mahãdurenymy belebenykemy atximahãtenyte. ¹⁴Deuxu adeereny Rybewihiký diteõnyde. Inyboho tahe ijyydumy roire. Iny òraruren-ki tahe Inynyrý Jesuisi Kristu loosõna bitabenykremy idi toite. ¹⁵Kia ibutumy, waseriõrebobo, itxi òhõtireny reake. Aõmybo araerynanyamahãre kowa-ki raremahäu, tule watyryiti-di rebedeerydýŷnymahãrenyre, idi mohõtintythybenyke, õbitimy idi boibeke.

¹⁶⁻¹⁷Inynyrý Jesuisi Kristu Deuxu Inytyby, luuna luuna, wiõhedýŷna, raròsõna sõwemy inydeereny diwahinyde. Inyboho aõhyymy aõkõ roire. Iribireny rybidina adeereny kanakemy watxireri. Tule umy kanawiõhenanykemy watxireri ibutumy aõhe botnyke, marybemahãbenyke.

3 ¹Watyryiti-di konanamy tahe adeereny ararybekre. Waseriõrebobo, inydeereny bexitõenyke. Inynyrý rybemy araryberenykemy, inywitxira-ko arelyyrenykemy, tule Inynyrý rybe-di iwese rybe ayreny-ki aõwiwihikýmy raremyhý wese. ²Tule bexitõenyke kia iny iehehe-ribi arexitarenykemy. Ibutu iny dori inatyhyna rityhynyõreri. ³⁻⁴Tahe Inynyrý õbiti rare tii arawiõhenanykre. Tii ararurudýŷnykre kia reeryre. Satanasi-ribi arayrubunyrenykre. Tahe, aõmybo reernadýŷnyre wese kaiboho aõhebo tatýŷnytenyterimy heka adireny watximahãre tule kia wesehyyle rakatxirenyke. ⁵Inynyrý-ribi Deuxu luuna, Kristu itxõmotxina bede erynahaký adeereny kanakemy watximahãre.

⁶Kia Jesuisi Kristu Inynyrý bede ywina wese rare adeereny ararybekremy. Waseriõrebobo bexiweresynyke iny deoruxere-ribi, ibutumy iny waerysydýŷna roholaõre mahãdu-ribi, tii ityhydýŷdu mahãdu hãrele. ⁷Ayreny-ki roiremahäu, raaõmysdýŷhyymy roiremyhý. Tai kaiboho teerytenyte iwese mabekemy. ⁸Tiu iny witxira rýsýna rerýsýrenyõhyre, iõwyõmy. Txuu ruwana raaõmysdýŷýre waaõna aõna õwydýŷmy. Tai tahe adeereny isiramy aõkõ ayreny-ki jiarý raremyhý. ⁹Inyõ-ribi rýsýnaõ arirýsýmahãkeki, kia tahe ibinamy aõkõ rare, jiarý Deuxu rybemy rybedu-ki wahe. Tahe aõkõre urile rexideõsinykemy rerýsýõmahãrenyre. Iwese aõmysdýŷýna awirewesele umy reernanyrenyre. ¹⁰Tai rarewãhäu kia bede ywina rewahinyre: —Iny raaõmysdýŷýmyhýre riroxiõtyhy. ¹¹Jiarý raholawãhãre iny deoruxeretyhy-ò ayreny-ki ratximyhýrenyre, tiiboho aõmysdýŷý derarenyre, urile raujõmomyhýrenyre. ¹²Jesuisi Kristu Inynyrýni-di tamyneny ararybekre

rayruburenykemy, raaõmysÿdÿÿrenykeny ixideereny. ¹³Tahe adeereny, wase-riðreboho, ararybekre. Aõwiwihikÿ widÿÿ-ò ixirarenyõmy. ¹⁴Inyõ ka waryberiti riywinyõkeki, mobo tii rare bierybenyke tahe kie-ribi irehemy biijeke, tai tii raixÿrukemy. ¹⁵Urile tii aòludumy aõkõ ratxireri. Aseriðre wesemy tamy marybeke. Biijemy idi ahåke.

¹⁶Inynyryÿ ywina wedu rare. Tii adeereny ywina ibutumy aõmydÿÿnana-ki kidiwahinykeny idi watxireri. Inynyryÿ awanareny ratxikemy idi watxireri.

¹⁷Kia konana warybewehityyna jiarÿle ariritinykre wadebò-di. Ibutumy waryberiti-ki rÿire wese kawesele wani retidire. Paulo. ¹⁸Jesuusi Kristu Inynyryÿ wiðhena ibutumy adeereny ratximyhÿkeny idi watxireri.

1 Tximòtxi-ò

Paulo Juhuu Tyyriti Tximòtxi-ò

1 ¹Jiarĩ Paulo watxiwāhāre. Jesuisi Kristu deòdĩyña watxiwāhāre. Deuxu iny tarasadumy riwateònyre, tule Jesuisi Kristu Inynyrĩ riwateònyre. Tii tahe inyaròsònareny rare. ²Katyyriti adee rewahinyreri Tximòtxi. Kai inatyhymy wariòre wesemy atximyhĩte ityhydĩydu mahāduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

³Jiarĩ Macedonia-ribi rareu, adee warybe rewahinyre kai Efesu hāwā-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti witxiramy ròerydĩyñanyre riki. ⁴Ihetxiu ijyymy heka rusake kiawesemy heka kai tamyreny marybekre. Talahi talabie òraruò-raru-di he ròhòtinyòhyymyhĩkre. Kia aōna aōna tahe rybenatyhytyhyre. Kia aōna aōna iny lahi òraru rybena-di ixinohòtidĩyōmy. Kia ityhydĩyñadile kanakre. ⁵Kia wiluuna tahe inywolyrahakỹwo-ribi ròhònymyhĩre, iny raykylarahakỹ wo-ribi, iny ityhydĩyñatyhy-ribi. ⁶Kia aōna aōna wihikỹ-ribi iny rexixāwididĩyñnyre. Tai tahe aōmybo rarybemyhĩre heka rieryòhyymyhĩre. Aòtyhymy aòkò wídee rarybemyhĩrenyire. ⁷Bede ywina tyyriti ersydĩydu wesekey rexinohòtinymyhĩre, tahe rieryòhyymyhĩre aōmybo raremy. Aōmy rierynanymyhĩrenyire tahe timybo ihĩremy rieryòlemyhĩrenyire. ⁸Katahe inyboho rieryrenyire. Inyò bede ywina tyyriti òbitimy rityhynykeki, Bede ywina tyyriti heka awi rare. ⁹Inyiwihikỹ-ò heka tiu bede ywina tyyriti riwahinyòhyymyhĩre. Inybina binaòle iwahidĩyña rare, iny òrarudu-ò, iny ityhydĩydukòdu mahādu-ò, iny aleerydu-ò, iny tadi tyby-wana rirubunymyhĩre mahādu-ò. ¹⁰⁻¹¹Kia iny-ò bede ywina tyyriti rĩymyhĩre. Ibutumy bina bina widĩydu-ò. Bede ywina tyyriti rĩymyhĩre ka mahādu-ò: inydĩywe mahādu dee, taòtaòta witxiramy òtadu mahādu-ò, inywasidĩydu-ò, ruidu mahādu-ò. Deuxu ijyy tĩmyra wihikỹ dee wiòkeki, tii aōna aōna riwinykeki, tamy. Deuxu bede ywina tyyriti roimyhĩre. Deuxu bedeerydĩyña òbiti aòkò-reki, Deuxu wiwihikỹ loosònadewimy aòkòreki kia ersydĩyñadu jiarĩ rare.

¹²Jesuisi Kristu, iny wedu waruruixiòlòdĩydu rare. Jiarĩ tamy wawimy raremyhĩ. Tai tarybe-di wiòhedĩyduy riwatare. Kia-ò Jesuisi Kristu heka jiarĩ rewowydynyire. ¹³Juhuu jiarĩ tuu rarybere. Ityhydĩydu mahādu-ò wadeburemy rarewỹhĩ. Tule Jesuisi-ò wedeburemy rarewỹhĩ. Tahe wadee raruxetòenyrenyire. Tahe ibutumy kia reerykòlemy rewinyimy raremyhĩ, retyhynyòlemy rewinyimy raremyhĩki. ¹⁴Inywedu sòwemy wadee raruxetòere. Tii riwasĩny ixiluuwewihikỹkemy, rikityhynymyhĩrenyikemy. ¹⁵Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare.

Jiar̄y heka òrarudutyhy nihik̄y rare. ¹⁶Iurenanamy tahe tii riwaruxetòenyre. Tiu heka waki rexiraòre. Tii riwateòsinyre juhū ityhyd̄ȳdu wesemy. Ityhyd̄ȳdu mahādu-ò itxerenamy, iwese tii mahādu kidityhynkremy. Tai umy tuedekòdu mahādu-ò ralòkemy. ¹⁷Beàlāmahābenyke Deuxu-ò. Tii heka beded̄ȳnana tuedeòdu huk̄y Iòlò rare. Tii lobixina aòkò rare. Tii sohojile rare. Beàlāmahābenyke aōu aōu, wowydyna tamy biwahinyke. Kie.

¹⁸Ka inatyhmy rybemy adee ararybekre Tximòtxi —kaì dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihik̄yke. Besuke arurutyhmy aōbo òbitimy ratximyh̄yre wihik̄y-ò. ¹⁹Aòhewe òhōtiwydynawimy mabekre. Bityhynmy mabekre. Inyò heka idi rōhōtinyrenyōra, tai reserenyra ityhyd̄ȳ-ribi. ²⁰Ijō Imineu inire, Alex̄dre ijōre. Jiar̄y rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeòtyhy.

2 ¹Delemy kamy ararybeke: Àlāna sōwemy idi rawahinyke, ibutumy iny-ki bexitòtenykre. ²Iòlò dee, ibutumy dinodu dee tule bexitòtenykre. Tamyreny biixitòdēd̄ȳnanamy Deuxu-ò, tule Deuxumy beòbykemy, tai ibutumy iny iworana bedehesimy r̄yikre. Deuxumy iny rōkōhōtinyrenykemy idi òbitimy tamy rokoirekemy. ³Kia wese awire Deuxu dee. ⁴Deuxudeewimy ibutumy iny ritakemy raerykemy tibo inatyhy raremy. ⁵Deuxu sohojile rare iny-ki rybedu tule sohojile rare, Deuxu-ò iny mahādu tii sohojile kia riwinyre. Tii hābutyhyhyk̄y rare. Tai tahe tii tiò tiò rare, Deuxu, iny mahādu-wana widee ributunykemy, Jesuisi Kristu wahe. ⁶Jesuisi rexiwahinyre ibutumy iny òraruna òwyd̄ȳmy. Tii heka riòwynyrene sohojihyulemy. Kia heka tiiehyymy deòsid̄ȳmy rarekemy. Tiu iny mahādu rahenykemy Deuxu rexinohōtinyre. ⁷Jiar̄y heka imynynamy riwamyre kia rybe-di arelyykremy. Tule jiar̄y rybe-di dohod̄ȳdukremy riwamyre iny wixira bederyd̄ȳmy judeukòdu mahādu wahe. Kia raerykemy tibo inatyhy raremy. Kia dori inatyhy rare.

⁸Ibutumy dohod̄ȳna hetowo-ki ibutumy rexitòtenyrene rexitihynmy. Ujōmomomy rōhōtinymy aòkò. ⁹Hāwyy uritere ixidi nohōtityhyōmy ixiāōmyd̄ȳnad̄ȳmy urile ywilemy ixidi rōhōtinykemy. Hāwyy ityhyd̄ȳdu ixiywid̄ȳna tahe tywihik̄y aòkò, iradesihod̄ȳtyhy aòkò, deorutylududike aòkò. ¹⁰Urile tahe iyrubukemy Deuxu-di rōhōtinyke tamy aōwiwihik̄y riwinykre. ¹¹Hāwyy ityhyd̄ȳdu mahādu ròeryrenykre yrubu-ki. ¹²Jiar̄yle heka hāwyy ariwahinyōtyhy hābumy h̄ȳnakemy, hābu eryd̄ȳdukemy tule tuu areònyke aòkòre, hāwyy heka urile iyrubumy r̄yike. ¹³Adaō heka Deuxu juhule riwinyre idi Eva riwinyre. ¹⁴Tule tahe Satanasi Eva juhū riitxenanyre, Adaō aòkò tai raòrarunyrene. ¹⁵Hāwyy uladu reakeule rexitake. Idi ròtyhyd̄ȳmy. Inyluumy idi rexitihynkreki.

3 ¹Kia rybe inatyhy rybe rare: —Inyò dohod̄ȳdu dinodumy rarekeki. Kia heka rexiburemyh̄yre aōwihik̄my ratximyh̄yre. ²Tahe rybe-di dohod̄ȳ aōmys̄d̄ȳdumy ralòkeki, tii heka òbitimy rareke, tahāwyy sohojidile, rexitihynmy rarekemy, iny inatyhy, iny aòraru rarekemy, erynad̄ȳdutyhmy rarekemy. ³Tii heka iaxaxa luuōre aōbina luumy aòkò rare tule iyrubure. Tahe tule iaōmy nohōtidu aòkòre. ⁴Tii heka taijoimy reònymyh̄yre, tariòre rierynanywihik̄myh̄yre ixirybe rityhynkemy. ⁵Inyò tahe taijoi reònyōkeki, Deuxu aōmyd̄ȳna-di òbitimy raaōmys̄d̄ȳōtyhy. ⁶Tii ityhyd̄ȳdu t̄myra aòkōmy rarekemy. Raxiwedenymy rarekeki tahe urile Satanasi alòsena-txi

tii reseke. ⁷Ihärele tahe ityhydÿÿdu mahädu aökô rare ihÿre, awimy tuu rarybemyhÿre. Tuu heka raujömorenyötyhy tule tii Satanasi ireitidisi-txi reseötyhy. ⁸Tule dohodÿÿdu wiðhedÿÿdu mahädu, kiawesele rarekemy. Tii tule òbitimy rarekemy irybe òkese òkese aökô, iaxaxaluu aökô rare, tule aöna aöna sówemy nohòtidu aökô rare. ⁹Iny inatyhydÿÿnareny òbitimy tuu rotohodÿÿnanymyhyÿrenyke, tarayky òbiti-di. ¹⁰Tule kia wesele raurihikre. Iribi òbitimy ròhònykeki, tai dohodÿÿdu wiðhedÿÿdu mahädu-ò ralokre. ¹¹Ihàwyy tule òbitimy rarekre. Ujömodumy aökô rarekre, iyrubukemy, urileta rexityhynymy rarekemy. ¹²Tule dohodÿÿdu wiðhedÿÿdu mahäduò ihàwyy sohojidlemy rarekre. Tariòre, taijoi-wana reònymyhyÿkre. ¹³Kia mahäduò Deuxu aòmÿsÿdÿÿna òbitimy riwinymyhyÿreki, inatyhymy tii iny rityhynykre. Tai Deuxu aòmÿdÿÿna tii riòbitinykre ibutumy inydee.

¹⁴⁻¹⁵Aramy jiarÿ wylemy arakemy watxireri. Aökòkeki urile warybe ritina adee rewahinyreri. Kia warybe-di biernanybenyke aöhebo ityhydÿÿdu mahädu warybe-di rotÿÿnykemy. Ityhydÿÿdu mahädu Deuxu ijoio rare. Inatyhy rybe yrubudÿÿdu rare. ¹⁶Iny tyhydÿÿnareny awi tyhytyhy rare. Kia wese rare: —Jesuisi heka hàbu wese nade. Tii Deuxu Tytyby-di òbitimy rityhynyreu, ÿjureny tuu robirenyre. Taaòmÿdÿÿnanarenymy ibutu bede bedemy relyrenyke. Sówemy iny rityhynyrenyke. Roosere biu botorahakÿ-ò.

4 ¹Deuxu Tytyby rarybera: —Ihwoladu bededÿÿnana txuu hàbu tytybybina rybe-ò roholakre. Tai iny tyhydÿÿnanareny ririkre. ²⁻³Take ruina rybe rityhynyre, hàbu aömy nohòti erykò rybe-ò. Kia heka hàbu raerynadÿÿmyhÿre uritere hàwyy my heriòmykre, ijò rÿsÿna aötxi irÿsÿòkre. Kia rÿsÿna iny rirÿsÿke Deuxu riwahinyre. Juhuu àlàna Deuxu-ò rawahikre. ⁴Kia heka ibutumy Deuxu riwinyre awire. Aö aökô heka awiòre. Deukumy beðbyke, kia tahe ibutumy awike. ⁵Ixitòedÿÿna Deuxu rybe kia ibutumy awimy risÿnykre.

⁶Kai heka ityhydÿÿdu mahädu biernanykeki, kai heka Jesuisi Kristu aòmÿsÿdÿÿdu mahäduwiihikÿò tate. Kia inytyhydÿÿnareny erydumy mabekre. ⁷Kai ihetxiu nohòtiwidÿÿna ijyy bityhynyötyhy. Marurunymy mabeke Deuxu aòmÿsÿdÿÿnana-ò. ⁸Aumyruru urihimÿòmy idi mohòtinykre, atytybywi-di tahe kia idi sówemy mohòtinykre kai kabede-ki adeewikre tule tiu bede-ki awikre. ⁹Kia rybe heka òbiti rare. Ibutumy iny rityhynyke. ¹⁰Inyboho raaòmÿsÿdÿÿnymyhyÿre inatyhymy. Deuxu dori iny rityhynyre. Tii ibutumy iny tarasadu ratximyhyÿre, ityhydÿÿdule tarasadure. ¹¹Kia warybemy biernanybenyke. ¹²Iny aratyhynyòkeki kai matuari aökô tateki, tai ityhydÿÿdu wihikÿ mabekremy bexityhynyke. Tai tahe arybe-ò aratyhynykre aityhydÿÿna, aluuna, òbitina òraru-ki wahe. ¹³Adehemynykre kotyre, Deuxu rybe-di mariakre dohodÿÿna heto-ki, idi belyykemy mabekemy tule biernanykemy. ¹⁴Uritere nohòti lusaömy kai erydÿÿdu wihikÿ tatemyhÿ. Dohodÿÿna matuari mahädu debòtidina-di arateònyrenyreu, wahisidÿÿna weseò tetate rybe-di tÿnydÿÿna òraru-ki. ¹⁵Kia aòmÿdÿÿnanamy mohòtinywityhymyhyÿ. Ixidile bexiwinityhymyhyÿke bede erydÿÿnana-di tule bexiwinityhymyhyÿke. ¹⁶Tai kai òraru-ribi bexitake tule aijohonana-di òraru-ribi bitakre.

5 ¹Matuari ityhydÿÿdu mahädu-ò ywimy aöki tamy marybemyhÿke, bowese idi atximahäke Weryrybò mahädu, aseriòre wesemy

bitohodÿÿnyke. ² Senadu mahädu adi wesele biernanykre. Ijadöma mahädu aseriöre wesere ibutumy òbitilemy biwinykre. ³ Inatyhytyhy wytese mahädu kai bityhynykre iòsÿnÿ biwinykre. ⁴ Iriòredikeki, iriòkòredikeki, juhuu iriøre biernanykre imahädule òbitimy biwiòhenanykre idi watxireri. Kia dori Deuxu dee awire. ⁵ Wytese mahädu ixisohojilemy rasÿnymyhÿre iriòrekò-keki, Deuxu-ribi aöna aöna riraòmyhÿre. Deuxu dee söwemy rexitòenymyhÿkemy. ⁶ Kia tahe wyteseò òraruna luukeki kia tahe irulemy ratximyhÿre häre rubu rare. ⁷ Tximòtxi, kia bede ywina tahe rewahinyreri urile wytese mahädu òwe òweömykremy bibedeernanykre. ⁸ Inyö juhuu tasÿreny dee idi aöna aöna taijoi dee kanawyökeki, tii ityhydÿÿduködu mahädu ratyre rabinare. Tii ityhydÿÿdu mahädu wese aökò dotÿÿnymyhÿde. ⁹ Wytese tÿmyrani tyriti-ki iritidÿÿömykre 60 ibeòraökeki. Tule tii sohojihyyle roire häbumy. ¹⁰ Tule tii aöna aöna wihikÿ riwinymyhÿre, tariøre ritybienyre, taroraludu-ò awimy raremyhÿ, ityhydÿÿdu mahäduwa risuhömy raremyhÿ, aöhökÿtyhytyhymy rotÿÿnymy rare mahädu riwiòhenanymy raremyhÿ. Aöu aöu heka iny witxira riwiòhenanymy raremyhÿ taworana bedehesi-di. ¹¹ Wytese tÿmyrani heka tyriti-ki iritidÿÿömykre. Häbumy herimy röhötinymyhÿre wana, tai Kristu-ribi töhöti rosamyhÿre. ¹² Tarybe ywidÿÿna riwinyölemyhÿre, tai iurenana tahe tuudÿÿdumy Deuxu-ò ratximyhÿre. ¹³ Hetomy rawerywerynymyhÿre kia urenana urile raujömomyhÿre aöna aönalemy. Aö heka riwinyölemyhÿre. Kia ratyre bina tahe tuu rybenanamy aökò rybebinamy rarybemyhÿre. ¹⁴ Kia heka wadee awire wytese tÿmyra häbumy roikre, rariòrerenykemy, tule taheto riwinykemy. Kia wese iöludu inydeereny aöna aönabinamy rarybeöhykÿkre. ¹⁵ Wyteseò dori Satanasi hemy roire. ¹⁶ Wyteseò ityhydÿÿdusÿ-ki rarekeki, tii heka riwiòhenadÿÿ rÿikre. Kiawese dohodÿÿdu mahädu nieru tamy ritakre. Kia nieru rayrubunykre. Tahe rawahikre ixisohojile ratximyhÿre-ò.

¹⁷ Matuari ityhydÿÿdu mahädu iny rityhytyhynykre. Dohodÿÿna mahädu aömydÿÿnana òbitimy retehemy ratximyhÿkeki, ratyhytyhynykre. Inatyhytyhywityhymy kowa òbitimy relyymyhÿre tule rybe wihikÿ rierynanymahäre kia heka raöwywikre. ¹⁸ Tai tahe raritidÿÿmy roimyhÿre: —Broreni mai-xömotyre iwysydÿÿmy rariamyhÿu, iry ratòbönötyhy ibyre lau. Tule ròritidÿÿmy roimyhÿre:

—Mobo raaömysÿdÿÿmyhÿre, tii heka iny riòwynymyhÿre.

¹⁹ Matuari mahäduò iny tuu raujömokeki, tuu arityhynyötyhyke. Tuu lobi-xidu inatxi ada inataökeki, aratyhydÿÿkre. ²⁰ Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijö iny ruberumy rÿimyhÿkremy. ²¹ Adee ararybekre. Deuxu, ÿjureny, Jesuisi Kristu-wana ibutumy warybe-ò roholareri. Kai warybe biwinykre. Myheka wiratyre widi röhötinyötyhy. Tiiemy wiwese weselekemy rÿikemy. ²² Uritere rybe-di tÿnydÿÿdu tÿmyra juhu biurihike idi tahe debòtidina-di biteönyke rybe tÿnydÿÿmy. Kawese aökökeki heka häbu òrarunamy tuudÿÿdukremy ösana mabekre. Aömydÿÿnana tiiemy òbitimy biwinymyhÿ. ²³ Bee sohojilemy aökò biökre urihimyömy vÿimy biökre. Kai dori awo ibinareriki tiiemy tuu abinareri. ²⁴ Ijö òraru aöwesele iny kanatÿnykre, bedeluura aöwesele kòdòhònykre. Ijö òraru taheka idile kanatÿnykre. ²⁵ Ruxetòenawihikÿ iwesele rare. Ele tii raeryötyhy idi tahe iny rierymyhÿre.

6 ¹Ibutumy wetxuō tawedu rityhynykre. Tawedu rityhynyōkeki heka Deuxu nibinarybemy iny rarybekre. Tule ityhydýýdu eryna binamy rarybekre. ²Weduō ityhydýýdukeki, kia heka ire ratyhydýýmyhýke tule aōnityhymy tamy aōmysýdýýkre. Tii dori ityhydýýdu seriðre wese rare. Kia dori taaōmysýdýýnteri ityhydýýdu widee. Kaiboho ixideerenyle wiluukemy. Kia tule bierydýýnykre.

³Inyō erydýýna witxira rðernanykeki kia òbitimy aōkō Jesuisi Kristu Rybewihiký wese aōkō ratxikeki, ⁴kia hābu ixiwede rare, aō rieryōlere. Kia hābu urile dýýraxidýý luure. Kia dýýraxidýý-ribi ibutumy rybe jei jei ròhð-nymyhyre. Iribi tahe tule rexinaanymyhyre, raujòmomyhyre, rexiwodohonanymyhyre. ⁵Raruimyyhyre. Kia ibutumy rotýýnyrerí, hābu tōhõtina òwed-were. Inatyhyna-ribi kia hābu tōhōti rosare. Ityhydýýdureki tii ròtakemy ixidi ratximyyhyre. Kiamy heka rōhōtinymyhyre. ⁶Inatyhymy ibutumy heka tai iny aōtyhydýýdu-ki taaō-di teysakreki. ⁷Aō kabede-ò iny ixihemy diwyðhyydenyde inatyhymy heka rukururenkykre tule aō ixihemy kabede-ribi rikiwyōtyhyrenykre. ⁸Iny tydyrenykeki, iny rýsýnadirenykeki, urile reysarenkykre. ⁹Tahe inyō ityhymy ixidikeki, tii òraruna-txi resekre. Kia heka iny rexiburemy, rexibinanymyhyre, tule rexiraykyitxýtenymyhyre. ¹⁰Inyō nieru luukeki, tii aō òta òta òraruna-txi resekre. Kia-di heka iny sōwemy ityhydýýdu mahādu-ribi ròhðnyra aōhōkýmy rotýýnyrenyre.

¹¹Kai Deuxu ijoi tate. Ibutumy kia-ribi bexiemy mabekre. Uritere ityhymy ixi-di nohōtiōmy tahe awimy mabekremy mohōtinnykre. Deuxu wiwese, ityhydýýdutyhy wese, Deuxuluu wesemy. Tiiemy heka òbitimy atximahāke, ywimy ainytyhymy atximahāke. ¹²Aōu aōu òbitimy atximyhýkemy marunyke, umy tudekōnahaký bitakemy, kai tule inatyhy rybemy tarybete iny-sōweko-ò, Deuxu dori adee rarybere juhuu. ¹³Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. ¹⁴Kaheka warybe rare: Kai heka bedede ywina bityhynyke aō bedede ywina tyryiti òraru-ki aōhe botýýnyōtyhy. Biraōke Inywedue Jesuisi Kristu dehemyynyna txuu. ¹⁵Tiutxukremybo Deuxule kedexitýnnykre, tii deysana wedu rare. Tii sohojile heka lōlōmy rare. Ibutumy lōlōwedue rare. Ibutu wedu wedumy rare. ¹⁶Tii sohojile heka tiu ruruðhy rarekre. Tii irehetyhymy loosðnawo-ki rasýnymyhyre. Tiimy heka inyō tuu robiōtyhyre. Inyō tiu iðhōmy tamy rehemynyōtyhy. Tamy rikiwodeysarenkykre. Tiðhe aōu aōu taruru-di ratximyyhy.

¹⁷Kai marybekre iaōdi mahādu-ò uritere ta aōna aōna-di rexiwowydnyōtyhy, iaōna aōna dori rýiðhykre. Tahe Deuxule rityhynykre. Tii dori ibutumy aōna aōna wiwihiký inydeereny riwahinyre. ¹⁸Tii aōna aōna wihiký inydeereny riwahinymyhyre. Iaōdi mahādu uritere aōwihiký-di ijð-ò rawiðhedýýnykre. Aōu aōu ròwirareamyhýke iny-ò. ¹⁹Kia wese tiiboho ributunrenykre. Aōna aōna wihiký biu-ki awimy idi rarekre. Tule umytudekōnahaký tiiboho ritarenkykre.

²⁰Kai Tximòtxi, aōbo adee rawahidýýre, kia biyrubunykre. Rybe òwe òwe-ribi irehemy mabekre. Aōbo heka raninireri bedeerydýý kia heka inatyhy aōkō rare. ²¹Inyō kia aō erydumy ixi-di nohōti-ki, rexitara ityhydýýdu mahādu-ribi. Deuxu deysanamy adee ratximyhýkemy idi watxireri.

2 Tximòtxi-ò

Paulo Inatxina Tyyriti Tximòtxi-ò

1 ¹Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxu-deewireki wahe. Jesuisi Kristu juhuu rarybere, umy tỹmyra tuedeòna inydeereny kidiwahinykre. Tii kia wedu rare. ²Kai Tximòtxi, wariòre waluunadu wesemy atximahâte. Kia tyyriti adee ariwahinykre. Wiðhedỹña, ruxetðena, ywina, Deuxu Inytyby-ribi, Jesuisi Kristu Inynyrỹ-ribi adee kedehemynykemy watxireri.

³Deuxumy reàläreri iwese wahabohomy reàlære wese. Wanohòti Deuxu-ò ywile jiarỹ rare. Aõu aõu adee, Tximòtxi, rexitðenymahære. Txuõ txuõlemy, ruwana Deuxu-ò rexitðenymahære. ⁴Iu rareu, arube-ribi wanohòti rosa-hyymhỹre. Arora-ò arakemy watximahære, wadeysatyhymy ararekemy. ⁵Atyhydỹña-ribi wanohòti rosaõtyhy. Alahi, Lòide, juhuu rityhynymhỹre. Idi adi, Eunisi, tule rityhynymhỹre. Kai tule wiji tetyhynymhỹte inihe. ⁶Kia dorihe itxi òhòti reijaranyrerì. Wadebò tahe aratityre retidireu, arayky-ò Deuxu aõ riwahinyre awahisidỹña wesekremy. Wiji kia arayky woludu ròròra wana biixixanyke. Kia dori Deuxu wahisidỹña rare. ⁷Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bederydỹña riwahinyra. ⁸Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydỹña-ò aõhòkỹmy rokotỹnykre. Deuxu dori inydee ruru riwahinymhỹre. ⁹Tii heka iny ritarenymy biu-ò hena riwahinyre wahe. Tai taaõmysỹdỹña inydee diwahinyde. Iny awirerimyrareki aõkõ inydee diwahinyde. Taruxetðenale-ki inydee diwahinyde ixideewireki. Juhu bedeu Jesuisi Kristu òraru-ki ruxetðena inydee diwahinyde. ¹⁰Kia ruxetðena wijile rehemynyra inydee. Jesuisi Kristu inytarasadu kia diwyde. Tii rubunale riixawididỹnyre. Biu-ò hena Rybewihikỹmy kia ritỹnynymy diwyde. ¹¹Riware tarybemy rybedumy. Rybedumy riwateõnyre, tule bedeerydỹdukemy riwateõnyre. ¹²Tai judeukòdu mahàdu òraru-ki aõhòkỹmy ratỹnynmahære. Ihàrele tahe raixỹruõlemahære. Rexieryre dori tii retyhynymahære. Reeryre dori tii ruru dire waaõmydỹñnana tamy retidire iyrubudỹmy kiatsu-ò. ¹³Waòbiti rybe biywinyke juhuu kia wamy taholate, ityhỹña-di. Biywinyke luuna-wana. Jesuisi-ki tahe luuna tyhy rare. ¹⁴Timybo Deuxu adee diwahinyde, biyrubunykemy. Deuxu Tyytybytyhy dori inywo-ki ratxireri.

¹⁵Ibutumy kabede ludu Asia ludu riwarira. Fikelu ijònire. Erimojini tahe ijòre. Kia tahe kai teeryte. ¹⁶Inynyrỹ ruxetðena kidiwahinykemy watxireri

Onisiru s̄mahādu-ò. Tii dori aōu aōu riwawiòhenanyre areysakemy. Tiu riix̄rud̄ȳnyōtyhyre wawomati reroti-di jiar̄ȳ ranyreriki. ¹⁷Tai tahe Roma hāwāhāk̄y-ò ritehemynyreu, riwaijehyyre; idi tawa-ki rahare. ¹⁸Iny Iòlò ruxe-tòdena tamy kidiwahinykemy watxireri kia txuu. Efesu hāwā-ki dori Onisiru riwawiòhenanytyhyre. Kia teeryte waratyremy.

2 ¹Kai tahe wariòre wese tate. Jesuisi Kristu làhàna-ribi ruruna bitake. ²Aōbo wary-ribi taholatemy iny sōweko-ò relyyreu, kia ijō iny òbiti-ò tuu belyykre. Iny rexihumy rarekoòle tuu belyykre. Idi tahe tiiboho inywixira ribedeerynyrenykre. ³Waaòhōk̄myd̄ȳnana wawana tuu bot̄ȳnykre. Jesuisi Kristu soldadowihik̄y-wesemy kai mabeke. ⁴Soldadoò tadinodu aōmyd̄ȳnanale rityhynmyh̄ȳre. Tii ixideewimy rarutaaōtyhy. ⁵Ijesudu ijesu ritake òbitimy resukekile. ⁶Oworuwid̄ȳdule juhūu suribi bederaty ritamyh̄ȳ. ⁷Aōmybo wiji raryberadi mohotinyke, raweseranyreki. Inyiòlò ibutumy araerynanykre. ⁸Jesuisi Kristu rubu-ribi ixixadu-txi òhōti reake. Ihetxiu Davi Jesuisi labiemy raremyh̄ȳ, iwese inyrybewihik̄y rarybere wese. ⁹Rybe wihi-k̄my relyyreki dori womati reroti-di rataamy aòhōk̄my rat̄ȳnyreri, aōbina wid̄ȳdu wesemy. Deuxu rybe tahe, inyō ritaaōtyhy. ¹⁰Ibutumy reòludunymahāre ityhyd̄ȳdu mahādu dee, Deuxuhōrō dee. Kiaboho Jesuisi Kristu tarasany ritakemy idi watxireri. Tarasana, làhàna aōu aōu ritakemy idi watxireri. ¹¹Rybe inatyhy rare. Jesuisi Kristu-wana iny rurukeki, irumy tii-wana aroireke. ¹²Inyboho rikityhynyhyrenykeki, tii-wana riòlònyrenyke. Inyboho Jesuisi rikitiōnyrenykeki. Tii tule iny ritxiōnykre. ¹³Iny rikityhynyōrenykeki, ihārele tii ityhyhymy rarekre. Tii rexitxiōnyōtyhy.

¹⁴Iny nohōti kia-txi reakemy biwis̄nyke. Tamy marybeke ujōmohyyōmy rarekemy. Ujōmo tahe wiòhed̄ȳna aōkō rare. Ujōmo-ò ijohonadu urile ujōmodumy relekre. ¹⁵Kai tahe marurunye Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, bierynanyke. Tahe bexiix̄rud̄ȳnyōtyhy. ¹⁶Rybe òweòwemy rybedu-ribi irehemy bexieke, rybebina-ribi tule. Kia rybedu urile raòrarunynihik̄myh̄ȳke. ¹⁷Kia eryd̄ȳna reuròmyh̄ȳre yjy wese. Imineu, Filetu-wana kia wese rieryd̄ȳnanyre. Kia rybe inatyhy-ribi rexihitxinyre. ¹⁸Tii rarybemyh̄ȳre: —Iny ixixana dorihe reara. Kia rybe-di ityhyd̄ȳduò wimy uriurile rityhynreri. ¹⁹Deuxu hōrō tahe inatyhymy r̄yirakre. Kia tahe urihixina rare:

—Deuxu tahōrō mahādu rierymyhyre.

Ijō tahe:

Inynyr̄ ijoimy iximy rybedu, òraruna heka riatykre.

²⁰Ityh mahādu hetonihik̄ywo-ki womati t̄ȳr̄ȳh̄ȳk̄yhyna, pratahyna sohojile aōkō r̄yire. Òwòruhyana, suhyana tule r̄yire. Hynaò tahe r̄ys̄nawihik̄y hyna rare. Ijō tahe r̄ynysi-di dehuna rare. ²¹Kia hyna wese iny r̄yira. Ijō r̄ynysihyna wese r̄yikeki, idi rexisuhokeki, r̄ys̄nalyralyra wesemy reuròke. Tawedu-ò awimy r̄yike, tawedudeewimy. Tai tahe aō wihik̄yhynamy rexiywinymy r̄yire. Kai tahe iwelese mabeke. ²²Kai ijo i t̄myra tate, amahādu òraruna-ribi bexiekemy; ixi-ribi aō-di rōhōtynreri, kia-ribi mahenyke. Òbitina, ityhyna, luuna, ywina-wana biheludunye. Deuxu-ò rexitòdenye òbiti mahādu-wana. ²³Erysyd̄ȳna itx̄ytemy wiribi rybeōmyke. Kiaribile ujōmo ròhònymyhyre. ²⁴Deuxu deòdu rajōmonyōtyhy. Tii tahe iny ibutu dee ywimy ris̄nymyhyre, eryd̄ȳnany rexihumy ih̄ȳmyh̄ȳre. ²⁵Ywina-di

riòbitinyreri iny ixitxiòdýña mahädu. Tii heka riraòreri Deuxu worahòre-sena tamy riwahinykemy. Idi tahe inatyhymy rierykemy. ²⁶Tule itxýte-ribi ròðsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

3 ¹⁻²Bededýñana konanamy bededýñana sirahaký kýnyikre. Kia tahe bieryke. Iny ixideewimy riwinykemy ixi-di ratxikre. Nieru tarasalemy ixi-di rexinohòtidýñnymyhýke. Rybetyhyhykýlemy iximy rarybekemy ratxikre. Ixidee awihikýlemy röhòtinykemy ratxikre. Rybebinalemy rarybemyhýkre. Tyby ise-wana riywinyòhyymyhýkre. Inyò-ò aómy reà-làòhyymyhýkre. Òbitiry rityhynyòhyymyhýkre. ³Iny-ò tuuna ihoòhyyre. Inyò ibiòwamy rareòtyhy. Aòbina binalemy inymy relyymyhýkre. Rexti-winyòhyymyhýkre. Rebureheký rariamyhýkre. Òbitimyno ibinahyymy rarekre. ⁴Iny deòsadýðdumy rarekre. Ixiluunadumy rarekre. Ywimy aòkò rarekre. Iwisýdýña luuhyymy rarekre. Deuxu tahe tuuòkre. ⁵Òbitimy risýnymyhýre wese tahe òbitiruru ritxiònymyhýke. Kai, Tximòtxi, kia iny-ribi irehemy mabeke. ⁶Kia häbu tahe hetoò-ò ralòmyhýre. Häwyy uri uri rýira xiwedeò-ò òrarulýxina-di ralòmyhýre. Kia tawisýdýña-di rierynanymyhýre tarybewiwidile, tahe häwyy rityhynymyhýre. ⁷Kia häwyy aóu aóu ròerykemy ixidi röhòtinymyhýre, urile tahe inatyhyna tiu rieryòtyhy. ⁸Iwese ihetxiu Ijäni, Ijäbri-wana Moisesi òludumy rýire wese. Wiji tule kia häbu inatyhyna òludumy rare. Irayky rawerynyre. Ityhydýña-di deòsanamy rýimyhýre. ⁹Tiu tako-ò raòtyhy, iitxýtereriki, kia iruina òraruna ibutumy iny rierykre, iwese Ijäni, Ijäbri òraruna ibutumy iny raeryre wese. ¹⁰Kai, tahe waerydýña-ò taholahyymahäte. Iwese raremahä wese tiwaheludunymahäte. Watyhyna teerymahäte, wadeyina, waywina, waluuna, waixiòlòdýña. ¹¹Aóu aóu inybinahaký wadi riwisýnyreri, tule aòhòkýmy ratýñnyreri. Kia ibutumy teerymahäte. Kia wade rotýñnymy rýire Atxiòkia häwä-ki, Ionio häwä-ki, tule Listra häwä-ki. Aòwitxira witxiramy aòhòkýmy ratýñnymahäre. Wanyrý tahe ibutu-ribi riwatate. ¹²Inyò òbitimy ratxikeki Jesuisi Kristu-ò, tii aòhòkýmy rotýñnykre iòraru-ki. ¹³Häbu bina bina rabinahykymy rarekre, tule häbu inatyhy aòkò rabinahykymy rarekre. Inyò tiiboho riitxenanykre, tule tiiboho inyò kidiitxenanykre. ¹⁴Kai tahe aòbo teeryte, kia-di mohòtinyke aòbo tetyhynymahäte-di. Tahe tiribibo teeryte, òhòtikile idi mabekre. ¹⁵Uladuribile teeryte Deuxu Tyryiti. Kiadile bierykre Jesuisi Kristu tarasadýña idi bimykremy. Kia adee kanake bityhynykekile kýnyhe. ¹⁶Ibutumy Tyritityhy Deuxu elewesenamy nade. Bedeerysyna urenana heka rare. Òrarudu òbitidýña heka rare, ibutumy riòbitinykemy. Tule aòbo awihikýmy raremy riernanykre. ¹⁷Deuxu deòdu dori òbitile rýirakemy. Aòwiwihiký widýña aòbo dori rexihulemy rýirakemy.

4 ¹Deuxu, Jesuisi Kristu kiaru-ki aräteònykre. Jesuisi Kristu dori rubu mahädu iru mahädu-wana wiribi rihitxinykre, tii taòlòna kaò kidiwykre. ²Belyyke Deuxu rybemy, inydee awikeki, tule inydee awiòkeki. Ywina-di iny biòbitinyke. Iny biwiòhenanyke. ³Bededýñnanabina kanakre. Kia txuu erydýðdu òbiti-ò roholaòhyyre. Erydýðdu ributunykre tamydeewimy. Iwese iny tòhòti nohòtijuty-ò rotýñnymyhýre wese tamy wimy aóna aónaòle rohohamyhýkre. ⁴Inatyhyerydýña-ò roholaòhyymyhýre. Urile ihetxiu ijyyòle roholakemy ixidi ihýre. ⁵Kai tahe ywimy maraykynyke. Ibutumy aòhòkýmy

botÿÿnyke. Deuxu Rybewihikÿmy belyyke kia tahe aõmysÿdÿÿnare Deuxu adee riwahinyre. Idi hyylemy mabekre. ⁶Iny riwawahinyke xiwena wesemy rubu-ò. Waixituededÿÿnana heka rehemynyre. ⁷Ijesu wihikÿwesemy tahe rexijesudÿÿnyre wese. Rekonananyra heka waumy ijera. Retyhynyhyra tahe ityhyna. ⁸Òbitiwidÿÿna raheto wese wadee rexihumy roire. Wanyrÿ, ywisidÿÿdu òbiti, riwawahinykre kiatxuu. Jiarÿ sohojiòle aòkò. Tahe tule ira-ròsòdu mahàdu-ò. Jesuisi dehemynyna luumy kia mahàdu roimyhÿre. Tamy tule rataanaò raheto wese riwahinykre.

⁹Wylemy inihe waroramy manake. ¹⁰Dema riwarira Tesalonia hāwā-ò rara. Tii bede aõmydÿÿnana luure. Kalatxia bede-ò Kresetxi rara. Dalimasia bede-ò Txitu rara. ¹¹Luka-wanale watxireri. Tahe kai Marku bididykre, wawiòhedÿÿdu wihikÿmy rarekemy. ¹²Txitxiò heka Efesu-ò reteònyre. ¹³Kai tahe manakreu warahana bidiwykre. Troaji hāwā-ki Karpu heto-ki tahe warahana rerire. Watyriti tule bidiwyke tyriti welÿte tule nohòti losaòtyhymy. ¹⁴Alexÿdre womati loresedÿÿdure warybe dibinanyhÿde. Wanyrÿ iòwydÿÿna tamy kidilidikre riwabinanyreki. ¹⁵Kai bexiekre kowa-ribi, inyrybe dori rityhynyòhyymhÿre. ¹⁶Juhuu dinodu-ò rewyònyreu inyò riwawìhenanyòhyre. Ibutumy rirahure waribi. Aòbo wabinamy riwinyre-ribi Deuxu tòhòti rosamy watxireri. ¹⁷Wanyrÿ tahe, riwawìhenanyra Deuxu rybemy rybe-ki. Iny witxira dori, judeukòdu mahàdu roholamyhÿre. Leaòry-ò, wadi rehukòra. ¹⁸Wanyrÿ tule riwatakre ibutumy aõmydÿÿnana bina bina-ribi. Kowa bede wihikÿ-ò riwadykre. Tuu rekealàkre aõu aõu bededÿÿnana roobymy. Kie.

¹⁹Warybe wehityyna Prisila-ò, Akila-ò biòkre tule Onisiru sÿ mahàdu-ò. ²⁰Erasto, Oritxi hāwā-ki rarire. Trofimo, Miletu hāwā-ki binamy resere. Taile heka rarira ibinamyhÿreki. ²¹Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Lauja ijòre. Tule ibutumy ityhydÿÿduseriòre rybe wehityyna adee riwahinyre.

²²Wanyrÿ awana ratxikemy watxiwāhāre. Tule làhàna umy-wana ratxikemy watximahāre. Kie. Paulo

Txitu-ò

Paulo Tyyriti Txitu-ò

1 ¹Jiarỹ Paulo rare. Deuxu deòdu rare. Jesuisi Kristu riwamyre inaty-hyna aritỹnynkemy. Kia tyhydỹña, Deuxu tarasana mahādu hōrō rare. Kia ityhydỹña dee inyō rierykeki, rityhynykeki, Deuxu deewimy tii rarekre. ²Umytuedeōnahakỹ iny riraōmyhỹre. Deuxu dori tuu rarybere ihetxi bedeu. Deuxu heka tiu raruiōtyhy. ³Ibededỹñana òbiti dehemynydeu, Deuxu aōmydỹñana rarybekemy rotỹnyre. Kia aōmysỹdỹña wadee Deuxu riwahinyre, iny tarasadurenymy rybe-ò. ⁴Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariōre wesemy Tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watxireri.

⁵Inyaōmydỹñana biòbitinikemy dori adee adiride. Kreta bede-ribi rōhōny-reu, dori waaōmysỹdỹña rehuōre. Kia-ki dori kowa-di anaride. Ibutumy hāwā hāwā-ki ityhydỹñu mahāduy-ribi kai matuari mahāduō bimykre. Iwese jiarỹ rarybere wese kai bimykre. ⁶Matuari òbiti bimykre. Matuari ihāwyy sohojiō rỹira bimykre. Inyō ityhydỹñdumy riōrenadule bimykre. Iriōre iōraruluukeki, iehehekeki, kia hābu bimyōke. ⁷Ityhydỹñu mahādu yrubudỹñu òbitilemy dori ihỹkemy. Inyō-ki heka ibinamy mahakeki, imynyōmy. Tii dori, Deuxu dee raaōmysỹdỹñkre. Ixidile nohōtidu mynyōmy. Hābukyara rybebyby, mynyōmy, vīī luudu aōkō, hābu aōbinaluudu aōkō, hābu ityhymy nohōtidu aōkōre. Kia mynyōmy. ⁸Iny inatyhyle, òbiti luunadule, taroraludu-ò awire mahādu, iny aōwityhy luunadule, ixiwedule, Deuxu rybe tyhydỹñu, kiale bimykre. ⁹Deuxu rybe-di kia hābu òbitimy rōhōtinikre, òbitityhylemy rierynanykemy. Inyō ierysydỹña rityhynyōkeki, erydỹñu irayky riwinykre tai ihewo-ribi rieryke, rityhynykemy. Tule iny iwitxira erydỹña-di rarybemyhỹreki, tii riòbitidỹñnye.

¹⁰Iny sōwemy inatyhymy rityhynyōreri. Tii dori aōna aōnalemy rarybemyhỹre, ityhydỹñu mahādu riitxenanymyhỹkemy. Kia mahādu-ribi, judeu mahādu ibutu ratyre kia aōna aōnamy rotỹñnymyhỹre. ¹¹Inyō kowa mahādury riirykemy tamy rarybeke. Iny sōwemy heka riitxenanymyhỹre. Òbitimy aōkō heka iny rierynanymyhỹre. Nieruòle heka iny rierynadỹñnymyhỹre. ¹²Kowa mahāduō, ierydỹñuō rarybera:

—Inyboho, Kreta bedeludu mahādu, ibutumy ruidu roire. Iròdu
brebuna wese iny roire. Inyboho heka teoruxere roire. Byrelemy
inyboho rōhōtinymyhỹrenyre.

¹³⁻¹⁴Aōmybo kahābu rarybera heka inatyhy rare. Urenana tahe arurumy rityhynykemy. Judeu mahādu ihetxiu ijyy-ribi tōhōtiren y rosakemy kai

marybeke. Hābu mahādu bedē ywina rityhynyōkemy. Kia hābu dori inatyhyna aōkō rityhynyre. ¹⁵ Òbiti mahādu dee ibutu òbitire. Ityhydỹ̄ȳdukōdu mahādu-ò aō aōkō òbitire. Tōhōtinareny dori aōbina binalemy rōhōtinymyhỹre. Aōu tii rexierye aōbinahakỹ riwinykemy. Deuxu-ribi tōhōti rosare. ¹⁶ Tiiboho rarybemyhỹrenyre: —Deuxu inyboho reeryrenyre. Tiiboho tahe Deuxu erydu wesemy aōkō aōna aōnamy rotỹ̄nymyhỹrenyre. Tiiboho iny riojinyrenyre rybemy reōbyōlemyhỹrenyre. Aōwiwihikỹ widỹ̄ rieryōrenyre.

2 ¹ Kai, Txitu, aōernawihikỹdibo biernanymyhỹke. ² Matuari mahādu kai biernanyke hābu ixiwedū mahādulemy roirelemy, ywimy nohōti wydynadu mahādu roirekemy, òbitilemy rityhynykemy, ibutu òbiti luukemy, iixiraterékemy. ³ Senadu mahādu tule biernanyke iyubumy rỹikemy iujōmoōmy rỹikemy, tule vīi luuōmykemy. Aōernawihikỹdibo biernanybenykemy. ⁴ Hāwyy tỹmyra hābumy heridu tỹmyra tahābu luukemy, tariōre luukemy, kia senadu mahādu riernanykre. ⁵ Tuu iyubumy rỹikemy, òbitimy raraykynymy rỹikemy, taheto riywinymy rỹikemy, awimy rỹikemy, tahābu rybe riywinymy rỹikemy. Kia wesekeki, Deuxu rybemy inyō ibinamy rarybeōtyhy. ⁶ Weryrybō mahādu tule biernanyke iyubumy rỹikemy. ⁷ Kai, Txitu, aōna aōna wiwihikỹmy botỹ̄nykre, tai tahe ityhydỹ̄ȳdu mahādu awesele aōna aōnamy rotỹ̄nykre. Kai biernanykeu, òbitilemy inatyhymy biernanykre. ⁸ Arybe òbitityhydile biernanykre. Tai tahe aōludu raixỹrukre aōmy dori umy rarybeōtyhy. ⁹ Kai biernanyke urideōdu mahādu tawedu rityhynykemy. Tamy awimy raaōmysỹdỹ̄nykemy. Tamy heka rōrawyōdỹ̄ōtyhykemy. ¹⁰ Rawasinyke aōkōre, ibutumy òbitilemy riwinykemy. Kia wesekeki, ibutumy Deuxu inytarasadu deewimy riwinykemy. ¹¹ Deuxu tae-rydỹ̄na-di taluuna ibutumy iny-ò rexideōsinyre. Taluuna tahe inytarasana-ò rehemynymy raremyhỹ. ¹² Kia heka iny tuu robikeu, awimy erydỹ̄na rahake. Riwaernanymyhỹ aōbina bina widỹ̄my tule òbitina-di yrubudỹ̄na-di iny rariakemy kabede-ki. ¹³ Tule iny riraōmyhỹrenykemy iny Deuxu wihikỹ iny tarasadu Jesuisi Kristu loosōnatyhywo-ki kedehemynykre. ¹⁴ Iny òwmy dxiwahinyde iny òraru òwydỹ̄renymy. Kia wese heka iny riwyre idi riratisenbenyre iny ijoi lyrahakỹ ixidee rimyre. Kia ijoi iluure.

¹⁵ Kai, Txitu kia aōna aōna inyko belyyke. Tai Deuxudeewimy riwinykemy urenana rakatxirenykemy. Iny biernanykre. Iny biōbitinykre. Iny ibutumy rityhynykemy matxibenyeke.

3 ¹ Kai ityhydỹ̄ȳdu mahādu ixi bitōhōtiijeranyke ibutumy hāwā dinodu, bedē dinodu rityhynykemy, tabede ywina rityhynykemy. Tule aōmysỹdỹ̄ynana wihikỹ riywinykemy. ² Modee heka ibinamy rarybeōtyhy, raaōbinanyōtyhy ywimy rarekemy, moheka iehehemy riywinyōmyhỹre. ³ Inyboho heka tule iehehe roiremyhỹ, iitxỹtemy roiremyhỹ, òraruluunamy iny riitxenanyemy roiremyhỹ, òtaluumy roiremyhỹ. Aōbina bina luumy iny witxira aōna aōna-di wii risỹnymy roiremyhỹ, wideramy roiremyhỹ. ⁴ Tahe Deuxu iny tarasadu luuna, ruxetōena-wana inydeereny dehemynydeu, tii kia-ribi iny ritarenyre. ⁵ Kia aōna aōna wihikỹ iny riwinyrenyreki aōki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatỹmyranyre Tatyytybytyhy-di. Umytỹmyra riwahinyrenyre, riwasuhōrenyra. ⁶ Tatyytyby inydee riwahinyre Jesuisi Kristu iny biu-ò hedureki. ⁷ Kiawese iny riwaōbitinyrenyre taluuna-di. Katahe inyboho umytuedeōna

ijödire. ⁸Kia heka inatyhy rare. Ka aõna aõna biernanytyhykeu, tahe wadee awikre. Kia wese Deuxu ityhydÿÿdu mahädu aõwiwihikÿlemy röhötinymy-hÿke tule rewinymyhÿkemy. Kia heka awire. Kia iny riwiöhenanymyhÿre. ⁹ÿraxina itxÿte kai rÿÿraxidÿÿõmy, iwyödÿÿõmy, rybe jei jei-ribi irehemy mabekre, tule lahi òraru rybe-ribi. Kia rybe aõ aõkõ rare. Awi aõkõ rare, iny riwiöhenanyõtyhy. ¹⁰Häbuõ rybe òwe òwe-di ityhydÿÿdu riernanykeki, aruru rybemy tamy marybeke. Kai inatxi rybemy marybekeki, tii rexiöbiti-nyökeki, tahe uritere aõna aõnamy tamydÿÿõmy. Tii òrarudu dori ratximy-hÿre. Häbu öbiti aõkõ. ¹¹Tiile rieryre tuudÿÿdumy ratximyhÿre.

¹²Jiarÿ, Txitxiò, Atema-wana aòrysmy ariteònykreu. Niòpòli hāwā-ò wadee manakre. Kowa arasÿnykre ibutumy biu bedeu. ¹³Zena, bede ywina erydÿÿdu, Apòlo-wana kai itÿinareny-ò biteònylebenyke aõmybo tamy biwahinymyhÿke. ¹⁴Biernanyke iny aõmysÿdÿÿ wihikÿkemy rotÿÿnymyhÿkemy. Kia wese aõbo rauhenyreri tamyreny ijödikre. Tai riwiöhenanykre.

¹⁵Ibutumy kaki jiarÿ-wana iny rybe weityhyna adee rewahinyrenyreri. Warybe biwahinyke ibutumy inyluudu ityhydÿÿdu mahädu-ò ibutumy adee-reny Deuxu deysanamykre. Kie.

Filemo-ò

Paulo Tyyriti Filemo-ò

¹⁻² Jiarỹ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunarenry, iny wiòhenadỹỹdu tate. Tule Afia-ò, rewahinyreri, tii iny wyòrenyò rare. Tule Arikipu-ò, rewahinyreri iny rybe tỹnydỹỹdu-ki ijoiò rare. Tule ityhydỹỹdu mahādu-ò rewahinyreri, aheto dohodỹỹna ijoi-ò wahe. ³Ruxetòdena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watxireri.

⁴Deuxu-ò rexitòdenyreu, atxi, Filemo, wanohòti reamyhỹre. Tai umy rarybera. ⁵Kai dori Jesuisi tetyhynyte, inyiòlò luumy, ityhydỹỹdu mahādu luumy atximahāte. Kia-ò raholamyhỹre. ⁶Tule rexitòdenymahāreu kiamy jiarỹ rarybemahāre. Kai iny witxira-ò Deuxu aomydỹỹnanamy belyykeu, Kristudeewimy biernanyke. Kia inydeereny rexitòdenyre Deuxu-ò. ⁷Jiarỹ wadeysatyyreri, kai dori aluuna iny witxira dee ratximyhỹre. Kia heka deysana nihikỹ ityhydỹỹdu mahādu-ò rare, tii riwawowesenymyhỹre.

⁸Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriòre rare. ⁹Tahe aluudỹỹna òraru-ki tahe adee arexitòdenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰Wariòre wese dee rexitòdenyreri. Onesimo wariòre wesemy redyreri Kristu tyhydỹỹna-ò waribi umy wese kaki ròtenawo-ki rare. ¹¹Tiu heka adee riwahinyomyhỹre tii dori juhū awiòhedỹỹdutyhy aòkò rare. Wijile tahe iny diwiòhenanymyhỹde adee wadee tule. ¹²Tii adee reteònyreri. Ixyby araòkesedỹỹnyreri. Kai ixi-ki bimye wawesemy, wadee dori tii awityhy rare. ¹³Jiarỹ dori ixideele remyòre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire. ¹⁴Utile aòkomy marybekeki tii arimyòthy. Kai aò wadee bidiwahinykeki, kai ixi sohojile inihe biwahinykre. Waixitòdena-ki aòkò. ¹⁵Onesimo heka aribi irehemy rexijere ijò bededỹỹnana witxirau, tahe wijile tiemy abrysimykre. ¹⁶Juhū wesemy aòkò ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire. ¹⁷Kai wabiòwakiki, tii birybenyke iwese tiwarybenymyhỹte wese. ¹⁸Aò adee rasiranyreki, jiarỹ ariwyònykre teròwmy. Jiarỹ iximyna kaa retyyritinyre: Jiarỹ Paulo ariòwynykre. ¹⁹Kai waòraru-ki ityhydỹỹdumy atximahāte. Kia tahe adee tuu ararybeòthy.

²⁰⁻²¹Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòdedỹỹna ratyre

biwinykre. ²² Ijömy adee arexitöenykre: wasỹ waherina ahetowo-ki biy-winykre. Deuxu-ò bexitöenykreki, tai jiarỹ aöhe-wana adeereny aròðsekre.

²³ Epafa wabiðwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki), ²⁴ tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aõmy-sỹdỹdumy roire.

²⁵ Jesuisi Kristu làhàna awo-ki ratximyhỹre.

Hebreu-ò

Tyyriti judeu ityhydỹỹdu mahãdu-ò

1 ¹Juhuu Deuxu inytybyreny-ò rarybemy raremyhỹ. Deuxu rybe-ò ijohonadu-di tamy rarybere. Tule sówemy aõna aõna wixira wixira rarybere tamy. ²Tahe ikonana wiji txuu inydeereny tariòre dìteònykemy rarybera. Tii rarybere tybyderòwmy. Iriòre tahe ibutumy aõna aõna wedu rare. Deuxu iriòre kia rarekemy rarybere. Tii tule juhUU bede widỹỹdu rare. ³Tii Deuxu loosõna tỹnydỹỹdumy ratxireri. Deuxu wesehyymy ihỹmyhỹre. Iriòre, taryberuru-di, ibutumy aõna aõna rimymy roimyhỹre. Iny òrarunareny riixãwididỹỹnymy rahudi, biu-ki Iòlò Deuxu ruruna weribi ronyre. ⁴Iriòre ranire niwihikỹmy. Tii dori ýjuratyre awityhyre. ⁵Tiu heka ýjuò-ò rarybeòhyymyhỹre: —Kai wariòre tate. Bohyymy wiji wãhãre. Ijò ritidỹỹmy rỹire, kawesemy: —Jiarỹ tybymy ararekre. Tii wariòremy rarekre. (Kia tahe ýju-ò tii rarybeòhyymyhỹre.) ⁶Iriòredela kabede-ki reareu ixityre ijòmy rarybere: —Ibutumy Deuxu ýju tuu reàlàkemy. ⁷Ýjummy tahe kawesemy Deuxu rarybere: —Jiarỹ ýjuboho tahe yhy ele elewesemy retxienyre, wadeòduboho heòtyloosòwesemy retxienyre. ⁸Tahe tariòremy kawese rarybere: —Wariòre, Deuxulemy atxiteri. Kai ibutumy inyiòlòhyymy rare. Aruru tuedeõna debòna dire. Wiwesemy nonana-di ibutu-ò atximahãte, òbitimy. ⁹Òbitinaluumy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana. ¹⁰Ijòmy Deuxu rarybere tariòremy: —Kai Wanyrỹ juhUU bede widỹỹdu tate. Bede ibutumy tewinyte. Tule biuludu aòmydỹỹnana tewinyte. ¹¹Kia bede aòmydỹỹnana ludu ibutumy rexihukemy. Kai tahe tiu atuedeõna. Iwese uwòhi retybyre wese, kia aõna aõna retybyke. ¹²Tule wesirahana rawerasemy roimyhỹre wese ibutu tyy retybymyhỹre, rawitxiradỹỹmyhỹre. Kai tahe ixiwesehyy ahãte. Abede dỹỹnana tahe tiu itueòtyhy. ¹³Ýjuò-ò Deuxu tiu rarybeòmyhỹre: —Bodonyke waruruna weribi. Aòludu mahãdu ako-txi resemyhỹkemy. Eòdumy rarekemy. Kiamy tahe tariòre-ò rarybere. ¹⁴Ibutumy ýju mahãdu Deuxu deòdu rare tyytyby wesemy rare. Deuxu dìteònyde ityhydỹỹdu mahãdu wiðhedỹỹmy tule ibutumy biu-ò hedu mahãdu wiðhedỹỹmy.

2 ¹Tai tahe, waseriòreboho, ityhyna rybe-ò rokoholarenyreki, tamy tahe rikimynrenykre rikityhynrenykre. Tai tahe iribi tiu ròkòirenyòtyhy. ²Ibutumy ýju rybe inatyhymy raremyhỹ. Ibutu òrarudu rimyre aòhòkỹmydỹỹnana-ò irybe riywinyòreki. ³Kia inatyhy rare. Tarasana rybe wityhy-ò rokoholarenyòreki, timybo inyboho rikiòlònyrenyke. Kia rybe wityhy Wanyrỹ Jesusile juhUU inydeereny relyyre. Idi tahe, ijohonadu mahãdu tuu rarybere

tule. ⁴Deuxu irybe myna rotÿÿnyre, ròbedeòbydÿÿnyre tai ròbedeòtiidÿÿnyreny my tai Deuxu ruru ritÿÿnyre. Tule Deuxu Tatytybytyhy iaòwidÿÿnamy ixideewimy inmy riubÿÿnyre.

⁵ÿju-dee aòkò bede riwahinyre-kia iòlòmý rarekremý. Jesuisi-ò kia riwahinyre. ⁶Juhuu inyò rybe txiòdÿÿnamy rarybere: —Ritina-ki kia rybe roimyhÿre: —Aòbo heka hàbu tyhy riòre rare? Tii aò aòkò rare. ⁷Ijò bededÿÿnanaò Deuxu riòre ÿju-rìbi tyhymy aòkò ihÿre. ⁸Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihòrò aòkò òsana rare. Ibutu rurudu wese aòkò iny ruereny-ki rÿire. ⁹Tahe inyboho Jesuisimý robirenyre. Tiile tuu ihÿre. Urihimyò bede aòmýdÿÿnana bedeu ÿju-rìbi tyhymy aòkò Deuxu tii relere aòhòkÿmý dÿÿnana rimykremý. Tahe rurure. Rubu riurihire inderòwrenymy. Tai tahe rataana raheto wesena Deuxu tamy riwahinyre deàlàna-wana. ¹⁰Deuxu riwinyre ibutu aòna aòna ixidee. Tii kòkeki, bede ihoòhyymy roiike. Tii ityhydÿÿdu mahàdu ridymyhÿre taloosònasy-ò, taijoimý. Tai tahe Jesuisi aòhòkÿmý rotÿÿnyre Deuxudeewireki. Tarasana wydumy heka wityhymy Deuxu delede aòhòkÿmý rotÿÿnyreki, tai awityhymy ròhònykemy tarasadudikemy. ¹¹Òbiti widÿÿdu tahe òbitina mahàdu-wana wimahàdu wese roire. Wiwanale sohoji tybyribile doidenyde. Tai tahe raixÿruòlemý Jesuisi seriòremý rininire. ¹²Ritina-ki rarybere: —Ani arityÿnynykre waseriòreboho-ò. Dohodÿÿna heto-ki àlànawiu-di adee ariwiunýkre. ¹³Ijò Ritidÿÿna-ki rarybere: Tii arityhynyhykre. Ijò: Kakile wahe watxireri, tule roire wariòre Deuxu diwawahinyde. ¹⁴Iwese ibutumý inumý wiwesele roire wese, tule Jesuisi umyò rimyre, inumý wesele, tai inywesemy rurukremý. Tai tahe rubu dinodumý rahaananyre, Diabo wahe. ¹⁵Kia rubu mahàdu lau ruberumyhÿre mahàdu, ibrebu irìbi ritare. Kia mahàdu dori rububrebu deòduhyymy ihÿreny. ¹⁶ÿju aòkò ritakemy namyhÿde, Abraò riòre riòre ritakemy namyhÿde. Tahe wiji tule ihÿre. ¹⁷Iseriòre wese hyymý roirekemy ihÿreny. Tii dori Deuxu Xiwenà widÿÿdumý rarekemy inydeerény tai ruxetòena wahidÿÿdu òbiti tii ihÿre. Ibutumý iny òraru òwydÿÿnamy rÿimyhÿkemy. ¹⁸Ibutumý ixiradÿÿna mahàdu tii riwiòhenanymymyhÿre, ibutumý ixirana-di aòhòkÿmý rotÿÿnymyhÿreki.

3 ¹Tai tahe, waityhydÿÿdu seriòreboho, bohولاتyhyke Jesuisi rybe-ò: —Kaiboho dori tule bimýbenykemy biu bede aòmýsÿdÿÿna. Jesuisi iny ityhydÿÿna Xiwenà wahidÿÿdu wedu tyhy rare tule inatyhyna deòdÿÿna tyhy tii rare. ²Deuxu tii riwinyre Xiwenà wahidÿÿdu wedumý. Tai tahe tii òbitimý riywinyre Moisesi riywinyre wese Deuxu sÿmahàduy-ki raaòmýsÿdÿÿnymyhÿreu. ³Jesuisi-ò tahe sòwemy wowydyna rawahikremý. Moisesi wowydyna ratyre rawowydynanykemy. Hetowidÿÿdu iny riwowydynymyhÿre, hetoratyremý. ⁴Ibutuheto iwidÿÿdu dire. Ibutu widyydu tahe Deuxu rare. ⁵Moisesi Deuxu heto-ki òbitimý rybe riywinymyhÿre teòdu aòmýsÿdÿÿnanamý. Tai tahe teòsidÿÿna ririre ijesenareki. Deuxu rybe tÿnydÿÿdu tahe Moisesi rare. ⁶Kristu tahe Deuxu sÿmahàdu wedu rare Deuxu riòre rareki. Inyboho Inyryÿreny-ò ròkòtyhydÿÿrenykeki tuu rokoirekre. Tai iny brebutererenymý iny raròsònarený inatyhymý rakatximyhÿrenykeki tahe Deuxu ijoi inyboho roire. ⁷Kiawesemy tahe Deuxu Tytybytyhymý narybede: —Wiji tahe tamy bohobanyke aworeny iòlududÿÿrenyòmý. ⁸Judeu mahàdu wesemy aòkò

boibeke, tybyboho wesemy aôkô wahe boibeke. Tiiboho dori tamy raujô-momyhÿre bedero-ki Deuxu riurihirenyreu. ⁹Deuxu rarybere: —Aôbede wiwihikÿ rewinyre hâre, alabiereny riwaitxenanyrenyrene tamyreny watxireri iny inatxiwaitue bedramy aôbedewiwihikÿ riraômÿhÿre. ¹⁰Tahe Deuxu rarybere: —Waky reamy tamy wâhâre. Tiu heka wawana ratxiôhÿymÿhÿre ryôbiti tamy retÿnyreny hârele. Tawo-ki teôsaÿymÿ ratximÿhÿre. ¹¹Deuxu rarybere: Waky reatyhÿmy tai tahe ixidee resere, inatyhÿmy rarybere: —Tiu tiiboho elehÿna bede-ò ralôôtyhy. ¹²Bexiijebenÿmy waseriôreboho uritere awo-ò rôtedÿÿômy raykyitxÿtena. Kia ôraru-ki aDeuxutyhy-ribi irehemy bexilôhôrarienyheny aDeuxu tyhy dori irumy ratximÿhÿre. Tii inatyhy rare. ¹³Txuô txuôlemy wii biôbitinybenyke. Ôraruna dori itxenadÿÿdu nihikÿ rare. Tai tahe wiji kiamy botÿÿnybenyke. ¹⁴Deuxu rikityhÿnyrenÿhyÿmy rakatxi-renyke. Irybe rikiywinyrenÿkemy rakatxi-renyke iwese juhu rityhÿnyrenÿy wese. Kia wesekeki, Kristu leinamy rakatximÿhÿrenyke. ¹⁵Kiawesemy tahe Deuxu Tytybytyhÿmy narybede: —Wiji tahe tamy boholabenÿyke aworeny iôlududÿÿrenÿômy. Iwese ihetxiu mahâdu riwinyre wese aôkô boibebebenÿyke. ¹⁶Timahâdubohe roholare Deuxu rybe-ò iribi tahe wimy raôludure. Kowa Egito bede-ribi doimÿhÿde mahâdu roire. Moisesi tamahâdu-wana doimÿhÿde. ¹⁷Mobohe Deuxu kyaradÿÿdure 40 wyra sôwe. Kia mahâdule bederahÿkile rexihure raôrarunÿreki. ¹⁸Moôbo Deuxu rarybere taelehÿna bede-ò ralôôtyhÿmy? Rybe ywisidÿÿdukôdu mahâdu-ò rarybere. ¹⁹Inyboho tuu rierenyreny. Rirônyrenÿôremy rityhÿnyôrenÿreki.

4 ¹Deuxu juhÿu rarybere: —Inÿô taelehÿnabede-ò ralokremy. Inatyhÿmy heka aômybo rarybere rÿire. Inÿô ôsana kaibohoô tamy rehemÿnyôtyhy rityhÿnyômyhÿrenÿreki. Tai tahe bexityhÿnymÿhÿbenÿyke kia-ò. ²Inÿdeereny tahe Rybewihikÿ tÿmyra rôhônÿmy roimÿhÿre, iwese Moisesi mahâdu-ò rôhônÿy wese. Tamyreny tahe awityhÿmy aôkô tamy rôhôtinÿmyhÿre rityhÿnyôhÿymÿhÿreki. ³Deuxu tyhydÿÿdu mahâdu ralôke taelehÿna bede-ò. Deuxu dori rarybere: —Jiarÿ inatyhÿmy anarybede. Iny rityhÿnymÿhÿrele tamy ralokre. Deuxu kiamy rarybere: —Taelehÿnabede tamy rewinyre xiery juhÿu bededÿÿnana rewinyÿmy roireu. ⁴Inyboho rierÿmyhÿrenÿy tii riraômÿhÿremy Ritidÿÿna roireki: —Deuxu taelehÿna-ki ele rihÿnyre debôinatxixu bededÿÿnanamy. Taaômÿsÿdÿÿna ibutumy rahure aôbo riwinykemy idi raremyhÿ riwinyre. ⁵Ijô rybe tule kia-wana roire: —Tiu ralôôtyhy waelehÿna bede-ò. ⁶Tuu heka Deuxu rarybere inatyhy raremy. Ijô mahâduô ralômÿhÿre Ijô mahâduô ralôrenÿkre. Moisesi mahâdu tahe ralôore Deuxu rybe riywinyôreki. ⁷Wiji bededÿÿnanamy heka Deuxu rarybereri. Kia rybe rare iwese Davi rarybere wese: —Wiji tamy boholabenÿykeu, aworeny iôlududÿÿrenÿômy. ⁸Josue ridÿy Moisesi mahâdu Suwitxiraô-ò. Kasu tahe kabede aôkô rare Deuxu elehÿna bede. Deuxu idihÿy tuu rarybemy ihÿre. Wijina rôtena bededÿÿnanamy Deuxu rarybemyhÿre. ⁹Tai tahe Deuxu mahâdu dee elehÿnasu bede roimÿhÿre. Deuxu elehÿnatxu wese heka rare, iwese Deuxu debô inatxixu-di rexielehÿnyre wese. ¹⁰Iwese Deuxu raelehÿnanyre wese raelehÿnanyre inyboho taaômÿsÿdÿÿna-ribi, inyboho rukururenÿkreu. ¹¹Awityhÿmy rokoireke tamy rikirônyrenÿkemy tule. Rekeixijerenÿyke. Deuxu rybe rikiywinyôrenÿykeki iwese judeu mahâdu wese rikirônyrenÿôtyhy. ¹²Ibutumy Deuxu inÿdeereny rarybere iruru dire. Iwese mayrehe wiôtxureemy rÿrira

wese Deuxu rybe rare. Inyrayky wydyna riòròmyhÿre, òhòti wydyna-wana. Mayrehe rayky riraynymyhyre aòmybo inyrayky Deuxu ibutumy rierykemy. ¹³Ibutumy Deuxu rierymyhyre inyraykyreny. Iny Deuxureny irumy ihÿre. Ibutumy aóna aóna tamy itÿnyhÿkÿle rare. Aò heka iwasi aòkò tamy rare. Ikonanau ilau ibutumy aòhebo iny rotÿÿnymyhyreny rekitÿnynyrenyke.

¹⁴Jesuise Deuxu riòre iny xiwenadÿÿdu tyhy rare. Tii rare biu-ò iny wiòhedÿÿmy. Tai tii rikityhynyrenyhyymyhyke. ¹⁵Tii iny aòkònareny rierymyhyre; ixiradÿÿna rierymyhyre tai iny riruxetòdenyre. Tii kabede-ki tiu heka raòrarunyòhyre, ixiradÿÿna hàrele. ¹⁶Tai tahe rekexiterenymy rekexitòdenyrenyke iny iòlòreny rynana-ò. Tai tahe ruxetòena sòwemy inydeereny kidiwahinykre. Bedeòbyna kidiòkre tuu rokorurenkykre.

5 ¹Hābuò Deuxu rimyre xiwena widÿÿdu mahādu wedumy rarekemy. Tii ibutu iny deròwmy Deuxu-ò rybedumy raremyhÿ. Tii iny urìònosóna Deuxu-ò riwahinyre. Tule òraruna brò-ki xiwena tamy riwahinyre. ²Tii dori hābu rare tamahādureny-ò dori ywina-di ixi-ki ratxireri iòrarureny rierymyhÿreki. Imahāduò ibedeeryòre ijò tahe reòsamyhÿre tiemy aóna aóna bina riwinyhyymyhyre. ³Tai tahe xiwena riwahinyhyymyhyre tamahādu òraru-ki tule ixiòraru-ki. ⁴Inyò ixideewimy aòkò xiwenawidÿÿdumy raremyhÿ Deuxu-deewi xiery tahe tuu rareke. Deuxu tamy rarybemyhÿrekile tahe tuu rÿike. Iwese Araò-ò Deuxu rarybere tuu rarekemy. ⁵Tahe Kristu tule reximÿòhyre xiwena widÿÿdu wedumy rarekemy Deuxu tuu rimymy rarybere: —Kai wariòre tate wijile kai inihe anatara. ⁶Ijò ritina-ki ijò rÿire: —Kai xiwena wahidÿÿdu atximahāte urenana. Xideki xiwena wahidÿÿdu wesemy atximahāte. ⁷Jesuise kaki raremyhÿu hābu wesemy iruberytynymy rexitòenymy reālamyhyre. Rahinymy riauamy Deuxu-ò rarybere. Tii heka Deuxu rityhinyre tai tamy roholare. ⁸Deuxu riòre heka tii rarehārele tahe aòhòkÿmy rotÿÿnymyhyre. Tai tahe ròeryre rybe ywidÿÿmy. ⁹Tii heka raòbitinytyhyre. Tai tarasana widÿÿdu rÿimiyhyre iywidÿÿdu ityhydÿÿdu mahādu dee. ¹⁰Deuxu dori tii rimyre xiwena wahidÿÿdu wedu rÿirakemy Xideki wesemy.

¹¹Sòwemy tuu adee ararybekemy watxireri. Urile adee isirare ierysyna, teeryòhyymy taholamahāte. ¹²Kaiboho ihetxiu tetyhynytenyte. Tahe inyò bibedeerynybenyke. Ihāre tahe teerynanyòhyymahāte. Ihyymy texiòkesedÿÿnyta tai tahe inyò anaerynanykemy adi ratxireri timybo ityhydÿÿdu-ki tatemahāmy. Juhuu erydÿÿna wahe. ¹³Tohouā howÿtòdu weselemy atximahātenyte, ityhydÿÿdu aòmydÿÿnana teerytyhyòmahātenyeki, rybeerysydu òbiti aòkò atximahāsenyeki. Kaiboho taumynyòmahātenyte iwese ityhydÿÿdu mahādu rÿirawesekemy. ¹⁴Deuxu ersynatyhy inumy rÿsÿna wesemy roire. Aòbinahakÿ aòwihikÿ erysyduòle kia rÿsÿna roire, tiiboho dori rierymyhyre aòbo awire aòbo ibinare, tuu rotÿÿnyrenyre aòbo awireki.

6 ¹Tikiemy juhuu Kristu rybetyhynamy araerynanyamahāre. Rekexitòmonyrenyke. Iwitxira ersyna rikierenykemy. Tai tahe rakaumynyrenyke ityhydÿÿdu tyhymy ityhydÿÿdu rurudÿÿna-di. Inyò rarybemyhyre. Iny raòbitinymy ratxike xiery iny ratakemy ihÿre. Kia aòmydÿÿnana reerydÿÿnanyòkre tahe. Iny rityhynymyhykeki iny ratake. ²Ratisebenamy heka anaerynanyòkre, tule debòlidisinamy, tule rubu-ribi ixixanamy, tule bedekonana ritxuakre txumy ibutumy heka tuu ararybeòkre. Tii heka juhuu erydÿÿna rare. Kaiboho dori teerytenyte. ³Wanyrÿ dee wikeki tahe iwitxira

erysyna heka ariwiuronykre. ⁴⁻⁶Inyò biu-ribi loosòna wāhidỹña riurihimy ritakeki. Deuxu Tytybytyhy aomydỹñamy ijò ritake wana, Deuxu rybe riurihike wana, kowa bede wihikỹ ruu rieryke wana. Tii ibutukeki tahe Deuxu-ribi tahewo-ò dòdsede inatyhyna ririre. Isiratyhyhyre ixityre ròte taòraruna Deuxu-ò relyyòtyhy. Tii dori Deuxu riòre ixityre itxeònihikỹ-ki ritidire, inyru-ò ritidire ibinamy rarybemyhỹre. ⁷Biu heka suò risebenymyhyre. Òwòruty iribi ritxuhudỹñnymhyhỹre tòbòròdỹdu-ò. Aòratybo raraty-nykeki tahe Deuxu bededỹdyỹña kia rare. ⁸Tahe edewewēju kidiwahinykeki, awiòre heka inydee kia sumy ibinamy rarybere. Urile roomyhyre. Kia suu tahe iny ityhyna ririre mahādu wese rare.

⁹Kiawese jiarỹ urile rarybereri. Ihārele tuu aòkò umyreny rahòtinyreri. Inatyhymy rahotinyreri kaiboho aò òbiti tewinmahātenytemy. Iwese tarasana mahādu wesekemy kaiboho ahātenynte. ¹⁰Deuxu dori òbitityhy rare. Kaiboho tamy taaòmysỹdỹñnihikỹmahātenynte tai aribireny tòhòti rosaòtyhy. Iwese Deuxu-ò aluunareny teteòsinyta wese ityhydỹdu seriòre tewiòhenanytenyteki ihāre tadiwiòhenanymahāte. ¹¹Wiluu hyymy boibeke bede dỹñnana konana-ò. Tuu raruhyymahāre. Tule iny raròsònareny-di mohòtinybenyke. ¹²Tai tahe ityhydỹdu aomydỹña irisirenyòmy boibeke. Òbiti widỹdu iele ele aòkò rare. Rityhynyneri Deuxu wahisidỹña ritakremy iwese Deuxu raryberek. Kaiboho òbiti widỹdu mahādu wesemy ahābenyke.

¹³Deuxu Abraò-ò rarybereu, inatyhymy ixideele rarybere. Inyò dori Deuxu ratyremy ratxiòmyhỹre. ¹⁴Kawesemy rarybere. Deuxu tiemy ixirybe riwinyhyymyhyre Inatyhymy anabedeòbynykre, idi anaixijuradỹnykremy tai ariokoreò rasòwekremy. ¹⁵Tahe Abraò riraòmyhỹre, raeleleòmy. Idi Deuxu tarybe myna rotỹnyre. ¹⁶Inatyhymy aomy inyò rexirybenykreu aomy rarybere. Kai tahe aò ijyy riixāwididỹñnymhyhỹre. ¹⁷Deuxu tule ixidee rexirybedỹnyre inatyhy rybe-di. Tai rybe tarasadu mahādu rierymyhyre Deuxu rawitxiranỹtyhy. ¹⁸Inatxi aomydỹñnana iny rieryreny. Deuxu rarybere-wana tiu raruiòtyhy. Tai tahe inyboho inyaròsònareny rimymyhyre. Iny ixiwòtena-ò ralòmyhỹre tarasana-ò ralòmyhỹre wese. ¹⁹Inywo-ki inrayky wiòhedỹdu ijòdire hāwòjuras rimymyhyre wese iny roire Jesuisi koludu wesemy inydeereny ralòmyhỹre wesirahana webòrò-ribi, Deuxusỹ wahe. ²⁰Jesuisi juhuu ralore tai. Tai tahe Jesuisi Xiwenā wahidỹdu wedu rỹihyykemy Jesuisi tahe Xideki axi weseò xiwenā wahidỹdure.

7 ¹Xideki tahe Salē hāwā iòlò rare. Deuxu Tyhydỹdu Xiwe wedu rare. Abraò heka aòbina ritara. Xideki ròhònyre itxi reakemy, tahe ribedeòbyrybedỹnyre. ²Tai Abraò tamy riwahinyre ibutu aòbina aomydỹña-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salē hāwā Iòlò tahe ywina nodu rare iwitxira rybe-ki. ³Tybyòre, iseòre, isỹòre. Tii heka itxu ròhònyòhyre tule bedekonanaòhyre. Tii heka Deuxu riòre weselemy ihỹre. Tii Xiwenā wahidỹdu urenana ratxihyymyhyre.

⁴Kaiboho mohòtinybenyke timybo tii aònityhymy raremyhỹdi. Abraò inatybyreny tamy diwahinyde: debòwiò aomydỹña-ribi sohoji tamy riòre. Iòlò taòludu aòbina aòbina aomydỹña-ribi tamy riòre. ⁵Xiwenā wahidỹdu mahādu Levi sỹriòre mahādu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraò sỹjoiluduò tule roire. ⁶Xideki tahe Levi sỹjoiludu aòkò rare.

Ihàrele tahe Abraõ tamy debòwìd-ribi sohojina riwahinyre. Xideki tahe bedeòby rybe-di heka Abraõ rirybedỹnyre. Abraõ juhuhu ityhydỹdu rare Deuxu dori tamy ityhyna rybe riwahinyre. Xideki tahe ityhytyhy rare. Aòhe inatyhy? ⁷Bedeòbmy rybedỹdu aónityhy rare. Moòbo rarybemyhỹre ratyre aónityhy rare. Ibutumy kia rierymhỹre. ⁸Levi xiwedỹdu mahàdu hàbumy ituerenyre. Xideki tahe ruruòhyhỹ ihỹre. Kia ritina-ki roimhỹre. ⁹Levi debòwìd-ribi sohojina tarasadu rare. Ihàrele tahe Abraõ teròwmy debòwìd-ribi sohojina riwahinyre. ¹⁰Levi dori natibienyòde, ihàre Abraõ-ki ratximyhỹ iu witxi Xideki-wana witxi reareu.

¹¹Bede ywina rybe xiwedỹdu mahàdu-wana iny rataòtyhy. Tai tahe iwitxira xiwe wahidỹdu inyboho rijemàhàreny. Araò ijoi ribi aòkò nade, Xideki nade wese tahe Kristu nade. ¹²Xiwen aòmydỹnana rawitxirakeki, tule rybe bede ywina rawitxirake. ¹³⁻¹⁴Inynyrỹ tahe Levi xiwehahidỹdu mahàdu-ribi aòkò nade. Tii Juda mahàdu-ribi nade. Tiiboho heka tiu xiwehahidỹdu mahàdu-ki riwìdhedỹòhyymhỹre. Moisesi dori tamy kia aòmysdỹnna riwahinyòre. ¹⁵Kristu iwitxira xiwehahidỹduò ròhònyre Xideki wesemy raremyhỹ. Tuu heka teerytenyte. ¹⁶Tii heka bede ywina rarybere wesemy aòkò nade. Tahe iwitxi rare. Tii umy witxira tuedeòna-di nade. Kia ruru òraru-ki nade. ¹⁷Rybe riti-ki rỹire, Kristumy rarybere: Kai xiwehahidỹdu mahàduò tate Xideki wesenamy ahàte. ¹⁸Aòmydỹnna tyby rawitxiradỹre awimỹ aòkò dori rare. Irurudimỹ aòkòre dori rỹire tarasana wìdhedỹmỹ aòkò. ¹⁹Kia iny riò-bitidỹnyre aòkò. Wiji tahe raròsòna wihikỹ ròhònyre inydeereny Kristu dori Deuxu-ò inatyhymy iny ridymhỹre. ²⁰⁻²¹Deuxu rexirbedỹnyre inatyhymy Kristu xiwenahidỹdumy rarekemy. Tahe iwitxira xiwenadỹdumy aòkò kiawese narybede. Kristu-ò tahe Deuxu rarybere: —Deuxu rexirbedỹnyre. Tii rawitxiranyòtyhy arybe. Kai xiwenahidỹdu atximahàte urenana. ²²Tai tahe Jesuisi riòludunyre wijina aòmydỹnana tỹmyra. ²³Xiweu sòwekemy idi ròhòtinymhỹre, ijò rurumhỹreki. Ijò tahe teròwmy ralòmyhỹre. ²⁴Jesuisi tahe xiwenahidỹdu mahàduy-ribi ròhònyòtyhy. Kristu tahe aòu aòu ratxihiymy rarekre. Tai ixiwe òlòdỹnany aòu aòu iweselemy rarekre. Ijò-ò tiu raòtyhy. ²⁵Tai tahe moò Deuxu-ò Kristu-di kanakeki, tii tahe Jesuisi ritalekemy ratximyhỹre. Tii dori Deuxu-ò inydeereny rexitòenyhyymhỹre.

²⁶Tii dori iny deròwmy rarehyymy rareke Deuxu sỹdee. Jesuisi biu-ki ronymhỹre Deuxu-wana. Sỹwihikỹ worana bedehesina-ki ronymhỹre urenana. Tai tahe tii xiwenadỹdu wedumy inyboho rurumhỹreny. Tii òbiti rare, tyrare, iòaruna-ki aòkò, òrarudu mahàdu-ribi hitximy. ²⁷Xiwenawedu txuò txuòlemy xiwenadiwinymhỹde juhuhu taòraru hetydỹnany riwinymhỹre idi tahe ibutumy inyòraru hetydỹnany riwinyre. Jesuisi kia Xiwenawedu wesemy aòkò ihỹre. Tii xiwenahidỹdu mahàdu-ribi lahixi rare. Sohojihy dori xiwenany rexiwahinyre rubu-ò ikonana xiwenawahe. Tii txuò txuòlemy aò rubu xiwe wesemy riwahinyòre, iwe iwitxira xiwedỹdu riwahinyre wese. Juhuhu taòraruna òraru-ki raxiweny idi iny òraruna òraru-ki raxiweny. ²⁸Bede ywina hàbule ritidire xiwenawedukremy. Hàbu tahe iruruòre idi tahe sohoji rybeòtyhy bede ywina hewomy nade. Kia tahe Deuxu riòrele tuu risỹnyre, tii òbitityhyreki.

8 ¹⁻²Kiamy heka jiarỹ rarybere. Kia awese iny xiwenawedu ijòdire. Iòlò tarynana-ki ronymhỹre. Jesuisi tahe Deuxu rurunari-ribi ronyre.

Iheto-di itxeredu tahe Jesuisi rare. Deuxusyle iyrubudỹdu rare. Kia hãbu aõkõ riwinyre Deuxule riwinyre. ³Kristu iheto raroowo-ki Deuxu deewina riwinymyhỹre. ⁴Kristu kabede-ki ratxikeki tii xiwena wahidỹduõmy aõkõ ratximyhyke. Kabede ludu dori bede ywina rybe riritinymyhỹre wesemy riwinymyhỹre. ⁵Tiiboho biu aõmydỹnana wesemy urihimyõlemy aõna aõnamy rotynynmyhỹreny. (Deuxu Moisesi-ò riteõsinyre aõwesemybo tealàna heto-ki raremyhỹ. Tai tahe Moisesi riwinykemy timybo riteõsinyre wesemy hãwãlò ratyy-ki riteõsinyre.) ⁶Kristu tahe iwitxira aõmysỹdỹna iaõmysỹdỹnare. Bede õtiidỹna urenana heka Kristu aõmydỹnana ròimyhỹre bede ywina widỹdu aõmydỹnana ratyremy ihỹre. Kristu tahe bede ywidỹna tỹmyra riwinyre Deuxu iny-wana heka widee rilorore. Deuxule rarybere tahe juhuhu-ribi awityhyre irybe. ⁷Juhuu bede ywidỹna awi aõkõ rare. Awikeki tahe ijõ tỹmyraõ rõhõnyõtyhy. ⁸Deuxu dori ihetxina-ki tamy awimy aõkõ ihỹre. Kawesemy dori rarybere: —Txuõ kanakreu tahe, bede ywidỹna tỹmyra aritobinykremy Juda sỹmahãdu-wana judeu sỹmahãdu-wana. ⁹Bede ywidỹna tỹmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidỹna tỹmyra-ò rieryõre. Tai riywinyõre bede ywidỹna. ¹⁰Kiawese bede ywidỹna tỹmyra rarekre, Wanyrỹ Deuxu rarybere: —Wabede ywina iraykywydyna-di ariritinykre iwo-ò aritidikre wabede ywina. Jiarỹ iDeuxumy ararekre, tule tiiboho wasỹ ijoimy roirekre. ¹¹Kia txuõ rahukredi tahe ibutumy riwaerykre tasõmo-wana, tanihikỹ-wana. Tiu wii riernanyõtyhy Wanyrỹ Deuxumy. ¹²Ruxetõena tamy ariwahinykre taðrarutedenamy. Iðrarureny ibutumy wanohõti iribi rosakre. ¹³Bede ywidỹna tỹmyramy Deuxu rarybereu, ihetxina retybyra raseruserunyra. Taita awiõra heka.

9 ¹Juhuu bede ywidỹna-ki bede rybe ritina rỹimyhỹre Deuxu-ò dealàna timybo rawahinykemy. Tule rỹimy raremyhỹ tykyheto bederahy-ki. ²Iwo-ki inatxi rareamy rỹimyhỹre. Juhuu irareasana-ki Deuxu iõhõnasỹ heka inire iwo-ki tahe adỹỹ loosõna rỹimyhỹre. Tule tii paõ brebuna deõtena õwõrubesetyre-ki rỹimyhỹre. ³Tyky ijõtõbõna hewo ludu rareasa tahe Deuxu syle inire. Òkõsy nihikỹ rihitxinyre ijõ-ribi. Tule tahe õwõruwodỹõ rỹire womati tỹrỹrỹhỹkyle ihetyre. Iwo-ki tahe xiwena deõtena. Tai riwosinymyhỹre tỹnyre reakemy. ⁴Õwõrudỹrawo-ki tahe womati tỹrỹrỹhỹkỹ butxi riðre ibõbese-di rỹire, iro-ki ihina rỹire mana ta irybereny-ki inire. Tule Araõ hoju rỹimyhỹre tai ruhunymy raremyhỹ. Tule bede ywidỹna riti mana tyre-ki tai roimyhỹre. ⁵Tule iratyy tyre-ki rỹimyhỹ jỹu ritxoo inatximy. Teuborodile tahe riwõmyhỹre. Õwõru wodỹỹ ratõbõna tikibo Deuxu iny òraruna riixãwidỹnynmyhỹre wahe. Tahe tuu rỹbeõnyrenyke kia aõmydỹnana tai rỹiremy. ⁶Kia ibutumy rexiheureu xiwena wahidỹdu mahãdu ralõmyhỹre juhuhu rareasanawo-ki taaõmysỹdỹna tyhy widyyymy. ⁷Ihewoludu rareasana-ò iwedule ralõmyhỹre. Beðra bededỹnana sohojimy sohojile tamy ralõmyhỹre. Irõdu riwymyhỹre ihãlubu ritxiwikemy xiwenamy. Taðraru-ò iny witxira òraru-ò tule. Inyðraru-ki tii mahãdu aõna aõnamy rotỹnyreny rexieryenyõhyylemy, kiabro-ki. ⁸Deuxu Tytytytyhy kia ijyy-di iny ribedeerynmyhỹre. Juhuu tyky heto rỹireu, inybohoõ heka Deuxu iõlõnasỹ-ò ralõmyhỹre. ⁹Kia heka wijina bedeerynare. Juhuu dori xiwena witxira witxira wahidỹna witxira witxira uriõno rare. Kia urile iwahidỹdu iwo

irayky-wana riòbitinyôhyyre. ¹⁰ Juhuu ludu aômydÿÿnana bede ywinale rare. Rawitxirakekile tahe rôhònyke. Tii tahe rÿsÿna bede ywinamy rare, monatyhy bede ywinamy, aôna aôna surona bede ywinamy. Iny kia bede ywina ibutumy rityhynkemy rÿmyhÿre.

¹¹ Kristu dehemynydeu, iu tahe rawitxiradÿÿre. Kristu Xiwenah wahidÿÿ-dumy ratximyhÿre. Tai tahe ibutumy rawitxiradÿÿmy roimyhÿre. Tii ralômyhÿre tyheto tÿmyra-ò. Itÿmyra tahe biu-ki rare. Kabede-ki aôkô ihÿre; hâbu iwidÿÿdu aôkô rare. ¹² Kristu ralore Deuxu Tytyby sÿnawo-ò tahâlubu ôr-rukile ralore. Sohojihÿyle ralore iny tarasanarenymy inydeereny riwahinykremy. Iròdu hâlubu-di aôkô ralore, broreni riôre-di aôkô, budoeni hâlubu aôkô wahe tahâlubudile. Tai iny tarasanareny rimyhÿre. ¹³⁻¹⁴ Juhuu buddê broreni Oriôre hâlubu-di raxiwenanyrenyre. Broreni bryby riubÿtÿnyre iny tyre-ki iaôsusu-ribi rahòkemy. Juhuu xiwenah iny taðraru-ribi risuhòkeki, iratyre tyhy Kristu hâlubu iny risuhòke. Tai iny raykybina bina ritamhÿre tule inyo aô aôkô rare, ritamhÿre. Idi tahe iny Deuxu irumy ratximyhÿre dee wimyri kiwinyrenykre. Tii ôbitimy ihÿre iny dee rurureki. ¹⁵ Kristu tahe bede ywidÿÿna tÿmyra wedu rare. Tai tahe ibutumy bede ywidÿÿna tÿmyra mahâdu namyhÿde ibutumy aômybo rarybere ritakemy. Tii dori rurure iny ôrarureny dire-ki ihetxiu bede ywina aômydÿÿnana rÿmyhÿreu, tii rubu-ò rexiwahinyre. Tai inyboho ôraruna-ribi rexitarenyre. ¹⁶ Inyô rurumyhÿre-wana tii iny dee ritinaô ririmyhÿre kia ritina rarybere: —Moðbo taaôna aôna riwahinymy ririkre. Iny rururemyhÿre xiery tahe, ritina awi rare. ¹⁷ Kia ritina aô aôkô rare iwidÿÿdu tyhy irumy ratxikeki, rubumy roimyhÿrele ritina aô rare. ¹⁸ Tai tahe juhUU bede ywidÿÿna ijô hâlubu txiwixina dire. ¹⁹ Moisesi Deuxu bede ywina wahidÿÿ rahudi, tii bede ywina tyre ritxiwire, iny ratytre riubÿtÿnyre budoeni hâlubu-di broreni riôre hâlubu-di bewana riurinyri riubÿtÿnyre. Tule buddê siratykysò-di riubÿtÿnyre. ²⁰ Iu tahe tuu rarybere: —Kia bede ywidÿÿna tÿmyra hâlubu rare. Deuxu wadee rarybere kaiboho bityhynkemy. ²¹ Tule tykyheto-ki hâlubu riubÿtÿnyre deàlâna aômydÿÿnana-ki ²² Bede ywina rybe ditÿnynyde ibutumy hâlubu-di rise-benyre, hâlubu txiwixina ihoòkeki ôraruna rexihuòtyhy.

²³ Kabede aômydÿÿnana biu aômydÿÿnana wesele rare. Tai tahe Kristu tahâlubu-di kia ibutumy risuhore. Tai iratyre tyhymy ihÿre. ²⁴ Kristu heka templo hâbu widÿÿna-ò ralòôre. Kia tahe inatyhy heto aôkô rare. Biu-ò Kristu ralore Deuxuko-ki kia tahe isÿtyhy rare. ²⁵⁻²⁶ Tii sohojihÿyle heka rare iny ôrarureny riixâwididÿÿnykemy rubu-ò rexiwahinyre. Xiwenah wedu wesemy aôkô ralôre. Kia xiwenah wedu aôu beðralemy hâlubu-di rara xiwemyhÿre. Kristu tahe sohoji hÿyle rubu-ò rexiwahinyre. ²⁷⁻²⁸ Iny rurumyhÿre sohojihÿylemy idi tahe Deuxu ywisidÿÿna hitxinatxu kanakre ibutu iny. Kristu rurure sohojile sôwemy iny ôraru ixityre riatykemy. Inyô tamy retehemy riraômyhÿre wana, tamy ixityre kanakre ôraru ixâwididÿÿnamy iny tarasanarenymy.

10 ¹ Juhu bede ywina rybe urihimyòle iny ribedeerynyre Kristu aômydÿÿnamy. Bede ywina itÿnytyhymy aôkô iny dee roire aômybo Kristu inydeereny riwinykre. Ubòròròna wesemy inydeereny dobehede bede ywina. Tai tahe tiu iny riòbitinyôtyhy xiwenah-di reamhÿre beðra ihÿymy aôkô. ² Aôkòkeki beðra beðrau idi reaôtyhy. Aôkòkeki sohojihÿylemy xiwenah riwinykre. Sohoji bede dÿÿnanadile iðrarureny rexihuke. Tahe aôkôre beðra

ihyyimy aôkô xiwena-di reamyhÿre. ³Tai tiemy òraru-di hyy heka rôhòti-nymyhyre. ⁴Broreni hâlubu, budoeni hâlubu òraruna rahuôtyhy. ⁵Tai Kristu kabede-ò dehemynydeu, rarybere: —Deuxu, broreni hâlubu budôe hâlubu adee awimy aôkô ihÿre. Tai tahe waumy teywinymy ahâte axiwenamy aroikremy. ⁶Kai heka awimy tai tahaôhyte iròdu hâlubu xiwena-ki òraru tuedenamy. ⁷Tahe jiarÿ rarybere: —Betehe inihe waumy rubu-ò rewahinyrað iwese ritidÿÿna rybe roimyhÿre wesemy, adeewina ibutumy arityhnykre wahe. ⁸Tai Kristu juhoo rarybere: —Deuxu, broreni hâlubu budôe hâlubu adee awimy aôkô ihÿre. Tai tahe waumy teywinymy ahâte axiwenamy aroikremy. Kai heka awimy tai tahaôhyte iròdu hâlubu xiwena-ki òraru tuedenamy. Kia rarybere bedeywina rybe hârele. ⁹Tahe ixityre rarybere: —Deuxu kakile watxireri adeewimy ariwinykemy. Juhoo bitake xiwena ihewoludu ritidikemy, Kristu xiwena wahe. ¹⁰Kristu rurure iny òraru-ki. Ixiwena sohojilemy rÿire tuhyy ramyhÿre Deuxu deewina wahe. Kabede ywidÿÿna tahe itÿmyra ihÿre. Tai tahe iny riðbitidÿÿny hyy rarekre. ¹¹Xiwedÿÿdu txuô txuôlemy rixiwenanymyhyre. Tii tahe tiu inyòraruna ritaôtyhy. ¹²Jesuisi tahe sohojihyylemy òraru xiwena riwinyre. Iny òrarunareny riixâwidinymy rahudi Deuxu rurunawe-ribi ronyre, riwowydynymyhyreki. ¹³Tahe Kristu riraðmy ronymyhyre. Taòludu ruru iribi ritakemy tawarawo-ò Deuxu ritidikemy. ¹⁴Jesuisi dori sohoji xiwehyy-di, iny riðbitidÿÿnyhyymyhyre. ¹⁵Deuxu Tytybytyhy tule kiamy rarybere. Kiawese ritidÿÿna roire: ¹⁶—Kiawese bede ywidÿÿna tÿmyra rarekre. Wanyrÿ Deuxu ijômy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷—Idi ixityre rarybere: Ruxetôena tamy ariwahinykre iòrarutuedenamy. Iòrarureny ibutumy wanohòti-ribi rosakre. ¹⁸Òraru wanohòti-ribi rosareu, idi rehureu, tiu xiwena rÿiötyhy tuu rahukemy.

¹⁹Katahe, waseriðre, rekexiwaresemy rikirònyrenykre Deuxusÿ-ò. Tamy rekexitòenyrenykeny Jesuisi hâlubu dejuxuna òraru-ki sohojile rikirònyrenykre. ²⁰Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòmyhyre wese, inyboho wiji ralorenyke.) ²¹Tule iny xiwe wahidÿÿdu nihikÿ ijôdirenny Deuxu heto-ki. ²²Tai rikitehemynyrenykre inraykytyhy ywinakemy inatyhynatyhymy òbitinatyhymy nohòtimy, rati betyhy ixâwina-di sebena-di inyumyreny. ²³Inatyhyna rikiy-rubunyrenyke inyararòsònareny wahe. Aôbo Deuxu inydeereny riwahinykemy rikiraòrenyke. Tii dori inatyhy rare. ²⁴Tule widi rôkòhòtinyrenyke wiluurenymy rakatxirenykemy wiwiðhedÿÿmy rakatxirenyke. ²⁵Uritere ixihitxi-dÿÿômy tamy beahyy rakatximahärenyke. Ijô dori dohodÿÿna-ò noderamymy reamyhyre kua awi aôkô rare. Inyô ryribi rexidòrarienyymyhykeki, tamy rakarybemyhyrenyke kòdòðsekemy icyby. Inynyrÿtxu dori iðhòmy resera. Tai tahe sôwemy ròkòtèòsidÿÿnymyhyke.

²⁶Iribi inyboho inatyhyna ibutumy rieryrenymy rahudi, tahe kia hârele heka òraruna-di rariamyhykeki, òraruna xiwena roiòmyhyre inydeereny iny òraruna tarasana wahe. ²⁷Kia-ribi tule brebu rÿimyhÿre Deuxu ywisidÿÿnatxu lau. Deuxu heòty ratyradÿÿdu lau ruberumyhyre. Kia Deuxu òludu rahukemy rÿimyhÿre. ²⁸Ruxetôena-di aôkô inyô rurure Moisesi bede ywina riywinyòreki. Itxeredu inatxi ada inataò-di aôbo raryberenykemy. Tai rirubunyre. ²⁹Kia-di dori mohòtinybenyke. Inyô Jesuisi rybe-di risinykeki,

iratyremy ibinatyhymy rarekre tamy. Tii sôwetyhymy aôhökÿmy rotÿÿnykre ibutu ratyre. Inyô Deuxu Tytybytyhy ruxetôena aô aôkômy idi rôhôtinyre ibinamy tuu rarybemyhÿre. Jesuisi hâlubu aô aôkômy idi rôhôtinyre ibinamy tuu rarybemyhÿre. ³⁰Deuxu kia rarybere: —Txiôhe iny ôwydÿÿdu jiarÿ rare. Inymy jiarÿle arexiôwynykre.

Inyboho rierymyhÿrenyre kiamy rarybemyhÿre. Tii kiawese rare. Tule ijômy rarybere: —Inynrÿle taijoi-di ywisidÿÿna-di riywisidÿÿnykre. ³¹Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³²Juhuu Kristumy teerytenyeteu, awimy heka ahâtenyete. Kia-ribi ôhôte losa-renyômy. Kristu ôraru-ki aôhökÿmy tatÿÿnytenyete. Ihârele tahe Kristu-wana hyy toitemahâ. ³³Inyô umyreny robireu, tai akireny rutxuenyre, tule akireny ôhôte itamadÿÿnyre. Ityhydÿÿdu seriôre mahâdu inyô aôhökÿmy risÿnyreu, kaiboho tewotôenytenyete. ³⁴Inyô rôtenawo-ô ridykeki tai tewotôenymahâtenyete. Inyô ahôrô-di rawasinyreu, urile teysate. Ahôrô dori iratyre sôwemy rÿimyhÿre biubede-ki. Tai aôna aôna tiu rabinaôtyhy. Kia teerymahâtenyete.

³⁵Uritere ararôsôna-ribi awo xierysyômy. Kai dori uriôno nihikÿ bitakre.

³⁶Ywinihikÿ-di heka rokoireke Deuxudeewimy rikiwinyrenykemy. Tai aôwihikÿmybo Deuxu rarybere, rikitarenykre. ³⁷Ritinamy tahe rÿire: —Txiokre inihe. Urihimyô biraôke. Kia kanakre inatyhymy. Tii raroorehenyôtyhy.

³⁸Waityhydÿÿdu mahâdu ôbiti iruhyymy rÿirake, riwatyhynyreki. Inyô tahe rôðsekeki tamy wadeysaôtyhy.

³⁹Inyboho heka tahewo-ô ôkôsedu aôkô roire. Ityhydÿÿdu dori roire, iruhyymy nodu, biu-ô hena mahâdu wahe.

11 ¹Aôbohe ityhyna rare. Aôna aônaô iny inatyhymy riraômyhÿreu, kia tahe ityhyna rare. Inatyhymy dori kanakre iny rierymyhÿre, iny tuu robiôlemy. ²Ihetxina mahâdu Deuxudeewimy tuu ihÿre, rityhynymyhÿreki.

³Juhuu Deuxu aôna aôna bede bedemy riwinyre. Iny inatyhy hynale kia rierymahârenyre. Deuxu lobixiôna-di ibutumy aôna aôna riwinyre. Idi tahe lobixinamy rôhònyre iny itxerenarenymy. Deuxu rarybere. Tai tahe aôna aôna ritxienyre. ⁴Taityhydÿÿna ôraru-ki Abeli Xiweô riwahinyre Deuxu-ô. Kai xiwedÿÿna ratyre tamy riwahinyre. Abeli rityhynyrekile riwahinyre, tai tahe Deuxu reysare, ôbitimy rareki. Tai ixiwedÿÿna Deuxu riwyre. Abeli tahe rurure. Ihârele, iwese tii ityhyna-di raremyhÿ wese rokoireke. ⁵Enoi tatyhydÿÿna ôraru-ki tiu ruruôhyyre. Enoi Deuxudeewimy riwinyre tuu Deuxu juhuu rarybere. Aôwesele iômy reare. Deuxu ridymy reare. ⁶Inyô ityhynaôkeki, tiu Deuxudeewimy aô iwidÿÿôna. Inyô Deuxudee iôhòmy ratxikeki, tii rityhynymyhÿke inatyhymy Deuxu-wana ihÿre. Deuxu dori tamy rexideô-sinykemy ratxireri. ⁷Noe tule ityhyna dire. Tii hâwô nihikÿtyhy riwinyre. Aôhebo rotÿÿnykremy robiôhyyre. Ihârele tahe Deuxu rybe rityhynyre. Tai tahe tasÿ mahâdu ritare rubu-ribi. Bedeludu mahâdu tahe rurure. Noe tahe Deuxu riôbitidÿÿnyre, ityhyna ôraru-ki. ⁸Abraô tule Deuxu rityhynyre. Deuxu ijô bede-ô diteônydeu, Abraô irybe riwinyre, rare taijoi-wana. Deuxu tamy rarybere suô tamy rihitxinykemy isÿmy. Tai Abraô rexitare, rare ihâwâ bede ierykôna-ô. ⁹Ityhyna-di rasÿnyre kia bede-ki. Tyky heto-ki rahetonymyhÿre iwese ijô bedeludu witxira mahâdu rahetonymyhÿre wese. Ibede rare-hârele tahe ihôrômy aôkô rôhôtinyre idi tuu aôkô rexinohôtinyre. Tariôre

Ijai, Ijað-wana rasýnyre. Tamy tule Deuxu rarybere iwese tyby-ò narybede wesemy. ¹⁰ Abrað tahe hāwāð riraðmyhýre. Deuxu widýýna hāwā biu ludu-ki. Kia hāwā Deuxu nohōti-ribi nyide. Kia hāwā dori tiu rabinamy rejuxunyōtyhy ihetotira kyhyna direki. ¹¹ Sara ityhyna dire. Tai ruru dire uladusemy ronykemy ibeðra sōwere hārele. Tii tahe rityhynyre tuu raryberemy. ¹² Sara iòhòmy irubu roire rasenadunyreki. Ihārele tahe sōwemy rariòreriòrenyre. Iwese taina rudera wese, ýnyra sōwewese.

¹³ Kia heka ibutumy rityhynymyhýre. Idi tahe ituerenyre aō heka rimyōre Deuxu rybe lidisinaō. Ireheribile tuu robirenyre; reysarenyre. Tiiboho rarybemyhýrenyre kabede ludu mahādu aōkō raremy, isýreny mahādu aōkō raremy. ¹⁴ Tii heka rarunymyhýre sýwihikýmy tai raerymyhýre tuu rarybereki. ¹⁵ Tamy wikeki riòkeserenyra inihe tahe aōkōre, noderare. ¹⁶ Wiji tahe tii sýwihikýmy biu-ki rarunymyhýre. Tii dori ijō ratyre rare. Deuxu isý whiký riwinyre tai tahe inyò iDeuxurenymy rarybekeki, tai Deuxu tiu raixýruōtyhy.

¹⁷ Deuxu Abrað urihixina-di reareu riwahinyre Ijai xiwenamy. Tariòre sohoji riywinymy rýire xiwenamy rurukremy. Tii Deuxu rybena-ki iriòre rarehāre. ¹⁸ Deuxu dori juhū rarybere: —Ariòre Ijai ariokoretybymy rarekre. ¹⁹ Abrað rieriye Deuxu iruru dire rubu-ribi riixixadýýnyke, tii Deuxu rityhynyreki. Abrað dori rōhōtinyre rawasenanyre. Ijai juhū rubu-ribi ixixa wesemy reare, raumynyre. ²⁰ Iribi tahe Ijai tyhyna-di rarybere Ijað dee, Ijau dee aōbo kabede-ò kanakremy aōwiwhiký wahe. ²¹ Iribi tahe tule Ijað rarybere Jyje riòre dee, tariokoreboho-ò. Ityhyna-di rarybere. Ijað iòhòmy rubu-ò ihýre, òwòru-ò reximymy rariamyhýre. Tahe òwòru-di rexilamadýýnymy rýire rexitòdenykemy Deuxu-ò, riwowdydynyremy wahe. ²² Iribi tahe tule Jyje iòhòmy rubu-ò ihýre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rýikremy. ²³ Iribi tahe Moisesi reareu, tybyboho iseboho riwòrenyre inataō ahādumy tatyhynareny-di ihýrenyreki. Moisesi itohouā ruxerare. Iòlò rubudýý bede ywina rybemy rarybere. Moisesi tyby-wana kia bede ywina rybe lau ruberuōhyyre. ²⁴ Moisesi raumynyreu, Farað riorerioresmy noderare tii tatyhydýýna òraru-ki. ²⁵ Tii heka tamywire Deuxu erydu mahādu-wana aōhòkýmy rotýýnykre. Urihimyð òrarumy reðwarike derare heka rare. ²⁶ Moisesi, Egito bede-ki aōna aōna wiwhiký rýiramyhý derare. Iny tamy aōmy rarybehinamyhýre. Tahe ibinamy rōhōtinyōmyhýre. Kristu dori riraðmyhýre, biu-ki uriòno idi rōhōtinymyhýre. ²⁷ Moisesi Egito bede-ribi rōhònyre, ityhyna direki wahe. Ruberuōhyymyhýre heka tii iòlò debureheký lau. Iwese Deuxumy lobixiònadu iko-txi robire wesemy, rōhònyre. Tii tahewo-ò ròseòhyyre. ²⁸ Moisesi heka Deuxu rityhynyre. Tai tahe pascoa worana bedehesi riywinykemy beðra beðramy rarybere. Hālubu ijò-ò ritxiwire. Tai ýju heka iny riòre delareny rirubunyōre. Egito riòre delareny rurure tai. ²⁹ Iwese surubu tyre-di reurore wesele judeu mahādu Ahobesò rawo-di reurore beòlemy. Iu Egito mahādu reuròkemy rareu, urile bee idi raratòbòre. Kia riwinyrenyre ityhydýýnadireki. ³⁰ Ijeriò hāwā mana òtity nihiký resere judeu mahādu rityhynyreki. Debò inatxi reurò txuumy hāwā rora-ki rariare tahe resere. ³¹ Raabe heka hāwyy uriuri ixidinodu rare, wedena wahe. Tahe Deuxu tyhydýýdukòdu mahādu rexihureu, Raabe ruruōre tatyhydýýna-ki. Bede-di itxeredu riwòreki.

³² Timybohe ijōmy ararybekre? Wasirare heka ibutumy tuu ararybekre, sōwereki. Kideō ijo, Barake, Sansaō, Ijete, Davi, Samueli, tule Deuxu rybemy

rybedu mahādu sōwere. ³³Kaheka ibutumy riwinyre tyhyna-di. Ijō iòlò-hāwā-di rahỹnanyre. Òbitina riwinyrenyire. Ritarenyre aōmybo Deuxu rarybere. Leaōry dori rirarytxinyre. ³⁴Rirònyre heòtywo-txi ihārele ruuòrenyire. Mayrehe rubudỹna-ribi rexitarenyre. Bina-ribi ixyby rarurunyrenyre. Ijō aōbina-ki irurudityhymy ratximyh̃yre. Tai sōwemy aōbinadu iribi rahenyre. ³⁵Tasỹō rubu-ribi riixixanyre hāwyyō rityhynyreki. Ijō mahāduō aōhōkỹmy dỹnnana-ki tamy reare. Ixitarasamy rōhōtinyōhyire aōhōkỹmy dỹnnana-ribi. Tii dori umytuedeōna wihikỹ-di rubu-ribi rexixakredi rōhōtinyreh̃yre. ³⁶Ijō ityhydỹyduō idi rybe jei jeina-ki ratximyh̃yre. Tule tai òhòte rỹire reruti òhòte-di. Tule ijō womati reroti-di rataataare, ihyymy idi rehure ròtenawo-ò. ³⁷Ijō mana-di riwere. Ijō sehòtxi-di riwetyaòròre, wiere riatyre. Ijō mayrehe-di rirubunyre. Ijō ityhydỹydu-ò budoenity-di watxinityy-di idi rexitynyre, rama risarenyre, aōhōkỹmy risỹnyny inyō tòtxi ririòhyire. Ijō heka aōbinalemy tamy reare. ³⁸Kia ityhydỹydu mahāduō ibutu iny ratyre Deuxu dee wire. Kabeledulu ityhydỹydukoōdu mahādu wese aōkō tiiboho roire. Hāwālòmy, bederahymy, hāloomu, kia ibutumy bede-di rariamyh̃yre iwese iny isỹkōmy rỹire wese. ³⁹Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidỹna ritaōmyh̃yrenyre. ⁴⁰Deuxu dori iny-ò riraōmyh̃yre Kristu dehemyryna wahe. Ihewo-ribi tahe kia inydeereny riwahinykre, wiwanahyyle. Tai tahe idi awityhymy iny ibutumy rōhònykremy.

12 ¹Sōwere indyreny itxeredu. Iny robirenylemy rỹirerimy ih̃yre. Tai tahe tako-ò rekekoamyh̃yrenyke. Deuxu dori inydeereny riwahinyre. Òraru iutxiere inykireny rỹire. Tai tahe rikiatyrenyke òraru ibutumy inyboho dori rimymyh̃yrenyre. ²Jesuisi-ò sohojile reketehemynyke. Tii dori inatyhydỹna deledỹydu rare tule inatyhydỹna konanadỹydu rare. Jesuisi deysana kanakredile rōhōtinyreh̃yrenyre. Tai tahe rahōtinyreh̃yre. Tai tahe aōhōkỹmy rotỹnyre, itxeò nihikỹ-ki rurure. Tai tahe ix̃ru tamy reaōhyrurureu. Wiji tii ronymyh̃yre Deuxu ryna ruuweribi-ki. ³Jesuisi dee hābu binahakỹ aōbinamy reare. Tahe rawobinarybenyōhyire. Tai tahe idi rōkōhōtinyrenyke iwese rakatxirenykemy. Uritere bede worennyōmy bede òtiidỹrenyōmy. ⁴Boholabenyke, òraru ijesu òraru-ki inyō aribireny ruuōhyymy ih̃yre. ⁵Deuxu tariòre dee rybe wesele adeereny rarybemyh̃yre. Kia-ribi aōbohe òhōtirenny rosara. Kia wese Deuxu rarybera: —Wariòre, araòbitidỹnyre, uritere adebureōmy, alisina aōkō dori rare. Deòsana rybemy adee ararybekeki, uritere bedewoōmy. ⁶Deuxu dori aluurekile araòbitidỹnykre. Deuxu tariòre wesemy inyō rimykeki, aōhōkỹmy risỹnymyh̃yre iòbitidỹmy. ⁷Tybydiò aōbohe uri tariòre-di uri aōbohe tyby idi rỹira tariòre riòbitinyōmy? Aōkōre. ⁸Ibutumy iny òbitidỹmy Deuxu rurumyh̃yre. Inyō òbitidỹnadiòkeki tii iriòre inatyhy wesemy aōkō rare. ⁹Tule inytybyreny inydeereny retehemyh̃yre inyboho riòbitidỹnymyh̃yrenyre. Tai tahe iny riywinymyh̃yrenyre. Deuxu tahe inytybyreny rare. Inytybyreny ratyre tahe tuu rikiywinyrenyke, tahe irumy rokoireke iurenana. ¹⁰Iny tybyreny urihimyo bededỹnnana-di riòbitidỹnyre iwese tamywimy rōhōtinyre wese. Deuxu tahe iny riòbitidỹnyre rekexiywinyrenyke. Iwese òbitimy tii raremyh̃ wese rokoirekemy. ¹¹Inyō òbitidỹnamy deramy reakeki, tii deysamy aōkō rareke. Òbitidỹna bedewona-di rare. Rexihuredi, tahe wiòhedỹnamy reamyh̃yre modeebo

reamyhÿreò, irumy ywina-di rarehyyke. ¹²⁻¹³Kai bedewokeki, aumy-di, arayky-di iruruòra, ihàrele tahe birurudÿÿnmy bimyke. Ati tule iruruòre ihàrele tahe, myike òbitimy. Betehemy, biywinymy ryòbiti-di mariake. Tai tahe ijò iny reyterenykre, raòwenyòtyhy.

¹⁴Ainytyhymy inydee ibutumy ahābenyke tule bexiòbitidÿÿnmy ahābenyke. Iny òbitimy rÿiòkeki, tiu Deuxumy robiòtyhy. ¹⁵Inyò tahewo-ò Deuxu ruxetòena-ribi ròðseke lau kaiboho bexiebenyke. Tule amahādu-renyy-ki alòbòrònahyre wesemy inyò ihÿke lau kaiboho bexiebenyke. Kiakeki, sòwemy iny rahyrenyke òraruna uri wesemy. ¹⁶Tule bexiebenyke inyò òta òta òraru-txi reseke lau ada Deuxu tòhòti ribi rosake lau. Ijau tahe Deuxu-di ròhòtinyòre. Tyby rurukreu aò tarasana-di tii rohonyre byrena sohoji òwylemy tahelÿÿna-ò rohonyre. ¹⁷Iribi tahe òhòtirenny losarenyòmy. Tii dori ròhòtinyre taaòwi-di ixyby imynymy reare. Tahe aòkòhyyre rahinyrehàrele. Rabedewomy ronyre Ijau dori rÿsÿna deròwmy taaòwi riwahinyre taexi-ò. Inyboho tahe rekexiywinymahārenyke itxÿte lau.

¹⁸Deuxu tabede ywina rybe heka judeu mahādu-ò riwahinyreu, tiiboho Sinai hāwālò heòtyko-txi rÿire. Sòwemy heòty bedeluru yhynihikÿ tai reare. Tiiboho rubuerurenyre. Kaiboho tiu breburenyòmy ahābenyke iwesereny. ¹⁹Txurònaò rurònyre nihikÿmy. Tule rybeò rarybere. Iny ibinamy tai ròhòtinyre. Tai tahe riixāwidinykemy Deuxu dee rarybere. ²⁰Iròduò hāwālò-di tawa ritidikeki, iny mana-di tamy rehuke irubudÿÿmy Deuxu rybemynamy. ²¹Tai tahe iny tahewo-ò rexihejire brebumy. Moisesi tule, rexiòhārūnyre tuu robireu. Ramytatamy brebumy. ²²⁻²³Kaiboho dori iwitxira hāwālò-ò teteheymynya, Siaò hāwālò-ò, Deuxu hāwā-ò. Kia biu-ki Jerusalē rare. Sòwetyhymy tai ÿju mahādu rÿire bede hesina-ò. Ibutu butuna rare. Deuxu riðre sohojile butuna-ò tehemynnyte, dohodÿÿna mahādu wahe. Ibutumy ityyriti-ki ini roimyhÿre tamy rehemynnyre. Deuxu-ò tehemynnyte ibutumy erydumy ratximyhÿreò. Inyhÿkÿna mahādu òbitimy rÿira mahādu-ò tehemynnyta. ²⁴Tule Jesuisi-ò tehemynnyte. Tii iny lobitÿmyradÿÿdu rare. Ihālubu-ò tehemynnyte. Abeli hālubu ratyre awimy ihÿre. Jesuisi hālubu dori inydee aòwiwihikÿ rare iny òrarureny òraru-ki dori ritxiwire iny riòbitidÿÿnykremy. ²⁵Boholabenyke Deuxu rarybemyhÿreu, boholabenyke. Kia Deuxu roholaòmyhÿre mahādu, rexihumy hÿre kabede-ki. Tii biu-ribi narybedeò, rokoholaòrenykeki, tule inyboho rekexihurenyke. Inydeereny aònityhykre. ²⁶Iu rarybereu, bede ramytatatyhyre. Tahe tii rarybere: —Sohojimy ixityre bede biummy arimytatadÿÿnykre. ²⁷Kiamy heka rarybereri. Aòbo relemy, urile ixāwikre aòbo ixāwidikònalemy rÿirakre. ²⁸Tai tahe Deuxumy rikiàlàrenyke. Inyboho dori Iòlònasÿò rokoirenykre kia rÿihyymy rarekre. Iwese Deuxudeewire wese rikiàlàrenyke ityhyna-di òhārūna-di. ²⁹Deuxu ykarana dori heòty riworonmyhÿre wese rare.

13 ¹Ityhÿdÿÿdu seriðre wiluumy ahābenyke. ²Aòtxile aroraluduò bimyyhymy ahābenyke. Inyò kawese risÿnykeu, ÿju dori riwiòhenanyre, rieryòhyyre mobo rare. ³Ròtenawo-ki rÿire mahādu-ribi nohòti losarenyòmy. Iwese kai tii-wana atximahā wesele, aòhòkÿmy botÿÿnykre. Aòbinahakÿlemy tamy reamyyhyre mahādu-ribi nohòtilosaòmy. Iwese inyò adeereny aòbinahakÿ riwinymy hÿre weselemy idi mohòtinybenyke. ⁴Ibutumy bityhnybenyke ahāwyymy herina, hābu tahāwyy-wana sohojile roike. Deuxu

dori aòhòkǎmy risǎnykre òta òtana nodu tule òbitimy raòdònyòre mahādu ixi-di ròtemy aòkò boibeki. ⁵Aònihikǎ nieru tarasamy ixinohòtidǎnyòmy. Aòbo akireny rǎiredile, beysabenyke. Deuxu dori rarybere: —Tiu kaiboho wanohòti aribi rosaòtyhy. Tiu heka araatyrenyòtyhy. ⁶Tai tahe rikityhynymy rakaryberenyke: Inynyrǎ iny wiòhedǎyǎdurenre. Tai tahe tiu rukuberurenòtyhy. Inyò wadee aòbina riwinyòtyhy.

⁷Aerydǎyǎdurenre-ribi nohòti losarenòmy, tii adeereny Deuxu rybe rotohodǎyǎmyhǎreki. Aòbo iruna konana-ò riwinymyhyredi, mohòtinybenyke. Iwese inatyhyna-di rǎimyhǎre wese kaiboho inatyhyna-di atximahābenyke. ⁸Kanau, wiji, Jesuisi Kristu wiwesele ratxireri. Tiiemy iwesele rarehykre. ⁹Deuxu ruxetòena ixinamy arayky rirurudǎnyke. Roxina bedede ywina wiòhena aòkò ratxireri. Kia heka moo tiu riwiòhenanyòhyre. ¹⁰Inyboho ixiwena witxiradirenre. Iribi tyby hetowo xiwena widǎyǎdu mahādu riroxiòtyhy. ¹¹Iròduò didyde tykyhetoworanora-ki hālubu ritxiwikemy. Xiwena widǎyǎdu mahādu wedu tuu ritxiwire òraruna tuedenamy. Uritere iròdu umy hāwā òtity webrò-ribi riwòsinyre. ¹²Tai tahe Jesuisi tule hāwāhākǎ ijò webòrò-ribi aòhòkǎmy rotǎnyre, iu tahālubu ritxiwireu inydeereny tòemy, iny riòbitidǎnykemy. ¹³Rokoirenre tahe tamy hāwā webòrò-ribi rikimynrenkemy iixǎrunayreò. ¹⁴Inatyhymy inydeereny tiemy hāwā kabede-ki ihoòre. Tahe inyboho riraòmyhǎrenre biu-ki ijòdikre. ¹⁵Jesuisi òraru-ki tahe Deuxu rikiwowydnyrenre. Kia iny xiwena wahidǎyǎreny rare tamy. Tii iny rityhynrenymyhyre, tai tuu rekeàlārenyke. ¹⁶Tiu rikiwinyrenyke aòwiwidǎyǎ. Tii Deuxudeewire. Tule wii rikiwiòhenanyrenyke. ¹⁷Aerydǎyǎna mahādu biywinybenyke. Bityhynybenyke. Tiiboho dori aijesedurenre ratximyhyrenre. Tii idi Deuxu-ò rirawònymyhyre. Kaiboho bityhynybenykeki, tii teysamy raaòmysǎdǎyǎkre. Aòkòkeki bedewomy ratxikre. Tai arawiòhenanyòtyhy.

¹⁸Wakirenre bexitòdenyhyamahābenyke. Jiarǎyboho wodeysanale-di rahòtinymahāre, òbitina widǎyǎdu-di rahòtinymahāreki. ¹⁹Tule Deuxu-ò bexitòdenyhyke jiarǎ ele elemy adeereny aròðserenykemy.

²⁰Inynyrǎ Jesuisi Kristu heka Deuxu rubu-ribi riixixadǎnyre. Tii iny-di itxeredurenre nihikǎ rare. Budoeni-di itxeredu weselemy inydireny retehemyhyre. Tii tahālubu ritxiwire iny-wana bedede ywina iixihudunakòna riwinykemy. ²¹Deuxu adeereny ibutumu riwahinyke tamy wimy kaiboho biwinybenkemy. Kia heka wadeewire. Jesuisi Kristu-ò wowydyna ibutumu rarehyykemy watximahāre. Kie.

²²Wasiòreboho, kia watyriti nihiǎmy aòkò rewinyre. Tai tahe ywinamy idi bohòlabenyke rybe wiòhedǎyǎna rybe tahe rare. ²³Iny seriòerenre Tximòtxi heka ròtana-ribi riteònyrenre. Ele elemy kanakeki, rakre wawana aròrarenymy. ²⁴Wawehityyna rybe ibutu dohodǎyǎna mahādu-ò biwahinykre, aerydǎyǎdu mahādu-ò tule. Italia bedede ludu mahādu irybe wehityhyna adeereny diwahinyde.

²⁵Deuxu ruxetòena akireny ratxikemy watximahāre.

Txiau

Txiau Ryberiti

1 ¹Jiarỹ Txiau rare. Deuxu Jesuisi Kristu Inynyrỹ-wana deòdu rare. Ròritidỹreri Deuxu mahādu inatyhy-ò. Ubỹtỹmy iny rỹira mahādu-ò. Warybe weityhyna adeereny rewahinyreri.

²Waityhydỹđdu aōna aōnasira seriòre, araurihixinanykeki adeereny kanamyhỹkeki, beysamahābenyke. ³Kia-di tahe ityhydỹđdu tyhymy beleke. ⁴Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidỹňnykre adee aō rasiranyòtyhy.

⁵Inyò bedeery ihoòkeki, rexitòenykre Deuxu dee, tii dori ibutu dee riwahinymyhỹre. Inyò lau dori ritòenyòhyymyhỹre. ⁶Urule tii iseòdỹđòmy bexityhynymy tamy bexitòenykre. Riseònykeki yhy òbò-di tiò rehumyhỹre wese rare. ⁷⁻⁸Kia hābu iòreki, awimy aòkò aòhebo rotỹňnymyhỹre ywiòreki, tii Deuxu-ribi aō ritaòtyhy, irybe inatxire.

⁹Iny aō ijòkòmy rỹimyhỹre, teysamy rỹirake, aō ijòdikreki Kristu dori rityhynyre. Kia iaòdimy ityhymy rỹira, tule teysamy rỹike ityhydỹđdumy. Rỹiraki aō ijòòkre hāre. ¹⁰Ityhyna heka iny-ribi wylemy ituemyhỹre kie iwese noijese ramoròmyhỹre wese. Tahe ityhydỹđdu mahādu dee kia aō aòkò rare. ¹¹Txutòteetyhy ròhònymyhỹre dori alòbòròna rimoròdỹňnymyhỹre. Tahe noijese rejuxunymyhỹre. Tahe iruxerana riixāwidinymyhỹre. Kia wesele hābu ityhymy rỹire rexihumyhỹre. Aòhebo rotỹňnymyhỹre wetyatxile.

¹²Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytuedeòna heka Deuxu-ribi ritakre. Deuxu dori kia wahidỹňnamy rarybere taluunadu mahādu dee. ¹³Inyò aòbina bina ixirana-di rexirakeki. Tii rarybeòtyhyke Deuxu riixiranymyhỹremy. Inyò dori Deuxu tiu riurihiòtyhy. Tule Deuxu riixiranyòtyhy aòbina bina widỹđ-di. Ixiradỹđdu aòkò tii rare. ¹⁴Kiawese iny ixiribile rexirake, aò-di sòwemy ròhòtinykeki, tii arabònyre, araitxenanyre. ¹⁵Kia urari-ribi tahe òraruna ròhònymyhỹre. Iribi tahe òraruwidỹňna-ribi rubu rỹimyhỹre. ¹⁶Ixitxenadỹđòmy waluuna mahādu, waseriòre mahādu. ¹⁷Wahidỹňna ibutumy bedeerydỹňnatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aōu aōu iweselere. ¹⁸Tii iny ixityre riwinymyhỹre ritỹmyranymyhỹre tatyhyna rybe-di. Tai ibutumy iwidỹňna-ribi inyboho juhuurenre, awirenre.

¹⁹⁻²⁰Idi mohòtinybenyke waluu waseriòre mahādu. Ibutumy bexiywiny-mahābenyke iny-ò boholamyhỹbenyke, tahe aówimy aòkò marybeke lau, wymy adebureòmy. Hābu debure-ribi Deuxu òbitina rahenyòtyhy. ²¹Abinamy aòhebo tutỹňnymyhỹte ixi-ribi bitake idi biatyke. Tahe Deuxu rybe-ò

boholake, kia dori iruruna dire atyytyby kanatakemy. ²²Kaiboho bede ywina widȳȳdumy, bede ywina tyhyd̄ȳdumy boibeke. Aō ijohonadu mahādulemy aōkō boibeke. Kiawesekeki bexiitxenanyke. ²³⁻²⁴Inyō ijohonadule ronykeki, rybemyname nodu aōkō rare. Tii hābu itxerena-di itxerenadu wese rare. Itxerena-di ixidee retehereu, rexieryre iwese raremy. Tahe rexitareu, aōwesele ixi-ribi tōhōti rosare timybo tii rare wahe. ²⁵Inyō tahe bede ywina òbiti-ò retehemhȳreki, rityhynmyhȳreki tii tahe teysamy ratxikremy ibutumy aōhebo rot̄ȳnykremy. Tii dori ijohonamy nohōti losadu aōkō rare. Bede ywina rybe widȳȳdu rare, ityhyd̄ȳna wahe. ²⁶Inyō bede ywina rybe widȳȳduōmy rōhōtinykeki, tahe tōrōtō riyrubunyōhȳmyhȳkeki, tabedeywid̄ȳna aō aōkō rare. Tii tawokile rexiitxenanyhȳre. ²⁷Iny Deuxu, Inytyby-ò kia bede ywina wid̄ȳna òbiti rare. Uladuwyte, wytese-wana riwiōhenanykemy. Tule aōbina bina aōmyd̄ȳnana wid̄ȳōmy.

2 ¹Waseriōre mahādu, kaiboho Inynyr̄ Jesuisi Kristu, tetyhynnyte loosōna wedu tii rare. Tai iny wiribi lahitxiōmy, wiweseleselemy iny-di atximahābenyke. ²Kie inyō tahe dohod̄ȳnawo-ò kanalōkeki, womati debo t̄yr̄r̄ȳ-di tywihik̄ȳ-di kanalōkeki, tahe tule iny aōkōdu mahāduō kanalōkeki. ³Kai tywihik̄ȳ dinodu-ò marybekeki: Kaō bodonyke rynawihik̄ȳ-ò. Tahe marybekeki iaōkō-ò: Kiakile myike lamalemy ada bede-txi aōbo bonyke. ⁴Kia wese wiribi hitxid̄ȳ-ki tat̄ȳnymyhȳtenyete, araykyreny rabinamy kia wese tumahāre. ⁵Boholake, waseriōreboho, kaiboho juhuu iny aōkō mahādu wese toite. Iribi ityhy ityhyd̄ȳdukōdu mahādu iaōrarumy roirekemy, kaiboho Deuxu weselemy tadeletenyte atyhyna òraru-ki. Aratamyhȳrenyete inatyhyna-di ityhydumy boibekemy, tule kaiboho kowa biu-ò hena bitabenykre. Deuxu dori rarybere: —Waluudu mahādu tuu aris̄nykre. ⁶Kiawese, kaiboho urimynodu derarenyete aōhebo tat̄ȳnyteri. Ityhy mahādu tahe ararut̄ȳk̄ȳnymyhȳre tule aradyrenmyhȳre soldadu dohod̄ȳna heto-ò. ⁷Tiiboho tule Kristunimy aōbinamy rarybemyhȳrenyete. Kaiboho ini-di texininmyhȳtenyete. ⁸Kia bede ywina rybe-ki roire: iwese ixiluure wese, aerykōdu mahādu luuke, wiery mahādu wahe, abireludu wahe. Kia bede ywina biywinykeki, awimy bot̄ȳnymy mabeke. ⁹Tahe iny wiribi lahitxinykeki, taōrarunyeri, teywi-nyōteri. Bede ywina aōkō atximahāte. ¹⁰Inyō tahe bede ywina rybe ibutumy riywinykeki, tahe sohoji aōmyd̄ȳna riywinyōreki, tai tahe bede ywina rybe ywid̄ȳdu aōkō ratxireri. ¹¹Deuxu tarybe ririre. Kia rarybera: —Òta òta wid̄ȳōmy. Tule rarybera: —Rubud̄ȳōmy. Tai òta òta biwinyōkeki tahe inyō terubunyteki, kai bede ywina rybe yrubud̄ȳdu aōkō atxiteri. Òrardumy tate. ¹²Iwese iny bede ywina rybe-di t̄ymyra ahābenyke. Deuxu dori bede ywina-di ararut̄ȳnyrenykre. Taita òbitimy bot̄ȳnybenyke, marybebenyke. ¹³Inyō riwot̄denyōmyhȳkeki, tule tamy riwot̄denyōleke tawiribihitxi-natxu-u. Wot̄ed̄ȳna wiribihitxina ratyre rare.

¹⁴Waseriōre mahādu, inyō rarybekeki: —Jiar̄ȳ watyhyna ijōdire. Tahe iaōmyd̄ȳna wihik̄ȳ-di aōkō rare. Kia tahe aō aōkōhyky heka rare tamy. Ityhynale kahābu ritakekō aōbo. Tahe reruinyreri. ¹⁵⁻¹⁶Inyseriōreō tyy, r̄ys̄na ihoōke-wana. Tahe inyō tamy rarybekeki, ywina-di bōhōnyke, aheto-ki biroxikemy. Tahe aō riwahinyōra tyy, r̄ys̄na-wana. Aōbohe irybe rare. Aōkōhykyre irybe. ¹⁷Kiawese taheka kia hābu inatyhyna rare, iaōwyd̄ȳna ihoōkeki kia ityhyna ihoōke wese rare. ¹⁸Inyō rarybeke-wana: —Kai atyhyna

dire. Jiar̄y waōwid̄ȳna ijōdire. Biteòsinyke wadee atyhyna sohojile tamyreny wina-di aōkō. Tahe jiar̄y tamyreny waywina-di adee ariteòsinykre kia òraru-ki bobike jiar̄y Kristumy retyhynyremy. Watyhyna iny idiōre waōwid̄ȳna ijōōre-wana. ¹⁹Kai bityhynyke Deuxu sohojile raremy. Kia tahe awire urile diabo tytybybina tule Deuxu rityhynyre. Tai ilau ruberumy-h̄yre. ²⁰Inatyhyna iaōmy wid̄ȳnana ihoōkeki, aō aōkō wese rare. Kia tetyhynyōlemahāte aōbo, hābu itx̄ytere. ²¹Inylabiereny Abraō tariōre-di Ijai rixiwenykemy idi ratximyh̄y, kia-ki Deuxu riòbitinyre. ²²Tabimahāte aōbo. Abraō tatyhyna iwid̄ȳna-wana aōna aōna riwinyre. Ityhyna riwiòhenanyre. ²³Tahe iwese ritid̄ȳnamy roire wesemy tuu rot̄ȳnyre aōmybo heka rarybera Abraōmy: —Boholake, Abraō heka Deuxu rityhynyre. Tai Deuxu tii riòbitid̄ȳnanyre. Tule, Deuxu tabiōwamy rininire. ²⁴Betehebeny ini. Inyō iòbitid̄ȳmy ronyke-wana inatyhyna sohojidile aōkō tii ih̄yke, tahe iwid̄ȳna-di tule wahe. ²⁵Ijōre tahe: Raabe, aderanamy raremyh̄. Iribi tii Deuxu rybedeòdu mahādu riyrubunyra rubu lau, tahe riteònyre rywasi witxira-di. Kia wid̄ȳna Deuxu Raabe riòbitid̄ȳnyre. ²⁶Iwese umy tytyby-di aōkō rubumy r̄ymyh̄yre wese, tule inatyhyna sohojile aō aōkō rare tamywina-di aōkōreki heka rubu wese rare.

3 ¹Uritere, waseriòreboho, bedeeryd̄ȳdu mahādumy aōkō ixi-di noreny-kōmyke. Ibede ònana hitxina txuu dorihe aōnihik̄ykre bede eryd̄ȳdu mahādu dee. ²Inyboho ibutumy sōwemy òraruna-txi aōu aōu resemyh̄yreny. Inyō tarybe-ki raòrarunyōkeki, tii iny òbiti rare. ³Iwese awaru iny riraòmyh̄yre wese taumy ibutumy riraòmyh̄yre. Awaruru-ki juraròsōna rirutymyh̄yre, tii iraròsōna-di rare. Tai tahe awaru iny riwinymyh̄yre iumy ibutumy iny riraòmyh̄yre. ⁴Betehebenyke iny heòty lawò nihik̄y-ò iraròsōna iyatyhyre tahe iraròsòd̄ȳdu idile riraòmyh̄yre titxibo inonana-ò yhy nihik̄y iwetxi kedeakreki, ihārele iraròsōna riraòmyh̄yre. ⁵⁻⁶Iwesele iny dōròtò rare. Iyatyhyre ihārele aōnihik̄my rarybemyh̄yre. Betehebenyke iny heòty hel̄ȳresi iyyare, ihārele òtiranihik̄y ritoonmyh̄yre. Dōròtò tahe heòty wese rare. Sōwemy heka òraru riwinymyh̄yre. Dōròtò bede aōmyd̄ȳnana-bina dinodu wese rare, inumy susud̄ȳdu dōròtò rare. Sōna bede tòtee-ribi diabo mahādu-ribi heka nade. ⁷Ibutumy iròdu brebuna, nawii witxira witxira, iròdu beraludu, utura, riinytyhyd̄ȳnymyh̄yre. Iny mahādu iratyre irurud̄ȳna dire. ⁸Inydōròtò inyō tahe riinytyhyd̄ȳnyōtyhy. Ibinatyhy rare. Rubud̄ȳna uri-di ratxireri. ⁹Inydōròtò-di Deuxu inytybimy iny reāl̄amyh̄yre tule idi inmy raujōmomyh̄yre. Deuxu ixiwesemy iny riwinyre, ihārele iny wimy raujōmomyh̄yre. ¹⁰Inyō tary-di Deuxu rirowōwydynmahāre tule idi ujōmomy reamyh̄yre. Waseriòreboho, kiamy aōkō idi boibeke. ¹¹Bejjirana-ribi ibree ih̄yre-wana wiule heka ròhònyōtyhy. ¹²Òwòru inatxi wiribi lahixire. Ijō aōbo wiraty-di raratynyke aōkōre? (Figueira azetonamy raratynyōtyhy) Videira figomy raratynyōtyhy. Juwyrabe hāloo-ribi bebreke ròhònyōtyhy.

¹³Inyō bederykeki ibedeernadikeki, tii ywimy ratximyh̄yke. Ibutumy òbitimy ratxirerimy aō riwinymyh̄yremy rexityhynmy ixidi ròhòtinyōtyhy tyhmy rabekey. ¹⁴Kaiboho awo-ki ixiburena ijōdikeki, inywitxira hārosu ijōdikeki tai tii deysamy atxiōke tai tuu marybeōke. Kai ruiwid̄ȳōmy. ¹⁵Kia bedeeryna biu-ribi aōkō nade, bederibile, iny hārosu diaboribile nade. ¹⁶Inywitxira hārosu ijōdike-wana, tai jei jeina rare. Ibutumy aōbina bina.

¹⁷Bedeerydÿÿna biu ludu juhule òbiti rare, idi ywina rare, rutaõna rare, wityhyna rare, ruxetõena rare. Awihyymy nodu widÿÿna rare. ¹⁸Òbitina aõu aõu kanakre ywinawidÿÿdu-ò. Iwese aloborodu rehummyhÿre wese, tiiboho ywinamy rekoamyhÿrenyire.

4 ¹Aõherekibo ayreny-ki jei jei rÿimyhÿre. Awo-ribi namyhÿde arayky-wydyna ribi. ²Kai sówemy aõdikemy tahõtinyamahâte aõhebo aõkõ tetate. Tahe terubunymahâte. Inywixira aõmydÿÿna-di òbire, tahe aõkõre. Tai aõbina tetelenymyhÿte ijei jei-di. Aõ ijõore texitõenyõma hâteki. ³Texitõenyteki, tetaõmahätenyte. Teðsamy dori texitõenymahätenyte. Ixidee sohoji dehunalemy tahõtinaamahätenyte aumydeewimy behukelemy. ⁴Bede aõmydÿÿnana luudu mahâdu heka Deuxu òludumy ihÿre. Kia aõbo teeryõtenyete, òbitiõna, mahâdu. Inyõ bede aõmydÿÿnana bina biòwamy ratxikeki, Deuxu òludumy rare. ⁵Aõ aõkõ aõbohe rybe riti kawese roire: Aõhe rare. Deuxu taTyytybytyhy inywo-ki heka Deuxu risÿdÿÿnymyhÿre. Tai tahe iny-di riijetyhymy ratximyhÿre. Aõbo heka kia rare? ⁶Tii tahe iny rirurute-redÿÿnymyhÿre. Kawesemy ritina rarybere: —Iixiwedu mahâdu heka Deuxu ixi-ribi rirehedÿÿnymyhÿre. Tahe ruxetõena sówemy ixiwedekõ mahâdu-ò riwahinyumyhÿre. ⁷Deuxudeewi biwinymahâke. Diabo ixi-ribi birehedÿÿnykeki, tahe tii aribi rahenyke. ⁸Deuxu-ò bexiðhòdÿÿnykeki. Deuxu adee rexiðhòdÿÿnykre. Òrarudu mahâdu, ebðmy bexilyraranyke aõraru-ribi bexitake, rybe inatxi mahâdu, araykyworeny biðbitinybenyke. ⁹Mabedewoke, bobuke, mahinyke aõraruna òraru-ki. Ajuedena-ribi arube rytynykre, eysa-ribi mabedewomy atxikemy. ¹⁰Ayrubumy Inynyrÿko-txi boibekeki, tii aratamadÿÿnykre; tii ixideewimy riwinykemy.

¹¹Waseriðeboho, uritere aõmy wimy ryberenyõmy. Inyõ taityhydÿÿduseriðremy tuu ibinamy rarybekeki, iaõna aõna riaõkõkeki tii bede ywina ibinamy rarybereri. Bede ywina rybe riaõkõdÿÿnyrereri. Inyõ bede ywina rybe riaõkõnykeki, tii bede ywina ywidÿÿdu aõkõ rare. Tii bede ywina rybe hitxidÿÿdu rare. ¹²Deuxu sohojile dori bede ywina hitxidÿÿdure. Bede ywina dohodÿÿna dinodu tii rare. Tii itarasadÿÿdu rare ihâre irubudÿÿdule rare. Mobohe kai atxiteri; abireludu hitxidÿÿmy aõbo texinohòtidÿÿnyteri? Aõkõre.

¹³Boholabenyke, tuu tarybetenyteri: wijile aõbo ada biurasòmmy aõbo rokoirenykre hâwãð-ò. Tai bededÿÿnana sohojimy rikierenykre. Tai nieru tarasamy rakaõmysÿdÿÿrenykre. ¹⁴Txiðhe rare. Kaiboho dori teeryõlemahätenyte aõhebo bede rotÿÿnykre. Timybo mabekre? Iwese biuwetyy yja aõwesele rexihymyhÿre wese heka timybo mabekre? Kiawesemy aõkõ marybeke. ¹⁵Kamy heka marybeke: —Inynyrÿdeewikeki iny rumy rokoireke, tai tahe kia ada kowa aõbo rikiwinyrenyke. ¹⁶Iwese wijì ratximyhÿre wese. Biurasou aõnihikÿ widÿÿmy marybekeki, kia tahe awi aõkõ rare. ¹⁷Inyõ aõwiwidÿÿrierykeki, tahe riwinyõmyhÿ-wana kia rexiðrarunanyumyhÿre.

5 ¹Boholabenyke warybe-ò ityhy mahâdu. Mahinybenyke, bobubenyke aõhòkÿmy botÿÿnybenykreki. ²Aõmydÿÿnana wiwihikÿ rabinamy rÿire. Atyywityhy isibrey tysini rirðre. ³Aorotÿÿrÿreny awomatiurarenyraruxinyra tabededÿÿnana riõononyrerimy. Anieru susudÿÿna awobiredÿÿnamy kiditÿÿnynykre. Iwese dee heðty risòmmyhÿre wese, kia sudÿÿ ana-sòmmyhÿkre. Aõna aõna sówemy ixidee tebutunymahâte kia atxukonana-ò.

⁴Abaderòwysydỹđdu òwydỹđdu aòkò dori kai tate. Kai ixideele tebutuny-mahâte iribireny tawasinyamahâte. Tiiboho rahinymy rirajuamhyh̃reny tahe kia wysydỹđdu mahādu hina-ò Deuxu roholare. Tii rurū mahādu wedu rare.

⁵Kaiboho abed̃areneny teònonytenyteri isikile. Ixideehyyle texideysadỹđnymy-h̃yte. Ibutumy aòbo adeereny wiwi ixidee temyteny, iwese rubutxudỹđna-txu broreni riòwenymhyh̃re wese. Kai ahâte. Deuxu akanarubunykre. ⁶Òbiti mahādu teteònymahâte terubunymahâte. Tii tiu adee rexid̃wynyòtyhy.

⁷Ixieleledỹđòmy tahe waseriòreboho. Inynyr̃ kanakreu. Betehe inihe. Òworudu heka taaòwi riraòmyh̃re biu bedeu. ⁸Kia wese kaiboho tule eele-lemy aòkò biraòmyh̃re aworeny-ki beximymhyh̃benyke, Inynyr̃ nonana dori iòhòrehe. ⁹Waseriòreboho uritere wimy ibinamy ryberenyòmy Deuxu dori arahitxinyreny. Ihitxidỹđdu nonana tahe iòhòre iòkiwesele riijemy r̃yimy-h̃yre. ¹⁰⁻¹¹Waseriòreboho ihetxiu Deuxu rybemy rybedu mahādu iyubumy r̃yiramhyh̃. Iwese tiiboho r̃yiramhyh̃wese boibeke aòhòk̃my dỹđnana-ki rare. Kia aòhò k̃mydỹđnana-ki òbitimy rotỹđnymhyh̃re. Iwese Jòò iyubumy raremyh̃re taholamahāteny. Tule iwese ionanau Deuxu riwiòhenanyre wesemy teeryteny. Inynyr̃ dori ruxetòenatyhy-di rare làhànatyhy-di.

¹²Ibutu ratyre waseriòreboho inatyhymy sohojilemy marybeke iò rybemy rybeòmyke Deuxu arybe ritxiònyòtyhy. Aòna aònamydỹđnanaribike aòkò iximhyyle marybeke. Kohemy marybekeu kohelemy marybeke. Aòkòmy marybekeu, aòkòlemy marybeke. Kawese-ki inyò aratxiònyòkre.

¹³Inyò aòbo ayreny-ki aòhòk̃my rotỹđnyreri. Tahe tai bexitòenykre. Inyò aòbo ayreny-ki teysamy ratxireri. Àlànaw-di tii wana mawiunykre. ¹⁴Inyò aòbo ayreny-ki webinadumy roireri wana. Tahe dohodỹđna rybedu mahādu-ò tamy bididybedenyke tamy rexitòenyrenykeny. Adỹđ ityre ritxiwikemy Inynyr̃ni òraru-ki. ¹⁵Ixitòedỹđna tyhynale webinadu riteytenykre. Inynyr̃le ritamahỹđnykre. Tii òraru-ò raòrarunymhyh̃re-wana Deuxu iòraru riixāwidyne. ¹⁶Iny wiò wiòmy aòna aònarenymy belyybenyke. Wiò wiòmy wii biixitòedỹđnybenyke, ibutu-ribi beytebenykeny. Inyòbiti ixitòedỹđna irurudire, aòna aòna sòwemy riwinymhyh̃re. ¹⁷Eliasi heka inywesereny rare. Tii rexitòenyhyymhyh̃re biu ròàtyhykremy bede-ò. Tahe inataò beòra-di biu ròàoh̃yre. ¹⁸Tahe ixityre rexitòenyre. Tai biu ròare. Tahe oworu-ki ixityre aòwi ruhunyre.

¹⁹⁻²⁰Waseriòreboho, inyò ay-ki inatyhyna-ribi ròhònykeki. Inywitxira tuu rarybekeki, teòsary-ribi ridykeki, tahe itytyby ritara, rubu konana ixāwina lau sòwemy araru-di riixāwidinyre. Kie.

1 Pedro

1 Pedro Tyyriti

1 ¹Jiar̄y, Pedro warybe ritina rewahinyreri ubýt̄y deòd̄ȳna jiar̄y rare. Ibutumy judeu mahādu-ò rewahinyreri Ponto-ò, Alaxia-ò, Apadosia-ò, Asia-ò, Bitinia-ò. ²Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyreny, Jesuisi Kristu bityhynybenykemy tule tahālubu-di arasebenyrenykemy. Wiòhed̄ȳna sòwemy ywina-wana adeereny kanakemy watxireri.

³Ibutumy àlàna Deuxu Inynyr̄ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyh̄reny reaty-bienyrenykemy Deuxu s̄y mahādu wo-ki. Inyboho wijile iraròsònareny dire, Kristu rubu-ribi rexixareki. ⁴Tii wiòhed̄ȳna wiwihik̄ inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerahak̄-lemy lyrahak̄y lemy roire. ⁵Deuxu tarurusòwe-di arayrubunyrenyke kia wiòhed̄ȳna bitabenykemy tetyhynyteki. Tarasana heka kia rare. Ikonanatu Deuxu bedexiteòsinykre. ⁶Tai tahe beysabenyke. Beded̄ȳnana tòbò reakreu, mabedewobenykre òsana aòmyd̄ȳnana sira òraru-ki. ⁷Tii tahe kawese-ki atyhyd̄ȳnareny ityhymy ròhònykre. Atyhyd̄ȳnareny womati t̄yr̄r̄h̄k̄ òwy ratyre iòwy dire. Tiu rabinaòtyhy. Heòtyru-ribi womati t̄yr̄r̄h̄k̄ ròhònyre wese atyhynareny kòdòhònykre àlàna, wowydina, luuna Jesuisi Kristu-ò, tii kedehe mynykreu. ⁸Kaiboho tuu tabitenyòte ihārele tuure. Tetyhynytenyteri, tai tahe t̄yxihik̄y lemy deysatyhy-di ahātenyte. ⁹Tai atasad̄ȳna-di teteheteri, tetyhynytenyteki. ¹⁰Juhuu Deuxu rybedu mahādu rit̄ȳr̄axinyra kia tarasanamy. Tule wiòhenad̄ȳmy rarybere adeereny kanakemy. ¹¹⁻¹²Idi tahe dierydenyde ibeded̄ȳnanau kanaòkre urile ihewo-ribi kanakremy. Katahe adeereny reare Deuxu Tyytybytyhy nade òraru-ki. Ýju mahādu dori tamywimy tuu rieryrenykemy ih̄yreny. Jesuisi Kristu aòhòk̄my d̄ȳnany tule toosònad̄ȳnany rarybemyh̄reny, tiubedemybo kia kanakemy riijemyh̄reny.

¹³Arayky-ki birarutxynybenyke wereysana rara rot̄ȳnymy h̄y wese. Òbitimy maraykynybenyke wiòhed̄ȳna-di bidimybenedenykre-ki Kristu kedehe mynykreu. ¹⁴Wijile kaiboho ywimy nodu riòre wesemy boibeke. Iwese juhu aykaraòtamy tat̄ȳnyny tatemahā wese noòmy, abedeerykòmy tatemahā. ¹⁵Iweseòmy. Uritere adee rybedu òbitimy raremyh̄wesemy kaiboho ibutumy tuu bot̄ȳnybenyke kia-ki òbitimy boibeke. ¹⁶Raritinymy dori r̄yire: —Òbitityhymy boibeke, jiar̄y dori òbitityhymy raremahā. ¹⁷Deuxu iny wiribi rihitxihitxinyre aòbina bina wid̄ȳ òraru-ki. Deuxu wiwese wesele

iny luure tuu rarawetyynyöhyymyhyre. Iwese bodee textitöenymahäte wese tamy bedeerykõ rira wese boibeke. ¹⁸⁻¹⁹Kia teerymahätenynte tuu ararybekre. Ixinamy rexihumyhyredi aõkõ iwese womati tÿrÿrÿhÿkÿ iurahakÿ-di aõkõ atarasanareny riöwynyre. Tahe Kristu hãlubu-di aõhebo ibina botÿÿnybenyke-ribi textitatenyta aõwidÿÿnabo booreny-ribi teerytenytaki. Kristu tahe budoeni õbiti lyrahakÿ wesemy rare. ²⁰Tii juhu bededÿÿnanau taumy rubu-õ riwahinykremy rexieryhyemy raremyhÿ, wijile kað nade rurukremy aluunareny ðraru-ki. ²¹Tule Deuxu tetyhynmahätenynte Kristu ðraru-ki, Deuxu rubu-ribi riixixadÿÿnyre tahe tamy loosõna riwahinyre, tai ararõsõnareny aityhydÿÿna Deuxu-ki roimyhÿre.

²²Kaiboho atytyby tesurõnanytenynte inatyhyna dori teywinytenyta. Tai tahe wiluuluutyhymy rakatxirenyke. Wiluumy wesenadÿÿrenyõmy atximahätenynte. ²³Wiji umydÿÿna juhu wese aõkõ iny bõtõdÿÿna raumydÿÿre wiji tahe Deuxu Rybe aumydÿÿnamy ihÿre. Kia tahe ituerenyõtyhy. Umytuedeõna diwahinyde. ²⁴Iwese ryberiti rarybere wese:

—Ibutu iny asi wese rare. Inyloosõna asi noijesa wese rare. Asi ramoenymyhyreu tõijesa rejuxunymyhyre.

²⁵Deuxu Rybe tahe aõu aõuhyy rÿira. Rexihuõtyhy rÿira. Kia rybemy tahe adeereny rarybemyhyre, Rybewihikÿ wahe.

2 ¹Ibutumy idi behuke ixi-ribi, aõbinatyhyna-di, rui-di, inywitxira aõmydÿÿna xibure-di aõ ikõkõmy ujõmo-di ibutumy. ²Tahe iwese tohouã howÿsy luure wese rybe-õ bexiborenanyke. Atytyby howÿsyna wese rare. Idi maumynykemy tarasana inatyhy-õ. ³Wanyrÿ dori wihikÿ rare. Kia teerytenynte. ⁴Tamy bodoibedenyke. Tii dori manairuhykÿ wese rare. Heto tira widÿÿdu kia mana-di rehura. Tahe Deuxu dee kia ixtarasanamy rare. Awimy heka tai rahare. ⁵Kaiboho tule mana iruhukÿ wesemy tõimahäte heto õbiti wesemy aijõreny-di kanaijedÿÿnydenykemy. Xiwenä wedu mahädu õbitimy boibeke, Deuxu dee wina xiwedÿÿna õbiti biwinybenykemy Jesuisi Kristu wowydynamy. ⁶Kawese dori Ryberitina-ki rÿire: —Betehebeny inihe Siaõ bede-ki iny mana heto tiramy iwidÿÿ wesemy ritidire. Tii aõwihikÿtyhy wadee rare. Kia iny rityhynmyhÿkeki, tiu raixÿruõtyhy bede õtiidÿÿ ribedewonyõtyhy. ⁷Kaiboho ityhydÿÿdu mahädu, adeereny tii aõwihikÿ rare. Ityhydÿÿdukõdu mahädu dee tahe kawese tii rare: —Hetotirawidÿÿdu kia mana-di rehura. Kia mana tahe wiji juhuludu mana ritidimy roire. ⁸Tule ijõ kiamy rare: —Mana idireny kedeseidenykre. Kia mana awi aõkõ tamyreny rare. Reserenykre rybe ritxiõnymyhyrenyeki Deuxu heka rierymyhyre reserenykre. ⁹Kaiboho tahe iny iitxese itxesemy aratareny, xiwenä wedu mahädu õbiti boibebenykemy, inijoi õbiti boibeke, Deuxu hõrõ mahädule, iruxeranamy marybebenykemy adee dori bededorohokÿ-ribi anadydenyde taloosõna wiwihikÿ-õ. ¹⁰Kaiboho juhuhu inijoi aõkõ toitemahã tahe wiji Deuxu taijoimy aratara. Juhuu ruxe-tõena tuu inyõ riwahinyõhyre adeereny, wiji tahe tii riwahinyra adeereny.

¹¹Waluuna mahädu adeereny ararybekre. Kaiboho iwitxira bedeludu mahädu wese atximahätenyteki. Uritere ðaõtarenyõmy atytyby õludu dori kia rare. Atytyby aõbina dÿÿnana adeereny diwahinyde. ¹²Ahotiludu mahäduy-ki õbitimy boibeke. Tai omy ibinamy rarybekeki, tiiboho aumytuedeõnamy robimyhÿkemy tahe Deuxumy kidoosõdÿÿnadenykre Deuxu hitxidÿÿna txuu.

¹³⁻¹⁴ Bede dinodu bede ywina rybe biywinyamahābenyke Wanyrŷ òraru-ki lòlòrybe, aōbo kai deòdu rybewydydu aōbo ibutumy birarenybenyke. lòlò deòdu mynyduhykŷ doidenyde aōbinahakŷ widŷŷdu aōhòkŷmy risŷnymy rimymy risŷdŷŷnykremy ritamadŷŷnykremy tule aōwiwihikŷ widŷŷdu riteà-làdŷŷnykremy. ¹⁵ Aōwi wihikŷ widŷŷna-di kaiboho hābu bina biyrydŷŷnybenyke. Kia Deuxudeewi rare. ¹⁶ Kaiboho hābu ixihyyludumy ahātenyte urile aōbina bina widŷŷōmy boibekre. Deuxu deòduweselemy boibeke. ¹⁷ Iny ibutumy iòsana biywinyke. Ityhydŷŷdu seriòre luumy boibeke. Deuxu biwowydnybenyke. lòlò bede dinodu biwowydnybenyke.

¹⁸ Deòdu mahādu, awedu bityhynybenyke awedu wiwihikŷle-ò sohojile aōkō ibina bina-wana dori bityhybenyke uritere bedetiidŷŷmy rŷiōmy. ¹⁹ Aōbina riwinyōhyymyhyre deòdu tawedu-ò. Tahe wedu teòdu-ò aōhòkŷmy risŷnyre. Deòdu riòludunymyhyre aōmy rarybeōhyymyhyre, Deuxu rityhynyhyreki. Kia wese tahe Deuxudeewina rare. ²⁰ Iny raòrarunymyhyreki, tai tahe òhòtenamy inyboho ratximyhyrenykeki, aōloosòna widŷŷna bohe kia rare. Inyboho riòludunymyhyreki. Aōwiwihikŷ widŷŷna-di inyboho ywina-di òhòtenamy riòludunymyhyrenykeki, kia Deuxudeewina rare. ²¹ Kaiboho biòludunymyhybenykemy tai iitxemy aratarenyra. Kristu tule dori òrarureny-ki aōhòkŷmy rotŷŷnyre. Iwese timybo tii riwinyre wese kaiboho biwinybenyke. ²² Kristu dori tiu raòrarunyòtyhy, tule aōbinahakŷmy rarybeòtyhy, raruiòtyhy. ²³ Tamy adebure irāmy rryryreu wobinamy aōkō dirawyònyde. Rihetenyre, aōma aōkō dirawyònyde. Urile tii rexiwahinyre Deuxu dee. Deuxu dori òbitina-di rihitxidŷŷnyre. ²⁴ Inyòrarureny dori riwyre itxè òhikŷ tyre-ki. Tai tahe òraruna dee rakarurunyrenyke, tahe òbiti widŷŷna-ò rakatximyhyrenyke. Kristu wotòmomy iny riteytenymyhyre. ²⁵ Iwese budoeni reòsamyhyre wese kaiboho toite. Wijile tahe kaiboho tòòsemy atxitenyte aitxeredu-ò atytyby wiðhedŷŷdu-ò.

3 ¹⁻² Hāwyyreny, ahābureny rybe bityhynybenyke. Tai inyō ihābu ityhydŷŷdu aōkòkeki, tii kidityhynykre tahāwyyhe-ki, aōrybebo aōkō roholareki ihe-ki robireki. ³⁻⁴ Hāwyy ruxerana heka ixidee itidisirenyōmy atximahābenyke aō taumy-ki ritidimyhyre aōkō hāwyy ruxerana rare. Aō iwo-ribi teysare, Deuxu Tytybytyhy widŷŷna inytyhy tii tahe hāwyy ruxerana rare. Rade sihodŷŷtyhy ibutu ratyre aōkō rare. Womati tŷrŷrŷ noho tule aōkòre, tyy wiwihikŷ-di rariamyhyre tule aōkòre. Kia tahe Deuxu dee aōwiwihikŷtyhy aōkō rare. ⁵ Tule ihetxiu hāwyy òbiti tuu rotŷŷnyre, tahābu riywinyre, Deuxu rityhynyre. ⁶ Sara, Abraō riòrese, tahābu riywinyre. Itxi òhòtirenny beake tawedumy tamy rarybere. Kiaboho hāwyyreny iriòre riòre atximahātenyte. Tai aōwiwihikŷ widŷŷnamy botŷŷnybenyke. Bededŷŷnana jei jei lau brebuōmy.

⁷ Hābu mahādu, kaiboho tule asŷreny-ki abedeeryna biyrubunybenyke. Ahāwyyreny biywinybenyke hòraōmy idi ahābenyke, tiiboho dori itxòmoxirenyre iruruòreny. Iòsŷny bityhynybenyke. Wiwana Deuxu ruxetòena tarasadŷŷdu atximahātenyte. Tai aixitòedŷŷnamy òbitimy bexitòenybenyke.

⁸ Tahe kaiboho ibutumy widi mohòtinybenyke wiwesewesele. Ityhydŷŷdu seriòre dee tòena luuna-wana biwahinyke. Ruxetòena-di boibeke iny-ò ixityhydŷŷ aōkō. ⁹ Inyō aōbinamy adee rakeki, ixiòwydŷŷōmy. Inyō rybe-ki aōbinamy adee rakeki, irawyòdŷŷōmy. Wityhymy tamy marybeke. Kia-ò

tahe Deuxu aōwiwhikŷ adee riwahinykre, tai ijōtxu Deuxu wityhynamy adee riwahinykre. ¹⁰Tai inyō tabededyŷnalanuumy ratxike-wana, tatxuu teysamy ratxikeki, tahe dōrōtō rexitaake rybe bina lau iry riyryke wobina rybe lau. ¹¹Aōbina bina-ribi bihenybenyke aōwiwhikŷlemy botŷŷnymahā-benyke. Ywina bijemahābenyke ywina-di ahābenyke. ¹²Deuxurue tahe òbiti mahādu-di retehemyhŷre. Tanohōti tahe ixitōena-ò riijohonanymy rononymhŷre. Aōbina widŷŷnadu-ò tamyreny rayaranymy idi retehemyhŷre.

¹³Kai aōwiwhikŷ widŷŷlemy tiu matxibekeki aōhe iny adee rotŷŷnyōtyhy. ¹⁴Kai òbitiwidŷŷ òraru-ki aōhebo bōtŷŷnykeki, deysamy atximahāke. Breburenyōmy iwese ilaureny ixiōhārudŷŷrenyōmy. ¹⁵Urile Kristu awedurenywesemy bisŷnybenyke aworeny-ribi. Inyō adeeremy aratŷŷraxinyke-wana aōherekibo Kristu tetyhynymhŷtemy, kai bexiwinyhy tamy ixidee rybena bydŷŷna biwinyhyymy idi ahāke. Arawyōdŷŷna ywina-di tamy marybeke iōsŷny bityhynymy arayky òbiti-di marybemahāke. ¹⁶Tai tahe biixŷrudŷŷnyke umy ibinamy rarybekeki, tai dori òbitilemy Kristuko-txi tariamahāte. ¹⁷Tahe Deuxu dee wikeki, aōwiwhikŷwidŷŷ òraru-ki inyō aōhōkŷmy rotŷŷnykeki, kia tahe Deuxu dee awi rare. Aōbinahakŷwidŷŷ òraru-ki aōhōkŷmy rotŷŷnykeki, kia tahe Deuxu dee awi rare. ¹⁸Kristu tahe sohojihyyle rurure iny òraruna òraru-ki. Òbitiwidŷŷdu tahe rurure òbitiwidŷŷdu aōkō òraru-ki, kaiboho ruruweselemy atximahātenyete. Deuxu Tytybytyhy direki kaiboho iruweselemy atximahātenyete. ¹⁹Kristu Tytyby rara rotenawo-ò, tytyby-ò ritŷnynymy rarybeke. ²⁰Noe hāwō nihikŷ riwinyreu, Deuxu riraōmy raremyhŷu urile hābu mahādu rityhynyōmyhŷre. Debō inataō reurō inymy rohonyre rubu-ribi bera-ò rabōrōrōre. ²¹Wiji, kia sebedŷŷna ijy wese heka rare. Tahe aōsebedŷŷna aōkō iny tarasanare. Sebedŷŷna-ki Kristu rubu-ribi ixixana inyboho riteōsinyreri iny Deuxu-ò retehemyhŷre tarasana ritakemy. Bee tahe hālubu surōdu aōkō rare. Rexitōenymhŷreki inywo rityranymhŷre risuhōnymhŷre. ²²Kristu tahe wijile biu bede ronyre Deuxu rurunawe-ribi tii ŷjuboho, dinoduboho, rurunaduboho wedu Kristu rare.

4 ¹Tahe Kristu taumy-wana aōhōkōmy rotŷŷnyre. Tai tahe iwesemy mohōtinybenyke. Inyō dori aōhōkōmy rotŷŷnyre. Tai tahe òraruna-ribi ixiixāwididŷŷmy rōhōtinyreri. ²Tai kabede-ki iny bededŷŷnanareny uhe hābu òta òtawidŷŷ nohōtina wesemy aōkō rakatximyhŷrenyke. Deuxu deewina widŷŷna-ò rakatximyhŷrenyke. ³Juhuu kaiboho sōwemy taōrarunyenye, iwese ityhydŷŷdukōdu mahādu wiji rŷira wese. ⁴Aōraru-ò biōwa mahādu wiji bederiōtiinyre kai tii-wana taōrarunkōmahāteki iwese tiiboho naōrarunymhŷdenyde wese. Tai adee ibinamy rarybemhŷrenyre. ⁵Tule tiiboho ywisidŷŷdu Deuxu-ò rirawōnykre. Idi dori òbiti ywisidŷŷna-di rihitxidŷŷnykre iru mahādu, rubumahādu wana. ⁶Tai tahe inyō ituekre mahādu-ò Rybewihikŷmy rarybemhŷre iumy dori rihitxidŷŷnykre ibutu hābu wesemy. Tahe itytyby Deuxumy irumy rarekre.

⁷Boholabeny inyhe, bededŷŷnana konana iōhōra. Tai tahe inatyhymy mohōtinyke Deuxu-ò òbitimy bexitōenykemy. ⁸Ibutu ratyre wiluutyhymy atximahābenyke. Kaiboho dori aluunadirenykeki wiōraruna-di itxerekōmy ahābenyke. Inyō dori iluunadikeki, wiōraruna-di itxerekōmy ihŷke. ⁹Iny witxira dee awimy rŷira, roraludu isŷōmy rŷira aheto-ò bisŷdŷŷnyke. Bitŷhidŷŷnyke roraludu luumy atximahā. ¹⁰Wii biwiōhenanymy ahābeny iwese

bede teerytenyte wese biwiðhenanybenyke. Deuxu wiðhedÿÿdu wiitxura wahidÿÿdu wiwihikÿmy boibeke. ¹¹Inyô rarybekeu, Deuxu rybedile kana rybeke. Inyô reðbykeu. Deuxu ruudile kedeðbyke. Tai tahe Deuxule loosôna kia-ribi kanatake Jesuisi Kristu òraru-ki ibutumy aôna aôna-di. Aôu aôu ibutumy ruruna, loosôna Jesuisi Kristu hôrô rare. Kie.

¹²Waluuna mahädu, ixibedeòtiidÿÿômy bede aomydÿÿnana sira adee kanakreu. Kia tahe aô brebudÿÿna aôkô rare aôhebo adee kodotÿÿnykeki. ¹³Tÿxihikÿlemy deysa-di atximahäke kia aôhökÿmy dÿÿnana dori Kristu aôhökÿmy dÿÿnana-ò biôwa atximahäte. Idi tahe tule kedeysakre Kristu loosôna òraru-ki. ¹⁴Inyô adee ibinamy Kristuni òraru-ki rarybekeki beysake. Kiau Deuxu Tyytyby heka loosôna sôwe-di atyre-ki kanakre. ¹⁵Kaibohoò rubudÿÿrenyômy, wasirenyômy, aôna aôna bina widÿÿômy, inywitxira aôwysyna-txi rôte. Kiake-wana iôwydÿÿnamy aôhökÿmy botÿÿnybenyke. Tii dori wadee awiôre. ¹⁶Inyô tahe aôhökÿmy rotÿÿnykeki, ityhydÿÿdumy rare òraru-ki tai ixyrumy mabeke. Urile Kristunimy riwowodynkyemy idi rare. Bededÿÿnanahe rehemynymy roire ityhydÿÿdu mahädu-di rihitxidÿÿnanymy riteranykemy. ¹⁷Tahe inydee ywisidÿÿna ritelenykeki, timybohe Deuxu Rybewihikÿ ityhydÿÿdukôdu mahädu-ò kôdôhònykre. ¹⁸Ryberiti-ki roimyhÿre kia: —Ôbiti mahädu dee tarasana isirakeki, timybohe òrarudu mahädu rôhònyke. ¹⁹Tahe inyô Deuxudeewi òraru-ki aôhökÿmy rotÿÿnykeki, Tatyytyby Deuxu-ò rawahike tahe aôwiwihikÿ widÿÿmy rareke. Deuxu dori aôu aôu iny widÿÿdureny rare; iny wiðhedÿÿdureny rare.

5 ¹Ityhydÿÿdu-ò itxeredu mahädu-ò aritohonykre ararybekre. Jiarÿ tule itxeredu-ò rare. Kristu aôhökÿmy rotÿÿnyreu, jiarÿ tuu rabire. Taloo-sôna kiditeòsinykreu jiarÿ awana watxire tewebromy rikitarenykremy. ²⁻³Biwisinanyke aityhydÿÿdu butuna iwese itxeredu budoeni-di retehemyhÿre wese idi beteheke. Ixideewimy kia biwinyke. Inywitxira deewimy aôkô. Aô nieru tarasa sohojilemy aôkô, ityhydÿÿdu wiðhedÿÿmy. Aô ityhydÿÿdu wedu wesemy aôkô bisÿnybenyke, urile bexideòsinyke iwese ityhydÿÿdu òbiti rÿira wesemy. ⁴Tahe itxeredu mahädu wedutyhy kedehemynykeu, tii adee kidiwahinykre loosôna araheto. Tii tiu toosò ixäwiòtyhy. ⁵Itxeredu mahädu tÿmyra bierybenyke itxeredu mahädu matuari-ribi widee ixiwedeômy ahäbenyke. Ixiwede mahädumy dori Deuxu rarawetyynymyhÿre. Ixiwede aôkô mahädu-ò tahe ruxetôena riwahinyke.

⁶Ywimy ahäke Deuxuru-ò iximy xiwedeômy. Tii dori bede òbiti kanakeu akanaloosònykre. ⁷Aomydÿÿna witxira witxira biwahinybenyke Deuxu-ò tii dori arawisinaymyhÿrenyke. Anawiðhenanykre. ⁸Bexihärubenyke aôludureny Satanasi-ò. Ôbitimy mohòtinybenyke. Tii dori leaò reburemyhÿre wese rare. Tii rariarerimy ihÿre tibo riròkemy. ⁹Atyhynatyhy-di idi bexiumynyke. Aityhydÿÿdu seriôre-dori awana aôhökÿmy rotÿÿnyreri kia ixiradÿÿduhukÿle-wana. ¹⁰⁻¹¹Iny Deuxu ruxetôenatyhy rÿire. Kaiboho urihimyo aôhökÿmy botÿÿnybenykeu akanawiðhenanykre, akanarurudÿÿnykre, akanabòbitidÿÿnykre, anaijohonadÿÿnykre. Ibutumy ruruna ihôrômy aôu aôu rarekehyyimy idi watximahäre.

¹²Kia waryberatiyla Sila-wana adeereny riritinyre. Tii iny seriòreny òbitityhy rare. Jiarÿ rarybereri kia Deuxu wiðhedÿÿna inatyhy rare. Kaiboho idi tyhy mohòtinybenyke. ¹³Kowa häwyy Babilonia häwä ludu tule tarybe

weityhyna adee diwahinyde. Tii tule itarasana mahādu-ò. Tule wariòre Marku arārybeweityhynanyrenyre. ¹⁴Widee buòbenyke narybewehityhynanyde. Ywina adeereny kanakemy watzireri Kristu tetyhynmahātenyteki.

2 Pedro

2 Pedro Tyyriti

1 ¹Jiar̄y, Simaō Pedro, Jesuisi Kristu deōdu rare. Jesuisi Kristu rybemy rybedu rare. Warybe ritina rewahinyre ityhyd̄ȳdu mahādu-ò, Deuxu ywisid̄ȳna mahādu-ò, Jesuisi Kristu inytarasadu òbitina òraru-ki, inatyhyna inyboho ijōdirenyreki. ²Ruxetōena wiōhed̄ȳna-wana adeereny kanakemy watxireri Deuxu eryd̄ȳna-ki, Inynyr̄ Jesuisi eryd̄ȳna-ki. ³Tahe Deuxu rurutyhy-ribi inydeereny aōna aōna sōwemy riwahinymyh̄re òbitimy inyboho rokoirekemy iny beded̄ȳnanareny-ki. Tii inyboho ridyrenyre taloo-sōna òbitiwo-ò, tii inyboho rierenytyhyreki. ⁴Tai inydeereny tuu rarybere, sōwemy aōna aōna kanakremy awityhymy inydeereny kia rybe rare. ⁵Kia rybe bityhynybenykeki, bede aōmyd̄ȳnana bina-ribi bexitabenyke, òta òta wid̄ȳna-ribi bexiebenyke. Tule Deuxu rayky wesena-di urihim̄yò boibeke. ⁶Tai tahe ibutumy aruru-di marurunyke aityhyd̄ȳna-ò òbiti wid̄ȳna bibutunyke, kia-ò bedeeryd̄ȳna bibutunyke, kia-ò ixiwedud̄ȳna bibutunyke, kia-ò wid̄ȳnahyyna, kia-ò òbitimy nonana. ⁷Kia-ò ityhyd̄ȳdu seriōre luuna, kia-ò wiluuna bibutunyke. ⁸Kia aōna aōna dori awo-ki ratximyh̄keki, rexið-lōnykeki, arawiōhenanykre Jesuisi Kristu Inynyr̄ bierybenykemy. Tai ityhyd̄ȳdu wihik̄my boibekemy. Iny witxira biwiōhenanybenyke. ⁹Kia aōna aōna inywo-ki ratxiōmyh̄keki, tii heka iruetālemy ih̄ȳre. Aōbo iòhōmy ratxirilemy robimyh̄re. Juhu òraruna iribi risuhoremy idi tōhōti rosare. ¹⁰Tai waseriōreboho marurunybenyke atyhymy boibekemy, aityhyd̄ȳna tyyhyd̄ȳmy boibekemy. Tai tiu òraruna-txi aixeōna. ¹¹Kia wesekeki tahe deysana-di birōnybenykre Jesuisi Kristu inytarasadu òlōna bede-ò.

¹²Kia aōna aōna teerytenyte. Inatyhyna tetyhynyhy atximahātenyte. Ihārele tahe itxi arōhōtijirad̄ȳnyhyrenykre. ¹³Tule warumy mahāreu, awimy idi rahōtīnymahāre kia inatyhyna-di akanaxixad̄ȳnydenykre. ¹⁴Waumy dori kaki elelemy aririkre reeryre. Inynyr̄ Jesuisi Kristu dori kia wadee ditedsinyde. ¹⁵Aōu aōu tahe ararunutyhymy arekre kaiboho kia ibutumy òhōti-ribi rosaōtyhykemy. Tule warubuhewo-ribi kia-di mohōtinyhy boibekre. ¹⁶Tahe adeereny Jesuisi Kristu tehemyrynnyamy rarybere, aō uritere tere ijyymy aōkō heka relyyri hābu ijyyna-ribi aōkō ijyytyhymy. Inyboho dori iny iōlōreny loosōnatyhymy robimyh̄reny. ¹⁷Tii dori Deuxu inytyby-ribi loosōna wowydyna-wana ritare. Tuu Deuxu loosōnawo-ribi narybede: Kai heka Wariōre waluu Tate. Jiar̄y reysamy watxireri adee. ¹⁸Kia rybe-ò jiar̄yboho raholareny tii-wana hāwālò raty tyre-ki roiremyh̄y. ¹⁹Iwese juhu rybemy rybedu mahādu rarybere wese, kiamy heka

wiji inyeereny ritŷnynymy roimyhŷre. Kaiboho tule kia-ò boholamahā-benyke bityhynmahābenyke. Iwese iny loosōna-di bedeluru-ki, retehemyhŷre wese. Idi tahe Kristu kòdòhònykre, iwese tainahakŷ ròhònyre wese. Tahe aworeny-ki kanasŷnykremy ratxikre. ²⁰Kia heka juhuu bierykre: Tyy-ritirybeò tiu ixiwanale ritŷnydŷŷnyòtyhy. ²¹Deuxu rybe dori hābudeewimy aòkò heka nade juhu Deuxu Tyytybytyhy hābu dee rybe ritŷnynyry aōmybo rarybekemy.

2 ¹Iwese juhuu inyy-ki rybedu inatyhyōna rarybere wese, tule ayreny-ki rybedu inatyhyōna kidierydŷŷnykremy. Tiiboho kedeerynanykre aōbinabinahākŷmy. Tiiboho kidiitxenanydenykre. Tule Inynyrŷ kidiseōnykre. Tai tahe aōwesele rexihukre. ²Sōwemy iny iōta òta erydŷŷnyra rityhynykre. Tai iny witxira inatyhyina ery dee ibinamy rarybekre. ³Kia rybedu inatyhyōna adyna-di ratxihyymy roireke tai adeereny raruimyhŷke. Anieru tarasana-ryen-ò. ⁴Iatysyna heka iòhòmy namahāde tule idi dehuna inatyhymy kòdòhònykremy ihŷre. Ŷju mahādu raðrarunyreu Deuxu tòtxi ririòlemy reare tahe idi rehulemy reare bedebina heòty-ò. ⁵Iu bee-di Deuxu suu ritŷmynyreu, òrarudu mahādu ituere Deuxu tòtxi ririòre. Noe, òbitina rybedule, ritare debò inatxi reurò iny-wana. ⁶Sodoma hāwā Omora hāwā-wana aōwesele Deuxu ritoonyre, raðrarunyreki. Brybymy relere. Tai heka iny ribedeerynymyhŷre òraru lau. ⁷Kia hāwāy-ribi heka Lòijoi sohojile ritare. Lòò òbiti rare. Tii heka terare òrarudu mahādureki. Tòtxi ririòhyyre. ⁸Imahādu-ki Lòò rasŷnyreu, txuò txuòlemy iwo rabadewotyhyimyhŷre, aōbinawidŷŷmybo robire idi roholareki. ⁹Tahe òbiti widŷŷdu urihixina-ribi Inynyrŷ ridykemy rierymyhŷre. Tule ibinamy widŷŷdu mahādu aòhòkŷmy dŷŷnana riraòmyhŷre. Ywisidŷŷnatxu kedehemynykreò. ¹⁰Ibutu ratyre urari òta òta widŷŷdu mahādu aòhòkŷmy rotŷŷnykre. Tiiboho Deuxu ruru riseōnyrenymyhŷre. Ixi-di xiwedeu wesemy rŷirenyre, ixiluudu wesemy rŷirenyre. ¹¹Aōbinahakŷlemy biuludu mahādumy rarybemyhŷrenyry. Tahe ŷju mahādu iruruna ratyre-di hāre tamy ibinamy rarybeōmyhŷre, Deuxuko-txi. ¹²Tahe kia iyykaraluu mahādu iròdu deborehekŷ wesemy ratximyhŷre. Iròdu debore tahe bedehuduna widŷŷmy rare ada ròtenawo-ò rakelemy. Kia hābu mahādu aōmybo ròeryòhyymyhŷre dee ibinamy rarybemyhŷ. ¹³Tiiboho ixi-di dehuna-di ixi dee kedexiixāwinykre. Tiiboho òraru luumyhŷre txumy dori raðrarunyrenymyhŷre. Awanarenny dori riroximahāre, aōbinahakŷtyhy wesemy ayreny-ki ratximyhŷ iðarunarenymy rybe luureki. ¹⁴Tiiemy iru hāwyydihyy retehemy ihŷre tamy òta òtalemy ròhòtinymyhŷre. Kia hābu hāwyydŷŷweduna rierymyhŷre. Hāwyy urihimyo tŷŷwekeki kia hābu idyna rybe-di rierymyhŷre hāwyy-di aòbo tai riurarinymy taòbirenarenny rihydŷŷnymyhŷre aòbo tai riurarinymy idi ratximyhŷre. Tiiboho tuedena nihikŷ-di ituerenykre. ¹⁵Òbitiry ririmyhŷrenyry. Reòsamyhŷrenyry. Balaaōry dori riheludunymyhŷrenyry Balaaō, Beoro riðre òraruòwydŷŷnamy ritakemy ratxireri iðararu luureki. ¹⁶Aōbinahakŷ riwinyreki rexiòwynyry. Kiamyre heka. Jumenta wesena rybeteremy tamy rarybere inyrybe wesemy iitxŷtena-ribi riixāwidinykemy. ¹⁷Tiiboho bedidehuna wese roire bee ihoòreki. Yhy biuwetyy tiò ridymyhŷre wese kia hābu mahādu roire. Tamy bede luruhukŷ bede riyrubunymy rŷire. ¹⁸Tiiemy taðrarumy rarybehymy raremyhŷ inyò aòta òta rybe-di ridykemy. Inyò deòsary-ribi ròhònykeki, tii ridylemyhŷre ixybyle òraruna-ò. ¹⁹Tamyreny

rarybemyhÿre ixideewimy boibekemy. Urile irybedureny òrarunawidÿÿna deòdumy ihÿrenyre. ²⁰Iwese inyò ijեսuna-ribi riatymyhÿkeki, iatysydÿÿdu deòdumy rarekre wesemy. Kiawesele tahe òraruna rare. Inyò bede aòmydÿÿnana òraru-ribi ròhònykeki, tahe ixbyle ròðsekeki, teleu raremyhÿ ratyre ikonanau ratÿÿnykre. Inynyrÿ Jesuisi Kristu dori tii rierymyhÿre juhuu tahe idi rexideyresanyre kia aòmydÿÿnana òraru-ò. ²¹Tiiboho ryòbiti rierymyhÿrenyre. Tahe bede ywina òbiti-ribi rexiòlòdÿÿnyre. Rieryòhyÿkeki tamy wimy tuu raremyhÿ, rytÿmyra erysy-ribi rohonyrenyreki. ²²Tiiboho kia rybedÿÿna hitxina wesemy ihÿrenyre: —Ijòròsa tahylòina-ò ròðsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixbyle rexisunÿke.

3 ¹Kia, waluuna mahàdu warybe ritidÿÿna juhuludu aòkò rare ihewo-ludu rare. Warybe riti wiwanadile anohòti ijiradÿÿmy watxireri anohòti riraixixanykemy. ²Deuxu rybemy rybedu òbitimy rarybemyhÿre òhòti-ribi rosaòkre, tule Inynyrÿ iny tarasadu bede ywina nohòti losaòmy iwese tarybe deòdu adeereny riernanyre wese. ³Ibutu ratyre, kia-ribi nohòti losaòmy. Ikonana txuu hàbu binahakÿ rybe binatyhy-di kòðòidenykre. Kia hàbu òta òta widÿÿlemy ròhòtinymyhÿre. ⁴Kiamy hàbu rarybekre. Tiubo Jesuisi Kristu nonana kanakre. Juhu inytybyreny ituereu wiji bededÿÿnanau tiu naòhyymyhÿde. Ibutumy heka juhu bedeu ixi wese hyylemy bede roimyhÿre. ⁵Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. ⁶Bedi juhuu bede ibutumy rexihura. ⁷Tule wiji irybedile bede rÿimyhÿre. Tahe ixbyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hàbu tòhòti rosare.

⁸Tahe aòsohòjibo, waseriòreboho, nohòti-ribi loosarenymy. Kia heka rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aò aòkò rare. ⁹Inynyrÿ tarybewesele aòna aònamy kodotÿÿnykre. Aò raroorehenymyhÿre aòkò rare urile tahe hàbu riraòhyymy rÿimyhÿre hàbu taòraru-txi tòhòti reakemy. Ibutumy tarasana-ki rÿikemy dori idi ratxireri. ¹⁰Wasidu namyhÿde wasimy Inynyrÿ txuu kòðòhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxienykre. ¹¹Òbitimy rakatxirenÿke. Kia ibutumy ròhònyreki. ¹²⁻¹³Inyboho heka riraòmyhÿrenyre biuwetyy tÿmyra sutÿmyra-wana. Inynyrÿ dori rarybere kia kidiwahinykre.

¹⁴Tai heka waseriòre waluuboho, òbitimy atximahàbenÿke kia-ò dori teraòmahàtenÿte. Tii kanakreu umyreny robikre ywimy, òbitimy, inyò heka umyreny ibinamy rarybeòtyhy. ¹⁵Rexiroorehenymyhÿre ibutumy iny tarasarenymy. Tule inyseriòre Paulo adeereny ròritidÿÿre ibede eryna Deuxu tamy riwahinyre. ¹⁶Kiamy tule aòna aònamy tii ròritidÿÿre. Tahe iritina-ki aòbo isiratyhyre ierykònatyhy roire òbiti mahàdu aòkò kia rybe-di aòwi-txiramybo riernanymyhÿre. Iwese ijò Ryberiti-di riwinyre wese. Tai heka tiiboho ituerenyre. ¹⁷Kaiboho tahe waityhydÿÿdu seriòre bexihàrubenyke ilau teòsana-di aradyrenyheny. Tai kaiboho beòsabenyke. ¹⁸Inynyrÿ Jesuisi Kristu wiòhedÿÿna-di ibedeerydÿÿna-di maumynybenÿke. Wowydyna ibutumy tamy kanakemy idi wàhàre wiji tyhymy rareke. Kie.

1 Joaõ

1 Joaõ Tyyriti

1 ¹Jiarỹboho akoreny retỹñynyneri, Jesusimy. Tii Rybe rininirenyra. Tii juhubeu raremyhỹ. Jiarỹboho rabirenyra, tarybemy aholarenyra, tamy reteherenyre, aõbo riwinyreõ, tule tamy iny rerimyhỹre. Tii inyeereny umytỹmyra riwahinyneri. ²Umytỹmyra tuedeõna Deuxu inytyby-ribi rehemynyra. Kia umytỹmyra tuedeõna Jesuisi-di rare. Jiarỹboho tuu rabirenyre. Tii rexideõsinyre inyrenyko-õ. Kia tahe adeereny relyyneri iwese raremyhỹ wese. ³Aõõbo iny roholare wese, tuu rabire wese, kia tahe tuu relyyneri inyboho wiluurenykemy winohõtiwesele rõkõhõtinyrenykeny. Inyboho rahõtinyrenyneri iwese Deuxu inytybyreny, Jesuisi Kristu Deuxu Riðre-wana wiwese rõhõtinyre wese. ⁴Kia tahe waryberiti adee rewahinyneri adeesamy rakatximahãrenykeny.

⁵Kiamy tahe Jesuisi inyeereny relyyneri: —Deuxu txuloosõna wese ratximyhỹre. Deuxu-õ bedeluru aõmydỹñana rehemynyõtyhy kiamy adeereny relyyneri. ⁶Inyõ rarybekeki: —Jiarỹ Deuxu-wana winohõtiwesele rahõtinyrahãre. Kia iny bedeluru aõmydỹñana-di ratxireriki, kia iny raruimyhỹre. ⁷Tahe inyboho loosõna waõmydỹñana riwinymyhỹrenykeki iwese, Deuxu loosõnawo-ki ratximyhỹre wese, tai inyboho wiwesele rõhõtinyrehỹke. Tahe Jesuisi, Deuxu Riðre hãlubu ibutumy iny òraru-ribi iny risuhòmrehỹke. ⁸Inyõ rarybekeki: —Jiarỹ raðrarunyõhywãhãre, kia rybe-di tii ixidee riitxenanyrehỹre. Tii raruire rityhynyõre. ⁹Iny taðrarurenymy relyyrenykeki, Deuxu tiemy õbiti rare, tii iny òrarureniny-ribi riixãwididỹñykre. Aõbo iny iwo-ki isuisumy ihỹre tii rityranyke. ¹⁰Inyõ òrarudikemy aõkõ raryberenykeki, inyboho Deuxu ruidumy rarybemahãreny. Kia iny Deuxu rybe rieryõhyrehỹre.

2 ¹Kaiboho wariðre wese atximahãtenyete. Adeereny waryberiti rewahinyneri, kaiboho òrarurenymykeny. Iny òraruna-txi resekeki, iny wiðhedỹñdureniny dire. Tii Jesuisi Kristu rare. Òbiti rare òraru iyydumy rarekemy Waha Deuxuko iny wiðhedỹñmy. ²Tii dori itxeðnihikỹ-ki rurura iny òraruðwydỹñ-ki. Inysohojile òraru aõkõ rurura tahe ibutumy iny òraruðwydỹñ-ki. ³Tiwesebo inyõ rexierykre Jesuisi rieryrenykeny rityhynymyhỹkeki karybe bede ywina wese rierykre tii rexierykre Jesuisi rityhynyneri wana. ⁴Inyõ rarybekeki: —Jiarỹ Jesuisi reeryre. Irybe bede ywina riywinyõkeki, iny ruidu rare. Inatyhyna rityhynyõre. ⁵Inyõ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahãduwo-ki ratxireriki-wana. ⁶Inyõ rarybekeki: —Jiarỹ Jesuisi mahãduwo-ki watxireriki. Tamy kia wese rỹikeki.

Aõmybo Jesuisi rotỹnyre wese, tii tule rotỹnyke. ⁷Ityhydỹduseriõre, adee bede ywina tỹmyra aõkõ rewahinyreri. Bede ywina tyby kia rare. Kia juhuhu teertyentye. Inyboho wiluurenykemy, kia bede ywina tyby rare, juhuhu taholatenyte. ⁸Kia rybe bede ywina itỹmyra rare. Jiarỹ adee rewahinyreri. Kristu dee inatyhy rare tule adee inatyhy rare. Bedeluru rõhõnyra, loosõna inatyhy bede-ò ralõmyhỹre. ⁹Inyõ rarybekeki: —Jiarỹ loosõnawo-ki watxireri. Kia iny taityhydỹdu seriõre luuõkeki, bedeluru-ki ratximyhỹre. ¹⁰Inyõ taityhydỹdu seriõre luukeki, kia sohojile loosõnawo-ki ratxireri. Aõ aõkõ tii riatydyỹnyra. ¹¹Inyõ taityhydỹdu seriõre rexihitxinykeki, bedeluru-ki rariamyhỹre. Titxibo rakre rieryõhyymyhỹre. Bedeluru dori ruetàna rare.

¹²Adeereny warybe rewahinyreri wariõre wese aòraru dori, tii riixāwidi-dỹnyre Jesuisi òraru-ki. ¹³Iumy mahādu-ò warybe riti rewahinyre adihahinyde, kaiboho dori tuu teertyentye. Tii hykyle dori juhuhu raremyhỹ. Ijoityhy-ò waryberiti rewahinyre, Satanasimy tahaỹnanyentye. ¹⁴Wariõre, inytyby Deuxu teertyentye. Iumy mahādu, adeereny aratyyritinykre, kaiboho dori tuu teertyentye. Tii hykyle dori juhuhu raremyhỹ. Ijoityhy, adeereny aratyyritinykre, Deuxu rybe dori õhõtireny-ki ratxireri, arurudireny dori. Satanasimy tahaỹnanyentye. ¹⁵Bede aõmydỹnana luurenykõmy boibeke. Inyõ bede aõmydỹnana luukeki, Deuxu inytyby luuna rieryõke. ¹⁶Kia bede aõmydỹna rare: òraruluuna, aõmy robira-wana tuure, aõna aõnamy ixityhydỹna. Kia Deuxu-ribi aõkõ nade. Kia bede aõmydỹna-ribi nade. Kia bede aõmydỹna-ribi nade. ¹⁷Kabede ixāwikre taaõmydỹna òta òta-wana. Deuxudeewimy widỹdu tiu ixāwiõtyhy. Tii awimy rỹirakre.

¹⁸Wariõre wese. Ikonana bededỹnana iõhõmy roire. Adeereny narybede Kristu òludu kanakemy. Betehe inihe, Kristu òludu sõwemy dehemynyde. Kiawese inyboho rieryrenyre ikonana bededỹnana iõhõmy roire. ¹⁹Kia Kristu-ò òludu iny mahādu wotya-ribi rõhõnyrenyra. Tii ityhydỹdutyhymy aõkõ ratximyhỹre. Ityhydỹdu mahādu tiu rõhõnyõtyhy. Rõhõnyrenyreu, ibutumy rieryre, kia iny mahādu aõkõ ratximyhỹre. ²⁰Kaiboho aõmydỹnana ibutumy teertyentye Deuxu Tytybytyhy direki. ²¹Kia rybe adee aratyyritinyke, kaiboho dori Deuxu rybe inatyhyna teertyentye. Tiu rui Deuxu inatyhyna-ribi rõhõnyõhyymyhỹre. Kia tahe teertyentye. ²²Moheka ruidu rare. Inyõ rityhynyõkeki Jesuisi Deuxu deðdỹna raremy, tii tahe ruidu rare. Inyõ Kristu Deuxu-wana ritxiõnykeki, tii Kristu òludu rare. ²³Inyõ Deuxu Riõre ritxiõnykeki, tii Deuxu-wana aõkõ ratxieri. Inyõ rarybekeki: —Deuxu Riõre retyhynyre, tii Deuxu-wana ratxireri. ²⁴Juhuhu aõõbo roholare taholamy toitemyhỹ idi mohõtinybenyke. Idi mohõtinyamahābenykeki, Deuxu, Iriõre-wana aõu sõu matxibenyke. ²⁵Jesuisi Kristule juhuhu inydeereny narybede, umy ituedeõna inydeereny kidiwahinykemy. ²⁶Kia waritina jiarỹ wiji rehura. Aitxenadỹdu lau adee reritinyra. ²⁷Abedeerydỹna Kristu tatyytyby adeereny riwahinyre. Tii tahe awanale ratxireri. Aerydỹdu aõkõ adeereny rauhenyrenyeri. Tii tahe inatyhy bedeerydỹna ibutumy araerynanyeri. Rui aõkõ rare. Iwese tii araerynanyreri wese, ibutumy biyrubunymahābenyke. Kia tahe Kristu-ki hykyle bexiemyhỹbenyke. ²⁸Wiji, wariõre wese aõu aõu boibekemy Deuxu mahāduy-ki. Tai Jesuisi kað kedehemynykeu, buberuõtyhy ada maixỹruõtyhy ilau. ²⁹Deuxu õbitityhyhy ratximyhỹre. Kia teertyentye. Inyõ õbitimy rarekeki, Deuxu riõremy rareke. Kia tule teertyentye.

3 ¹Boholake, inytyby Deuxu taluuna nihikỹ inydeereny riwahinyre. Inyboho dori tii rininirenyre Deuxu Riðremy. Inatyhymy inyboho Deuxu Riðremy roire. Kia tahe ityhydỹđdukõdu mahãdu rieryõre. Tiiboho dori Deuxu inytyby rieryõhyymyhỹre. ²Waluuna mahãdu, inyboho Deuxu Riðremy roire. Rierykõrenykre timybo iny rokoirekremy. Kia inyboho rieryrenyre: Jesuisi kodobehekrey, inyumy taumy wese risỹnykre. Inyboho dori kodobidenykre iwese rarybemyhỹ wese. ³Inyõ Jesuisi wesemy rarekemy ratxikeki, iwese Jesuisi õbitimy raremyhỹ wese tii rareke. ⁴Inyõ Deuxu bedede ywina rybe rityhynykeki, tii rexiðrarunyeke. Kia heka òraruna rare. ⁵Jesuisi dobehede òraru tarasadumy rarekemy. Kia teerytenyte. Jesuisi inatyhymy raðrarunyõhy raremyhỹ. ⁶Inyõ Jesuisirykihy rarialeke, tii òaruõmy rareõtyhy. Inyõ òrarumy rarehykeki, tii Deuxu rieryõhyymy rareke tuu robiõhyymy rareke. ⁷Wariðre wese, itxenadỹđdu lau bexiyrubunyeke iny aõmydỹñnana õbitimy riwinykeki, iny õbitilemy rareke, iwese Jesuisi õbitimy raremyhỹ wese. ⁸Inyõ òrarunadityhy raretyhykeki, tii Diabo mahãdu-di rareke, Diabo heka òrarauna-ki hyy nodure. Tai kað Deuxu riðre nade Diabo aõmydỹñnana ixãwikemy. ⁹Inyõ Deuxusỹ riðrekeki tii òraruna-txi reseõlemy ratximyhỹre Deuxu dori iwo ritymyranyre. Tii reseõhyky rareke. Deuxusỹ dori rare. ¹⁰Kia wese iny rieryrenykre inyboho iriðre Deuxu riðremy roire ada Diabo riðremy aõbo, inyõ Deuxu deewimy riwinyõkeki, tii Deuxu Riðre aõkõ rare. Inyõ taityhydỹđdu seriðre luuõkeki, tule Deuxu Riðre aõkõ rare. ¹¹Kia bedede ywina rybe juhuy taholamy tatemyhỹ ihãre tadoholamahãte. Kia heka rare: iny wiluukemy. ¹²Iwese Kai taserðre rirubunyeke wese aõkõ rikiwinykre. Tii dori Satanasi mahãdu rare. Aõherekibo tasewriðre rirubunyeke. Iaõmydỹña Deuxu dee awiðre Iserðre aõmydỹña Deuxu dee õbitire tai tahe rirubunyeke.

¹³Waseriðreboho, ityhydỹđdukõdu mahãdu eramy ratximyhỹ. Kia-di bedediidỹñomyke. ¹⁴Inyõ ityhydỹđdu seriðre luukeki, tii rubumy rỹire wese mahãdu-ribi røhònyre. Kia reerymyhỹrenyre. Tahe umytuedõna-ki rahara. Inyõ luuõkeki, tii rubumy rỹirawese mahãdu-ki ihỹmyhỹke. ¹⁵Inyõ taseriðre derakeki, tii rubudỹđdu wese rare. Boholake, kia teerytenyte. Rubudỹđdu umytuedeõna-ki rahaõtyhy. ¹⁶Kiawese luuna rikieryrenke dori Kristu rubu-ò rexiwahinyre inydeereny tõemy. Tai tahe inyõ taseriðre dee rurukeki iluuna sõwereki. Tii tahe awire. ¹⁷Inyõ ityhydỹđdu seriðre aõhokỹmy rotỹñnykeki, rama rahukeki, tuu robike aõ ijõdikeki, tahe iny riwiðhenanyõkeki, tii Deuxu luuna-di aõkõ ratximyhỹre. ¹⁸Wariðre wese, luuna urile tuu rybena aõkõ rare. Aõhebo rotỹñnykemy ihỹre. Kia tahe aluuna inatyhymy biteðsinyke. ¹⁹⁻²⁰Kiawese iny reeryrenyre inatyhyna mahãduwo-ki ratximyhỹre. Jiarỹ arahõtinykeki. Jiarỹ aõkobo ityhydỹđdumy watximahãre. Deuxu warayky riwiðhenanymy ratxireri. Deuxu warayky ratyre raraykywydynanymyhỹre. Tii ibutumy aõ rieryre. ²¹Waluuna mahãdu, ruberuõhyymyhỹre tahe iny ityhydỹđdu mahãdu-ki ratximyhỹre wana rieryreki Deuxu iny rityhinyre. ²²Tahe aõmy iny rexitðenykeki tii inydee kidiwahinyke. Iny dori ibede ywina rybe rityhynymyhỹre. Deuxu deewimy iny riwinymyhỹre. ²³Kia heka Deuxu bedede ywina rare. Jesuisi Kristu, iriðrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy. ²⁴Inyõ Deuxu bedede ywina rybe rityhynykeki, Deuxu-wana rareke. Tii-wana

ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4 ¹Waluuna mahādu, ibutumy rybe bityhynybenyōke inihe ityhydỹrenyōmy. Tai biurihihe iny rybe Deuxu-ribi inatyhy aōbo ada aōkōre aōbo. Sōwemy rybedu mahādu rōhōnymyhỹre. Tahe inatyhymy Deuxu rybemy rybedu aōkō rare. ²Kiamy Deuxumy rybedu mahādu inatyhymy bierykre, inyō rarybekeki: Jesuisi Kristu hābu wesemy nade, tii inatyhy Deuxu mahaduō ihỹre. ³Inyō kiamy rarybeōkeki, tii Deuxu mahādu aōkō ratximyhỹre. Kia Kristu òluduō rare. Tamy taholamahāte kanakreð, tahe, kia ratximyhỹre. ⁴Wariðre wese, kaiboho Deuxu mahādumy toite. Rybedu inatyhy aōkō rare, kia ruru tetatenyte. Deuxu dori aworeny-ki ratximyhỹre Deuxururu, Diabo ruru ratyre rare. ⁵Inatyhymy rybedu aōkō aōmydỹnana binamy relymyhỹre. Tii dori ka bede aōmydỹnana bina mahādu rare. Tahe ityhydỹdukōdu mahādu tamy roholamyhỹre. ⁶Inyboho Deuxu mahādu roire. Inyō Deuxu rierykeki, inydeereny roholamyhỹre. Inyō Deuxu rieryōkeki, inydeereny roholaōtyhy. Kiamy rikierymyhỹrenyke inatyhyna mahādu inatyhyna aōkō mahādu.

⁷Waluuna mahādu, wiluumpy rakatximyhỹreny. Luuna dori Deuxu-ribi nade. Inyō luukeki, Deuxu-ribi tibie rare. Iny Deuxu rieryre. ⁸Inyō luuōkeki Deuxu rieryōre. Deuxu dori luuna rare. ⁹Kiawese inyboho rieryrenyre Deuxu inyluuremy ratxire. Deuxu Tariðre sohojile diteònyde bede-ð inyboho Iriðre-ki umy tỹmyra-ki rahakemy. ¹⁰Kia heka luuna rare. Juhuu Deuxu iny tuu aōkō rare. Tii tahe inyluure. Tule tariðre diteònyde inyòraru òwy òwydỹnanykremy. ¹¹Waluuna mahādu, Deuxu inyluurenytyhyreki, tai tahe inyboho wiluumpy rokoireke. ¹²Tii Deuxumy inyō robiōhykyre. Inyboho wiluumpy rỹikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhỹre. ¹³Deuxu iny-ð Tatytyby riwahinyre. Kiamy tahe inyboho rieryrenyre tamahādu-ki ratximyhỹre. Tule rierymyhỹreny tii iny-wana ratximyhỹrenyre. ¹⁴Deuxu Riðremy inyboho robirenyra Tulobixidumy inyboho roire. Tuu adeereny relyyleri. Deuxu Tariðre diteònyde iny tarasadumy rarekemy. ¹⁵Inyō rityhynykeki idi rarybekeki: Jesuisi Deuxu Riðre rare, tii Deuxu-di tawo-ki ratxireri. Tii Deuxu-wana ratxireri. ¹⁶Inyboho rieryrenyre Deuxu inyluurenyre. Kia iny rityhynyrenyre. Deuxu heka luuna rare. Inyō luuna-ki ratxihyykeki Deuxu tii-wana ratxihyyke. Tii Deuxu-wana ratxihyymyhỹke. ¹⁷Iny luunareny Deuxu-ð rauhenyòreri. Tai tahe Deuxu wiribi ritxuakre kia txuu inyboho kiatsulau ruberuōtyhy. Iwese tii ratximyhỹre wese inyboho kabede-ki ratximyhỹrenyre. ¹⁸Inyō luuna-di ratxityhykeki, tii ruberuōtyhy. Luunatyhy brebuna-di rehumyhỹre. Aōhōkỹmydỹnana brebuna kidiwahiny-leke. Inyō brebuna-di ratxikeki, tamy aōhỹkỹmy dỹnana kanakre. ¹⁹Juhuu Deuxu inyluurenyre, tai tahe inyboho iluurenyre. ²⁰Inyō rarybekeki: —Jiarỹ Deuxuluure. Tai tahe tii ityhydỹdu seriðre luuōkeki, tii ruidu rare. Inyō taityhydỹduseriðre luuōkeki, timykibo Deuxu luumy rarekemy iximy rōhōtinyke Deuxu dori tiu tuu robiōhyymyhỹre, taseriðremy tahe robihyky ihỹre. ²¹Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhydỹdu seriðre luumy ratxikre.

5 ¹Jesuisi inatyhymy Kristu rare, Deuxu deòdỹna rare, inyō rityhynykeki, tii inatyhymy Deuxusỹ mahāduwo-ki ratximyhỹre. Inyō Deuxu

luukeki, tule iriðre luukre. ²Inyboho Deuxuluukeki tarybe ywina rikiywinykeki, tai Deuxu tibiedÿÿna mahâdu luumy rikierenyke. ³Deuxu rybe ywina rikityhynkre, irybe ywina dori isiraðre. Tai inyboho Deuxu luuna riteðsinykre. ⁴Deususÿ mahâdu bedede aomydÿÿnana bina bina rururitamyhÿre iny Deuxu rityhynyrieriki, kia bedede bina bina rururitareri. ⁵Mo tahe kia ijesu tarasadure. Inyð Jesuisi Deuxu Riðre raremy rityhynykeki, tii bedebina bina ijesu tarasadu rare. ⁶Jesuisi Kristu nade. Inyð tii riratisebenyre idi rare rurukremy tahâlubu ritxiwikremy. Rexiratisebenykemy sohojile aðkð nade, tule tahâlubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. ⁷Inatað aomydÿÿnanamy inydeereny rarybere: Deuxu Tyytybytyhy iðore, Jesuisi ixirati sebedÿÿna iðore, Jesuisi rubudÿÿna iðore. ⁸Kia inatað aomydÿÿnanamy wiwese wiweselemy rarybereri. ⁹Hâbu rybe iny rityhynymyhÿre. Deuxu rybe hâbu rybe ratyre rikityhynmy rakatximyhÿrenkre. Kiamy Deuxu Tariðremy rarybereri. ¹⁰Inyð Deuxu Riðre rityhynykeki, aobo inatyhy ixidee rieryre. Inyð rityhynyðekeki, tii Deuxu-di ruidumy rðhðtynyereri. Tii dori rityhynyðereri timybo Deuxu tariðremy rarybere. ¹¹Kia rybe rare: Deuxu inydeereny umytuedeðna riwahinyre. Tii tiu umy ituedeðna iriðre-ki inyboho rakaharenkre. ¹²Inyð Deuxu Riðredikeki, tii umytÿmyra tuedeðna-ki rahake. Inyð Deuxu Riðre-di aðkðkeki, tii umytÿmyra tuedeðna-ki tahasaðna.

¹³Kia aðna aðna adeereny retyyritinyre kaiboho umytuedeðna-di atxitenyteri bierybenykemy. Deuxu Riðre tetyhynytenyte. ¹⁴Inyboho Deuxudeewimy rexitðenymyhÿrenyre, Deuxu iny-ð roholamyhÿre. Kia tahe inatyhymy rybena rare. ¹⁵Inyboho rierykeki tii inydeereny roholamyhÿre, tai rierymyhÿrenyre tii inydeereny riwahinyke aomybo iny tamy rexitðenyereri. ¹⁶Iny ityhydÿÿdu seriðre rubu-ð aðkð ðraruna-txi resekeki, tamy Deuxu-ð rekexitðenynkre, Deuxu kia riwiðhenanykemy ixbyby Deuxu-ð rððsekemy. Tii rubu-ð ðraruna-txi resekeki, jiarÿ adee ararybeðkre tamy bexitðenykemy. ¹⁷Ibutumy ðbiti aðkðkeki, ðraruna rare. ðraruð rubudÿÿnahyky kidiwahinyðkre.

¹⁸Inyð Deuxu-ribi tybiekeki, ðrarunahyy-ki rareðtyhy. Kia inyboho reeryrenyre. Deuxu Riðre ryrubunymyhÿre. Diabo iribi rðtaðtyhy. ¹⁹Deuxuhðrð inyboho roire. Kia inyboho rieryrenyre. Kabede bina mahâdu taaomydÿÿna-wana Diabo hðrð rare. ²⁰Tule inyboho rieryrenyre: Deuxu Riðre inatyhymy kað nade. Tii riernanyre mobo Deuxu inatyhy raremy. Deuxu-wana inyboho ratximyhÿrenyre, inyboho-dori Jesuisi Kristu Deuxu Riðre-wana ratximyhÿrenyre. Kia heka inatyhymy Deuxu rare. Kia inatyhymy umytuedeðnamy rare. ²¹Wariðre wese, bexihâruke ibutu bededraruna lau.

2 Joaõ

2 Joaõ Ryberiti

¹Jiarỹ dohodỹỹna matuari mahãduõ warybe rare. Watyyriti rewahiny-reri Deuxu ywisidỹỹna hãwyyõ-ò, iriòre-ò. Jiarỹ ibutumy inatyhyerydu mahãdu-wana tiiboho inyluutyhyrenyre. ²Inatyhyna dori inyworeny-ki ratxireri. Ratxityhyhyemy ratxike. ³Kia dori inatyhy inydeereny tate luuna-di. Deuxu deysana, ruxetõena, ywina adeereny kanakemy watximahãre Deuxu Waha-ribi, Jesuisi Kristu, Iriòre-ribi.

⁴Ariòre mahãduy-ribi inatyhymy ijõ ityhydỹỹdumy ralore. Kia reeryreu, jiarỹ wadeysatyhyre ariòre Deuxu bede ywina rityhynyrieriki. ⁵Adee arexitðenykre hãwyy. Bede ywina rybe tỹmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹỹnyreri. Kia heka rare: iny wiluukemy rakatximyhỹrenykemy. ⁶Bede ywina rybe rikityhynyhyykeki, kia heka inatyhy luuna rare. Kia bede ywina juhuu Deuxu-ribi taholate. Tuu txuõ txuõlemy biwinyke. ⁷Sõwemy hãbu itxenadỹỹdu tyhy kabede-ò dòhõnyde. Tiiboho Jesuisi hãbuwesemy nade rityhynyõlemyhỹre. Kia itxenadỹỹdutyhy tule Kristu òludutyhymy roire. ⁸Tamyreny bexie-beny, inyaõmydỹỹnana aõmysỹdỹỹnatyhy-di ritaremy iõkõkemy, Deuxu wahidỹỹnaõwy ibutumy ritakemy. ⁹Inyõ Kristu erydỹỹnana-ribi ròhõnykeki tule iwitxira erysyna riernanykeki, tii heka Deuxu hõrõ aõkõ rare. Inyõ Kristu erydỹỹnana-ribi ròhõnyõkeki, tii Deuxu dire iriòre dire. ¹⁰Tai tahe itxenadỹỹdu Kristu erydỹỹnana erydỹỹdu aõkõ aheto-ò rehemynykeki, uritere iròtedỹỹõmy, irybedỹỹõmy. ¹¹Inyõ rirybenykeki, iaõmydỹỹnanabina-ò riwiòhenanyreri.

¹²Jiarỹ warybe sõwemy adibutunywãhãde. Urile tyyriti-di ariritinyõkre. Arorarenymy dori arakemy watxireri. Kiamy rybe sõwemy ròhõnykre inysõwemy reysakremy. ¹³Aseriòre Deuxu ywisidỹỹna mahãdu senadu, kia riòre tarybe wehityhyna adee riwahinyreri. Kie.

3 Joaõ

3 Joaõ Ryberiti

¹Jiarỹ, dohodỹyna matuari mahãduõ rare. Wabiõwa-ò, Kaio-ò watyriti rewahinyreri. Inatyhymy aluumy watximahãre.

²Waliina, juhuutyhy Deuxu-ò arãixitõedỹnyra aaõmydỹyna tule aumy wihikỹhykymy mabekemy, iwese atytyby awire wesele ratxireri. ³Inyseriõre wese aribi rehemynyrenyre, wako relyyrenyre umy iwese kai õbitimy tate wese tule inatyhyna-ki tateri wese. Tai wawo reysamy watximahãre. ⁴Jiarỹ raholamahãreu wariõre wese Deuxu inatyhyna rityhynyreiki, kia ibutu ratyre wawo ritesadỹnytyhyre.

⁵Kai tahe, Kaio, kowa inyseriõre tule iwitxira ludu seriõre teeryõteki, tewiõhenanyteu aõmydỹynana wihikỹ tewinymahãte. ⁶Inyboho wirotyra-wana, kia hãbu iny seriõre aluunamy rarybera. Ibedetỹinana-ò biwiõhenanykeki, aõwihikỹ biwinymahãke. Tuhyykeki Deuxu deewimy atximahãke. Tii dori iny-wana Deuxu inatyhyna-ò raaõmysỹdỹnykre. ⁷Kia dori kianimy rõhõnyre. Ityhydỹdukõdu mahãdu-ribi aõ ritaõhykyre. ⁸Kia wese tahe tuu rikiwiõhenanymyhỹke. Tai tahe Deuxu aõmydỹynana tỹnydỹyna riwiõhenanymyhỹre.

⁹Ratyritinymahãre kowa ityhydỹdu mahãdu-ò. Inyõ tahe warybe-ò roho-laõmyhỹre. Tiiboho dori juhuludukemy ratxireri. Diõtesi inire. ¹⁰Aõu arehemynykre, ararybekre aõmybo tii rotỹnyre tule aõbinamybo rarybere inymy. Aõ tiihykyle aõkõ, iny ityhydỹdu seriõre hãwawitxira ludu ixidee tarora-ò rimyõtyhy. Inyõ kia seriõreõ rimykeki, tii riixãwidinyre idy-ribi tii seriõredyna-õ dohodỹdu mahãdu-ribi hitximy riteõnyre. ¹¹Waleina, kai Kaio, õrarudu mahãdu aõhebo rotỹnyre wese aõ kai tate. Iny wihikỹ wese kai tate. Inyõ aõwihikỹ riwinykeki, Deuxu hõrõ tii rare. Aõkõkeki Deuxu rie-ryõre. ¹²Ibutumy Dimitiu dee inatyhyna-di aõwihikỹmy rarybere. Inyboho tule. Kaile teeryte inyboho inatyhy rarybere.

¹³Sõwemy rybe adee ariwahinykemy watxireri. Tahe aõkõre tyriti ritina-ki. ¹⁴Elelemy arakemy dori watxireri aroramy tai tahe widee rakarybekre. ¹⁵Deuxu awo-ki riyrkyemy idi watxireri. Abiõwaboho kaki awehityhy risareri. Wabiõwaboho sohoji sohoji kowa-ò warybe wehityhyna biwahinykre.

Judas

Judas Tyyriti

¹Jiarỹ Juda rare. Jesuisi Kristu deõdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraruna-txi reseke lau. Tai òbitimy ahãbenyke Kristu nonana-ò. Watyyriti adee rewahinyre. ²Ruxetõena adee kanakemy watzireri Deuxu-ribi. Ywina sõwemy aworeny-ki atxibenykemy adireny watzireri. Wiluuna sõwemy akireny ihỹke, Deuxu-ribi.

³Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahõtinyra. Inyboho heka ibutumy Deuxu sỹ mahãdu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahãduõ adee nade iny inytyhyna riwitziradỹnykemy adireny ratzireri. Iny heka inatyhyna biyrubunyenye òbitimy rarehyke. ⁴Kia òbitikõ mahãdu ayreny-ò ralõra. Tiiboho Deuxu rityhynyõre. Deuxu iny-deeremy awi heka rare òraru-ribi iny ritarenyreki. Kia òbitikõ mahãdu tahe kia wese rarybere: —Òraru-di atxikeki, kia aõ aõkõ rare. Deuxu dori iny òraru-ribi ritare. Jesuisi iny wedu rare, iny Iõlõ wahe. Tiiboho tule rarybere: —Deuxu bityhynybenyõke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehet̃ybina-ò riteõnyke.

⁵Deuxu inatyhymy riteõnykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahãdu heka Deuxu ritare Egito bede-ribi. Idi tahe imahãduõ rityhynyõre. Tai tahe imahãdu rahurenyre. Kia teerytenyte. Itxi õhõtireny reakre. ⁶Ỳju mahãduõ tule juhū Deuxu deõdumy ihỹre. Idi tahe taaõmysdỹyna ririre. Tai Deuxu rõtena bede-ò riteõnyre. Bedelorohokỹ ihỹre. Kabederawo-ki roire. Tiu heka iribi riõlõdỹnyõtyhy. Deuxu bededỹnnana riwinymy roimyhỹre aõhõkỹmy isdỹnnana-ò. Tai tahe Ỳju wesemy kia òbitikõ mahãdu rỹike, Deuxu itỹnydỹdumy rỹikre. ⁷Ijõ ijyy teeryte. Inatxi hãwã ihetxiu ibinatyhy rare: Sodoma, Omora-wana. Ijõ hãwã tule ibinatyhy rare. Kia hãwã yludu mahãdu ibutumy heka òta òtanale riwinymyhỹre. Hãbuõ dori wiwana rexiðrarunymyhỹre, hãwyy tule wiwana wahe. Tai tahe Deuxu ihãwã rahure. Biu-ribi heõt̃y diteõnyde. Idi Deuxu dibedeer̃nyde òraruna derare tii. Tiiemy aõhõkỹmy dỹnnana riwahinyre. ⁸Kia tule òbitikõ mahãdu-ò riwahinyre. Tiiboho dori ibinamy riwinymyhỹre. Aõbinalemy raraykynymyhỹreny, taumyreny risurisunymyhỹreny òraruna-di. Deuxu rityhynyõre tule Ỳju ruruna-di risinymyhỹreny. ⁹Tiiboho Mieli wesemy aõkõ riwinyre Mieli heka Deuxu Ỳju dinoduõ rare. Tii Satanasi-wana wiribi òtūmy rarybemyhỹreny, Moisesi umy òraru-ki. Mieli heka ritirỹmyhỹre iūmy ridyke lau. Iu Mieli Satanasi-ò rarybereu urihimỹ ò rityhynymy

rarybere, ixinohôtidile ritehiôtyhy. Urile rarybere: —Deuxule aratehikre. ¹⁰Kia ôbitikô erydu mahâdu aôbina riwinymyhyrenyre. Aôbinalemy tytyby bede aômydÿÿnanamy rarybere kia rieryômahâ hârele. Kabede aômydÿÿnana rierymyhyre iwese ibutu irôdu mahâdu rierymyhyre wese. Tiiboho heka irôdu aôna aôna nohôtijuranadile aôna aônamy rotÿÿnymyhyre. Tai rexihurenyre. ¹¹Deuxu heka kia mahâdu kikitÿnynyke, Kaï reôsamy raremyhy wese dori reôsareki. Aôbo Kaï ixi-di riwinykemy rôhôtinymyhyré heka riwinymyhyre. Kia mahâdu tule Balaaô wesemy riwinymyhyre. Balaaô nieru sôwemy ritakemy ixidi ihÿmyhy. Tai tahe Deuxudeewimy riwinyôre. Tule kia mahâdu Kore wesemy riwinymyhyre. Deuxu ôludumy rexisÿnyre. Tai rexihurenykre iwese Kore mahâdu rexihure wesemy.

¹²Kaiboho wiluuna roxina-ô tebutunyteu, kia mahâdu tule ayreny-ô ralôra. Aworana bedehesi tiiboho ribinadÿÿnymyhyre ôbitimyno rieryôreki. Urile rexihydynymyhyre, inywitxira-txi tôhôtî reaôhyymyhyre. Iwese yhy debure wese tiiboho roire. Urile yhy biu ridyôtyhy. Rôaôtyhy. Sôwemy taheka relemmyhyre, ihârele aôhomy aôkô namyhyde. Ôwôru bederaty wahidÿÿdu wese tiiboho roire. Iratydikemy ratxireriu, ihârele aôkôlere. Ôwôru rubu wese roire tiiboho. Raôromyhyre, rurumyhyre. Kia wese heka kia mahâdu rare. ¹³Kia ôbitikô erydu mahâdu tiu ele risaôhyymyhyre. Ahohokÿ aôwetari ôbôhokÿ idi rehumyhyre wesemy tiiboho inyrenyre. Iwese ôbôbexi-di rôhônymyhyre wese. Iôraruna ôraru-ki aôbina bina iribi rôhônymyhyre. Tiiboho dori Deuxu inatyhyna ririrenyre. Iwese taina resemmyhyre wese tiiboho iribi resemmyhyrenyre. Deuxu kia mahâdu-di ritÿÿnynymy riteônyke bede luruhukÿ-ô. Iribi rôhônÿôtyhy. ¹⁴Enoi heka Adaô dee yreô rare. Adaô juhuu hâbu rare. Debôinatxi riôreky-ribi Enoi rare. Enoi Adaô riôre roko rare. Ihetxi Enoi rarybere wijinabôdu mahâdumy. Iwese ôbitikô erydu mahâdumy roirekre. Enoi rarybere Kristu nonanamy: —Tii kanakre tamahâdu sôwe-wana. ¹⁵Idi ibutumy iny ritÿÿnynkemy. Inyô tii taaôhokÿmyna aôhokÿmy rotÿÿnykre ôraruna ôraru-ki. Ibutumy ôrarudu mahâdu rehukremy Deuxu-my ralahatxinanymyhyreki. ¹⁶Tiiboho rexirahemyhyre, tiu reysaôhyymyhyre, aôdibo tamywimy rabinadÿÿmyhyreki ratxikelemy. Rarybenihikÿmyhyre. Riwiôhenanymyhyre aô ritammyhyre xiery.

¹⁷Waluuna mahâdu, ôhôtireny reake aômybo Wanyrÿ Jesuisi Kristu teôdÿÿna mahâdu juhuu raryberé. ¹⁸Tiiboho adeereny rarybere: —Bedeÿÿnana roomy tahe ijesu kôdôhônnykre, ixidee wilemy tuu rotÿÿnynymyhyre. ¹⁹Kia hâbu iny wiribihitximy risÿnykemy, bede aômydÿÿnana luudu mahâdu. Deuxu Tytybytyhy-di aôkô ratximyhyre. ²⁰Kaiboho waluuna mahâdu aityhydÿÿna-di arurumy bitÿÿnynyke, Deuxu Tytybytyhynda-di bexitôenyberihyy. Deuxu luunay-ki iximy boibeke. ²¹Wanyrÿ Jesuisi Kristu ruxetôena biraôbenyke. Tii heka umytuedeôna kidiwahinykre. ²²Biwiôhenanymyhyke ka ritxiônymy rÿira mahâdu. ²³Kia mahâdu iworonawe-ribi wese bitake. Ijô-ô ywina-di brebuna-di bisÿnykemy taôraruna deramy bekowabenyke. Iôraruna aôna aôna-ô akylene reake.

²⁴Ôraruna lau taruru-di Deuxu arayrubunymy ratximyhyre. Tii arateôsinykre yramy, tako-ô wowydyna-wana. ²⁵Wowydyna, àlâdÿÿna, ruruna, Iôlôtyhydÿÿna, iny Deuxu sohoji-ô kanakemy watxireri tule Inynyrÿ Jesuisi Kristu iny tarasadu-ô. Kata juhuuna-ribi, wiji aôu aôu-ô rahyykre. Kie.

Apocalipse

Deuxu heka Joaõ-ò bede ritÿnynyre

1 ¹Katyyriti-ki tahe bede aõmydÿÿnana roire. Kia heka Deuxu Jesuisi-ò ritÿnynyre. Idi Kristu Joaõ-ò ritÿnynyre. Aõhebo ele elemy rotÿÿnykre heka inydeereny riteõsinyreri, teòdu mahādu wahe. ÿjuõ heka Kristu riteõnyre Joaõ-ò ibutumy relyykemy, ritÿnynykemy. ²Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare. ³Inyõ katyyriti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededÿÿnana dori iòhõmy ratxireri. Kia ibutumy rotÿÿnyke.

⁴Jiarÿ heka, Joaõ wahe, dohodÿÿna mahādu-ò watyyriti rewahinyreri. Debò inatxi reurò mahādu Asia bede-ki watyyriti rewahinyreri. Ruxetõena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetõena adee riwahinykre, tule ilynana tyytyby riwahinyke, debò inatxi reurò mahādu wahe. ⁵Jesuisi Kristu tule adee kia riwahinykre. Tii tahe inatyhyna ijyydu rare. Tii juhūu rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatarenyreh tahālubu òraru-ki. ⁶Tii Xiwe wahidÿÿdu mahāduò ixidee riwinyre, inyboho wahe. Ibutumy ityhydÿÿdu heka xiwe wahidÿÿdu mahādu wese rare, iòlò mahādu wese wahe. Deuxu rekealāmyhÿke. Ibutumy wowydyna, ruru-wana heka Jesuisi Kristu-ò rawahidÿÿmy rarekre ihyy hyymy. Kie ⁷Beteheke, tii biuwetykywo-ki naderi. Ibutumy iny tuu robikre. Irubudÿÿdu tule tuu robikre. Ibutumy iny rahinykre, robukre iòraru-ki. Inatyhy rare. Kie.

⁸Jiarÿ AA rare YY rare. Juhūu ludu rare, tule ikonana ludu rare. Deuxu jiarÿ rare ibutu ruru wahōrō rare. Aõu aõu jiarÿ watxiwāhāre.

⁹Jiarÿ Joaõ rare, aityhydÿÿdu seriðre wahe. Jiarÿ tule awese aõhebo ratÿÿnyre. Jesuisi Iòlõna òraru-ki. Patmos bedebute-ki jiarÿ ratxire, ròtena wese heka tai ratxire. Jesuisi inatyhyna dori retÿnynyre. ¹⁰Nobiutxuò heka jiarÿ aõma Deuxu Tyytybytyhy wadee dobehede. Iu tahe rybeò-ò raholare, jurõna wodÿÿ wese heka rare. ¹¹Tahe wadee rarybere: —Biritinyke aõma ibutumy aõbo kai bobikre. Ibutumy dohodÿÿna mahādu-ò kia tyyriti biwahinyke. Ka tyyriti tahe biteonyke heka debò inatxi reurò hāwā-ò: Efesu hāwā-ò, Esmirna hāwā-ò, Pergamo hāwā-ò, Txiatira hāwā-ò, Sardesi hāwā-ò, Filadelfia hāwā-ò, Laodisia hāwā-ò. ¹²Retehera wahewo-ò mobo wadee rarybereò. Tahe debò inatxi reurò loosõna mynynalemy rabira, womati tÿrÿrÿÿle wahe. ¹³Itya-ki tahe hābuò wese rare. Ityky urarehe heka ratxire. Iwereysana heka womati tÿrÿrÿÿ heka rare wyò wòtena-ki roire. ¹⁴Irade iurahakÿ ratximyhÿre. Irue

heka heòty wese rare. ¹⁵Iwa tahe bronze womati wese rare. Irybe wodÿÿ heka bee ijiranahakÿ wese heka rare. ¹⁶Iruruwe-ribi debò-ki heka taina debò inatxi reurò sòwe rimyre. Irybe mayrehe wiòtxu wese iry-ribi ròhònymhÿÿre. Iòsÿny tahe txu tòtee wese heka rare, itÿnytyhyre. ¹⁷Kia ibutumy rabireu, jiarÿ resera bedè-ò rubu wesemy. Tii ruuwe-ribi debò watyre-ki ritidire, rarybere: —Buberuòtyhy! Jiarÿ juhuludu rare, ihewoludu rare. ¹⁸Jiarÿ rurure, iribi tahe rexi-xare rubu-ribi, aòu aòu tahe jiarÿ watxireri. Tiu aruruòtyhy. Rububede dinodu heka jiarÿ watxireri, ityre waruru rare. ¹⁹Biritinyke ibutumy tuu tabita wiji. Tule aòbo idi kanakemy biritinyke. ²⁰Adee aritÿnnyke aòbo kia ibutumy rare. Debò inatxi reurò taina heka wadebò-ki rare. Kia taina heka dohodÿÿna mahàdu ÿju wese rare. Loosòna mynyna heka dohodÿÿna mahàdu wese rare.

2 ¹Kia heka biritinyke Efesu dohodÿÿna ÿju-ò: —Kaa heka inyò rybe rare. Tii taina debò inatxi reurò rimymy idi rÿimhÿÿ iruruwe-ribi debò wahe. Tii loosòna mynyna yky-ki rariareri. Kia womati tÿrÿrÿhÿkÿ-di relere wahe. ²Aaòmsÿdÿÿna wiwihikÿ reeryre, awoxierysytere tule. Hābu bina tiu aitxerenaòna toite. Inyò Deuxu deòdumy iximy uritere rybedu, teurihitenyte. Kia irui rybe teerytenyte. ³Kaiboho tawoxieryterenytenyte. Tule aòhòkÿmy tatÿÿnytenyte waòraru-ki, wijile tule wahe. ⁴Kiaremy tahe sohojile wadee ibinare. Iwese juhuu waluu wesemy aòkò wiji ahātenyte. ⁵Kaiboho heka atyhyna-ribi ahewo-ò taddòsetenyte. Kiaremy ta idi bexinohòtinymy bexirāhībenyke. Iwese juhuu atximahāte wese, ixityre boibekemy. Kiamy aòkòkeki, aloosòna mynyna ay-ribi aritakre. ⁶Kiaremy ta akireny sohojile awire wadee. Kaiboho heka Nikolaita mahàdu iaòāna widÿÿ derarenyre wawesemy. ⁷Iny rybeò ijohona mahàdu bohobabenyke Deuxu Tyytybytyhy rybe-ò timybo Ityhydÿÿdu mahàdu-ò rarybemyhÿre: —Inyò òraruna ijesu ritakeki, tamy jiarÿ umy-tuedeòna ariwahinykre. Kia tahe Deuxu bederaty ritokre, Deuxu oworu-ki rÿimhÿÿre wahe. Kia bederaraty inyru wahidÿÿdu rare.

⁸Kia heka biritinyke Esmirna dohodÿÿna ÿju-ò: —Kia heka Juhuuludu rybe rare, Ihewoludu rybe rare. Tii rururibile rexixare. ⁹Aòhòkÿmy dÿÿnana reerymÿhÿre. Uriterenodu wesemy toite. Ihāre tahe aòna aònawiwī ahòròreny rare. Aòludu mahàdu umy rarybereri ibinamy. Tiiboho Satanasi mahàdu roire. Judeu mahàdu aòkò roire tiiboho tuu rarybrehāre. ¹⁰Buberuòtyhy kaiboho! Aòhòkÿmy dÿÿnanaò kanakre debò wiò txumy wahe. Tahe buberuòtyhyke. Ròtenawo-ki boibenykre. Burubenyke hārele heka òbitimy biwatyhynybenyke. Iribi tahe irudÿÿna rataana adee ariwahinykre. ¹¹Kaiboho nohòti-di mahàdu, boholake timybo Deuxu Tyytybytyhy heka ityhydÿÿdu mahàdu-ò rarybemyhÿre.

¹²Kia heka biritinyke Pergamo dohodÿÿna ÿju-ò: —Kia inyò rybe rare. Tii mayrehe wiòtxuree dire:

¹³ —Jiarÿ reeryre asÿ, ahāwā wahe. Kaiboho Satanasisÿ-ki tasÿnyteri, irynana rarerī wahe. Tahe Kaiboho aityhydÿÿna teriòtenyte. Tai tiiboho warybedu Antipasi òbiti rirubunyrehārele.

¹⁴Ihāre tahe akireny sohojile wadee ibinare. Ayreny-ki inyò Balaaò erydÿÿna rityhynyre. Tii ihetxiu Balake òraruna-txi aatysdÿÿmy ribedeerydÿÿnyre resedÿÿkemy. Tii Israeli mahàdu-ò rarybere:

—Xiwenā aòma ide tahe biròbenyke tule òta tahe urihimyo tahe ibinare.

¹⁵Tule ayreny-ki tahe Niolaita tohodÿÿna ijöreny rityhynyre, timybo rexið-rarunanykemy. Kia ibinare wadee. ¹⁶Tai marybeke tiiboho rexirahikemy idi iribi rexixawidÿÿnykemy. Tukökeki, anakre warymayrehe wiðtxuree-di iðludumy areakre wou-ki. ¹⁷Iny nohöti-di mahädu, boholake Deuxu Tytybytyhy rybe-ð timybo Ityhydÿÿdu mahädu-ð rarybemyhÿre: —Inyð ðraruna ijesu ritakeki, tamy biu-ribi rÿsÿna rÿikre. Manauratyre-ki heka nii tÿmyra rari-timy roire. Ömo nii rieryöre. Tunidukrele rierye.

¹⁸Kia heka biritinyke Txiatira dohodÿÿna ÿju-ð: —Kaa heka Deuxu Riðre Rybe rare. Irue heka heðty wese rare. Iwa bronze womati wese rare. ¹⁹Aaömysÿdÿÿna reeryreri, luuna, ywina, tyhydÿÿna, juhUU ratyre wiji aaömysÿdÿÿna. ²⁰Kiaremy tahe sohojile wadee ibinare: Kaiboho heka Jezabel tejemahätenyte. Kia häwyy dori Deuxumy rybedu ixi-di rare. Ihäre tahe ðtaðtamy, xiwe rÿsÿmy rotohodÿÿmyhÿre, ritxoo hörö wahe. ²¹Jiarÿ tule txið reijere ðtaðta-ribi ixawikemy. Tahe tuuöhyyre. ²²Idi herina-ð arilidikre ihäbu mahädu-wana. Tai aöhökÿmy rotÿÿnyrenyke. Tiiboho kia rexirähinyrenykeki, tuu ele elemy ariwinyke. ²³Iriðre bina arirubunyke. Tai ibutumy aöwidÿÿnamyna ityhydÿÿdu mahädu riwaerykremy. Jiarÿ heka inywo erydu dori rare. Kiaremyta iny sohoji sohoji ariöwinyke. ²⁴Ayreny-ki tahe inyö rÿire. Tiiboho bedeeryna bina rityhynyrenyöre. Tiiboho bedeeryna bina rierÿöhyyre. Txioinihe, bede ywina sira aökö adeereny ariwahinyke. ²⁵Iwese kaiboho tetyhynyte wese wiji bityhynybenyhyke. Ele ele dori arehemynyke. ²⁶⁻²⁸Kaiboho heka ðraruna ijesu bitakeki, adeereny ruu ariwahinyke. Kaiboho ihyy my wadeewimy biwinybenykeki, bede bede dinodu mahädumy boibe benyke, iwese ruu Waha-ribi remyra wese wahe. Tamywikeki womati öhöte-di bede bede mahädu rihukre, iwese butxi riböðönyre wese wahe. Tule adeereny ariwahinyke aöma biurasö taina wahe. ²⁹Iny nohöti-di mahädu, boholake Deuxu Tytybytyhy rybe-ð, timybo tii ityhydÿÿdu mahädu-ð rarybemyhÿre.

3 ¹Kia heka biritinyke Sardesi dohodÿÿna ÿju-ð: —Deuxu Tytybytyhy debð inatxi reurð dinodu, taina debð inatxi reurð dinodu kia rybe rare: —Aöhebo tatÿÿnymahätenyte reerymyhÿre. Arumy anireny ratÿÿnymy-hÿre ihäre tahe tarumy ahätenyte. ²Bexirawahatebenyke ainatyhydÿÿna-ki, urikö-ribi kiemy ixawiheny. Deuxuko-ki awityhymy aökö ixi-di texiemyhÿtenyte. Kia reerymyhÿre aömysÿdÿÿnareny tewinymahäte. ³Inatyhyna juhu taholatenytedi, bexinohötinybenyke. Idi bityhynybenyke aönana-bina-ribi bexirähike. Tukökrekki wasidu wese ierykömy adeereny anakre. ⁴Ihäre tahe Sardesi häwä-ki inyð reximymy öbitimy rarekremy ihÿre. Tiiboho wahe-ki tyky lyra urahakÿ-di kanariarenkyre kiemy dori öbitimy reximynyre. ⁵Mobo rötarenkyre, tyurahakÿ-di rexityynyrenyke. Inireny Rutyyriti-ribi aritaötyhy. Idi Wahakö-ð wahörörenymy aritÿÿnyke tule iÿjuko-ki. ⁶Kaiboho nohöti-di mahädu, boholake timybo Deuxu Tytybytyhy heka, ityhydÿÿdu mahädu-ð rarybemyhÿre.

⁷Kia heka Filadelfia dohodÿÿna ÿju-ð biritinyke: —Kaheka inatyhymy Deuxu deöðÿÿna rybe rare, öbitimy nodu wahe. Tii Davi ijö rayna dinodu rare. Tii ijö riraynykeki tiu inyð riratöðönyötyhy. Tii riratöðönykeki tiu iny riraynyötyhy. ⁸Aöhebo tatÿÿnymahätenyte reeryre. Akyhynakömy atxi-mahätenytemy rieryre warybe dori tetyhynymyhtenyte. Tai ijö adeereny

reraynyra. Tii inyō riratòbònyōtyhy. ⁹Bodoholabenykre. Satanasi mahādu heka Judeumy rexininimyh̄yre tukōdu hārele. Idi adidydenykre akoreny-ò tatiowotimy ke desekre. Iu aluurenymy riwaeryrenykre. ¹⁰Aōhōk̄my d̄ȳnana kanake ibutumy iny urihid̄ȳmy. Kaiboho warybe tetyhynya, ywina-di tetyhynya. Tai ilau arayrubunyenye. ¹¹Ele elemy dori adehemyrenykre. Ahōrōreny biyrubunyke inyō aribi rawasinyheny arud̄ȳna rataana wahe. ¹²Oraruna ijesu inyō ritakeki. Tii ixby rubumy ruruōkre. Tii Deuxu heto-ki ras̄nyihykykre. Deuxuni ityre raritinykre tule Kristuni t̄myra wahe. Jerusalēni t̄myra tule ityre raritid̄ȳmy r̄ykykre, biu-ribi dobehede wahe. ¹³—Iny nohōti-di mahādu, bohola Deuxu Tytybytyhy rybe-ò timybo ityhyd̄ȳdu mahādu-ò rarybemyh̄yre.

¹⁴Laodisia hāwā dohod̄ȳna mahādu ȳju-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyh̄. ¹⁵Aōhebo tat̄ȳnymyh̄ytenyete ibutumy reeryre. Ainatyhyna-ki inatyhymy aōkō, txiōlemy aōkō toite tule. ¹⁶Tai tahe iōraru-ki ixi-ribi aratarenymy rexinohōtinyre. ¹⁷Kaiboho tarybetenyte: —Waaōwiwi-di roire. Awityhymy watxirenryeri. Wadeereny aō rasiranyōhyreri. Idi urile texibōnytenyteri. Kaiboho dori abina, iaōkō mahādu, adehek̄, aruety toite. ¹⁸Kia aratohonykre: —Waribi womati t̄ȳr̄ȳh̄yky aworibityhy biōbranykre, aityhynamy wiwihik̄. Tas̄se tyurahak̄ tule, ade wōtenamy. Tas̄se rue-luahina tule, arue ywinamy. ¹⁹Waluuna mahādu òhōte-di aribedeerynymyh̄yre warybemy tule. Tahe eryrewemy aōsusu-ribi bexitabenykre wadee. ²⁰Bodoholabenyke. Ijō-ki rarymy watxireri. Inyō roholakeki ihetowo-ò aralokre. Tai tii-wana ariroxikre. ²¹Oraruna ijesu inyō ritakeki, tii wawana waryna-txi ronykre iwese jiar̄ȳ waha-wana nadonymyh̄de wese. Rōtare dori wawouna-ki. ²²Iny nohōti-di mahādu, bohola Deuxu Tytybytyhy rybe-ò, timybo tii ityhyd̄ȳdu mahādu-ò rarybemyh̄yre.

4 ¹Iribi tahe biu-ki ijōmy rabira rasina wese. Rybeō raholare, jurōna-jurō wesemy. Iwese wadee rarybere wese. Kiamy narybede: —Mana òwōnyke, aōhebo itxōmo rahudi rot̄ȳnykre ini ariteòsinykre. ²Iule tahe Deuxu Tytybytyhy riwamyre. Iu, inyō ryanamy rabira biu-ki. ³Iòs̄ny heka roosōnymyh̄yre womatiwihik̄ r̄ys̄y wese, Jaspe wesena, Sadonio wese. Uwajiō witxira t̄yre heka rare iryna rirurawonyre. ⁴Tahe 24 ryna iryna rirurawonyre. Ityre tahe 24my wedu mahādu ronyre tyurahak̄-di. Irati-ki womati t̄ȳr̄ȳh̄yky-di rarataananymy. ⁵Biudelaa, biumyta, irynana-ribi dohonyde. Heōtyloo heka debo inatxi reurōmy sōwe iko-ki r̄yre. Kia heka Deuxu Tytybytyhy tuu sōwedu rare. ⁶Tule iko-ki mana aho roire iuramy raurananyre. Irurawona-ki wiōwiō-ki aōni inaubiōwa rāire, irue sōwe ihewo-ki, iko-ki. ⁷Aōni delena heka hāðehēk̄ wese rare. Ijō heka karōti-hik̄ wese rare. Ijō tahe hābu òs̄ny wese rare. Ikonanareny tahe nawiihik̄ dowōmy nade wese rare. ⁸Ibutumy tiiboho debò sohoji reurōmy tesōwereny. Ta tiiboho tetya wirawyō rawyō irue dire. Tahe tiiboho rexielehynyōhyylemy txumy rummy rawiunymyh̄: —Ōbitityhy tate, Ōbitityhy tate, Ōbitityhy tate Inynyr̄ Deuxu rurutere. Kai tate, tule kai mabekre. ⁹Kia heka inaubiōwa boho rawiunyre: —Wowydina, àlāna-wana ryanana-ki r̄ydu-ò, iki kiemy nodu-ò wahe. ¹⁰Iu tahe 24 wedu mahādu heka tatiowotimy taòs̄ny sutxi ritidimy riwowydynymyh̄reny resemy iko-ò. Tamy tarataana-di rehumy

raryberenyre. ¹¹—Wadinodureny, waDeuxureny adee sohojile heka wowy-dyna, loosòna, àlàna rawahike. Ibutumy dori aóna aóna tewinyte. Adeewimy rýmihyẽre idi rariamymhyẽrenyre.

5 ¹Ryna-ki rýdu ruruna debò-ki heka tyyriti werywery wesemy rabira. Tyyriti tahe wirawyo rawyo-ki iriti dire, tii debò inatxi reurò iratò-bòna sòwe. ²Ýju rururuhuký-my ryrymy dýrxi-di: —Mobo ityhykre tyyriti ratòbòna aresydýdukre iraydýy-ki tule. ³Tai tahe inyò ijòhyre: —Biu-ki, bede-ki, surawo-ki ijoðhyre. ⁴Inyò ityhyõre iraydýy-ki tamy itxere-ki. Iòraru-ki ta urile jiarý rahinymhyẽre. ⁵Iule tahe matuariõ wadee narybede: —Hiõmyke, betehe ta inihe Juda mahādu hāðeheký-ò, Iòlò Davi iriðre riðre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare. ⁶Kiamy tahe rabira, Budoeni Riðre wahe. Tii rynana ubey-ki rýmihý. Aõni inaubiõwa ijõre. Tiiboho-wana tahe matuari mahādu rýire. Budoeni rurure wesemy rýire. Iò tahe debò inatxi reurò rare. Iruẽ tahe tule. Kia rare Deuxu Tyytybyõ rare, tii bede bedemy nodu mahādu. ⁷Budoeni riðre tahe rynana-ki rýdu rurur debò-ribi ditade, aõma tyyriti wahe. ⁸Iule ta aõni inaubiõwa, 24 matuari boho-wana tatiowotimy rejujure buddeni riðreko-ò. Tii sohoji sohoji wiuna-di, womati týrýrýhýký hyna-di ratximyhýreny. Sohoji sohojiro-ki tahe òwòrusò wydysilýnywi-di wese rare. Kia Deuxu tyhydýydu mahādu ixitèdýýna violão wese tule ratximyhýreny. ⁹Tiiboho wiutýmyramy rawiunymhyẽrenyre kamy wahe:

—Kai atyhy tate Tyyriti raydýy-ò, iratòbòna eresydu tule. Arubumy heka Deuxu-ò Ixýju ixýju teõbranyte. Irybe witxira witxira, ibede witxira witxira iixýjuna tule.

¹⁰Iòlòmý tewasynytenyte Deuxu dee tule xiwena wahidýýny mahādu wahe. Idi hāwā hāwā ariwedunrenykre. ¹¹Ýju sòwetyhymy rabira rynana werora-ki, aõniboho matuarioboho tule. Miliaõ hòkýmy rasòwerenyre. ¹²Tiiboho rirajuahakýmy rawiunymhyẽrenyre: —Wowydyna, ruruna, deysana, àlàna, loosòna tamy sohojile rawahinyrenyke buddeni riðre-ò. Tii dori rurure ityhymy ¹³Tai tahe ibutumy biu iròdu iròdu, suityre iròdu, bera iròdu iròdu ibutumy aóna tule rawiunymhyẽrenyre rynana-ki rýdu-ò. Budoeni riðre-ò tule kia rawiunymhyẽre. Rarehykyle, rarehykyle heka rarekre. Kie. ¹⁴Aõni inaubiõwa rirawýõnyre: —Kie, Matuari 24 tahe rese-renyre iko, kiemy noduko-ò.

6 ¹Tahe Budoeni riðre heka tyyriti ratòbònaõ riðrè. Kiamy rabire. Tule aõni inaubiõwa mahādu-ò narybede rybenihikýmy biumyta wodýý wese. Mana ini itxeremy. ²Tai retehere awaru urahakýmy rabire. Tairýdu iwaxiwahate dire. Tamy irudýýna rataana riwahinyrenyre. Tahe rare wou ròtakremy.

³Tahe ijõ ratòbòna riorore. Ijõ aõni tahe narybede inatxina wahe: —Mana ini itxeremy. ⁴Idi awaru sòhòký ròhònyre. Inyò ityre rýdu-ò ruruna riwahinyre, wou ritelenykemy bede bedemy. Tai hābu mahādu wii rahukremy. Tule inyò mayrehe ityre rýdu-ò riwahinyre.

⁵Tahe inataõna ratòbòna riraynyre. Ixyby inataõna aõni rybe-ò raholare: —Mana ini itxeremy. Tai retehere. Awaru lybmy rabire, ityre rýdu urihina-di tebò-ki. ⁶Tahe aõniy-ribi rybeõ-ò raholare: —Womati nieru sohoji-di heka urihina sohojile heka trigo rawykre, txusohoji aõmysýdýýna òwy wahe. Tule

inatao urihina sevada rawykre, txusohoji aomysydŷŷna oŷy. Uritere ta uva-ò, adŷŷ-ò aòhe isŷdŷŷomykre.

⁷Tahe inaubiòwana ratòbòna riraynyre, Budoeni riòre wahe. Ixyby inatao aoni rybe-ò raholare: —Mana ini itxeremy. ⁸Tai retehere. Awaru bisamadòbòlŷre wesemy rabire. Ityre-ki rŷdu heka Rubu inire, heòty bede rubunana iheludumy. Inyò ityre rŷdu-ò ruru riwahinyre. Tai ròhònyre iny rirubunykre. Inaubiòwa iny-ribi heka, sohoji rirubunykre. Wou-ki, rama desemy, rubutyhy-di, iròdu debure-di heka iny rurure.

⁹Tahe iruyrena ratòbòna riraynyre. Tahe Xiwenah wahedŷŷna rawo-ki iny mahadu rabire Deuxu rybe òraru-ki, tatyhydŷŷna òraru-ki rururenyre mahadu wahe. ¹⁰Tiiboho rirajuamyhŷre: —Deuxu Inynyrŷhŷkŷ, kai tyhy tate, òbiti tule. Tiu wexi waòwyreny bilidikre, warubudŷŷduren-ò? ¹¹Tahe iximynamynamy tyurahakŷ-di rexitynyreny. Tahe tamyreny rarybere urihimò rexielehynreny. Ijoiireny iwesereny rurukreu riraòrenykre. Isòwereny rexihureu wahe.

¹²Tahe debò sohoji reuròna ratòbòna riraynyre. Kiata idi suu ramytitare inihikŷmy. Txuu urile rurunyre, ahadu isòmy relere, halubusò wese. ¹³Taina tahe sutxi dejujude iwese bederaty yhydebore ritxiwimyhŷre wese. ¹⁴Biu titxibo ikòre, iwese tyriti rarasemyhŷre wese. Ibutumy hāwālò bedebute tule taheina-ribi ratare. ¹⁵Iu tahe ibutumy iny rexiwore hāloohokŷwo-ò, manahakŷ hewo-ò tule. Tii roire lòlò mahadu, bededinodu mahadu, soldado dinodu mahadu, ityhy mahadu irurutere mahadu, ibutumy ijò mahadu rexiwore. ¹⁶Tahe taixiwotena-ribi rirajuamyhŷreny: —Watxireny mana heka bedesede rynana-ki rŷdu lau rekexiwòreny. Budoeni riòre debure lau tule. ¹⁷Deburena txu, kyanara txu heka reare tamy, mobo riijekre.

7 ¹Idi tahe inaubiòwa ŷjumy heka tuu rabire. Tiiboho heka inaubiòwa bedehitxihitxi bedemy rŷire. Tahe rimyreny yhyhykŷ tebò-ki heka rimyreny. Tiu heka òwòru radeò raykŷhyky roire. Bede-ki aòkò, aho-ki aòkò rebònyra? ²⁻³Tule ijòmy rabire ŷjuòmy ibryra-ribi rarerimy. Deuxu irumy nonadu hāletena nihikŷ widŷŷna heka diwumy idi nade. Iribi tahe inaubiòwa ŷju-ò tii rryre: —Txioke inihe. Iwotòmodŷŷomyke wa suu, bee, òwòru. (Kia ŷju mahadu dori, bede, bero, wotòmodŷŷdu mahadu ihŷre.) Biraòriòreke heka Deuxu hāletena deòdu òru-ò aritidikre. ⁴⁻⁸Tiwesebo kia ritidŷŷna rimymy idi rare. Tahe raholare heka jiarŷ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimy. Sohoji sohoji ijoi-ribi 12.000 inymy heka rimy: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeao ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inymy rimy.

⁹Iribi tahe sòwemy inymy rabire. Timy heka idi wariramahaduòkre. Ibutu 12.000 hāwā hāwā-ribi wirotire. Bede ibutu rybe witxira witxira rybedu ibutu ijoi witxira wahe. Tai tahe Budoeniube-ò tiiboho rotamanyreny. Budoeniko-txi ryanako-txi wirotire. Ibutumy tiiboho ityurahakŷlemy roiremy. Horenì iru-di heka roiremyhŷ. ¹⁰Tahe rryreny —irariemy rryreny: —Biu-ò hena waDeuxu-ribi nade rynana nihikŷ-ki ronyreri. Tule Budoeni-ribi nade. ¹¹⁻¹²Tahe ŷju ibutumy heka widotyde ryanawerora-ò, tule matuari mahadu tule iwo-ki. Inaubiòwa aoni ibutumy resereny rynana nihikŷko-txi

resere taòsana sutxi ritidimy Deuxu kia wowydynamy relere. Kie, myheka rarybere: —Wowydyna, Bedeerydÿÿna, deàlàna, loosòna, aruru, aixiòlòdÿÿna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie. ¹³Tahe wawiò inaubiòwa matuari mahàduò wadee rÿÿraxire: —Kai aòbo teerymahàte kia tykyurahakÿ-di ratxirenryeriò, tule tiribibo ròireri? ¹⁴Tahe rarybere: —Aòkòre wa nyrÿ, reerykòre. Bedelyyke wako. Tahe wako tuu delyyde. Kia heka dòhònyde heka aòhòkymy dÿÿnana-ribi dòhònyde rare. Ityky rityranyre heka Budoeni riòre hālubu-di. ¹⁵Taiki heka rynana nihikÿko-ki ratxirenryeri Deuxuko-ki. Kaheka ruu, txuu-wana heka rāāhimy ratximyhÿrenyre taheto bededÿÿnana-ki. Kia rynana-ki rÿdu tahe riyrubunyrenykre. ¹⁶Tiu rama rirubudÿÿrenyòmy heka bemomo boho. Tiu txutòteehekÿ-wana wirisÿnyòtyhy ybòtò boho-wana, txutye boho-wana. ¹⁷Budoeni riòre dori rynana nihikÿko-ki ratximyhÿre. Tii heka aryÿna adee riwahinymyhÿkre. Tii heka adi itxeredukre heka aradykre heka Umyituedeòna ube-ò. Deuxu irube rirubudÿÿnykre.

8 ¹Budoeni riòre debò inatxi reurò hàletenamy ribòhònyreu, aòdee biu-ki roholaoàhyyre heka byy, myle roire: aòwodÿÿ wodÿÿhomy aòkò. Wadee mea hora txumy bedemy bede rewyre. ²Debò inatxi reurò ÿjumy tuu rabire Deuxuko-ki nyidemy. Tahe inyò tamy riòremy idi retehere debò inatxi reurò ajurònamy.

³⁻⁴Tahe iwitxira ÿju nade. Tii womati tÿrÿrÿhÿkÿ atara nihikÿ. Tahe xiwenatyre orarade rÿny wihikÿ ritoonyre. Inyò riwahinyre ÿju-dee sòwemy. Riu-rinykemy Deuxu ijoi ixitòedÿÿna-wana xiwenatyre-ò risòkemy aderòna rÿny-rehekÿ heka womati tÿrÿrÿ xiwenatyre-ki ritxiwire Deuxu ryanako-txi. ÿju iribi tahe kia ibutumy raòwònyre Deuxu-ò. ⁵Tahe heòty-di heka ÿju atara ritÿxinyra idi heòty-di rehure biu-ribi bede-ò. Tai tahe biumytxi ramytxynihikÿnyre heka suu biu tawe rihetenyre rybe wese wodÿÿ ramytatate.

⁶Tahe debò inatxi reurò ÿjumy heka rexiywinymy rÿire ajuròna-di jurònykremy.

⁷Juhu ÿju heka rurònyre. Iribi tahe bedejutytyhykÿ heòty hālubu-wana raurinymy bede-ò rejuxunyre. Bedejura tahe roomyhÿ asirade, bedero-wana inataò-ribi, sohoji roomyhÿ.

⁸⁻⁹Iribi ihewoludu txuròna-di rurònyre. Tahe berahakÿ-ò resere hāwālò nihikÿ wesemy. Tai ibutumy heòtylawò txuramy ituere. Iyre bee tahe hālu-buhukÿlemy relere. Iyre utura tahe ituere.

¹⁰Tahe ihewoluduhe txuròna-di rurònyre. Iribi tahe tainahakÿò bero-hokÿÿre-txi resere berayre-txi tule. ¹¹Tainahakÿ heka ihyre inire. Tahe sòwemy iny ituere ihyre bee riurinyreki.

¹²Tahe ihewotyhy tyaludu txuròna-di rurònyre. Tahe aòwesele txutyemy txuu roosòdòhyyre. Tahe ahādu tawekremy turutyhy inihe relere taina tule. Tahe bederurunytyhyre heka.

¹³Tahe idi retehemy jiarÿ rāiawāhā. Tahe tuu rabire nawii nihikÿò ruòmy ratxireriò. Tii iryru-di heka rarybemyhÿ: —Bede heka rabinakre. Bede heka rabinakre. Suludu bede iny-ò ryrymyhÿ: —Txioinihe sòwemy aòbina binahakÿ rexiòtÿmyranykre. Tahe hewotyhylyudu ÿju txuròna-di kudurònykreu heka bede rabinatyhykre.

9 ¹Ijò ÿju tajuròna rurònyre. Tii heka iruyre hewoludu rare. Tahe ijò inymy rabire. Biu-ribi suò taina resere wese tii resere. Tamy ijò raynaò

diwahinyde, hāloo nihikŷ ratòbòna rayna wahe. Hāloo nihikŷ heka irehehekŷ rare. ² Tahe riraynyre. Wàdàsi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wàdàsi lybyhykŷ òraru-ki. ³ Tahe seihiikŷlyby wese heka wàdày-ribi dòhònyde tahe desede suò. Seihe heka ity-tibòròhòkŷ wese heka ihe rare. ⁴ Asi rubudŷŷòmykre bederaradeò tule, òwòru tule. Inyò Deuxu kia ritidŷŷna iòru-ki rŷiòkeki, tahe tule tamy ijira rŷikre. ⁵ Iny rubudŷŷmy aòkòre. Tahe iny aòhòkŷmy rotŷŷnykemyre heka iruyre ahādumy. Aòhòkŷmy rotŷŷnymyhyre kia ihe juberereri rijjererimy ihŷre. ⁶ Kia txuu tahe ixirubudŷŷmy reamyhyre. Tahe aòkòre heka timyhe ixirubudŷŷkòmy tamyhe rubu dehemynyòhyymyhyde. Tukemy heka riwisŷnymyhyre. Tahe aòkòre rubu iribi rahenymyhyre. ⁷ Seihiikŷ heka awaru wese rare. Iwese awaru rexiywinymy wou-ki ralòkremy rŷimymyhyre wese heka rare. Irati-ki rŷire womati tŷrŷŷhŷkŷle irataana wahe. Iòsana heka iny òsana wese rare. ⁸ Irade irehehekŷre hāwyy radehekŷ wesele. Txuu tahe leaò juhukŷ wesele rare. ⁹ Wyhy itxena ibreti-ki roimymyhyre. Womatile ibreti rare. Bede heka urile rawodŷŷnyhŷkŷmyhyre. Iwese tewe awaru-di nodu sòwe iwodŷŷ rare. Iwese aòbina-ò rajaramymyhyre wodŷŷ wese wahe. ¹⁰ Seihiikŷ heka bòròhywe nihikŷ wese heka rare. Tahe iruru-di rare. Iny riwotòmonymyhykemy iruyre ahādumyhymy. Iherona ramytxytxyre iruyre ahādumyhymy. ¹¹ Iiòlò heka hāloo rahejihikŷ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukŷ rare.

¹² Juhuu bedebinahakŷ ituera ròhònyra. Katahe ijò iwitxira kòdòhònykre inatximyhymy wahe.

¹³ Ijò ŷju tajuròna-di rurònyre. Tii heka debò sohoji hewoludu rare. Raho-lare heka rybeò-ò. Womati xiwenaò-ribi ròhònyre. Xiwena-ò heka inaubiòwa sòwe. Kia womati tŷrŷŷ xiwena heka Deuxu ryanako rŷire. ¹⁴ Kia ŷju-ò heka rarybere ijuròna dinodu wahe: —Inaubiòwa ŷju besedŷŷnyke ixinamy ròhònyke. Tii heka Bero nihikŷ ròtena-ki, bero Eufatesi-ki. ¹⁵ Tii heka ròtena-ki ratximymyhyre kia bededŷŷnanau, kia txuu, kia ahāduu kia beòrau. Iribi tahe riòlòdŷŷnyrenyde. Iribi tahe ihewoludu iny ibutumy rahure. Iyreyre inataò hāwā jurajuramy heka rahure. Inataò jura-ribi sohoji sohoji rirubunyre. ¹⁶ Tahe jiarŷ raholare tiweserebo aòbinadumy rŷire. Iny 200.000.000 inymy rŷire. ¹⁷ Tahe aòbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rŷire. Ibutumy rabire. Womati-hikŷle, heòtyhykŷwesele heka rare. Ijò heka tŷreura rare safira wese. Ijò tahe tŷre raramadòbò wesele. Awaru rati heka leaò ratihikŷ wesele rare. Heòtyle iry-ribi ròhònyreri wàdàsi enxofre-wana wahe. ¹⁸ Kia heòty heka inataò jura-ribi sohoji jura iny rahure. ¹⁹ Tule awaru nohewòru heka iruru dire. Iry-ribile tahe iheòty ròhònyre. Taile iruru rare. Hemylala rati wese dire ruròmy heka inatxi hemylala juwesele. ²⁰ Iny ituere sŷtybymy tahe raròhònyre. Deuxu deàlana dee heka reòbyòhyyre. Diabo mahādu luulemy ratximymyhyrenyde. Aòma rityhynyrenyde womati tŷrŷŷhŷkŷ ritxoo, òwòru ritxoo suritxoo, mana ritxoo. Kia ritxoo heka aòki robiòhyymyhyre, aò roholàòhyymyhyre. Rariaòhyymyhyre. ²¹ Iòraru-ribi roxirāhiòtyhy iribi tahe rahòtinymyhyrenyde aò òtaòtamy, rubudŷŷnamy, wasinamy, òwòrumy. Kiale ròhòtinymyhyrenyde.

10 ¹ Tahe iwitxira ŷjuhukŷ rabira biu-ribi suò robehererimy. Biuwety-kywesehekŷle iweroramy rŷireri. Tahe owaji wese iratikile roireri.

lòsŷny tahe txuwewehekÿle, iwaube tasÿ heòtyhykÿwesele roosòmÿ. ²Tii heka tyyritinadile debò ritÿtenymÿ ratximyhÿ. Tahe itÿte heka deboube-ki roimyhÿre. Tahe tawaube ruruludu heka betÿe ritidimÿ idi rÿire. Tawahy-weludu tasÿ itÿti-ò ridemÿ idi rÿire. ³Tii ryryre heka tarurumÿ. Leaò irà-hàkÿwesele ryryre. Iu tii rarybereu, debò inatxi reuròmÿ heka ramytxynymÿ dirawyònyde. ⁴Tahe riritinyre heka aòmÿbo timykira raryberenÿré wahe. Tahe rybeò-ò raholare: —Kia widÿÿòmÿ. Kia rybe hewa ierÿsyna aòkò rare ixinamÿ tahe tuu roike. Biritinyòke aòmÿbo ramytxyna rarybere? ⁵Tahe ÿju suki ratxireri, beki ratxireri ruru ludu debò biu-ò riteòsinyre: ⁶—Deuxu-ribi heka tuu raryberé, warybemy inatyhymÿ. Deuxu heka tiemÿ rarehyÿle rare. Ibutumÿ heka riwinyre biu-ki rÿira bedeki rÿira-wana. Tai heka warybe inatyhymÿ rare. Ararybekre heka raroorehenÿòtyhy kaki. ⁷Debò inatxi reuròna ÿju tajuròna ritxurònykreu heka, Deuxu ibutumÿ relemÿ rÿikre iwese rarybere wese. ⁸Iribi tahe rybe biu-ribi wadee nade. Wadee rarybere: —Biòryke hewa tyyritina ÿjudebò-ki naderí suki bera-ki kia rÿireri. ⁹Tai tahe tamÿ rehemynÿreri iòhòmÿ tyyriti tamÿ rexitòenyre. Tahe wadee rarybere: —Biwyke. Birÿsÿke. Juhuu tahe bidi wesemÿ ary-ò bidekre. Birÿsÿkreu tahe ibutumÿ rahyrenÿkre awo-ki. ¹⁰Iribi rewÿra rerÿsÿra. Iwese tii juhUU rarybera wese rare. Ibreere juhUU. Iribi rerÿsÿreu tahe, wawe ruberenÿre. ¹¹Tahe wadee rarybere: —Kai heka dohodÿÿmÿ makre ixityre ibutumÿ inywitxiramÿ heka botohodÿÿkre. Ibutumÿ inywitxira witxira-my botoho. Ibutumÿ rybewitxira witxira botohomÿ. Ibutumÿ iòlòmÿ botohodÿÿkre.

11 ¹Iribi tahe inyò wadee diwahinyde urihixinaò. Wadee rarybere: —Biurihikesÿ titxibo Deuxusÿ rÿimÿhÿré. Iwo tule xiwena wahidÿÿna birihihe. Idi mariake tiwesebo iny iwo-ki rÿirémÿ. ²Tahe ahana-ki iube idi riraòmÿke. Tii dori ityhydÿÿdukòdu mahàdu dee wahisidÿÿna rare. Tiiboho dori 42 ahàdumÿ idi rariakre. ³Jiarÿ dori inatxi rybedu idi watxiwàhàre. Tamÿ ruru ariwahinykre. Tii heka saumÿtykÿle rariakre. Tii heka rybe ritÿnynykre beòra inataò weeremÿ. ⁴Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rÿire wese heka rare. ⁵Inyò idi ibinamÿ riwisÿnykeki, tahe ixirubudÿÿmÿ rorukumÿhÿre. Heòty iryribihikÿle ròhònyke heka iny rirubunyke. ⁶Tii heka irurudire biu dejuxu lau riekemÿ. Tahe tiu biu reseòtyhy heka inataò beòra weeremÿ wahe tii Deuxu rybemy rarybereriu wahe. Ihàre tahe tii rexirahò-reke bero nihikÿmÿ aho nihikÿmÿ hálubumÿ rexirahòreke. Ihàre tahe ibutudee bina riwahinyke, rubuna riwahinyke tiiboho awimÿ tai raharenÿkeki. ⁷Kia heka inataò beòra weere rikonananykeu, rybe tÿnydÿÿdu inatxi rikonananykeu, hálòo rehe nihikÿwo-ribi aòni kòdòhònykreu, tahe aòbina nihikÿ-ki heka iu rÿikre. Tahe inatxi rybedu rirubunyke. ⁸Iumÿ rubu tahe hāwāry-ki roikre, tibo inÿrÿ rirubunyrele. Rawesenanyre, kia hāwā arininikre Sòdòma ada Egito wese. ⁹Inataò txuu weere riwydi hāwā ube-ki iumÿ rubu roikre. Inyò heka tiu rituunyòtyhy. Ibutu iny hāwā hāwā-ribi ibutu rybe witxira-ribi heka tamÿ itxeremÿ rehemynykre. ¹⁰Ibutumÿ heka iny teysamÿ rÿikre urile iny widee aòna aònamÿ riwahinymÿhÿkre. Tiemÿ inyò raaòmÿsÿdÿÿòtyhy kiatsu. Tai heka tahòti heka itxi reakre kia inatxi rybedu rurure tahòti itxi reakre. Lisini heka rÿikre, worana bedehesi. ¹¹Kia txu inataò txuweere-di, iumÿrenÿ iruna kòdòòsekre tamÿ Deuxu-ribi. Tiiboho lamamÿ rotamanykre.

Iny rarokonykre heka ruberu nihikÿmy rÿikre heka. ¹²Inatxi rybedu-ò heka rybeterè biu-rìbi nade: —Kaiboho bòdòibedenyke kaò. Tahe biuwetyky raò-wònyrenykre kia iòludu mahàdu idi retehemy rÿireri yrubule. ¹³Kiaule tahe bede ramytatakre. Debò wiò heto jura jura-rìbi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikÿmy rÿikre. Tahe wowydyna riwahinykre Deuxu biu-ki ratximyhÿrè.

¹⁴Inatxina bede dÿÿnana bina tahe ròhònyre. Tahe ijò kanakre.

¹⁵Debò inatxi reurò ÿjummy heka juròna rurònyre. Tahe sòwemyhe iny rarybemy rÿimyhÿ, ryrymy rÿimyhÿ: —Kia bede dÿÿnana, iòlòna, inynrÿ hòrò rare. Kristu hòrò rare. Aòu aòu tii ibutu ibutu iòlòmy ronykre. ¹⁶Wawiò inau-biòwa matuari tahe, rynana-ki ronyrenyleri Deuxuko-txi. Tahe Deuxuko-txi resereny. Wowydyna tamy riwahinyreny:

¹⁷—Kai Deuxu, tuu tate ihyymy, ibutururu ratyre aruru rare.

Aruruteremy bonykre bede dinodumy. Umy reàlàmy kia-ò.

¹⁸Iny heka ibutumy alau ruberumyhÿre ibutumy òludumy rÿire, adee deburemy rÿimyhÿre. Rubu hitxidÿÿna heka bede reamy heka roire. Eòdurenyle heka riòwynykre, aijoi riòwynykre, rybedu mahàdu wahe. Ibutumy ani rityhynymy rÿira, nihikÿ iyja-wana, kia bede huduhukÿ rare. Ibededÿÿnana reamy heka roire.

¹⁹Biuwetyy riraynyre Deuxu heto. Ibutumy heka lobidÿÿna tyriti hyna iwo-ò iny robimy rÿire. Iu tahe biumytxi, biudelaa ibutu yhynihikÿ, ibutumy bede ramytatamy rÿire, berahakÿ tule resere.

12 ¹Iribi tahe ròhònyre warasina-ki aòbo. Aòhebo bede ritÿÿnykremy, biuwetyy-rìbi hàwyyòmy rabire. Txuu wese tahe itykyra. Tii lamamy rÿire ahàdu tyre. Tarati tyre-ki tahe tainahakÿ rataana idi rÿire, waòina-txi taina wahe. ²Tii heka bòtòmy ihÿmyhÿ. Ryrymy heka txubrere rijjemy tabededÿÿnana-ò resera uladu reakremy. ³Iribi tahe aòna aòna biu-ki rexisÿnymy, aòni hemylalasò nihikÿ wese wahe. Irati tahe debò inatxi reurò sòwe iratimy. Debòwiò sòwe heka iòmmy. Irataana heka iratimyna myna rÿimyhÿre. ⁴Tii tahe tòhewòru-di taina ributunymy ridyre. Bede tyre-ki idi rehure, taina juràò. Tii hàwyyko-txi rÿire. Uladu reakreule tahe uladu riròkremy. ⁵Tahe tohouà reare, hàbumy heka reare. Tii iòlòmy heka ronykre, ibutu bede bede iòlòteremy wahe. Ihàre tahe Deuxu ridyre. Raòwònyre heka Deuxu rynana-ò. ⁶Hàwyy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

⁷Biu-ki heka aòbina nihikÿ rÿire. Mieli, ÿju dinodu heka, taijoi-wana raaòbinanyre aòni-wana taijoi-wana. ⁸Aòni tahe resera taijoi-wana. Ròtara. Biu-rìbi ròhònykemy tahe idi ratxireri. ⁹Riteònyre biu-rìbi, aòni nihikÿ heka ròhònyra. Tii heka hemylala nihikÿ wese rare. Satanasi inire, Diabo wahe. Itxenadÿÿdu heka rare ibutumy iny. Suki resera, taijoi-wana. ¹⁰Raholare tahe biu-rìbi rybeò-ò: —Deuxu tarasana heka rehemynyre. Tii taruru riteòsinyre iòlòthy raremy. Kristu taruru riteòsinyre. Aòbina bina rybedu tahe Deuxu-ò rarybehymy ratxireri, txu-wana, ruwana. Tii tahe ròhònyra biu-rìbi. ¹¹Waityhydÿÿdu seriòre mahàdu heka ròtara Budoeni hàlubu-di, inatyhyna hàletena-wana. Rurukemy ratxireri tiiboho tamydeewikeki. ¹²Beysabenyke biu mahàdu. Koityhyxe tahe ahohokÿ, bede-wana. Diabo dori adee rehemynyre. Tii reburere, ibededÿÿnana dori iòhòmmy reare.

¹³Iu hemylala aōni heka bedekile ratxirerimy rieryreu, tahe hāwyy tohouā-wana kia-ò aōhōkỹmy rotỹỹnykemy risỹnykemy idi ratxireri. ¹⁴Tahe hāwyy heka nawiihikỹ-ribi idei rihuòtera, tahe idi ruòra bederahy-ò, tasỹ-ò. ¹⁵Hemylala aōni tahe bee sōwemy tary-ribi rarybexinyre hāwyy ribòrò-bòròdỹỹkemy. ¹⁶Tahe aōkōre. Suu tary riraynyre tahe ibutumy bee riøre. ¹⁷Hemylala aōni tahe reburemy reare hāwyy dee. Ibutumy hāwyy ijoi mahādu rirubunykemy idi ratxireri. Kia mahādu tahe Deuxu bede ywina rityhynyre, iwese Jesuisi tuu ritỹnynyre wese. ¹⁸Tai hemylala aōni ŷnyrakile rỹire.

13 ¹Iribi tahe aōnimy rabire berawo-ribi ròhònyre warasina-ki. Tii heka debò inatxi reurò iratimy tahe debò wiò iòmỹ ijòdire. Rataanaò tahe sohoji sohoji iò-ki rỹire. Irati-ki tahe nibinamy heka rỹire. ²Tii heka hālbe wesetyhymy rare. Iwa heka ursowa wesele heka rare. Iry heka hālbery wese rare. Aōni heka tamy ruru sōwemy riwahinyre, irynana wahe. ³Iribi heka rabire iratiò, sohoji heka wotòmonahakỹ dire. Tahe reytereri. Ibutumy iny riòtiinyre. Aōni riheludunyre. ⁴Aōni hemylala heka taruru riwahinyre aōni-ò. Tai tahe ibutmy iny heka aōni riwowydynyre. Iny rarybere: —Mobo heka aōni wese rare? Mobo ijesedukre? ⁵Aōni heka aōbina bina rarybere. Inyò ribyrenyòtyhy. Ahādu 42 tii heka kiawesemy rỹikre. ⁶Tii Deuxu dee heka aōbinamy rarybere, Deuxusỹ dee, ibutumy biuludu mahādu tule rybebina-di ribinabinadỹỹnyre. ⁷Inyò tamy ruru sōwemy riwahinyre Deuxu ijoi mahādu-wana raaōbinadỹỹkemy. Tuu rahaŷnanykemy heka ibutumy iny witxira witxira, ibutumy rybe witxira mahādu, ibutumy bede bede mahādu. ⁸Ibutumy iny ityhydỹỹdukòdu mahādu tamy wowydyna riwahinyke. Budoeni Riøre ijoi mahādu tahe aōkōre, kia dori ini rỹirenre tyryiti-ki. Juhu bededỹỹnana inireny iwo-ki roire. ⁹Tahe inyò roholakeki heka, boholake. ¹⁰Inyò ridyke. Riròtenyke ròtenawo-ki. Ijò tahe rirubunye. Deuxu ijoi mahādu tahe rexitinyhynyre idi òbitimy roirenrekyre. Kie.

¹¹Tahe ijò aōnimy rabira. Tii ròtuòreri bede-ribi. Iò heka inatxire. Budoeni wese heka rare. Ihāre tahe aōni wesele rarybere. ¹²Tii juhu aōni wese rare, iruru. Rarybere: —Juhuludu aōni biwowydynyke. Kia ratiwotomona-di. ¹³Budoeni aōni heka aōna aōna wiwihikỹmy riwinyre. Tii heòty biu-ribi rese-kemy tii rotỹỹnyre. Ibutumy iny tuu robire. ¹⁴Tii ibutumy iny riitxenanyre kia aōna aōna wiwihikỹ òraruki. Iny ibutu-ò rarybere: —Suritxooò nihikỹ biwinyke aōni dee. Tii mayrehe-di rawotòmore hārele ruruøre. ¹⁵Tahe ihe-woludu aōni heka rabunra suritxoo-ò tahe irumy rỹire. Idi suritxoo rarybere. Inyò tamy wowydyna riwahinykeki, tii tahe rirubunyre. ¹⁶Tii rarybera ibutumy iny-ò: —Kaiboho waritina bitidike aòru-txi, eboreny-txi, ruruweludu wahe. ¹⁷Aōkòkeki tahe aōhoho aōkò riwyke. Iny kia ritina ijòdiòkeki aōhoho aōkò rohonykre. ¹⁸Kai erydỹỹna sōwekekile, aōhebo tatỹỹnytemy kaiboho bierybenykre. Kai erydỹỹnadikeki, aōni heka rieryke. Ini heka iritina rarò-sòna wese rare 666 ihỹre.

14 ¹Idi tahe budoenimy rabire lamamy nyidemy Jerusalē hāwā-ki. Aōma Siaò hāwāldòkile rỹiremy. Tii-wana heka rỹire 144.000 kia inymy heka tii-wana rỹire. Ibutumy tiiboho heka tybynimy, inymy heka ibutumy iòru-ki raritinymy rỹire ibutu òru-ki. Tahe tuu rabire rasinaòmy. ²Biuwodỹỹ nihikỹmy raholare, tule biuwodỹỹhỹkỹ ada benihikỹ lesetere wese iwodỹỹ

rare. Tahe sōwemy iny rawiunymy rare violaō-wana, kia wodỹ wesehekỹle wahe. ³Kia heka wiu tỹmyra riryrymy ròirenyre kia iny tỹmyra rirahura mahādu. Kia Deuxu rynana nihikỹko-txi heka rotỹmynyrenyra. Kia inau-biōwa aōnityhy heka waitue inau-biōwa matuarimy tahe ijōmy rỹire. Tahe 144.000 kia inyle heka rawiunykeki, awimy rỹike. Tii dori aōma tarasadumy ratximyhỹrenyre. ⁴Tiiboho heka tyra roire, tiiboho heka òbiti roire iwese ijadōma ratxirerimy ihỹre wese òtadu mahādu aōkōhyyre. Tahe budoeni riðrehemy heka rare titxibo tii rare hemy. Tii dori wydynamy rare. Kia hābuy-ribi. Bede ywisidỹyna juradỹyna kia dinodumy heka rare. Deuxu heka Budoeni Riðre-wana wahidỹynamy heka roiremy. ⁵Tiiboho heka rarybere-nyōtyhy tiiboho ruidu roiremy. Òbiti heka tiiboho roire. Tiiboho heka rahi-txirenyre Deuxu dee.

⁶Tasỹ ijōmy rabire ýjuōmy aōma biuwetyky kiako-txi raramy ruōmy rabi-rerimy. Tii heka Rybewihikỹ tỹmyra rimymy idi rara aō inywitxira-ò ritỹnynykremy. Ibutu bede bede inywitxira-ò ritỹnynykremy. Ibutu rybe-di ritỹnynykremy, Rybewihikỹ tỹmyra wahe. ⁷Kiamy heka ryryre: —Deuxu bityhynke. Marybebenyke tii awi raremy nihikỹ raremy. Bededỹynana rehemynymy roire ihitxidỹydu bede-ò. Bityhynybenyke tii dori bede ibutumy riwinyre bee, biu ibutumy riwinyre.

⁸Tahe ýjuō heka ihewomy ruōmy ratximyhỹre. Babilonia hāwā nihikỹ rexihura. Ibutu iny dori òraruna-txi resera. Kia hāwā mahādu dori ibutumy iðarudỹynra.

⁹Iribi tasỹ iwitxira ýjusỹ tamy nade iheto-ò. Tii tahe ryrymy nade: —Inyō aōnimy ada iritxoomy rityhynykeki, iribi riwykeki iwotōmona iòru-ribi tebò-ribi riwykeki iritidỹyna, tii tahe Deuxu ykarana heka iribi riwykre. ¹⁰⁻¹¹Tiiboho heka aōhōkỹmy rotỹnyrenyre ýjuko-txi. Budoeni Riðreko-txi aōhōkỹmy rotỹnyrenyre. Heòty kia bede dỹynana tyhy tiemy raðwònyhy rarakre. Tiiboho dori tiemy aōnityhy nihikỹle, iritxoo-wana rityhynymy-hỹrenyreki, tiiboho heka iritidỹynale ixi-ki riwymyhỹrenyre. ¹²Tai tahe ibutumy iDeuxuhe ywina-di heka iwitxira iny ronykemy heka ratximyhỹre. Ibutu aō òta ibina bina biðludunyenkyemy, tiiboho dori aijoi òbitihyy boibekemy ikonana-ò. Jesuisi bityhynykemy.

¹³Iribi tasỹ ixityre ijō rybe-ò raholare watyre-ki. Rarybere: —Kiahe biritinyke: Aō roorehemy aōkō heka dehemynymy deade. Kia Jesuisi-ò rurure heka uriōno heka tamy dehemynymy deade. Iribi tahe tule rarybere: atyytyby reysamy ratxireri. Myle. Tahe rexielehynymy heka rorukumyhỹrenyre aōhōkỹmy dỹynana-ribi. Tii dori aōwiwihikỹle riwinyrerimy ihỹre. Reeryre heka.

¹⁴Idi tahe iwitxiramy aōmybo rabire wiribi hitxiramy. Nonoe wetyky urahakỹle wese heka rare. Inyō ityre-ki rononymhỹ. Hābuō wesehekỹlemy heka rare. Irataanadihikỹlemy ronmy heka tarati-ki heka idi rononymhỹ. Womati tỹrỹrỹhỹkỹle wesehekỹle irataana rare. Tahe ijō heka itieresyna-ò-di heka tebòkihikỹle heka rỹire. ¹⁵Ijō heka Dexusỹ-ribi nade, ýjuō. Tamyhe ryryre: —Bexitỹmyranyke, itieresyna-di tasỹ bexitỹmyranykre. Bededỹynana rehemynymy roire adee aō biòrðòrðkemy. ¹⁶Tahe kia nonoe wetyky tyre-ki ronyreri tahe rexidelenyre riðròrerihe. Riwyrehe ibutumyhe aōna aōna riwyre tahe ributunyre.

¹⁷Kia ijō Deuxusy-ki ratxireri tasỹ tule debònadimy ratximyhỹ kia tiere-synadile ratxireri. ¹⁸⁻¹⁹Kia ýju aõma heòty kia loo-di ratxireri tahe dryde heka tieresynadile tamy rehemynykemy. Tieresynadile biorobeke idi atxi-beke. Ibutumyhe bede bede kia biorobeke. Ceifale dori biorobeke. Rubumy dori rỹire hitxidỹyna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò. ²⁰Tai tahe bederatyhe risorunynrenyre hāwā-ribi hitximy. Sōwemy hālubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awaruloymy heka rabeheòmy roire ibero.

15 ¹Ijō aõna aõnamy rabire biu-ki ihewo-ribi riteòsinyreri. Debò inatxi reuròmy ýjumy heka rimyra kaa aòmýsýdỹyna. Kidiwydenykre heka debò inatxi reurò aòhòkỹmy dỹynanamy. Idi tahe Deuxu ykaranamy rexikonanamyhe roikre.

²Iribi tahe bero nihikỹmy rabire wako-txi aõma heòty wese, womati tỹrỹrỹ wese. Sōwemy heka inymy rabire kia sutyre-ki nyidemy bero iòhòmy. Ibutumy heka aõni debure deburehekỹ kia rubu-ribi ritamy nyide. Iu heka aõni tai roiòhykyre heka, aritidỹyna roiòhykyre heka. Tahe aõma aõnimy rahaỹnanyrenymy ratximyhỹre iritxoomy tule violaò oworuwodỹkyhe tai rỹire, Deuxu rawiunynrenyreri riryreri. ³Moisesi Inynrỹ deòdu wiu riryrinyreri. Tule Budoeni Riòre wiu riryrinyreri. Kiamy heka rare: —Oi Deuxu, Kai heka aruru-di tate. Aõni tewinymahāte. Ibutu tarasana tewinymahāte. Ibutu heka ary òbiti rare. Awi heka rare. Kai heka ibutu iòlò tate. ⁴Iòlòhyky tanamahāte. Tiiemy heka rityhynymy hyky hyky tanamahāte Inynrỹbohomy. Wowydyna heka adee riwahinymahāke. Kai sohojile heka òbitityhymy atximahāte. Ibutu bede bede ludu heka anatyhynykremy kedeade kedeakre. Ibutumy aòbo tewinyte. Ibutumy bede òbitidỹynmahāte heka rieryre.

⁵Kia bedeò heka Deuxu hetomy roimyhỹre ierykõnamy roimyhỹre. Iwòte ierykõna. Tii heka riraynynrenyre heka kia bede. ⁶Kia debò inatxi reurò kia ýjuhe ròhònyre Deuxu heto-ribi. Diwydehe debò inatxi reurò aòhòkỹmy dỹynana. Aõma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹky reare. ⁷Sohoji aõniò aõma Deuxu ykarana hyna sohoji sohoji-ò tamy diwahinyde. ⁸Deuxu hetowo heka aõma wàdàhàkỹlemy reare. Loosòna dori iruru dori sōwemy rỹimyhỹ. Tai heka urile roosòhòkỹmy ratỹrỹrỹhỹky. Inyò heka iròteòna. Debò inatxi reurò ýjumy. Kia ritxiwimy rexihudile tahe iny ralòke.

16 ¹Deuxu hetowo-ribi ijòmy raholare rybetereò-ò. Rarybereri ýju mahādu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe ýjumy dòhònymy deade tahyna-di ditxiwide bede-ò.

²Iribi tahe rexidelenymy reare aõma juhū ýju ihyna ritxiwire bede-ò. Ýju binahakỹmy ròhònyre ibutu inmyhe robỹtỹmy reare. Kia aõma aõni kia ritina iòru-ki rỹirele kỹnyhe tuu rỹximy. Tule suritxoo rityhynymyhỹrele kia mahādule heka yjy yjy ròhònyre.

³Tahe ihewoludu heka tahyna-di dòhònymy deade. Betyre ritxiwire. Bee hālubu hukỹlemy reare. Ibutumy bera-ki raremyhỹre ituere.

⁴Juhu ludu hewoludu tahe ritxiwire berohokỹ tyre heka ritxiwire. Bee ibutumy bewydysyna rihòrònyre. Ibutumy hālubu hukỹlemy relere. ⁵Tahe

ÿju rybe raholare aõhebo bera-ki rotÿÿnyrerio: —Kai Deuxu, Kai awi tate. Kai õbiti tate. Tuhyy ahâte ihære tahe tuhyy ahâte. ⁶Rybe tÿnydÿÿdu mahädu heka ituere, rurure. Deuxu ijoi hālubu ritxiwire suò. Katahe rubudÿÿdu kaihe iòwydÿÿdukre. Hālubu tetxiwiteriki tule iòwydÿÿdukre. ⁷Tahe raholare ijò ÿju rarybereri-ò, Xiwenaribi heka ròhònymy: —Kia InyDeuxu heka ibutumy ruru dire. Ibutumy tewinyte õbitimy awimy.

⁸Tahe ihewotyhy konana ludu tahe ritxiwire hyna txutyre-ki. Tahe txuu ratòteenyre itòtee nihikÿmy relere. Sòwemy heka iny risòre bedetòtee. ⁹Tai tahe rirajuamÿhÿre Deuxu nibinahakÿmy rirajuarerimy ihÿre Deuxu dori diteònyde heka bededÿÿnana binahakÿ. Tahe inyò heka tòhòti rawitxiranyòhyyre iraykywydyna. Kiamy ixiwesehyy ròhòtinyrenyre. Kia iny heka aõe rotÿÿnyòhyyre wowydyna loosònabo.

¹⁰Iwitxira ÿju tahe aõma ritxiwire tahyna aõni ryna tyre. Kia heka aõni beludu rare. Tarynana tyre ronÿmyhÿ. Tahe ibutu irynanareny torohokÿlemy reare. Ibutu iòlòna torohokÿlemy reare. Tahe tòròtò-ki ruruar taaòhÿkÿhÿkÿnareny-di. ¹¹Tiiboho heka Deuxu nibinahakÿmy ryryre webinadumy roireki taaòhÿkÿhÿkÿnareny-di. Timy heka rexinohòtilosanyòhyymÿhÿre aõbina binahakÿ riwinymy roiremyhÿ-ribi.

¹²Tahe iwitxira ÿju tahyna ditxiwide. Eufatesi berohokÿ tyre ritxiwire. Tahe ibutumy heka ruÿre. Oriente iòlò mahädu dee tahe ryy kia riraynyre. ¹³Tuu rabire heka inataò tÿtyby binahakÿ. Rexitykynyre òrò tykyhykÿ wese rexitykynyre. Aõni heka hemylala aõni inire tahe iry-ribi rexiòlòdÿÿnyrenyre. Tule aõnibina witxirary-ribi, tule aõni rybedubina-ribi. ¹⁴Iribi heka aõni bina tÿtyby kia tÿtyby ibutumy heka bede dinodu iòlò ributunyre. Raaõbinanykemy heka dirahude Deuxu kia mahädu-ò. Deuxu ihitxidÿÿnatumy rÿikemy heka anade tii dori ibutu ratyre aõna aõna-ki. ¹⁵Kristu rarybere: —Tahe boholabenÿke. Aõwesele heka anakre. Wasidu wesemy heka adehemynymy adeakre. Ibutumy iny wararòsòdu mahädu teysamy rÿikre. Atyky heka biywinymahäbenÿke tai timyki maixÿrubenyòtyhy adehemynkreu. ¹⁶Kristu rarybere: —Ibutumy heka widotyde aõbinakedu Mikidu hāwā-ki wahe. Hebreu rybe-ki tahe Armagedom inire.

¹⁷Tai tahe ikonatanÿhy ÿju tahyna ritxiwire yhykile. Tahe raholare biumytxihikÿ raholare Deususÿ-ki. Deuxu rynana-ribi dòhònyde: —Ibutumyhe rakonanamy roire. ¹⁸Tahe biumytxihikÿle ibutumy rawodÿÿnyre. Tule biu relaanyra. Biu ramytataòmyhÿre idi tahe ramytatare. Tii heka lahityhy rare. ¹⁹Tai tahe Babilonia hāwā rabòhòre inataò jura juramÿhÿmy. Ibutumy hāwā nihikÿ-ribi hetohokÿ rejuxunyre. Tai tahe kia Babilonia kia òraru-txi tahe Deuxu tòhòti reare. Tai tahe aòhòkÿmy risÿnymÿhÿ ibutumy aõbede binahakÿ tamy riwahinyre. ²⁰Bedebute ibutumy rexiwore. Iribi tahe hāwālò tytyhykÿlemy reare bedero wesehekÿle. ²¹Idi inityre resemÿhÿre bera ere erewe-sele resererimy ihÿre. Ijò iutxie tahe 40 quilo bede heka iutxie rare. Kia tahe iny sumy rÿire nibinahakÿmy Deuxumy rarybemy.

17 ¹Tahe ÿju monahyna-ki wadee rybemy nade: —Adee aritÿnynykre aõbo Hāwā Bero sòwe aõhebo rotÿÿnykré heka. Kia hāwā adee ari-teòsinykre timybo rare. Wedena wese aòhòkÿmy rotÿÿnykremy. Deuxu heka aòhòkÿmy dÿÿnana riwahinyke kia hāwā-ò. ²Bede iòlò dinodu tamyhe iòraruna tamy rexiòrarunyre. Tule iny bedemy rÿira mahädu ralòre tamy

òtaòtamy. ³Tai ta kia ýju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hāwyymy aōma iròdutyre-ki ronyrerimy. Iròdu heka isòhòkỹlemy roire. Debò inatxi reurò irati rỹire, tahe iò debò ituemy sōwe. Iritina heka aōkōre rarỹynymhỹre. Deuxudee heka aōbina binahakỹlemy tai iritidỹyna rỹimhỹre. ⁴Hāwyy heka isòhòkỹ ityky rare, iwihiikỹ rare. Ityky tyre heka womati tỹrỹhỹkỹ roire. Mana rỹsỹ wiwihikỹ, woumana-wana. Bemona debò-ki idi rare. Iwo-ki tahe bemonawo-ki tahe aōna bina nibina tai roire. ⁵Tai tasỹ iòru-ki tule rỹire iniò. Aōbo rare tahe iny rieryòtyhy. Babilonia Nihikỹ rare. Ibutu wedenase tii rare. Ibutu inyinase tii rare. Kia luunadu ibutumy bede bede-ki. ⁶Iribi tahe rabire hāwyy ixityre. Tii iny hālubu riòre. Ityhydỹydu mahādu hālubu-di rexiòdewàrinymy heka rare. Tiiboho rurure, òbitim� Jesuisim� rityhynreki wahe. Kia hāwyymy tahe rabireu, rexiòtiidỹynre. ⁷Tai tahe ýju wadee rarybera: —Aòherekibo bede teòtiinymy tỹite. Adee arelyyke aōbo rare —kia hāwyy iròdu-wana, aritỹnynyke tiiboho aōbo raré. ⁸Iròdu tuu tabita, irumy rare tahe rurukre ele elemy. Tii hāloorehehekỹ-ribi kòdòhònykre. Iribi tahe rexihukre. Tii rurure idi ixby dòdsede. Bede iny mahādu bede riòtiinykre idi heka iròdu debure binamy robirenykreu, bede riòtiinykre idi. Tiiboho dori ini ihoòre iru tyyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aōkōre. Idi tii irumy kanankre ixbyble. ⁹Kia ibutumy adee aritỹnynyke: Debò inataò rati tahe iròdule rare. Kia hāwyy ityre ronyre kia hāwālò wesere. Iròdu rati tule iòlò mahāduò rare, debò inatxi reurò sōwe. ¹⁰Iruyre iòlò tahe reserenyre. Sohoji iòlò tahe ratximhỹre. Ihewotyhy ikonanaludu tahe, kanakre wijina. Tai ibededỹynana iòhòlere. ¹¹Iòlò debòinataò ludu tahe iròdu rare —kia irumy juhuyu rare tahe wiji rurumy rare wahe —tii juhuu iòlò mahāduò rare. Tii tule ituekre. ¹²Debò itue òmy tuu tabitam� wahe tule iòlò mahādu rare. Tiiboho kanakre iòlòwesemy. Iròdu-wana tiiboho hāwā wedumy ronyrenykre iròdu aōni-wana sohoji horamy. Tii tyytyby bina rare. ¹³Tyyritiò riwinykre idi tahe ibutumy ruruna iròdu bina-ò riwahinykre. ¹⁴Raaòbinanyrenykremy heka Budoeni Riòre-wana. Tahe Budoeni Riòre aōbina-ki haynadukre. Tahe ýju wadee rarybere: —Tii dori butu iòlò, ibutu iòlòna ratximhỹre. Ibutu inynrỹ ratximhỹre. Ijoi heka kia ywim� tii-wana roire itarasaò-ki. Kia rityhynykre rỹirerim� ihỹre. ¹⁵Tahe kia ahohokỹ, berohokỹ tai kia hāwyy ronmyhỹré. Tiiboho iny rare ibutu rybe-ribi, bede-ribi wahe. ¹⁶Debòwiò òmy tuu tabita iròdu-wana heka hāwyy derarenyre. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi. ¹⁷Ibutumy inywese rare. Bede bede iny ibutumy rybe òta òta rarybemyhỹre. Tahe Deuxu heka riwahinyre aōbo ixideewim� riwinykre. Tai tahe aōwaxiny aō tamywi heka riwinykre. Tai tahe ibutumy iròdu sòhòkỹ taru riwahinykre, Deuxu Rybemyrna bede rỹidi. ¹⁸Hāwāhākỹ nihikỹ tabite heka wedena wesemy roire. Kia Hāwāhākỹ heka ibutu wedu iòlò rare.

18 ¹Tai tahe ijòmy rabire ýjumy rabire biu-ribi ròhònyreri. Tii sòwemy iruru rare. Tii sòwemy iloosòna rare. Ibutumy bede ritoosònyre. ²⁻³Ta rryre tarurumy tii rryre: —Babilonia nihikỹ resera! Resera! Katahe aōma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii witxira witxira ibinahakỹ tai

rasŷnynmyhŷre, tyytybybina-wana. Ijohodu mahādu idi nieru sōwemy ributunyre. Idi rexityhynyre.

⁴Iribi tahe raholare ixityre rybeō biu-ribi rarerí. Manake hewa, Bòdò-hònyke wa kia hāwyy-ribi. Kai heka waijoi toite. Tii-wana bexiòraruny-benykemy aōkō! Bexiòrarunybenykeki tii-wana, tai tii-wana aōhōkŷmy botŷŷnykre. ⁵Tii heka iòraru sōwe nihikŷmy ratximyhŷre. Deuxu heka aōhōkŷmy dŷŷnana tamy riywinymy ratximyhŷre iòraru-ki. ⁶Biwinymyhŷre heka iwese tii riwinymyhŷre wese. Aō ibinamy ibinatyhymy tamy relekre. ⁷Aō ibinamy ròhònyke inatxi bededŷŷnanamy tamy ròhònykre. Ibutumy aōbo tamywimy idi raremyhŷ heka riwinymyhŷ ixideewimy. Katahe iwese aōhōkŷmy rotŷŷnykre tahe rabadewokre. Hāwyy tahe ixidee rarybere: —Jikarŷ ikòlò rare. Wytese anokō jikarŷ rare. Tiku heka rabadewokòthyh anohōkŷmy ratykŷnykòthyh. ⁸Tai taheka aōwesele heka tamy bedetidŷŷdu kedehemynymy bedekre: rubu, aōdese, rama uritereribile tamy kedehemynykre. Heòty ibutumy ritoonykre. Deuxu urihixina-di dehudu ratximyhŷre. Tii ruru-di ratximyhŷre. ⁹Kia bede dinodu mahādu rahinykre itòenamy. Tii-wana dori òta òta riwinyrenyra. Tiiboho robikre wàdà iribi ròhònyrerìò wahe. ¹⁰Irehemy iribi rŷire. Ruberureri iaōhōkŷmy dŷŷnana lau. Tahe raryberenyre: —Babilonia hāwā, kai hāwā nihikŷ rare. Tahe wiji ituera atximahāte. Kobelàhàxe. ¹¹Ibutumy aōna-ribi ijohodu rahinykre itòenamy. Inyō dorihe iaō tamy riwydyōmy tamy ijohonamy aōkō. ¹²Juhuu heka raaōbradŷŷmy aōma iny mahādu ratyre. Womati tŷrŷrŷ riòbranyōre. Tule woumana riwyrerimiy ihŷre juhuu. Tykysòwihikŷ witxira witxira heka riwyrerimiy ihŷre. Tule òwòrulŷnyre, iròdu nohōmy riwinyrerimiy ihŷre. Bede ritxoo ibutumy aōna iòwyhykŷre. Womati òta òta wiwihikŷ riwyrerimiy ihŷre. ¹³Aōma rŷsŷna uri wiwihikŷ tule aderòna wiwihikŷ, tule vī riwyre, paō widŷŷna, adŷŷ-wana riwyrerimiy ihŷre. Tule maixōmo, broreni, budoeni, awaru, tewe, ityti heòty, tule iny deòdu iòwydimy. ¹⁴Tahe ijohodu mahādu rarybere hāwā-ò: —Ibutumy aōna aōna wiwihikŷ ituera, kia kaiboho riwyrerimiy ihŷre. Tiu ixityre aōna aōna riwyòthyh, ixāwira. ¹⁵Tahe aōna-di ijohodu mahādu rabadewokre, rahinykre tiiboho dori iòraru-ki raityhynrenyre. Irehe-ribi retehere. Ruberurenyre. Ryryreri: ¹⁶—Kobelàhàxe hāwā wihikŷ. Ibutumy atykysò ituera, awomati wiwihikŷ ituera, woumana, manawiwihikŷ ibutumy ixāwire. ¹⁷Sohoji òraule ibutumy iaōna aōna ixāwira. Ibutumy hāwòhòkŷ dinodu urile, iwiòhenadŷŷdu mahādu tule suludu mahādu retehereri irehe-ribi. Tii dori nieru ritamyhŷre iaōna-di. ¹⁸Iu hāwā wàdàsimey robirenyreu tahe, ryryre: —Kia hāwā wihikŷ rare. Ijō hāwā iwese ihoòhyre. ¹⁹Tahe brybysi ityreneny rehurerimiy ihŷre. Rahinyrereri, ryryreri: —Bobrekŷ, bobrekŷ hāwā wihikŷ. Aōwesele heka ixāwira. Ibutumy ityhy mahādu, iaōna rexihura. ²⁰Tahe kaiboho beysabenyke biu ludu mahādu. Hāwā nihikŷ dori ituera. Deuxu hōrō mahādu, Deuxu deòdŷŷna mahādu, Deuxu dee rybedu mahādu ibutumy beysabenyke. Deuxu dori iaōhōkŷmy dŷŷnana tamy riwahinyre aōrauru-ki.

²¹Tahe ŷju nihikŷ heka manaō rimyre, mana nihikŷ, iwese maixōmosyna mana wese wahe. Idi rehure ahobero-ki rehure. Tahe ryryre: Kiawese heka Babilonia hāwā-di arehukemy watxireri waruru-di. Ixāwikre. ²²Tahe wiu wodŷŷ kia hāwā-ki roholaòthyke, harpa wodŷŷ aōkō, flauta wodŷŷ aōkō,

juròna wodÿÿ aòkò. Aaòmÿsÿdÿÿdu aòkò kia hāwā-ki raaòmÿsÿdÿÿōtyhy. Mai rÿÿna, manasyna iny heka iwodÿÿ roholaōtyhy. ²³Loosòna ay-ki ritoosò-nyōtyhy. Herina mahādu rybe ay-ki iny roholaōtyhy. Iaòna ijohodu mahādu ibutu hāwā-ribi ityhy rare. Tule ibutumy iny riitxenanyre aòtaòta-di, bede bede iny wahe. ²⁴Babilonia hāwā heka aòhòkÿmy dÿÿnana rotÿÿnyre. Deuxu rybedu mahādu hālubu dori kai tetata tule Deuxu hōrò mahādu. Rirubunyre mahādu wahe.

19 ¹Iribi tahe ijoi nihikÿmy roholare. Ryrymy heka rÿimyhÿ sōwemy iny rÿimyhÿ biu-ki. Deuxu deysanamy heka ryryreri: —Wowy-dynamy Inynyry-ò. Tarasana dori inyDeuxu-ribi rare. Wowydyna, ruruna ibutumy ihòròle rare. Aòbo tii riwinyré, òbiti rare. ²Aòhòkÿmy dÿÿnana òbiti rare. Aòhòkÿmy rotÿÿnyre heka kia aderana-ki heka rare. Tii aòhòkÿmy dÿÿnana ritare. Bede iny heka riòrarudÿÿnyre. Tahe Deuxu riòwinyre teòdu rubudÿÿna heka riòwinyre. ³Ixityre ijoi ryrynyre, rawiunyre: —Wowydyna Inynyry-ò. Wàdà raòwònyreri tai rawòsi-ribi. Ihyyemy raòwònykre, hāwā nihikÿ-ribi wahe. ⁴Tahe ibutumy rejuxunyre Deuxu luukemy. Wawiò inau-biòwa matuari rare. Tule inaubiòwa aòni rare. Deuxu tahe rynana nihikÿ-ki ronyre. Tamy rirajuare: —Kia, Kia, wowydyna deysana Deuxu-ò. ⁵Iribi heka ròhònyre Deuxu rynana nihikÿ-ribi heka rybeunimy ròhònyre: —Biwowy-dynybenyke Deuxu-ò ibutumy deòdu mahādu, ibutumy iny rityhynymyhÿre mahādu, iyja ta nihikÿ-wana. ⁶Tahe ixityre ijoi-ò raholare. Ryrymy rÿimyhÿre. Tahe benihikÿlesetere wese heka iwodÿÿ rÿireri, biumytxi wesehekÿle heka iwodÿÿ rÿireri: —Wowydyna Inynyry-ò biwahinyke. Tii iruru dire. Tii heka iòlò rare. ⁷Ibutumy iny rekeysarenyke. Tamy wowydyna rikiwahinyrenykre. Tii dori inihikÿre. Iòhòra dori kia Budoeni Riòre kia hāwyyemy herina kia bededÿÿnana-ò. Worana bedehesi kÿnyikre. Ihāwyy heka rexiywinymy ratxireri. ⁸Tyyurahakÿle-di rexityynykre. Awityhymy ityy doimyhÿde wahe. Deuxu dee awihikÿ widÿÿna wese heka kia ratxireri. ⁹Kiamy heka ÿju wadee rarybere: —Kia biritinyke. Ibutumy lobidÿÿna mahādu reysamy ratxireri. ÿju wadee rarybere ijò: —Kia heka Deuxule tuu rarybere. Inatyhy rare! ¹⁰Tahe jiarÿ resere ÿjuko-txi ariwowydynykemy. Tahe tii wadee rarybere: —Kia widÿÿōmyke hewa. Jiarÿ tule Deuxu deòdule heka jiarÿ rare, awesele wahe. Aityhydÿÿdu seriòre tule awesele rare. Rarybemyhÿre dori Jesuisi tyhydÿÿnamy. Deuxule biwowydynyke! Ibutumy Jesuisi relyyre heka tuu rybedu mahādu ritÿÿnyre.

¹¹Iribi tahe tuu rabire awarurahakÿò biuwetyky-ki. Inyò ityre-ki ronymyhÿ. Ini heka òbiti rare, Inatyhy rare. Tii heka aòbinanymyhÿle rare. ¹²Irue heka heòty wesele rare. Irati heka sōwemy raheto rÿire. Iò-ribi heka nii roire, ini wahe. Urile inyò rieryōtyhy mobo ini rare, tyriti witxira dori tiile heka rieryre. ¹³Ihety heka hālubahukÿle-di ityre rare. Deuxu Rybe heka inire, hābu wahe. ¹⁴Sōwemy iny heka awarutyre-ki rÿire, biu-ribi dòidenyde Deuxu Rybe hewomy, soldado wese wahe. Iny ibutumy ityyura-di rexityynyre, ity-ratyhy wahe. ¹⁵Tii heka mayrehe rabuhukÿle iry-ribi ròhònyrerimy ihÿre. Idi tii heka iny rirubunykeny ibutu bede bede-ò. Iribi tahe tii ròhònyre iòlòtyhy tii rare. Aòhòkÿmy dÿÿnana tamy riwahinyre, ibinatyhymy heka riwahinyre, Deuxu iwona, Deuxu ruruweddu wahe. ¹⁶Ihety-ki heka iti-ki rÿire iniò: Iòlò iòlò wedu tii rare, ibutu wedu wahe.

¹⁷Iribi tahe yjummy rabire, txu-ki rÿire. Nawii ibutu-ò ryrymyhÿ: —Bòdòibe-benyke heka, Deuxu worana bedehesina-ò bòdòike rÿsÿna birÿsÿbenykemy. ¹⁸Aòmade biròbenyke, iòlòde, soldadu wedude, iawarude, ibutumy inyde biròbenyke, ixihy mahādu, deòdu mahādu, nihikÿ iyja-wana.

¹⁹Iribi heka tuu rabire aòni binahakÿ, iòlò mahādu, tasoldado mahādu wana. Wii ributunyre aòbinamy. Awaru tyre-ki ronyrerimy kia mahādu-wana tiiboho raaòbinanykremy. ²⁰Tahe aòni bina rimyrenyre, rybedu bina-wana. Teròwmy tii aòna aòna witxirawi riwinyre. Iribi ridyrenyre heka heòtyaho-txi idi rehu-renykremy, enxofre-di riworonyre wahe. ²¹Ibutumy isoldado heka ituemy rÿimyhÿre rurumy. Mayrehe-di rurumyhÿre, kia awaru ura tyre-ki ratxireri kia ryribi ròhònyreri kia-di rurure. Tahe rararesa deadeade ide riròkremy.

20 ¹Iribi tahe yju nademy biu-ribi. Irayna heka debò-ki idi rÿire. Hāloonihikÿ rayna wahe. Tule womati rerotihikÿle iruty-ki roire. ²Kia aòni rimyre, Diabo wahe, Satanasi wahe. Inyò tule hemylala raninire. Tahe 1000 beòra riekre ritaataare womati reroti-di. ³Idi heka rehure hāloo nihikÿ-ò tahe riratòbònyre, rirarytxynyre. Tai tahe tii riitxenanyòtyhy bede bede iny. Kia 1000 beòramy bede reakreule, tahe rexihumy iròtena. Urihimyò bededÿÿnana bede riijekre, ixihyyle tai ixbyle ròbòdÿÿkre.

⁴Iribi tahe rynana sòwemy rabire. Iny ityre ronyreri mahādu ywisidÿÿdu mahādu heka rare. Iribi heka tuu rabire Jesuisi dee rurure mahādu. Inatyhyna rybe tÿnydÿÿ òraru-ki heka rurure. Aòni rityhynyòre, iritxoo rityhynyòre, iritina òraru iòru-ki ritidiòtyhy, deboreny-ki ritidiòtyhy. Rubu-ribi tiiboho rexixarenyre. Kristu-wana ratxireri 1000 beòramy. ⁵Kia heka juhuludu ixixana heka rare. Ijò rubu mahādu heka wiji rexixaòkre. Tahe 1000 beòramy reareu, tahe rexixarenyre. ⁶Juhuludu ixixana mahādu heka reysatyhmy rarekre. Ixyby rubunamy heka ruruòkre, inatxina rubunamy wahe. Deuxu dee, Kristu dee heka tiiboho Xiwenā wahidÿÿdumy roirekre. Tii-wana 1000 beòramy riwyrenyre, iòlò mahādu wesemy heka ratxirenyre.

⁷Kia 1000 beòra reareu heka Satanasi ixihyummy ròhònykre bede-ki. ⁸Tii itxenadÿÿdumy ròhònykre ibutu iny riitxenanykremy. Kia Kòke bede, tule Makòke bede rare. Satanasi heka sòwemy iny ributunykre raaòbinanykremy. Tiiboho sòwemy ihÿre ÿnyra sòwe wese. ⁹Tiiboho tahe ibutu bede-ò rariarenyre ityhydÿÿdu hāwā rirurawonyrenyre kia Deuxu hāwā Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahādu òludu wahe. ¹⁰Tahe diabo iitxenadÿÿdureny heka Deuxu rehure heòty aho-ò. Tai aònibina, ruimy rybedu-wana juhu delemy tamy reserenyre. Tai txyumy rummy aò rotÿÿnyrenyhykre.

¹¹Iribi tahe rynanaurahòkÿmy rabire ityre rÿdu-wana. Suu biu-wana iribi rexitare, titxibo iòrenyre. ¹²Tahe iny rubumy rabire, iny ibutumy iko-ki rÿirenyre. Tyriti rarayre. Ijò tahe rarayre, irutytyriti wahe. Tyriti-ribi Deuxu iaòna aòna rierymy aòhebo risÿnykre. ¹³Ahohokÿ-ribi tahe rubu mahādu dòhònyde. Rubunahakÿ bede-ribi iludu mahādu dòhònyde. Idi iaòna aònamyna Deuxu timybo rexinohòtinykremy idi rare. ¹⁴Idi rubunahakÿ, rubuna-wana heòtyaho-txi idi adehu rÿikre. Kia ixbyby rubu rare. ¹⁵Iru ityriti-ki inyniò roiòkeki, tii tule heòtyaho-txi adehu rÿikre.

21 ¹Idi biu tÿmyra sutÿmyramy rabire. Juhusu juhubi titxibo ikòrenyre, ahohokÿ tule. ²Deuxu hāwā wihikÿ tÿmyra desemy nade biu-ribi.

Iwese ijadòma tỳmyrawesemy ramyh̄yre wese kia h̄awā nade. Deuxu-ribi nade. ³ Tahe rybehek̄y biurnana r̄ydu-ribi nade-ò roholare kiamy: —Kahe Deuxu s̄y heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre. ⁴ Idi Deuxu irubereny risuhokre. Tai rubu, hii, ibru, txu-berere ijòòkre. Bede tyby dori rexihura. ⁵ Idi rynana-ki r̄ydu narybede: —Wiji itỳmyramy ibutumy aõna aõna ariwinykre. Wadee tule narybede: —Kia bityyritinyke. Kaa rybe dori rybetyhy rare, ibutumy iny ratyhykremy. ⁶ Kia ixyby narybede: —Ibutumy relera. Jiar̄y dori AA rare YY rare Juhuludu rare ikonanaludu rare. Inyò bemomo risakeki, tamy iòwykòlemy ariòkre, beòlò-naberu-ribi wahe. ⁷ Inyò tarasadu heka ibutumy waribi rimykre. Jiar̄y iDeuxukre. Tii wariòekre. ⁸ Idi kamah̄adu heòty aõho enxofre-ò rekoarenre kamah̄adu wahe: —Iny brebu, watyhyd̄ȳkòdu, òrarudu, maleerudu mah̄adu, òdu òta mah̄adu, iny rubud̄ȳdu mah̄adu, hàrà mah̄adu, ritxoo tyhyd̄ȳdu, ruidu mah̄adu. Kaboho rubunatyhy-ò rururenkyre. Kia tahe inatxina rubuna rare.

⁹ Tahe j̄juò wadee nade, debò inatxi reurò mah̄adu-ò. Tii hyna-di ryrireri. Hynawo-ki tahe aõna aõnabina debò inatxi mah̄adu-di. Kiamy narybede: —Mana ini, Budoeni h̄awwy ini adee ariteòsinykre, h̄awwy wese wahe. ¹⁰ Deuxu Tytybytyhy wamy reare. J̄ju tahe riwadyre h̄awālònora-ò. Jerusalē h̄awā tỳmyra awityhy wadee riteòsinyre. Tii biu-ribi desemy nade. ¹¹ Deuxu loosòna-di yla aòkò. Tii tahe manawiwihik̄y wese rar̄ȳnymyh̄yre. Jaspe wese, womati wese mana wiwihik̄y wese rare. ¹² Tii ijòtòbòna irariere, waòinatxi reuròm̄y ijòtòbòna, iitxedu j̄ju tule. Ijò-ki tahe waòinatxi reuròm̄y Judeus̄y mah̄aduni wahe. ¹³ Inataò ijòtòbòna sòwe, iraro-ò, ibòò, biura-ò, beà-ò. ¹⁴ H̄awā rurawona tahe waòinatxi reurò mana tyre-ki r̄ymyh̄y. Mana sohoji sohoji-ki budoeni deòdu mah̄aduni r̄yire. ¹⁵ J̄ju wadee rybedu tebò-ki womati t̄yr̄r̄yh̄k̄y deòho-di nade idi h̄awā, h̄awā ijò, h̄awā rurawona iurihinamy. ¹⁶ H̄awā tahe iurihina wiwesele rare. Tahe 2.200 iurihixina rimyre teòho-di tuu riwinyre. ¹⁷ Rurawona raru tahe j̄ju taurihixinamy riurihixinanyre idi 64my rimyre. ¹⁸ Rurawona tahe jaspe mana-di relere. H̄awā tahe womati t̄yr̄r̄yh̄k̄y-di relere. ¹⁹ Rurawo òraru heka mana wiwihik̄y-di juhumana heka jaspe rare. Inatxina safira rare. Inataõna, agata rare. Inaubiò-wana esmeralda rare. ²⁰ Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataò reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare. ²¹ Woumanahak̄y sohoji-di heka ijò sohoji sohoji relera, 12my ijò wahe. Ryy heka womati t̄yr̄r̄yh̄k̄yhyky-di relera. ²² Tohod̄ȳna heto tahe ihoòhyyre. Deuxule dori tuu rare, Budoeni-wana. Tai ihoòre. ²³ Txuu ah̄adu-wana tai ijòòre Deuxu loosòna, budoeni loosòna dori itxuuxaranarenre. ²⁴ Bede bede mah̄adu iloosòna-di r̄yikre. Bede bede mah̄adu heka taaõna aõna wiwi-di tamy kidirahukre. ²⁵ Tahe ijò raratòbòòhykre, tai dori ruu ihoòhyyre. ²⁶ Bede bede iòlò mah̄adu heka wowydyna-di tamy kidirahukre. ²⁷ Inybina bina, iny òrarudu mah̄adu tamy ralòòtyhy, ruidu mah̄adu tule. Inyni heka Budoeni tyryiti irumy r̄ymyh̄yre mah̄adu sohojile wahe.

22 ¹ Idi j̄ju wadee riteòsinyre, iru wahid̄ȳna berohok̄y. Ibelyramy Deuxu rynana, Budoeni rynana-ribi òlòdu wahe. ² Ryrohok̄y tyadi kaa bera namyh̄yde iwyòwyò-ki iruwahid̄ȳna bederarade r̄ymyh̄y. Tii bederarade waò inatxi reuròm̄y raratynyre. Kia ta ah̄adu ah̄adu-di sohojile

raratynyre. Otxirarade tahe bede bede mahādu deytēna rare. ³Kia hāwā-ki ihetxi txuhòbina tai ijòòkre, Deuxu aō ritxuhònyōra tai. Deuxu ryanahaký itya-ki rýikre. Kia teòdu mahādu riwowydynykre. ⁴Tiiboho iòsýnyny robikre inireny iòru-ki rýikre. ⁵Tai ruu ijòòkre. Tai txuloosòna ijòòkre. Deuxu dori itxurenykre. Tiiboho tai ihyymy rýikre iwese iòlò mahāduò.

⁶⁻⁷Kia tahe ýju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taýju deòdu adee kanarybekre. Kaheka wylemy ibededýýnana kedeakre. Deuxu rarybehyy ratximyhýre týnydýýdu mahādu-ò, aòhebo bede rotýýnymyhýkremy roimyhýré. Ibutumy kia tyhydýýdu mahādu heka reysamy rýikremy rýira.

⁸Jiarý tahe Joaò rare. Rabirahe, ibutumy kia raholare. Rabimy rexihurau tahe, jiarý watiwotimyy resere ýjuko-txi. ⁹Ixityre wadee rarybere: —Iwidýýòmy hewa, Jiarý heka Jesuisi deòdu týnydýýduòle jiarý watxireri. Ibutumy Deuxu tyriti ityhydýýdu biòwa jiarý rare. Deuxule bityhynyke.

¹⁰Tahe ýju ijòmy wadee rarybere: —Aòbo teritidýýnyteri ibutumy iny-ò rybe bitýnynyke. Kia bededýýnana iòhòlemy ratxireri. ¹¹Kia bededýýnana kede-hemynykreu, aòbina bina widýýdu heka aòbinale riwinykre. Iny binabina heka, ibinamy rýikre iu. Inywiwihiký tasý awimyy rýikre iu. Kia òbitimyy rýira tahe, awityhymy relekre, òbitityhymy rýira. ¹²Boholake warybe-ò, aòwesele heka anakre. Uriòno heka adiwimyy wadi anawāhāde. Aòbo wadee aō riwinymyhýre wahe iwese aòbo riwinymy raremyhýwesemy heka araòwynykre. ¹³Jiarý heka AA jiarý rare. YY tule jiarý rare. Tyriti juhuu rare. Tyriti konana rare. Jiarý heka juhuludu rare. Ihewoludu tule jiarý rare, ibutumy wahe. ¹⁴Ibutumy tatyytyramy rýira —teysamy rýira. Tiemy teysahyyhy rare. Iru òwòru wahidýýna bederaty heka ritokre. Tule rarònyrenykre kia hāwāhāký-ò. ¹⁵Ibutumy òrarudu mahādu tule òwòru widýýdu tahe irehemy Deuxu hāwā-ribi nyimyhýde. Tule iny riribunymyhýre mahādu, tule suritxoo luunadu mahādu, tule ibutumy ruidu mahādu. Ibutumy irehemy hāwāhāký-ribi roimyhýre.

¹⁶Jesuisi heka jiarý rare. Waýju reteònyre adeereny kia aònaaòna bededýýnana relyykemy. Kaiboho heka dohodýýna heto mahādu-ò relyyrenyke. Jiarý iòlò Davi juhu rare, tule Davi riokore rare. Biurasò taina Jiarý rare, loosòna rare.

¹⁷Deuxu Tytybytyhy rarybere: —Manake! Tule hāwyymy hābumy heridu tule rarybere: —Manke! Ibutumy ijohodu tule marybeke: Jiarý, Juaò, tule rarybere: —Manake! Ibutumy iny bemy rurumyhýre mahādu tule manake irube biòke. Iòwy-di aòkò heka rare.

¹⁸Jiarý, Juaò, rarybere ibutumy iny katyriti rariamyhýre mahādu-ò. ¹⁹Iny ributunyekēki aòmybo kaki ritydýýna roiré, Deuxu tamy bededýýna binahakýò riwahinykre karitidýýna roireki. Inyò karitidýýna-ribi ritakeki, Deuxu òwòru runa ijuraò wahe heka iribi ritakre tule Hāwāhākýtyhy-ribi nadedi wahe. Tai rýire tyriti-ki.

²⁰Tule aòmybo narybede inatyhymy tule rarybekre (Jesuisi wahe): —Analekre hewa idi. Araroorehenyòtyhy. Juaò, tule rarybere: —Kie, Manake Wanyrý Jesuisi.

²¹Deuxu deysana, Inynyryý Jesuisi Kristu kia deysana ibutumy adee kanakremy watxiwahāre.

Vocabulário

ABISMO Lugar muito profundo na terra. Conforme os ensinamentos dos judeus antigos, era o lugar onde os espíritos maus ficavam presos até o castigo final.

ACORDO Deus fez com o povo de Israel um acordo (aliança, pacto, contrato): ele, o Senhor, era o Deus de Israel, e Israel era o povo do Senhor. Deus abençoava o povo de Israel, e Israel, por sua vez, obedecia a Deus. Deus fez com o seu povo um novo acordo, que foi confirmado ou selado pela morte de Jesus na cruz (Marku 14.24; Hebreu-ð 8.6-13; 10.29; 13.20).

ÁGATA Pedra semipreciosa, de várias cores.

ALABASTRO Pedra branca, pouco resistente, parecida com mármore, e empregada em trabalhos de escultura. É também usada para fazer vasos e jarros.

ALFA E ÔMEGA Alfa é a primeira letra do alfabeto grego, e ômega a última. A expressão “eu sou o Alfa e o Ômega”, que está no livro de Apocalipse, quer dizer “eu sou o Princípio e o Fim”, ou “eu sou o Primeiro e o Último” (Apocalipse 1.8; 21.6; 22.13).

ALOÉS Líquido ou suco de certa planta, com perfume muito agradável, usado como presente, remédio, e também para preparar ou perfumar os corpos para enterro.

ALPENDRE DE SALOMÃO Era uma cobertura, chamada pórtico, apoiada em grandes e lindas colunas, e ligada ao templo. Dizem que uma dessas coberturas foi construída por ordem de Salomão. Jesus passeou no alpendre de Salomão, e os apóstolos estiveram ali várias vezes (Joaão 10.23; Aõhebo Rotÿÿnyre 3.11; 5.12).

AMÉM Palavra hebraica que quer dizer “é assim”, ou “assim seja”. Pode também ser traduzida como “certamente”, “de fato”, “com certeza”. No Apocalipse é usada como um título para Cristo (Apocalipse 3.14).

AMETISTA Pedra semipreciosa, quase sempre de cor vermelha ou roxa.

APÓSTOLO Um dos doze homens que Jesus escolheu para serem seus seguidores e para ajudá-lo. Apóstolo quer dizer “mensageiro”, isto é, aquele que é mandado. É também usada no Novo Testamento para Paulo e para outros que anunciavam as Boas-Notícias a respeito de Jesus.

ARCA DO ACORDO Caixa de madeira, coberta de ouro, onde eram guardadas as duas placas de pedra em que estavam escritos os dez mandamentos. Outros objetos sagrados dos judeus também eram guardados na arca (Êxodo 25.10-22; Hebreu-ð 9.4-5).

- ARCANJO** Anjos são mensageiros celestiais enviados por Deus. Arcanjos são anjos superiores, ou anjos chefes.
- AREÓPAGO** Pequeno monte de Atenas onde se reunia o Conselho que dirigia a cidade. Por isso o próprio Conselho foi chamado Areópago, mesmo depois de não se reunir mais ali.
- ARMADURA** Roupas de metal que os guerreiros usavam para se proteger contra as armas dos inimigos. As armaduras eram de vários tipos, de acordo com as partes do corpo que cobriam.
- ARRUDA** Planta usada como remédio.
- BERILO** Pedra semipreciosa, quase sempre de cor verde, ou verde-azulado.
- BELZEBU** Nome dado ao Diabo como chefe dos espíritos maus.
- BISPO** Nome dado aos dirigentes das igrejas cristãs. Eles se dedicavam ao ensino da doutrina cristã e à pregação do Evangelho.
- CALVÁRIO** Monte onde Jesus foi crucificado, e onde também costumavam crucificar os criminosos condenados a esse tipo de morte.
- CAMINHO, CAMINHO DO SENHOR** Para os seguidores de Jesus, depois da sua ressurreição, “caminho” queria dizer a fé que os cristãos tinham em Jesus Cristo, e também a maneira de viverem de acordo com essa mesma fé.
- CAPA** Peça de roupa comprida que os judeus usavam por cima das outras roupas.
- CERIMÔNIA DA PURIFICAÇÃO** A idéia de pureza faz parte, desde os tempos antigos, da vida social e religiosa dos judeus. Havia várias coisas que podiam tornar a pessoa impura, no sentido religioso. Para poder adorar a Deus de modo aceitável a ele, era necessário que a pessoa impura se purificasse por meio de uma cerimônia especial, como mandava a Lei de Moisés (Levítico 12, 13 e 15; Números 19).
- CEVADA** Semente que serve de alimento para gente e animais.
- CIRCUNCIDAR, CIRCUNCISÃO** Ato de cortar a pele, chamada prepúcio, do órgão sexual dos meninos judeus, como cerimônia religiosa. Outros povos antigos também praticavam a circuncisão.
- COMINHO** Pequena planta de jardim, cujas sementes servem para temperar certos alimentos.
- CONSELHO SUPERIOR** Era formado por um grupo de 71 líderes religiosos dos judeus. Este Conselho também funcionava como Supremo Tribunal em casos de julgamento.
- CONVERSÃO, CONVERTER-SE** Mudança de vida. Transformação de uma pessoa quando aceita Jesus como seu único Salvador.
- CRISÓLITO** Também chamado crisolita ou crisólita. Nome dado a várias pedras preciosas amarelas ou esverdeadas.
- CRISÓPRASO** Um tipo de pedra semipreciosa, verde-clara com veios amarelos.
- DEZ CIDADES** Grupo de dez cidades com habitantes não-judeus. Muitas destas cidades estavam perto do lago da Galiléia.
- DIA DE PREPARAÇÃO** O sexto dia da semana no qual os judeus faziam os preparativos mandados pela Lei de Moisés para respeitarem o sábado, que era o dia sagrado de descanso dos judeus.

- DIÁCONO, DIACONISA** Nome dado às pessoas que ajudavam nos trabalhos de administração das igrejas, e cuidavam dos pobres, das viúvas e dos necessitados em geral. Também se dedicavam à pregação e ao ensino da doutrina cristã.
- DORCAS** Em grego o nome Dorcas quer dizer gazela, o mesmo que Tabita quer dizer em hebraico.
- EPICUREUS** Nome de uma seita filosófica muito comum na Grécia e em Roma. O nome epicureu vem de Epicuro, grande filósofo da Antigüidade. Alguns membros desta seita discutiram com o apóstolo Paulo em Atenas (Aôhebo Rotÿÿnyre 17.18-20).
- ESCRITURAS, ESCRITURAS SAGRADAS** Nomes dados ao conjunto de livros religiosos dos judeus. Estes livros são conhecidos entre nós pelo nome de Antigo Testamento.
- ESTÓICOS** Nome de uma seita de filósofos. Alguns deles discutiram com o apóstolo Paulo em Atenas (Aôhebo Rotÿÿnyre 17.18).
- EUNUCO** Eunucos, no Oriente, eram homens tornados incapazes de ter relações sexuais. Eram guardas e até dirigentes da vida íntima dos palácios. Muitos deles chegaram a altas posições junto dos reis.
- EVANGELHO** Evangelho, Boas-Novas, Boas-Notícias, é a mensagem de salvação anunciada por Cristo e seus apóstolos.
- FARISEU** Membro de uma seita ou grupo importante dos judeus. Eram pessoas que seguiam rigorosamente a Lei de Moisés, as tradições e os costumes dos antepassados. Acreditavam na ressurreição e na existência de seres celestiais. Os fariseus combatiam os saduceus.
- FESTA DA DEDICAÇÃO** Festa dos judeus que durava oito dias. Nesta festa era comemorada a reconstrução e a inauguração do altar do templo pelos judeus patriotas do grupo de Judas Macabeu, no ano 165 antes de Cristo.
- FESTA DA PÁSCOA, OU PÁSCOA** Festa dos judeus, no. 14.º dia do mês de Nisan (1.º de abril), quando comemoravam a libertação dos antigos hebreus da escravidão do Egito.
- FESTA DOS PÃES SEM FERMENTO** Festa dos judeus que começava na Páscoa e durava sete dias. Nela eles comemoravam também a sua libertação da escravidão do Egito. A festa recebeu esse nome porque durante aquela semana, só faziam pão sem fermento (Êxodo 12.14-20).
- FESTA DA PURIFICAÇÃO** Todo ano havia um dia de humilhação e purificação dos pecados nacionais, quando o chefe dos sacerdotes oferecia os sacrifícios de animais pelos pecados do povo (Levítico 16.29-34; Números 29.7-11). A festa era celebrada no começo do inverno, e nessa época as viagens por mar eram perigosas (veja Aôhebo Rotÿÿnyre 27.9).
- FESTA DOS TABERNÁCULOS** Festa dos judeus que durava oito dias. No tempo do Novo Testamento faziam essa festa para lembrar os antigos judeus que tinham morado em tendas na sua viagem pelo deserto.
- FILHO DE DAVI** Título ou nome que os judeus usavam para o Messias que eles esperavam como descendente de Davi, e que viria para ficar no lugar dele.

- FILHO DO HOMEM** Título que Jesus usava para si mesmo como escolhido por Deus para ser o Salvador (Marku 10.45). Quando usado por Jesus, este título se refere tanto à sua condição humilde (Marku 8.31; Luka 9.58), como à sua futura glória (Mateu 25.31; Marku 8.38).
- GOGUE E MAGOGUE** No livro de Ezequiel (capítulo 38 e 39) aparece Gogue, o rei de Magogue, que lutará contra o povo de Israel. No livro do Apocalipse 20.7-9 os nomes Gogue e Magogue representam os inimigos de Deus que lutarão contra o povo de Deus na batalha final.
- GRAÇA** A palavra graça tem vários sentidos: quer dizer favor que se recebe ou que se faz a alguém; às vezes quer dizer também agradecimento por alguma coisa ou bênção recebida. A própria bênção que alguém recebe pode ser entendida como uma graça. Nas cartas do apóstolo Paulo, graça geralmente significa a soma das bênçãos que o homem recebe de Deus por meio de Jesus Cristo.
- GRANDE SACERDOTE** Sacerdote que ocupava o mais alto posto entre os sacerdotes dos judeus, e era Presidente do Conselho Superior. Uma vez por ano, no Dia da Purificação dos Pecados, o grande sacerdote entrava na parte mais santa do templo e oferecia sacrifício de animais por si mesmo e pelos pecados do povo de Israel.
- HISSOPO** Planta usada nas cerimônias de purificação.
- IMPURO** Conforme a lei de Moisés, alguém podia tornar-se impuro no sentido moral ou ritual. Isto acontecia nos seguintes casos: comer algum alimento proibido, estar com lepra, tocar em mortos ou túmulos, ter espírito mau, e por outros motivos.
- INCIRCUNCIDADO** Circuncisão era o ato de cortar a pele, chamada prepúcio, do órgão sexual dos meninos judeus, como cerimônia religiosa. Incircuncidado era o menino ou homem que não havia sofrido esta operação. A palavra incircuncidado às vezes tinha um sentido espiritual.
- JACINTO** Pedra preciosa, geralmente de cor alaranjada.
- JASPE** Um tipo de pedra preciosa de várias cores, geralmente marrom ou vermelha, mas também amarela, verde ou branca.
- LEVITA** Membro da tribo de Levi, que era a tribo dos sacerdotes israelites. Eles ajudavam nos serviços do templo (Números 3.1-13).
- MANÁ** Alimento dos israelitas durante os quarenta anos que passaram no deserto. Era como uma semente pequena e muito branca (Êxodo 16.14-21; Números 11.7-9).
- MANJEDOURA** Lugar onde se põe comida para o gado e animais em geral. Nos sítios e fazendas chamam de cocho.
- MESSIAS** Salvador prometido no Antigo Testamento. “Messias” é o mesmo que “Cristo”.
- MIRRA** Líquido ou suco de certa planta com perfume muito agradável, usado como presente, remédio, e também para preparar ou perfumar os corpos para os enterros.
- NARDO** Planta que serve para fazer um perfume muito caro.
- NICOLAÍTAS** Nome de um grupo de pessoas das igrejas das cidades de Éfeso e de Pérgamo. Os partidários desta seita seguiam as doutrinas

pagãs daquele tempo (Apocalipse 2.6, 14-15). Essas doutrinas eram contrárias aos ensinamentos dos apóstolos.

PARAÍSO Outro nome para o céu, morada de Deus e dos remidos (Luka 23.43; 2 Oritxi-ò 12.3).

PATRIARCA Nome que se dá ao chefe de uma raça. São chamados de “patriarcas” os antepassados dos judeus, como por exemplo Abraão, Isaque, Jacó e José. Foi com os patriarcas que Deus fez o seu acordo, pelo qual ele seria o Deus deles, e eles seriam o seu povo.

PENTECOSTES, DIA DE PENTECOSTES Festa israelita, da colheita do trigo, no sexto dia do mês chamado Sivan (20 de maio).

PRESBÍTERO Nome dado aos dirigentes das igrejas cristãs. Eles se dedicavam ao ensino da doutrina cristã e à pregação do Evangelho.

PROFETA, PROFÉTICO, PROFETIZAR Profeta é quem anuncia a mensagem de Deus aos homens. Em geral a palavra é usada para os profetas do Antigo Testamento (Mateu 5.12, 17; 13.17), a respeito de Isaías (Mateu 3.3), Jeremias (Mateu 2.17), Jonas (Mateu 12.39), Daniel (Mateu 24.15), e Joel (Aõhebo Rotÿÿnyre 2.16). A palavra se refere também aos profetas da Igreja, no Novo Testamento (Aõhebo Rotÿÿnyre 13.1; 1 Oritxi-ò 12.28-29; Efesu-ò 4.11). A palavra é usada também para João Batista (Mateu 11.9; 14.5; Luka 1.76) e para Jesus (Mateu 21.11, 46; Luka 7.16; 24.19; João 9.17).

O PROFETA É aquele que foi prometido por Moisés (Deuteronomio 18.15, 18). Às vezes parece indicar aquele que deveria anunciar a vinda do Messias. Outras vezes parece significar o próprio Messias.

PURIFICAÇÃO, PURIFICAR Veja cerimônia da Purificação.

QUERUBIM Em cima da tampa da arca do acordo havia dois querubins de madeira coberta de ouro. Eles tinham asas, e forma de animal e de gente (veja arca do acordo e 1 Reis 6.23-28)

RAINHA DO SUL É a rainha de Sabá, que veio de longe para ouvir as palavras de sabedoria do rei Salomão. A visita desta rainha é contada em 1 Reis, capítulo 10.

SACRIFÍCIO Os judeus, especialmente no Antigo Testamento, costumavam oferecer animais a Deus, em sacrifício. Estes animais eram mortos como a Lei mandava fazer, de acordo com a cerimônia ritual de cada época. Ofereciam também cereais, o produto da colheita. Uma parte destes cereais era queimada no altar, e a outra ficava para os sacerdotes. Estas ofertas ou sacrifícios eram feitos pelos pecados de pessoas, grupos, ou do próprio povo. A crucificação de Jesus é o sacrifício do Filho de Deus para a salvação da humanidade.

SADUCEUS Era um grupo pequeno de homens em geral educados, ricos, e da alta posição social entre os sacerdotes da época. Baseavam suas crenças nos primeiros cinco livros do Antigo Testamento. Negavam a ressurreição, o juízo final, e a existência de anjos e espíritos. Os saduceus combatiam os fariseus.

SAFIRA Pedra preciosa, geralmente de cor azul.

SAMARITANO Pessoa nascida em Samaria, região que ficava entre a Judéia e a Galiléia. Havia muito ódio entre os judeus e os samaritanos por causa das diferenças de raça de sistema político, costumes e religião.

SANTÍSSIMO LUGAR O lugar no templo onde ficava a arca do acordo, e onde o Grande Sacerdote só entrava uma vez por ano. Era considerado a parte mais sagrada do templo.

SANTO LUGAR A parte do templo também chamado santuário. Ficava ao lado do Santíssimo Lugar. No Santo Lugar os sacerdotes ofereciam incenso todos os dias.

SÁRDIO Nome de uma pedra preciosa, que pode ser vermelha, transparente ou não.

SARDÔNIA Pedra preciosa, alaranjada ou vermelha.

TÊNDA Nome de um tipo de barraca geralmente usada como casa pelos pastores, pelas tribos que não tinham lugar certo para morar, e também pelos soldados.

TOPÁZIO Pedra preciosa, de cor amarela.

TRIBO Conjunto de descendentes de cada um dos doze patriarcas do povo hebreu. Cada um dos agrupamentos em que estavam divididos alguns povos da Antigüidade.

TÚNICA Peça de roupa, tipo de camisola, que os judeus usavam por baixo da capa.

VIDEIRA Planta que produz uvas.

Índice dos nomes do Novo Testamento adaptados do português

português = karajá

A

Abadom = Abadu
Abel = Abeli
Abias = Abia
Abiatar = Abiata
Abilene = Abileni
Abiúde = Abiude
Abraão = Abraõ
Acaico = Akaio
Acaz = Aka
Adão = Adaõ
Adramítio = Adrỹmitxi
Ágabo = Abusi
Agar = Haari
ágata = agata
Alexandria = Alexỹdria
Alfeu = Afeu
Amom = Amo
Amós = Amos
Amplíato = Ampliato
Ananias = Anania
Anás = Anasi
André = Andre
Andrônico = Adroniko
Anfípolis = Afipoli
Apeles = Apele
Ápio = Apio
Apolião = Apoliõ
Apolo = Apòlo
Apolônia = Apòlonia
Áquila = Akila
Aquim = Aki
Arábia = Arabia

português = karajá

Arão = Araõ
Areópago = Areòpolo
Arimatéia = Arimatea
Aristóbulo = Aristabulo
Armagedom = Mikidu
Arni = Arini
Arquelau = Akelau
Arquipo = Arikipu
Ártemas = Atema
Aser = Asser
Ásia = Asia
Asíncrito = Asincrito
Assôs = Aso
Atália = Atalia
Atenas = Atena
Azor = Azo
Azoto = Asoto

B

Baal = Bali
Babilônia = Babilonia
Balaão = Balaaõ
Balaque = Balake
Baraque = Barake
Baraquias = Barakia
Barjesus = Bajesuisi
Barnabé = Bababe
Barrabás = Baraba
Barsabás = Basaba
Bartimeu = Batimeu
Belém = Belẽ
Belzebu = Belisibu
Benjamim = Benjami

português = karajá

Beor = Beoro
 Beréia = Bereia
 Berenice = Benise
 Betânia = Betÿnia
 Betesda = Beteta
 Betfagé = Betabaji
 Betsaida = Besaida
 Bitínia = Bitinia
 Blasto = Blastu
 Boanerges = Boaneji
 Boas Notícias = Rybewihikÿ
 Boaz = Boasi

C

Cafarnaum = Kafanaõ
 Caifás = Kaifa
 Caim = Kaĩ
 Cainã = Aina
 Caldéia = Kadeu
 Calvário = Kalvariu
 Cana = Kana
 Canaã = Kanaã
 Candace = Kanasi
 Capadócia = Kapadosia
 Carpo = Karpu
 Cauda = Lauda
 Cefas = Sefa
 Cencréia = Sekrea
 Chipre = Xibri
 Cilícia = Silisia
 Cirene = Sireni
 Cláudia = Laujia
 Claudio = Laujiu
 Clemente = Lemetxi
 Cleopas = Kleopa
 Cloe = Lõe
 Cnido = Kinidu
 Corazim = Korasĩ
 Corazim = Orasi
 Corban = Korbÿ
 Cordeiro = Budoeni
 Corinto = Oritxi
 Cornélio = Oreniliu
 Cós = Kosi
 Crecente = Kresetxi
 Creta = Kreta

português = karajá

Crisólito = Trisolito
 Crisópraso = Crisoprazo
 Crispo = Krispu
 Cristo = Kristu
 Cusa = Kusa

D

Dalmácia = Dalimasia
 Dalmanuta = Damanuta
 Damáris = Damari
 Damasco = Damasu
 Daniel = Danieli
 Daví = Davi
 Demas = Dema
 Derbe = Debi
 Demétrio = Dimitiu
 Deus = Deuxu
 Dionísio = Dionisiu
 Domingo = Nobitxu

E

Éber = Eber
 Efatá = Ebata
 Éfeso = Efesu
 Efraim = Efraĩ
 Elamadão = Elmadaõ
 Elão = Elaõ
 Eliaquim = Eliaki
 Elias = Eliasi
 Eliazar = Eliaza
 Elimas = Elimasi
 Emanuel = Emanueli
 Emaús = Emau
 Emor = Emo
 Enéias = Enia
 Enom = Eno
 Enoque = Enoi
 Enos = Enosi
 Epafra = Epafa
 Epafrodito = Epafroditu
 Epêneto = Epenetu
 epicureus = epikuriu
 Esaú = Ijau
 Esrom = Esraõ
 Espírito Santo = Tytytybytyhy
 Esrom = Esraõ

português = karajá

Estáquis = Estaki
 Estéfanas = Tefana
 Estêvão = Estevão
 estóicos = estóiku
 Etiópia = Etiopia
 Êubulo = Ubulu
 Eufrates = Eufratesi
 Eunice = Eunisi
 eunuco = eunuku
 Euódia = Eòdia
 Ezequias = Ezekia

F

Faleque = Faleki
 Fanuel = Fanueli
 Faraó = Faraò
 fariseus = fariseu
 Febe = Fibi
 Felix = Feli
 Fenícia = Senisia
 Fígelo = Fikelu
 Filadélfia = Filadelfia
 Filemom = Filemo
 Fileto = Filetu
 Filipe = Filipi
 Filipos = Filiposi
 Filólogo = Filologo
 Fortunato = Fortunatu
 Frígia Galácia = Frigia Kalasia

G

Gabatá = Kabata
 Gabriel = Gabrieli
 Gadara = Kadara
 Gaio = Kaio
 Gálatas = Alatxia
 Galiléia = Kalileia
 Gálíio = Kalio
 Gamaliel = Kamalie
 Gaza = Gasa
 Genesaré = Kenesare
 Gerasa = Kerase
 Getsêmani = Kesemani
 Gideão = Kideō
 Gólgota = Kòkòta
 Gomorra = Komora

português = karajá

H

Harã = Harã
 hebraico = hebraika
 Hebreus = Hebreu
 Hermógenes = Ermojini
 Herodes = Herodi
 Herodião = Herodiaō
 Herodias = Herodia
 Hierápolis = Ieryopoli
 Himeneu = Imineu

I

Icônio = Ionio
 Iduméia = Idumeia
 Isabel = Isabeli
 Isaías = Isaia
 Iscariotes = Isariò
 Israel = Israeli

J

jacinto = jasinto
 Jacó = Ijaò
 Jairo = Ijairu
 Jambres = Ijãbri
 Jarete = Jarete
 Jasão = Ijasō
 Jeconias = Jekonia
 Jefté = Ijete
 Jeremias = Jeremia
 Jerikó = Ijeriò
 Jerusalém = Jerusalẽ
 Jesse = Ijese
 Jesus = Jesuisi
 João = Joaō
 Joel = Joeli
 Jonas = Jonasi
 Jorão = Joraō
 Jordão = Jordaō
 Jope = Jòpe
 Josafá = Josafa
 José = Jyje
 Josias = Josia
 Josué = Josue
 Jotão = Ijòtaō
 Judá = Juda

português = karajá

Judas = Judasi
 Judéia = Judeia
 judeu = judeu
 Júlia = Julia
 Júlio = Julio
 Júnias = Junia
 Juraõ = Juraõ
 Justo = Justu

L

Lameque = Lamei
 Laodicéia = Laodiceia
 Lazaru = Lazaru
 Lemá = Lema
 levitas = levita
 Líbia = Libia
 Licaônia = Laonia
 Lídia = Lidia
 Líode = Liode
 Lisânias = Lisýnia
 Lô = Lòò
 Lúcio = Lusi

M

Macedônia = Macedonia
 Malqui = Maki
 Manaém = Manaĩ
 Manassés = Manase
 Mar da Galiléia = Kalileia aho
 Mar Mediterrâneo = Bedetya Aho
 Mar morto = Rubu aho
 Marcos = Marku
 Maria = Marie
 Mateus = Mateu
 Matias = Matxia
 Mediterrâneo = Adria
 Meleá = Melea
 Melqui = Meki
 Melquisedeque = Xideki
 Menasom = Menasõ
 Mesopotâmia = Mesopotamia
 Messias = Mesia
 Metusalém = Metusalē
 Meu Pai = Waha
 Miguel = Mieli
 Mileto = Miletu

português = karajá

Mirra = Miha
 Mísia = Misia
 Moisés = Moisesi
 Moloque = Mòlòki
 Monte Carmelo = Carmelo
 Hāwālò
 Monte Hermom = Hermo Hāwālò

N

Naamã = Naamy
 Nacionalista = Zelòte
 Nacor = Nakò
 Naftali = Natali
 Naim = Naĩ
 Nasom = Nasaõ
 Natanael = Natanaeli
 Naum = Naum
 Nazaré = Nazare
 Neápolis = Niapoli
 Negro = Nike
 Neri = Neri
 Nicolaítas = Nikolaita
 Nicolau = Niolau
 Nicópolis = Niòpòli
 Nikanor = Nikanu
 Nikodemos = Nikodema
 Nínive = Ninive
 Noé = Noe

O

Olimpa = Olimpu
 Olimpás = Olimpa
 Onesíforo = Onisiru
 Onésimo = Onesimo
 Onesíforo = Onisiru
 Oséias = Osea

P

Peréia = Perea

Q

Quis = Kixi

R

Ragaú = Raau
 Raquel = Rakeli

português = karajá

Rebeca = Rebeka
 Renfã = Renifa
 Riacho Cedrom = Cedrõbeà
 Roboão = Roaboaõ
 Rodes = Rodesi

S

Sabado = Sabadu
 saduceus = saduseu
 Saduque = Sadõki
 Salatiel = Salatieli
 Salém = Salē
 Salmon = Salmaõ
 Salomão = Salomaõ
 Salomé = Salome
 Salim = Salī
 salvação = Biu-ò Hena
 Samos = Samosi
 Samotrácia = Samotrasia
 Samuel = Samueli
 Sansão = Sansaõ
 Sardes = Sardesi
 Sárdio = Sardio
 Sarepta = Sareta
 Satanás = Satanasi
 Saulo = Salu
 Selêucia = Selusia
 Senhor = Inynyrỹ
 Sérgio Paulo = Sergio Paulo
 Seruque = Serui
 Sião = Siaõ
 Sicar = Sika
 Sidom = Sidõ
 Silas = Sila
 Siloé = Silòe
 Simão = Simaõ
 Simeão = Simeaõ
 Sinagoga de homens livres =
 Ixihyle mahãdu
 Síntique = Sintxiki

português = karajá

Siquém = Sikenī
 Síria = Siria
 siro-fenícia = siru-senisia
 Sópatro = Sopatu
 Sosípatro = Sosipatu
 Sóstenes = Sòteni

T

Tamar = Tamara
 Teófilo = Teòfilo
 Tércio = Tercio
 Tértulo = Tertuliu
 Tessalônica = Tesalonia
 Tessalonicenses = Tesalonia
 Teudas = Teudani
 Tiago = Txiau
 Tiatira = Txiatxira
 Tibério = Tiberiò
 Tício o Justo = Txisiu Justo
 Timom = Timaõ
 Timóteo = Tximòtxi
 Tirano = Txirano
 Tíquico = Txitxiò
 Tito = Txitu
 Tolimaida = Tolimaida
 Tomé = Tome
 topázio = topazio
 Traconites = Traconite
 Trôade = Troaji
 Trófimo = Trofimo

U

Urbano = Urbano
 Urias = Uria
 Uzias = Uzia

Z

Zacarias = Zacaria
 Zenas = Zena
 Zorobabel = Zorobabe